

9210

Rogia 2 sono

4
105



*

NOVÆ,
VERÆQUE
MEDICINÆ,
EXPERIMENTIS,
ET EVIDENTIBUS RATIONIBUS
COMPROBATAE,
PER GOMETIUM PEREYRAM,
MEDICUM METHYMNAE DUELLI,
qua Hispanorum nomine Medina del
Campo nominatur.

NUNC SECUNDUM IN LUCEM EDITA.

QUÆ IN HOC VOLUMINE TRACTANTUR,
Elenchus veræ paginæ docebit.

TOMUS SECUNDUS.



CUM LICENTIA.

MATRITI: Ex Typographia ANTONII MARIN, anno MDCCXLIX.

X

NOVA
VERAE
MEDICINA
EXPERIMENTIS
ET EVIDENTIIS RATIONIBUS
COMPROBATA
PER GOMELTUM PFEREYRAM
MEDICUM METHYNE DUELLI
dr. Hippocratis nomine Medicus de
Cimbrianissimis
NUC SECUNDUM IN LUCEM EDITA
GAVE IN HOC VOLUMINE TRACTANTUR
Hedegasse Verge paginae doccepit.
TOMUS SECUNDUS.



CUM LICENIA

MATRI: Ex Typographis Antonii Marinii anno MDCCXVII

INDEX CAPITULORUM.

- CAP. I. In quo antiquorum Medicorum decreta de febris essentia exarantur , pag. 1.
- Cap.II. In quo evidentissimis argumentis probatur calorem febrilem non distinguere à naturali calore , specie , sed tantum , quod intensior sit , quām foret , si occasio febris abesset , pag. 3.
- Cap.III. In quo id , quod in antecedente probandum promittitur dilucidè ostenditur , pag. 4.
- Cap.IV. In quo probatur calorem febrilem diariarum non posse oriri à causis , quas Galenus scripsit , ut tam Græci , quām Latini , & Arabes Galenum sequentes hujusque opinati sunt , p. 15.
- Cap.V. In quo evidentissimis rationibus probatur febrilem calorem diariarum non indē oriri , undē Galenus est opinatus , pag. 22.
- Cap.VI. Futilis esse causas , quas Galenus febrilem putridarum esse putavit , hic probatur , illius decretis prius ductis , pag. 28.
- Cap.VII. In quo modus hucusque ignotus , per quem febres fiunt ostenditur , pag. 50.
- Cap.VIII. In quo solvuntur dubia , quae sequi videntur ad causas febrilem à nobis præmeditatas , pag. 54.
- Cap.IX. In quo ex quadam Hippocr. sententia facile elicetur aberrasse Galenum in reddendo causam rigorū febrilem , & ipsarum febrilem , pag. 63.
- Cap.X. In quo unde contingant febres unius tantum diei , quas ephemeras dicunt , & plurimum dierum , quas putridas , & hæcicas nominant , explicatur , p. 65.
- Cap.XI. In quo redditur causa præcisè durationis viginti & quatuor horarum febrilem ephemeralium , & diurnioris intermittentium , undēque intermissione in febribus contingit ostenditur , p. 67.
- Cap.XII. In quo argumenta quædam contra causas à nobis assignatas de febrilem circuitibus proponuntur , ac solvuntur , pag. 71.
- Cap.XIII. In quo causa assignatur cur aliquæ febres per nonnullos dies uniformiter infestent , quæ continentur , & aliæ incessanter affligen tes in certis diebus augentur , p. 74.
- Cap.XIV. In quo argumenta , contra Galenū , ducta contra nostram sententiam , minimè procedere ostenditur , ubi quoque causa redditur cur bruta non febriant , pag. 76.
- Cap.XV. In quo fusè exprimuntur nonnulla , quæ ex nostris assertis de febrilem essentia sequuntur , objectionibusque quibusdam respondetur . Veraque causa cur febrientes moriantur , explicatur , pag. 78.
- Cap.XVI. In quo essentia , & causæ febrilem hæticarum opinata à Galeno improbantur , ducto contextu libri de Inæquali intemperie , & falsis ejus dogmatibus improbatis , pag. 84.
- Cap.XVII. In quo , quædam falsa Hugo nis Senensis opinio , de febribus hæticis , increpatur , pag. 96.
- Cap.XVIII. In quo febrilem diariarum signa exarantur , pag. 163.
- Cap.XIX. In quo indicia ephemerae febris , provenientis ex tristitia , immodicis curis , vigiliis , & ira , ex 2. cap. prim. de Arte curativa ad Glauconem exarantur , pag. 169.
- Cap.XX. De medela febrilem diariarum ortum trahentium à tristitia , immodicis curis , vigiliis , & ira , pag. 171.
- Cap.XXI. Dieta communis omnibus dia riis febribus , pag. 174.
- Cap.XXII. De medela diariarum febrilem orientum à cutis densitate , ibid.
- Cap.XXIII. De signis febrilem orientum ab inguinum inflammatione , & ejusdem medela , pag. 175.
- Cap.XXIII. De signis , & medela diaria rum febrilem orientum à cruditate ventriculi , & sibi contradicens Galenus concors fit , pag. 177.
- Cap.XXIV. Signorum , & medelæ dia riarum febrilem ex lassitudine orientum , pag. 179.
- Cap.XXV. Signorum febrilem provenientium ex immodeo solis ardore , p. 181.
- Cap.XXVI. An transitus febris diaria in putridam , ut hucusque opinabatur , fiat , examen , etiam qualiter deinceps febres , quæ putridæ dicebantur , vocan dae erunt , neque non quod homen hec ticae sortientur , pag. 183.
- Cap.XXVII. Horroris , & rigoris esse , & causæ , in his , quæ in hoc capite scribuntur , experimentur . Undē tremoris quoque essentia nota evader , & Galeni errata in hoc negotio explicabuntur , pag. 184.
- Cap.XXVIII. De coctione , ac putrefactione , pag. 207.
- Cap.XXIX. In quo tempore febrilem explicantur , pag. 215.
- Cap.XXX. De medela febrilem generica , p. 216.

- Cap.XXI. De medela minus quam praecedens generica febrium plurium diem, pag.234.
 Cap.XXII. De ratione victus observanda à febribus, pag.242.
 Cap.XXIII. De potu febribus exhibendo, pag.254.
 Cap.XXIV. De biliosis febribus, p.259.
 Cap.XXV. De signis febrium occasionem ab exacta bili trahentium, pagina 260.
 Cap.XXVI. De medela febris intermittentis ab exacta bile ortum trahentis, pag.264.
 Cap.XXVII. De febribus continuis ab exquisita bili ortum trahentibus, pag. 273.
 Cap.XXVIII. De medela febrium continuarum ab exquisita bili ortum trahentium, pag.275.
 Cap.XXIX. De esse, & signis causis febribus, pag.282.
 Cap.XL. De medela causis febribus , p.284.
 Cap.XLI. De esse signis febrium provenientium à bili notha , in quo nonnulli errores de bilis coloribus deteguntur, pag.294.
 Cap.XLII. De signis febrium orientium à notha bili , pag.301.
 Cap.XLIII. De medela tertianæ nothæ intermittentis , pag.304.
 Cap.XLIV. De medela duarum tertianarum, seu duplicis tertianæ (yanam namque existimo esse distinctionem inter has voces, duplex tertiana, & duæ tertianæ) intermittentis à notha bili originem trahentis , pag.311.
 Cap.XLV. De nocturnis, ac diurnis febribus, pag.314.
 Cap.XLVI. De medela diurnæ, ac nocturnæ febribus , pag.316.
 Cap.XLVII. De medela febrium continuarum à notha cholera orientium, pag.317.
 Cap.XLVIII. De gravi sopore cataphora à Græcis dictus , pag.319.
 Cap.XLIX. De phrenitide, & paraphrenitide , in quo etiam non esse inflammationem cerebri , neque ejusdem membranarum phrenitidem probatur, pag.329.
 Cap.L. Breve de medela phrenitidis,pag. 334.
 Cap.LI. De vigili comate, quod subet

- Afahari Avicena vocavit , Paulus autem cathocum nominavit, pag.338.
 Cap.LII. In quo inquiritur an febres merae pituitofæ nonnunquam contingant, pag.340.
 Cap.LIII. De hepiala , & lypiria febribus, pag.345.
 Cap.LIV. De febribus à melancholia exorientibus, & signis carumdem,pag. 347.
 Cap.LV. De signis quartanae, pag 359.
 Cap.LVI. De medela febrium à melancholia orientium , quæ sèpissimè per quartos dies accidunt, ideoque de quartanae medela nuncupatum , pag.360.
 Cap. LVII. De vera medela quartanae simplicis intermittentis in methodos curativas per victus rationem, ut aliarum febrium distincta , pag.367.
 Cap.LVIII. De methodis observandis cum quartanae pharmacis, aut venæ sectione medemur , pag.371.
 Cap.LIX. De febribus à sanguine orientibus , quas sinochos , ac sinochas , & continentes Medici vocant, pag.378.
 Cap.LX. De signis febrium à sanguine multo , aut putrido provenientium: quas continentes , seu sinochas Græci vocant , pag.388.
 Cap.LXI. De medela febrium à sanguine originem ducentium , pag.392.
 Cap.LXII. De febribus , quas Galenus, & reliqui Medici hecicas vocarunt , nos autem habituales , aut potius tabidas nominamus , pag.400.
 Cap.LXIII. De lignis hecicæ febribus,pag. 405.
 Cap.LXIV. De medela febrium habituallium , pag.411.
 Cap.LXV. De febribus compositis hemitritæis nominatis , quæ an tales sint, quales à Galeno , & aliis Medicis esse finguntur , aut non, in præsenti capite examinabimus , pag.418.
 Cap. LXVI. De febribus pestilentibus, pag.424.
 Cap.LXVII. De signis pestilentium febrium , pag.434.
 Cap.LXVIII. De medela febris pestilentialis , pag.437.
 Cap.LXIX. De Morbillo , & Variolis, pag.443.
 Cap.LXX. De signis , & medela variolarum , & morbilli , pag.447.

AD LECTOREM.

TSI intelligam, candide Lector, quām ardua, ac difficultia sint, quae mo-
lior, & intrepidè aggredior, non tantum condendo opera, in qui-
bus Aristotelis, & Galeni adeò probatorum à tot sæculis Authorum
decreta refringuntur, confutantur, ac dedocentur: verum contem-
nendo, & post habendo doctrinas, quae nunc sunt in pretio, & qua-
rum præcipuam curam omnes, qui nunc discunt, habent, ut eas, quae veræ sunt scientiæ,
legentium lucubrationes nostras mentibus inferam: non tamen ob has diffi-
cultates moror, tardor, aut ab incoëptis desisto. Sum enim adeò captus effræno
quodam amore docendæ veritatis, & hujus superstitionis extirpandæ ab universæ
Europæ Scholis, jam annos fermè retrò quinquaginta in Professores scientiarum
sub repentis, & jam nunc publicè grassantis, ut de me verè dici illud Ovidianum
valeat. Nec capiunt inclusas pectora flamas. Neque est cur quis hos nostros cona-
tus miretur, maximè hunc, de quo postremo agebam, quin potius majore admiratione
digni sunt illi, qui profitentes, ut voce inquiunt Dialecticam, Physicam, &
Theologicam, & Medicam Facultatem harum, quarum se Professores esse falso af-
firmant, curam nullam habent, ut tantum voculæ cujusdam Latinæ, Græcæ, aut
Hebraicæ significatum, originem, accentum, orthographiam ad unguem calleant: id
que præcipue sit eis cordi, ut loquendo, scribendo, orando summam laudem quod
Latinissimi, Græcissimi, aut Hebraicissimi sint, obtineant, aliis jam Chaldæissimos,
& Arabicissimos esse insuadentibus: scientias, quas dixi, nec labiis degustando, qua-
si futuri sint ipsi, aliquorum, qui orbem peragraturi sunt, & in relatas barbaras
gentes transgressuri Interpretes, & quod Hispane dicitur *Farautes*. Porro Erasmus
ille horum sectæ primus, ac maximus Hæresiarcha, qui ut infelix ingenium ad cal-
lendas speculativas facultates sortitus est, sic augustum ad humanitatis professio-
nes, quia immodicè incumbentes Medicos, & Thelogos illius temporis sophis-
mati, & calculationibus invenit, libros complures satis elegantes, ac cachinnis ple-
nos, innumeræ invectivas in sophismatum, & calculationum Doctores, includen-
tes composituit, ac per orbem dispersit, quibus inumeros suæ sortis homines, rati
enim sunt, qui ardua, ac insulsa logices, & speculativæ physices callere possint,
ad humanarum doctrinarum lectionem, non dissimili Mahumetæ, & Lutheri astu
allexit, & haud invitatos traxit. Inter enim selectissimam adhuc juventutem pauci
reperiunt queunt, quibus si vita defes, & amoenitate plena, simulque laboriosa, ac
ærumnis scatens coram præsentetur, non præferant desidiosam laboriosæ: præser-
tim si persuasum habeant, labores infrugiferos, ac cassos esse. Et cum Orator adeò
illustri Erasmus fuerit, ut nullis fermè præteriti sæculi se cedere citra insolentiam
dicere possit, innumera proba jaciendo in eos, qui operam dabant speculativis
facultatibus, Thelogis consulebat Chrysostomum, Cyrillum, Hieronymum, in-
numerousque alios Sacros Doctores legerent, & Thomas, Scotos, Olzanes, Capreolos,
Durangos, Gregorios Ariminenses, ac Gandavos, & ceteram Scholasticorum
Doctorum classem contemnerent, innixe asseverans parum conducere ad Christianam
pietatem scire, quid relationes, prioritates, essentiæ, quidditates, inceptiones,
desitiones, ac alia innumera sint: inscius quod cum hæc non nisi magno cum la-
bore, & frequenti meditatione ab intellectu concipientur, agilis, acris, & illustris,
tam ad faciliora, quam difficiliora callendum mens ipsa reddatur: non aliter ei-
dem per illorum cognitionem contingendo, quam corpori assuefacto cum ferreis
compedibus salere, currere, & ambulare, quod sine relato impedimento recensita
munia agilis evadens exercet promptissimè. Vocabatque speculationem sophisti-
cam artem, & humanitatem, quam ipse suadebat, bonas literas nominabat: cum
potius meras literas vacaturus illam erat. Nam libri illius ansam plurimis exhi-
bue-

buerunt , ut Sacrarum Scripturarum contextus per ipsos conspurcarentur , ac defädarentur , puris literis tantum animadversis , quod defecerit iis acris illa ingenii , usū speculationis obtentavis , quæ ardua quæque æquare , & exponere valet . Alio- que prætextu Dialecticam , & Physicam in totum extinxit , objiciendo nonnullis Expositoribus Magistri Sententiarum nihil ipsos decreta illius explicare curasse , sed quod absolvendo negotium de infinito , de compatibilitate primarum qualitatum , de propositione per se nota , de subiecto , & passione , & infinitis aliis rebus ad prædictas Facultates attinentibus , tempus , & chartas consumplerint : vitio relatis Scriptoriis dando , quòd cum transactis prioribus annis , in quibus artibus , & Physicæ incumbere erant soliti , nullam de illis in sequentibus scientiis curam essent habituri , nisi cum vi compulsi aliquis locus id posceret , agentes de re Theologica , Dialecticas , & Physicas quæstiones perpetuò tractassent , & de Theologico negotio quasi obiter verbum unum , & insulsum scripsissent : ut verius commentatio- nes recensitæ dici valerent Summulæ , aut Physici , quæm Theologici codices , potiusque illarum Scriptores Summulistæ , aut Philosophi , quæm Theologi . Quod & si satis calidè , & verè assertum ab eo sit , esto quòd in nonnullos Scriptores convitia illa jacta quadrarint , non tamen sine magno dispendio , ac jactura Christianæ pietatis cautio adimpta est . Nam modum nullum servando in cavendis scopulis prævisis , illud Logicum , & Physicum , quod transferre tantum in nativum solum debuissent , ubi quantumvis sursum editum , aut deorsum radicibus jactis latum , nocere minimè valeret , penitus evulserunt , & igni absumendum dederunt . Theologiam , & Medicam scientias , ac nonnullam partem juris Cæsarei , in grammarum peritiam convertentes , vitareque conantes , ne Theologi , & Medici , Logici , aut Physici tantum vere dicerentur , relatios dumtaxat grammaticas posse vocari fece- runt . Et quod lugubre , & nefandum est , mille hæresibus formosam Christianorum Religionem deformaverunt , quòd sensus decentes piarum literarum hebetibus , & minimè limatis , ac parum exacutis per artes , & Philosophiam ingenii callere non valuerunt , literæ occidenti præcisè incumbentes . Porro iis , qui adeò pe- tulanter aggredi sacras literas audent , ut solum Grammatistas esse , Latinitatis , aut Græcanicæ linguæ ad earumdem verum sensum rimandum sufficere existiment , par error subsequi solet illi , in quem cerdones , & mechanicarum artium artifices incidunt , cum Bibliæ , aut Pauli Epistolæ libros in nativam suam linguam versos , le- gunt , & explicare conantur . Neque immerito utrosque similiter peccare asserimus , siquidem linguarum periti nihilo cultiora ingenia , quæm artifices habent . Ad lin- guas enim addiscendum , sola memoria utimur , ad scientias ingenio . Præterea ii bilingues , & trilingues in totum institoribus illis similes fiunt , qui è patria profec- ti , in alienum sibi orbem migrant , ut merces ignotas ad suos deferant , quarum asportatio , tam sibi , quæm suis emolumento sit futura : portuque , quem petebant , potentes , emere merces negligunt , quo commodius illorum exterorum linguam calleant , atque in patriam numis , & mercibus petitis vacui , & omnibus deinceps in fabulam expositi , insani alacres redeunt , sibi tantum placentes , quòd ex suis laboribus fructum adeò pretiosum excerpterint , externæ videlicet nationis linguæ significata calluisse . Certè si unius hominis vita sufficeret ad universas linguas , aut saltim ad Latinam , & Græcam exactè callendum , & ad Dialecticam , & Physicam , & Theologiam , seu Medicinam probe intelligendum , vitio ego non darem scho- laribus obnixè procurare Latinissimos , & Græcissimos fieri : verum cum vita adeò brevis sit , Theologos , & Medicos , illis scientiis magno conatu incumbant , hor- tor , sine quibus vere Theologi , & Medici esse , nulli valent : iis enim impetratis , satis periti in linguis sine magistro esse possunt . Quod in eisdem quantumvis peri- toribus contingere , si artes callere curent , non potest . Nempè qui nostris consiliis paruerit , infestissimos scopulos hæresum nunc collidentium vitare , facillimè va- le-

lebit. Non quod me lateat etiam in hac nostra tempestate quosdam satis Logicos, & Physicos perversarum mentium, & morum, cupidos, ut reor, facultatum, seu humanæ gloriæ, in hæresim incidisse, sed neque una hirundo facit ver. Sat fuerit, ut objectio hæc diluatur, quod ab hinc quadraginta annis cum Parisiis, & Lovanii Artes, & Physica honore vigeabant, nunquam Lutherum ausum fuisse, ad Parisienses, & Lovanienses literatos suam causam definiendam deferri: qui si nunc vixisset, proh dolor! fortasse id, quod tunc metuebat, jam nunc summis precibus posceret. Nec mirum, quod artes, quas immanis bestia illa verebatur, explosas esse novisset: & disciplinas, quas amabat, & quibus, & si inepte, innitebatur, in pretio habitas videret. Certè si ego tantus apud Christianos Principes forem, ut meis consiliis de hoc negotio acquiescerent, nemo in Theologica, & Medica Facultatibus laurea potiretur, quam qui per annorum duorum spatiū Summulis insudasset, & per tot Physicæ, Logicæque per unum. Neque à latinitate in has, & ab harum quavis in alias transitus concedendus esset, nisi per doctissimos quosque huic negotio ab Universitatibus selectos, & solutos permisso Scholaribus fuisse. Cavendum enim, quam maximè existimo ne cui permittendus est transitus, symbolum aliquod jure teneatur ipse solvere copiam facienti. Ob enim hos numulos capessendos multis indoctis licet per præfectos relatorum munerum, quod illis indubie alias denegaretur. Nullusque ob scripta stomachetur, meque convitiis infectetur: suspicans mihi quantumvis barbaro, & parum in linguis exercitato, displicere elegantem phrasin, & orationem currentem, indeque inventum in linguarum peritos fuisse. Nam ego peritiam hanc, quam maximè laudo, & ab eadē emanasse innumera bona, tam in re Theologica, & Medica, quam in aliis facultatibus, non inficior. Id ego dumtaxat vitupero nimitem, opinari, multos hanc tantum sufficere, ad Theologiam, & Medicinam, & jura exacte sciendum, cum iī, quibus mens aliqua inest, minimè ignorent, ipsam tantum docere, quæ Scripturarum simplicia significata sint, cum lector poscat, multiplicem sensum Scripturæ callere. Si enim Erasmus, & quotquot eum sunt post sequuti, hortarentur prudenter, ne peritiam in linguis despicerent, sed cavisserent, à barbarie abhorrent, qui literis incumbunt, quod sæpè accidat minimam ignorantiam significati vocis unius in errores perfidos legentem protrudisse, & scientias necessarias ad alias capiendas non explosissent, ac exibilassent, sed ut doctus ille vir Hermolaus barbatus opere monstrassent, peritiam linguarum impedimento non esse scientiis posteris, ego in hos non essent inventus. Quod autem id non fecerunt, ne rudi, aut ignavæ juventuti scripta horum imponant, per præsentem epistolam illis cavi: palam, & ingenuè confitendo innumera bona ab eruditione Erasmi in Orbem emanasse, dum tamen non negem tot, ac majora mala ob causam superius scriptam provenisse: cum de eo merito dici possit, quod de Alcibia de illo Duce Atheniensium biformem, scilicet fuisse. Sat hæc esse puto, ut omnes, qui sibi persuaserant, neque latum unguem discedi oportere in addiscendis disciplinis ab Erasmi instituto, resipiscant. Qui enim nostris suasionibus experrectus non fuerit, lethargo oppressum crediderim. Iis ergo relictis, ad excusandum illud in exordio orationis, ut vitium objectum mihi, quod dedocere Aristotelis, & Galeni placita simi ausus, accedo. Neque multis, sed unico verbo me non culpa, sed laude dignum, ob conatum adeò insignem non insolenter, sed prudenter ausum decerno. Etenim si ego temerè, & inconsultè tantum facinus aggredi auderem, cuivis suppicio me exponerem. Verum cum nihil horum Authorum carpserim, quod in solubilibus rationibus mendacium esse non ostenderim, ut qui nostras lucubrationes exactè callent, intelligunt deliri tantum, & insanientes vitio dare poterunt adeò utile mundo opus, & laborem. Porrò prædecessores nostri, & qui adhuc nostra tempestate literas physicas, & medicas addiscebant, vel docebant, nihil aliud curabant, quam totis viribus

conari , contextum Aristotelis , Averrois , & Galeni callere , horumque decreta , ut Delphici Apollinis responsa observare , & exequi , impium putantes quibusvis placitis ipsorum non assentiri , etiam si viderint ipsos petulanter mentitos fuisse , frivolisque argumentationibus : nonnulla placita sua fulsisse , quasi relatorum Authorum scripta incantationis vim in legentes ea habuissent . Quæ & si innumeros usque ad hæc nostra tempora fascinaverint , jam per me incantamenti vi dissoluta , aditus carpendi omnibus concessus est , qui pariter ut nos , inquirere veritatem infudavrent . Neque velim ullum putavere verbis his juvenibus quantumvis sibi doctis , & blateratoribus senibus per me licere Galenum , & Aristotelem , ac alios graves Authores statim reprehendere , ut offendant in suis libris aliquid , quod minus ipsis quadret : cum multa , quæ prima fronte indoctè scripta videntur , altius , & assidue , & temporis transcursu examinata , vera esse noscantur . Illis enim tantum relatam facultatem concedo , qui quadragesimum attigerint annum , semper literis sine intermissione incumbendo . Neque prohibeo ante recensitum tempus , quæ velint , adversus prædictos Authores meditentur : ac cum doctissimis amicis , & Magistris , & eventibus conferant : & si amici , & Magistri defendere increpatorum Authorum placita non valuerint , & eventibus contraria decreta non fuerint , jam tunc periculo usque ad quadragesimum præscriptum à me annum de dubiis , ut dixi , factò , in lucem edere licebit : sibi suadendo , qui id molitur , mille indoctorum calumniis , & probriis exponi , quæ tamen mitti , & generoso animo tolerare , debet , quod tantæ sit molis errorem à multis annis mentibus professorum scientiarum insidentem evelere , ut Romanam condere gentem . Ut enim populus ille initia exigua habens , tractu temporis innumeris difficultatibus superatis , in Civitatem dominam mundi evasit : sic vera dogmata ab ignaris , vel invidis undique dilacerata , à mortalitate per doctos vindicantur . Quod eventurum nostris lucubrationibus , concedente Salvatore JESU , spero . Vale , placide Lector .



IN NOMINE DOMINI JESU CHRISTI. OPERIS PROOEMIUM.



ON levi angustia cruciabar toto eo tempore, quo opus præsens, & alia post excudenda jam dum mente concepta in lucem edere distuli. Neque immerito, quod sibi mecum ipse meditabar, si quæ à nobis referenda sunt, adeò hominum saluti conducent, ut nulla plus, eorumdemque ignorantia millies immature infantiam, & juventutem, cæterasque hominum ætates dereli fuerit, ac sit occasio, qui fieri poterit, quin differre promulgari adeò præclaras veritates, cum tacentis labe, ac ignominia fiat. Quod ut vitem, generique humano (quo ad possim) opem feram, omnia, quæ à Medicis sine controversia recepta sunt, & aliter secundum meam sententiam habent, in hoc, & sequentibus voluminibus congeram. Exordio sumpto ab universaliori morbo, & totum hominem occupante, à febre scilicet: cuius essentiam causas, ac species esse usque in hæc tempora ignotas, ni fallor, dilucidè monstrabo: Galenumque non dolo, sed ignorantia excæcatum potissimum, suis de hac re scriptis Medicis posteris imposuisse evidenter docebo. In primis præcipua, quæ de essentia, causis, & differentia febrium scripta sint à senioribus, & potioribus Medicis, in compendium quoddam redigendo. Dein in quo ab eisdem deficiamus, ostendendo. Et quod Galenus inter omnes fusiùs de re hac scripsit, cui plurimùm hujus tempestatis Medici fiunt, ideo ejusdem decreta evidentiora ante omnia proponentur.

C A P U T P R I M U M.

In quo antiquorum Medicorum decreta de febris essentia exarantur.



Intque potissimæ Galeni sententiæ, quæ febris essentiam explicant, illæ. Prima, quam in lib. 5. Methodi medendi, cap. 1. legitur, scilicet: [Febris dicitur, cum a-

Tom. II.

deò immodicè auctus calor est, ut hominem offendat.] Altera vero, quæ in libello Introductionum medicinalium Galeno ascripto referatur: [Febris igitur est nativi caloris in ardentiorem conversio, eo quod

A

quod

quod introaversus perspirare prohibeantur.] Alia in primò de Differentiis febrium libro parum post principium: [Siquidem febris substantia in eo qui præter naturam calore consistit.] Alia in commento aphorismi decimisexti primæ particulæ: [Febris calida, & sicca passio est. Est enim conversio nativæ caliditatis ad igneam.] Reliqua secundo Methodi medendi libro, cap. ultimo: [Calor, simplicis rei nomen est, præterea actionis læsio simplex quædam res est. At tantus calor, quantus jam actioni officiat, non etiam simplex res est. Quod si etiam totum vexet corpus, multò profectò minus jam simplex est. Ergo quo minus multis utantur homines, ad compendium alioquin natura proclives, ejusmodi calorem febrem vocant. Quippè expeditius dictu est febricitare Dionem, quām tantum in toto corpore caloris habere, ut multas functiones corrumpat.] En potiora, ut dixi, Galeni decreta, quibus essentiam febris exprimit. Hippocratis ergo sententiæ de hocce negotio referantur.

Sententia Hippocratis de febribus.

Senex Hippocratis cùm de febribus loquitur, potius causas, aut modos earum exprimit, quām essentiam declarat. Nam sententia illa, quæ in libro 4. de Viectus ratione in morbis acutis legitur, ad febrium causas attinet. Series literæ est: [Febris autem ardens fit, quum resiccatae venulæ, hora æstiva acres, ac biliosos seruos humores in seiphas attraxerint, &c.] Ac illa, quæ in lib. de Locis in homine refertur, ad idem quod præcedens, spectat: [Febres porrò propterea fiunt, cùm corpore super inflammatu carnes intumuerint, & pituita, ac bilis conclusa quieverint. Et neque frigeretur quicquam, neque exeat, neque moveatur, neque

aliud quid subeat, &c.] Sicubi enim essentiam febris exprimere videtur Hippocrat. in libro 3. de Morbis vulgaribus commento primo, eam explicat, ubi ignem nominat febrem, cùm dicit: [Hermocrates qui ad novum murum habitabat, igni est correptus, &c.] Et eodem libro infra scribens: [Qui in Dealcis decumbebat homo diu capitis conflictabatur gravitate, ac dextrum tempus dolebat, ex occasione igne est correptus, &c.] In quibus duobus locis, ac in multis aliis febrem validam ignem Hippocrat. dicit, ut mitem in calecentiam nominat. Ut constat ex commento Galeni super prima sententia ex his duabus à me adductis de Morbis vulgaribus, lib. 3. Sed nomenclatura illa impropiè de febre dicitur, cum ipsa accidens sit, ignis autem substantia.

Platonis decretum non multum ante Timæi finem post Hippocratem de febrium essentiaducere etiam adecens esse existimo, quod in hunc modum habet: [Quando igitur corpus humanum ignis potissimum excessu languet, continua febre laborat, quando verò aëris, quotidiana, aquæ tertiana, propætrea quod aqua seignior est quām ignis, & aëris. Terræ demùm excessu quartana. Terra squidem omnium tardissima, quarto gradu cùm sit, temporis circuitu quarto fervet, defervetque. Hinc quartanas invehit febres, quæ vix, seroque sanantur. Atque hoc quidem pacto corporis morbi contingunt.] In quibus verbis, non tantum febris quidditas exprimitur, sed, & caue, ac differentiæ ejusdem quamquam falso explicantur.

Cornelii Celsi sententiam non transcribo, quod ipse definire morborum essentias despiciat, medelæ corundem tantum intentus.

Decretū Platonis de febribus.

*Cornelius Cel-
sus nihil de
febrium essen-
tia tradidit.*

Pauli sententia de febribus. Pauli quoque decretum sub silentio prætereundem decerno, quod etiam pauca verba, quæ essentiam febris monstrant, scripsit. Nisi enim illud capituli 28. lib. 2. scilicet: [Continuarum febrium, Synochos Græci appellant, origo ex sanguine est, nunc effervescente, nunc putrefacto, propter obstructionem.] Verbum nullum aliud reperitur, quod huic rei quicquam conducat.

Sententia Aetii de febribus. Aëtius sermone primo Tetrabiblio 2. febribus, sic definit: [Febris est calor præter naturam, cordis, & arteriarum, vitalem firmitatem laedens, ex profundo emergens, & acris, ac mordax ad tactum allabens, præsertim circa thoracem, & ubi arteriæ magnæ sitæ sunt. Verum ad talem calorem inæqualitas quædam, & inordinatus motus pulsibus accedit juxta ipsam febris speciem.] Hæ sunt potissimæ sententiæ ex Græcis Authoribus, Arabum ergo sententias transcribamus, ut promissa non transgrediamur.

Abyzoharis decretum de febribus. Sitque prima, quam Abymeron Abyzohar in exordio tertii libri scripsit, quæ in hunc modum habet. [Dixit servus Abenzoar, quod consuetudo est Medicorum nominare unumquemque calorem ex euentem à corpore præter naturam, febrem.]

Rasis decretum de febribus. Rasis trigesimo continentis nullum de febri. Iam ex mente propria febris definitionem scripsit. Et in decimo ad Almansorem, ac in divisionum libro febribus in genere non definit, ideo eundem transgredimur.

Avicene definitione febribus. Avicena autem fæc prima quarti in exordio sic febris quidditatem exprimit: [Febris est calor extra-neus accensus in corde, & procedens ab eo mediantibus spiritu, & sanguine per arterias, & venas in totum corpus, & inflammatur in eo inflammatione, quæ nocet ope-

Tom. II.

rationibus naturalibus, non sicut caliditas iræ, & laboris cum non ultimatur, & impedit operationem, ita ut non retineatur.

Averrois sententia de febribus. Averrois autem tertio colliget de febre scribens, dixit eam esse calorem compositum ex naturali, & extraneo.

Non plura de his agere vide-tur, ne ducendo Authorum de hac re multiplices sententias, tempus in vanum consummamus. Quæ non exaratæ sunt, sufficiunt, ut quod primò explicare decerno, diluci-dè intelligatur.

C A P U T I I .

In quo evidentissimis argumentis probatur, calorem febrilem non distinguiri à naturali calore specie, sed tantum quod intensior sit, quam foret, si occasio febris abesse.

*I*llud autem, in cuius explicatio-nem recensita scripta sunt, est, monstrare: An febrilis calor à naturali distinguatur specie, an ea-dem specie uterque particeps sit, & solo gradu different. Si enim ex relatis sententiis aliquas perpendiculari, manifestè dicere videntur calorem naturalem specie à febrili, non tantum differre, sed sibi contrarium esse: cum operationibus naturalibus à nativo calore ortum ducentibus sit impedimento febrili calor. Verum si alias ad unguem examinamus, oppositum eadem testari palam erit. Neque incassum hoc primitus discutimus, quin quia non parum conducit ad dilucidè ostendendum febrem non esse calorem in spiritibus à diversis causis ac-censem, neque è putredine humo-rum ortum ducentem: neque etiam in substantia membrorum infixum, ut à temporibus Galeni usque in hanc nostram tempestatem est o-pinatum, sed quid diversum ab his,

his, ut postea docebimus.

Siquidem quæ de diversitate specifica inter nativum calorem, & febrilem scripta sunt omnia recenserem, decretaque de hac re Marsilius, Gentilis, Hugonis, Jacobi, cæterorumque neotericorum essem transcripturus, neminem quantumvis patientissimum non afficiendum tædio ex talium lectione sperarem. Solùm ergo in summa quadam quæ à relatis scripta sunt, proponam: & postea quod verum est, validis rationibus ostendam.

Opinio Marsilius de febrili calore.

Fuit ex his Marsilius, qui credit, omnem febrilem calorem esse simpliciter intensorem, quam si causa febris abesset, & solus naturalis maneret. Hoc est dictu, quantumvis in aliquibus febribus remissior multo caliditas, quam tempore sanitatis percipitur, si tangitur febrentis caro, & anhelitus ejusdem perpenditur. Hic tamen qualiscumque calor si febris causa abesset, remissior multo foret: quia calor febrilis à predicta causa pendens abesset, & solus naturalis maneret, ex quibus ambobus totus calor hominis febrentis resultabat. Iis nempè verbis expressè Author hic non explicans potius naturalem calorem differre specie à febrili, quam oppositum.

Opinio Gentilis de fulgineo opinatus de effentia caloris naturalis, & febrilis.

Gentilis de fulgineo opinatus fuit, non tantum calorem naturalem differre specie à febrili, sed innumeras calorum species esse. Fore enim calores diariarum, & putredinales, & venenosos, & ethicarum differentes, genere, confitetur. Ac putredinales multas differentes species habere, venenososque totidem, vel plures, aut pauciores. Differentiasque has specificas esse quasdam proprietates occultas calorum existimat, quas non differre à propriis caloribus quorum sunt proprietates, ipse cre-

didit. Etiam inter hos differentes specie calores actionem, qua mutuò se corruptunt, versari tef-tatur.

Hugonis Senensis tertia sententia fuit (quam innumeri ex junioribus authoribus æmulantur) febrilem scilicet calorem & naturalem facere unum per aggregationem: ut duo gradus caloris geniti ab igne aliquo faciunt unum per aggregationem cum duobus gradibus caloris genitis ab igne alio in idem numero passum. Inquit enim author ille, quod si caliditati naturali Petri, quæ, verbi gratia, foret quatuor graduum, adderentur duo caloris gradus à sole, vel à putrido humore in corpore inclusi geniti, quod illi sex gradus, & eorum quilibet dicendus esset febrilis calor, eo quod operationibus naturalibus universi, & eorum quilibet obsunt, ac quod iidem appellandi forent naturales ob id, quod natura eisdem operationes humanas quamquam vitiatas exequatur. Tandem author hic nullam specificam differentiam inter calores assignat, sed esse omnes ejusdem speciei testatur. Quod ultimum & si verum sit (cætera enim hujus doctoris nunc non examinamus) quia tamen invalidis rationibus ab eodem suisque partibus faventibus sit fulcitum, pellucidis argumentis ostendere cogor, quod scilicet ejusdem speciei non tantum calor febrilis & naturalis sint, sed quotquot à natura geniti fuerint actuales calores specie non differant.

CAPUT III.

In quo id quod in antecedente probandum promittitur dilucide ostenditur.

Quod ut clare intelligatur, probationesque nostræ super veris hypothesibus innitan-

tur,

Opinio Hugo-nis de effentia caloris febri-lis.

tur, voces aliquas ex adductis explicabo, & fundamenta nonnulla proponam. Primum ergo scire expedit, Gentilem vocasse, ut ex lectio-
ne ejusdem elici potest, calorem naturalem quorumvis animalium calorem, dum non viventium caliditati confertur: eorum autem, quae non vivunt, ut ignis & aëris calores non naturales dici. Sed neque omnium viventium calores esse ejusdem speciei autumat. Nam aliorum animalium ab homine praeter naturales esse dixit, dum homini conferuntur. Et neque omnes humanos calores esse ejusdem speciei credit: sed inter se specie differre caliditatem pituitosi hominis à calore biliosi, & sanguinei, & melancholici. Et cæterorum hominum calores diversarum temperaturarum similem normam servare contendit.

2. Suppositio. Secundò sciendum calorem etiam aliter distingui in actualem seu formalem, & potentialem seu virtualem, ut vocibus horum authorum utar. Nominant quippè actualem calorem illum, cui ut mem-
brum vim tangendi habens approxi-
nquat, ipse statim percipitur, ut
ignis, aut aëris calidi, aut animalium actu calidorum calor. Pote-
state verò eum esse referunt, qui pri-
ma invasione calefaciendo non af-
ficit, sed si ab homine deglutiatur,
post moram se calefieri percipit,
aut si in modum emplastri, vel ali-
ter, extrinsecus admovetur, caloris
actualis opus exercet. Sic enim me-
lius explicari calorem potestate,
quam ut à Galeno prope princi-
pium tertii de Temperamentis, sit
explicitus, existimo. Quod in suo
loco diseram.

Ex fundamentis primum sit tac-
tum judicem præcipuum qualita-
tum primarum esse, atque quod
huic quam maximè fides sit adhi-

benda circa dignotionem harum qualitatum, ut Galenus lib. 2. de Temperamentis dixit, cùm refert: [Potrò eorum quæ actu calida, frigida, humida, siccavè sunt, obvia promptaque omnibus cognitio est, utpotè quæ tactu discerni queant, qui scilicet & ignem ipsum calidum esse docuit, & glaciem frigidam. Quòd si alia qua-
piam ratione notionem, agnitio-
nemque calidi, frigidivè habent, dicant hanc nobis inauditam enim sa-
cientiam promittunt: imò si verum fateri licebit, stuporem potius, si rerum sensibilium alium quempiam habere se judicem meliorem putant, quam ipse sit sensus. Atqui si eorum, quæ actu calida sunt, alias esse judex quam tactus nullus po-
test, &c.] Quod etiam post qua-
tuor columnas in eodem libro ite-
rum confirmat, dicens: [Ergo ca-
lidi, frigidique corporis folus tactus
est judex.]

Secunda hypothesis sit, adeò in-
gentem vim ad dignotionem veri-
tatis experimenta habere, ut teneamur cùm ratio apprens experimento adversatur, plus fidere expe-
rimento, quam rationi: cogamurque potiorem rationem, quam fue-
rit prior inquirere. Quod Galenus lib. 3. de Locis affectis in hunc modum referebat: [Numquid mani-
festè deprehenditur falsa illorum arrogantia, qui dogmatici vocan-
tur? ac ne simplex quidem illa re-
prehensio erit, sed gemina, atque
utraque fortis? Si enim usque adeò
utile est experimentum, ut non so-
lùm citra rationem inveniat reme-
dia, verum etiam coarguat rationem tanquam apertè falsam, tan-
tum abest, ut ratio dogmaticis Me-
dicis sit usui, ut etiam nocere vi-
deatur.]

Tertiò præsciendum nos non dis-
ceptare hic de calore prout corpus
3. Hypothesia

calidum in concreto per dictionem calor significatur. In quo sensu dicere solemus, infantes plus, aut minus caloris, quām juvenes habere: sed de calore in abstracto, ut solum qualitas absoluta à substantia intelligatur, cūm calor profertur.

*Quid probare
conetur Au-
tor.*

Quibus jaētis fundamentis ad veram intelligentiam dicendorum, notandum, quod nos aliud non connamur rationibus adducendis probare, quām quod inter calorem actualem hominum & cæterorum animalium non sit possibile assignari specificam differentiam: nec inter relatios animalium calores & elementorum calidorum ullam quoque versari specificam differentiam. Tandem omnes actuales caliditates esse ejusdem speciei, numeroque tantum differre affirmamus. Secūs eæ, quæ potestate tales sunt.

*Prima ratio
qua identitas
specifica inter
calores proba-
tur.*

Primaque ratio, qua antecedens assertio roboratur hæc sit. Illi calores necessariò sunt futuri ejusdem speciei, qui si in idem subjectum inducuntur, se intendunt, ac augment: sed calor naturalis, & elementaris & putredinalis, & quicumque formales calores cūm idem subjectum simul informant, se augent, & intendunt, ergo ejusdem speciei ierunt. Consequentia est manifestè bona. Nam si signum universale subjecto majoris, & minoris, ac conclusionis hujus syllogismi præponeretur in priori primæ figuræ modo appellato, barbara, consequentia evadet. Et major per hoc probatur: quod quæcumque accidentia idem subjectum simul afficiunt, necessariò uno trium modorum se habere debent: aut se intendendo, vel se corrumpendo, vel impertinenter se habendo. Sed quæ per se, & non per accidens mutuo se corrumpunt, contraria sunt, ut quæ impertinenter se habent, impertinentia dicun-

tur: superest ergo quæ se intendum, aut augent, ut calores efficiunt, cūm simul in eodem passo inducuntur, ejusdem speciei dici, & esse, quod major asterebat. Universa, quæ recensui, ad probandum majoris veritatem, manifestè vera sunt: præterquā illud, quod ut verum assumo, putā, nulos calores inductos simul in eodem passo se corrumpere. Nam aliquis fortasse crederet inter calores esse pugnam, ac alterum alium corrumpere: seducti, quod videant flammarum superiorem à supposita corrumpi, solaremque calorem extinguere lucernarum flammulas: & putredinales calores hominum vitales calores ad interitum perducere. Etiam arsenico, ac aliis medicamentis in gradu quarto calidis vim eandem esse.

Sed qui simili objectione nostram assertionem veram non esse autumant, oscitanter legerunt quas prius jecimus hypotheses. Tertiæ enim si meminissent, reperissent nos de corporibus calidis non loqui, sed de calore abstracto. Quis enim tam ignarus est, qui nesciat corpora calida posse se mutuò per accidens corrumpere, sàpè videndo flammarum flammæ superpositam extinguiri? Et verum etiam esse quod de sole & putridorum humorum calore objicitur? Infimiores nempè flammarum non aliter extinguunt eas, quæ sibi superstant, quām vi fumi à se sursum excreti. Quod ita esse, qui volet, experietur. Si enim faciem aliquam incenderis, & aliam incensam sive majorem sive minorum supra infimioris flammarum perpendiculariter superposueris: etiam & si superior major quām infima flamma sit, statim extinguitur. At si non perpendiculariter superastet superior infimiori, sed ad latus aliquod declinet, taliter ut à fumo

*Quædam fa-
tilis objec-
tio
solvitur.*

rejecto ab infimo flamma superior non tangatur, adeò viva flamma perseverat, ut infima. Sol tamen non per relatum modum flammarum parvarum extinxitor est, (nisi credideris etiam elevando à terra vapores ipsos impellere sursum flammam, & à pabulo proprio se jungere undè illa intereat) sed aliter. Solaris quippe lux, quę vim producendi summum calorem in passum depositum habet, adeò rarum efficit, aërem circumfusum flammę, & ab ipsa calefactum eundem attenuando, ut flamma candelæ minimè prohibita sursum petere præ mediocri densitate aëris, ut solita erat, sed invitata sursum repere ob immodicam aëris raritatem à sepo, vel oleo, aut alio ex liquoribus foventibus, celerius, ac citius discedat, quām solita erat, indeque accidat, ut cùm non possit flamma antecedens aliam flammam ante discessum gignere, quia deficiat mora requiita ad actionem, lucernam extingui: nam flamma sursum lata statim ab aëre victa in ipsum transit, liquorque deficiente inflammatore extinctus manet. Conducit quoque ad interitum flammæ disaggregatio in eadem à sole facta. Namque cùm ipsa mistum sit, ut in antecedente & priore opere nostro docuimus, præ nimia raritate corruptitur: non enim est ignis sincerus poscens summam raritatem, flamma: neque adeò rara, ut aër. Ostendit id verum esse. Quæ per aërem medium videbantur si loco aëris intercipitur flamma minus bene videri.

Quod nō propriè putredinalis calor naturalem corruptat, sed per accidens.

Putredinalis quoque calor cùm corruptit nativum calorem, non aliter, quām per accidens id exequitur. Dicitur quippe putridus calor non abstracta ipsa qualitas: huic enim minimè convenit putredinis affectus, cùm passio misti putredo

sit, ut Aristoteles 4. Meteorologiæ docet, sed vaporosa substantia à rebus putridis diffusa exhalansque: ut naturalis caliditas animalium sanguinem habentium minimè quoque accidens sejunctum à substantia hic intelligitur, sed spirituofum corpus: pro sui generatione poscens pro materia tenuissimam sanguinis sinceri portionem: & pro efficiente cordis vitalem vim, aut ultra hanc animalem, seu naturalem. Inter quæ duo corpora calida putredinalis & naturalem calores actio corruptiva dupliciter versari potest. Uno modo eo, quod spiritus humani suo calore celeriter in halitum dissolvendo humorem putridum, ex quo vapores infecti elevantur, corruptionis putredinalis caloris causa dicantur, & sint. Ut è contra etiam multi ex vaporibus putridis sanguini sincero se miscendo, ineptum eundem reddunt essendi materia spirituum. Alio modo proprietatis occultis, quæ distinctissimæ sunt à calore, & frigore, ceterisque primis qualitatibus se mutuo corrumpendo: per quem quoque modum arsenici calor interrimere dicitur. De quibus in opere nedum à nobis aedicto (si Deus concesserit) plenisimè differemus. Tandem calores abstracti, qui in praesentiarum tractantur, tām spirituum, quām humorum putridorum non ob id dicendi sunt diversarum specierum, quod corpora, quibus insunt, mutuo per accidens non nunquam se corruptant, quin ejusdem speciei, cùm experiamur calores ipsos se intendere: quippe si putridi humoris calor intensior est, quām naturalis, naturalem intensiore reddit, ut manus applicata stercoribus putrescentibus testatur, ipsa enim calidior multo quam, quæ non approximatur, percipitur. Ut quoque cùm putredo re-

missa est, spiritus nostri calidi putridum humorem in corpore existentem, ac vaporem ab eodem elevatum calidorem reddunt. Hæc nempè si perpendisset Gentilis, non adeò deceptus foret, ut specificam differentiam inter ea assignaret, inter quæ nulla nisi numerica versatur. Quippè crediderim ego ob relatum eventum corporum calidorum se mutuò & per accidens corruptentium præcipuè compulsum fuisse Gentilem assignare differentiam specificam inter calores ad pauca respondendo, ac etiam fortassis propter Galeni sententiam propè finem primi lib. de Difficultate respirationis seductus, ibi enim retulit: [Ubi verò calor præter naturam fuerit deperditur, parva quidem expiratio longa vero ante ipsam cessatio contingit. Sæpè numero vero calor præter naturam auctus est, calor vero secundum naturam in minutus est, atque ita cessatio ante expirationem diutini temporis redditur. Altera verò ante inspirationem brevis.] Et parum infra: [Si quis verò adhuc hæret circa differentiam caliditatum hunc non est nunc tempestivum de his edoceri.] Quia non respexit quòd non testatur Galenus inibi differre specie calores abstractos, sed corpora calida, ut nos supra explicueramus. Prædictis sufficienter soluta objectione adversorum, prosequamur alias adducere rationes, quibus præcipua assertio de identitate specifica inter calores omnes roboretur: dum primùm evasione quandam, quæ tribui posset illi rationi, qua probabam, calores omnes se intendere, nullam esse ostendam.

Dixisset fortassis aliquis, quòd si calor putridi humoris, aut ignis sive aëris, vel lucis immodicè nos calefacit, id eorum nullus efficiat,

producendo calorem præter natūralem in nobis, qui nostro adjunctus, eundem intensiorem reddat. Sed aliter discutiendo, scilicet, humores frigidos, & in vapores versos extra corpus extrahendo per hoc calidorum facultati cedendo, ut illa possint nos calefacere, ac quòd inde suboriatur intensa caliditas, originem ducens ab humoribus calidis corporis humani genita. Vel aliter humanum corpus calefieri ex relatorum actione fingi possent: quia, scilicet, calor ille extraneus corruptat frigiditatem, quæ simul compatitur cum hominis calore, summa latitudine semper impleta ex utrisque contrariis, ut vera opinio testatur: qua frigiditate abjecta, naturalis calor insurgat producere tantum gradum caloris naturalis, quantus frigiditatis est ablatus.

Sed horum nullum sic accidere possibile est. Primum enim per hoc ostenditur vanum esse, quòd querere licet ab adverso, an humores frigidi, quos contendit resolvi à calore igneo, aut solari, si ve putridi humoris calore antequam in eosdem agat fortinsecus calor, sint actu calore naturali calidi in corpore sano, præsertim illi, qui in thorace, & vasis illis magnis dorsi continentur, aut non? Si secundum confiteatur pertinax adversus, in numeris Galeni, & aliorum authorum sententiis confutari poterit, & experimento quam maximè. Sanguis nempè, qui è vasis illis ruptis defluit, actu calidus precipitur, cùm tamen admistam pituitam, & bilem atram secum ferat, ut Galenus libro secundo de Elementis dicebat: [Cum vero hic sanguis participet & pituitam, & geminabilem.] Et parum infra: [Unum quodam enim videtur lac. Sicuti & sanguis. Docet autem

ratio, quod non sit unum.] Et in aliis plurimis locis, eandem protulisse sententiam scimus. Ubi fatendum necessariò est, humores illos frigidos calorem actualem habere. Quo habito, cùm ultra illum calorem alio etiam afficiantur humores prædicti, putà ignis, aut solis caloribus (nisi enim ii immodicè inducerentur in humores frigidos, non possent ipsi attenuari, discutiique) supereret, quod ex ipsis caloribus junctis in eodem subjecto, calor naturalis, & præter naturam necessariò major, intensiorque resultet: quod (ut parum ante docuimus) vitare adversus cupiebat.

Item eventus docent, carnem nostram, quæ naturali calore calida est, ab igne aduri, cremarique: quod nullo relatorum modorum fieri poterat. Nam si per absentiam frigidorum humorum calor hominis adeò auctus esset, ut adureret, vi calidorum succorum in corpore manentium, ustio maxima in alto corporis, ubi humores illi continentur, sentienda esset, & in extimis partibus minor multò, aut fortassis nulla. Sed oppositum accidit, cùm corpus humanum ab igne, vel sole crematur, cutis enim nigra usque redditur, alto corporis sapè parum à naturali temperie distante.

Minimè quoque per intensiōnem factam à nativo calore, corrupta frigiditate ab igne, vel sole: caro humana, aut quæpiam alia hominis pars comburi posset. Quia si fieret, sequeretur calorem naturalē gignere præternaturem, & sic sui contrarium. Consequentia est nota, quia ex confessis ab adversis calor naturalis carnis, quæ incenditur per præsentiam ignis, igneus sit reddactus, quia calor ignis corruperit frigiditatem carnis, & nativus calor carnis statim sum-

mum illum gradum caloris produxerit, quo caro cremata est. Sed calor tantus ut qui cremare sufficit præternaturalis ab adverso nominatur, ergo illatum verum, quod impossibile est, indeque antecedens ex quo sequitur. Evasione ergo hac sufficientè improbata, secundam rationem in præcipuum scopum prosequor.

Si febriles calores, & naturales 2. Ratio

specie different, ut Gentilis æmuli credidere, sequeretur, quod diarræ febris calor ortum dicens ab immodico exercicio esset præternaturalis: sed hic non nisi ab homine fano, & immodicè tunc exercitato producetur. (volo enim hominem sanum esse, qui exerceatur ut febre corripiatur) Qui non aliter febri corripi poterit, quām nativo calore præternaturem gigante, quod impossibile est fieri, ut in antecedente ratione ostendimus, ergo antecedens ex quo elicetur, falsum est. Porro si temperatum exercitium calorem naturalem augget, ut omnes Medici testantur, & Galenus indè tuenda valetudine libror docet clarum erit ab eodem immodico exercitio fotore, & augmentatore caloris naturalis febrem gigni. Sed exercitium quod primo auxit calorem naturalem, non potest per intensionem variare naturam, & producere præternaturem, restat ergo illum diarræ febris calorem, etiam naturalem esse, & tantum augmento, sive intensione differre à naturali, quod probandum sumperamus. Negleximus hīc disceptare, per quem modum motus sit causa caloris, quod hæc, & innumera alia dubia, hujusque minus bene explanata sufficientè in opere physico edendo discutientur.

Item si adeò calores specie dif- 3. Ratio
ferunt, ut pituitosi calor à bilioso

specie distet: & quælibet temperaturarum peculiarem calorem differentem specie ab altera habeat, sequetur, quod si rei ullæ calidiori pituitoso, & bilioso uterque horum hominum nunc ex illis admovisset manum calidiorem judicatus foret rem illam biliosus, quam pituitosus, quod eventibus adversatur. Semper enim homo frigidior calidiorem putat rem tactam, quam eandem calidior tangens: dum utroque calidior res tacta fit: cum totam illam distantiam, quæ est inter hominem frigidorem, & rem, quæ tangitur, percipiat homo frigidus, quæ multò major est, quam alia, quam à calido homine sentitur. Consequentiam tamen bonam esse, vel ex hoc ostenditur. Si calores hominum relatorum per confessa ab adversis inter se specie differunt, ac etiam à calore rei tactæ, quam fingo esse lignum aliquod actu calidum: per majorem latitudinem caloris contrarii calori ligni calidi distabit cholericus, phlegmatico calidior, quam phlegmaticus. Sed major latitudo qualitatis contrariae est causa quod edatur judicium, quo res tacta calidior judicatur, ergo intentum verum. Et cum hoc sit falsum, supereft illud, undè infertur, falsum etiam esse.

Non enim evades vim argumenti, dicendo, quod, & si ligni illius actu calidi calor differat specie à calore biliosi, ac pituitosi, non plus distet à bilioso, quam à pituitoso. Protervies enim non plus adversari caliditatem ut octo frigiditati, ut unum, quam frigiditati ut octo, ac per hunc modum non magis contrarii calorem biliosi, ut sex (verbi gratia) calori ligni, qui sit (exempli causa) ut septem, quam pituitosi, qui sit calidus ut tria. Quamquam enim ego verum esse fatear, quod testaris, non effugies alterius ratio-

nis vim, scilicet æqualiter calidum judicandum lignum illud actu calidum à bilioso, & pituitoso homine, quia æquè utriusque calori adversatur caliditas ligni ex assertis à te. Cujus contrarium experimenta docent.

Ultra etiam sequeretur, quod si lapis, aut lignum, sive quævis res inanimata, quæ actu fuisset frigida calefieret à manu, vel pede, aut à quavis parte hominis temperati calore ut tria (exempli gratia) supra medium quod vocant pondoris, sive totius naturæ, quod si possetea res illa igni admoveatur, ab eo potius esset infrigidanda, quam urenda. Consequentia probatur per confessa ab adversis. Calor, quo res illa erat calida, naturalis dicebatur, productus à nativo calore hominis temperati: Sed hic, ut illi inquiunt, ab elementari sibi contrario corruptus esset, & ad illius corruptionem res calefacta infrigidanda, ergo consequentia bona. Minimè enim verè diceretur, quod ad inductionem caloris ignei non corrupteretur naturalis prius inducitus, quamvis essent contrarii, sed quod simul ambo manerent in re calefacta. Primò, quod hæc responsio adversatur Gentilis opinioni, testanti inter calores diversarum specierum actionem corruptivam versari. Secundò, quod & si nos confiteamur qualitates contrarias simul compati in eodem subiecto summa latitudine ex utrisque impleta, non tamen posse naturaliter tolerari, credimus, & sufficienter alias ostendimus, quod gradus unius inducatur, quin contrariæ qualitatis gradus aliis corruptat. Quod si accideret rei calidæ, de qua agimus, sequeretur ex actione ignis in illam, jam quod frigida non verteretur res illa, quod nequam calidior sentienda foret per-

4. Ratio.

mobilis experimentis, & evidentibus rationibus comprobatae. 11
totum tempus, in quo calor nativus corrumperetur ab igneo calore, cuius oppositum eventus docent. Nam rem quantumvis calidam redditam per calorem humanum calidorem sentimus statim ut eandem igni admovemus. Tertiò, quia concessò illo impossibili, quòd qui solvit, fingeit, supposita contrarietate inter calores (aliter enim non impossibile, sed verum est) adhuc vis argumenti evadi non potest. Nam ab illis duobus contrariis caloribus inductis in manum tangentis rem calidam relatam, contraria sensatio elicenda foret, dum calores essent æquipotens. Consequentia est nota ex primo supposito. Si enim tactus est præcipuus, & certus judex ad dinoscendum primas qualitates, inter quas calor potissima est, impossibile esset, differre specie calores illos inductos ab homine, & igne in prædictam rem calidam, & à tactu hominis sani, & decenter se habentis si æquipotens essent, non percipi, ut contrariæ immutantes. Dato enim opposito, alterum duorum necessariò sequeretur, vel tactum non esse certum judicem harum qualitatum, aut ad libitum assertam fuisse contrarietatem inter illas caliditates: & cùm primum non sit dicendum, supereft secundum ut verum affirmandum.

Quedam fu-
siliis obiectio-
diluitur.

Certe credere, hæc non sequi, quòd videant calorem æqualem frigiditati inductum in aqua affecta quatuor caloris, & quatuor frigiditatis gradibus sentiri ab hominis tactu non sensata contraria immutatione caloris, & frigoris, ipsis tamen inter se contrariis existentibus, etiam futile est, nam ideo non dissolvitur argumenti nostri vis. Jam enim quòd per modum dictum contrarietas relatorum calorum à tactu percipi non valeret, alio me.

Tom.II.

dio percipienda esset, inducto scilicet calore ab homine temperato in lapidem unum, & in aliud consumimel lapidem æquo calore ab igne genito, & manibus duabus tangendo utrumque lapidem: nam sic specie differre illos calores sensatus erat homo tangens, & cognitus se contrariis qualitatibus affici. Ut dignoscit duos alias lapides quorum aliter esset frigidus, & aliud calidus manibus duabus tactos, contrariis accidentibus esse affectos.

Putare enim non adeò contrarios esse calores illos specie differentes, ut frigiditas, & calor contrariantur: indeque oriri lapidem frigidum distingui per frigus, à lapi de calido, & non reliquos duos lapides calidos diversis, & contrariis caloribus, nihil proderit. Eo quòd & si confiteremur minus contrarii calores, quam frigus calori, ut adversus vult, negari non potest diverso modo immutandum sensum à calore nativo unius lapidis, quam ab igneo alterius, quòd nulli contingit. Nemo enim tactis, & non visis prædictis duobus calidis lapidis distinguere valet inter utrosque calores, quo necessariò compellendus est protervus fateri illos esse ejusdem speciei. Quòd si diversarum essent, solo tactu discernenda specifica differentia eorundem foret.

Quedam fu-
siliis responso-
incredatur.

Non enim aliter scimus nos decipi, cùm aquam ex frigidissima, & calidissima mistam tangimus, & judicamus eam temperatam esse, quam inde quòd notum nobis fit, tunc primum cùm ambæ miscentur, non potuisse se multò reprimere, & in temperiem reducere, sed partes summè calidas prohibere summè frigidas, ne suam summam frigiditatem in partem tangentem inducant: & è contra summè frigidas cohibe-

B 2

re

re ne summè calidè illum calorem etiam in manu, quæ tangit, gignant, sed ambo, aut nullam actionem in corpore exquisitè temperato efficere, aut insensibilem in distemperato. Pro firmo habentes, quòd calor specie differat à frigiditate, quia seorsum aqua frigida contrario modo calidæ immutabat. Eadem etiam methodo decipi in judicio colorum colli columbarum inferimus: quia quævis plumarum seorsum sumpta, multò aliter, quam omnes, immutet, semper distinctionem objectorum ex sensu aucupando. Quam servando normam: qui fatetur calorem naturalem à calore præternaturali differre specie, collecturus utrosque erat, monstratusque calorem inductum in lapidem, vel aliam rem inanimatam ab aliqua hominis parte, sentiri contrario modo, quā par calor inductus in alio lapide ab igne, vel sole, judicem tactum hujus distinctionis semper faciendo. Quòd, ut dixi, nemo experitur, quin oppositum. Undè specificè differre calores nisi, qui delirat, & sensum negat, asserturus non est.

*Alia quoque
increpatur res
ponso.*

Fortassis recurras ad tactus imbecillitatem nequeuntem inter præfactam distinctionem assignare. Ut enim accedit illis, qui cancellatis digitis spheram parvam tangunt, simplicem globum duplicum esse existimare: sic decipi tangentes calores relatos, dices, non decernendo contraria esse illa, quæ mutuò adversantur. Si enim ex hoc, quòd præfactum symptoma accedit, indebitè configuratis nervis sensitivis, infers sensationem quoque alteram, qua calores duorum lapidum percipiuntur, etiam vitiatam esse, dabis modum dicendi nullam fidem tactui adhibendam, quod suppositioni adversa-

tur. Delirat quippè, qui confert sensationem factam à manu optimè disposita, & optimum situm possidente, sensationi factæ à manu, quæ ob vitiatum situm nervorum corruptum judicium cogitur edere de re, quam tangit.

*Ils omnibus solutionibus futilles
esse ostensis, fortè putabis decepitum
fuisse Gentilem, qui contrarii calores naturales caloribus
contra naturam asseruit, quam
quam specie differant, sed impertinenter se habere, indeque provenire simul posse in eodem subjecto es-
se, non se mutuò corrumpendo.
Nam neque hoc verè credi potest.
Primò, quòd statim ratio relata insurgit adversus sic opinantem. Tac-
tus enim distinctus erat inter ca-
lores relatos impertinenter se ha-
bentes, & specie differentes, cuius
contrarium eventus docet in lapi-
dibus æquè calefactis à manu ho-
minis temperati, & ab igne. Se-
cundò, quòd si id verum esset,
cùm homo ab igne adeò uritur, ut
corporis humani partes in cine-
res vertantur, necessariò fatendum
erat nativum calorem adhuc in ci-
neribus manere. Consequentia est
nota ex assertis ab adverso. Si enim
ad inductionem caloris ignei natu-
ralis calor non corrumpitur: ergo
igne adhuc in toto corpore fla-
grante ibi nativus calor esset per-
mansurus, quod falsum esse, quis
ignorat?*

*Quinto principaliter argumen-
tor. Contrariis existentibus calore
naturali, & calore vocato contrario
naturæ, necessariò fatendum esset,
etiam frigiditates duas inveniendas
esse, quæ duobus diversis specie ca-
loribus adversentur, & mutuò inter
se etiam opponantur. Consequen-
tia est nota ex hoc, quòd si tantum
unum uni opponitur, ut Aristot.
1.decalog.text.col.10. testatus est,
unius*

*Aliæ evap-
increpatu-
ræ.*

5. Ratio.

unius speciei frigiditas duobus specie differentibus caloribus non valebit adversari, sed alteram comitem & contrarietatem perficientem esset habitura.

6. Ratio.

Item sequeretur ex adversorum assertis, quod aquam æquè nobis tangentibus calidam essemus sensuri. Cujus oppositum testatus est Galenus 2. Temperamentorum, cum duxit argumentum ad dinoscendum eucratam temperiem per hoc, quod non afficeretur ab aqua admista, ex equis portionibus aquæ ferventis & egelide micis. Consequentia tamen per hoc probatur. Gentilis fatetur elementares calores corrumpere humanos: sed hujusmodi aqua, quam Galenus assument in argumentum humanæ temperiei calore elementari est affecta, ergo ab hac naturalis calor tangentis corrumpendus esset: & cum tactus sit hominibus collatus, ut percipiat ea, quæ primas ejusdem qualitates vitiant & corruptunt, inde eliciendum necessariò est, aquam illam sentiendam ab homine temperato fore, ut quæ vitiatura erat nativum hominis calorem.

7. Ratio.

Item adversi compellendi sunt dicere nullum medicamentum temperatum inveniendum esse, quod Galeno adversatur in tertio libro de Simplicium Medicamentorum facultatibus, cap. septimo. Et quanto ejusdem, cap. 5. Consequentia probatur. Si omnes calores, qui humani non sunt specie differunt ab humano, & mutuò se corruptunt: ergo medicamenti calor nativum hominis calorem est dissipatur, & hanc corruptionem homo est sensurus: sed hæc omnia adversantur facultati medicinæ temperatae, ut ejusdem diffinitio ex citato loco educta docet, ergo illatum verum: & cum illud fallum sit, sequitur antecedens unde extractum

fuit, falsum esse. Porro si Galeni verba ex tertio libro citato perpenduntur, facile intelligeretur, eundem credidisse, à medicamento temperato hominem non esse afficiendum affectu aliquo corruptivo. Verba enim ejusdem hæc, quæ sequuntur, sunt.

[Si quipiam est ex applicatis nobis, seu corporibus, seu medicamentis, quod actu sic calidum sit, ut nos, aut ex contactu similiter calidum evadat, id ex media est temperie, cum nobis nimirum collatum: siquidem secundum se queat per exuperantiam dici calidum, velut, & nos quoque. At si quid nondum adeò calidum est, ut nos neque ad modum tale redditur, id temperie humana frigidus est, quantumcumque in eo caliditas exuperet: etenim admotum calorem, qui in nobis præerat, auferet, detrahetque.] Non deviat ejusdem Galeni decretum ex 5. libro adductum, à præfata sententia, sic enim propè finem capituli quinti retulit: [Verumtamen Cataplasma, quod ex farina triticea conficitur, in temperatis naturis priùs movens, nec quicquam naturalis partium humiditatis aufert, quod quidem relatu sit dignum: multoque magis neque apponit: sicut nec calorem intendere potest, nec hebetare, sed tantum in substantia ipsa augere. Cæterum non idem est, qualitatem intendere, & augere substantiam. Sed hæc paulò post accuratius ostendam. At tamen id genus medicamenta humida, calidaque dicimus, non ceu calidiora humidioraque, quæ nostra sit substantia, sed seu similem habentia nobis temperiem, quæ calida, & humida est juxta veterem sermonem, velut in libris de Temperamentis ostendimus. Nec tamen sic aquam humidam, aut galbanum calidum dicimus, sed illam,

Iam tamquam quæ carnem nostram riget, hoc tamquam quòd calefaciat.] Sufficient hæc ad roborandum, quòd ex Galeno, ac ex veris eventibus probandum sumpseramus, & sic complura duci possint.

E. Ratio.
Illatio quædam contra Gentilis opinionem proponitur.

Ultra etiam sequetur ex assertione illa distinguente calores in diversas species, quod per quantulancumque moram durasset manus hominis immissa in aqua calefacta ab igne, quæ per absentiam ignis incessanter infrigidaretur, quòd numquam non afficeretur ab aqua calefacta, quamquam æqualem gradum caloris cum calore manus ipsa aqua necessariò adipisceretur cùm ex valdè calida in frigidam transierit. Sed eventus docent oppositum, scilicet, quandoque non affici manum ab aqua illa, putà cùm æquo calore est affecta cum caliditate manus: ergo antecedens, ex quo sequitur, falsum est. Consequentia tamen prior probatur. Quia tunc cum æquo calore manus & aqua participassent, actio inter calores versaretur, quia alter naturalis, aliis contrarius naturæ, quam pugnam tactus sensiturus erat. Consimile argumentum adduci posset, ad ostendendum quòd calorem balnei, quem statim cùm in solium descendimus, valdè calidum percipimus, & postea cùm perseveramus, si modicus est calor ille, non nos afficit, nec à nobis percipitur, esset incessanter percipiendus, quòd actio inter calorem præternaturalem aëris, & aquæ balnei, & nostrum non cessasset, quæ pugna esset causa sensationis.

E. Ratio.

Item sequeretur, aquas æquè calidas non æqualiter afficere hominem. Nam si duæ aquæ calore, ut duo alterentur, una per immissionem manus cholericæ in illam, alia per calefactionem ab igne, vel sole factam, priorem cholericus non

perciperet, alteram verò sic, ut quæ nativum ipsius calorem corrumperet.

Si ut fugias tot argumentorum vim, ea omnia dissolvas, negando calorem inductum ab hominis calore in aqua, vel alia re inanima-
Quædam futilis soluti
præteritarum rationum ad
ducantur, &
improbatur.
ta esse naturalem, quin præternaturalem dicendum talem calorem protervias, in mille deteriores laqueos, quām antecedentes incides. Primò, humanum calorem de per se producere præternaturalem, & sibi contrarium, quod factum nunquam visum est. Ex quo etiam, quæ implicant, sequuntur: manum scilicet simul augmentaturam calorem productum, & corrupturam eundem: nam pro quanto præternaturalis est aquæ calor, & ipsius manus naturalis, illum est nata corrumpere. Aut si, ut hoc quoque fugias, dixeris, non à nativo calore produci lapidis, aut aquæ calorem, cùm manus calida lapidi, aut aquæ admovetur, sed à formis substantialibus aquæ, & lapidis in ipsa calorem gigni, in enormissimum errorem incides. Confiteris nempe aliquid sui corruptivum ab intrinseco & de per se producere. Calor enim corruptivus est aquæ pro quanto dispositiones, quibus conservatur, vitiat, dissipatque. Secundo aquæ etiam tribuis duo, quæ mutuo implicant, putà, ipsam posse ab intrinseco producere frigiditatem, cùm absente calefaciente, in sibi decentem dispositionem reducit. Eandemque ab intrinseco posse calorem producere confiteris: cùm scilicet aliqua hominis particula calida in ea per tantum tempus durat, donec calida evadit, quæ omnia impossibilia sunt.

C A P U T I V .

In quo probatur calorem febrium dia-
riarum non posse oriri à causis quas
Galenus scripsit, ut tam Græci,
quam Latini, & Arabes Galenum
sequentes hujusque opinati sunt.

RElata sufficere existimo, ut probatum quod volebamus supersit, de eis ergo non plura, ut quoque præcipuum negotium professuari, ostendendo calorem putridarum, quas vocant, febrium, non ortum ducere à putredine humorum, ut est hucusque opinatum, sed aliunde provenire, unde febris essentia ostendetur. Sed quod de re hac multa ab authoribus diversis sunt scripta, tantum Galeni sententiam afferam, quam omnes posteriores Medici sunt secuti, ipsamque sufficienter improbablo: hac nempè explosa, cæteræ cassæ manebunt.

Primum Galenii decretum in quo entitas febri, ac eiusdem causa exprimitur.

Primumque decretum Galeni, quod afferendum dignum duxi (quia in universi quotquot causæ calefacere valent, ibi referuntur) est illud libri de Causis morborum, parum post principium: cuius series hæc est: [Itaque quænam sint, cujusque prædictorum morborum procreationis causæ, jam inspicimus, sumpto ab eo initio, qui in caliditatis intemperie consistit. Apparet autem, & in aliis corporibus omnibus, quæ plus satis incalescunt, vel ex motu quodam augeri caliditatem, vel ex putredine, vel ex vicinia alterius corpori fervidioris, vel ex angustatione, vel ex alimento ad calefaciendum accommodato. Ex motu quidem, veluti in iis, qui quovis modo exercitantur, & in lapidibus invicem collisis, & lignis, & flamma ventilata. Ex putredine autem, tum reliquorum corporum,

tum præsertim seminum, ac sterco-
ris. Mihi quidem nonnumquam vi-
dere contingit in columbarum ex-
crementis, ex putrefactione ignem
accensum. Neque est quispiam qui
ambigat, quin calidorum corporum
vicinia alia concalesceant, si modò ad
memoriam revocet, & balneas, &
solem æstivum, & omnem flam-
mam. Ita quoque hybernis tem-
poribus in ampla domo ignem ac-
cenderis, atque omnes meatus obs-
truxeris, per quos spirandi habeat
facultatem, interius calorem excl-
tabis: quod si quaque versus pa-
tentis exitus liqueris, nihil amplius
effeceris. Sed non aliter balneæ at-
que fornaces, sūmum interius au-
gent calorem: ex quo evidens est,
angustationem augendo, calori oc-
cationem præstari. Sed nec in obs-
curo est, quod idem ex ipsa mate-
ria provenit. Nam aridi calami, ve-
hementius flammarum attollunt: ligna
aut viridia, & præsertim si plura
super ignem congesseris, diutius
quidem aggravant, & veluti ob-
ruunt flammarum, demum vero au-
gent. At quo modo in animalium
corpore ex iis unumquodque confi-
citur? Cùm quispiam immoderata
exercitatione usus fuerit, laetitudi-
nem sustinet corpus, hoc est cali-
ditatem immodicam in musculis
atque articulis habet. Hi enim sunt,
qui primum motum excipiunt.
Quod si non ultra progrediatur cal-
or, atque eum solvi contingerit an-
tequam totum animalis corpus in-
vaserit, nihil ultra laetiudinem
consequetur. At si in totum exten-
ditur corpus, tunc hujusmodi af-
fectu febris nuncupatur, quæ est
veluti quædam totius corporis im-
moderata caliditas. Ita, & ira, quæ
fervor quidam est existentis in cor-
de calor, ob immoderatum mo-
tum, per totum nonnumquam dif-
funditur corpus, atque ita febrem
ac.

accedit. Jam ea, quæ putrescent in animantibus corpore, calorem quemdam immodicum in his partibus, in quibus putrent, efficere possunt, sicuti, & Erysipela, & Herpetes, & Carbunculi, & inflammations, & Phygetha, hæc quidem totum concalefacientia corpus, excitant febrem. Et quidem tertia causa immoderati caloris ex his fit manifesta quoniam modo animalibus adveniat, & ex iis, quæ adiunctiones appellantur. Nam in bubonibus, & inflammationibus, & Erysipelatis, atque omnibus adeò calidis morbis, semper contingens pars atque continua, ipsa quidem primum caliditatem assumit, deinceps vero, & partem vicinam afficit, & hæc deinceps sibi proximam, atque ita usque ad principium insiti caloris perveniente intemperiem, totum celeriter corpus principii sentit affectum. Diuturnæ quoque moræ in locis sole expositis, nudis quidem, totam aliquando cutem supremam calefaciunt, at iis, qui vestibus operati sunt, solum caput, atque hæc exustio appellatur. Quod si jam totum animalis corpus occupet, tunc ita febris acceditur. Quartum vero causæ genus, quod insitum calorem immoderatè succedit, in astrictionibus, & frigefactionibus fieri videtur. Nam si quis vehementer riguerit, aut in aqua nataverit, quæ aut alumen, aut talem aliquam naturam acceperit, huic astringi cutem, ac densari contigit, ut quæ difflari consueverant, intus cohibeantur. Quod si fuliginosa fuerint, quæ intus colliguntur, febris inde generatur. Quinta vero species autem supra modum caliditatis sunt esculentorum acres, ac calidæ qualitatis, veluti alliorum, porrorum, ceparum, atque hujusmodi omnium. Nam, & horum usus

immoderatus febrem aliquando fuscitavit. Et quidem calidæ potiones immodicæ, veluti vini veteris, & acris, cum imbecille corpus offenderint, & medicamenta acria, sive remedia morborum fuerint, sive venena, causam ut homines febricitarent, attullerunt.]

Sed quamquam citato in loco haud obscurè febris essentia explicetur à Galeno, non ab re esse videbitur, si aliquam aliam transcribam, ex eodem, sententiam, quæ expressius, ac peculiarius febrium essentiam, & differentias exprimat. Et inter reliquas illam de Differentiis febrium, lib. 1. cap. 2. adducere visum est, quæ sub his continentur verbis: [Hæc quidem sunt totius sermonis capita. Et oportet quæ jam dicta sunt demonstrare, atque uniuscujusque generis febrium dignotiones exponere: quam primum autem necessarium est de earum generatione aliquid disserere. Quod igitur ex laboribus, ira, & tristitia, & solis ardoribus, atque frigoribus, vigiliis, & cruditatibus, ebrietatibus, & crapulis quidam febricitari conspiciuntur, nemo est qui ipsa doctus experientia non agnoscat. Et quidem quod aëris pestilens status febrem afferre consuevit, nemo sanæ mentis dubitabit, sicuti, & pestilenti morbo laborantium conversatio periculosa, ne inde contagium contrahatur, quemadmodum ex scabie, & lippitudine. Est etiam eorum, qui de tæbe correpti sunt, consuetudo nequaquam secura, atque omnino eorum, qui putridum expirant, adeò ut domos, quas habitant, fætidum exhalent odorem. Illud quoque longa experientia compertum, quod qui consueta exercitia omisserint, & aliis morborum generibus, & febribus maximè corripiuntur. Et quidem omnes,

*Secundū G.
leni placitum
agens de a
dem re de q
primum.*

nes, ut ita dixerim, homines norunt, quod, & quæ pletora vocatur, & cibi vitiati, & medicamina, æstusque circa canis, pluraque hujusmodi alia afferunt febres.] Et parum infra in exordio capitinis tertii.

[Sunt igitur suppositiones hæ calidum, frigidum, humidum, & siccum, esse corporum elementa, primasque ex eorum intemperatris constitui ægritudines: ex quorum numero febris est una, quoniā in corde quædam præter naturam caliditas generatur. Caliditatis autem differentiæ (de quibus præsens transigit sermo) à materiarum differentia sumebantur, quæ febrilem caliditatem suscipiunt. Cùm autem eorundem triplex sit genus, vel enim in ipso cordis corpore accendi dicebantur, vel in humoribus, vel in spum: præincipere autem in omnium febrium constitutione causas, quæ ab omnibus manifestè noscuntur, quas etiam paulò ante commemoravimus.] Et inferius in eodem 3. cap. [At quam singulæ præincipientes causæ in corpore faciant dispositionem, quæ febrem accendent, nunc ostendere intendimus. Quoniam non unum videamus modum generationis, aut augmentationis caliditatis (siquidem neque ignis ipsius) sed vel propter motum, vel propter putrefactionem, vel propter adhæsum alterius caloris, aut propter detentum calidi effluxus, aut propter mistionem calidæ substantiæ quodam veluti ex fonte effervescentis, quæ quo ad nostrum sensum, vel generet, vel augeat caliditatem, necesse omnino, & febrium causas reduci ad eos, quos proximè diximus modos. Veluti statim exustio, sive ipsa solis operatio talem fortifiatur appellationem. Aut qui ab eodem in corpore sit affectus,

Tertium Ga-
leni decretū.

dū G.
acim
de u
de q
n.

sive ille, qui jam affectus est, nam & hoc ipsum calor præter naturam nondum tamen febris existit, nisi cor unà calefiat, omne quidem hujuscemodi causæ genus fieri constat, ex rei calidæ adhæsu, sive sol, sive ignis, sive medicamen calidum contingat extrinsecus, aut proximum fiat, aut adhæreat, sive quovis aliquo vocabulo quispiam uti voluerit. Ira autem est veluti quidem fervor quidam, ac vehemens motus potentiae irascibilis in ipso cordis corpore sita, simul autem cum hoc fervore calefit spiritus aliquandò, aliquandò verò, & sanguinis substantia. Quòd si ita contingit, ut ea corpora, quæ in se caliditatem admiserunt, longo eam tempore retinere natura apta sint, licet motus cordis sedetur, in hisce tamen remanet calor præter naturam, atque inde hominem febricitare est necessarium. Hujuscemodi autem febris habet originem à motu atque fervore nativæ caliditatis. Quæ autem ex tristitia sit, ex solo motu, non autem ex fervore generatur. Eius autem, quæ labores sequitur, principium est muscularum, nervorum, copularum, & articulorum nimia confricatio. Quæ quidem primò quendam calorem, concipiunt hinc verò continuatim calor ascendit ad cor, atque inde homo necessariò febricitat. Quæ autem ex densitate cutis accendiatur febris, qualis maxime frigefactis atque adstrictis corporibus solet accidere, mordaci effluxu in corpore acervato contingit. Semper enim animalium corpora difflantur, idque dupli modo, effusis ad exteriora vaporosis atque fuliginosis superfluitatibus, ac rursum attracta refrigerante, ac ventilante nativum calorem aërea substantia. Cum igitur aliqua causa po-

tentior eos, de quibus diximus, meatus angustiores effecerit, sæpius in pletoricam dispositionem incidit corpus, quando, & vaporosum, & optimum quod effluit, extiterit. At cum acre fuerit, satisque mordax, nonnumquam in febrem, quo tempore maximè intra corpus quod refrigerandi vim habet, non attrahitur, calor augetur, acris autem, ac mordax defluit superfluitas his, qui aut natura vitiosos habent humores, aut pravis cibis utuntur. Aut sæpius cruditatem patiuntur: at tūm præsertim, cum post hujuscemodi cibos assumptos, feculentum, vel luctulentum atque ex lacunis, vel piscinis, sive paludibus, sive è quovis alio vitiata, ac putrescentem biberint aquam. Idem his quoque accidit, qui supra modum labo- rant, aut vigilant, aut cogitant, aut medicamina acuta jugiter sumunt. Voco autem pravos cibos, quibus hoc ipsum est à natura insitum, sicut allia, cepe, nasturtia, porros, brasicas, ocyma, & urti- cas, & quæcumque alia agrestia dicuntur, veluti quæ apud nos lampsanæ vocantur. Et quæ præterea à natura quidem optima sunt, sed ob quosdam putrefactionis modos æqualæ prædictis, aut majus aliquando vitium contrahant. Veluti frumenta, hordea, atque omnes aliæ fruges, quæ ad usum cibi assumuntur, quarum nonnullæ tempcris longitudine ad putrescibilem du- cuntur dispositionem: alia quoniam malè repositæ fuerunt, humi- ditate replentur: quædam verò, & in primo ortu rubigine depravantur. Tales cibos hodie quoque urgente fame plures coacti comedere. Nonnulli quidem à putridis, ac pestiferis febribus interierunt. Nonnulli autem pustulas instar scabiei, ac lepræ in corpore contraxerunt.

Cum igitur plenum fuerit corpus hujuscemodi humoribus, nulla ve- rò obstructio aliquod ex visceribus obsidet, liberè autem in totum ani- mal per cutim difflatur, ac refrige- ratur, sanitate quidem fruitur ani- mal, sed dubia, ac momentanea. Cum autem constringi terminum exteriorem, ac obstrui penitiorum partium meatus contigerit, in constrictionibus quidem quod nu- per diximus febrium genus conse- quitur, in obstructionibus autem, quod paulò infra dicemus. Nihil ergo mirum si ex his, qui crudita- tem passi sunt, nonnulli quidem à febribus correpti fuerunt, alii verò minimè. Nam hi, qui jam hu- mores habent vitiatos, ac male difflantur, aut intempestivè labo- rant, aut balneis superfluis utuntur, hi facilè febribus corripiuntur: ac qui boni habitus sunt, atque benè difflantur, & quiescunt, & ventri- culum atque Hepar calefaciunt, his febrire est impossibile. Nam in eis, seu residet ventriculi, ac hepatis partibus, quodcumque corruptum est, ac paulatim per tempus coqui- tur, atque optimum fit. Sicuti his, qui se post vehementes motus ex- ponunt, aut æstivo soli, aut bal- neis calidis dulcium aquarum, quic- quid vitiatum est, in habitum cor- poris recipitur. Sic, & quibuscum- que cibi corrupti per album dejiciunt febris non subsequeretur, ni- si alia causa accederet, aut quia suprà modum fatigati essent, ob- frequentius surgendi necessitatem, aut inflammationem in ventriculi partibus subtinuissent. In obstruc- tionibus quidem foraminum atque humorum intrusionibus (nam, & de hoc dicere distuli) ex putredine pa- tiuntur febrem animalia. Prom- tissimè enim putrescant quæcum- que calida, ac humida, ac in ca- lidis locis, nisi difflari, ac refrige- ra-

rari contingerit. Nihil igitur mirum, si ex repletionibus febres eveniunt, etenim obstructiones multæ fiunt, atque universum corpus in hujuscemodi affectibus malè diffatatur. Sicuti igitur in altera multitudoine, quæ ratione potentia dicuntur, citò ad corruptionem humores deveniunt, quoniam non bene continentur, neque coquuntur cum ea à qua confiuntur, vis invalida existat. Propterea autem quicumque cibi glutinosi sunt, ac crassi, sunt magis morbis obnoxii. Obstrui enim, atque intrudi eum qui ab ipsis generatur humorum facilius existit. Quid igitur? Nonne contraria ratione acria, atque extenuantia morbosa? Videntur enim similitè à febribus infestari, qui utramque victus rationem nimium sequuntur: quoniam, & supra dimicimus, omnes tales mali succi esse. Tali igitur ratione hi: ob putredinem autem quicumque glutinosi sunt, ac crassi febrium sunt cause. Partes etiam, quæ inflammationem patiuntur ratione putredinis febres accidunt, intrutus enim in ipsis influens humor, cum non bene diffletur, putrefacet. Cum igitur fluxio hæc amaram bilem dominantem habuerit, caliditas quædam Erisipelatodes propriè occupat partem: cum verò sanguinem phlegmonodes, cum verò humorum ex utrisque commixtum, vel fit erisipelas inflammationis participans, vel inflammatio erisipelatis, nomen quidem ab humoré superabundante suscipiens, cognomen autem ab altero. In hisce autem omnibus communicationis ratione, febris acceditur: semper enim calefacta proxima pars simul calescit, donec ad cor communictio pertingat. Nam, & in carbunculis id quod continuum existit, unà calefit: fiunt autem ex

sanguine quidem satis calido, & ad atræ bilis naturam propter adustionem converso. Calidiores autem ambientis aëris status, quales maximè circa canis ortum continentur, per inspirationes quidem manifestè cor calefaciunt, corpori autem extrinsecus circumfusi totum ipsum calidius efficiunt. Sed præfertim arterias, ut quæ ipsis substantiæ aëris ambientis aliquid trahant. Ex quibus omnibus simul cor affici est necessarium, & cum supra modum incaluerit ipsum primum, atque potissimum febrilem calorem suscipere, atque ad universum corpus transmittere. In pestilenti verò aëris statu inspiratio plurimum est causa. Fit enim, & aliquando ob eos, qui sunt in corpore humores ad putredendum paratos, cum brevem aliquam occasionem ad febris originem ab aere ambiente acceperit animal. Magna autem ex parte ex inspiratione incipit aëris circumstantis à purificibili evaporatione vitiati. Putredinis autem principium, vel cadereturum multitudine non crematorum, quemadmodum in præliis contingere solet, aut ex aliquorum, vel lacuum, vel paludum aestatis tempore evaporatione. Contingit autem quandoque præcedere ambientis aëris caliditatem immodicam: quemadmodum in ea pestilentia, quæ Athenienses invaserit, ut Thucidydes inquit. Sed in tuguriis suffocantibus aestatis tempore habitantium corpora corruptione laborabant. At quia humores corporum ex victus pravitate erant putredini obnoxii, hinc febribus pestilentibus origo data est. Fortè autem per continuum ex Aethio pia quædam putredinis fluxere contagia, his quorum corpora erant ad patientium parata febrium causæ futura. Oportet enim hoc in

toto sermone memoria repetere, quod nulla causarum sine patientis aptitudine agere potest: alioquin omnes qui sub æstivo sole commorantur febricitarent, aut qui nimo motu exercentur, aut vini potu gravantur, aut ira excandescentes, aut tristitia afflitti febricitaret. Alioquin etiam ut arbitror circa canis ortum omnes ægrotarent, ac in pestilentis morerentur, at, ut diximus, magnam in generatione ægritudinum partem habent. Ejus, qui passurus est, habilitas corporis. Supponatur igitur, ut in exemplis in ambiente quidem aëre nonnulla pestilentiae semina contineri, ac ea quæ ab ipso corpora continguntur, nonnulla quidem esse variis superfluitatibus plena, jam ex scipsis ad putrescendum parata, nonnulla autem pura, ac inutili materia parentia, ac primis quidem adjungatur in multis corporis partibus obstructio foraminum, atque ea quæ pletora vocatur. Et vita otiosa in multis crapiulis, ac rei venereæ usibus immoderatis, atque his quæ necessariò omnia quæ nuper diximus consequuntur cruditatibus: reliquis vero omnibus corporibus puris, ac superfluitatibus omnino parentibus adsint præter hæc bona, libera in omnibus spiratio meatibus, cum obstructionibus, atque astrictionibus parent: exercitia etiam sint moderata, victus temperatus, ac deinceps his suppositis, cogita quomodo utraque corpora affici sit necessarium ab eo quem inspirant aere pestienti. An non rationabile est, illa quidem statim à prima inspiratione principium putredinis sumere? ac plurimum in malo procedere. Quæcumque autem mundata sunt, ac superfluitatibus parent, nonnulla quidem nihil, nonnulla vero minimum mali sentire, ac fa-

cile ad naturalem habitum habere regressum?]

Et quoniam non parum ad veram explanationem essentiæ febris, ac causalum ejus conduit, Galeni sententiam de causis differentiæ febrium putridarum explicare, ideo quæ in principio secundi lib. ab eodem referuntur, huic volumini inserere vîsum, cujus hic est ordo contextus: [At illud supereft, ut febrium differentias, quæ in humoribus accenduntur, percurramus, si hoc unum ante admonuerimus, non sufficere ad generationem febrium, sicuti multi opinantur, si solum amara bilis, quam nonnulli rufam appellant, augeatur. Sic enim omnes, qui morbo regio laborant, in maximas inciderunt febres, in eis siquidem hujuscemodi humoris magna in toto corpore copia redundant, non tamen febricitant, nisi aliqua alia accesserit causa, de qua paulò inferius dicemus. Absurdum etiam putare in quartanis, & quotidianis febribus, quæ exquisitæ sunt, tales acervariabilem amaram non secùs, quam in tertianis, ac febribus, quæ ab incendio causones appellantur. Nam ex adverso in quotidianis febribus, atque quartanis, nec vomitus biliosi, neque sudores, neque urinæ, neque excrementa aliqua vestigia amarae bilis ostendunt: præter id, quod neque aliquid ex his quæ antecesserunt, aut simul adsunt ejusdem humoris præbet testimonium. Nam tertianæ quidem febres magna ex parte in corporibus fiunt, in quibus naturalis habitus ad bilem accedit, atque in consistentium ætate, quæ omnium maximè biliosissima est. Tempore etiam æstivo præ cæteris, in quo hujuscemodi humor dominatur. In locis præterea, quæ calidam, atque sicciam habent temperaturam, ac in-

simili aëris ambientis qualitate. Vita etiam non otio, atque quieti dedita, sed in laboribus, curis, vigiliis, solis incendiis, & ciborum parcitate assueta, eorum præsertim calidorum, ac siccorum, usus præterea medicaminum tale facientium, atque exiccantium immodicus usus febres tertianas faciliter afferent. Contra verò quotidianæ febres naturis, in quibus pituita superfluit, sunt familiares, atque ex omnibus anni diversitatibus, in hyeme præcipue, atque omni temporum statu frigidiori, atque humidiori, in ætate simili, ac puerili, in locis frigidis, atque humidis, vitaque otiosa, quam crapulæ comitantur, ac tunc præsertim cum post cibos balneis utuntur, ac multò etiam magis cum ipsi cibi naturam pituitosam habuerint, generantur. Neque etiam hi amaram evomunt bilem, neque per ventrem inferiorem, neque per urinam, neque per sudores excernunt, quod in febribus contingit tertianis: hæ siquidem flava bile putrefcente fieri consueverunt, at quotidianæ ex pituita, quemadmodum quartanæ ex atra bile originem habent. Sic igitur & corporum natum sequuntur ad atram bilem proclivem, atque ex ætatis declinatem. Ex anni verò temporibus Autumnum. Sic & reliqua omnia, quæ his proportione respondent, ut cibi, potusque, ac victus universus frigidus, ac siccus quartanis febribus originem præstant. Quare & rigor, qui utrumque genus febris antecedit, haud quaquam similis est. At in tertianis quidem causam, à qua provenit, rei quodammodo pungentis, ac ferientis sensum representant, in quartanis autem veluti refrigerantis. De ea autem, quæ est rigoribus forma inter causas accidentium abundè exposuimus, ubi etiam generis febrium diximus dif-

ferentiam: quod ex ipsis, quæ quidem sunt intermittentes (ita enim appello quæcumque ad sensibilem infibricitationem perveniunt) ortum habent ab humore febrem generante, qui per omnes corporis partes suo motu defertur. In continuis autem humor in venis continetur inclusus, de quarum dignotione in 2. lib. de Crisibus tractavimus. Intermittentium igitur tres sunt omnes numero differentiæ, quotidiana tertiana, & quartana: quotidiana quidem ex pituitæ putredine, tertiana verò, atque quartana utriusque bilis: flavæ quidem tertiana: nigræ autem quartana. Continuarum autem, quæ ex flava bile proveniunt, duplex est species: altera earum, quæ à continuo fervore synochæ appellantur, quarum universum tempus in una consumitur accessione, quæ à principio usque ad finem pertingit: altera earum, quæ idem cum genere nomen sortiuntur, & continua appellantur, atque in pluribus circuitibus continentur. Earum igitur, quæ synochæ dicuntur, tres sunt omnes numero differentiæ. Nam quædam earum à principio usque ad finem perdurant: quædam paullatim augentur. Tertia species paullatim decrescit. Unde, & nonnulli primas quidem homotonas, ac acmaisticas, hoc est, in eodem statu, & vigore perseverantes nominarunt. Secundus anabaticas, atque epacmaisticas, hoc est, assurgentibus, atque invalescentes dixerunt. Tertiæ autem Paracmaisticas, hoc est, decrescentes, appellarunt. Continuarum verò duæ sunt primæ differentiæ. Nonnullarum quidem, quæ singulis tertii diebus invalescunt. Aliarum verò, quæ die intermedio alteram faciunt accessionem. Hæ igitur nullum præcipue obtinent nomen. At quæ tertio die in-

invalescunt, ego quidem nominare consuevi triteophyes, hoc est, tertianarum naturam referentes. Non tamen prohibeo, quin pro suo quisque arbitrio alterum eis nomen imponat, modo rerum observet differentiam. Alia quidem est differentia, cum ad infebricitationem terminantur, alia cum in declinationem febrilem desinunt, haec, quæ per tertiam diem febres accenduntur. Est præterea alia febris natura, quæ in medio accessionem facit, nullam tamen ex his, hemitritiam voco: non vero autem si quis velit ita nominare, modo hoc tantum ab eisdem observetur, ut nullam febris speciem prætermittant: Sed omnes deinceps quemadmodum ego nunc institui, rescenseat. Nam quæ, & in die intermedia faciunt accessionem continuæ, nonnullæ quidem in quotidianarum figura progrediuntur, duas invicem accessiones simillimas facientes: nonnullæ vero duas dissimiles habentes. Prima quidem tertiam omnino simillimam obseruant. Secundæ autem quartam in figura duarum tertianarum progredientes: Haec igitur ex bilio magis: alteræ vero, quæ singulis diebus similem accessionem faciunt, ex pituitoso magis humore consistunt. Est, & tertium genus febrium continuarum, quæ per raro tamen eveniunt, quarum accessiones quartanarum figuram progredientes ostendunt, neque infebricitatione terminantur. Sicuti autem febris tertiana aliquando sit duplex, aliquando triplex: ita & haec non modo duplex, sed etiam triplex evadit. Haec quidem febrium complexiones sunt ejus, quæ de typis p. id est, de febrium figuris propriæ tractationis: quæ autem ex humoribus simplices febres acciduntur, tot numero sunt, quod

nuper à nobis sunt explanatae.

CAPUT V.

In quo evidentissimis rationibus probatur febrilem calorem diariarum non inde oriri unde Galenus est opinatus.

NON breves duxi contextus Galeni, ut omnes noscant explicitè, quid putet ipse esse causam febrium diariarum, & putridarum, ac quæ sit essentia illorum calorum. Ille enim palam non confiteretur relatos febriles calores diariarum, & putridarum febrium specie differre, neque ejusdem esse speciei, ut quoque non exprimit, utrosque à naturali calore specie etiam distare, sed tantum hanc differentiam manifeste inter calores febriles versari hic explicat, quæ à diversis causis sumi potest. Ut si quis distinguere calorem in solarem & igneum & aërem, nollendo docere, illos ad invicem specie, aut genere differre, sed causam productivam eorundem non eandem specie esse. Ergo quia utrariumque febrium tam ephemeralrum, quam putridarum causam simul exposuit Galenus, scribere cogor, deceptum illum fuisse in redendis ambarum febrium causis, undeque originetur calor adeò intensus, qualis in febribus percipitur, dilucide monstrare, postquam non posse vera esse Galeni decreta, ostendero. Quibus per actis, de essentia ethicæ febris differam, & in quo aberraverit idem Galenus ostendam: ut ne quis credens causas esse illas, quæ à Galeno scriptæ fuere, methodos curativas in illas diligat, indeque à scopo rectæ medicationis discedat.

Auspicemur ergo divellere illud, quod ex libro de morborum causis transcriptimus: cùm causam Galenus exposuit febrium diaria-

rūm provenientium ab immoda exercitatione, per hoc, quod musculi, atque articuli ex illa immoderantia plus justo calefiunt, à quibus cū toti corpori accidit, communicari caliditatem tantam, quantum relatæ partes habent, febrim suboriri asseveravit. Et ab ira quoque per consimilem quasi modum febrim procreari testatus est, ex fervore nempè sanguinis in corde existentis ob immoderatum motum ejusdem infervescentis in totum corpus fieri expansionem, febremque incendi contendit. Ex multis quoque aliis causis eandem febris speciem suboriri etiam dicit, putà ex inflammationibus, carbunculis, exustionibus à solis caloribus, ac ex aliis occasionibus. Nec aliter, quam calefactis partibus, quæ calorem primum conceperunt, indeque in intimas & usque ad cor spango ipso. Quæ non sic posse febrem attendere, quibusdam genericis rationibus probabo, ac post peculia- riter descendo ad relatas causas, idem etiam, Deo concedente, efficiam.

1. Ratio.

Sitque prior ratio hæc. Si verum estet à relatis causis calorem producentibus, febrem diariam concitari, vigintique quatuor horis transactis ipsam sponte finiri, ut Galenus in exordio noni libri Methodi medendi inquit, sequeretur intensionem, ac potissimam vim febrium hujusmodi in principio earundem conspiciendam, & ab eo usque ad finem in declinationem, ac continuam diminutionem easdem tendere, esse experendum. Sed eventus oppositum docent, multas scilicet ex his febribus, & fermè omnes non incipere statim, ut relatæ causæ adsunt, sed post aliqualem moram: & quæ statim invadunt, ac quæ post subsequuntur, suum principium imbecilla caliditate afflagentem habere, at-

que has in exiguo tempore crescere, & post imminui, pote cū decem & septem, vel decem & octo horæ complentur, imminutionemque hanc perseverare, donec completis viginti quatuor horis in totum febris finiatur. Supereft ergo eventibus ita conspectis, antecedens, ex quo illud consequens inferebatur, falsum esse: & cū Galeni sententia sit antecedens de quo agimus, manifestum quoque restat, ipsam falsam esse, quod probare volebamus. Ex omnibus prædictis nil probandum supereft, quām illationem illam bonam esse, putà, si febres diariæ à relatis causis oriuntur, omnes maximam vim in ipso limine principii habituras. Quām facillimè probo per hoc, quod quæcumque dispositiones contra naturam habentis inducuntur, per tempus illud, per quod causâ alterans adest, florent, ac vigent, & cū hæc adest, statim imminui incipiunt. Caliditas nempè in aqua, aut ferro calefactis ab igne tamdiu durat in suo vigore, quamdiu ignis calefaciens adest, qui si auferretur, mox decrescere incepisset. Cæteræque alterationes violentæ eandem formam servant, quam caliditas aquæ, de qua agimus. Unde liquido patet, quod si ab immoderata exercitatione, vel ab ira, aut sole, vel alia quavis causa ex relatis à Galeno febris diaria ortum duxisset, quod cū ipsæ efficientes causæ præsentes forent, maxima vis febrium afflictura erat: & cū absent, statim in declinationem & remissionem erat febris descensura. Cujus contrarium, ut diximus, experimur. Transacta nempè ira, aut immoderato exercitio, diaria febri quandoque corripi hominem. Qui si in corde calorem ab ira conceputurus erat, vel à musculis ex motu calefactis: tunc primum cū hæc

præ-

præsentia erant, febris erat cum maxima vi invasura, motuque & ira pausantibus, incepturna erat febris remitti, cum nihil aliud ipsa sit, quæ relatus calor cordi communicatus ex assertis à Galeno ipso.

Inanis quædam soturio adducitur, & improbatum.

Fortassis confiteberis quicquid intulimus, proterviesque hujusmodi febres simul cum efficiente causa fieri, & in principio vigorosas esse, & ab eo usque ad finem semper remitti easdem, quo in totum nostrum argumentum dissolvitur. Sed si id fatearis, eventibus & authori tuo Galeno adversaveris. Ipse enim libro primo de Februm differentiis, capite septimo, inquit: [Unum verò hoc est præcipuum februm ephemeralium indicium, ab aliqua incipere causa recenti, ac manifesta, quæ ante præcesserit: quam omnes Medici juniores usitato vocabulo procatarcticam, sive præincipientem appellant.] Quæ verba clare exprimunt præcedere procatarcticas causas febres ephemeras, ipsasque post sequi, ut nos fatebamur. Verba quoque parum infrasequentia manifestè dicunt principium febres has habere, & ipsas augeri, & consistere, ut nos dicebamus: [Sed & caliditatis suavitas proprium, ac inseparabile est hujusmodi februm indicium. Inseparabile quoque æqualis, atque incompressus ascensus in caliditate, ac pulsibus simul, non tamen proprium, cum & aliis quibusdam adsit: sicuti etiam consistente febre mediocritas: neque enim hoc etiam est proprium, quamquam his maximè inest. Et melius sanè hæc, quæ communia existunt incremente febre, ac consistente, quoniam magis ephemeralis insunt, inter propria reponere.] Quid enim illud inseparabile esse diariis febribus ascensum in calore, & frequentia pulsuum, & incomprehensum eundem

esse significat, quædam quod nos dimicimus accidere ephemeralis febribus, eas scilicet incipere cum remissione calore, quæ qui post subsequitur, & post, hunc eundem crescere, quamquam citius multò, quæ aliae febres, & consistere easdem, ut infra refert, & postea declinare. Quæ omnia contraria sunt evasioni illius, qui confitebatur ab initio usque ad finem diariam febrem decrescendo procedere, ut de peracmaesticis scribitur. Unde liquidò patet argumentum nostrum in sua vim manere.

Et quod genera hominum nostro, quæ divellenda sunt ab his, quæ à magistris didicerunt, protervia semper esse, nullisque convinci auctoritatibus neque rationibus, ideo Galeni aliud decretum propè finem secundi de Crisibus adduco: quo expressius constet, ipsum confiteri ephemeras febres principium, & augmentum, ac statum habere: quod esse impossibile, si inde orientur, unde Galenus existimavit, probavimus. Verba Galeni, quæ sequuntur, sunt: [Eorum verò, qui ex latitudine febricitant, cutis est sicciior plusquam in aliqua alia febrium ephemeralium. Sed hoc quidem omnibus, qui ex latitudine febricitant, commune est in eo: accessionis tempore: quod usque ad statum protenditur.] Quibus verbis fatis clare docet à principio usque ad statum tempus aliquod intervacare, ut nos sumus testati, & eventus docentes. Multas quoque sententias ex eodem trahere possem. Nam eam, quæ primo de Febribus ad Glaticonem refertur capite secundo, & quæ in aliis locis multis ipse idem profert. Sed omnes omitto, ut qui relata sufficere, existimem.

Porrò non tantum evasionem & figmentum, quod increpavimus,

*Alia inan
solutio impr
batur.
sus-*

suspicio ego objiciendum mihi, ut invalidam rationem nostram reddant, qui Galenum non aberrare potuisse credunt: sed & aliter evadi nostri argumenti vim opinabuntur, credendo scilicet, ephemeralium febrium nimirum principium imbecillum esse, & posteà easdem in calore, & pulsuum magnitudine crescere, cùm causa producens adhuc abest, quòd hæ sint tantum spirituum passiones, ut Galenus 2. de Crisibus, cap. 13. referebat, scribens: [Reliquum est, ut de tertio febrium dicamus genere, quas ephemeræ appellari dicimus. Sunt autem hæ tantummodo spiritus passiones, absque humorum putredine, aut membris inflammatione, nisi inflammatis inguinibus accidant.]

Quam evasionem etiam nullius valoris esse ostendo. Primò per hoc, quod impertinens videtur, ephemeræ febres esse spirituum passiones, aut humorum, aut membrorum, ut solvant vim nostri argumenti, quo probamus, si à sole, vel exercitio plus justo corpora calearint indeque febres suboriantur, tunc primum intensionem maximam eas habere, cùm causa efficiens adest: & tanto intensiores esse, quanto minus est interstitium temporis ab absentia procataret. ex causæ usque ad invasionem febris. Nam sive aqua humor à sole, vel igne calefiat, aut ferrum substantia solida ab eisdem exandescat, vel aër spiritibus similis, à relatis causis calidior, quam erat vertatur, horum quodvis necessariò calidius erit, cum sol, vel ignis adfert, quam postquam ipsa disperat. Ad quorum similitudinem non plus interest, ad solvendum argumentum dicere, esse spirituum passiones diarias febres, quam humorum, vel membrorum.

Quanto magis, quòd citatus
Tom. II.

Galen. in 2. de Crisibus febrem factam ob inguinum inflammationem recenset inter ephemeras, confessus hanc non esse spirituum passionem, ut etiam illam, quam ex lasitudine provenire dixit. Non esse quoque affectum spirituum, verba illius expressæ in multis locis dicere videntur. Nam capite tertio, lib. primi, de Febris differentiis inter cætera sic inquit: [Ejus autem, quæ labores sequitur, principium est, muscularum, nervorum, copularum, & articulorum nimia conficitio, quæ quidem primò quendam calorem concepiunt, hinc vero continuatim calor ascendit ad cor, atque inde homo necessariò febricitat.] Ubi manifestè confitetur Galenus membra solida primò calorem recipere, eademque continuatim in cor illum transmittere: sed cùm membra illa membris intermediis inter se & cor continua sint, & non spiritibus, perspicuum evadit ex mente Galeni fuisse, per hæc ad cor usque deferri calorem, & non per spiritus. Idem quoque de ira, ut est diariæ febris causa, loquens, præterita confirmat, scribens: [Ira autem est veluti quidem fervor quidam, ac vehemens motus potentiae irascibilis, in ipso cordis corpore sita: simul autem cum hoc fervore calefit spiritus, aliquando vero, & sanguinis substantia.] Ubi quoque in passione ista non tantum calorem primum in spiritibus fundari cogendus est Galenus dicere, ex his, quæ ipse testatus est, sed in humore aliquo. Nam fervor, qui per se comitatur iram, affectus substantiæ humorosæ, & non vaporosæ est. Nemo enim propriè dixit aërem fervere, ut aquam, aut mustum, aut quodvis aliud fluidum, & liquidum fervere dicimus. Ergo fervor ille, qui primum comitatur iram sanguinis, aut alterius

Alia ratio
qua futilis so-
lutio impro-
batur.

rius humoris corporis futurus erat, qui in corde & spiritibus calorem erat concitaturus.

Quædā Neotericorum nūge improban-
tur.

Sed ne quis putet mihi ignotas esse Neotericorum nugas, & aliquarum harum objectionum inanes solutiones, per hoc, quod referant, in bubonibus eas febres dicendas ephemeras, ubi tantum calor ad cor devenit, nulla putrida fuligine humoris coacervati in bubone ad cor usque ascendentē, putridasque illas vocandas, quæ ab humore inclusō in bubone fuliginosam vaporationem in cor mittunt, à qua cor supercalefecit. Ut ergo, ut dixi, omnes sciant hæc mihi comperta fore, sed nullius valoris esse: quamquam authorem Galenum ipsum habere videantur libro primo de Febrium differentiis, capite quinto: primò in memoriam revocent, Galenum non alio modo calorem ex bubone ad cor ascendere scripsisse, quām per corporis partes communicato illo, ut parum ante per verba ejusdem probavi, quo distinctiones illæ frivolæ tolluntur. Secundò, quod quicquid sit de illis futilibus distinctionib⁹, etiam si concedatur eas veras esse, non inde sequitur quicquam, quo nostra ratio contra Galenum ducta dissolvi valeat. Et illa in suo vigore dimissa, aliam prosequamur.

2. Ratio, qua febrium ephemerarum cau- se putate à Galeno impro- bantur.

Et ut alio modo contra eadem Galeni decreta argumenter, suppono primò, qualitatibus primis elementorum, putà calori, frigori, humiditati, ac siccitati hoc insitum esse, ut numquam possint in passa à se distincta, in quæ agunt, intensiorem gradum producere, quām ipsa habeant. Numquam enim visa est aliqua res, exempli gratia, calida, aut frigida, ut duo, intensiorem calorem, aut frigiditatem in sibi adhærens passum producere, quām ut duo, & si trium

graduum calorem, aut frigiditatem habuisset, tantum in passum extrinsecum inducere potuisset, & validiorem minimè. Ut si ut quatuor, quod fingamus, summum caloris esse, haberet, etiam illum producere valeret.

Nec immerito hoc primis qualitatibus nativum esse dixi, quod sciāt lumen hoc non convenire. Quis enim ignorat, quod si faci quantumvis insigni, & lumen per centipedalem distantiam diffundenti, aliam sub duplo minorem admoveas, quæ sub duplo quoque remissius lumen, & ad subduplam distantiam diffusura erat, quod utræque faces juncta multò intensius lumen producent, atque ad majorem multò distantiam, quām prima solebat: factas enim magnæ ex faculis fieri valent, imò persæpe ex his fiunt. Quod, ut dixi, calidis rebus, aut frigidis, humidis, sive siccis non accideret. Cujus diversitatis causam, non est præsentis loci investigare.

Secunda suppositio sit, humānum cor sani hominis calidius multo esse, quām corpus quantumvis intensa caliditate febrili calens, quin nisi ab ignea caliditate non vinci cordis calorem. Hæc suppositio nullo validiore modo probari potest, cùm adversus Galeni decreta disputamus, quām ejusdem auctoritate. Ipsius ergo de hoc sententias affero, ut hoc ipsum, quod nos supposuimus, affirmasse eundem constet. Primaque sit in libello de usu pulsuum, sub his verbis: [Non ergo est similis calor is qui cordi naturalis est ei, quām cæteris partibus, cùm id fervere semper sit opus, his satis sit, si non sint frigidæ.] Et alia, quæ statim infra scribitur: [Cæterum si corde jam refrigerato, & propria animali jam mortuo, velis alterutro ventriculorum ejus ad

aper-

aperto, & præcipue sinistro, digitum in eum statim mittere, magnum inibi calorem deprehendes, longeque majorem, quam in aliis sit partibus: dummodo pro naturæ modo se habeant.] Harum utraque sententiarum manifestè testante, cor flammeum calorem habere, cum in priore legatur quod sanguis ejus ferveat, qui major multò quam febrilis est. Et in ultima collationem inter calorem cordis cum cæteris corporis partibus exprimendo, expressè affirms Galenus cordis hominis recentè mortui calorem magnum esse respectu digitæ hominis sani. Quod etiam tangenti corpus febriens accidit. Unde liquidò sequitur, cordis calorem viventis hominis multò febriente intensiorem futurum, cum demortui cordis calor par sit febrimenti. Idem etiam in libro de Foetuum formatione explicuit Galenus, scribens: [Cor vero quasi ignis quandam focum animalia sortita sunt.] Modò si cordis calor adeò intensus est, aut parum minus, quam igneus focus, quid prohibebit non inferre, intensiorem febrii calore eum esse? Quibus duobus fundamentis jactis, jam ratio secunda contra asserta à Galeno dilucidè sequitur. Motus, ira, & solaris calor, & cæteræ procatarcticæ causæ dum vita perdurat, non adeò intensum calorem, quantus est cordis naturalis calor, in partes exteriores corporis poterunt inducere, & subinde in interiores, ut ex illis ad cor caliditas pertingat, ut ex secunda suppositione innuit: sed relatis caloribus remissoribus existentibus, necessariò cordis calor nativus potius mitior reddendus esset, quam accendendus, ut prima suppositio testatur. Ergo ab his causis provenire febres diarias per modum à Galeno af-

sertum, impossibile erit.

Sufficiunt relatae duæ rationes liberis hominibus, & quibus cordi tantum esset veritatem addiscere à quovis differeretur, & non Authoris pensarent existimationem. Sed ut illustrior veritas hæc evadat, sententiis Galeni eundem aberrasse in reddendis causis harum febrium, in præsentiarum ostendam.

Referebat nempè ipse lib. I. de Febrium differentiis sententiam sequentem: [Oportet enim hoc in toto sermone memoria repetere, quod nulla causarum sine patientis aptitudine agere potest, alioquin omnes, qui sub æstivo sole commorantur, febricitarent, aut qui nimio motu exercerentur, aut vi ni potu gravantur, aut ira excandescentes, aut tristitia afflicti, febricitarent: alioqui etiam, ut arbitror, circa canis ortum omnes ægrotarent, ac in pestilentiis morentur.] Quæ verba in summa hoc continent, non omnes esse expositos febribus diariis, quamquam eadem cause efficientes eisdem adsint. Modò si diariarum febrium ortus non aliundè proveniret, quam ex musculis, & ossibus ex superfluo motu immodicè super calefactis, & continuatim in cor suum calorem transmittentibus, aut à sole cutim, & exteriorem corporis partem urente, & ab illis in cor sanguinem, seu bilem cordis fervescente faciente non video, quomodo quantumvis optima valetudo à relativis causis possint non febrire. Eventus nempè docent, omnes quantumvis robusti sint, & optima fruantur valetudine, & cibis optimis sint usi, ac inculpata victus ratione, à sole æstivo uri, eosdemque ab immoda exercitatione calefvere, & ab ira excandescere: unde omnes tardius, aut citius, aut à ma-

jore, sive minore ex his causis erant febricitaturi. Sed non ita contingit, ut verè Galenus testatur, sed aliquos febribus coripi, alios minimè. Supereft ergo non à prædictis causis per modum excogitatum à Galeno febres relatas gigni, sed per aliud multò diversum fieri.

Item in bubonibus præfertim febres ephemerae quamplures cernuntur, annuatim, aut per mensium circuitum fermè semper redeuntes, quæ numquam sine rigoribus in plurimum ægros invadunt: qui rigor à calore citra humorem ortum trahere non posse, qui legit causas, quas Galenus in libro de Palpitatione, tremore, & rigore, & convulsione scripsit, intelliget: ac ille, qui dicta ab eodem in libro secundo de Symptomatum causis, & libro decimo Methodi medendi, cap. 4. & in innumeris aliis locis caluit, non ergo ephemerae, sed putridæ hæ nominandæ essent. Etiam ab humore hujusmodi febres oriri, & non per modum, quem Galenus censet, sed per eum, qui à nobis assignandus est probat: quod frequentè, & per sèpè videamus has, quæ ab inguinum bubonibus oriuntur, cum quibusdam erisipelatis inflammationibus crurum finiri, ut ille, quæ à bubonibus alarum nascuntur, cum relatis inflammationibus in mammillis mulierum terminari visuntur.

Improbatur quedam inanis argumenti ducti solutio.

Solvere relatas à nobis rationes, dicendo: calorem febrilem esse alterius speciei, quam naturalis, nemo jam potest, quod in antecedentibus ostensum sit, differentiam specificam inter calores minimè versari, etiam ob id quod calor ex immodica exercitatione necessariò nativus dicendus est, & hic per confessa à Galeno febrem gignit. Ex quo, & antecedentibus dilucidum restat, nostris rationibus validis ma-

nentibus, Galenum, qui plurima doctè scripsit, in citato negotio allucinatum fuisse, etiam quod teneat ego dare modum, per quem febres ephemerae gignantur: cùm abstulerim, qui hucusque verus esse credebatur. Quod faciam, Deo concedente, postquam explodero causas, quas idem Galenus putat, esse febrium putridarum.

C A P U T VI.

Futiles esse causas, quas Galenus febrium putridarum esse putavit hoc probatur, illius decretis prius ducitis.

Dixit nempè Galenus lib. 1. de Febrium differentiis, cap. 1. modum, per quem omnium febrium differentiæ contingent, cuius decreta in citato loco ducere vixum, quamquam ex aliis locis possem, quod hic ex professo de hac re disservit, & quod nonnulla verba Galeni expositione indigent: ideo cùm illa adduxero, aliqua addam quibus clarior sententia ejusdem evadet: ut posteà, his examinatis, pateat quantum veritatis habeant. Series ergo verborum hæc est: [Febrium differentiæ, quæ quidem maximè propriæ sunt, ac principales, ab earum sumuntur substantiæ, aliæ verò ab accidente aliquo, non volentes per hoc dicere, febrem esse substantiam, cùm calor inmodicus ipsa sit, cui accidentis, & non substantiæ nomen convenit. Sed quia accidentibus aliqua accidentunt. Ideò illa respectu talium quæ eis continent, substantiæ per metaphoram nominantur: & quæ accidentunt, accidentia illorum dicuntur. Et quæ semper comitantur accidentia propria, ut quæ quandoque sic, alias non, remota. Ut calor propriè ac-

cidere dicimus congregare homogenea, & segregare eterogenea: & albo colori diligicare visum, & nigro congregare. Remotum vero caloris accidens siccitatem nominamus, quod contingat quandoque calori ipsi conjugi siccitatem, puta in igne, nonnumquam humiditatem, in aere felicit. Et quoniam, ut statim dixi, horum ipsorum accidentium non est natura una, sed nonnulla quidem proximiora, ac magis sunt civile substantiae febris propria, nonnulla autem magis ab ea remota, & extranea. Ideo neque earum differentiarum, quae ab ipsis accidentibus febrium accipiuntur, est genus unum. Plurimum autem porro aberrant Medici, qui ab his differentiis quae maxime proprie, ac principales, abscedunt, separanturque. Secundo autem loco quicumque quamvis earum meminerint, eisdem tamen eodem modo commiscent omnes, quae ex aliquo sunt accidente receptae. Utiles, id est, quae propriæ febrium differentiæ dicuntur, ab inutilibus, id est, quae non propriæ earundem differentiæ sunt, minime secernentes. Neque vero solum in differentiarum generibus plures Medici deliquerunt: vel quia videbant super addentes fuerunt, adeo, ut eas etiam quae nullius usus essent, commemorarent. Aut utiles etiam prætermittendo defecerunt: sed una etiam in ipsa sectione generum in proprias differentias aberraverunt. Statim enim cum primum, atque præcipuum differentiarum genus ab ipsis rei divisæ substantia sumatur, intueri licet, Medicorum nonnullos genus hoc sumptum à substantia febris penitus præterire, distinguendo tantum febres in sui causas procatarticas scilicet, & humorales, aut quasvis alias. Nonnullos autem, vel superfluos esse

in divisione, vel deficere. Licet Hippocrates in libro Epidemiarum sexto optimam fecerit divisionem differentiarum essentia febris. Sunt autem haec ejus verba: Febrium haec quidem manu sunt mordaces, haec vero mites: haec autem non quidem semper mordaces, sed rugentes per intervalla in mordacium tenorem, alias mites referentes, vel primo contactui mites viæ: post manu perseverante mordaces sentiuntur. Et contra aliae primo contactui mordaces apparentes, post mitescunt. Aliæ vero acutæ, sed quae manu succumbunt per nonnullum tempus post manus ad motionem. Aliæ sunt statim exardentes: quædam semper pusillæ. Sicce quoque aliæ, ut similis sit earum caliditas calori lapidum, aut ferri, sive aliarum rerum siccatorum. Quædam vero saluginem quandam præferentes: nam ut muria, & cætera salita gustum mordent, sic hujusmodi febres tactum. Quædam flatibus plenæ per febricitantium cutim halituoso spiritu à manu Medici percepto, aspectui graves. Nonnullæ ad tactum humectæ. Nonnullæ vehementer rubidae, aliquæ vehementer croceæ: aliæ lividae, & alia hujusmodi. Apertissime enim in hoc loco, ut ab ipsis rei substantia, ac dignotione in proprias differentias fecit sectionem. Siquidem febris substantia in eo qui præter naturam calore consistit. Caloris autem differentiæ, & ex eo quod magis, & minus, & ex materia in qua hic præter naturam calor accenditur, & ex modo motus caloris ejusdem accipiuntur. Quas omnes una cum dignotionis modo, quemadmodum in superiori sermone ostendimus, annotavit. Sunt autem omnino evidentes, quae in eo quod magis, aut minus consistunt. In quo genere differentiæ con-

confueverunt Medici magnam, ac parvam febrem nominare: non propriè quidem rei quali, nomen quanti adaptantes, vel accomodantes. Hoc tamen facere sunt asfueti, non in febribus tantum, sed in mille aliis rebus, quæ licet in qualitate consistant, magnæ tamen, ac parvæ dicuntur. Quæ verò à materia differentiæ sumuntur, in qua hic calor præter naturam acceditur, maximè propriæ sunt: quia, vel idem calor ipsius cordis corpus occupavit, aut eos, qui in ejus ventriculis continentur humores. Tertia autem est differentia, cùm sola aërea substantia sufficienter incaluit, humores autem, & solida corpora calefcunt quidem adhuc, nondum autem sunt calefacta. Neque enim parum refert, si calefcere dicamus, aut calefacta esse. Quid autem dicere velimus, ut palam intelligas, hæc quæ sequuntur exempla, manifestissimè ostendent. Cogita aquam calidam lebeti frigido injectam, deinde ex ejus viciaia lebetis corpus calefieri, nondum exquisitè esse calefactum. Excogita iterum in calidum, atque ignitum lebetem aquam frigidam infusam, deinde ab eodem lebete adhuc quidem calefieri, nondum autem esse calefactum. Secundum horum quidem exemplorum, primam febrium differentiam ostendit, quam diximus ipsum cordis corpus occupasse. Primum verò exemplum eam differentiam, quæ in ipsis consistit humoribus. Reliqua verò, & tertia differentia simile quidem omnino non habet exemplum, at manifestioris quidem doctrinæ gratia, concipe animo febrilem follem trahentem quidem ad seipsum aëreum calidum, deinde ab eodem follem calefieri, nondum tamen esse calefactum. Sed, & rei, quam monstrare yolumus na-

turam, exemplum relatum magis ostendet, si humorem in folle contineri simul cum aëre cogitaveris: adhuc verò magis si follis foramina, per quæ aërem trahit, atque efflat follis adeò arte fabricata sint, ut humorem quidem alium præter contentum non admittant foramina, aëri autem trahendum pervia existant. In quo sanè plurimum differunt naturæ opera ab his, quæ humana arte sunt fabricata. Nam mixta est in omnibus arteriis per multa foramina spirantibus aërea substantia sanguini, ac nihilominus in corde ipso, ut hæc substantia aërea ad idem cor confluat per omnes ipsas arterias. Incipit hic igitur præter naturam calor, quem febrem nominamus, alias ex aliis partibus eorum, quæ nuper diximus, puta humoribus spiritibus, aut substantia membrorum. Spargitur autem, atque una cum paciente afficit duo reliqua genera. Facillima igitur ab humoribus ad spiritum caliditatis transumptio: non æquè autem promptè unam ab spiritu accenduntur humores. Corpus etiam solidum humoribus, atque aëreæ substantiæ facilius calorem imparitur, quam ipsum ab eisdem suscipiat. Omnis siquidem substantia tenuis promptius alteratur, quam crassa: est autem tenuissima quidem aëris, crassissima verò corporum solidorum, media humorum est substantia: nihil autem in praesenti opere differt, sive spiritum, sive aërem dicamus: nam de hisce omnibus alibi diligentissimè diffinivimus. Nunc autem hoc tantummodo sufficiat intelligere quod vel Hippocrat. (ut arbitror) ostendit his verbis, continentia, contenta, & impotentia continentia siquidem solida appellans corpora, contenta verò humores, impotentia autem spiritus. Nam dispositio febri-

lis alias ex aliis eorum, quæ ante diximus, sumit initium. At in genere primò scilicet in spiritibus læsio non sifit, sed duo reliqua genera, putà humores, & solida membra invadit: ac nisi anteà solvatur extirpeturque læsio ipsa, progressu temporis illa quoque similiter afficit. Hæc quidem sunt totius sermonis capita.] Ulterius prodi, du cendo Galeni contextus, non est ad præsens viatum; priusquam relatarum sententiarum veritas examine tur: facilius enim, ac magis distinctè contextus Galeni enucleabuntur in sectiones partiti, quām in acerbum quendam simul congesti: Ideo que proœmio Galeni dimisso, hoc enim explicitum à nobis manet, quod attinet ad materiam febrium, discussiamus. Quam certè Galenus esse triplicem testatur. Unam ipsius cordis: cùm calor præter naturam in hoc figitur, qui Ethica febris nominatur. Aliam humorem contentum in ventribus ejusdem esse putat: & hanc putridam dixit. Tertiā Ephemeram nominat, quæ spirituosam, sive aëream substantiam pro materia habet: à quibus tribus causis velut à fonte quodam in totum corpus calorem derivari contendit. Exemplaque illo aquæ calefactæ injectæ in lebetem, & lebete calefaciente humoralem explicat. Ethicam autem exemplo lebetis calefacti aquam frigidam intra se contentam calefacentis, ut diarium per aërem calefactum follem calefacentem.

Quod cùm lego, ac perlego non parum admiror de Galeno, ac posteris Medicis exemplo relato non fuisse exercitatos ad dignoscendum rem non posse sic se habere, ut ipse Galenus retulit, quòd innumera impossibilia sequerentur, quæ post inferam, si febrium differentiæ inde ortum duxissent, unde deceptus e-

xemplum citato docuit Galenus. Et quia in antecedentibus satis apertè probavimus ephemeras febres non ab spiritibus inflammatis, sed aliunde ortum ducere, necessum est ostendere quoque quomodo neque febres putridæ sunt tales, quales à Galeno recensentur: minimèque Ethicas posse esse illas, quas exemplo illo de lebetis parietibus inflammatis centuit. In primis tamen Galeni decretum de modo, per quem putridæ febres, ut ipse est opinatus, gignantur ducendo ex tertio, & quarto capite relati primi libri de Differentiis febrium. Hoc tamen non verba ejusdem transcribendo, ne multas chartas infumamus, sed sententiam in summulas quasdam reducendo, ut in compendium his redatis, facilius concipi queant, in margine notando ex quo cap. sententiæ, quæ adducuntur, exceptæ sint.

Priorque sit, naturalia corpora à dicendis tantum causis si frigida sunt, calefcere, aut si calida fuerint, calidiora reddi sunt asluta. A motu, à putrefactione, ab approximatione ad rem calidam, à detentione rei calidæ evanquandæ, ab alimentis calidis, vel medicamentis deglutitis. Unde necesse est calorem febilem in unam ex his causis reduci, ut exustio inter cætera testatur.

Secunda contingit, ut ea corpora, quæ in se caliditatem admisserunt, uno ex recensitibus modis, longo eam tempore retinere naturaliter apta sint: & quòd licet motus cordis irati sedetur, in eo tamen remaneat calor præter naturam, atque inde hominem febricitare est necesse.

Tertia febris fit, cùm retenti propter densitatem cutis qui evanquandi sunt mordaces effluxus exhalationis nominati, in corpore ipsi acervantur, & etiam quia prohibeatur

tur aërea substantia, quæ ventilare nativum calorem erat solita, intrare meatus corporis. In plethoram autem dispositionem incidit eger, cui contingit vaporosum, & optimum esse, quod effluxurum erat, prohiberetur ob relatam cutis densitatem exire. Gignuntur autem mordaces exhalationes his, qui à natura vitiosos habent humores, aut pravis cibis utuntur, aut sèpiùs cruditatem patiuntur: & à cæteris causis jam recensitis.

Ex 3. cap. Quarta, ut febres diariæ, ut in plurimum contingunt propter obstructiones cutis in dispositionibus relatis: sic putridæ, obstructo aliquo viscerum, aut aliquibus internis vasis persæpè in animalibus fiunt, prohibita refrigeratione humorum, indeque putrescentibus ipsis, & ex detentione relatarum acrum effluxionum, quæ elevantur ex alimentis mali succi.

Ex 3. cap. Quinta, ex inflammatione aliquarum partium corporis animalis etiam febres proveniunt: humoribus, qui in prædictis inflammacionibus continentur, putrefactis, qui si biliosi sint erysipellas faciunt: at si sanguinei, inflammaciones tantum. Quod si utrique humores redundant, compositum ex diversis constituant tumorem.

Ex 4. cap. Sexta, calidiores ambientis aëris status, quales prope canis syderis ortum contingunt: per inspirations quidem manifeste cor calefaciunt. Corpori autem extrinsecus circumfusi, totum ipsum calidius efficiunt, sed præsertim arterias, quæ eodem refrigerandæ erant.

Ex 4. cap. Septima, in pestilenti aëris statu inspiratio plurimum est causa putrefactionis humorum, cùm in corpore ipsi putredini sunt parati.

Ex 5. cap. Octava. In tumoribus inguium omnes simul humores putrescere solent, sive in uno, sive in pluribus

diebus, ut qui simul illic juncti sint. At in visceribus, aut vasis magnis contenti humores continuò fluunt: suoque contactu vicinos ad putredinem trahunt: quando per spatia temporis calor, quem inducunt, durat.

Nona. Unica ratione, seu causa, *Ex 5. cap.* contenta in nostro corpore, præter naturam calefiunt quemadmodum omnia extrinseca, siquidem impotescibile sit, quod calefit, veluti lapis, vel lignum, aut tale aliquid aliud, eo usque durare caliditas follet, donec paulatim refrigeretur. Quod autem putrescere natura aptum est, semper ad continua dispergitam continet caliditatem. Quemadmodum in agro conspici possunt stercora jumentorum simul & columbarum ex quadam eorum parte à sole adeò vehementer calefacta, quod instar fumi multam evaporationem in sublime emitant, non parum mordacem, ac dolorificam: & si quis proximè accessisset, narres, oculosque lœdenter. Ipsa etiam excrementa tangentibus adeò calida sentiebantur, ut qui longiore tempore manus, & pedes admovisset, exureretur. Non tamen continuò hujuscemodi casus perdurabat, sed in die, qui sequebatur, quidquid superiori die ad summum fervoris pervenerat, refrigerabatur. Quod autem huic continuum erat, dum prima pars, quæ calorem conceperat, in summo esset fervore, ipsum interim paulatim succensum, mox priori se fervore remittente, interim incalebat, atque effervescebat. Et paulò post priori parte refrigerata, ipsum summum fervorem obtinebat. Hoc quoque rursus defervescebat, dum pars continua paulatim succendebatur, quæ paulò post vehementius accensa, ad summum fervoris perveniebat. Hic autem circuitus in unius ferè diei, ac noctis spa-

spatio peragebatur, adeò, ut res quotidianæ febris propriissimum esset exemplum. Quòd si duabus diebus, ac noctibus idem circuitus factus fuisset, tunc febris Tertianæ eo modo fuisset exemplum: & si tribus quartanæ, & quatuor quintanæ.

Super satisque in capita redigimus quæcumque de modo, per quem febres putridæ fiant, à Galeno fuerunt in citato loco scripta. Quamquam nonnulla, quæ parum ad rem attinebant, transegerim: vel quia in antecedente contextu fuissent exarata, atque explicita: vel quòd parum conducant ad eam, quam sum exhibitus doctrinam, circa modum, per quem febres fiant. Et quod nostri moris sit, proprium decretum de re nulla exprimere, priusquam quotquot extant de re eadem placita sint à nobis rationibus, & eventibus explosa: ideo id primum aggrediar, increpando modum generationis febrium putridarum relatum à Galeno, ut increpatus superest, quem de fiendis diariis febribus scripsérat.

*Prima ratio,
qua impossibile esse à putridis humoribus febres ori-
ri ostenditur.*

Priorque ratio sumatur ex alia, quæ contra modum generationis febrium diariarum objecta fuit. Si enim calor cordis hominis benevolentis adeò intensus est, ut igni similis judicetur, ut Galenus locis citatis confitetur, & experimenta testantur, impossibile videtur, jam quòd ita sit, quod putrefacti humores calidiores sint, quàm præfuerint, priusquam putredine corriperentur, cordis calorem intendi ab his posse: cùm ii non valeant intra nostrum corpus adeò intensum caloris gradum, ut ignis, acquirere, quem, aut parum inferiorem humanum cor possidet.

2. Ratio. Secunda. Si ita esset, quòd ob hanc humorum putredinem febres continuæ, ac tertianæ, & quartanæ,

Tom. II.

& quotidianæ contingenter per modum à Galeno excogitatum, omnia bruta eisdem generibus febrium sæpissimè corripienda forrent: sed nullus unquam vidit quadrupedem, neque avem, minimèque pisces tertiana febre corrumpi, ergo antecedens ex quo sequitur, falsum est. Consequentiae bonitas primum patet per ejusdem Galeni sententiam in libro primo de Febr. Differ. cap. 3. ibi enim expressè consequentia rationis convictus dixit, ex putredine patientur febres animalia, sed cùm quadrupedia, & volatilia, ac natatilia animalia non minentur, ipsa tertianas, & continuas, ac quartanas febres essent passura, quod eventibus adversatur. Secundo idem probatur citra Galeni sententiam, ratione. Bruta omnia sanguinem habentia quatuor humorum differentias intra suorum vasorum concavitates necessariò sunt habitura: cùm sanguis, qui in venis brutorum, & hominum continetur, aggregatum ex his sit, ut coagulatio ejusdem ostendit, ac ut membra diversa pituitosa, ut cerebrum, & melancholica, ut ossa, vel spinae, aut squammæ, vel conchæ: & sanguinea, ut caro: & biliosa, ut pulmo in illum habentibus, aut quid proportionale in eodem parentibus ad nutricionem propriam poscunt. Sed hos quatuor humores bruto habente, qui putredinem pati possunt, ut hominum, imò facilius, quàm hominum, quod vixit rationem sibi decentem ad vitandas putredines observare adeò exactè, ut homines non valent: quia ad humanum libitum cicuria moveantur, tertianas, & quartanas, & continuas, ac cæteras omnes febrium differentias essent passura, prout hic, vel ille humor putreret: quod, ut dixi, non contingit, ac Plinius cap. 1. lib. 7. scripsit, dicens: [At

E

Her-

Hercule reliquis omnibus hominibus per singulas membrorum partes, qualiter nullis aliis animalibus, certis pestifer calor remeat horis, aut rigor: neque horis modo, sed & diebus, noctibusque trinis, quadrinvisè, etiam anno toto.] Porro si bruta tertianas, aut quartanas febres paterentur: novisset homo, qui equum, aut nullam posse iter agere in diebus intermissionis experiretur: & in cæteris accessionum minimè. Eademque ratione accipitrem aucupex febrire intermitente febre intelligeret, quod nemo est expertus, ergo falsum est per modum explicitum à Galeno febres generari.

3. Ratio.

Tertia ratio. Præciso cerebro iis necesse febrem, & bilis vomitum supervenire, ut Hippocrates aphorism. 50. 6. testatur. Et vulnerato ventriculo, aut jecore, seu vesica, statim febre corripi vulneratum conspicimus: sed hoc genus febris non ortum dicit ab spiritibus superinflammatis ab inscidente, quem suppono gladium frigidum esse neque ab aëre intrante vulnus, quem volo frigidum, aut temperatum fore: neque ab humoribus vitiatis, quos inculpatos esse fingo: neque à membrorum substantia, ut ethicæ, ergo in aliud principium calor febrilis reducendus est, & non in eas causas, quas Galenus recensuit. Validissimaque ratione præcedens roboratur. Galenus in commento vigesimi septimi Aphorismi, sexti libri, sic inquit, [Verum quod commune est ustioni, ac punctioni, nunc sanè Hippocrat. consuluit caveri, hoc est, multam, ac subitam evacuationem. Sic enim videtur contingere, ut ait, scriptum est etiam ab Erasistrato exquisitus de iis, qui aqua inter cutem laborant, in pluribusque compertum dicit experientia

multam, ac subitam evacuationem febres, & mortem afferre.] Quæ febres nullum genus fortiri possunt ex his, quæ Galenus commentus est. Supereft ergo aliud esse quærendum principium, & originem.

Quarta ratio. Si accidisset febres putridas fieri, obstructo aliquo viscere, vel aliquibus vasis internis obturatis, & prohibita efflatione acrium, & mordacium effluxionum, ut Galen. testatus est tertio cap. de Februm differentiis libro, impossibile videtur à talium superfuitatum detentione febres oriri: cùm ipsæ febres calores intensiores sint, quām qui benè habentes afficerent. Illationis bonitas ex hoc patet, quod consimiles superfluæ acres exhalationes retentæ potius refrigerare nativum calorem solent, quām intendere, ut vasa flammam continentia ostendunt, cùm adeò obturantur, ut nullum exitum hujusmodi fumis concedunt. Et expirationis cohibitio ad mortem perducens etiam docet.

Quod idem Galen. eventibus convictus in libro de Causis morborum testatus est, cùm inter refrigerantes causas prohibitam communicationem caloris nativi cum aëre extrinseco etiam recenseat, dicens cap. 3. [Sicuti igitur si extrinsecam flammam à communicatu circumfusi aëris separent interjectu furnuli, vel cucurbitulæ, vel cuspis alterius rei similis, statim extinxeris: eodem modo si animalibus caliditatem cohibueris, atque intercluseris, ita ut nullum cum aëre exteriori habeat communicatum, statim exitium afferas.

Neque enim evadi hoc argumentum poterit, ducendo ejusdem Galeni decretum parum infra relata sententiam, quod hujusmodi est. [In corpore autem obstructo, quod à fu-

4. Ratio.

*Improbatur
quædam ina-
nis argumen-
ti solutio.*

fumeo excremente obsidetur, aut febris accendetur ob interclusam interius fuliginosam evaporationem, aut strangulabitur, atque extinguetur calor insitus, atque nativus. Utrumque verò horum accidet pro multitudine excrementorum, aut magnitudine obstructio-
nis. Nam si fuliginosa superfluitas, quæ evacuari expetebat, plurima fuerit, atque obstructio vehemens, periculum imminent, ne calor natu-
ralis strangulatus quodammodo ab excrementis extinguitur. Quod si superfluitas pauca fuerit, & obstruc-
tio parva, febris acceditur.] Non enim vitatur, ut dixi, ratio relata: quia etsi concedamus verum esse, quod Galenus testatur, ex omnimoda scilicet prohibitione expul-
sionis fuliginosæ superfluitatis calorem in totum extingui, ex medio-
cri obstructione augeri flammeum calorem, quis unquam vidit? Ne-
mo certè. Cùm fuligo ipsa flamma minùs calida existens, & nata per ulteriore calefactionem in flam-
mam converti, ut fumi lucernarum recenter extinctarum docent, potius si retineatur, nativum calo-
rem pendente ab spiritibus flam-
mæ similibus erat fuligo extinctu-
ra, quàm intensura.

Exemplum enim, quo Galenus deceptus est, cùm in principio fer-
mè secundi capituli de Causis mor-
borum narrans causas calefacien-
tes dixit: [Ita quoque si hybernis
temporibus in ampla domo ignem
accenderis, atque omnes meatus
obstruxeris, per quos spirandi ha-
beat facultatem, interius calorem
excitabis: quòd si quaque versus
patentes exitus liqueris, nihil amplius effeceris. Sed non aliter bal-
neæ, atque fornaces, suum interius
augent calorem. Ex quo evi-
dens est, angustationem augendo
calori occasionem præstari.] Ex his

Tom. II.

inferens, febres suboriri propter moderatas fuliginum detentions. Nihil deinceps sufficiet ad imponendum ullis Medicis quantumvis hebetibus, quòd eventus recensis-
tus non probat flammeum calorem ignis intensiorem reddi, obstruc-
tis foraminibus, quàm ante obstruk-
tionem erat. Sed plures domus clau-
sæ partes, & inclusum in triclinio
aërem calidiorem fieri quàm priùs foret. Quod sibi nihil favet ut pro-
bet quod ipse erat ostensurus, cor-
dis scilicet calorem similem flam-
meo ignis, à quo in totum corpus
febris derivanda erat intensiorem
factum fuisse per obstructionem fu-
liginosarum superfluitatum, quàm
priùs esset, cùm harum in corde
detentio potius ipsum infrigidet,
quam calefaciat, quia ipsæ corde
minùs calidae sunt, ut idem Gale-
nus testatus est lib. I. de Difficulta-
te respirationis, dicens: [Quæ e-
nim velut fuliginosa, ac favillosa,
& fumosa recrementa appellamus
in caliditatis genere, ea omnia ter-
rea sunt, & velut semicocta cum
innato calore, quemadmodum fu-
mus cum igne. Apparent enim in
hoc evidentè acria omnia, & ca-
lida, & fumosa materiæ recremen-
ta, ostendentia suscepit quidem
esse in seipsa ignis vim, non tamen
adhuc penitus ab igne se superata:
flamma enim ita nata esset, & non
adhuc fumus esset.] Evadere enim
non poterit Galeni sectator, pro-
terviendo, quòd & si fumosa, quæ
à materiis vi ignis elevantur, sint
igne minùs calida, quòd fuligino-
sa, quæ ex putridis humoribus nos-
tri corporis surgunt, non nobis mi-
nùs calida sint. Primo, quòd Ga-
lenum adversum se habebit, qui
semicocta ea nominavit, collata in-
nato calori eadem in fumum ver-
tent. Et rationem quoque. Si enim
nostro intensiore calore non affice-

E 2

ren,

rentur, ut fumosa fierent minimè possent ex humorali corpore in fumum converti. Ab intensiore ergo, quām ipsa sint, aut ab æquo ad minus calore erunt in fumum convertenda: à remissione nempè impossibile erat, quòd potius ab hoc humor inspissandus, & densandus esset, quām in fumum convertendus. Consimili ratione improbaretur, qui protervire auderet fumosas exhalationes humorum putridorum inflammam versas à cordis calore, calidiores corde ipso esse: atque ab his oriri calorem febrilem. Impossibile nempè est à corde igneum calorem in aliam rem gigni, nisi ipsum eodem calore fuerit affectum. Cum ut prædicti nullum calidum, aut frigidum calidius, aut frigidus se producat, modo causa, quam indagare cupimus, erat, quæ sit genitrix, tām ingentis caloris, qualis in febriens cordibus contingit. Petent quippè principium, qui credentes cor febriens adeò calidum esse ut ignire vapores, sive exhalationes possit. Prædictam causam assignat, alia quoque ratione priores aberrant: quia per putrefactionem non habiliora redduntur putrefacta, ut ignea fiant, quām ante, cum eventus doceant, stercore boum, & aliorum animalium actu putrescentia minus apta comburi esse quām transacta putredine, sicque versa his enim furnos agricolæ calefaciunt. Ultimo vapores à pituita orientes inepti sunt inflammari, ergo pituitosè febres non contingent.

5. Ratio. Quinta. Ulterius ficta jam prædicta obstructione in aliquo vase, vel viscere, & retentis excrementis mordacibus, ut Galenus fingit: quid ii poterunt conducere ad calefaciendum corpus totum, prout in febribus calet. Quamvis Galeno demus particulam patientem ob-

structionem supercalescere à fuliginois recrementis? Nihil certè, secundum meam sententiam. Nam si particula illa obstructionem patiens foret (exempli gratia) vena aliqua cruris non video quomodo calor febrilis ascensurus erat in cor, quin priùs perciperetur alteratio facta à calore ascendentē à crure versus cor, & si à brachii vase etiam caloris febrilis communicatio oriretur, idem esset experiendum: quod nemo in tertianis, neque quartanis, aut continuis febribus unquam expertus est.

6. Ratio. Sexta. Modus quoque relatus generationis febrium minimè quadrat eo modo recensito à Galeno generationis frigoris, rigoris, & horripilationis antecedentis febres, tām in libro 2. de Symptomatum causis, quām in libro de Palpitatione, tremore, & rigore, & convulsione, & in aliis locis. Et ante omnes ducamus Galeni decretum de causa rigoris antecedentis febres ex secundo citato Galeni lib. de Symptomatum causis, ubi inquit: [Sed & citra exemplum ex ipsamet re invenias licet, motam causam, quiescente magis esse infestam: quoties videlicet agitur per corpora sensibilia, veluti in oculis est propositum. Neque enim de succis, qui in venis, & arteriis fluunt, est disputatio, sed de iis, qui in carnibus sunt, & toto corporis habitu. Quoties igitur aliquid per hæc violentè agitur, ac ad cutim defertur, necesse est dum carnem, cutimque permeat, omnia in quæ incidit, pungat, stimulet, dividat, ac vulneret. Quòd autem omnis mordax, & dimota causa, sive ea calida, sive frigida sit, animal in horrorem, ac rigorem dicit, primū quidem ex talibus intellexisse licet, si sano corpori ferventem aquam subito infundas, aut ignis scintillas incutias,

statim horrore vexabitur. Jam cùm ulceratæ particulæ causticum medicamentum imponitur, primùm quidem horrent, deinde rigent, mox etiam febricitant nonnulli. Quid, quòd tertianæ febres, quæ omnium febrium maximè biliosæ, calidæque sunt, omnino maximo horrore infestantur. Quantoque sinceriores tertianæ sunt, tanto etiam rigor in iis incidit vehementior.] Quæ omnia minimè conveniunt cum Galen. decreto de humore intra vas aliquod, aut in viscere ullo inflammato contento, inde febrim gignente, propter fumofas exhalationes inclusas. Nam si humor hic expansus supra membra sensitiva est horroris, & rigoris causa, necessum erit obstructionem aperiri, & exitum liberum esse collatum fumis detentis, cùm corpori humoroso, qui crasior multò fumo est, patuit exitus: ac tunc maximè febris si adesset, pausare: & si abesset, minimè invadere perspiratione concessa debebat: & putrido si inde ortum haberet, quòd vas clausum foret, ulterius non erat processura. Quæ omnia per oppositum contingunt.

Eventus ille, quem Galen. commemorat de medicamento caustico particulæ ulceratæ imposito, unde rigor suboritur, & posteà sèpissimè febris infestat, expressè docet: ne quaquam febriles calores ortum ducere posse à retento humore, qui putret, vel à fumosa fuligine, quæ diffundi prohibetur. Nam tunc cum causticum medicamentum particulæ patienti ulcus injicitur, non in vase aliquo interno humor, nec fuligo obstruitur magis, quam priùs, quam admoveatur erodens medicamen: ergo, ut primitus calor febrilis non urgebat, neque posteà vexare deberet, quod non conspicitur. Dicere enim illam non esse

febrem putridam, quæ invadit post causticum aspersum vulneri, sed ephimeram nominari, non excusat. Nam spiritus vi medicamenti superinflammari non potuissent nisi continuatim particula, scilicet, quæ vulnus patitur, priùs inflammata, deindeque ab ea ad cor usque calore febrili delato per spiritum, aut membra corpus inflammatetur, quod nemo unquam experitur. Etiam quòd si ab ingentia concussonis spiritus calerent, ut aliquis suspicari potuisset, necessum esset omnes rigores subsequi febriles calores, cuius contrarium Galenus secundo libro de Symptomatum causis, cap. 5. dixit, scribens: [At vetus quidem sermo est, rigori febrem semper succedere, non tamen est in totum verus, etiam si quis eum commodè determinet, id quod etiam facere par est, amicè potius veterum dicta interpretantibus, quam malivolè arguentibus. Verum tamen ne sic quidem verus eorum sermo est, ne si determinans dixeris, qui citra externam occasionem ex corpore nostro concutientes rigores oriuntur, hos febris necessariò sequitur. Quippè non nobis modo, sed etiam multis, qui nos præcesserunt, jam visi concutientes rigores sunt sine febre: non tamen ita validi, ac qui legitimas tertianas, quartanasvè præcedunt, aut qui ardentes febres finiunt. Solent sanè ejusmodi rigores vitiosam sequi vietus rationem, cùm homines in desidia se repleverunt, ac sèpè à cibo se lavarunt. Cùm vero ipsæ ciborum qualitates frigidioris sèpè, ac pittitosioris temperamenti sint, promptissimè qui sic sunt affecti, rigoribus, qui ægrè recalcam, capiuntur.] In quibus verbis manifestè docet febrem non semper sequi rigores, quod prædixeramus.

*Quadam futilis evasio in-
crepatur.*

Si iterum evadere putas rationem nostram per candem, quam duxi Galeni sententiam, quod ibi fateatur ipse in redundantibus pituita propter desidiam, & vitiatam vi-
ctus rationem rigores sine febribus contingere, & non in aliis temperaturis: quod nempè non ob aliud assertum ab eodem suspiceris, quām quod in his spiritus inflammari propter concussionem apti non sint, ut in aliis: sequeretur, si id verum esset, quod biliosi quicumque, ac sanguinei sponte velint sic propria agitare membra, ut rigidum solent moveri, quod febre diaria forent corripiendi: quod falsum est. Etiam melancholici, quorum spiritus terrestres minus apti videntur febrilem calorem suscipere, quām pituitosorum, ineptiores futuri erant respicere post rigores ephemeras febres, quām pituitosi, quod non est testatus Galenus. Ac etiam quod parum ante finem libri de tremore, rigore, convulsione loquens de hujusmodi rigoribus, quos febres non consequuntur, dixerit ex autoritate Praxagoræ ortum ipsos ducere, à vitro succo inflammari inepto. Per quod patet non essem febres ephemeras illas, quæ rigorem illum erant successuræ, sed putridæ, cùm à phlegmate vitro ortum duxissent, si ipsum inflammaretur. Et hoc modo rigoris in secundo de symptomatum causis excogitato à Galeno dimisso, quem ostendimus non convenire cum forma, quam in secundo de febrium differentiis gignendi febres putridas protulerat: ostendamus etiam neque quadrare relatum modum generationis febris putridæ cum alio per quem putavit rigores gigni in libello de tremore, rigore, & convulsione.

Ibi enim capite sexto sic inquit Galenus: [Neque enim quando

alimenti defectu caliditas consumitur, aut cùm ejus copia illa gravatur, nec quando effecta caliditas impotens claudicat, imbecillaque redditur, rigorem fieri reperias: sed quando valida, & expansa impeditur. Unde duplice motu, & composite effecto, pugna accidit, ut in trementibus contingit, verum alter. In trementibus enim motus mixtus fit, quod vires corpus moventes fint invalidæ, dum membra elevare adnituntur, quæ ruunt in contrarium renixis: hic verò motu naturali caloris violenter impedito rigor accidit. Ut enim neque substantia lœsum, neque tono per universum extendi & ferri corpus nititur, impeditum, & vi ad intra trusum ad principia redit: ubi persistere impotens (substantiæ enim semper mobili mors est quies) acervatus, & quasi in seco coactus unitus non ad intra in invetitum extenditur, sed impetu vehementiori usus quasi solutus vinculis interim progressum vetantibus obsistit, ea propellere, & apertos meatus facere festinans, sic illis obvius tenetur, & à veloci motu remoratur, quo corpus occursu totum quatitur. Quidquidque præ occursu ultra tenuatum est, rursus intra impellitur, ceu aliquid in occursu passum fuerit, & iteratò ad principium revertitur. Unde commotus iterum fortius concurrit, quo rursus occursu etiam repulsum usque occurrit & repellitur, quo adsint quæ noxia adfuerint. Cùm dolore sic utique hic affectus est, quasi cæso corpore verberibus, & impariter motibus utrisque fatigato. Enim verò innatus nostri calor naturaliter habens & quis discursibus, & expeditis usus, tempore & metro motus in se rediens opportunè explicatur. In rigore verò neque coactionis motus sunt, neque expansionis, sed ve-

rius

rius ipsum intra redire affirmabis. Utar autem nominibus veterum, non meis, resilire, intrudi, reprimi, confugere, ad extra motum effringi, trahi, exilire, emergere. Veterum inquam, virorum nomina hæc sunt, recta, ac ducta omnia, affectumque, ut potissimum est, apertè declarantia. Conuti autem, quæ sunt corporis omnia, & agitari, fervere, & quemcumque in rigore imparem sine ordine involuntarium motum in inæqualibus vehementibus, & violentis incursibus, & subsultationibus vapore facto naturali calido perfici affimo. Unde rigoribus magis, quam naturaliter habens incalevit corpus, & effunduntur sudores: quod quando multis occurribus jam absque obice, quæ oberant, fuerint extrusa, exactèque transpiret, tribus causis calefieri corpus est necesse. Quòdque conclusus pluries ne respirare posset multiplicatus in profundo est. Et quia vehementer ad extra est expansus. Tertiò, quòd in ictibus, concursibusque, & violentibus motibus accrescere nata est caliditas. Lignum namque, lapidesque si contriveris, ignem incendas. Innatus etiam spiritus natura calidus, si vehementius moveatur, excandescet magis.] Quibus omnibus verbis in compendium quoddam redactis, hoc tantum ex eis elicies, inordinatum motum spirituum, quos calorem, aut caliditatem nominat Galenus, esse causam rigoris ipsos enim interius inclusos propter præsentiam rei subito motæ supra membra sensitiva, occasionem dicit esse frigoris extremitatum, & omnium partium extrinsecarum corporis: expansionem quoque subitam eorundem, & intestinam retrocessionem sæpissimè factam concussionis in rigore accidentis causatur. Tandem non ali-

ter quam physici credunt, prohibitis exhalationibus, quæ in terræ visceribus includuntur, sursum exire, & ipsis id efficere conantibus, terram ipsam tremere, Galenus opinatur rigores in hominibus generari. Quod minimè convenire videtur cum febrium putridarum causa ab eodem relata. Nam si putridi humoris fuligo in aliquo vase, aut viscere detenta, est causa febrilis caloris: tunc cum incipit obstrui viscus quodvis, aut vas quodcumque, incepturna erat caliditas crescere, & sine rigore ullo præcedente febris erat invasura. Quia neque esset unde terrore foret incutiendus, quæ spirituum retractionis causa foret, quia paulatim calor, & non subito invasisset. Neque rigores semel finiti iterum per circuitus essent invasuri. Et si enim Galeno demus propter primam invasionem caloris terrefieri natram, caliditas illa permanera necessario foret, donec fuligo, & humor putridus, quæ inclusa in obstructo vase erant, & jam cum rigor invadit patebant, discuterentur, & à corpore excernerentur: & nihil mansisset in obstructo vase illo, quod circuitus rigor, & febrilis caloris causa foret. In alio enim vase obstrui, quod secundum redditum tertianæ efficit, & in alio quod tertiam invasionem gignit, & in alio qui quartam, delirium esset confiteri: maximè in nothis tertianis, & quartanis, quarum primæ duratio sextum mensem attingit, ut quartanarum, cum in plurimum integrum annum non raro etiam annos tres, & quatuor, & ad septimum usque porrigantur: nam in consimilibus eventibus imaginari adhuc tam multiplicem vasorum quorumdam, & post aliorum, & subinde reliquorum obstructionem impossibile videtur.

Septima. Exemplum quoque illud de sterorum cumulo paulatim putrescente, & per intervalla quædam effervescente: de quo in fine capitil primi de Februm differentiis Galenus meminit, ut per id demonstraret modum per quem febribus circuitus siant, ineptum valde est, & non plus in stercore putrescente, quâm in lignis cùm inflammantur procedens. Ut enim accidit in cumulo ingenti lignorum superposito flammæ, flammarum, quæ ex novis lignis fit, aliquando crescere, aliquando imminui, alias quasi in totum extingui, & post resurgere: prout materia inflammanda magis, vel minus apta concipere ignem est, sic sterorum diversæ partes prout putrescere, aut non putrescere sunt aptiores, vel ex propria aptitudine, aut ex caloris solaris, vel continentis majore, vel minore approximatione magis, aut minus illæ putrent. Quod exemplum nequaquam quadrat cum certo reditu de tertio in tertium, aut de quarto in quartum, aut de die in diem. Si enim per modum recensitum sterorum putrescentium humores corporis putrescentes febres gignerent, non esset unde certus reditus februm succederet. Sed si semel de tertio in tertium fieret exacerbatio, iterata redditio in eodem die, aut in sequenti, aut in quarto futura erat, prout aptior, vel ineptior esset humor: & rariissimum foret de tertio in tertium, aut de quarto in quartum, aut quotidie afflixere, quod non experimur, quin oppositum certas redditiones frequenter accidere, incertas rare.

Reddere enim pro causa reddituum certorum naturam humoris: & quod bili conveniat de tertio in tertium putrescere, & melancholico succo de quarto in quartum, ut

pituitæ quotidie delirium est. Nam si putredo exedens, aut depascens humorem putrere aptum, est causa febrium putridarum, ut Galenus est testatus, qualiter potest in natum bilis putrescentis reduci putrefactio hodie, & cras non, & per rendie redire putrefactionem: cùm tunc in tertia die quamquam ineptus esset humor putredini esset febris in vasura, quod ex natura humoris, & non ex aptitudine, vel ineptitudine putredini, februm redditus fierent.

Etiam non est qualiter intelligi possit, paucante semel putredine in aliqua una materia, quæ putrescebat, posse redire in reliquam, quæ nondum putruit, nisi ob aptitudinem illius, quæ promptitudo nequaquam potest esse uniformis, nisi imagineris unciam unam (verbi gratia) biliosi humoris putrescere hodie, & aliam unciam non ante putrere esse aptam, quâm ab hinc tertia dies accedit, & aliam unciam ejusdem humoris eandem normam, & proportionem servare cum secunda uncia, quâm secunda cum prima, & per eandem methodum quartam cum tertia procedere, qua tertia cum secunda processit. Quos tonos à musicis instrumentis observari est difficultissimum, quanto magis à fortuitis eventibus aptitudinis, vel ineptitudinis putredini.

Conjugere enim cum promptitudine humoris simul facultatis expulsive humanæ vim, ut ordo redeundi febres in certis diebus observetur, ut Hugo Senensis Medicus non indoctus est testatus, nihil prodest. Credidit enim in plurimum accidere esse talem proportionem inter virtutem expulsive particularum continentium cholaram, & ipsam cholaram, quæ excerni debet, ut de tertio in tertium ipsa sit nata expelli, & virtus hu-

mana sit apta expellere illam. Quod si ita continget, non esset expectanda putrefactio in bili, ut in tertio expelleretur: sed sive adeo putreficeret, ut fuliginem putridam ex se mitteret, quæ cor calefaceret, sive minus putrerenet, ipsa excernenda esset, & febrim esset genitura. Quod apud Galeni sectatores impossibile foret, cum deesset fuligo humoris putridi, quo cor caleret ex defectu perfectæ putredinis bilis expulsa. Multas alias rationes adversus duos modos recensitos redditum febrium in certis diebus adducere possem, quas transgredior, ut octavam rationem proponam ex relatis emanantem.

8. Ratio.

Octava ratio. Si vapor calidus, seu fuligo putrida calida elevata ex putrente humore cor calefaceret in febribus putridis, indeque adeo intensus calor, qualis in febrentibus sentitur, oriretur, necessum foret, parum ante mortem febrentium, & cum ipsis moriuntur, ac post, intensiorem calorem, qui eos tetigerint, percipere, quam in ulla antecedente tempore febris. Consequentia patet. Nam si putrescens humor, ac ejusdem fuligo calida cor petens causa foret, ut cordis calor intenderetur, aut augeretur, seu in ignem verteretur, indeque totius corporis caliditas major infebrentibus perciperetur, tunc maximè id facturus erat, cum minimè à nativo calore, quem dicunt contrarium esse naturali, reprimi, ac cohiberi fuligo putrida posset: & cum morti proximi, & jam mortui, ac qui diu est, quod vita sunt functi, aut, non reprimere, vel mitissime reprimere humorum, & fuliginum putrescentium calorem possint: necessariò sequitur in relatis temporibus calorem febrilem majorem sentendum in febrentibus: sed evenitus contrarium docent. Experimur

enim multos, qui ex febribus moriuntur, fermè frigidos sentiri, & omnes parum post obitum, aut frigidos, aut parum calidos, eosdemque quando diu est, quod mortui sunt, in totum frigidos percipi. Ergo non à putrescentibus humoribus calor immodicus febrentium oriebatur, ut Galeno est opinatum, sed aliunde, & unde nos expomemus.

In casum porro conaretur aliquis dissolvere prædictam insolubilem, ac demonstrativam rationem, dicendo, quod ideo in proximis morti ægris, & in jam deploratis tantus calor non percipitur, quantum in statu febris, quod caliditas naturalis jam tunc desit, & in totum perdi properet, ex qua, & præternaturalis calor adeo intensus, ut febrilis est, evadet, & sine qua præternaturalis humoris putreñis, & ejusdem fuliginis caliditas, non nisi remissa & exigua esse poterat. Nam qui hæc testaretur, parum abest, ut contradictionem veram esse concedat. Si enim contraria mutuò se corruptunt, & quæ ejusdem sunt speciei accidentia se intendunt, ac augent, caliditas naturalis, & contraria naturæ ejusdem speciei, & diversarum, ac contrariarum forent: quod est admittere contradictionem. Consequentia patet. Si enim caliditas præternaturalis contraria naturali nominatur, ergo quia altera alteram corruptat, talis dicitur: nam alias contrarii nomen nullo modo sortiri posset, ut contrariorum definitio docet. Et si altera sine alia remissa existit, ut adversus fatetur, ejusdem speciei erunt, cum numquam calor per absentiam frigiditatis sibi contraria remittatur, quin intensior reddatur, neque frigiditas per absentiam caloris intendi desinat. Se ergo intenderet hos ca-

lores, ac simul eosdem se remitte-re, fassurus est adversus quod, ut dixi, est contradictionem admittere.

Ulterius, ut horum pertinacia convincatur, demus inter calores esse specificam differentiam, aliumque esse naturalem sive cælestem in humido nativo, seu radicali, ut alii nominant, in situm, alium elementarem resultantem ex mistione elementorum nos constituentium, quemdam putredinalē ex humoribus putrescentibus ortum ducen-tem, reliquum pestiferum à venenatis rebus orientem, ut hujus tempestatis quidam scriptor medicus dixisse videtur, id usurpans ex Gentile Avicenæ commentatore, quod ingens delirium esse in nostra exacta physica ultra retro dicta docebitur, & nonnihil de eodem, finita hac ratione, agetur. Nihil certè hoc conduceat adverso, ut nostræ rationis vim fugiat. Nam non ob id, quod etsi ex immodo calore putredinali, à quo in febrentibus calor insignis resultabat, & totum corpus calidius quàm tempore sanitatis sentiebatur, nativus calor tenderet in corruptionem, cùm febriens ægrotaret, aut in totum disparetur, cum æger moreretur, ipse proximus morti, aut ejusdem cadaver frigida sentienda forent: cum etsi per inductionem ignei caloris in aliquam ex nostris particulam, vita illius partis deperdatur, non desinit talis pars dum ignis adest, calidior multò sentiri, quàm dum vivebat. Ad cuius normam quamquam per inductionem caloris elementaris, aut putredinalis, sive pestiferi, calor nativus corrumperetur, non dissitum erat corpus ægrotans, & ejusdem cadaver calidiora sentiri, aut ad minus æquè calida, ut cùm corpus febriebat, & per putredinalem calorem calidius sentiebatur, quàm dum bene valebat. Si

enim tanta vis calefaciendi est in calore putredinali, ut nos reddat multò calidores, quàm dum fani sumus, ut ignis efficit: cùm durante igne, membra nostra sive viva sint, seu vitam amiserint, calida per ejus præsentiam percipiuntur, certè nostrum corpus, ut diximus, perseverante putredine, calidum sentiendum esset, ut dum febriebat. Nempe ob id, quod febriens proximus sit morti, aut jam sit vita functus, putredo humoris, non decrescit, & minor redditur, quin necessario augetur, majorque continuò fit, deficiente facultate vitali & naturali nostra, quæ humorem putrescentem à putredine compescat, & retrahat: fœtore cadaveris, & halitu ægroti morti proximi id testante. Quanto enim magis putrida est aliqua res, tanto etiam magis putrida erit censenda.

Quis enim, qui præteritum errorem tueretur, adeò deliraret, ut diceret putrescentes succos febricitantium proximorum morti, ac mortuorum, minus calidos esse, quàm eorum, qui in statu sunt febrium, quod à nostro nativo calore tunc concoqui procurantur, & in morti proximis, ac mortuis, à natura destituantur? Nam si concoctio in nocivo nihil aliud procurat, quàm ad mediocritatem tam modum substantiæ, quàm calorem, & frigus, ac alias qualitates immoderatas peccantium succorum reducere, ut ex commento illius Aphor. primæ particulæ. Concocta medicari oportet, & movere non cruda, ac innumeris aliis locis elicetur. Potius cùm vigorosior vis nostra concoctrix foret, reprimenda esset caloris putredinalis immoderantia, quàm augenda. Suspiciari enim, quod motio, quæ siebat à natura nitente concoquere succos putrescentes, eosdem calidos febrili ca-

lore redderet, indeque in mortuis frigescere, quod desit vis naturalis movens, præterita insania major est, experientibus nobis sanguinem, & quosvis alios succos ex nobis sanis, aut febrentibus extractos, & quantumvis post extractionem concusso, motosque calidiores non sentiri, quām cum ex corpore extrahebantur. Nec ullam humidam rem agitatam, jam quōd ex motu ullum calorem concipiatur, tam intensem, ut febricitantium, acquirere, nisi vas continens ex immodiaco motu caleret, indeque succum contentum calefaceret.

Et omnis evadendi modus quantumvis protervis cavillatoribus auferatur, solvamus quandam fictiōnem, qua quis ex adversis evadere argumentorum nostrorum vim fortassis opinabitur. Dicet enim non nullus, quōd cū Galenus asseverat putrescentes succos calorem febrilem producere, non id testetur, nisi cū à nostro nativo calore sunt in actum calefaciendi redacti, secūs si extra corpus extrahantur, & actuatiōnem, quam vocant, amiserint. Tunc enim dicet adversus, nihil inconvenire non calidos percipi, quin frigidos sentiri. Ut enim opium quod devoratum nos vehementer infigidat, cū rejicitur ab ore, calidum percipitur: sic bilem putrescentem, & intra corpus nos calefacientem, propter vienū, extra nos non calefacere, quōd desit, ut dixi, actuatiō facienda à nostro naturali calore. Porrò si de hoc potestativo calore Galenus loqueretur, cum febres finit ortum trahere à calore putredinali, nequaquam dixisset lib. 2. de Differentiis febrium, capite quinto, quod in regio morbo, & si redun- det bilis, non febriant, qui hunc morbum patiuntur, quōd bilis non putreat. Suffecisset enim potesta-

tivus calor bilis in actum redatus à naturali calore patientis arcuatū morbum, immodecē calefare, & in febrem impellere ægrotantem, cum bilis ipsa, teste Galeno in libello de inæquali intemperie contextu sexto, calidior sit omnibus succis, ac partibus nostri corporis. Etiam qui hæc dixisset, à Galeni mente quam maxime discederet, quōd ipse manifeste in duobus libris de Febrium differentiis, ac in complurimis aliis locis, cū loquitur de calore putrido humorum facientium, febres nulli rei comparat, nisi calori stercorum putridorum, qui actualis, seu formalis est, & non potestativus. Tertiō, quōd si id verum foret, nulla febris ex pituita ortum trahere valeret. Nam ipsa quantumvis putrens, & si actu calida sit, potestativè frigida necessariō futura est, ut Galen. 2. de Febrium differentiis, & in aliis locis docet. Modò si calor actualis putrescentis pituitæ est causa febribus caloris in febribus phlegmaticis, ut Galenus in citato loco docet, hunc eundem compellendus est quivis dicere, esse causam omnium aliarum febrium putridarum.

Tandem cum extracti ab ægris succi, qui putrescunt, statim frigent, etsi plus extra corpus quām in corpore putreat: qui sapit, & furore non corripitur, facile intellicet, humorum putredinem causam non esse caloris febrilis, sed cor nostrum frequentius, & velocitus agitatum, quām tempore salutis, indeque calidius versum, ut infra explicabimus, producere febres.

Neque dici poterit, quōd obstructi succi per spiratione prohibita, calidi sint, & postquām extrahuntur, frigidi reddantur, quōd in liberum continentem delati, refri gerentur. Nam si fingamus sangu-

*Roboratus
principalis
octava ra-
tio retro-
ducta.*

nem putridum, à quo febris conclusa oriretur, ex incisa vena immediate traduci in aliquod vas ejusdem figuræ, ac densitatis cum vena, à qua sanguis extractus est: necessariò, si putrefactio, & prohibita transpiratio causa forent caloris febrilis, adeò calidus sentiendus esset sanguis ille in relato vase ficto inclusus, ut dum à vena extrahebatur. Cujus oppositum experimenta docent. Putare enim, quòd sanguis in prædicto vase refrigeretur à vasis frigiditate, nihil prodesset, quòd etsi calidum vas esset, tam sanguis, quām vas illud ad frigiditatem se restituerent, quod non eventurum erat, si calor putredinalis illius sanguinis tantæ vis foret, ut calorem adeò intensem, ut est cordis febrentis vinceret, & augeret, & in febrem impelleret ægrotantem: ipse enim potens futurus erat vasis illius ficti calorem conservare, & augere, ut stercus ex putredine calens inclusum in simili vase, vas ipsum calidum redderet.

Et quòd promisserim improbare fictionem illam Gentilis, ac junioris Medici de quatuor caloribus specie differentibus, quos fingunt in nobis quandoque reperiri, id aggredior: quamvis non exiguus labor sit, quæ aliis fingere placet, nos dedocere. Porrò cùm mihi diu, ac noctu meditanti, quid verosimile responderi possit meis argumentationibus, quibus divellere aliquod falsum dogma conor, ut verosimile illud diluam, sæpè inter disceptandum de re illa cum aliis nostris commilitonibus contingat: nescio quæ impertinentia à me non præmeditata, ab illis, ut certissima effutiri, quæ iterum scribere, ac improbare cogor: ne si consimilis evasio alicui fortè satisfaciat, veterem errorem amplexetur, Sisiphi labore meum confero, & meritò

in me rejiciendum distichon illud assevero.

Somnia cuncta licet mendaces solvere vulgi.

Oedipus infudet, non satis unus erit.

Verūm querela hac dimissa, ad rem veniendo, improbare assertiōnem illam de quatuor caloribus specie differentibus, quos dixi à relatis authoribus fingi, ordior. Ac ut veritas pateat, & omnis evadendi modus ab adversis auferatur, quæro ab illis, cùm hanc specificam differentiam inter calores aſtruunt, an loquantur de caloribus accidentibus, an de corporibus calidis. Si de his ultimis se loqui dixerint, improbari non poterunt, quamvis rem impertinentem dixerint. Verūm enim est, quòd nostra corpora ex quatuor elementis actu in nobis manentibus constant, in quibus calorem aëris & ignis esse necessum erit, & unum ex quatuor calidis recensitis à Gentili, & novo illo auctore citato in nobis esse compellimur confiteri. Etiam quòd cor nostrum spirituosam substantiam ex puriore parte sanguinis producat, quæ delata per arterias in universum corpus ipsum calefacit, & in membra quandam occultam dispositionem animæ nostræ convenientem, & sine qua ipsa corpus non informasset, inducit, negare quoque non possumus. Nam etsi tanto caloris gradu ab igne calefieret corpus, ut ab spiritu vitali, anima corpori non adesset, quia defecisset relata occulta qualitas inducenda ab spiritu, ut corporis nostri partes laqueo adeò constrictæ, ut defectu transitus spirituum per arterias in interitum tendant, probant, quòd earundem corruptiōnem vitare nullo modo posset ignis, aut aëris tantus calor, quantus partibus illis deest ob cohibitum transitum spirituum, quòd ignis non

non valeat relatam qualitatem occultam inducere. Indeque non immerito hæc spirituum substantia ab his cælestis calor nominaretur essetque secundum genus corporum calidorum hoc. Reperiri quoque in nobis febrentibus, aut non febrentibus humorem putridum, qui indubie cum putredine calidior est, quām absque illa omnes confitemur, tertiumque calidorum corporum hoc nominari, & quòd etiam putreant humores, & ultra calorem venenatam qualitatem acquirant omnibus compertum est, quartumque calidum hoc esse affirmamus. Tandem quòd relata quatuor corpora calida, elementa, spiritus, humores putrescentes, humores venenati, specie differant, nos non impugnamus. Reprehendimus tamen, quòd cum de febre loquantur, quæ calor quidam in ens nostro corpori est, non erat, ut quid agerent de spirituum proprietate occulta: unde calor in ipsis existens cælestis nominatur. Nam diversa accidentia sunt, calor, & proprietas illa, et si eidem subjecto insint, ut diversus est calor magnetis à proprietate ipsius. Neque etiam erat, ut quid calorem putredinalem humorum miscerent cum venenata qualitate eorundem.

Illi quoque decipiuntur, qui propter eventum alium de aëre ambiente & calefaciente nos & de medicamentis & cibis calefacentibus eos, qui ipsa devorant credunt remissum calorem putridi succi posse intendere intensissimum cordis, ut relata remissiora cordis calore, ipsum calidius redund. Rationibus enim antecedentibus & eventibus sufficienter probavimus, remissum nequaquam posse intendere se intensius, quin quòd contrarium admistum remisso vim habeat remittendi intensius. Ideò

nempè, quòd non adeò remittant, & moderentur calorem cordis, & aliorum membrorum calefactorum ab spiritu calido cordis aër calidus, & medicamenta calida dicta, ut aër temperatus, aut cibi, seu medicamenta temperata, aut frigida, sicut valde minus calida solent, accidit cordi nostro, ac toti corpori per medicamenta, aut aërem calidiorem corpus calidum sentiri: ut aquæ ferventi per admisionem aquæ pauxillum minus ferventis. Ut enim et si aqua illa minus calida sit, quām erat, calidior manere dicitur, quām si per aquam frigidam sibi admistam, aut per calidam, sed minus calidam, quām quæ pauxillum moderabatur calorem ferventioris remitteretur: sic cor nostrum, ac nostra membra, cibis, & medicamentis, & aëre, ac aliis rebus dicuntur calefieri. Non quòd illa calorem cordis possint intendere, sed quòd alia non adeò calida plus frigiditatis sibi admistum habentia valeant plus temperare cordis, & totius corporis calorem, quām priora, de quibus non plura quòd nonnulla ex his paulò ante scripta sunt, ut etiam ad dictam dum alia transire liceat.

Nona. Si verum esset, quod Galenus testatur secundo de Symptomatum causis, & in fine septimi cap. libr. de Palpitatione, &c. Cùm dixit in rigoribus tertianis sentiri quemdam sensum dolorosum, veluti acutissimarum pungentium sagittarum, ob scilicet bilem expansam ad cutim, quæ febris venturæ post rigorem causa futura erat, falsum esset, quod idem prædixerat in primo de Differentiis febrium, cap. 5. fuliginem humoris putrefacti in vase aliquo obstructo calefacere particulam obstructam, & ad corpus usque ascendere eandem calefactionem per fumosas illas fuligines de-

delatam. Nam si humor , qui rigorem gignit, & à quo febris post originatur , in carnosas , & sensibiles partes dispartitur , nequaquam inclusus dici poterit in aliquo vase , neque ejusdem fuligo inclusa calorem posset producere , cùm difflari , percutim valeat : jam quòd ad carnem cuti proximam expansa sit ex Galeni assertis , qua enim corpulentus humor rigorem efficiens exiit , fumosa fuligo tenuior exire valebit.

Increpatur quedam falsa sententia Galeni affirmans quod in rigoribus quartanarum siti non molester rigidem.

Et quòd meminerim sententiæ Galeni adductæ ex fine septimi capituli libri de palpitatione , tremore , & rigore , & convulsione , postquam & in calce relati capituli verba sequentia digna taxari exarata sunt : [Quartanam qui passi sunt , rigorem si sit vehemens , ad usque ossa penetrare ajunt , rigoribus ab ambiente frigidissimo effectis planè similem. Cæterum tritæo , & ardentí febri , id quartanæ tamen non commune addimus , quòd vel rigentes plurimi , caliditatem internam sentientes , sitiunt , quorum neutro qui habitu quartana sunt afficiuntur.] Ideò venia petita à Galeno adeò experto medico , falsum id esse , quod in adducto contextu testatur manifestissimi eventus docent. Numquam enim quotquot medendos à quartana morbo ægros per totam vitam suscepi , alio symptomate magis eos vexari , observavi , quàm siti , cùm rigent. Cujus contrarium Galenus dixit. Si enim incontinentes , & nobis medicis non obtemperantes in medela quartanæ in aliquem periculosem morbum incidere conspicimus in plurimum hydrops est , ob aquæ immodicum potum in hora , qua rigent. Hoc obiter duxi , ut lectoribus caverem à falsitate loci illius à me increpati.

to. Ratio. Decima ratio. Neque si febres putridæ fierent per modum , quem

Galenus , & Avicena , ac cæteri medici horum sectatores opinati sunt reddi ulla causa posset , cur aliquæ continuò affligant , aliæ per intervalla. Causari enim , quòd in continua humor intra venas putreat , in intermittentibus extra , non excusat. Quòd si intermittentium humor , qui febris causa conjuncta dicitur , in tertia die putreat : quia expellitur de venis extra easdem , ut Avicena fēn prima quarti dixisse videtur , adversaretur hoc sententiæ Galeni adductæ ex primo lib. de Febr. differentiis , ubi expressè asseruit fuliginem putridam detentam intra vas obstructum fore causam intensionis caloris febrilis. Etiam alio decreto illius , quo fassus est prohibitam efflationem esse causam putrefactionis. Si enim in die , in qua humor expellitur à vasis internis , sive externis ad carnes musculosas , febris intermittens invadit , nequaquam ob id quod tunc putreat , & prius non , invadet , sed ob aliam rationem. Consequentia patet , quòd tunc excretus humor ab obstructionis loco in porositates carnis musculosæ proximæ cuti si putrere paratus esset per prohibitam efflationem , concessa libera respiratione per relatam expulsionem , à putredine cessare debebat , cuius contrarium ipsi affirmant.

Undecima ratio. Ulterius Galenus 2. de Februm differentiis , distinguit febrim ortum ducentem à multitudine sanguinis , à febre oriente ab ejusdem putredine : ergo & à bili qui calidior succus , quàm sanguis est , poterit emanare proportionale duplex febris genus : alterum à putredine ipsius bilis : aliud ab ejusdem multitudine , quæ nullus scripsit. Sed febris illa , quæ oriretur à multitudine bilis non esset dicenda putrida , quòd nulla putrida fuligo à bili illa non putri ele-

11. Ratiō

vata cor calefaceret: supereft ergo fallum esse quod testatus fuerat Galenus febrium cholericarum causam esse humorem biliosum putridum, emittem ex se fuligines putridas ad cor.

Solvere enim non potes per dif-
crimen, quod sufficere nonnulli
existimaverunt, non valere scilicet
tantam bilem gigni, quæ sat sit fa-
cere febrim sine putredine ipsius,
quæ immodecum augetur, quod na-
tura non sit adeò amica cholerae, ut
sanguinis, ideoque statim, ut ipsius
bilis insignis multitudo redundat,
à natura dimissa putreat. Primò,
quod id ad placitum dictum, &
nulli rationi innixum videatur: cùm
experiamur in febribus cholericis
sæpiissimè bilem amaram sinceram,
aut pituitæ commistam rejici per
vomitum sine ullo putore, in co-
lore, & reliquo modo substantiæ
simillimam illi, quæ in foliculo
felleo naturaliter continetur, quæ
sine putredine est, & per hujus re-
jectionem febrem cessare, quod
manifestè docet, ex illa non putri
cholera emanasse febrem illam.
Protervire quidem cholera illam
putridam esse non posset adversus:
quod Hippocrates in de humana
natura libro per relata media, per
quæ ego, probavit sanguinem, &
cæteros humores mutuo inter se
distare, dicens: [Quo enim mo-
do hæc inter se similia sint, quo-
rum neque colores similes videnti-
bus apparent, nec ad manuum tac-
tum similitudo aliqua esse depre-
henditur.] Secundo, quod non
video, qualiter ex hoc, quod redun-
det plus justo bilis, & in tan-
ta quantitate, quod febrim facere
suffecisset sui calore, ut sanguis
eadem minus calidus sua multitu-
dine valet, sequendo Galeni pla-
cita: ideò putreat, si putredini,
quæ febrim est productura, necel-

*Quedam fu-
tilia solutio ad
dantur, 5^a in-
veniatur.*

sariò obstructio in aliquo vase, vel
inflammatio in aliquo viscere est
conjugenda. Si enim immodecum
sanguis multo crassior cholera, li-
ber, & sine obstructione per ve-
nas vagatur, cùm febrim citra pu-
trefactionem affert cholera su-
percrescentem per easdem non obs-
tructas deferri posse quis negabit.

Duodecima ratio. Item, quod ^{12. Rati.} memoria consequar, apud Hippo-
cratem, quem Galenus unicum
medicinae numen esse adversus non-
nullos medicos sæpe contendit, fe-
bres aliter fieri, quæ à redundantia humorum non legitur, &
prout unus, vel alter abundat, sic
hoc, vel illud febris genus pro-
creari, & non quod putreant, aut
non putreant, ipse fatetur. Quod
inter multos hujus authoris locos
probat: non tantum ille, qui pro-
pè finem libri relati de humana na-
tura scribitur, verum, & multi
alii. Sed prius illum, quem præ-
dixi, ducemus: quamvis pars illa
genuina ipsius Hippocratis non sit,
ut Galenus vult. Series illius hæc
est. [Febræ plurimæ à bile fiunt.
Species ipsarum quatuor sunt, præ-
ter eas, quæ ab occultis dolori-
bus generantur. Nomina ipsarum
sunt, continens, quotidiana, ter-
tiana, quartana. Continens itaque
appellata, à plurima, ac meraci-
ssima bile provenit.] Ubi nullam
memoriam bilis putrescentis agit
Hippocrates, sed quod continens
à plurima, & meracissima bili (ta-
lis enim est non putrens cholera)
proveniat, fatetur.

Sed relato loco dimisso, quod
adversi esse Hippocratis non ad-
mittent, et si apud eundem alia
quamplura à ratione multo rela-
tis magis devia legantur, adduca-
mus in primis illud ex ea parte li-
bri de Humana natura, quam ger-
manam, & Hippocratis esse idem

Galenus est testimoniatus: quod hujusmodi est: [Bilis autem per æstatem, ac Autumnum corpus possidet. Id quod inde cognoscere potes, quod homines sua sponte hoc tempore bilem vomunt: & in medicamentorum potionibus biliotiora purgantur, manifestum sit, & febribus, & hominum caloribus.] In quibus verbis expressè docet, ob id, quod in æstate bilis redundet, non quod putreat, febres ex ea fieri, quod nos probare contendebamus. Aliud ejusdem Hippocratis ex primo libro de Morbis propè principium idem refert. [Morbi quidem igitur universi sunt ex his quidem, quæ in corpore insunt, tum à bili, tum à pituita. Ab externis verò, à laboribus, & vulneribus. Sed & à calido, & super calefaciente, & à frigido, ac super frigefaciens, & sicco, ac super resiccans, & ab humido, ac superhumectante. Et bilis quidem, ac pituita una cum nascentibus gignuntur, & sunt in corpore, aut plus, aut minus. Morbos autem exhibent, partim à cibis & potibus, partim à calido supercalefaciente, & à frigido superfrigefaciens.] Ubi nullam mentionem putredinis bilis, aut pituitæ Hippocrates fecit, ut asseveret, quod hi humores putrescentes febres efficiant, sed redundare hos plus justo, vel esse eosdem calidiores, aut frigidiores, esse causam omnium morborum, dimissis causis externis dicit, putredine eorumdem omessa. Calorem enim humores relati à sole, & à motu, & ab alimentis citra putredinem trahere testatur. Idem per universum quartum librum de Morbis Hippocrat. affirmat, præsertim cum sic refert: [Si verò humor alias alio copiosior fuerit, febris ex hoc homini oboritur.] Et non longè à ci-

tatis verbis: [Et si quidem à multis humoribus valde supereretur, febris ex hoc modo oboritur.] Et infra citatos locos: [Corpus ab humore priore, ac recenti repletum calescit, & febris ex hoc homini oboritur.] Numquam mentionem agens de putredine, nisi ut per similitudinem partium corporis humani putrefactum, & depascientium proximas, declareret modum humorum supercrecentium in febribus, & consumentium residuos optimos, à quibus spiritus vitales siebant, & corpus hominis nutriebatur: quod in relato quarto de Morbis libro sub his verbis scriptum est. [Si vero multus fuerit affixens humor, fruitur: & consumitur ad morbum etiam aliis, qui prius salubris erat, & tali modo homo moritur, fruatur autem, si morbus non amplius sufficiens alimentum habuerit, & consumitur ab humore bono, qui in loco dolente existit. Primum enim propinquum assumit, deinde longius depascitur, donec consumptum fuerit, & non amplius ineft in corpore alimentum: alimentum autem est homini humor levis. Quemadmodum igitur, ut certum est, putrefactio primū paulatim fit, si maximè calefiat: postea ubi isthic alimentum putrefactioni non amplius sufficit, depascitur de sano, initio sumpto à proximo ad totum corpus, donec totum quicquid carnosum est, putrefecerit, postquam verò in totum depasta est, alimentum putredini consumitur. Sic sahè etiam in morbo. Sumpto enim à loco illo initio, ubi isthic alimentum sufficiens non amplius ineft, depascitur ulterius, à proximo initio facto. Postquam enim per totum grassatus fuerit, alimentum morbo consumitur: & aliis salubris humor non supererat: si hoc fiat, homo moritur.] Sufficere relata

puto, ut ex his, quivis intelligat Hippocratem idem quod nos inter argendum contra Galenum diximus, voluisse.

13. Ratio.

Opinari enim quod in bubonibus, aut inflammationibus crurum, aut brachiorum, seu aliarum partium distantium à corde febres continuæ quandoque proveniant, quia fuligo putrida ab illis partibus assiduè deferatur usque ad cor, infanire est, si vera sunt, quæ idem Galenus in libro de Usu pulsuum scripsit. Ibi enim refert, compressis arteriis, expurgari fuligines inclusas in eisdem, fuliginibus exeuntibus per earundem arteriarum porositates. Si ergo arteriæ quantumvis à corde distantes continuò mundantur per compressiones frequentes, & veloces à fuligine putrida intra se inclusa præsertim cum homo febit; quod tunc velocius, & frequenter arteriæ moventur, quomodo poterit fuligo illa transmissa à vena, ubi humor putret, ad arteriam proximam (quia omnis vena proximam sibi habet arteriam) & ab arteria in cor, ipsum calefacere; percipere non possum? Cum prius quam cor pertingat, per innumeras compressiones arteriæ erit ab arteria eliminata. Et quod prædixerim Galenum in libro de Pulsuum usus dixisse, quod arteriæ per proprias porositates, cum comprimuntur, expurgantur, ideo sententiam ejusdem ex relato loco adducere visum, quæ in hunc modum habet. [Nam si in ipso cordis corpore vis illa unde contrahitur, ac dilatatur in omnes arterias per tunicas earum influens sic eas cogit, aperitque quemadmodum ipsum cor: utique sicut illud cum dilatatur, ea quæ osculis suis appropinquant, trahit, cum contrahitur, expellit: sic & arteriæ cum se aperiunt, ad se undique trahunt, cum trahuntur, in om-

nem partem expellunt. Quid autem sibi hoc velit, quod undique, & in omnem partem dixi, adhuc clarius faciam. Numerosi in arteriis meatus partim veluti spiramenta in earum sunt tunicis, partim oscularum specie in intestina, & ventriculum, & externam hanc cutim finiuntur: quin etiam continuatæ tum sibi, tum verò cordi maximis scilicet meatus, vel potius universis suis capacitatibus sunt. Venis verò non perinde magnis meatus, sed ipsarum quidem anastomoses, sensum nostrum effugiunt. Unde si iplis, ceu parum constantibus merito fidem abroges, per alia certè, quæ veteribus sunt prodita, eos esse credas, neque in postremis ex hac rei evidentia. Si quis namque accepto animali quovis ex iis, quibus amplæ, apertæque arteriæ sunt, veluti bobe, seu asino, equo, ove, urso, simia, pardali, homine ipso, vel similius aliquo, magnas, multasque illi arterias vulneret, universum animalis sanguinem per eas exhaustet. Hujus rei periculum subinde fecimus: & cum semper vacuatas cum arteriis venas deprehendissemus, veram esse sententiam de communibus arteriis, & venarum osculis, & communis de una in alteram per ea transitu, nobis persuasimus. Quippe per hos transitus, arteriæ dilatatae, ex venis trahunt, contractæ contra, in eas regerunt. Sicuti nimirum per ora, quæ in cutem finiuntur, quicquid halituosum, fumidum, & excrementum habent, id excurrent. Recipiunt, aut ex circundato nobis aëre, non exiguum in se portionem. Atque id est, quod Hippocrates foras, introque spirabile totum corpus dixit.] In quibus verbis satis planè quod prædixeramus verum esse patefecit. Et ne ducendo rationes alias, quibus pro-

bem non posse fieri putridas febres per modum, quem Galenus, & cæteri Medici, qui illum sunt sequenti, est opinatus, lectorem immorari: docere modum, per quem ipse, & cæteræ omnes, tam quæ diarrææ, quam quæ hecticæ dicuntur, faciant, auspicor. Statim enim ut id explicuero, spero neminem, nisi delirum, nostro dogmati non assensurum: citraque improbationes alias cuiusnotam futuram veritatem nostram doctrinæ, ac falsitatem aliarum.

C A P U T VII. In quo modus hucusque ignotus per quem febres sunt ostenditur.

ET ut dicenda facile intelligatur, animadvertisendum primum, quod cum aliquis effectus sic aliquam speciem quorumvis entium, seu animatorum, sive inanimatorum sequitur, qui in nulla alia visitur, hoc non nisi ab aliquo principio activo, aut passivo semper nato comitari relatam speciem, & nullam aliam proveniat. Rationari enim, & ridere, sic homini contingunt, qui in nulla animalium specie, quam in humana ratiocinium, neque risus inveniantur, ut inire non nisi equis contingit. Et vim tractivam ferri habere, non nisi magneti accidat, & trahi à magnete non nisi principio passivo ferri concessum sit, & alii consimiles effectus peculiares aliqui speciei semper à principio naturali constitutivo illius speciei proveniunt. Si enim ab hoc ortum non duxissent, possibile esset in individuis aliarum inveniri, quod non accidit.

Secundò animadvertisendum, quod affici continuis, quotidianis, tertianis, & quartanis, ac quintanis febribus sic peculiarie est hominibus,

quod nulli speciei anatum contingat. Quis enim unquam vidit, ut inter argendum dixi, aliquod ex brutis tertiana febre, aut quartana correptum. Nemo certè. Si enim his affixi brutum accidisset, facilimè id novissemus, ex antecedentibus febrem rigoribus, & ardore subsequente in tertiiis, aut quartis, seu aliis diebus: quod numquam in mulo, equo, asino, leone, aut alio bestiarum, aut avium genere conspectum est. Quod Plinius lib. 7. cap. 50. confirmat, dicens: [Ergo pro miraculo, & id solitarium reperitur exemplum, Xenophilum musicum centum & quinque annis vixisse sine ullo corpori incommodo. At Hercule reliquis omnibus per singulas membrorum partes, qualiter nullis aliis animalibus, certis pestifer calor remeat horis, aut rigor, neque horis modo, sed & diebus, noctibusque trinis, quadrinovè, etiam anno toto.] Ex his qui vis elicere manifestè potest, putredinem humorum tantum, neque supercrescentiam ejusdem plus justo posse fore causam febrilis caloris redeuntis per certa intervalla tertiae, aut quartæ diei, sive aliorum quorumvis. Si enim alterum relatorum, aut ambo simul causa fuisset intermittentium febrium, non esset unde hic effectus peculiarius homines, quam cætera bruta invasisset, cum non minus in brutis quam in hominibus putredo, & redundare humores contingant. Cum ergo putredo febrium intermittentium causa esse non possit, ut Galenus dixit, neque auctum aliquem ex humoribus esse, tantum sufficiat, febrem efficere, ut Hippocrates dixisse videtur, velut antecedentes rationes palam ostenderunt, restat in aliquod aliud principium humanum minimè brutis conveniens, re-

currendum esse. Et cum hoc non nisi humana forma, quae est anima rationalis, aut diversa membrorum hominis figura, & situs esse possint, cum in cæteris naturalibus principiis vegetandi, & nutriendi paria nobis bruta concipientur: hæc ergo duo in simul, aut horum alterum necessariò sequitur committaturum febrium intermissionum.

Galenus quippè quærens hoc commune principium febrium, cum videret à pituita, & à melancholia frigidis humoribus supercescentibus calorem febrilem emanare, ut à sanguine, & bile calidis, putredinem commentus est, quam res exteriōres, tam calidas, quam frigidas invadere, & in eas, ut plurimum calorem procreare, experimur, & hanc invadentem humores calidos, & frigidos efficere affectum febrilem calidum testatus est, minimè cavens inconvenientia, & impossibilia, quæ suæ opinioni sunt objecta. Atque hoc, quod manifestissimum erat, eadem methodo eliciendum, bruta, quæ humores natos putrere habent, ut homines, febres tertianas, & quartanas, ac reliquas habitura, quæ ipse non experiebatur.

Quartò considerare expedit, quodd quamvis solum relatum augmentum humorum, aut putredo eorundem, non possit esse causa febrium per intervalla redeuntium, ut probatum est, quod tamen indubitatum est in plurimum ambo hæc, vel alterum illorum contingere in iis, quæ febriunt.

Quintò animadvertere decet, non paucos certi generis affectus, quos passiones alii vocant, datos esse hominibus, ut per hos salutem præsentem ipsi conservent, aut amissam restituant. Quod Galenus libro secundo de Simplicium Medicamentorum facultatibus, capi-

te decimo septimo prædixerat, inquiens: [Contingit autem ad tuſsim impetum fieri inæqualitate quadam in gutture præter naturam proveniente. Quippè cum spiritus per puram, levemque ferri viam consuetos, si quando in eminentia quædam impingat, tumultum quendam, ac velut inæqualem concussionem in gutture efficit, atque ita ad tuſsim animal provocat. Nam ut alias quoque multas natura hominibus salutis gratia ingenitas indidit passiones, ad eundem modum, & sternutationem, & tuſsim: sternutationem quidem, ut ea, quæ in naribus infesta, molestaque sunt, propellerent: tuſsim verò, ut quæ in gutture.] Neque à relatis passionibus dissimiles sint vomitio oris, & fecum, & urinæ ultra consuetum ordinem expulsiones, tremores quoque sive concussores nomines, qui in epilepticis contingunt, cum cerebrum vitiosis succis plenum fese concurrit, ut illos à se excernat.

Sextò. Sciendum calidius quod est in corpore nostro cor, & spiritus ab eo genitos fore. De corde ultra ea, quæ retrò à nobis scripta sunt, cum argumentabamur contra modum excogitatum à Galeno generationis febrium diariarum, Galenus de Temperamentis libro 2. idem testatur, inquiens: [Jam cordis caro omnibus his tanto est fiscior, quanto est durior: calidior verò non modo his, sed etiam omnibus planè corporis partibus. Quod etiam sensu clare deprehendas licet in pectoris animalis dissectione, si digitum in sinistrum ejus sinum immiseris: invenies enim locum hunc omnium, quæ in animali sunt, non paulò calidissimum.]

Spirituum calorem; præsertim vitalium, ingentem esse, materia ex qua ipsi fiunt, & efficiens planè monstrant. Galenus enim de Hip-

pocratis, & Platonis placitis lib. 7. relata duo spirituum vitalium principia expresit, dicens: [Spiritus igitur qui in arteriis continetur, vitalis, & est, & dicitur, qui in cerebro animalis, non quod substantia animæ sit, sed quod primum est ejus ibi habitantis instrumentum, qualiscumque substantia postea fuerit. Sicut vero vitalis spiritus, & in arteriis, & in corde gignitur, materia generationis ex inspiratione, & humorum exhalatione sumpta, ita animalis ex vitali perfectius conconcto oritur, quippe cum oporteret ipsum exquisitissimam omnium immutationem adipisci.] Quod si materia spirituum est aer inspiratus, qui calidus, & humidus est: & exhalatio humorum tenuissima, & igni similis evaporatio, necessariò materia hujusmodi apta erit conficere rem satis calidam cum praesertim concoctor ejusdem cor calidissimum omnium membrorum sit. Sed cor esse quod coquit expresse dixit Galenus in citato loco, supereft ergo verum esse quod prediximus. Et ultra id experimenta illud docent, nam corde icto universus calor perit. Porro spiritus vitalis igniculus ille est, quem Prometheus suffuratum adiis fuisse Poetæ referunt.

Hujus spiritus expansionem à corde in totum corpus fieri inter multos alias locos Galenus docuit in libro, quem inscripsit: An sanguis in arteriis natura contineatur. Quam probare inter alia opinatur ex hoc, quod si ita non fieret, quod per universum corpus spiritus expanderentur hominum motus exerceri, ut eis libuisset, non liceret. Per spiritum nempè credit deferri à capite in pedem velocissime vim motricem pedis. Quod in hominibus falsum est, secus fortassis in brutis. Sufficit enim ut pes hominis moveatur,

quod anima rationalis existens in cerebro imperet motum, quem eadem numero existens in pede exequitur. Non enim alia anima est pedis, quam cerebri: neque pedis anima, pars est animæ cerebri: sed illa eadem numero, quæ in cerebro est, est quoque in pede, ut in nostro opere jam plane ostendimus. Sed hoc misso delatio spiritus à corde in totum corpus, aliter probari quam Galenus molitus est sufficienter potest. Et inter multa, quod nunc (ut quod proposui probem) sese offert, est, motus, tam celeres, quales conspi ciuntur in hominibus lætitia ges tientibus, & in his, qui pavent, vel quibus subito aliquid valde triste nuntiatum est, fieri non posse, quam à spiritibus celerrimè motis. Vide mus enim non raro homines per insignem lætitiam, aut pudorem, rubore subito perfundi, & alios præ metu celerrimè pallere: quorum di versorum colorum, tam insignis ac celerrima variatio non sanguini, sed spiritibus tribui potest, quod ille non adeò agilis sit, ut tam subito, & ad cutim duci, & à cuti interius in alto corporis condi valeat.

Quibus jactis fundamentis, scien dum est, febris essentiam nihil aliud esse, quam quedam calorem im modicum sensibiliè operationes hominis lædentem, productum in toto corpore à natura hunc gigne re moliente, tam per impulsum velocissimum, & frequentissimum sanguinis, & spirituum à corde in arterias universi corporis, quam per superincidentem ejusdem cordis ex velocissimo, & frequentissimo motu expansionis, & con strictionis suæ, quam etiam ob calorem allectum ex celeri motu arteriarum se comprimentium, & expandentium. Hanc febrem non in aliud usum naturæ gignit, quam ut per

Jam bic
febris eff
exprimitur

per ejus vim superflua, quæ corpus humanum male afficiunt, difflentur, aut concoquuntur, & concocata per sensibiles corporis meatus patentissimos redditos ob febrem calorem excernantur, & alia naturæ humanæ incommoda resarciantur.

Hanc febris definitionem, ut more logicorum procedam, bonam esse, vel ex hoc constat, quòd genus, & differentiam contineat. Calor enim immodicus, genus est: & differentia illius à cæteris per id exprimitur, quod à natura febrilis producitus sit in toto corpore per impulsum spirituum vitalium plus justo calidorum à calore cordis intensiore, quam qui solitus erat afficere, cum benè valebat homo, quem cor in se procreat velocius motum, quam consueverat. Stat enim ab igne, vel sole, vel ira homines immodicè calere, & tamen febientes non dici ob id, quòd vel calor eorum non inest toti corpori, sed tantùm extimas corporis partes alteret: aut quòd etsi universum corpus possideat, non à corde originetur ut genitus ab eodem in relatum finem. Cujus signum est, quòd sole, vel igne, aut ira absente, statim reprimi calor incipit, donec in totum aufertur. Quod minimè accidit, cum jam à corde calor febrilis in totum corpus manat, effecturus quod prædiximus. Quacumque enim causa procatartica ablata, adhuc febrilis statim remitti non incipit, sed diu perseverat.

Ut ergo relata planissimè intelligantur, animadverte nullum instrumentum aptius esse ad sentiendi, & movendi, ac nutriendi, cæteraque omnia alia naturæ opera exercendum, quam spiritum, ut Galenus lib. 3. de Locis affectis, cap. 5. refert. Et lib. 7. de Placitis Hippocratis, & Platonis, & multis aliis locis scribit.

Cum ergo aliquis humor in corpore sensibiliter redundat, seu multitudine inutilis, seu corruptione noxius, quem per sensibiles vias oris, aut intestinorum, seu vesice, vel alios meatus excernere natura non valet: ut hunc è corpore in vaporis modum extirpet, febrim sæpiissimè procreat, quæ cum calore nativo cordis intensior futura est, à corde ex propria natura calidissimo omnium corporis particularum gigni non potuit, indeque compulsum cor proprium calorem intensiorem reddere miro id modo facit: neque aliter quam sese velocius, ac sæpius quam solitum erat contrahendo, ac expandendo, ut epileptici cerebrum, ut per hunc ve- locem, & assiduum motum, ejusdem substantia plus quam propria poscebat natura caleret. Quo commento etiam totius corporis arterias, & venas eiusdem proximas calefecit, quòd arteriæ ab eodem ortæ continuatim calorem fuscipient, quem necessariò propinquitatem venis communicant, ac utræque reliquis omnibus corporis partibus calorem impatiuntur, spiritu, & sanguine arteriali, qui à corde in arterias transmittitur, febrilem calorem etiam in easdem inducentibus: & quòd à corde solito calidiore tunc emanent, undè calorem intensiorem, quam sui moris erat, adduxerint: atque etiam quòd oxyus moti spiritus quam soliti erant, tam ex ingenti impetu, quem acquirunt ad velocem cordis constrictionem, quam ex veloci quoque expansione arteriarum cordi proximarum, ad quam necessariò sequitur eorundem velox tractio, ne vacuum proveniat, ipsi iudeum spiritus calent, & etiam se refrigerari, ut cum homo sanus erat, prohibent. Adeò enim pigre cum valemus deferuntur spiritus à corde, usque ad distantes arterias, ut liceat in-

interea , quod aliis spiritus reddit ambienti aeri, & partibus corporis nostri minus spiritibus calidis , eorundem calorem à priore spiritu conceptum reprimere , ut totum corpus non sic exurat , ut in febrili statu solet.

Neque tantum in præteritos usus deseruit relatus intensus calor, sed etiam cum natura , quæ cor gubernat providè, seu improvidè operatur , in omnibus enim fermè causis morbificis extirpandis calore eodem ipsa utitur, nisi cum adeò vitalis vis succumbit , seu quod ipsa simpliciter imbecilla sit , sive quod collata morbificæ ingenti causæ secundum quid imbecilla dicatur, quod de ventura intempestiva morte nulla sit ambiguitas.Hac de causa in morbis nonnullis exitialibus, prædixit Hippocrates , si febre corripiantur qui patiuntur , sæpè spem vitae promitti.

Prædixi , quod ut omnes fermè morbos, & causas morbificas exterminet , gignatur à natura implurimum febris , ut explicem , quod quamquam soluta unitas non ortum trahat ab humore ullo immodecè redundantem , aut quam maximè virtioso , sed sæpè ab ense , vel alio inscidente , etiam inibi febris gignitur. Fortassis enim provenit hoc quia decepta natura cordis conficit febrem suo velocissimo & frequenti motu, quasi putasset, quod per hunc calorem possit subvenitum ire unitati solutæ in jecore, liene , aut vesica , seu quovis alio membro vulnerato solito febrim inferre , statim , ut dirumpitur , ne dum expectata inflammatione , ut solita natura est subvenire redundantia , aut malitia humorum , seu quod ab aliquo incommodo cordi ob vulnus illato proritetur ipsum , & quasi vellicetur , ut systoles , & diastroes velocissimas , & frequentissimas efficiat.

C A P U T VIII.

In quo solvuntur dubia quæ sequi videntur ad causas febrium à nobis premeditatas.

JAM quod ostensum est febrem fieri non posse , ut hucusquo opinabantur Galenus, & cæteri Medici ejusdem sectatores, & modum, per quem fiat , docuerimus , scrutandum videtur , cum motrix cordis vis non sit voluntaria, sed naturalis , qualiter redundantibus humoribus in cruribus , aut brachiis, aut soluta unitate jecoris, aut lienis (verbi gratia) statim surgat ipsum in veloces, & frequentes diastroes, & systoles, hoc enim potius opus rei agentis cum cognitione, quam merè naturalis videtur. Opem enim ferre cor illis distantibus à se partibus, ipso noxam nullam ex aliarum partium incommodo paciente, potius, ut dixi, hominis alicujus misericordis munus, quam naturalis facultatis cordis appareat. Quod quamquam aliquam difficultatem præferat, facillimè discutietur per ea, quæ parum superius scripsimus. Diximus nempè , quod fortassis in his eventibus aliquod incommodum inferatur cordi : quod , & si sub dubio dictum sit , quia potest aliis modus excogitari , per quem concussio in solita cordis fiat, citra relatum , tamen à me , ut certissimum , & indubitatum habetur , consentire cor morbis omnium membrorum , quæ arterias, & venas sensibiles , & manifestas habent. Indeque statim , ut quisvis humor in vasis quantumvis distantibus à corde redundat, ingentem noxam inferens, seu illatus, infertur cordi nocumentum ab illo eodem humore , qui multitudine , aut alio vitio redundat, quod aliis sit commissus, qui à corde deveniunt, & ejusdem humoris vapores

res illos devenientes inficiant, ac continuatim ad cor usque malum propellant. Certè verosimile est, quod si aliquis humor in venis coxa putreat, hunc arteriis sibi conjunctis, & in quas transitus vicissim fit, affectum aliquem noxiū communicare, illasque eundem in cor transmittere, aut per simplicem alterationem, sive per vaporosam, aut corpulentam commissione cum benigno sanguine cordis: cuius malitia prioritatum cor expansiones, & contractiones veloces, & frequentes exercet, quasi his sit excussurus, quod sibi infertur incommodum ab humore vitiōso: unde cor calescit motu caloris causa existente, & sanguinem & spiritus calidores reddit, qui delati in totum corpus, cum ad locum ubi humor vitiatus redundat, pertingunt, ad eodem majorem, quam solitum erat, vaporum copiam difflant, qui sanguini misti, cor, atque ab eo ortas arterias eidem in motu proportionales oxyssime, & frequentissime moveri cogunt, ut a se incommode rejiciant. Itaque sibi prodesse ex partibus molientibus per accidens insigne sibi nonnumquam inferunt damnum donec totus sit absus humores, jam enim tunc potiuntur concupitis. Verum cum soluta unitas infestat: ut cum vulneratis membris, quae diximus, febris statim corripit, non etiam sine proritante causa in veloces, & frequentes motus cor se attollit. Patet factum enim aditu aëri ambienti, & aliis immundis corporis vaporibus per vasa illa dirupta, quae insigne colligationem cum corde habent, sanguis arteriarum nocuis qualitatibus alteratus, cor vellicat, inde que ipsum velocissime moveri cogit, ut mox prædictum. Quo facilimè à nobis solvitur illud argumentum, quod adversus opinio-

nem Galeni objecimus, referentes febres relatas orientes statim, ut jecur, vel hien vulnerabantur, non posse dici hecticas, neque putridas, supposito vulneratum in culpatos humores habere, neque ephemeridas, quia unde inflammarentur spiritus non habebant præfertim si vulnus illatum fuisse in tempore hyberno: nam aër continens potius infrigidatur, quam calefactus spiritus erat. Nam objectionem Galeni sectatoribus insolubilem facillimè nos enodamus, ut audistis.

Et quod prædictum posse alium modum excogitari, per quem cogatur cor velocissime & frequentissime moveri, cum febriles causæ adfunt, ultra illum, quem recensuimus, in præsens id dicamus. Cum enim forma hominis ultima, sit anima rationalis, quae nutriendi, & sentiendi, & intelligendi munia exercet, quae etiam indivisibilis est, tota in toto, & tota in qualibet hominis parte, non abs re dixisse videbitur: qui, cum queritur unde oriatur, cor velocissime moveri, cum unitas jecoris solvitur, aut cum bilis in brachii venis redundat, respondeat, quia anima eadem numero, quae est in jecore, & in venis brachii, est in corde: quae ut jecoris, & brachii incommoda repellat, per febrilem calorem cor velocissime, & frequentissime movet, vitaliter, & non merè naturaliter operando, nondum illato cordi nocimento, sed cavens ventura mala.

Itaque omnis febris est passio quædam commenta à natura, ut corporis meatus patentissimos faciat quibus nocua à corpore per halitum repellat, aut ea concoquat coctione qua sint habilia sensibilitè à corpore extirpari: inter vomitum, sturnutationem, pandiculationem, & totius corporis concus-

sionem, rigorem, & tuſsim annumeranda. Ut enim didicistiſ ex animadverſione quanta, ut relatae paſſiones congenitæ animalibus à na- tura fuere ſalutis eorumdem gra- tia, ſic febris à natura hominis gi- gitur in relatum uſum, quæ quam- quam ægrotantibus ſepiſſimè pro- fit, abſumendo humorem, qui aliās interfecturus erat (ſanguine per il- lius humoris, qui redun- dabaſ, qua- titatem, vel malitiā in epto verlo eſſe materia apta ſpiritibus vitali- bus (ſine quibus vivere non datur) ii enim ex puriſimo fiunt ſanguine, ut ſexta animadverſio docuit) per accidens tamen febris nonnum- quām interficit, ut cæteræ paſſiones febris germanæ. Quis enim diu ver- fatus in re medica non obſervavit nonnullos ægros ſepiſſimè tuſien- do, aut vomendo periſſe, non tan- tū rejecto, quod nocebat, ſed ex debilitate acquisita nullum alimen- tum diu continere in ventriculo valendo. Per quam normam febri- lis calor immodicus intenſione, ſive duratione genitus, ut exterminet, quod noſumentum inſigne infert, aut illiaturum humano corpori erat, ut potè aliquem vitioſum ſuccum, eundem in majorem quantitatē ſuo calore, & ſiccitate adauget præ- fertim ſi vitioſus ſuccus bilis eſt, & noxiū pernicioſum pernicioſius per accidens efficit, in oppofitum ſcopum natura quæ febrim genuit dirigere iſum cupiente, iis eventi- bus contingentibus, cum eſt adeò ingens humoris vitioſi copia, aut adeò inſignis malitia, ut neutique poſſit calore febrili diſcuti morbi- ſica cauſa, niſi priuſ benigni ſuci- ci maxima copia ſit abſumpta, unde vires continuo imbecilliores redduntur, donec in totum aufe- runtur, priuſquam, aut ſimil quod morboſa cauſa ſit conſumpta.

Quis enim non experitur à qua-

vis levifſima febre attenuari homi- nes, quod per halitum digerantur ſucci in vafis febrentis contenti, & etiam nonnullæ ejusdem corporis partes? Non enim conceditur cor- di in illum tantū locum, ubi mor- bifica cauſa reſidet, rejecere ſpiri- tum, & ſanguinem iuſto calidiores, & non in alias. Quia cūm iſum (ut diximus) ex noſumento illato ab humorē vitiato per conſenſum ocyus, & frequentius ſolito mo- veatur, calidiuſ redditur: unde, & ſi nolit, universum ſanguinem, & ſpiritus contentos in ſe, & in arte- riis calefacit, qui non tantū abſumunt noxiū, ſed & innoxium humorē. Interēſt tamen inter fe- bres ſalubres, & mortiferas, quod ea quæ nocent in ſalubri, priuſ in halitum, aut per ſenſibilem eva- cuationem abſumuntur, quām virtus in to- tum deficiat, in mortali ē contrā.

Tandem ne noſtra verba litem Aliud delib
ingerant cavilloſis Medicis, quæ- quod objici
rendo à nobis, qualiter ego dein- nobis pejor,
cepſ nominanda fit febris, an mor- ſolvitur, &
bus, an morbi cauſa, an ſymptoma quidam con-
(haec enim tria nomina ſortiuntur textus Galen
omnia, que contra naturam appelle- difficileſ eu-
lantur) dicam quod prout Medici plicantur.
fatentur, febres provenientes ab in- flammationibus eſſe accidens in- flammationum, & eaſdem eſſe mor- bos, quod immediate laſionem ſenſibilem in operationibus humanis ef- ficiunt, ac ut illi dicunt vomitionem, aut ſternutationem immodicas eſſe ſymptoma, & morbum, ſic ego re- fero, febrem eſſe ſymptoma ſequens morbum in compositione, quando propter ſuperfluum, aut vitiatum humorē in venis, qui eſt morbus in via, provenit. Aut eandem eſſe ſymptoma ſequens morbum intem- perie: cū propter ſolutam conti- nuitatem jecoris, aut lienis, aut al- terius membra ſuccedit, quod tunc, ut diximus, intemperies aëris nos

con-

continentis cordi communicata, est causa febrilis caloris. Quæ nempè morbus quoque dicitur, pro quanto immediate sensibiliter nocet operationibus humanis, tam animalibus, quam vitalibus, & naturalibus.

Prædixi, dici quandoque febrim symptoma sequens morbum in compositione, cum venæ, aut arteriæ humorem indecentum continent, quod fortassis aliquibus scrupulum inferet ob id, quod non videant ipsi qualiter humor multitudine, aut malitia noxius possit dici morbus in via cum morbus sit passio viventis, indeque viventi inesse debeat à quoquam maximè natura substantia humorosæ, & cujusvis alterius rei alienissima est, ut qui logicam didicere sciunt. Et ut illos ab hac ignorantia vindicem, qui minus bene hæc, quæ ad dialecticam attinent, novere, ipsi audiant, non omnem morbum dici passionem realiter, sed sufficere dici passionem denominativè. Febres enim, & cæteri morbi intemperie, passiones dicuntur, quæ realiter insunt viventibus. Morbi verò in compositione, ut sextus digitus additus, aut lapis in vesica, aut humor vitiosus in venis, quæ sensibiliter operationibus nocent, non sunt passiones reales, sed denominativæ, id est, illis denominatur homo talis, vel talis, qualis sine illis non nominaretur. Ut enim vestis continetur in prædicamento habere, ut Aristoteles in exordio prædicamentorum, & Autor sex principiorum docuere, quæ tamen substantia est, aut lana, aut lintera, seu pellicea, sive cujusvis alterius naturæ, & veste homo penulatus, aut armatus, seu calceatus nominatur, nullo horum inherente homini taliter denominato, prout albedo & color eidem insunt, sed tantum quod penulam, aut arma, aut cal-

ceos habeat homo induitos, sic homo dicitur calculofus, quod calculum habeat, aut æger in vis venarum, aut arteriarum, quod tam ingentem copiam humorum, aut adeò viatam habet, ut sensibiliter operationibus naturalibus immediate hæc obsint. Itaque relata largo modo, & non exquisito passiones nominantur.

Minimeque objicies aliquid, quod nobis noceat, si dixeris, hujus lapidis jam geniti nullam esse in præfens causam, & hunc esse morbum, ut ego fateor, indeque inferri posse, morbum sine causa esse. Nam ego hoc consequens concedam, ut & Galenus concedere tenetur, cum confitetur hec tamen febrem posse à sole immediate digni, quæ jam cum abest Sol durans, morbus nominatur, & est, & tamen tunc causam non habet, & si quandoque habuit: ut & calculus nonnumquam causam materialem, succum scilicet viscosum habuit, & efficientem renum, aut vesicæ immodicum calorem, aut immoderatam frigiditatem, & jam easdem, nec ullam aliam habet. Quod Galenus lib. primo Methodi medendi, cap. 8. fatetur, cum sic inquit: [Eius autem affectus, qui actionem impedit causæ possunt quidem non etiam esse possunt autem, & adhuc manere. Ergo diversæ omnino ab affectibus causæ sunt.] Quæ enim de Differentiis morborum, cap. 7. Galenus tradit, ubi sibi non constare videtur, explicari sine magno negotio possunt. Primum enim dicit: [Illud quoque hoc in loco cognoscere oportet, quod saepius figura particule oblaesa aliquem simul meatum offendit, veluti in naso aliquando usu evenit, quod ex ictu violento resimatus, adeò internum compresisit meatum, ut vel nullo modo, vel ægrè per ipsum respiraret. Constat igitur,

Objectio quædam solvitur.

tur, quod in hujusmodi affectibus angustia meatus est ægritudo: nam primum ipsa spirandi officium impedit: causa verò præcedens similitas nasi, quæ naturalem ejusdem figuram depravarit.] Infra hæc vero mox sic refert: [In numero vero partium simplicium ex quibus unumquodque constat instrumentum, duæ erunt ægritudinum differentiæ; cùm scilicet pars aliqua deficit, aut superabundat. In utraque vero ipsarum aliaæ differentiæ: nam ex iis, quæ superfluunt, nonnulla sunt ex genere naturali, ut si cui sextus adnascitur digitus, aut in oculo unguis, Græci Pterygion nominant: aut in naribus germen aliquod carnis, aut alio copiam meatu aliud id genus constituerit. Ex his vero quædam erunt ægritudines ipsæ, veluti unguis, nam si multum augmentum suscepit, non parum intuitum offendat, cùm pupillam obtenebret.] Quorum contextuum primus difficultatem quandam præfert, quod in affectu resimatus angustiam meatus dicit Galenus esse ægritudinem: & causam vocat præcedentem similitatem nasi, quasi tempore possit præcedere resimatus angustiam meatum nasi, ambobus affectibus nihil aliud existentibus, quæ nasus taliter se habens, puta, nasus cavus in parte extima, & in curvus versus intimam. Illud enim curvum, quod versus cutim exteriorem faciei prominere debebat, cùm decenter nasus formatus esset, aut cùm aquilini nasi nomen sortiretur, in totum, aut in parte, prout major, aut minor similitas infestat, versus intimam reprimitur in quovis resimo, ubi necessariò angustior est via nasi. Ut necessum est in quovis circulo partem ejus, quæ est versus centrum, esse cavam, & superiorem extimamque esse convexam. Et ut

aberrasset, qui dixisset, cavitatis partis infimæ circuli, causam esse curvitatem extimæ partis, aut è contra: sic aberrare videtur Galenus, cùm dicit angustiæ meatus nasi, causam esse resimatus. Sed hoc diluitur confitendo in rigore verum concludere contra Galenum rationem relatam, sed illum voluisse dicere esse causam resimatum angustiæ, quod possit fangi prior natura resimatus, quæ angustia. Vel forsan litera non sic legenda esset, sed sic: Causa vero præcedens inferens similitatem nasi, est causa angustiæ meatus ejusdem, &c. Ut vocet causam procatarticam, ictum scilicet, aut aliud quodvis causam resimatus, & angustiæ meatus, & non unum affectum causam alterius, qui idem cum priore est. Sed hæc mittamus, ut aliud, quod ad rem medicam quid plus quæm præcedentia attinere videtur, discussiamus. Dixit enim in primo contextu, quod angustia meatum sit ægritudo, ut prædixi, & cum nihil aliud hæc angustia sit, quæ partes nasi sic configuratæ. Et statim infra secundum contextum, quæ sequuntur, scribit: [Ægritudinem, autem causæ sunt germina, quæ meatus interferant. In primis enim obstructio est ægritudo, quoniam, & ipsa prima officit operationi. Nonnulla vero sunt, quæ toto genere sunt præter naturalam, veluti lumbrici, & vermes quidam minuti, quos græci ascaridas vocant, & in vesica lapis, & in oculo grando.] Nam si consequenter ad præcedentis contextus sententiam, processisset Galenus, non erat vocaturus unguem morbum, ut in fine secundi contextus eandem nominavit. Neque etiam lapidem in vesica morbum nominatus erat, ut in fine tertii contextus dixit, sed obstructionem morbum dicturus erat, & lapidem, & pterygion causam

sam morbi, ut prædixerat de germinibus, quæ meatus obcludunt. Cui dubio nihil aliud dicendum videatur, quam quod Galenus in illis verbis nobis innuat, non inconvenire eandem rem certo modo consideratam dici morbum, & alio morbi causam. Si enim pterygion consideratur, ut immediatè, id est, nulla alia re diversa media nocens sensibiliter operationi visus, morbus dicitur. Ac eodem modo lapis in vesica eandem nomenclaturam sortitur: sine medio enim etiam operationibus vesicæ sensibiliter est impedimento. Verum si relata alter animadvertiscantur, putà, ut talem respectum servantia cum partibus oculi unguis, & cum collo vesicæ lapis: quamquam hi respectus, qui relationes nominantur, non differant à fundamentis, & terminis, ut in nostro antecedente opere docuimus, & sic respectus ille, qui obstructio dicitur, non differat à vesica illa obstructa, & lapide obstruente, ut sic se hæc habent: tamen cum hoc verum est, quod lapis potest illius respectus causa dici, ipse enim, ut accedens foramini vesicæ obstructio-
nis causa intelligitur. Et eodem modo de ungue dices.

Hæc omnia, & si obiter perfunctio-
reque dicta sint, non parum pro-
diffe existimo his, qui accuratius Galeni sententias rimantur. Illis enim,
quibus nihil interest omnia Galeni, aut alterius authoris verba scrutari,
sed sufficere sibi putant, aliquas ge-
nericas medendi methodos noscere,
ut iis piscari quos valuerint numos
ab imperito vulgo valeant, morbo-
rum causis neglectis, sine quarum
dignotione, quod ab scopo recte
medendi, quam maximè aberratu-
ri sunt, omnes quantumvis ignari
sciunt, illis in quam quos dixi, su-
periora minimè scripta sunt.

Et quod nostri moris sit nulla, que
Tom. II.

objici possint adversus nostra placi-
ta indiscusa relinquere, ideo eadem
exarare non gravabor. Objurgavit
fortè aliquis, quod si vera sunt, quæ
nos retulimus, necessariò in omnibus
scabiosis, aut elephantiosis, qui
sanguinem putridum in venis ha-
bent, febres esse gignendas, quod ex
affectione sanguinis, & vaporum e-
iusdem tendentium in cor, ipsum
concutiendum velociter, & fre-
quenter esset, indeque febres erant
eventuræ, oppositum eventibus
monstrantibus. Quæ objectio con-
tra Galenum, & ejusdem sectatores
indubie procedit, & versus nostra
decreta nequaquam militat. Ipsis,
non illam ego objicio, sic arguen-
do. Si putredo melancholici san-
guinis alicujus vasis particularis, aut
nonnullæ inflammationis sufficit fe-
brem continuam excitare: ergo à
fortiori, ut inquiunt, vel ab alio dia-
lecticō loco, si id quod minus vide-
tur inesse inest, ergo id quod magis,
universus melancholicus sanguis in-
fectus tanta putredine, quanta san-
guis elephanciosorum est, febrem
erat concitaturus. Non enim in fe-
bribus ortum trahentibus à sanguine
melancholico verè dici potest,
universum esse putrefactum, ut in
relatis: cum sanguine misso ex ali-
qua vena illius, qui patitur febrem
melancholicam experiamur sàpè
primam sanguinis lancem putredin-
em ostendere: secundam vero mi-
nimè, sed oppositum experimur, er-
go antecedens ex quo sequitur fal-
sum erit. Quod enim parum proposit
Avicenæ evasio, quam sen tertia
quarti cap. primo tractatus tertii
ubi de lepra (sic enim morbum
hunc, quem Græci elephantia sin-
dicunt, Arabes nominant) agens re-
tulit, notissimum est, ibi enim dixit:
[Lepra est infirmitas mala prove-
niens ex sparsione cholerae nigrae in
corpore toto, quare corruptitur

complexio membrorum , & forma ipsarum , & figura eorum . Et fortasse corruptitur in fine ejus ipsorum continuitas , ita ut corròdantur membra , & cadant casu , qui fit ab ulceratione . Et est sicut cancer communis corpori toti : fortasse enim ulceratur , & fortasse non ulceratur . Et est aliqua , quæ cum paciente eam : manet tempore longo valde . Et melancholia quidem , quandoque expellitur ad membrum unum . Et facit accidere duritiem , aut sephiros , aut cancrum secundum dispositiones suas . Et si fuerit subtilis dominans , proveniet estiomenus : & si expellitur ad superficiem cutis , eveniet illud , quod nominatur baras , & morphæa nigra , & impietigo , & his similia . Et quandoque spargitur in corpore toto , & tunc si putrefiat , proveniet febris melancholica : & si aggregetur , & non putrefiat , evenit lepra .] Quo putavit argumentum relatum evadere , verum nihil illius dicta valent . Si nempe inter putrefactionis causas Galenus in locis supra citatis , & citatus Avicena prima sen quarti Canonis obstructionem potissimum esse asseverant , certum erit , quod ubi major multitudo humoris crassi , & viscosi obstruentis redundaverit , ibi putrefactio intensior proveniet : sed in elephantiasi sanguis crassior , & viscosior est , ut Aetius cap . 120 . sermonis primi tetrabibli quartæ inquit cum refert . [Apprehenduntur autem hac affectione viri magis , quam foeminae , atque inter illos magis , qui crassum , & viscosum , ac atrabile redundantem sanguinem habent .] Ergo in sic affectis obstruc-
tio major , & inde putrefactio san-
guis intensior erit , indeque febre
majore quam quartanam patientes
erant corripiendi , quod non acci-
dere Avicena ipse testatus supra est .

Supereft ergo ab his , qui cum Galeno sentiunt in modo generationis febrium putridarum , minimè posse causam hujus disparitatis , & discriminis dari , quæ a nobis facillimè atsignatur .

Supponendo quoddam notissimum , ac omnibus physicis assertum , ejus naturæ esse vim nostram perciptricem noxiorum , quod nisi à rebus , quæ velociter , & notabiliter immutant , non afficiatur . Quis enim dubitat , adeò sensim , ac piligrè posse calorem induci in manum aliquus hominis , quod & si duabus , vel tribus gradibus ejusdem afficiatur manus , nullam tristem , neque dolorosam sensationem inferant ? Quo facilima est objecti solutio . Cum enim in elephantia affectis adeò sensim malum surrepat , ut Aetius cap . citato testatur , dicens : [Cæterum affectio ipsa non solum ob id gravis est , quod indissolubile ferè habeat structuram , & apparatus , sed quod principia generationis , & invasionis ejus fermè sint ignota . Quum enim circa superficiem jam vestigia ejus apparet , tunc non gignitur , sed perficitur , intus à visceribus initio facto .] Inconvenit nihil , quod vis sensatrix cordis , & vasorum continentium sanguinem vitiatum leprosorum , & scabiosorum non immutetur ab horum malis affectibus immutatione sensitrice compellente veloces , & frequentes systoles , & diastoles cordis , & arteriarum fieri : ut cum sanguis , aut bilis , qui febrem efficit , solet immutare . Ii enim humores , & reliqui , qui febrem proritant ; multò velocius , quam leprosum , & scabiosorum grassantur . Testatur id multos juvenes temperatos , & robustos bonis sucis præditos sàpè ex accessione ad aliquem ægrotantem febre pestifera correptum , velocissimè eodem ge-

Causa cur in elephantia febris non fiat in quartanam patiētibus est natur.

nere morbi laborantes, affectos evadere. Neque defunt eventus non nulli, qui hanc solutionem veram esse probent: & inter reliquos hic est, quod ex levi ictu capitis ense factio, s^ep^e accidat interire aegrum intra quartam decimam diem, quod velox, & subita fuit plaga: & alium a morbo galico oppressum non tantum corruptionem crani, sed & myrinatum cerebri patientem, nulla febre corripi.

Porro si qui Galenum amulantur in febrium causam reddendo idem quod nos dicere conarentur, statim in mendacio deprehenderentur. Si nemp^e faterentur, tam in leproso, quam in febriente, & scabioso sanguinem melancholicum putridum esse, & putridorem esse leprosorum, quam febricitantium, ut nos fatemur, necessario si febribus calor ortum traxisset a vaporibus sanguinis putridi in febre sanguinea, ut Galenus fatetur, etiam in lepra febris percipienda esset: & tanto major, quanto morbifica causa major, ac deterior, & calidior est.

Quis enim credendus esset, si proterviret, non esse patrefactio nem sanguinis melancholici leprosorum tantam, ac sanguinem eorumdem adeo calefacientem, ut synochorum, aut patientium quartanam: cum materia cancerorum ex sententia Galeni, 3. libro de Symptomatum causis sit ejusdem speciei cum materia elephantiae, ibi enim sic inquit: [Ad eundem modum in tota quoque animalis mole, quae velut privatio est, in crudis istic consistit succis, quae tamquam deficiens est functio in semicoctis: sicut prava in vitiosis hoc loci succis. Porro ex his vitiosis succis, erysipela, cancri, gangrenaeque nascentur: praeterea phagedenae, carbunculi, ulcera serpentia, aliaque ejus-

modi. In nutriendi autem actione, privatio quidem actionis in atrophia est, deficiens vero nutritio in gracilitate: vitiosa, in leucis, & elephantiasi cernitur.] Quod etiam Paulus primo capite, libri quarti testatur, dicens: [Si enim cancer veluti elephantiasis quedam unius obortus particula inter morbos infanabiles, vel ab ipso Hippocrate relatus est, quanto magis elephantia, seu totius corporis cancer aliquis, ab omni abhorrebit remedio. Cum enim atra bilis, ex qua huic affectui origo est, duplice modo generetur (vel enim ex melancholico sanguine, fæculentioreque, & veluti ejus limo, vel bile flava, utrisque nimium uscis, nascitur) sub rubicundam quidem elephantiasin mitiorem quodam modo. Ut autem verius dixeris minus malignam, prima ipsius differentia procreat, reliquam vero, & malignorem, in qua totum corpus foedatur ulceribus, & extrema decidunt, altera flava bilis supra naturae modum adustæ soboles producit.] Si ergo utraque materia, tam cancri, quam elephantiae, sive lepræ relatæ species melancholiae patrefactæ sunt, quod docet exesio, ac depastio, quam in membris canceratis, & leprosis fieri videmus: ac putor horrendus, & intolerabilis prædictarum partium, non est, cur non suspicemur, quin pro certo habeamus in relatis morbis sanguinem melancholicum, aut atram bilem esse multo majore putredine affectam, quam in synocho, aut quartana continua, aut intermittente. Putidum quippè spirare odorem elephantiosos dixit Galenus in de Tumoribus libro, capit. decimo quinto, scribens: [Melancholica affectio, & ipse elephas est. Primam quidem generationem ex sanguine melancholico habens: spatio vero tem-

temporis ipsius nigræ plus sanguine fit, cùm male olentes sunt.] Porro negare sensum verè dicere possemus eos, qui non confiterentur leprosum, & scabiosorum sanguinem infectionem putredinalem habere, experientibus nobis, ab scabiosis sèpissimè per venæ sectionem extrahi sanguinem nequaquam rubrum, sed albicantem, aut virentem, seu liventem, qualis educi solet à febrentibus synocho morbo, aut à pleuriticis, & aliis, qui infestantur à morbis ortum ducentibus à sanguine putrido.

Certè, & si sanguis putridus extractus à febrentibus caleat, & qui ab scabiosis, aut leprosis exit non caleat, id non propter putredinem accidit. Qui enim plus putret, calidior futurus erat, sed febris sanguinem calore alterat per modum à nobis explicitum.

Miror quippè, quod non sit expperctus à sopore, & inscicia, qua in hoc negotio de causis febrium erat oppressus Galenus, cùm sententiam quarti capitis secundi de Februm differentiis lego, quæ hujusmodi est. [Si igitur neque putrefiat, neque vehementè per partes deferatur atræ bilis humor, numquàm efficiet quatriduanæ exquisitæ circuitum. Et quidem regii morbi passionibus diuturnis melancholicæ splenis ægritudines, & colores in toto corpore fædi proportionales sunt, herpetibus euam, atque erysipelatis, quæ ex flava bile consistunt, cancri, & phagedenæ correspondent. Neque in illis verò, neque in atræ bilis morbis necessariò febricitant, nisi priùs atra bilis putrefiat. Semper enim suis natura viribus utens, quicquid optimum fieri contigerit, his quæ a luntur partibus assimilare: quicquid verò alienum cogatur excernere. Quòd si aliquando ob cras-

situdinem, aut multitudinem, aut tenacitatem materiæ inutilis, aut aliquam meatum obstructionem, aut propter sui imbecillitatem, totum quod est vitiatum nequeat expellere, necesse est, ut si id diutius in animalis corpore perduraverit, corrumpatur. Neque enim fieri potest, ut aliquis quispiam ex humoribus talis permaneat, qualis erat ab initio, nedum qui ita depravatus, ut naturæ cultus sit expers: sed alterum omnino sequitur, ut scilicet concoquatur, apponatur, atque assimiletur solidis partibus animalis, aut corrumpatur, & putrefiat. Sic in his, qui morbo regio, atque atræ bilis passionibus infestantur, quandò biliosi humores superabundantes diutius corpus obfederint, febres superveniunt. Sæpius etiam, aut hepatis, aut splenis affectus attulit febrem, quandò scilicet hæ, quas diximus nuper passiones, aut ex inflammatione, aut obstructione contigerint.] Si enim diutius durare aliquem humorum vitiatum in corpore necessario causa est putrefactionis illius, ut ipse testatur Galenus quomodo potuit asserere in morbis atrabiliariis, quos recensuit, non contingere febres ob defectum putredinis, cum elephantia morbus adeò diuturnus sit, ut sàpè per viginti, aut tringinta annos sine febre perduret: & splenis obstructiones per totam fermè vitam nonnullos citra febrem infestent, ut & utraque fædi caloris species, illa scilicet, quæ regius morbus, & alia, quæ nigra icteria nominantur? Nempe si perdurre vitiatum humor in corpore, est putredinis ejusdem occasio, in his præsertim morbis, quos recensuit, maximè relatorum morborum humores putridi futuri erant, ut sunt: & cùm non febrire hujusmodi ægrotantes novisset, aliam

cau-

Ex quibusdam sententiis Gal. improbatetur opinio ejusdem de causis febrium putredinarum.

cāusam febrilis caloris investigatūrus Galenus erat, & desistere à propria opinione tenebatur.

C A P U T I X.

In quo ex quadam Hippocr. sententia facile elicetur aberrasse Galenum in reddendo causam rigorū febrilium, & ipsarum febrium.

ET quia de regio morbo loquuntur Galenus in relato contextu est, animadvertere licet, quod hujus morbi eventu quodam cum scilicet post septimum in regione Hippocratis, & ante septimum, quandoque in nostra, febres finiuntur, ut relatus senex referebat sexagesimo secundō aphorismo quartā inquiens. Quibus in febribus morbus regius ante diem septimum accidit, malum. Quasi dicat post septimum bonum, hoc tantum erat certè obnoxius Galenus respere, ac noscere se aberrare in reddendo causam rigorū, cùm dixit in libro de Symptomatum causis, rigorem provenire ob subitam delationem humoris supra partes musculosas sensitrices: nam nulla celerior mutatio, quam ea, quae in relata crisi per icteritiam contingentem post septimum potest accidere. Neque supra partes acutioris sensus deferri humor potest, quam cùm bilis illum regium morbum faciens, defertur per musculos antequam cutim pertingat, & per cutem ipsam humanam satis acutum sensum habentem. Et nullus rigor tunc conspicitur, ut eventus docent: nam si accidisset, Hippocrates explicatus erat, ut alia minoris momenti exprimere solet. Hinc ergo manifeste sequitur, non undē suspicatus Galenus est, rigores oriri, sed aliundē. De quibus post (Deo concedente) agemus. Etiam febris non erat tunc cessatura, cùm bilis pu-

trida expansa ad cutim, adhuc in ægrotante maneret, cuius fumi in cor calorem erant impressuti, si vera essent Galeni placita. Cujus contrarium eventus docent, ut retulī.

Illud quoque quod scripsit Galenus in adducto contextu de cancris, & phagedenis, quos morbos pares esse dixit herpetibus, & erysipelatibus, non parum conducebat Galeno, ut per ea, quae contingunt in his morbis, inferret fuliginem humoris putridi non esse, quae calorem cordis auget, sed quid aliud. Nam si à fuligine oriretur febrilis calor, quando redundans bilis, ipsa excreta ad cutim humanam erysipelam procreans, statim febris insurget. Etiam in cancris, & phagedinis febris videnda esset, quae minimè comparet. Testari enim, qui Galenum sectatur, in initio erysipelæ gigantis febrem bilem purare, & in cancro per anni spatium infestante, melancholicum succum nequaquam putridum fieri, potius insanientis, quam vera dicere volentis assertio esset. Porro nos facilimè hujus diversitatis causam reddimus, quod fumi flavæ bilis motæ versus cutim, adeò cor subito infestant, ut ipsum compellant veloces, & frequentes distensiones, & contractiones efficere, unde febris oritur. Et quod melancholicus succus paulatim excretus, & si in cor fuligines impellat, quia illas adeò sensim rejicit, ut minimè harum nocumentum percipere valat, in motus relatos non insurget, unde febris non accidit. Sine illo enim motu cordis febris contingere non potest, tuncque febris in relatis cancris contingit, cum adeò depravatus est humor melancholicus, ut corporis partes jam velociter exedat, ac depascat, hanc enim velocem exesionem nocumen-

tum

tum sensibile cordi necessariò inferre, propter colligantiam ejus cum omnibus partibus humani corporis, indubitatum est.

Quippè alias modus excogitari potest ultra relatum discriminis leprosum non febricitantium, & quartana correptorum, qui sic cum nostris placitis quadrabit, quod Galeni sectatoribus prodesse quicquam non valebit. Afferemus enim hoc morbi genus adeò sœvum, ut est elephas, seu elephantiasis, sive lepra (hæc enim omnia nomina sortitur) in tantum terrere naturam, ut non audeat vitalis cordis facultas motrix diafoles, & syftoles ipsas aggredi, quia victa succumbit: & minimè moliatur malum extirpare, quod innuere Hippoc. videtur inter alios locos aphorismo 51. sextæ, cùm inquit: [Quicumque fani dolore capit is repente capiuntur, & statim muti fiunt, & stertunt, in septem diebus pereunt, nisi febris apprehenderit.] In cuius commentatione Galenus propè finem sic retulit: [Quibus sanis dolor in capite repente advenerit, causam referre oportet in primis ad spiritum flatuosum: interdum verò, & ad iofluentis universim materiaë multitudinem, quam, & nunc ad cerebrum fuisse delatam indicant casus, qui post dolorem supervenerunt, per quos, & quod sit quedam materia pituitosa commonstrantur, atque idcirco febris superveniens solvit dispositiones, ut quæ calefaciat, extenuet, atque resolvat spiritum flatuosum, & pituitosos humores.] Porrò cùm morbus hic est adeò sœvus, ut mortem indubie illaturus sit, non conatur facultas cordis exequi, ut dixi, motus illos, quibus sibi calorem consciscit, indeque totum corpus febre inflamat. At cùm viget vitalis vis, corde velociter, & frequenter moto,

febrim proritat, quæ discutiendo in vapores morbi causam, ægrum ab instanti periculo liberat, ut Galenus fatetur. A quo exigere placet, ut propriis sententiis confutetur, quod febris genus erit illud, quo relatus morbus medetur. Diariam dicere non poterit, nam neque à sole, neque à motu, neque ab aliqua alia procatartica causa spiritus inflammari in iis poterunt: quin unde frigiditatem immodicam contrahant, manifestè habent, putà pituitam, aut spiritum flatuosum, ille enim tantum relati morbi causæ à Galeno assignantur. Putridam autem existimare febrem hanc impossibile esse, multiplici ratione ostenditur. Primò, quod si humores pituitosi illius, qui evasurus est, putredinem post morbi apprehensionem contrahunt, verosimilius erit, quod illius, qui interiit, pituita putreat, magis à facultate concoctrice destituta, unde intensiorem febrem concitatura sit. Etiam hoc febris genus à pituita ortu dicens, febrem quotidianam, aut eam quam laticam Avicena nominat, erat genitura quarum utraque longæ durationis est. Cujus oppositum eventus monstrant, quod brevissime intra quatuor, aut quinque dies simul cum morbo delitescit. Tertiò quia putrefacto humore illo, qui caput infestat, potius calorem illaturus erat partibus supernis cranii, quod calor sit ascendere, quam infernis cordis. Etiam cùm morbus à flatuoso spiritu oriretur, non posset dicere Galenus, illum putrentem esse causam febris putræ, cùm numquam adeò deliraverit, ut putrefactionem spirituum putet esse ullius febris originem. Tandem hæc, quæ omnino aberrasse Galenum probant, nobis solitu facillima, per modum, quem exprefsimus, sunt.

Adducere in hunc propositum decretum aliud ejusdem fermè sententiae cum præcedente ex aphorismo 44. Sextæ sic inquit Hippocrat. [Quibus ex stillicidio urinæ, ileos supervenerit, in septem diebus perreunt, nisi febre superveniente, satis urina fluxerit.] Superfluum est. Quod tamen sæpè sum expertus, & non parum conducit ad improbandum Galeni placitum de modo generationis febrium, tacere non placet, quam plures febrientes acuta febre fuisse à me visos, qui cum delirio ingenti (phrenitum Græci appellant) correpti fuere, fermè in infebribicationem pervenerunt, ac motus arteriarum parum à naturilibus distantes exercuerunt. Quod non aliundè provenire valuit, quām ex eo, quòd natura succumbens, desistat ab opere incepto augendi, scilicet per systoles, & diastroles proprium calorem: vel quòd vergens versus caput morbifica causa non magnoperè infestet cor biliosis fumis nativum calorem extinguentibus, indeque desistat cor velociter, & frequentè, ut prius, agitari. Esse autem eas febres, quæ in delirium ducunt, sèpiùs magis mortiferas, quām aliæ ullæ omnes novare. Neque per hæc ullus putet, non attestari nō accidere quandoque in phreniti intensam febrem. Non enim adeò ignavè rei medicæ eventus observamus, quod utrosque non sæpè notemus. Quippe ubi vires potentiores sunt in plurimum febris ingens contingit, cum hæc non succumbant, indeque ab opere dilatationis, & constrictions minimè desistant, vel cùm tam ingens copia bilis adeat, quòd non desit in signis portio in contendere, ultra eam, quæ in caput repit. Ex oppositis causis remissior. Suppurati quos Physicos vocant, non raro post sudores sine

febre sentiuntur. Propter eandem quam dixi causam.

CAPUT X.

In quo undè contingent febres unius tantum diei, quas ephemeras dicunt, & plurimum dierum quas putridas, & hecticas nominant, explicatur.

Relato in genere modo, per quem febres putridæ fiunt, & exclusis formis, quas Galenus existimavit causas esse earundem, ac diariarum, superest rationem reddere horum tam frequentium eventuum, quales sunt, quos sepiissimè experimur, scilicet aliquas febres tantum per diem infestare, undè ephemeralrum nomen sortiuntur. Alias continuò affligere, sed certis diebus exacerbari. Nonnullas de tertio in tertium invadentes, in intermediis diebus pausare. Reliquas per quartos dies molestantes, in duobus diebus ad infebribicationem venire. Cæteras quotidiè grassantes, per cujusvis diei aliquas horas evanescere. Nempè cùm ego inter improbationes sententiarum Galeni, unam, & non contemnendam objectionem exaraverim, quòd si verum esset ab humoribus putrentibus tertianas febres ortum ducere, etiam bruta omnia, quæ in vasis quatuor, ut homines, humores continent, tertianis essent infestanda, quod nullus expertus est, quām maximè teneor hujus discriminis causam reddere, alias ratio nostra nullam adversus Galenum vim habebit.

Primò ergo tam citæ delitescentiæ febrilis calor, qualis febrium ephemeralrum est, causam esse reor vaporosam, seu fuliginosam materialm harum febrium esse, & non compactam, & solidam insignem substantiam humorum, qualis ea-

rum, quæ putridæ nominantur, occasio esse solet. Si enim diuturnæ durationis affectionum, quibus ægrotare solemus, causa in plurimum est materia crassa, aut lenta, oppositæ contraria causa necessariò erit. Nempè cùm substantia vaporesa, & fuliginosa tenuis manifestè sit, inde oritur, durationem ephemeralium brevem futuram. Porrò cùm multi modi diariarum febrium sint, quædam ab immodeco exercitio, aliæ à sole, vel igne, non paucæ à frigore poros cutis obstruente, quam plures ab ira, à bubonis non rarae ortum trahentes, omnium harum vaporosam, aut fuliginosam substantiam causam esse dico. Immodicus enim motus adeò corpus calefacit, cùm motui insita sit vis calefaciendi per modum quem in alio opere exprimemus, ut indè humores corporis, & ipsius substantia calescentia in vaporem dissoluta, & sanguini totius corporis, ac cordis mista, ipsum cor proritent, quoniam vapores spiritus vitales obruunt, & extinguunt, stimulatumque cor in motus diastroles, & systoles sese accingit, & hos exercens multò velocius, ac frequentius, quam solitum erat, movetur, unde immodicum calorem gignit, & vapores, & fumos, qui à motu, vel sole, aut aliis causis fuerunt elevati, & non discussi, in totum intra viginti & quatuor horas absunit, & evanescere efficit. Ut enim exercitium sæpè solet lasitudinem nonnullam speciem afferre, quod diutius perseverans, eandem in totum aufert: & medela illius, quem genuit, morbi est, ita calor febrili ex exercitio accidit. Quis nempè iter agendo non expertus est, in prima die cùm è domo proficiscitur adeò quandoque lasari, quòd putet se non ulterius in die sequenti proce-

dere valiturum, qui tamen motum prosequens, agiliorem in secundæ diei nocte se percipit, & in tertia plus quā secunda, donec in ultima agilissimum se invenit: nec ob aliud, quā quòd calor ex motu primo acquisitus valuit, elquare humiditates, & in musculosa membra propellere, quæ dolorem inferunt, & posteriorum dierum motus illas in totum consummunt. Porrò febrili calori, ut dixi, non dissimile contingit. Quod enim elevatum fuliginum est, & minimè consumptum, id omne per febrim ampliatis corporis vis natura discutit, vel sensibiliè excernit. Si enim per singulas species diariarum febrium procedas, in omnibus vapores, aut exhalationes causam esse earundem invenies, certè eas, quæ à motu, aut sole oriuntur, relatum vaporem pro causa habere, verosimillimum est. Ex vigiliis, & cura immodica, & tristitia, aut ira, etiam fumosas fuligines elevari, omnibus compertum est. Vigiliæ enim immodicæ exiccando, & si diutinæ non sunt, etiam calefaciendo, quia similes motui existunt, ut Avicena 2. fen primi Canonis, cap. 13. doctrinæ 2. dicit, easdem elevate, ut meditatio continua retrahendo spiritus ad cerebrum, ejusdem elevationis fuliginum causa existit. Tristitia per mox relatum modum, febrim diariam concitat. Ira in cor sanguinem, & bilem impellendo, etiam vaporum, & exhalationum origo est. Frigus, & balneæ, quæ cutem adstringunt, difflationem exhalationum prohibent, undè sanguini eas commiscent. Fames, gravedo, inguinum inflamatio, cruditas, per consimiles relatis modos, ac per alios elevationis funis fuliginum causa existunt. Quo manifestè liquet, verum esse quod prædixi, causam diaria-

rum

rum febrium materiam esse vaporosam, Nam cur quoque præcisè per viginti & quatuor horas perduret hoc febris genus parum infra exprimemus.

Porro norma generationis febrium, quam retro prædixi, exactè intellecta, cùm vera illa sit, nihil quod inconveniat, lector reperiet, ut impossibilia innumera sequebantur ad asserta à Galeno, & ejusdem sectatoribus. En enim, quòd objectio illa prima, quam adversus relatos scripsimus, cùm diarias febres non fieri ut est hucusque opinatum diximus, ob id quòd ipsæ in principio validissimæ futuræ erant, versus asserta à nobis non militant. Dicemus enim febrem principium mitius, quàm statum habere, quòd calor cordis ex motu dilativo, & constrictivo non adeò intensus est in exordio motionis, ut post: velut etiam ejus, qui per horam exercetur, & dimidia hora transacta remittere successivè motum incipit, calor mitior est in initio, quàm in medio tempore, & in fine parem principio calorem habet.

Secunda quoque ratio, quæ ostendebat, nequaquam ab spiritibus acciri posse tam ingentem calorem, qualis est febrilis, à nobis facillimè dissolvitur, confitendo illatum. Ille enim calor sibi, ut prædixi, per motum concicit cor, quem post spiritibus, & sanguini, & toti corpori impartitur.

Tertia quoque ratio, quæ innitebatur fundamento illi, quòd si verum esset assertum à Galeno, non essent paratores aliqui homines febribus diariis à sole, vel motu, vel ira, quam alii, nobis non adversatur. Negamus enim consequentiam, ac rationem discriminis assignamus per hoc, quòd illi, qui multis, aut vitiosis succis redundat, plures fu-

ligines nocuas in cor impellunt, quàm alii.

CAPUT XI.

In quo reditur causa præcisè durationis viginti & quatuor horarum febrium ephemeralium, & diuturnioris intermittentium, undeque intermissio in febribus contingit ostenditur.

Si quæsieris causam durationis præcise viginti & quatuor horarum, quoniam quæ retuli, in totum non satis faciunt, hanc reddere copiosiorem exordior. Ac priùs aliarum intermittentium febrium causam explicabo. Quam ut facillimè tyrones intelligent (provecti nempè in re medica nullis exemplis indigissent) sciendum, non esse admiratione dignum, si quis contemplans duos palæstritas, quorum alter altero potentior foret, & imbecillum intra horam humi validior prosterneret, & statim per horam victor quiesceret, ut in palæstra amissas vires recuperaret: quòd si alias ejusdem fermè formæ cum præcedente palæstrita victo in luctam provocasset victorem, prædicere relatum contemplantem: iste alter luctator, intra horam fermè succumbet, ut prior, quòd noverit eadem proportione excellere victorem novum inimicum, qua victum excellebat. Ad cuius normam remur tertianarum, & quartanarum redditus fieri. Cùm enim in tertianis biliosus humor putrescens, aut immodicè redundans, sanguinem cordis inficit, ineptumque reddit nutritioni, & spirituum resumptioni, cor sanguinem calefæcere curat, ut biliosum succum, & fuliginosas exhalationes in halitum difflet, & sanguinem purum reddat (calidi enim est segregare eterogenea, & congregare homo-

genea) ejusque humoris, atque exhalationum tanta copia difflata, & quæ difflari non valuit, à corde, & spiritualibus membris adeò distanter sejuncta, ut non inferat sensibile nocumentum cordi, statim febrem pausare censemus. Quòd si quod superest post primam febris invasionem, nihil, aut insensibile est, numquam febrem ultra redire opinamur. Cùm autem insignis portio vitiosi succi superfluerit, iterato febrini redditum pro comperto habemus. Atque si par priori humor, alter qui in cor respexit, fuerit, & vires æquæ, in eodem tempore secunda febris finietur, in quo prima accessio finita est, ut de palæ tritis dicebam. Verum si multitudine, aut tenacitate, seu virium diversitate differrent hæc, redditum in plurimum servaturum eam normam quam dicam, autumamus. Multitudini scilicet humoris, atque ejusdem lentori, sive tenaciati, & virtutis naturalis imbecillitat, celeriorem invasionem tribuimus, paucitati verò vitiosi succi, & minimè lento, & facultati naturali vigorosiori ex opposito temporis spatium majus damus. Itaque ideo quòd biliosi succi putridi, vel plus justo in corpore redundantes, non tam multi sunt, ut pituitosi, neque tam lenti: ut ipsi, febris de tertio in tertium diem afflagentis procreationis causa sunt. Pituita verò, & quòd multa sit (post sanguinem enim succus plus abundans hic est) etiam quòd maximè lenta, quotidiani circuitus est causa. Melancholicus verò humor, etiam si crassior, quam bilis, & pituita sit, quæ de causa citioris redditus febris occasio futurus erat, tardius differt calorem febrilem sui paucitate, & lentoris privatione efficit. Inter omnes enim corporis succos hujus minimum est, quem minimè len-

tum esse, est quoque notissimum, quòd terræ sit consimilis: quæ quamvis crassæ sit consistentiæ, nullam tenacitatem habet, quia maximè sicca sit: undè nisi aqua, aut alia re humida madeat, simul agglutinata non reperitur.

Porro qui exactè, quæ antecedunt de febrium causis à nobis dicta novit, facile intelliget, quòd biliosi succi, qui proportionales igni sunt, faciliter diffabuntur, & inhalatum digerentur: per calorem commentum à corde celeri, & frequenti motu proprio systoles, & diastoles, quam illi alii. Etiam quòd residui, qui nedum resoluti fuerint, promptiores erunt à corde, & membris spiritualibus separari, quam cæteri omnes, quibus causis redditus febris magis cùm relati humores cholericæ redundarent, cunctandus esset, quam cum melancolia supercresceret, aut vitiata foret. Si aliud non obstaret, virtutem scilicet naturalem imbecilliorum reddi per febres, quarum occasio est humor cholericus, quam cum occasio sunt cæteri humores, quòd plures spiritus, & corporis humani partes, cæteris paribus, resolvuntur, cùm febrilis calor agens in cholericos humores igni proportionales, ipsos inflamat, quam cùm in alios operatur. Unde humor biliosus, qui restavit in corpore, post priorem febrim transactam, quamvis satis longè à corde fuerit expulsus, citius ad membra spiritualia serpendo, ac rependo accedit, quam quartanæ humoribique sanguinem in tantum suis sumis inficit, ut cor sensibile illud nocumentum percipiens, cogatur iterum febrem concitare: quia, ut dixi, facultas naturalis non valuit adeò distantem à corde billem continere, ut demum cordi damnum nullum inferat. Eventus cer-

Causa antecedentia febrium causarum redditum iterum redditur.

certè docent, septem tertianis puris infestantibus, graciliorem, & debiliorem sentiri ægrotantem, quām viginti quartanis invadentibus quo docemur, omnibus partibus existentibus, plus imbecillitati humanas vires in tertianis quam in quartanis. Neque parum adjuvat tertianum redditum agilitas bilis, quæ, & si cum finitur febris sat tis distanter à corde sejungatur in die quietis, sui levitate versus cor facilius, quām omnes alii humores ascendit, unde patet quòd si non distaret à corde bilis multò plus, quām pituita, ut distat, citius quām ipsa cor infestasset, & celeroris febrilis reditus causa foret. Quotidianam in quovis die infestare, inde oritur, quòd major, ut dixi, humoris pituitosi copia in humano corpore, quām utriusque bilis redundat: atque quòd tenacior glutinosiorque cæteris humoribus sit, quam ob rem non adeò distanter à corde impelli in fine periodi febris valet, ut cholera, aut melancholia. Itaque cordi proxima manens in horis quietis, citius versus cor fertur, & ipsa, vel ejusdem fumi cor adeò infestant, donec tam velociter, & frequenter ipsum moveri compellant, ut inde febrilis calor exigua quietis intercapidine iteratò resultet.

Quartanam febrem ortum ducentem à melancolico succo, non nisi de quarto in quartum infestare ob id contingit, quòd cùm pauca hujus humoris copia in sanis sit, atque minimè glutinosam consistentiam hic humor habeat, quando putret, sive in corpore redundat, suis fuliginibus, aut seipso cor infestando, in relatos motus constrictio nis, & dilatationis insurgere ipsum compellit: quibus febrilis calor concitatur, qui in halitum difflare fuligines illas nocuas, & humorem ipsum immodicè sanguini-

cordis admistum valeat, aut adeò distanter à corde illa propellere, ut nullum sensibile nocumentum cor di tunc possit inferre, ac quiescere cor per triduum admittat. Quo spatio transacto, cùm versus cor nocivus humor semper rependo proximior, & proximior fiat, non ante relatum spatiū trium dierum potuit cordi sui substantia, aut suis sumis nocumentum inferre: quia per majus interstitium quām pituita à corde sejunctus est. Etiam quòd & si per aquam, aut paulò majorem, aut minorem distantiam, quām bilis, à corde sejungitur melancholicus humor: quod neque multitudo, neque lentore resistere facultati expultrici valeat, redeundi facultas versus membra spiritualia non tanta illi propter suam gravitatem insita est, ut cholerae, quæ levissima inter omnes humores recensetur. Quæcumque diximus, quadrare cum eventibus notissimum est. Nam & si reditus febriles quam dixi normam servent, sepissimè hanc illos inverttere conspicimus: cùm humores, vel plurimi sunt, aut lenti valde fuerint, sive naturalis facultas ægrotantis imbecilla, duplices nempè tertianas homines aliquos infestare frequenter noscimus. Etiam in spatio viginti quatuor horarum tres, & quatuor rigores, ac totidem febriles calores molestare cognovimus, plurima bili, aut notha redundant, aut debili existente naturali facultate ægrotantium eventibus recensitis pares alios in melancolicis, & pituitosis febribus contingere, non tantum Medicis, sed & indocto vulgo compertum est, parum quippè expertus Medicus dici poterit, qui nonnumquam duas quartanas in eadem die infestantes vidit.

Pari ratione variari sèpè durationem diariarum testamur. Adeò Durationis
præesse virginis
enim

*et quatuor
horarum in e-
phemeras ca-
sa febribus ex-
primitur, &
quando due,
vel tres epe-
meras conju-
gi possunt de-
claratur.*

enim ingens esse potest multitudo fumarum inferentium cordi damnum, ut non tantum per viginti quatuor horas frequenter, & velociter dilatari, & constringi cor efficiant ipsi, verum ulterius durare cogant. Idque est, quod Galenus parum post principium libri noni methodi medendi dicebat, cum duas, vel tres ephemerias successivè unam post alteram posse contingere testabatur. Etiam tanta copia fuliginum acervari potest, quod humores inficere valeat, hoc transire diaram in putridam Galenus in citato loco nominat. Durare tamen minus, quam per viginti, & quatuor horas diaram febrem, raro non immerito accidit, quia scilicet si adeò exigua foret exhalationum portio, ut corde in febrem concitato, per minus multò tempus quam viginti quatuor horarum absumeretur, cor in relatos motus dilatationis, & constrictions veloces, & frequentes non concitaretur, quod exigua sit stimulatio, & non sufficiens illud laceſſere. Cumque forte fortuna contigisset quod per minus, quam relatum tempus febris infestasset id accidisset, aut malitia paucarum fuliginum, quæ adeò vellicare, ut multitudo earundem valeret, seu imbecillitate facultatis vitalis, quæ ab exigua causa infestari posse, ut Galenus loquendo de rigore libro decimo methodi medendi, cap. 4. dicebat. [At concussio quidem ista, quæ fit in rigore, succedet propter eorum, quæ feruntur excrementorum, tum multitudinem, tum acrimoniam, tum impetus celeritatem, tum laborantis virium infirmitatem. Nam & quæ multa paucis, & quæ qualitate sunt insigni, iis, quæ ita non sunt, mordent magis. Pari modo, & quæ cum celeritate feruntur, iis, quæ tardè. Jam vires ubi valentes sunt,

omnia contemnunt, ac tolerant: ubi infirmæ sunt redditæ, vel abs quovis offenduntur.] In ultimis verbis expressè scribendo imbecillati non parum dandum, nam à leviori causa prorritari imbecillam facultatem testatur.

Et quod febrilis circuitus alia causa non dissimilis præteritis reddi potest, ideo hanc non tacere decet. Cum enim docuerimus febrem concitari tunc, cum tanta copia fuliginis humoris redundantis, aut putrentis sanguini cordis admista sit, ut cordi sensibile nocumentum inferat, conjectari possumus, febrem illam brevius reddituram, quæ tales humorem pro causa habet, qui breviori tempore has fuligines, seu vapores nocuos cordi transmittere valet: & cum pituita inter omnes humores, qui intermittentium febrium causa sunt, plures vapores nocuos sui multitudine, & cordis proximitate in cor impellat, inde contingit, febres ab hac ortum ducentes quotidie invadere. Finita nempè unica accessione febrili, statim incipiunt elevari vapores à pituita per actionem nativi caloris, cumque brevi tempore plurimi aggregentur: quia, ut retuli, pituitæ ingens copia in corpore redundat, ipsi congesti, & sanguini cordis admisti, in sequenti die ipsum, & cor immodica frigiditate inficiendo, compellunt illud in veloces systoles, & diastroles attolli, & deprimibilis verò, quæ paucior quam pituita est, & à corde distantior in fine febris propellitur, pauciores fuligines aggregando, & tardius in cor transmittendo usque in tertium diem non valet, adeò sensibile dampnum inferre, ut ipsum urgeat febrim concitare. Melancholia autem quæ ambobus humoribus copia est inferior quæ etiam à corde, cum febris finitur, longius, quam

*Alia epi-
termis tona
febrium ru-
tur.*

pituita repellitur, non potest nisi in quarto die cumulum tantum humorum frigidorum, & siccorum aggregare, quantus necessarius est, ut febris concitetur.

CAPUT XII.

In quo argumenta quædam contra causas à nobis assignatas de febrium circuitibus proponuntur, ac solvantur.

SI objicis eventibus contraria nos affirmare, cùm in morbis, ubi insignis copia pituitæ redundant, ut in apoplexia, cathoco, caro, & lethargo, ac paralysi, & anasarca, & aliis morbis ab hoc humore ortum ducentibus, minimè febris infestet, cum tunc maximè concitanda foret, si vera essent quæ diximus. Vapores enim elevati à pituitosis humoribus sanguinem cordis infestantes febres prorritature erant, ut pituita eisdem absumeretur, indeque calore febrili corripiendus æger juxta asserta à nobis foret: quod, ut dixi, eventus non testantur.

Huic objectioni, & si faciliter respondere possem, negando eventus tales esse, quales arguens affirmat: cum sæpiissimè in lethargo febris sentiatur, ut Aëtius serm. 2. secundæ tetrabibili, cap. 4. dixit, scribens: [Aliquando etiam in diuturnis febribus per circuitum continet, ægrotos somno immergi, velut in quotidianis fit, & semitertianis, quandoque etiam in quartanis.] Et in apoplexia quoque, quam latini nonnulli syderationem nominant, pulsus veloces, & frequentes tanguntur, & manifestus ardor exterius percipiatur. Ut plus veritas pateat demus in relatis morbis orientibus ab ingenti copia pituitorum succorum febrem non concitari, nonne inde inferre licet, nos

falsa docuisse? minimè quippè. Cùm in promptu sit causa defectus febris in illis ægritudinibus, pituitæ scilicet tam insignis redundantia, quòd potentior sit ipsa cor infrigidare, quam motus cordis ipsum calefacere, unde spumas frigidiores in totum corpus à corde procedentes frigere corpus efficiant, & iidem causa sint, ut arteriarum tardi, & rari motus sint. Esse enim ingentem copiam pituitæ, quæ in relatis morbis infestat, vel ex hoc patet, quòd expultrix naturalis vis non valet illam à cerebro, membro adeò præcipuo protrudere, si non excrevisset: non tam graviter ægrum infestasset, hac ergo ipso redundante, citissimè per sensibilia, & ampla vasa in cor sui gravitate deferetur. Neque parum juvat relatam frigiditatem cordis, & totius corporis spumum vitalium extinctio, præsentia pituitæ frigidissimæ redundantis in toto corpore, aut in corde tantum. Etiam eorundem spirituum tunc præsens penuria, quæ ingentissima est sanguini cordis phlegmate multo ammisto, quo spirituum generatio cohibetur, viuenda materia eorum (sanguine scilicet purissimo) ex qua gignendi erant. Ob hanc eandem causam ultra supraductas febrem non accidere in elephantiam patientibus possemus dicere. Vero non simile est, humorem melancholicum, præsertim non adustum in ingentissima quantitate redundantem in venis & toto corpore leprosi, infrigidare adeò cor illius, ut & si velociter & frequenter moveatur, non possit motus, cordis substantiam calefarcere. Qui humor etiam cor eorundem efficiet pigerrimum ad dilatationem, & constrictiōnem, tam quòd subministret cordi nutrimentum gravissimum (talis enim succus relatus est, cùm sit terræ proportiona-

balis) quām quōd insiciat materiam spirituum vitalium, quorum influ-

xu cor proprias exercet operatio-

nies.

*Argumentum
prefatū quod
adversus au-
toris senten-
tiā duximus
ac solvimus,
insolubile esse
à Galeni fec-
tatoribus of-
fenditur.*

Certè validius argumentum ad-
versus sentientes cum Galeno esset,
quōd si putredo humoris pituitosi
causa febrilis caloris foret, in omni-
bus patientibus paralysin per an-
num, aut dimidium, seu per diuti-
num aliquod tempus, febris con-
spicienda erat. Nam in his tam pi-
tuita intra venas membra resoluti,
& totius corporis contenta, quæ
causa antecedens nominatur, quām
quæ in porositatibus membra affec-
ti includitur, putridior futura erat,
quām ejus, qui quotidianam fe-
brem patitur. Si enim inter putre-
dinis causas obstructio potissima à
Galenō recensetur, imò hanc solam
putrefactionem efficere sèpè dixi-
se videatur, non est cur in resolu-
tis, quorum venæ, & arteriæ super-
flua humiditate, & frigiditate adeò
concidere percipiuntur, ut parum
succi sanguinei intra se continere
permittant, unde resoluta membra
gracilia redduntur, non sit insig-
nior obstrunctionis, quam in febrenti-
bus, calore febrili dilatante, &
attenuante, & obstructionem cohi-
bente. Negare enim non putrere
pituitam paralyticorum, & attestari
febrentium putridam pituitam
esse, non solum ad libitum dictum,
sed absurdum videtur, tam ob ra-
tionem duam, quām quōd quæ
expurgatur à febrentibus phlegma
adeò alba, & tenax, ut quæ à reso-
lutiis per devorata pharmaca edu-
cit, conspicitur. Etenim si fortè in-
gentiore putore nares infestat à fe-
brentibus plegma educit, quām
resolutum, non inde inferre li-
cet illud putridius esse, quām hoc.
Calor enim tam putorem quām
odorem auget, & fovet. Fortassis
certè si solari, vel igneo calore pi-

tuita educta à resolutis alteraretur,
putidior, quam quotidianam fe-
brem patientium fuisset.

Nonnulli quoque protervient
melancholiam cancerorum non esse
putridam, & quartanam patientium
sic: quia cancri non ulcerati nul-
lum putorem spirent. Qui certè
decipiuntur, cùm si illa ratione
movendi essent, primò ostensuri
erant, melancholiam sinceram af-
fectorum febre quartana putorem
reddere. Quod minimè efficere va-
lebunt: cùm neque ea, qua splem
scirrosum febrentium redundant,
malum odorem quantumvis proxi-
mi spleni efficiamur, spirat. Neque
quæ per sanguinis missionem extra-
hitur. Si enim, quæ per alum ex-
purgat, foëtet, non ob aliud, nisi
quia per putidum locum, puta per
intestina, transit.

Errat quippè, qui existimat, pu-
trentem melançoliam cancerorum
foëtorem spiraturam, quia inflam-
mationes suppuratas, & apertas
noscimus, odorem virulentum spi-
rare, ignorans ille, quōd & si sic
essel, diversæ substantiæ cùm pu-
trent, diverso modo affiantur. Ex
calidis certè, & humidis rebus pu-
trentibus experimur, odores hor-
rendos efflari, ut ex sanguine, &
carnibus quorumvis quadrupedum,
& ex nonnullis seminibus putrenti-
bus, verum ex innumeris aliis re-
bus, cùm putrent, nullum difflari
pessimum odorem, omnes scimus.
Quis enim carie consumpta ligna
negabit, non putrere illa, foëtorem
tamen non reddere? Ac quis non
videt, ex glebis putrentibus, & non
foëtentibus mures gigni, & lanas
techis per multum tempus inclusas
putredinem citra foëtorem pati.
Foëtor enim non est passio propria
putridarum rerum: cùm & multa
comitetur entia in sua naturali dis-
positione existentia, neque omni-
bus

bus putridis rebus conveniat: quia, ut dixi, frigidis, & siccis putrefactibus non accidat.

lis, de his non pauca superius diximus.

Dicit alius, morientium corpora propter intensionem febrilis caloris ortum ducentis à putridis sucis, propè mortem, ac post frigore, ex hoc, quod calor putredinalis valeat corpus æ gri calidum intensiore calore afficere, dum ipsum sufficienti calore cordis alteratum reperiebat: & propè mortem, & post interitum æ grorum, idem assequi non possit, quia cadavera, amissa anima, acquisierint aliam complexionem secundam diversam multò à priore viventium. Ut enim viventium temperatura calore actuali asservabatur, sic cadaverum frigiditatem poscat, quam vincere putredinalis calor non valeat. Verum hoc nihil prodest, ut nostræ rationis vim evadant, vel ex hoc constat. Primò, quod ipsi asserebant, ut diximus, calorem putredinalem intensiorem esse cordis calore, ac tantæ vis fore, ut vincere eundem, etiam si resistat inductioni caloris putredinalis possit. Ergo cum cor, & partes omnes corporis humani appetentes suæ formæ conservationem, quam putredinalis calor, ut isti credunt, extirpat, cedunt, & succumbunt calori putrido victori, cum febre homines apprehenduntur. Neces sum erit confiteri, cadavera multò minoris resistantiae, ac in putrefactionem tendentia, futura promptiora concipere febrilem calorem, quam viventia. Secundò, quod Galenus primo de Febrium differentiis, cap. quinto testatur, sterorum putredinem, quam similem dicit esse humorum humani corporis putredini, adeò intensum calorem producere, ut ignis inde quandoque oriatur. Et etiam eventus docent, lapides inclusos intratercora putrescentia calidos repe-

*Quædā inā-
nis solutio im-
probatur.*

Porrò ego capere non possum, quo modo Galenus, & ejusdem æmuli, non videant calorem febrilem nequaquam posse trahere ortum ab humoribus putrescentibus, cum si inde oriretur, tunc calor intensior futurus erat, cum homo proximior esset morti, & etiam quando vita funetus fuisset: nam tunc plus quam in alio tempore putridi succi à gubernatione, ac custodia naturæ destituti liberius cæteros inficerent, & majorem putredinem sibi asciscerent. Cujus contrarium eventus monstrant, proximos scilicet morti, & defunctos in plurimum frigere. Si enim adversi testentur, extinctionem spirituum vitalium esse causam frigiditatis morientium, vera fatebuntur, & nostris placitis consona, ab his enim plus justo calefactis, oriebatur calor intensus febrilis, & ab eisdem moderatus tempore sanitatis calor resultabat: verum si putredinalis calor intensior foret, quam spirituum, ut proptervientes rentur, iis extinctis, adhuc intensio caloris febrilis vigere deberet. Plus quippe conferret ad caloris febrentis augmentum auctio putredinis, & humorum putridorum, quam defectus spirituum ad corporum infrigidationem. Id certè, quod Averrois dicebat, metiri calorem extraneum ad mensuram caloris naturalis, esse verum non potest, si caliditas extranea esset contraria naturali calori, nam oppositum eventurum erat. Ut enim quia calor, & frigiditas contrariantur, tantum augetur calor, quantum frigiditas secum existens remittitur: ita tantum augmentanda esset caliditas putredinalis, quantum minueretur caliditas natura-

ri: sed hi multò magis quàm cadavera frigiditati resistunt: ergo ut putredo sterorum valuit lapides proximos sibi calefacere, ita putredi succi in venis defuncti inclusi calorem putredinalem, febrim scilicet, quam in corpus vivens intulerant, potuissent conservare. Minus enim est conservare productam qualitatem, quam in passum resistens inducere eandem. Tertiò, quòd viventium corpora morti proxima, non amiserunt propriam temperaturam, quo aduersus favetur: & cùm multos morti proximos ex febris frigidos per diem, aut dies aliquos durare experiamur, impossibile videtur in iis putredinalem calorem per potiorem humorum partem vagantem, & fumosas exhalationes in cor impellentem, non immodecè calefacere cor, & ipsum reliquum corpus: aut si id defectu spirituum, per quos deferendus erat in totum corpus calor, non valuerit cor efficere, simplici alteratione, & relatis fumosis exhalationibus ex putridis humoribus elevatis, totum hominem non calescere, delirus tantum asseverabit. Præsertim quòd hic adhuc cogendus est dicere quod calore ille putredinalis intensus, quando in nulla alia corporis parte perciperetur, saltim in loco ubi humor inclusus est, esset percipiendus, qui & si animal mortuum fecetur, non sentitur. Et quòd hæc Galeni sententia satis sit per antecedentes rationes improbata, non est, ut quid agendo de his plus immoremur.

*'Alia objectio
proprio: itur cō-
tra causas in-
termisionum
febrium, &
solvitur.*

Objicit fortè aliis, nos insufficienter assignasse causas circuitum febrium per multitudinem pituitæ, & paucitatem melancholiae, & mediocrem molem choleræ. Quia dicet ille, quòd & si in sanis corporibus illam proportionem humores servent, in ægroti-

tantibus non inconveniet vice versa eosdem se habere. Quod ego meritò inficiabor. Qualiter non manente vita existimari potest, plus melancholiae frigidæ, & siccæ redundare posse, quàm pituitæ natæ per ulteriore coctionem in sanguinem calidum, & humidum verti. Sed ut pateat argumenti exigua vis, demus adverso, quod supponit, non enim inde quid contra nostra asserta inferet. Concedam certè tantam copiam humoris melancholici quandoque redundare, ut non solum cogat ægrotantem febrire de quarto in quartum, sed & quotidie affligere constringat, quod passim in patientibus tres quartanas accedit. Etiam tantam bilis molem aggregari in aliquibus, ut duabus, & tribus corripi tertianis compellat. Ac tantam pituitam supercrescere in nonnullis, ut bis in quovis die febre infestari illum ægrotantem experiamur. Tandem ratio, quæ assignata est, certorum redditum, vigorem habere asseveramus, cùm humores non adeò excellunt quantitatem naturalem, ut cor frequentius instimulent, quàm in plurimum solent.

C A P U T X I I I .

In quo causa assignatur cur aliquæ febres per nonnullos dies uniformiter infestent, quæ continentes non minantur, & aliae incessanter afflgentes in certis diebus augeantur.

Audistis jam modum, per quem accidere redditus febrium existimamus, qui fermè similis est excretioni sanguinis menstruali. Supereft tamen explicare causam, ob quam continentes febres uniformiter infestent. Etiam, quæ continuo affligunt, certum augmenti tempus habeant, tertianum, aut quo-

quotidianum, sive quartanum. Nec non improbare formas circuituum febrilium à Galeno, & cæteris Medicis scriptas, & palam monstrare, qualiter omnia, quæ objecimus adversus eos, qui opinabantur, febres pendere à calore putridi humoris, minimè nostris decretis adversentur, immò eisdem faveant. Primum ergo continentium februm, quas homoteneas alio nomine appellant, causam assigno.

Quam esse consimilem præteritis reor, humoris alicujus tantam redundantiam, sive tam vitiosam distemperiem, ut nequaquam cor valeat à se propellere, proritatem dilatationis, & constrictioñis totam causam, aut ejus sensibilem aliquam partem, quo in motu perseverante, necesse est febrem quoque durare, ab illo enim immodo motu cor calefieri, ac inde totius corporis spumas calidos evadere, jam sèpè diximus. Cùm autem febris fuerit continua proportionalis, in illa diei hora augebitur, in qua cor protrudere à se insignem portionem infestantis causæ non valuerit. Tunc verò sensibilitè imminuetur, cùm sensibilis portio fuligineum, sive humoris vitiosi à corde fecernetur, & si adhuc maneat sufficiens quantitas, quæ cor lassat, & ipsum in frequentes, & velocius motus dilatationis, & constrictioñis afflurgere compellat. Cùmque vitalis hæc vis sit, quæ media inter naturalem puram inanimatorum, & voluntariam hominum consistit, ut in Antonianæ Margaritæ parte prima docuimus, aliquando hanc augeri, & statim imminui, nihil inconvenit, prout majore, aut minore conatu ipsa insurgit, & prout spirituum vitalium major, aut minor copia in corde redundat, ad quorum proportionem, & materiae infel-

tantis auctionem, in secunda, aut tertia, aut in quarta die calor febrilis augmentum suscipit, & non raro in eadem die bis, & ter, plures, aut rarius.

Præterire quidem indignum vis detur Galeni errorem, ac cæteræ familiae eundem sequentis, etiam admirari cogor, quomodo à suis erroribus non resipuerint, quando inquirunt accessionum febrium continuarum causam. Si enim verum esset, quod ipsi autumant, in febribus scilicet continuis proportionalibus, humorum putrentem intra vasa includi, & in secunda, aut tertia, seu quarta die accessionis ipsum excerni de vasis magnis ad parva, febrem tunc imminentiam potius quam augendam fasuri erant, distantiores nempe à corde sunt venæ parvæ quam magnæ. Quod si huic objectioni respondeant protervi, ipsos dicere idèò intensiorem febrem in diebus proportionalibus infestare, quoniam humor putredinem passurus ad cutis partes tunc putreficens protrudatur, & in aliis intermediis diebus mitius affligat, quod nullus de novo putreat succus, sed præteriti putrescentis quædam exigua portio intra venas inclusa foveatur ab humoribus proximis, quæ distingui continuam ab intermittentibus, in omnimodam infebricationem desinentibus affirmant: quia earum putreficens humor extra venas distributus in totum exhalat. Nihil quod profit dicet. Quamvis evasio hæc manifestè eliciatur ex Avicenæ sententia. *fen. prima quarti, tractatu 2. cap. 1.* Si enim ob prædictam causam talem quallem experimur servassent affligen-
gi ordinem, quæ proportionales febres dicuntur, nullæ febres homoteneæ, seu continentes accide-re possent. Illationis bonitas mani-

festè patet. Quia si humor putrescens intra vénas non acervatim, & simul putret, sed per temporis interstitia partes ejusdem putrescunt, ut aduersus testatur, febres continentis non uniformitatem, sed augmenta, & decrementa suscepituræ erant. At si dixeris in homoteneis universos venarum humores, vel potiorem eorundem partem simul putredine occupari, ut citatus Avicena in loco prædicto referebat, cùm dixit: [Et quando putredo est intrinseca dominans super venas omnes, aut super potiorem partem earum, quæ cordi proximæ sunt, non sunt forsan additiones, & diminutiones apparentes.] Statim objiciam ego, sequitur ergo, quòd humores putredi esse semper proximi cordi occasio sunt, ut febris uniformiter affligat, & eosdem à corde distare, & iterum proximos eidem esse, efficerre redditum febrium intermissionum, & auctionem proportionallium, quòd nos testamur. In quo nostrum uterque cum altero conveniet: nobis nostros adversos præexcellentibus in reddendo veram causam caloris febrilis, quod ipsi efficerem minimè valent. Sed de relatis improbationibus ad præsens fusiū agere non videtur, ut negotium incæptum prosequar.

CAPUT XIV.

In quo argumenta, contra Galenum, ducta contra nostram sententiam, minimè procedere ostenditur, ubi quoque causa redditur cur bruta non febriant.

Quod ergo ex illis tribus, quæ scribere promisi, superest exarandum, illud est, pallam monstrare, omnes objectiones à nobis adductas, quæ ingentem vim contra Galeni sententiam in-

re, de qua agimus, habent, nullatenus contra nostra decreta procedere. Prior enim, quòd cordis, & spirituum calor intensior sit, quām putrescentis humoris, nobis manifestè favet: tantum abest, ut argumentum contra nos dici possit. Ex nostris decretis minimè etiam interfertur, secundum quod dicebamus sequi ex assertis à Galeno, bruta febres tertianas, & quartanas passura, quod non experimur quin oppositum ut Plinius lib. 7. cap. 50. testatur, atque ut aves multæ ab aucupibus, & coquis interemptæ jecur, aut aliud internum viscus tumidum habentes, & oves, ac alia innumera quadrupedia exta vitiata habentia ostendunt, nam omnia hæc sine febre vixisse compertum habemus. Nos enim nequaquam affirmamus putrescentes humores calorem febrilem in corpus humanum procreare, sed, ut audistis, cor ipsum veloces, & frequentes dilatationis, & constrictioñis mutus exercens, sese calefaciendo, spiritus vitales, & sanguinem calefacere, indeque totum corpus calefcere. Quod genus motus cordis ita fuit collatum à natura hominibus, ut causæ morbificæ eorundem febrili calore extirparentur, vel concoquerentur, quod nullis aliis animantibus conveniat. Neque secunditer id effectum, quin consultò à natura provisum. Cùm enim humana cutis quām omnium animalium quadrupedum tenuissima sit, aptaque ut per eam humores transpirent, ac diffentur, merito commenta est natura febrilem calorem in hominibus in relatum usum, aliisque denegavit bestiis: quibus si concessisset idem, quod hominibus, elevata per vim febris immodica vaporum copia, & prohibita perspiratione eorundem per cutis densitatem, majora incom-

moda, quām commoda brutis pāreret. Aves autem etsi tenuorem multo cutim quām bestiæ habeant, tenuitate à cuti humana vincuntur, ut Aristot. 2. de Anima, text. com. 94. & cap. 40. de Sensu, & sensato docebat. Sed quamquam pares cuti nobiscum aves essent, cātē à natura provisum, febrili calore non mederi suis morbis, quōd cūm ipfis sit volatus loco incessus hominis, & progressus bestiarum, & volatu celeri quem aucupando sāpissimē exercent, quasi tota die frequenter, & velociter propria corda dilatent, & constringant, non erat ut quid celeriorem motum conferret, qui calorem avium augeret: ille enim auctus, potius jam ureret, quām difflaret. Eandem quoque ob causam ultra relatas, bestiis quadrupedibus, quæ alimentum adēcens venando erant consequutura, febrem denegavit. In piscibus marinis, & fluvialibus inutilem esse febrem, notissimum quibusvis est. Non enim tantūm potuisset prodesse calor febrilis dissolvendo in vapores morbosam causam, & cutim raram efficiendo, ut transitui eorum cederet, quantum obesset aqua fluvialis, aut marina per eosdem poros in piscis intima delapsa. Infecta quia omnia fermè frigida, & sicca sunt, sanguineque parentia, ad expellendos succos nocuos febre non indigebant, & quia paucissimi respectu suæ parvæ molis adhuc sunt, & quōd sibi disproportionalis calor febrilis foret. Etiam quōd cuti, quantumvis tenuis densissima integrantur, quæ vaporum exitum cohibuisset.

Et quōd inter reddendum relatam differentiam inter bruta, & homines videor affirmare, bruta omnia febre carere, quod videtur adversari Plinii sententiæ octavi libri de Historia Animalium, cap. 50. de

Capris, ubi Archelai autoritate easdem per aures spirare, & numquam febre carere, testatur, dicens: Auribus capras spirare, non nari bus, nec unquam febre carere Archelaus author est. Et alteri sententiæ ejusdem libro citato, cap. 32. de Cervis, referens propè finem capituli: [Februm morbos non sentit hoc animal, quin & medetur huic timori.] Ideò satisfacere iis duabus objectionibus cogor. Nullas enim alias, quōd memoria consequar, apud relatum authorem, nec in universis libris de Historia Animalium Aristotelis, quæ bestias febrim pati dicere videantur, invenio. Sed Plinium ipsum satis apertè explicare prioris sensum, verba ejusdem, quæ post recensita sequuntur, manifestè ostendunt, addidit enim: [Ideòque fortassis, quōd anima, id est, halitus his, quām ovibus ardentior, calidioresque concubitus.] Quasi dicat: Non vera est in rigore Archelai sententia, sed si aliquam verisimilitudinem habet, est, quōd febrem Archelaus vocitet halitum calidum caprarum, secundam sententiam expositione non indigere logici intelligunt, quia cum dicimus cervum non sentire febrim, ex negatione illa non possumus elice re affirmationem, putà quōd alia animalia illam sentiant. Plus ergo Plinius videtur ornatus causa sic dixisse, quām quod contrarium ei quod prædixerat libro septimo sentiret.

Tertium quoque argumentum de febribus invadentibus homines statim cūm aliqua ex præcipuis corporis particulis vulneratur, cūm nostris partibus favéat, non est, ut quid dissolvi à nobis poscat. Prædiximus enim velocias, & frequentes motus dilatationis, & constrictio nis cordis, vulneribus recensitis illatis, necessariò sequi, quōd per illa vul-

vulnera continens aër, & ex corpore elevati nocivi fumi, & spirituum vitalium acervata resolutio adeò cordis sanguinem inficiant, ut ipsum dilatari & constringi frequenter, & velociter cogant: quasi per hoc cor putet, à se excerni posse, quæ sui substantiam malè afficiunt. Atque etiam, ut multum spiritum in membrum vulneratum propellat. Quo instrumento natura humana utitur ad quosvis morbos depellantos.

Quarta, & quinta ratio etiam à nobis soluta est. Dicebamus nempe nos, fuligines ex humoribus putrescentibus elevatas non esse, quæ calorem febrilem gignant, & procreent, sed spiritus calidos factos à corde verso calidiore, per motum immoderatum humana corpora febrili calore afficere.

Sextam, & sequentes rationes nobis minimè adversari, notissimum est. Quapropter & quoniam nonnullæ agunt de rigore antecedente febres intermittentes, de eis in præsenti loco quicquam agere non placet, quòd peculiarem trac-tationem de hocce negotio inferius sum habiturus.

CAPUT XV.

In quo fusè exprimuntur nonnulla, quæ ex nostris assertis de februm essentia sequuntur, objectiōnibusque quibusdam respondetur. Veraque causa cur febrientes moriantur, explicatur.

EX antecedentibus placitis nostris sequi videtur, febrem medellam morborum esse, morbumque minimè dici posse. Nam hanc ego fateor, commentam esse à natura, ut concoquat succos in coctos, aut ut per halitum eos difflet. Sed id affirmare eventibus contrarium esse adversus objicit,

cum nemo sit, qui inficietur febrem morbum esse. Non enim tantum periti, & imperiti Medici hanc ægritudinem esse referunt, quin si ne hac neminem mori posse pluri-mi affirmant, quo doctrinam nostram labefactare Galeni sectator putabit: maximè, quòd si febris morbus non foret, morientes febricitando à quo morbo interirent, explicare Medici non possent.

Huic argumentationi non sine distinctione respondere expedit. Aut enim inferre volunt adversi, sic febrem immediate operationibus humanis perpetuò sensibiliter officere, ut numquam eisdem prosit per se, vel per accidens, & sic, febrim morbum nominari, negamus. Quin paucos hominis affectus tales inveniri confitemur. Frigiditas enim ex symptomate adeò fævo, ut syn-copis, et si nonnumquam gravis morbus sit, quandoque medetur synochis, & aliis febribus, ut Galenus testatur lib. 9. Methodi medendi, cap. 40. venenosarum etiam rerum qualitates inductæ in nostrum corpus, non semel, sed sæpiusque elephantia, & aliis morbis ex venenis oppositis devoratis medentur, ut plurimi sciunt, & harum venenatarum rerum proprietates in benevolentibus non tantum morbum, sed interitum inducerent. In numeri quoque hujus sortis affectus humani inveniuntur. Aut aliud Galenum sectantes inferunt, febrem scilicet operationes humanas per accidens sæpè ledere: quamquam ex professo naturæ, ut conferat illis, sit genita. Et id nos non inficiamur. Neque hoc peculiare est huic affectui, quem & passionem, & symptomæ nominare posses (de nominibus nempe cura pauca habenda est, scriptoris mente concepta) verum vomitui, aluni excretioni, sternutui, & mille aliis convenit

af-

affectibus. Omnes quippe scimus, redundante in ventriculo nocivo humore, vel alimento, vomitum prodesse concoctrici facultati ventris, quae ob presentiam expulsorum alimenta devorata decenter coquere non valebat, & post superfluis excretis valet, eodem immodecè perseverante, documenta non exigua vitae inferente. Alui purgationes moderatas nobis conferre, cum incoctis, aut vitiatis humoribus redundamus, notissimum est. Et has immodicas multos in vitæ perniciem duxisse, etiam est manifestum. Sternutationem quoque relatam evacuationum normam servare, nemo ambigit. Cumque quærit adversus causam interitus febrientium, facile illi respondemus, defectum materiæ, ex qua gignendi sunt spiritus vitales, in plurimum esse. Ut enim superius diximus, humor vitiatus, aut plus justo in corpore redundans, inficit puram sanguinis partem, ex qua spiritus vitales procreandi erant, qui simillimi flammulæ lucidissimæ sunt, ut Galenus in de Placitis Hippocratis, & Platonis lib. 7. videtur dixisse: Quia in tantum infecta, ut eorum copia sufficiens pro vita asservanda gigni non valeat, statim æger moritur. Horum defectui quamquam særissimè febris medeatur, sanguinem purum per evaporationem superflui reddendo, per accidens cum immodica humorum vitiatorum copia redundat, ipsum febris ipsa auget, absumento unctuosam, & aëream illam puri sanguinis partem, ex qua vitales spiritus gignendi, ac distribuendi per universum corpus erant. Et ex relata differentia febres salubres, & mortales nominantur. Illæ enim salubres dicuntur, quæ ut naturæ instrumentum sunt, prius difflare, aut concoquere humorum noxiū valent,

quæm materia spirituosa in febribus desit. Illæ autem mortales, quibus oppositum contingit. Putare enim febrem continentem, exempli gratia, intra septimum, aut quartum decimum, seu quemvis alium diem decretorum ægrum intermere, quod tam ingentem calorem in membrorum substantiam inducat, ut eo forma humana asservari non possit, sed destituere corpus cogatur, vanum est: cum multos ex exercitio, vel calore solari percipiamus, multò calidiores seipsis febrientibus relatis febribus esse. Præsertim cum per dies aliquot ante obitum contingat, ipsos neque exterius, neque interius calere, sed frigere, ut halitus frigidus ex pectori eductus, & cutis exterior testantur. Porro si disproportionalis animæ humanæ foret caliditas febrilis, intensiore calore exercitati asservanda non esset. Nempè si caliditate, ut tria aquæ forma conservari minimè posset, miraculum esset, calore, ut quatuor non corrumpi. Evadi enim non potest hujus similitudinis vis per differentiam specificam inter febrilem, & naturalem calorem, quia esse ejusdem speciei probaverimus. Etiam quod febrientem proximum morti esse minus calidum, quæm ante særissimè experiamur: ubi si per distemperantiam calidam moreretur febriens, cum vigebat calor putredinalis moriturus erat, & non post, cum remittitur.

Tandem febris, morbus, & symptoma, & morbi causa nominari diversis respectibus potest. Eademque morbi medella potissima alia consideratione dicitur. Neque mirum hoc, cum scammonio, & tyro, & aliis calidis medicamentis idem contingat. Relata enim, & si inducendo intensiorem calorem quæm corpori humano conveniat, & ve-

*Quot febrib
sortiant deno-
minationes.*

nenatam vim, noceant, & calidum morbum nonnumquām inferant, morbificam causam extirpando, conducunt, ut papaver, mandragora, & alia frigida per alium modum quandoque conferunt, nonnumquām nocent. Febris ergo prout signum est, infaustum, & malum signum dici debet, quòd portendat adeò ingentem morbificam causam in corpore includi, ut cogatur cor ipsum producere eandem, tamen ut causa est, proficiua morbis medendis nominabitur. Consimile huic vomitui, sternutui, & aliis expulsionibus à natura commentis, ut morborum causæ de-pellantur, accidit, ut diximus. Ista enim symptomata, sive accidentia (non enim insisto in illa vocabuli differentia, quam Galenus methodi medendi lib. primo capite nono scripsit) aut quovis alio nomine vocare velis, infaustum omen sunt, si tantum causa compellens hæc fieri, animadvertisatur. Prout tamen facultatis expultricis vim ostendunt, signum jocundum, & augustum dicuntur, ac utraque si immodicè perseverant, tam in modum signi quam causæ pernicioſæ res nominandæ erunt.

Quædam subtilis objecſſio contra nostrū decretum de modo generationis febrium proponitur, ac ſolvitur.

Alius etiam opponere nobis potest, quòd si ii, qui exercentur velociores, & frequentiores systoles, & diaftoles cordis habent, quām conquiescant, & ex meis confessis cor ipsum relatis velocibus, & frequentibus motibus calet, spiritusque calidores quām ante producit, & inde totum corpus calefit, sequi videretur, calorem hunc numquām defuturum. Quòd si in aliquo tempore corpus ex motu calidius redditum coëgit cor velociores, & frequentiores dilatationes, & constrictiones efficere, quām cum homo quiescebat, & deinde ipse arteriæ dilatatae proprio motu totum cor-

pus calefaciunt, ut ego attestor, impossibile videtur durante vita, hunc calorem deficere. Nam si cordis velocior, & frequentior motus natus est producere calorem nativo intensiorem, & calor reciprocè cogit arterias frequenter, & velociter agitari ad trahendum plus aëris, & majorem copiam fuliginum expellendam, necessariò postquam fæmel hujusmodi calor incepit, duraturus erat per totum tempus, in quo vires cordis sufficient motum continuare: cuius oppositum experimur. Cùm enim cessat motus exterior, in plurimum calor corporis totius paufat.

Cui objectioni æquè adversus, ut ego respondere tenetur. Nisi negare vellit, velociorem, & frequentiorem cordis motum ipsum non calefacere, & frequentiorem, & velociorem motum crurium, aut brachiorum, & quorumvis aliorum miftorum id posse. Quod ultra hoc, quòd ad libitum, & absque ratione assertum sit, impossibile etiam fore, qui causam cur mixta ex motu caleant novere, facile intelligunt, de quo in opere de Physico negotio edendo, si Deus concederit, agam. Si enim ex motu cor calefit, necessarium erit spiritus calidores, quām priùs reddi, ipsosque in totum corpus digestos calidius corpus humanum efficere. Unde eandem illationem, quam mihi opponebat arguens, & sibi objiciam ego. Sed quia nec per hoc argumenti vis diluitur, ad argumentum respondeo, quòd verum illum inferret, si humana forma utens complexione propria, & actuali remissa frigiditate, quæ cum cordis calore illo intenso simul compactitur, absente motu extrinfeco, immodicum calorem genitum ab arteriarum motu non corrumperet, ut aqua satis calida ab igne, ipso absente,

per

per residuam frigiditatem calorem extirpat: at cum hunc, pausante extrinseco motu, dissipet, quem corrumpere forma humana priusquam motus cessasset, non poterat, quod non tantum motu arteriarum, sed membrorum exercitio calor fovebatur, & coram ambabus causis caloris productivis succumbebat, continuo post extrinseci motus cessationem, calor successivè remittitur, donec in pristinum statum homo, & arteriarum motus reddeunt. Porro cum contingit, ex superfluo motu febrim insurgere, calor febribus perseverat, & si motus non adficit, quia humoris vapores aliqui vi caloris commoti, & elevati inficienes sanguine, ut dixi, cum de causis diariarum egi, cor proritant, & vellicant, ipsumque in veloces & frequentes systoles febrim gignentes insurgere cogunt.

*Aliæ objectio
salvitur.*

Restat, & dubio alio satisfacere, ambiget quippe ullus, impossibile esse fuligines humorum putridorum delatas in cor ipsius calorem extinguere, ut ego arguendo contra Galenum supposui. Primo, quod si ipsæ moderatae fuissent inflammam vertendæ essent, ut modicis lignorum fumis contingit. Secundo, quod experiamur, detento anhelitu, & fumis cordis expirari prohibitis, faciem rubore perfundi, quod potius testatur, calefcere corpus, quam frigescere. Etiam quod ægris patientibus ex frigiditate morbum pectoris præcipiant medici anhelitum continere, ut thorax calidior evadat: quod minimè jussuri erant, si verum foret per halitus detentionem cordis calorem extinguiri. Sed haec objecta vana sunt. Primo nempe per id sufficienter satisfacimus, quod ut non quilibet fumus inflammam converti est aptus, quin aliquis extinguere eandem est promptus, ut fumus ex aliquibus

metallis elevatus monstrat: imo qui fiunt ex eodem sepo, vel cera ex qua flamma fit, si exire prohibentur eandem extinguunt. Sic neque fuligo quælibet difflata à corpore sufficit esse materia spirituum. Est enim spiritus vitalis flammula quædam ex purissimo sanguine elevata, & non ex quavis materia gigni aptus, qui non paucis proprietatibus est dotatus. Secundum dubium per sequentia dissolvimus, quod rubor faciei non testatur cor calidius esse, quam ante prohibitam expiracionem, cum si prohibitio perseverat, stranguli, & frigescere, ac nigrescere hominem conspiciamus. Rubor enim ille, qui videtur in detinentibus spiritum, non aliunde provenit, quam ex hoc, quod fuligines intra cor, & pulmonem, & ejusdem arterias inclusæ sanguinem ad faciem impellunt, ut thoracis, & cordis capacitas cedat illis, & dimensionum penetratio non contingat. Tertiam rationem hoc, diluo quod præceptum medicorum potius vergit in remedium pituitosæ materiæ, quæ sui lentore excreari est inepta, quam in cordis frigiditatem: nam frigiditatem, neque calorem citra materiam infestare humanum corpus, ut Galen. & eundem æmulantes credidere, vanum est, ut statim cum de essentia febris ethicæ egero, ostendam. Fuligines enim corpori pituitæ admistæ, suo calore attenuante pronam faciunt eandem, ut vi expultrice pectoris expelli possit, quæ prius sua tenacitate pulmoni inhærebat.

Sed quod Galenus secundo de Differentiis febrium in exordio probare videtur, non ex redundantia bilis febrim gigni, cuius contrarium nos prædiximus, necessum est ejusdem rationem dissolvere, ne tanti scriptoris autoritate, ac ejusdem ratione nonnulli deceperint.

tantum, ipsa-
que solvitur
ubi icteri cau-
sa exprimi-
tur.

ti, libentius suo falso dogmati, quam nostræ pellucidæ veritati assentia-
tur. Verba illius hæc erant: [Et il-
lud superest, ut febrium differen-
tias, quæ in humoribus accendun-
tur, percurramus, si hoc unum anteà
admonuerimus, non sufficere ad
generationem febrium, sicuti mul-
ti opinantur, si solùm amara bilis,
quam nonnulli ruffam appellant,
augeatur. Sic enim omnes, qui morbo regio laborant, in maxi-
mas inciderent febres: in eis siquidem
hujuscemodi humoris magna in toto corpore copia redundat,
non tamen febricitant, nisi alia ac-
cesserit causa, de qua paulò infe-
riùs dicemus.] Hanc causam non
longè à suprà scriptis dixit esse pu-
tredinem flavae bilis. Refert enim,
quæ sequuntur: [Quod in febri-
bus contingit tertianis, hæ siquidem
flava bile putrescente fieri
consueverunt.] Quod enim ratio
relata, qua suadere Galenus vide-
tur, ex supercrescente bili febrim
gigni non posse, nullius sit valo-
ris ex hoc patet, quòd non omnes
qui morbum regium patiuntur, auc-
tam bilem habent, ut Galenus est
testatus, immò in plurimum qui
hoc malo afficiuntur, pituitam re-
dundantem habent in via illa, quæ
à folliculo felleo ad intestina ver-
git: quod manifestissimè deprehen-
ditur ex albedine fæcum horum.
Stercus enim, quod alio expurga-
to ejiciunt isti, album ut canum
conspicitur, neque alia de causa,
quàm ob relatam obstructionem,
quæ prohibet in intestina descende-
re bilem ruffam deferendam in ip-
sa ad excitandum expultricem vim
corundem, qua quoque stercus
pallidum vertendum erat, quippe
hæc ad jecur retrocedendo, inde-
que in totius corporis venas san-
guini se admiscendo, universam
cutim pallore inficit, non sui mul-

titudine, sed suo indecenti situ.
Si enim bilis illa, quæ à felle in ve-
nas retrocessit, versus intestina
per naturalem viam deferretur, &
si nondum expulsa cùm fæce extra
corpus foret, non majore copia
bilis redundaret corpus illud tunc,
quàm ante, cùm cutim bilis insi-
ciebat. Quo manifestè probatur,
quod ostendere sumus aggressi, non
in quovis morbo regio bilem re-
dundare. Verum cùm nonnum-
quam contingat regium morbum
corripere supercrescente flava bili,
ut Hippocr. sententia 62. Aphor.
4. testatur, dicens: [Quibus in
febribus morbus regius ante diem
septimum accedit, malum. Et Apho-
rism. 64. ejusdem lib. Quibus in fe-
bribus morbus regius septimo, vel
nono, vel undecimo, vel quarto-
decimo supervenerit, bonum, ni-
si dextra præcordia obduruerint, si
vero non, non bonum.] In utro-
que Aphorismo ipso Hippocrate
innuente, & Galeno expressè in
commento affirmante, ex supera-
bundantia bilis transmissæ de venis
ad cutim, relatos regios morbos or-
tum trahere. Ideò cur in ipsis fe-
bris non concitetur, ratio redden-
da est à me, qui testor, bilem
supercrescentem febrim gignere:
quam dillucidæ assignabo. Quam-
vis potius retorquere rationem
adversus Galen. possem, quàm sol-
vere suam tenear. Objiciam enim
ego illi: Isti, quòd febriunt, mor-
bum regium patiuntur, & non ex
bili putrida cùm alii, qui non fe-
bricitant, consimilem iis patientur
regium morbum ergo vel utrique
à cholera superabundante citra
putredinem morbum recensitum
patientur, vel ambo à cholera pu-
trescente ægrotabunt, vel alter ab
una ex his, & aliis ab alia. Si pri-
num, verum est, sequeretur non
egere putredine bilem, ut febrem

con-

concitet. Si secundum, sequeretur omnes arcuatos à febre esse corripiendos, quod est sibi contradicere. Si tertium, det Galenus signum aliquod in colore, vel alio accidente distinctivum inter ictericum ortum trahentem à bile non putrida, & aliud, qui à putrida bile pallorem cutis contraxit, & non inveniet. Nam proponere pro signo, quod alter febricitet, & alias non, est petere principium. Negabimus enim eī putrere bilem causam febrilis caloris esse. Quia de hoc est tota lis. Quod probare ipse non poterit, cum nostrae rationes oppositum demonstraverint. Maximè, quod idem Galenus nono de Compositione pharmacorum secundum locos, primo cap. refert: [Itaque qui icterum, seu morbum regium ex obturazione incurunt, sine febre permanent, qui verò ex inflammatione, omnino febrificant.] Ubi non distinguit regium morbum in eum, qui ortum trahit à bile putrescente, aut non putrescente. Et si alterum dicat esse cum febre, reliquum sine ipsa. Non enim dici potest Galenum voluisse exprimere, quod qui ab inflammatione oritur, à putrente cholera fiat, & quod alias, qui ab obstructione gignitur, à bile non putrida oriatur. Quia inflammatio, quæ sola sèpè efficit febrim, ex superabundante, vel ex putrido sanguine non raro fieri valet, atque hæc obstruendo relatam viam procedentem à vesica fellea ad intestina, causa est retrocessus bilis ad venas, & coloris aurei ictericorum, & non necessario putrida bilis. Etiam quod necessarium non est in icteritia oriente ab obstructione pituitosa, cholera non putreficeret, cum id impertinens sit.

Perpendere Gal. debebat, quod nos, putà si febres tunc pausant,

Tom. II.

cum agri citra inflammationem jecoris in septimo, aut aliis diebus criticis icterico morbo corripiuntur. Ipsa putrida bile, quæ febrem efficiebat, tunc ut cum febris aderat, superabundante in toto corpore. Ut adducta sententia ejusdem ex principio secundi de Februm differentiis dicebat. Quod etiam ratio suadet. Nam non ob aliud isti qui icterico morbo à febre evadunt, sani fiunt, quād quod bilis transferatur de venis ad cutim. Non indè, quod bilis putresceret, aut non putresceret, dicturus erat Galenus, febres in humanis corporibus gigni, aut non gigni, sed ex alio, quod oculata experientia regulatorum aphorismorum docet. Puta quod bilis, quæ redundant, sive putreat, aut non, misceatur sanguini optimo, ex quo spiritus vitales gignendi sunt in vasis cordi proximis: & ex eadem abundante in venis cuti propinquis, aut in cutis porositatibus ictericus morbus oriatur. Sed de his non plus, quod jam horum nonnihil prius exaratum fuit, cum argumentabamur contra Galenum super causis febrium putridarum.

Et quod ad præsens sit propositum, præterire non licet sententias nonnullas Galeni in relato loco secundi de Febr. differentiis, capite primo, oppositum ejus, quod ipse prædixit docentes. Refert enim parum infra principium libri: [Nam tertianæ quidem febres magna ex parte in corporibus fiunt, in quibus naturalis habitus ad bilem accedit, atque in consistentium ætate, quæ omnium maximè biliosissima est. Tempore etiam æstivo præ ceteris, in quo hujuscemodi humor dominatur. In locis præterea, quæ calidum, atque siccum habent temperaturam, ac in simili aëris ambientis qualitate. Vita

*Quædam Gas-
leni sententia
adducitur ex
qua manifestè
elicitur bilem
non putren-
tem tertianas
efficere.*

etiam non otio, atque quieti dedita, sed in laboribus, curis, vigiliis, solis incendiis, & ciborum parcitate assueta, eorum præsertim calidorum, ac siccorum usus: præterea medicaminum calefacentium, atque exiccatum immodicus usus febres tertianas faciliter afferunt.] Per relata verba manifestè docendo, plurimum bilis aggregari in recensita ætate, tempore anni, & victus ratione, & hanc assari promptissimam esse, putrere ineptissimam. Nam si à calido, & sicco assatio fiat, ut Aristot. 4. Meteorologiæ, text. commenti 18. dixit & putrefactio à calido, & humido, quod ejusdem definitio, quæ hujusmodi est, ostendit: [Putrefactio est corruptio proprii, & naturalis caloris in unoquoque humido existentis ab extranea caliditate.] Non relatus Galenus erat, febres tertianas in corporibus, à se recensitis, conspiciendas, si necessum esset, bilem gignentem illas, necessariò putridam futuram: cum sibi compertum esset, bilem eorum hominum, qui recensiti sunt, si aliquod passura foret incommodum, quo esse desiisset, assationem valde distinctam à putrefactione pateretur, & putredinem minimè.

*Decretorio-
rum dierum
causa facilius
à nobis, quam
à Galeno, ex-
plicari valet.*

Et quod jam omnia, quæ valorem ullum habent aduersus nostra decreta objecta à nobis sunt, ac enodata, insigne quoddam ultra relata in antecedentibus, quod cum nostris placitis quadrat, scribere est visum, id est, dies, quos vocant criticos, manifestam causam in nostra doctrina habere. In cuius investigatione Galenus in lib. 3. de Decretoriis diebus palam aberravit. Ut enim nos testamur tertianas, & quartanas in relatis diebus afflire, & in aliis minimè, quod facultas expultrix cordis, & arteriarum, ac venarum humorem multum, aut

vitiatum inficientem sanguinem cordis ad tantam distantiam à corde sejungat, ut non nisi in tertio possit sanguinem cordis iterato inficere: ita dicendum est, in plurimum causas morbificas tales esse, ut animadversa materia biliosa, aut sanguinea, quæ acutorum morborum sæpius causa esse solet, in septimo à corde vinci procuretur: aut si hunc pertransit, in nono, aut undecimo, aut quartodecimo id expellere conetur. Quæ tantum in præsentiarum innuo, quod in sequentibus, cum de medela febrium egerimus, fusi, Deo concedente, rem hanc tractabimus.

CAPUT XVI.

*In quo, effientia, & causæ febrium hec-
ticarum opinare à Galeno impro-
bantur, ducto contextu libri de
Inæquali intemperie, & falsis ejus
dogmatibus improbatis.*

Improbatis causis, quas Galenus febrium diariarum, & putridarum esse putavit, supereft essentiam, ac causam hecticæ febris secundum Galeni mentem exprime-re. Etiam Hugonis Senensis decre-tum de hac re scribere, quod hic inter omnes Galeni, & Avicenæ expositores doctior, secundum meam sententiam, fuerit, & qui verosimiliora sit opinatus, quamquam scopum non attigerit. Post etiam examini subigam, an ab his recensita vera, falfavè sint. Et quia ad exactè percipiendum quid putaverit Galenus febrem hecticam esse, necessum est intelligere, quid inæqualis intemperies, & quid æquals ab eo censeatur, in hoc enim credidit ipse distare putridas ab hecticis, has æquales intemperies vocando, illas inæquales, ideo li-bellum de inæquali intemperie ab eodem compositum in medium pro-

proponere, eudemque in totum explicare cogor, ac quæ verosimilia ibi Galen. scripsit, approbare, & quæ falsa indubitatis argumentis talia esse ostendere. Nullus enim inter mortales hac tempestate tantæ auctoritatis reperiri potest, ut nisi firmissimis rationibus errasse Galenum ostenderit, fides de hoc ulla eidem adhibeatur. Textum ergo, ac subinde commentum in Dei nomine exarare ordior.

CONTEXTUS I.

Inæqualis intemperies aliàs in toto animalis corpore fit, veluti in ea hydropis specie, quam Græci anasarca vocant, & febribus iis, quas iidem hepalias appellant: fereque reliquis omnibus, exceptis, quas hecticas nominant. Incidit autem, & in una qualibet parte, cùm ea, vel intumuit, vel phlegmone, gangrena erysipelate, cancrove est affecta. Huc pertinet, & qui elephas dicitur, & phagedena, & herpes.

COMMENTUM.

In hujus opusculi exordio, ubi quam maximè exprimere Galen. nititur differentiam inter distemperies, quas factas, vel æquales eidem sic vocare placuit, & fientes. Primitus has dividere in eas, quæ totum hominis corpus occupent, & illas, quæ tantum unicam illius partem, visum ei fuit. Et si enim hic non expressè explicit Galenus prædictam divisionem nisi in distemperie inæquali, tamen ex inferius scriptis palam elicetur utrique distemperiei sectionem relatam convenire. Pro exemplo inæqualis distemperiei occupantis totum corpus potius illam speciem hydro-
pis, quam anasarcam vocant, posuit, quam alias duas, putâ asci-

tem, & timpanitem: quod hæ ultimæ in plurimum ventris partes tantum infestant: anasarca universas corporis particulas superabundante pituita male afficit. Et quamvis in hoc non aberravit Galen. deliquit tamen manifestè, indistinctè scribendo anasarcam inter inæquales intemperies, cùm inconveniat nihil, si per id, quod Galenus infra exponit inæqualis ab æquali distemperie distaret, in anasarca æqualem, & factam intemperiem accidere. Eudemque lapsum quoque versari in exemplo phlegmonis, & gangrenæ, & cæterorum morborum, quos hic recensuit, post hæc monstrabo.

CONTEXTUS II.

Verum hæc omnia cum fluxione consistunt: absque autem materiæ affluxu solis partium qualitatibus alterandis, inæquales intemperies fiunt, utique refrigeratis iis, aut deustis, aut immodice exercitatis, aut feriatis, aut aliquid id genus passis. Jam ex iis, quæ foris corpori occurrent, inæqualis intemperies gignitur, dum id, vel frigefit, vel calefit, vel siccatur, vel humectum redditur. Quippè hæ simplices intemperies sunt, veluti in iis, quæ de temperamentis scripsimus, est monstratum: compositæ ex his aliae quatuor sunt, cum corpus, vel calefit simul, & siccatur, vel calefit simul, & humectatur, vel refrigeratur simul, & siccescit, vel refrigeratur pariter, & madescit.

COMMENTUM.

Iterum distemperiem inæqualem in eam, quæ à materia pendet, & illam, quæ à nulla originem trahit, dividit. Illas, quæ oriuntur à materia nominavit Galenus fieri à flu-

xione quod in plurimum soleant materiae morbificæ à membro validiore expelli in imbecillius , defluendo per intermedias partes. Distemperies citra materiam explicuit per particularum refrigerationem , aut adustionem , aduruntur nempè, quæ immodecè exercentur, ac partes illæ , quæ à sole , vel igne uruntur , & distemperiem calidam patiuntur , refrigerantur ille , quæ feriantur , & otiosæ permanent. Si enim immoderatus motus valet membra calefacere, ejusdem in totum privatio , refrigerationis membrorum causa necessariò futura erit. Meritoque motum, & quietem, quæ calorem, & frigus in nos procreant, materiam non vocavit, quia accidentia illa sint , quibus consistentia corporea inquantum talia minimè convenit. Quamquam enim aliquando albedinem, & calorem, & frigus nominare solemus accidentia corporea : non quod putemus illa corpus habere , sic vocamus , sed quod nata sint corporeis substantiis inesse, & non spiritualibus. Itaque ut differamus ea à scientia, & prudenter, & aliis animæ intellectualis accidentibus, talia ea dicimus.

Distemperiei absque materia orientis à causis forinsecis exempla alia exarat, putà, cùm membra à continente aqua, vel aëre, aut aliquo cælesti influxu plus justo humectantur, aut siccantur , calefiantur , aut refrigerantur. Harum affectionum quælibet simplex distemperies dicitur ad differentiam earundem conjunctarum cum altera ex seipsis. Si enim calidam intemperiem cum humida, seu sicca jungas (cum frigida enim non potes) jam compositam ex calore, & humiditate , vel ex calore, & siccitate illam vocabis , & si frigidam per eundem modum cum humiditate , vel siccitate coire facias , etiam compositæ distemperiei

nomen sortietur. Neque ullus putet, quod calor, aut frigiditas , humiditas , aut siccitas , cùm extrinsecus accedunt, sine corpore, cui insunt , sint : quia id impossibile esset naturaliter, accidentis enim esse est inesse. Et si enim , ut dixi , aëri, vel aquæ , aut alteri rei forinsecæ hærent , quia illa intra nostra corpora inclusa non sunt , sed nobis liceat ea vitare, utendo aliis, relatis affectibus expertibus , ideo distemperies non habere illas, ut causas materiales testamur.

CONTEXTUS III.

Quod autem ejusmodi intemperies ab æqualibus eo distent, quod in omnibus intemperanter affecti corporis partibus æqualiter non sint , id clarè liquet , ergo quis sit omnis inæqualis intempetaturæ generandæ modus in proposito libello statutum est exequi ? Admonendi autem sumus quo clarius nobis omnis disputatio fit, de omnibus corporis particulis : principio à maximis sumpto , quæ scilicet ne vulgo quidem sunt ignotæ. Siquidem manus , & pedes , & ventrem , & thoracem , & caput nemo est , qui ignorat. Dividamus autem earum rursus unamquamque in proximas sui , quæ prosechi græcè dicuntur, particulæ (verbi gratia) crus in femur, tibiam , & pedem , item manus in brachium, cubitum, & summam manum. Jam summæ manus ipsius propriæ particulæ sunt carpus metacarpion , & digiti. Digtorum vero particulæ sunt , ossa, cartilago, ligamentum , arteria , vena, membrana , caro , tendo , unguis, cutis , adeps. Has autem divisisse in aliam speciem non est : sed sunt similares , ac primæ : exceptis tamen arteriis , & venis , hæ namque ex fibris , & membranis sunt condi-

tæ, veluti in tractandæ dissectionis ratione est traditum. Quin etiam complura esse spatia inter ipsas primas, & similares particulas, atque iis etiam plura majoraque inter ipsas instrumentales, & compositas: aliqua vero, & in una qualibet similari particula, veluti osse cutesque: hæc quoque omnia in iis, quæ de administrandis dissectionibus scripsimus, sunt prodita. Ac quæ mollia quidem sunt corpora, ea quoniam sibi invicem incumbunt, interposita spatia latere conspectum faciunt, quæ dura siccaque sunt, in iis cernere spatia licet, sicuti ossium cavernulas, continent hæ naturaliter multum in se humoris, hujusque crassi, & albi, in id comparati, ut ossa nutriat. Quæ in cute foramina sunt, ea qua ratione fiant, in iis quæ de temperamentis præcepimus, est dictum, atque hæc monuisse necessarium erat claritatis causa eorum, quæ à nobis deinceps sunt dicenda.

COMMENTUM III.

In præsenti contextu Galenus jam unico verbo exprimit præcipuum, quo differunt inæquales intemperies ab æqualibus, ac postea fusius idem explicat. Differunt ergo relata, ut ipse retur, quod inæquales intemperies non omnes partes corporis æqualiter occupent, sed inæqualiter: æquales vero universas particulas corporis æqualiter afficiant: hoc est dictu, quod si os unico caloris gradu alteratur, caro, & nervus, & cæteræ corporis partes æquali gradu caloris afficiuntur: & si caro unico frigoris gradu afficitur, consimili aliæ partes alterantur. Unde has, quas æquales, seu factas distemperies vocat, dolorem nullum inferre testatur, quia dolor non fiat, nisi cum

partium temperies alteratur, & non cùm jam in totum similes alteranti versæ partes sunt. Illæ vero, quæ inæquales sunt, quia dum tales dicuntur, semper alterant proximas partes, quod similes inter se non sint, dolorem inferre sunt natæ. De ea alteratione loquimur: non quæ naturaliter inter partes nostri corporis calidas, & frigidas, humidas, & siccias versatur, sed quæ inter partes diverso modo affectas calore febrili, vel alia præternaturali qualitate versari solet. Et ut partes omnes, quas similares nominaverat, explicit, organicas in primis statuit: hæ enim ex consimilibus sunt constitutæ. Quod illis verbis contextus adducti refertur, cùm dicit: Admonendi enim sumus de omnibus corporis particulis, id est, docendi estis, quæ sint omnes corporis particulæ, ut scilicet postea sciatis, cùm dixerimus, quod omnes corporis partes occupat distemperies facta, quæ sint universæ corporis partes. Hæc, quæ audistis, dictavi, ut planior Galeni mens evadat. Quorum nonnulla infra idem, ut videbitis, refert. Sed redeamus in præsens taxare illa, quæ minus vera sunt, ut promisi: deinde enim quæ culpa vacant, exprimentur.

Hucusque nihil, quod reprehensione dignum sit, me legisse memoror præter verba hæc: [Quod autem ejusmodi intemperies ab æqualibus eo distent, quod in omnibus intemperanter affecti corporis partibus æqualiter non sit.] Quæ maxima censura egent. Porro illa nisi à viro adeò multi scio essent prolata, delirium potius, quam ullius physici decretum essent censenda. Quæ enim dementia major, quam referre, hecticas febres ob id non egere, ut perseverent, & durant, spiritu supercalefacto, ut ephe-

*Improbatur
Galen. sentent. de facta
intemperie si-
ve æquali a-
gens.*

ephemeræ poscunt, sequendo ejus placita, neque humore putrescente; ut putridæ, quia in universis corporis partibus æqualiter inducuntur sint. Et quod putridarum calor ob id delitescat, absente humore putrescente, quia non uniformiter sit inductus in partibus corporis humani. Quasi intersit aliquid, ut aliqua qualitas conservetur, ubi est inducta æqualiter, aut inæqualiter esse inductam: cum nos experiamur, quod sive aqua sit uniformiter calida in omnibus sui partibus, seu disformiter, quod absente calefaciente statim in nativam frigiditatem se restituat. Quod etiam terra convenit. Ut aer absente influxi infrigidante in moderatum calorem se reducere. Etiam quibusvis corporis particulis consimile contingat. Si enim in balneum aquæ moderatè calidæ descendit aliquis, et si tunc primum cum aqua calida perfunditur, ille inæqualiter alteretur: dum diu perseverat, uniformiter calidus evadit. Quod experimento Galeni deprehenditur ita esse, quia scilicet jam tunc calor à loto non sentitur, quin si à folio lotus celerrime redeat in aërem liberum, frigescere experiamur: eodem antequam intrasset balneum, in aere illo frigiditatem nullam percipiente. Illud enim, putare esse æqualiter inductam quamvis qualitatem prodest tantum, ut non percipiatur ab ea parte, ubi uniformiter inducta est, indeque dolorem inferre non possit, non tamen ut valeat durare, absente productore, si in passo contrariam qualitatem poscente sit facta. Et cum immodicus calor febrilis sit, respectu ejus quem membra nostra poscunt, hunc necessario extirpandum à naturali membrorum temperie, cum causa calefaciens absuerit, nemo negare valebit.

Quippe si inter universa simplicia, & mista orbis hujus nullum sit, quod præternaturalem calorem inductum sibi, absente conservante, retineat, alienum ab omni ratione erit, credere in homine tantum, absente sole, aut putrido humore, quorum uterque uniformiter humanum corpus caleficerit, posse manere illum calorem adeò membris nostris infixum, ut à forma substantiali eorum corrupti non valeat, experientibus nobis, aquæ, & terræ, & lignis calefactis, & lapidibus, ac arboribus, & plantis, & feminibus, omnibusque aliis rebus collatam esse vim corruptivam qualitatum primarum quantumvis uniformiter in se inductorum, remoto inductore. Quis enim non experitur, quod si in quovis relatorum simplicium, aut mistorum ab igne, aut sole inducit calor, ut duo, vel tria, qui uniformis sit in horum quolibet: si hic non naturalis mixto, aut simplici est, quod statim, ut Sol, vel ignis abest, calor ille corruptatur? Et si ab aqua, vel nive, vel aere continente infrigidentur plus justo relata, quod etiam infrigidante deficiente, se restituant in nativam qualitatem primam sibi decentem? Et si immodecum ab aqua, vel aere humectentur (dummodo non putreant nam jam tunc forma misti, quæ dissipatura erat humiditatem nocentem à parte putrescente aberit) etiam in naturalem siccitatem absente humectante, vi propriarum formarum sese restituant? Ac quod idem contingat relatis, si qualitatè tantum excientur, & non sustentificè. De quibus modis exiccationis agere in præsens non placet: nam cum demarastro infra egerimus, quæ illis attinent, exprimemus.

Reducendus in viam erat Galenus, si animadvertisset, quod si calor

*Alia ratione
improb. Ga-
len.*

*Alio etiam
argumento cō-
vincitur Ga-
lenus.*

Ior hæctici adeò infixus uniformiter foret, cuvis simplici particulæ corporis humani, ut conservatore extrinseco non indiguisset, ut ipse rebatur, quod impossibile foret post hæctici obitum, ejusdem corpus non calescere. Nam calor hæctici à forma humana non conservabatur, imò illum eti incassum extirpare conabatur, ut Galenus credidit, etiam quod ille in mortem duxisset ægrotantem, qui cadaveris formæ conveniens futurus erat, & ab ea asservari deberet post hominis interitum. Ut enim calor inductus in ligno si in tantum augetur, ut formam ligni corruptat, manet in igne genito: sic calor febrilis hæctici permansurus erat in cadavere ejusdem, alias dispositiones corruptivæ alicujus formæ, non essent dispositivæ alterius inducendæ, quod eventibus, & omni physicorum scholæ adversatur.

Sed quod aliquis putabit Galenum jam huic dubio fecisse satis verbis ab eodem recensitis 8. cap. libri primi de Februm differentiis, idèo illa in medium propono, ut posteà illorum veritate discussa, cunctis pateat, an nostræ rationes solutæ sint, vel ex confessis ab eodem Galeno in citato loco adhuc plus vigoris acquirat, quam priùs. Sententia Galeni hæc est: [Quæ igitur febres hæcticae appellantur, dupli via ortum habent, magna quidem ex parte ex ardentibus febribus, quæ tantum protrahuntur, ut longitudine temporis humorem in corpore cordis contentum consumant, vel fieri potest, ut ejus adhuc magna portio reservetur. Illæ vero non tantum hæcticæ sunt, sed tabidæ etiam: quæ autem manente adhuc humiditate generantur, ubi cordis corpus occupaverint hinc maximè accenduntur, quemadmodum lucernæ flamma ex fo-

mite. Atque una quidem à nobis exposita est earum febrium genera-
tio. Reliqua autem est, cùm statim ab initio invaserint, similem pri-
mum sui ortum ephemeris facien-
tes, aut ex tristitia, aut ira, aut laf-
itudine nimia una cum solis servo-
re contracta. Hasce igitur febres
non est admodum difficilè curare.
At quæ ex ipsis ad talem pervene-
rint ex inscitia medicorum, quibus
earum cura fuit demandata, ubi
jam exquisitè consistunt, & jam du-
dum incepunt, non modò est eas-
dem curare difficilè, sed etiam im-
possibile. Earum siquidem natura
calida est, & sicca, cùm tale ali-
quid cor patitur, quale lucernæ fo-
mes, cùm fuit plurimum exustus.
Nam qui ita torrefactus est frangi-
tur, atque dissolvitur, atque ex arid-
itate continuatatem amittit, adeò,
ut neque si magnam olei copiam
superinfundas, flamma abundan-
tior possit accendi. Semper enim
parva, & debilis in ipsa palpitat,
flamma, ac continuè fit minor, do-
nec ex toto extinguitur. Talis qui-
dem est febris, quæ omnino tabida
existit, ut quæ ab ea passione non
differat, quæ tabes appellatur. Nam
& hæc absque febre in decrepita-
tate solet accidere, extinto natu-
rivo calore, quod nihil aliud exis-
tit, quam mors. Quæ si sine sensu
doloris, ac secundum naturam ex
siccitate contingit, sicuti his, qui
præter naturam tabescunt, altera
advenit species, quæ à Philippo ex
ægritudine senectus vocatur, in
quam non solum senes, sed etiam
pueros vidimus incidisse quamplu-
rimos. Tabida verò febris non tan-
tum sicca, sed etiam calida est pas-
sio. Extinguitur autem valde in
hac ægritudine calor animalis, to-
tumque corpus tabescit instar ar-
boris supra modum arefactæ, aut
ob longitudinem temporis, aut

flammæ viciniam , aut vehemen-
tem , atque immoderatam siccita-
tem.]

*Alia ratione
improbatur
Galenis senten-
tia.*

Certè nullus, qui non lippis oculis intellectus hæc discusserit , absque ullo labore intelligere non vallebit in foribus , ut inquit Galenum aberrasse , cùm refert , in aliquibus speciebus hecticæ febris ortum trahentibus à putridis ardentibus , humorem in corpore cordis contentum consumi. Nam si id verum est , ut est , absente humore putrido , à quo credidit ille oriri calorem febris ardentis , cor non erat mansurum præternaturaliter calidum , & si in hecticam transisset febris illa , quòd nec calor febrilis ab humore putrido penderet , quem finxit esse absumptum , neque à cordis substantia asservari valeret. Quomodo enim in cordis substantia poterit manere calor major , quàm si febris putrida non præcessisset , si verum est partes aëreas , & igneas , atque aqueas (quas omnes vocamus humorem corporis cordis) esse consumptas à febrili calore , ut Galenus fatetur , iis existentibus , à quo calor oritus erat? Nullo certè modo. Nempe si possibile foret hoc , inconveniret nihil , homines , & animalia , & plantas , senescentia per consumptiōnem relatam partium aërearum , & ignearum , & aquæarum (ex enim promptiores sunt resolvi , quàm terreas , & ideo citius diffitantur) calidiora evadere , quàm priùs , cuius oppositum accidere eventus docent. Scimus enim senectam frigidam , & sicciam temperaturam respectu antecedentium ætatum esse. Maximè , quòd idem Galenus sibi adversatur exemplo adducto parum ante finem capit is citati , quo in loco , ut mox audistis , inquit: [Intabida febre contingit hominibus , quod arboribus supra modum

arefactis , aut ob longitudinem temporis , aut flammæ viciniam , & propinquitatem.] Ubi si verum est , idem nobis accidere , quod arboribus , ut verum est , cùm arbores arefactæ propter flammæ viciniam cùm diu est , quòd flamma abest , frigidiores manent , quàm ante , quia partes terreæ plus vigent , consumptis ab igne aëreis , & igneis , & aqueis , homines absente calore putredinali , aut humore , à quo calor ille pendet , ut Galenus opinatur , & si tabidi redderentur , frigidiores evasuri erant , quàm si febris non præcessisset , ut contingere arboribus experimur , & per consequens febre calida , & sicca passione non essent dicendi , corripi.

Neque minùs quàm præteritum à vero deviat , quod refert de alia specie hecticæ , quæ nondum ad marasmum pervenit , quia adhuc in cordis corpore non sunt consumptæ substantiæ ipsius humiditates , sed illinc accendatur febrilis hecticus calor , quemadmodum lucernæ flamma ex fomite. Nam ut in præcedenti argumentatione proprio exemplo est Galenus à me justè , & manifestè taxatus : sic hic fomitis lucernæ exemplo taxandus se foffert , explicando primū , quòd si ellychnium , aut fomes lucernæ ignem concipit : non hoc patiatur per solam alterationem factam à flamma , quę primū ardere facit fomitem , sed per realem generationem ignis , & corruptionem aliquarum partium aërearum , & ignearum fomitis , & sepi , aut olei sucti per porositates ellychnii , & conversionem harum in flammam , unde post primam incensionem fomitis ignis depascendo , quas dixi partes se fovet , non egens extrinseco igne fotore. Ad quam normam (ut qualem similitudinem hæc cum hectica habeant exponam) hec-

hecticæ calor, sequendo Galen. placa-
cita, sine extrinseco calore in mem-
bris ipsis asservaretur, quod impos-
sibile esse sic ostendo.

Calor putridæ, aut ephemera ab ira, aut solis fervore, seu aliis causis, qui ex confessis à Galeno antecedit febrem hecticam, non corruptit humani corporis partes, & in ignem eas convertit, ut flam- mæ calor incendens fomitem efficit, sed tantum cor, & cæteras hominis partes alterat: ergo non ob id, quod fomes semel incensus con- tinuet calorem ellychnii aliam flammam gignendo sine extrinseco igne, inde inferre licebit, calorem inductum in nobis à relatis, seu aliis causis valere idem: cum, si ita esset, & fomitis calor (ut ab exemplo Galeni non descendam) prius in fomite inductus, quam flamma accenderetur, asservandus foret, absente igne, qui accendere conabatur fomitem, quod non experi- mur. Certè si quis admoveat ellychnium perunctum sepo, aut oleo igni, & non tanti expectat, donec ellychnium ardeat, sed cum calorem fomes concepit, ante inflam- mationem ab ignis præsentia fomi- tem subtrahit: invenit parum post ellychnium, aut fomitem amississe calorem, quem ignis induxerat, quia non naturalis fomiti erat. Er- go ad hujus similitudinem putrido humore, & ira, & sole, & aliis cau- sis absentibus, desiturus calor erat, & non in hecticam transiturus, ut Galenus asseverat, quod relatarum rerum calor naturalis nostris mem- bris non sit, quem, re, quæ foveat, absente, statim membra ipsa cor- rumperent.

Jam quæ mox legetis manife-
tam contradictionem in sententiis Galeni ostendent (hoc enim falsa dogmata habent, quod cum de eis-
dem plurima referuntur, numquam

conveniant) retulerat nempè hec-
ticas febres sine dolore esse, ut ve-
rum est, & incautè scribens, fate-
tur nonnulla de eis, quæ si talia es-
sent, qualia ab eo depinguntur, im-
possibile fore, ingentissimis dolo-
ribus hecticum non torqueri. Si-
mile enim constituit hecticæ cor fomi-
ti lucernæ plurimum exusto: quod si verum esset, & inde calor hecticæ
asservaretur sine extrinseco fotore,
quia cordis substantiæ humidita-
tes in ignem versæ sint (cum jam
putrida, aut ephemera in hecticam
transivit) qui continuò depascendo
eadem cordis humiditates, adeò
aridum ipsum reddiderit, ineptum-
que flammam fovere, ut fomes plus
rimum exustus, impossibile, ut dia-
xi, foret, toto tempore, quo humi-
ditates illæ cordis vi ignis in ipso
vigentis corrumparentur, ut in
flammam transirent, cor similem
dolorem non pati, illi, quem tole-
rare solet quævis particula nostri
corporis causerio inusta. Etiam hec-
ticam febrem æqualem dici, reluc-
tat hujusmodi assertionibus, nam
inæqualis & diversa multò plus
quam putrida esset nominanda,
cum hectica toto tempore, quo du-
raret, alias, & alias partes esset
semper corruptura, & in flammam
versura putrida mitiore vim ha-
bente, alterandi scilicet diversas
partes humanas, & non cremandi
illas.

Neque evadi ratio hæc potest,
dicendo, quod Galenus numquam
intellexerit similitudinem cordis
hecticæ cum fomite lucernæ adeò
arctam esse, ut crediderit ille cor-
dis humiditates in hecticis in ignem
verti: sed quod voluerit exprimere
quadam similitudine perseveran-
tiā, & fixionem caloris febrilis
hecticæ consumentis corporis cor-
dis humiditates, per fomitem per-
ustum. Primò quia si ita foret, im-

possibile esset calorem hectici durare sine causa corporea , aut extrinseca fovente, ut ipse refert, cùm statim à membris humanis esset expellendus, ut in antecedente ratione monstravimus.

Secundo, quia Galenus ipse de Differentiis febrium, lib. primo, cap. 7. dividens febres, quæ ephemeræ non sunt, sic retulit: [Sunt autem duæ primæ differentiæ, quæ non obscuram habent specierum discretionem. Nam quædam ex ipsis in putredine humorum accenduntur, quædam verò ipsas solidas occupant animalis partes, atque eas hecticas febres appellantur, vel quoniam firmæ, ac fixæ sunt, quemadmodum habitus, aut quoniam ipsum corporis habitum comprehendenterunt. Sic enim vocare consueverunt solidas partes humidis ex adverso distinguentes.] Etiam lib. prim. citato de Febrium differentiis, cap. 9. exprimens differentiam inter hecticam febrem, quæ in tabem incidit, & aliam, quæ nondum tabida nominatur, inquit: [Dico autem tabem incipere, quando nativus humor, qui in unoquoque dispergitur corpore in spatiis particularum consimilium intermediis, & jam cordis substantia aboleri pericitatur: donec enim pars hujus aliqua reservatur, solum febris hectica existit, nondum etiam tabida. Cùm verò jam res è periculi pervenerit, ut nihil jam ex tali humiditate supersit, tunc exquisitabes existit.] Quod ipse quasi exponendo recensitam sententiam de febre marasmo de decimo libro Methodi medendi ultimo capit. scripsit, dicens: [Quippè cùm extialis horum affectus sit, levissimum quidem errorem tolerat, ac si quis talium est servatus, hinc carnosam portionem marasmus occupaverat. Ipsiis verò solidis siccatis fieri

nequit, ut homo prorsus persaneatur, sed omnino, vel statim eum febris ipsa jugulaverit, vel postquam in eum affectum est translatæ, quem senium ex morbo vocamus. Nam primùm ejusmodi febris propriam partium humiditatem, ex qua nutriuntur, depascit. Hinc vero ad carnosum genus transit, quod circa tum fibrosas, tum membranofas partes solidorum corporum hæret, ita deinde ipsas solidas populatur. Siquidem in singulis simpli- cium, ac primarum, quas vocant, partium (ut in dissectionibus es contemplatus) alia portio substancialia eorum est veluti fibrosa, alia membranosa, alia carnosa. Sicut, exempli causa, cùm vena unicam tunicam habeat, & eam tenuem, licet fibras in ea invenire multas, quæ sint araneosis quibusdam intersitis contextæ, quibus utrisque ipsa propria venæ substantia adnascitur. Hæc alia in aliis partibus, nec ullum commune nomen est nacta. Cæterum docendi causa nihil vetat eam carnosam substantiam voces: vel certè hujus particulæ quandam carnem, quæ in ventriculo quidem sit alia, in jocinore alia. Similiter in arteria, & musculo. Vocatur autem caro tantum ea, quæ in musculo est, reliquarum nullam homines carnem vocant, præterquam admodum pauci. Sed quæ in visceribus, ceu jocinore, renibus, liene, & pulmone visuntur, eas paregchimata (quasi effusiones dixeris) Græci vocant. Quæ in intestinis ventriculo, stomacho, & utero sunt, sine nomine relinquent. Tu tamen de nominibus non laborabis. Illud potius intelligentes singularum particularum substantiarum molem ex tali maximè completam esse natura, quæ utique, ut in sinuosis ulceribus videre licet, & perire, & regenerari potest. At

ve-

verò nec fibrosa, nec nervosa, membranofave natura eandem generationem habere cernimus. Nec fas est ejusmodi singularum partium fibras amaglinis febris liquari, sicuti carnes: quando animal ipsum priusquam hæ prorsus sint siccatae, interemerint.] Ubi quid per partes solidas, & quid per carnosas significetur, planè à Galeno est explicatum, attestans in relatis locis universas absumi à calore febris hæcticæ, quem nec ab ullo corporis humore putrido, neque ab ulla extrinseca causa asservari fatetur, sed ipsum infixum membris primitus humiditates rorales depascere, ut Avicenæ est opinatum sen prima quarti, cap. primo, tract. tertii. Et à rasi trigesimo continentis, cap. primo, tractatus duodecimi. Et cum prædicta consumptio fieri nequeat à calore naturali membro, nisi ab extraneo si hic ab exteriori causa non conservetur, durare non valebit. Et hanc deesse in hæticis deceptus Galen. protervit. Superest ergo aliter fieri non posse, sequendo sua placita, quām ut ille explicuit per fomitis exemplum, in ignem scilicet versis prius ipsis humiditatibus roraliibus, & post has aliis secundis cambio, & glutine, de quibus Avicena primi doctri. 4. meminit, ac posterius partibus, quas carnosas vocant, quæ scilicet implent cavitates substantiæ membranofæ, & fibrofæ membrorum radicalium. Neque aliud Avicena opinasse agens de hætica febre in loco citato patet per ejusdem verba, cum hæticam ellychnio inflammato parem efficit, ut Galenus. Et post parum ante finem illius primi capituli, ut apertius rem explicasset, dixit: [Et causa quidem eadem est quandoque causa febris hæticæ, & quandoque est causa febris ephemerae, secundum

vehementiam febris, & vehementiam mutationis suæ, & debilitatem susceptionis suæ. Sicut ignis, nam ipse obviat lighis secundum duos modos: quorum unus est secundum modum quod calefacit ea, & finiat in eis: & secundus est secundum semitam inflammacionis.] In quibus verbis quantumvis incomptis, & barbaris Avicena expressè assimilat calorem ephemeralium, & inde putridarum quoque calori inducto in ligno ab igne nondum adurente, sed tantum calefaciente ligna, & in calefactione paucante, & hæticæ calorem calori ligni inflammati, quod nos indubie improbabimus, ut audistis.

Tertio Galenus lib. I. de Februm differentiis, cap. 9. testatur hæticæ febris calorem minorem esse, quām synochorum, scribens: [In hæticis autem febris, neque multa occurrit caliditas, pulsusque tanto minores rariores, ac tardiores sunt his, qui febris synochis appellatis existunt, quanto etiam caliditas minor existit.]

Sed hoc accidere febris hæticis incipientibus, si ipsæ fierent per modum à Galeno excogitatum, est impossibile, ut statim probabo, ergo Galeni commentum de essentia hæticæ inane est. Consequentia & antecedens pro majore manifesta sunt. Minor probatur, supposito quodam fundamento omnibus physicis noto, quod si aliqua secunda, aut tertia qualitas indigens dispositionibus primarum qualitatum certi gradus, ut fiat, est inducenda in aliquod passum, quod cum fuerint præviæ dispositiones inductæ, ipsa necessariò inducetur, exempli gratia. Si ut dignatur calor albus, ut duo, est necessarium mistum habere certam portionem ignis, & aeris, & aquæ, ac terræ cum certis proportionibus qualitatum primarum,

*Tertia ratio
contra Galen.*

rum, impossibile erit, cùm hæc adfuerint, colorem illum non induci. Quod etiam contingit formis substantialibus. Si enim, ut flammæ hujus ignis misti, qui à nobis tractatur, forma inducatur, necessarium est tres gradus caloris, & duos sic citatis, exempli gratia, induci, impossibile erit, his inductis in aliquo passo, flammarum non gigni.

Quo jacto cemento, sic colligo rationem adversus Galenum. Si hecticæ calor febrilis est minor quā synochæ, & aliarum febrium putredinarum: ergo sive hectica febris sit flamma incensa in humiditatibus membrorum humanorum, seu calor aliis differens specie ab humano, indigens ad hoc, ut producatur aliquibus dispositionibus inducendis à calore putredinali, seu à calore ephemerae, sive à calore solari, aut alterius cuiusvis rei, impossibile foret synochas febres intensiore calore afficientes ægrotantes, quām hecticæ affligunt, hecticas non fore. Consequentiam probo. Ille intensior calor synochæ, quām hecticæ, non potuit induci, nisi prius remissior æqualis hecticæ induceretur: sed tunc cum hic inductus fuisset, necessariò hectica inducenda foret, ut ex suppositione patuit. Quod enim præretribatur ad hecticæ productionem, puta calor putredinalis tanti gradus jam aderat, ergo consequens, quod intuli, erat verum: sed res non ita habet, sequitur igitur antecedens unde eliciebatur, esse falsum.

*Quedam eva-
sio quam nos-
tra rationi
dari posse in-
cropatur.*

Evadi ratio hæc minimè potest, dicendo, quod desit calori synochi diutina duratio, indeque synochi calor cùm erat æqualis hecticæ, non potuerit producere hecticam. Asseverabit enim, qui hæc dixerit, quod ut hectica fieret, requirat hujus caloris durationem prolixam,

quod illi putrido synochi calor non acciderit, quin quod statim intensior factus sit, quām hecticam deceat à quo abhorrebat hectica. Ac etiam, quod parum post ablatus calor ille in totum fuerit, ægrum intra septimum, aut quartum decimum, aut vigesimum, exempli gratia, liberum linquendo, seu eundem interimendo.

Quod dictum nullius valoris esse, fundamentum jactum in præterita argumentatione manifestè docet. Ibi enim supposui, quod si dispositiones requisitæ ad aliquam formam accidentalem, seu substancialiem essent inducta, forma prærequiriens erat necessariò inducenda, alias possent induci in aquam dispositiones requisitæ ad ignem, & ignis non fieri: quia diceret proterviens, quod non durassent per mensem, aut per tot dies, quot ignis gignendus poscebat. Quam assertionem vanam esse, qui norunt impossibilia, quæ ad illam sequuntur, facile intelligent. De quibus in nostra exacta physica si Deus concederit, agemus.

At si dixisset adversus, ex hoc, quod non sit inducta tanta siccitas in synocha quanta in hectica, ideo hecticam non esse, neque dici calorem febrilem synochi. Improbari consimili ratione præteritæ facile poterit, vertendo argumentum ad hecticam, quæ ex febre putrida transeunte in hecticam genita fuerit, querendo, an calor ille putredæ, qui sufficit facere hecticam exiccando, erat major, quām synochæ, aut minor, aut æqualis. Si majorem dixisset, contrariam Galeno sententiam explicaret. Si minorem, statim objicerem ego, impossibile fuisse minorem calorem potuisse inducere majorem siccitatem, quām major, cùm major prius fuerit æqualis minori, quām

*Alia eva-
sio improbatur.*

in ullum ulteriore gradum ascenderit, & quod necessariò tunc cùm æqualis erat, foret inducturus totam illam siccitatem, quām alias par induxit, & auctus aliquid plus. Si æqualis, notum est, quod æqualem siccitatem erat uterque genitus. Unde nihil quod prodesset, dici potuisset, si evadere argumentum, ut diximus, adversus nitetur. Etiam alia ratione probatur. Non ex hoc, quod hectica majorem siccitatem sibi adjunctam haberet, diceretur hectica: quoniam Galenus in multis locis, præsertim in 2. de Februm differentiis, cap. 9. asseverat hecticam nonnumquām fieri, nulla alia febre antecedente, sed statim à principio hectica existente, quæ multò humidorem corpus sanum, in quem incidisset, inveniret, quām synocha per decem dies, aut plures afflixendo hominem.

*Alia responsio
increpatur.* Non minus præteritis invalida foret alia responsio, quæ tribui posset nostris rationibus, proterviendo, quod ideo hectica non fiat ex synocha, quæ intensior hectica foret, quia non uniformiter calor synochæ illius sit inductus in omnibus partibus humani corporis, & hecticæ sic. Primò, quia falsum supponit, qui ita solvit. Noscimus enim synochas, & synochos, & multas alias febres continuas, & intermittentes, adeò uniformem servare calorem in omnibus corporis partibus, ut impares in hoc hecticis dici non possint. Sic enim accidere Galeni experimento deprehenditur, putà, quod sine dolore, & perceptione caloris febrilis tales ægrotantes sunt. De eorum numero me correptum febre tertiana quandoque fuisse memoror. Certè nisi aliis signis pulsus, & anhelitus, & imbecillitate crurum, cùm exurgere conabar, minimè percipiebam, an febrem, an non, cùm fe-

bris jam vigebat. Nam in augmendo, & principio facile noscebamus, continuò augeri calorem febrilem: sed jam calore in totum aucto, ab eodem non infestabat, ut dixi, sed aliis symptomatibus, quæ recensui, gravabar, neque aliter id fieri posset, nisi quod omnes partes corporis æqualem calorem, durante febre, acquisiverint. Et si enim proximas partes humori putrido (sequendo falsum Galeni dogma) calidiores reddi in principio calefactionis, quām distantiores dicere cogimur, quod omnes æqualiter calefaciat humor putridus cum perseverat calor, ratione, & experimento probatur. Ratione, quia calidiores nituntur sibi proximas in calore similes reddere: quod assequuntur durante febre. Omne enim agens naturale hunc scopum habet, assimilandi passum sibi. Experimento eorum, quæ contingunt intrantibus in balneas, comprobatur. Quia diutius detentis in illis, præsertim in anterioribns domibus, nullum calorem ipsos sentire nescimus, & hic adeò dependet ab aëre, aut aqua calida, ut febris putridæ calor ab humore putrido, ut Galenus credit. Sequendo quoque nostram veram, & insolubilibus argumentis comprobatam opinionem, etiam cùm diutinè arteriæ velociter, & frequenter concutiuntur in relatis febribus putridis, æqualem calorem acquirere supra nativum præexistentem necessariò quoque est fatendum. Dixi supra præexistentem calorem: quia non omnes arteriæ, neque partes corporis æqualiter calidæ in benè habentibus, neque ægrotantibus sunt: quin cordi proximiores esse calidiores, omnibus notum est. Quod Galenus in hoc eodem libro docuit, non longè à principio ejus, & 2. techni, ubi de contra operantiis agit, & in mil-

mille aliis locis. Etiam quamquam hæc uniformitas caloris in putridis febribus non inveniretur (quod falsum est) cogentur adversi fateri, saltem illas partes humani corporis hecticis febribus infestari, quæ calore intensiore quàm hecticarum affectæ fuissent. Consequentia est nota rationibus antecedentibus. Si enim, ut dixi, remissiore calore partes corporis hecticæ pati inceperrunt hecticam: necessariò partes corporis patientis synocham, cùm æqualem calorem hecticæ habuerunt, etiam hecticam habituræ erant, quæ minimè amoveri valuerit per intensiorem calorem additionem: cum medella hecticæ per infigidantia, & non per calefacientia fiat, ut Galeni Methodi de Morbis curandis, libro decimo ostendunt. Deceptus quippè est Galenus in assignandis causis febrium: quia finxit esse calorem febrilem quasi similem substantiæ alicui calidæ, qui spiritus nonnumquam invadit, & humores quandoque, & rarius membra: non animadvertis calorem hunc grassantem in relatas corporis nostri partes necessariò causam ullam, aut subjectum ullum, à quo conservetur, & cui naturalis sit, habiturum, & cum neque membra, neque humores, neque spiritus tam immodicum calorem, ut est febrilis, conservare cupiant: imò destruere illum satagant: supereft aliam caufam à Galen. & ejus sectatoribus indagandam, ut nos in præteritis fecimus, & deinceps in hecticis faciemus. Et quòd Galen. opinatus sit calorem febrilem esse, qualem ipsum finxisse dixi, innumeræ ejus sententiæ probant, inter quas unicam dumtaxat ex primo libro, & capit. prim. de Februm differentiis, adducam, quæ hæc est: [Quæ verò à materia differentiæ sumuntur, in qua hic

calor præter naturam acceditur, maximè propriæ sunt: quia, vel idem calor ipsius cordis corpus occupavit, aut eos, qui in ejus ventriculis continentur humores. Tertia autem est differentia, cum sola aërea substantia sufficienter incaluit, humores autem, & solida corpora calescant quidem adhuc, nondum autem sunt calefacta.]

Quibus rationibus sufficienter esse improbatam opinionem Galeni de essentia febris hecticæ existimo: verum quòd Hugo Senensis, ut superius dixi, alium modum ex cogitavit per quem durasset calor hecticæ absque extrinseca causa asservante illum, hunc exprimere, & improbare decet. Illos enim modos, quos Gentilis, Trusianus Monachus, Dynus, Mundinus, Bertutius, & alii opinati sunt, improbare fusè non placet, sed tantum id, quod obiter improbare necessariò cogimur, quòd illi hypothesi jam à nobis improbatæ innitantur, puta, calorem naturalem, & febrilem differre specie. Qua suppositione falsa existente, supereft cassam esse illorum assertionem.

CAPUT XVII.

In quo, quædam falsa Hugonis Senensis opinio, de febribus hecticis, increpatur.

Hugo quippè Senensis, vir satiris Philosophus, & acris ingenii, ac inter omnes Neotericos physicos primas obtinens, in quædam questione extravagante admodum prolixè tria discutit dubia. Primum est, quæ à medicis nominantur mala, complexio diversa. Titulus enim questionis relatae est: Utrum mala complexio diversa sit in qualibet parte ejus, cuius alteratur complexio. Secundum dubium est: Quæ dicatur à Medicis

mala complexio facta propriè, ad eorum morem loquendo. Tertium est, utrum ea, quæ à Medicis mala complexio siens, aut diversa appellatur, efficiat sensationem, & dolorem in membro, in quo inducit. Duo priora dubia prius quam ullum alium contextum hujus libelli explicem, enodabo: sed ultimum in commenticulo 5. inferius scribendo super eo textu: [Esto igitur.] Et cætera dissolvetur. Et quamquam in explanatione primi dubii fateatur Hugo, Denum de Garbo, & Mundinum mutuò dissentire, ac pugnare, nos ad longum ea, penè quæ dissentiant isti, non explanabimus, sed tantum, quod dignum scribi videtur exponemus. Eritque primò sciendum, quòd cùm Medici loquantur hic de mala complexione facta, aut siente, vel diversa, non de ea, quæ propriè complexio, seu temperatura dicitur, disputent, sed de complexione largo modo. Complexio enim, seu temperatura propriè, qualitas secunda est, evadens ex actione, & passione mutuò dimicantium qualitatum primarum, ut Avicena prima primi cap. de Complexionibus scripsit. Ut enim calor, sapor, odor, & hujusmodi qualitates secundæ sunt, & dicuntur, quia ex diversis proportionibus qualitatum primarum conflantur: sic illa qualitas, quæ complexio dicitur, non est caliditas, aut frigiditas, humiditas, aut siccitas, sed quid distinctum ab his, natum ab his mutuò refractis fieri. Et de hac complexione propriè dicta loquendo, verè dicimus lactucam, & opium esse complexionis frigidæ. Hæc enim, & si actualibus, ac formalibus caloribus sint affecta, devorata tamen, aut extrinsecus apposita hominibus, non operantur (si diutius persistant) caloris effectus, sed

frigoris, ut piper, & euphorbium; & similia quantumvis gelu exponentur, mansa, aut nobis admota non producent frigiditatis effectus, sed caloris. Complexio verò, largè loquendo, non tantum relata nominatur, sed etiam quavis primarum qualitatum, complexio dicitur. Ac non raro physici sic loquentes dicunt, ignem esse calidæ complexionis, & simul siccæ, & aquam esse frigidæ, ac simul humidæ, & febrem esse complexionem calidam, & si nulla horum sint complexio propriè dicta, sed tantum qualitates primæ actuales, seu formales.

De hac ergo complexione largo modo sumpta, queritur in citata quæstione ab Hugone: An ipsa dis temperies caloris, aut frigoris, humiditatis, aut siccitatis, quæ accidit corporibus humanis, sit in qualibet parte illius, cuius præexistens primarum qualitatum proportio corruptitur: per novæ qualitatis qua substantia alterant inductiō nem? Cui in summa per hanc conclusionem respondetur, quòd necessariò mala complexio, quæ inducit, futura est uniformiter, vel difformiter subjectivè in parte, in qua inducit, & si non in gradu ultimo, & æquali ei qualitatì quæ ipsam inducit. Quippè si ab igne, aut sole, vel aliquo medicamento calido deglutito, aut aliquo corporis humore calido, ut duo, exempli gratia, totum corpus, aut ejus aliqua pars calefcit: necessariò in illa parte quæ calefcit calor futurus est uniformiter, vel difformiter genitus, qui calor non æqualis, & tanti gradus erit: ut qui in humore, aut igne, aut alia re producente ipsum. Nam cùm tantus fuisse, cessasset jam inductio caloris, & alterationis motus, & pars non dice tur calefieri, sed calefacta esse.

Habitibus enim præsentibus in materia, cessat motus, ut Aristot. primo de Generatione, text. com. 55. scripsit. Supereft ergo veram esse nostram conclusionem. Porro cum ignis summè calidus producit unum caloris gradum in passum, in quod octo gradus producturus est, verè dicimus, octo gradus producuntur in hoc passum, ut qui iter agunt, mille passus verè transfire dicuntur, cùm partem aliquam miliiaris transegerint, non dixi transfigisse, de præterito, nam ut Physici 3. physicorum referunt: Motus esse dicitur, non cùm nondum fit, neque cùm perfectus, & finitus est, sed in quovis instante continuativo ejus. Ad cuius normam calor induci dicitur, non cùm jam inductus est, neque cùm nedum inducitur, sed cùm pars est inducta, & pars inducenda.

Et quamquam verum sit hoc, quod nuper scripsimus, Mundinus exponendo hunc eundem libellum de Inæquali intemperie, & Dynus de Garbo, testantur, quòd ille gradus caloris, aut frigoris, humiditatis, aut siccitatis, qui producitur ab aliquo agente in aliquod passum resistens, sive sit gradus ille omnino similis producenti, qui jam inductus, & non quòd inducatur, propriè dicetur, sive remissior, pendebit ipse in esse, & conservari à causa producente, aut conservante; & quòd dicendus sit fieri, & non factus. Exempli gratia. Si humor putrescens calidus, ut tria calefacit partem corporis humani, in qua ipse includitur, calore unius gradus, & duorum, & trium successivè per horæ spatium, credunt relati authores, quòd in toto horæ spatio quivis gradus illius caloris, qui inducitur, sic pendeat in esse, & conservari ab humore putrescente quòd si ipse humor abef-

set, calor statim, & subito corrumpetur. Atque etiam si tres caloris gradus essent producti in ulla parte corporis humani, quibus jam omnino assimilavisset in calore humor putridus partem hominis, quam alterabat: ille trium graduum calor adeò dependens ab humore esset, ut alii gradus inferiores. Si enim humor à corpore educeretur, calorem subito defuturum credidit.

Opinati non sunt isti, quòd qualitates, quæ ab extrinseco agente producuntur in passum resistens, ita dependeant inesse, & conservari à causa producente, ut species ab objecto, aut lumen à luce, & tandem, ut creatura à creatore. Et cùm eis objicitur, quòd experiamur, aquam resistentem calefactio- ni, calorem suscipere ab igne: & quod absente igne, adhuc calor duret, & percipiatur in aqua, ut dicta defendant, consitentur, ali- quid ignis inclusum in aqua manere, toto tempore, quo aqua ca- lida percipitur: & quòd cùm jam frigida sentitur, nihil ignis perma- neat, & duret in aqua. Per quam normam respondent objectioni, quæ eis opponitur de calore manente post humorem corruptum expulsum à corpore, quem calorem frigidis medicamentis extirpamus, observantes methodum Galeni 3. techni. Unamquamque causam ex- cernere prius oportere, ac deinde venire ad eam, quæ remansit, dis- crasiam. Inquit enim Dynus, quòd minimè posset calor permanere, nisi aliquid humoris inclusum in cor remansisset. Hoc ita esse qui- busdam sententiis Galeni in hoc li- bello de Inæquali intemperie, cap. 4. roborat. Et Avicenæ 2. primi doctrina 2. cap. de Causis doloris, ubi loquendo de mala complexio- ne facta, inquit authoritate Hippo-

*Quid Dinus,
et Mundinus
crediderint e-
se inæquali-
tem intemperiem.*

eratis: [Ista enim dolorem non efficit, quoniam ipsa non sentitur, oportet enim, ut sentiens, ab illo quod sentitur, patiatur: res namque non patitur propter dispositionem mansivam, quæ ipsam non mutat, imò non patitur nisi propter contrarium adveniens, quod mutat ipsam ad illud, quod non erat.] Quibus authoritatibus innitens Dynus, ac Mundinus, ut non confiteantur notam veritatem, putà calorem febris putridæ in totum æqualem caloris humoris putrescentis non sentiri à febriente, ut non sentitur: quia contrarium Galenus in hoc libro de Inæquali intemperie, & Avicena perperam loco supra citato dixere, negant illum calorem factum dici posse. Quia calorem factum, id est, independentem à causa extrinseca crediderint ipsi, solum non efficere dolorem, & quasvis alias qualitates sic.

*Intraperantur
in dubitis ar-
gumentis phy-
sici credentes
aque non diu-
nius permane-
re calidam,
quam ignis
inclusus in ea
durat.*

Horum authorum decretum cùm animadverto, mecum altè, ac profundè cogito, quām intimè hæreat omnium addiscentium mentibus quicquid audierint, aut legerint, fuisse assertum ab aliquo gravi doctore. Nempe quia Dynus, & Mundinus legerant, quæ retuli ex Galeno, & Avicena, quāmquam frequentissimi eventus, quos ipsi necessariò quotidiè experiebantur, ostenderent falsum esse placitum Galeni, & Avicenæ, malebant cum illis mentiri, quām eam, quæ ab his excerpterant falsam doctrinam, linquere. Et quamquam adversus hos authores, qui sensum negant, non esset disputandum, ut Aristot. inquit, (Satis enim eventus arguant ipsos mendaces esse) ut tamen veritas adhuc illustrior appareat, quibusdam rationibus probabo, impossibile esse, calorem, aut frigus, aut aliquam qualitatem primam sic

Tom. II.

pendere inesse à causa extrinseca, cùm in subiecto resistente inducta fuerit, ut subitò necessariò illa esse desinat, si causa inducens corruptitur, aut absens fiat. Primo, quia sequeretur, quod si aliquis ignis produxisset aliquem calorem in aquam, quod si idem ignis afferretur ab aqua, & si alius ignis qualis prior successisset in eodem loco, in quo ille fuit, quod impossibile esset, aquam illam non amittere subitò calorem inductum à priore igne, & frigidam manere, donec noviter admotus ignis alium calorem produxisset. Consequentia est nota. Nam si calor aquæ pendebat inesse, & conservari à primo igne, impossibile foret ab alio, quām ab hoc astervari. Quia enim species coloris pendet inesse, & conservari à tali colore inhærente tali subiecto, ideo absente illo colore, statim corruptitur. Si enim ego vidissem colorem album, quo affectus est paries per speciem inductam ab illo colore in meo oculo, nullo modo species illa coloris conservaretur in meo oculo; et si simul cùm abesset color albus, aliis ejusdem gradus albedinis adesset eidem loco. Quia sequeretur, quod notitia intuitiva esset fallax, & deceptoria, & sic nihil ut certum affirmari posset. Consequentia patet. Nam si eadem species mansisset absente colore albo productore, ut præsente, sicut prius noscebamus, colorem primum album, sic & nunc eundem novissem. Et ut prius verè affirmare poteram illum à me videri, sic & nunc idem testarer: sed hoc testando mentiebar, quia aliis esset color, & non prior, ergo consequens illatum sequitur: sed illud est falsum, ergo antecedens ex quo sequitur, putà, pendere calorem in esse, & conservari à suo productore, & quod possit conservari, &

N 2

du-

durare, quia loco illius caloris ignis producentis calorem in aquam, succedat aliis ignis immistus aquæ, qui conservet calorem ejusdem.

Secundò sequeretur, quod si alicui parvo vase fictili, aut æneo aquæ pleno, submitteretur ingens copia materiae ignitæ, qua aqua calefacta præ nimio calore exureret: si aqua illa auferretur ab illo igne, statim in remissum valde calorem esset reducenda. Cujus contrarium experimur, durare scilicet ardorem aquæ ablatae ab igne per satis diutinum tempus. Sed illationibus bonitas patet ex confessis ab adverso. Fatetur enim, quod aqua manens calida, absente igne calefaciente, talis perseveret, quia calor ejus conservatur ab igne latente in aqua, & quod successivè remittatur caliditas, prout successivè corruptitur ignis ille inclusus. Ergo, servata illa norma, si esse caloris aquæ antequam abesset ab ea ignis ex materiis ardentibus conflatus, pendebat ab eodem, & ab aliis exiguis portionibus inclusis in parvo vase aquæ, cum jam abest totus ignis factus ex materiis, qui multò majorem proportionem habet ad exiguum inclusum in vase, quam ipse incensus ad seipsum jam fermè extinctum. Sequeretur quod ut cum aqua parum calida, ipso fermè extinto, percipitur, ita necessario etiam aqua fermè frigida reddenda erat, statim ut ignis ex materiis factus abesset: quod, ut prædixi, non experimur. Item absurdum est dicere aquam calidam esse, ob pauxillum flammeum ignem in ejus porositatibus latentem: & quod eadem aqua calens super irrorata ingenti flammæ. Valeat illam extinguere, nam aqua potens extinguere ingentem flammatam simul aggregatam. Necessario potenter erit, ad extinguendum parvam

divisam, & in sui ipsius porositates distributam

Latebat enim Mundinum natura qualitatum, quæ pendet in esse, & conservari à suis productoribus, ideò tam enormiter aberravit. Si enim scivisset, quod omnibus peritis physicis notum est, qualitates omnes, quarum esse pendet à genitoribus particularibus, sine resistentia, & subito induci in passa suscipientia, ut lux à luminoso, species coloris à colore, occulta qualitas producta à magnete in ferrum, & aliae innumeræ, alias verò habentes esse proprium sine peculiari conservante, successivè produci: ut calor, frigiditas, humiditas, & sic citas, atque omnes secundæ qualitates ex his primis conflatae. Facile intelligeret, febrilem calorem, aut quemvis alium non dici dependentem in esse particulari à peculiari causa ulla, sed proprium esse habere. Calor enim si non asservatur absente causa producente, id contingit illi propter frigiditatem cum qua compatitur, adjutam ab aqua, vel à forma humana, aut alia forma, cui tam immodicus calor conveniens est, & non quia indigat conservatore peculiari: ipse enim si non corrupteretur ab alia qualitate sibi contraria: perpetuò duraret, & si abesset ignis producens illum. Alias etiam rationes adducere possem adversus hunc authorem, querendo scilicet ab eo, an opinetur qualitates contrarias eidem subjecto adæquato simul inesse posse, aut non. Si primum confessus fuerit, iterum quererem an in gradibus intensis simul contraria possint compati, an neesse sit (quod verum est) ex ambabus summam latitudinem esse completam. Si confiteatur simul in aqua esse summum calorem, & summam frigiditatem: sequeretur impossibile

le aquam corrumpi per ignis calefactionem. Consequentia probatur. Quia nullum ens corrumpitur, nisi quia abjiciuntur ab eodem dispositiones, quibus conservatur. Et cum ipse fateatur non esse ejectam summam frigiditatem, qua aqua conservatur, supereft minimè ipsam aquam corrumpendam fore. At si non intensam frigiditatem sed remissam cum calore illo eximio aquæ ferventis manere dicat Dynus, necessariò afferere debet, quod ideo illi gradus frigiditatis summæ corrupti sint, quia alii caloris inducabantur ab igne: & non propter absentiam aquæ conservantis, cum ipsa adsit: undè etiam pari ratione sequeretur, quod cum ignis abest ab aqua calefacta, non ob id calor corrumpatur, quia ignis absit, sed quia aqua cum pauxillo illo gradu frigiditatis valens erat corrumpere calorem quantumvis intenſum: quia major esset activitas illius parvi gradus frigiditatis adjuti ab aqua, quam caloris intensi non adjuti ab igne. Sed si dixisset calorem aquæ ferventis non compati cum ullo gradu frigiditatis, quia contrariae qualitates in nullo gradu se admittant, sed quod ad moto igne aquæ statim aqua incipiat amittere frigiditatem, & omni abjecta, mox incipiat aqua calere ab igne, statim objiciam sibi aliud argumentum antecedenti simile, scilicet, si aqua amisit frigiditatem propter actionem ignis, & non propter absentiam aquæ. Etiam calorem aquæ amitti propter actionem aquæ, & non propter absentiam ignis. Et quamquam, ut supra dixi, has, & multas alias rationes adducere possem ad improbandam falsam opinionem Dyni, ulterius progredi non placet, quia relata sufficere existimo, ac ut ad examinanda cætera, quæ supersunt, pergam.

Est ergo ut indubitatum rationibus adductis habendum, malæ complexionis fientis partem aliquam factam esse, & aliam futuram fore, illiusque factum habere proprium esse, minimeque pendens ab alterante, quod durasset, si à subjecto, cui inest, vel ab alia causa non corrumperetur. Quippe si in aquam inducendi forent tres caloris gradus, cum unus est inductus, ille factus diceretur, suumque esse non penderet à calefaciente, ut lux dicatur pendere à luminoso, quin si gradus ille productus valeret resistere corruptioni, quam procurat aqua, hic solus gradus caloris sine calefaciente perpetuo durasset. Utrum autem hic gradus caloris inductus, qui pars fientis est, sentiatur, an non sentiatur à subjecto, cui inest, in tertio articulo hujus quæficationis examinabitur, Deo dante.

Ad discutiendum ergo secundum ex tribus dubiis accedendo, dico, quod mala complexio facta Medicorum more loquendo duplice ratione talis esse afferitur. Una, quia nativa est subjecto, cui inest, quamquam ipsum subjectum asservare nititur, ut frigiditas aquæ, & caliditas ignis. Et hanc propriè factam vocant Medici. Alia quia, & si facta sit, & in esse producta, tamen disconveniens, est subjecto, cui inest, à quo corrumperetur, dum non esset extrinsecum agens, quod simul cum ea resisteret corruptioni, ut caliditas in aqua, & siccitas in aere, quæ absente calefaciente, & exiccante, successivè remitterentur, & evanescerent: ut dixi, & hanc factam largo modo nominant.

Qua distinctione supposita, inquiunt præfacti Medici, hecticarum calorem factum propriè, & primo modo dici. Hunc enim adeò nativum membris viventium esse revertuntur,

*Sententia, &
responſo ad u-
num ex duo-
bus queſitis in
queſtione Ha-
gonis de ina-
quali intem-
perie.*

*Dubium 2. ex-
plicatur, &
ſolvitur ſe-
quēdo opinio-
nes aliquorū
Neotericorū.*

tur, ut ab eisdem corrumpi non procuretur. Putridarum autem, aut ephemeralium calorem membris humanis inductum, factum largo modo esse referunt, quod hominis membra ipsum corrumpere conantur. Sed cur hunc membra non admittant, illum sic, diversi diverso modo explicant. Ille de Garbo doctor super lib. primò de Februm differentiis, putat causam fixionis febris hecticæ esse dispositionem subiecti nobis ignotam, quod Hugonis minimè placet. Nam in eventibus, ubi causa immediata non est proprietas aliqua naturalis, imperitiæ tribuendum est, ad eam recurrere, multis aliis mediis causis existentibus, quas explanare tenemur. Alios Hugo Senensis non explicat modos Gentilis, Trusiani, ac aliorum Medicorum, quos ego etiam omitto, ut opinionem Hugonis de hoc dubio exponam.

*Hugonis de-
cretum expri-
mitur.*

Opinatus quippe ipse est, quod cum complexio propriè dicta, sit qualitas secunda resultans ex actione, & passione qualitatum primarum, nata variari non ad quamcumque variationem primarum qualitatum elementorum, sed ad insignem, quod prout hæc diversa est ab alia, sic diversas qualitates primas poscit ad sui conservacionem. Februm enim frigiditatem actualem poscere noscimus, inquit, quia nisi igni, aut ardenti soli exponitur, semper frigidum esse percipitur. Ut lanam, linum, poma odorata, & mille alia semper calida tangimus, nisi à rigente aëre, vel alia re infrigidante, frigida hæc redduntur. Ad quam normam temperatum hominem juvenem calorem trium graduum, exempli gratia, poscere dicit: & senem minorem, & decrepitum multò minorem, quod in discursu horum temporum insigniter varientur propor-

tiones qualitatum primarum elementorum, ac inde complexiones relatae aliæ fiunt. Etiam biliosum juvenem ob id poscere intensiorem calorem, quam pituitosum, aut melancholicum, quod diversæ temperaturæ, sive complexiones horum hominum sint, testatur. Hos ergo caloris, aut frigiditatis, humiditatis, aut siccitatis gradus, quos poscit quilibet complexio, factos propriè dicendos affirmat, quod ii non dependeant ab extrinseca causa producente, sed subjecto, cui insunt, nativi sint.

Hecticam ergo ideo malam complexioneum propriè factam esse affirmat Hugo Senensis: non quod intensior, quam putridæ calor ipsa sit, nam oppositum sèpè accidere ipse fatetur, & impertinens illi esse intensorem, aut remissiorem calorem contendit: sed quia corrupta sit complexio nativa ægrotantis poscens, exempli gratia, ad sui optimam conservationem duos gradus caloris actualis, & non plures, & producta loco corruptæ, sit alia poscens quatuor caloris actualis gradus, qui hectica febris dicuntur, minimè indigens extrinseco conservatore, quod complexio illius febrentis illos quatuor caloris gradus conservet: qui si per admotionem rei frigidæ forte remittuntur, absente infrigidante, statim frigiditas inducita à complexione illa corrumpitur, & calor febrilis in quatuor præexistentes gradus intenditur.

Atque ut expressius mens relati Authoris percipiatur, portionem quandam literæ quæstionis hujus transcribere decerno. Nam antecedentia non ad literam sunt transcripta, sed sententiæ tantum sunt explicatae. Dicit ergo sic: [In summa igitur dico, quod complexio, vel qualitas prima sit fixa in mixto, quia acquiritur subjecto suo comple-

*Hugonis ver-
ba transcribu-
tur in presen-
tiarum.*

plexio, quæ est qualitas secunda, faciens ullam mensuram qualitatis primæ conservari, quia inclinat ad talem mensuram, & est fiens quamdiu est in subjecto, quod meritò complexionis, quæ est qualitas secunda, inclinatur ad retinendum gradum illius qualitatis, & non ad majorem. Hoc verum esse probo, supponendo quòd solum tunc est mala complexio mansiva, cum corrupta est complexio principalis membra: & illa complexio mansiva est facta sicut principalis. Ista suppositio est Avicenæ ad literam secunda primi cap. de Causis doloris absolutè, sic dicentis: Malitia autem complexionis mansivæ nullo modo efficit dolorem, neque sentitur. Et assignando causam, subdit. Veluti si complexio mala: quia jam est in substantia membrorum mansiva corrumpit complexionem principalem: & facta est, ac si ipsa esset principalis, quia est mansiva. Ideò apud Avicenam sequitur, quòd corrumpit complexionem principalem, & ipsa est facta sicut principalis. Et hoc quidem intendit Avicena prima quarti cap. de Signis hecticæ, cùm dixit: Et est habens ægritudinem non vehementer discernentem illud quod in eo est de calore: quandoque est facta complexio membro conveniens. Constat enim quòd non est magis conveniens, quā putrida, vel ephemera respectu vitæ, vel perficendarum operationum: sed dicitur membro conveniens, quia proportionata principali complexioni membra, quæ est qualitas secunda, acquisita illi membro, & requirens tantum actualem calorem cum proportionata mensura sanguinis, & spirituum. Nec video aliam expositionem illi loco convenientem. Et ad hunc sensum dicit Avicena sexto naturalium, cap. de Tactu, quòd

complexiones malæ non sentiuntur, quandò per eas corruptæ sunt naturales, & ipsæ factæ sunt quasi naturales. Ubi sic inquit: Complexiones enim malæ conquiescent, postquam corrumpunt complexiones naturales: ita quòd hæ manifestæ factæ sunt quasi naturales, non sentiuntur. Et propter hoc non sentitur calor hecticorum, quamvis multò fortior sit, quā calor tertianorum. Sed si naturales habuerint adhuc esse, illæ extraneæ, quæ adversantur, sentiuntur. Et simile huic vult Averrois tertio colliget, cap. de Causis accidentium sensus tactus, cùm vult, quòd mala complexio diversa sentitur per remotionem bonæ complexionis, quæ est in membro. Sed mala complexio facta non sentitur, quia bona complexio in illo membro est corrupta.] Et ulterius procedendo Hugo, dixit: [Suppono secundò, quòd solum tunc est mala complexio diversa, vel fiens, quando talis qualitas, quæ est mala complexio, est in subjecto, in quo est bona complexio fixa illi contraria. Hæc suppositio patet ex Avicena 2. primi cap. allegato sèpè, de Causis doloris, ubi sic dixit: Per malitiam autem complexionis diversæ intelligimus: ut membra in sui substantia complexionem habeant mansivam, deinde adveniat eis complexio extranea huic contraria, ita ut fiat plus calida, aut frigida quā erat. Et idem potest colligi ex authoritatibus statim allegatis de differentia diversæ, & mansivæ complexionis. Ex his facilè probatur conclusio. In mala complexione æquali est corrupta complexio principalis illius membra, & cum mala complexione diversa non est corrupta, immò remanet: & ista duo non possunt verificari, nisi loquendo de complexione, quæ est qualitas

tas secunda , quod sit corrupta , quando est mala complexio fixa , vel mansiva , & quod non est corrupta , quando est mala complexio fiens : igitur malam complexionem , ut caliditatem dicimus diversam fixam , quia corrupta est complexio , quæ est qualitas secunda , quæ inclinabat ad illius caliditatis corruptionem , & genita est complexio , quæ est qualitas secunda alia ab illa priori , quæ inclinat ad ejus conservationem . Et tunc dicimus esse malam complexionem fientem , quando talis qualitas secunda inclinans ad ejus fientis corruptionem , non est corrupta , imo est illi fienti effectivè , & virtualiter contraria , quod fuit probandum . Quod hoc non potest salvari nisi modo dicto probatur : quia si per tales complexionem , quæ corrupta dicitur , quando mala complexio est facta intelligeremus qualitatem primam , vel aggregatum primarum qualitatum : tunc cum utraque mala complexione oporteret dicere esse corruptam bonam complexionem aliquo istorum modorum . Aut dicimus corruptam , quia remissam in gradu , ita quod aliqua pars ejus est deperdita : & hoc modo est corrupta complexio in utraque : tam enim propter mala complexionem diversam , quam propter æqualem , vel fixam est gradus aliquis precedentis qualitatis contrariæ remissus , aut corruptus , & sic totius aggregati ex omnibus primis . Aut dicimus tunc solum esse corruptam , quando formaliter complexio secundum suam quamlibet partem corrupta est . Et hoc modo neque in manifesta complexione facta , neque in fiente est corrupta complexio præexistens : sumendo complexionem pro qualitatibus primis , vel aggregato ex eis . Constat enim , quod in hec tico est aliquid pristi-

næ caliditatis , & pristinæ frigiditatis . Et similiter in tertianario , cum nullus istorum habeat in summo aliquam primam qualitatem . Aut tertio intelligimus aliquam bonam complexionem esse corruptam , quando definit esse bona , & sufficiens ad operationes perficiendas , & tunc etiam in utraque mala complexione esset corruptio , quia utraque non sufficit ad operationes sanctorum perficiendas . Aut quarto dicitur corrupta complexio præexistens , quia facta inconvenies , & incompossibilis vitæ . Et hoc modo non esset corrupta in mala complexione facta , neque in fiente : quia utraque stat cum vita . Cum igitur non videatur aliis modis secundum quem debeamus intelligere complexionem præexistentem , remanere in mala complexione fiente , & eam esse corruptam in mala complexione facta , sequitur quod hæc nullo modo salvari possunt , nisi intelligendo de complexione , quæ est qualitas secunda , merito cuius conveniens est membro hæc , vel illa qualitatis primæ mensura . Et hoc intendebam probare . Et hoc modò responsum sit ad primam difficultatem .] In manib[us] Hugo Senensis palam præfactis verbis docet idem , quod nos paucioribus expressimus . Placuit tamen ejus verba referre , ut omnes videant , quod non immerito ego conqueror hujus pessimi scriptorum moris , qui , ut quadrent cum aliquorum authorum verbis suam expositionem , mille commentantur figmenta , quæ vera an falsa sint , examini subjicere despiciunt , cum id in primis agendum ab eidem esset . Certè si vera faterentur Galenus , & Avicena non indocte ab Hugone per suam expositionem explicabantur , at cum falsum dogma ipsi protulerint , non erat , ut quid

quid conaretur id exponere: satius enim egisset, si quomodo confutetur, explicuisset, quod nos exequimur.

Primitus supponendo quoddam axioma physicis omnibus notum, omnia mixta citra ullius extrinseci agentis operationem ab ortu usque ad interitum semper tendere in corruptionem, propter mutuam elementorum pugnam: ut qui elementa manere formaliter in mixtis opinantur, dicunt: aut propter diversitatem temperaturarum diversarum partium constituentium eadem, ut qui elementa virtualiter tantum concurrere ad mixtionem, & si falsum sit, credunt. Hoc nulla alia ratione in praesens probo, quam experimento, differens hoc ut alia, quoisque nostra exacta, & clara philosophia excudatur. Qui enim aliquid de re physica sapiunt, & eventus observant, facile intelligunt, nulla mixta quantumvis æterna à vulgo habeantur, ut aurum, & adamas, non senescere, & à suo primo ortu in interitum tendere.

Secundò supponendo, cum mixta in corruptionem vergunt per mutuam elementorum pugnam semper magis, ac magis terrestria fieri, hoc est dictu, minus, ac minus participia elementis calefacientibus, & humectantibus. Quod ultra experimentum ratio satis manifesta probat. Impossibile enim erat concurrentibus ad mixtionem, terra, & aqua, elementa adeò compacta, & solida, & aëre, ac igne elementa adeò rara, & passibilia, quæ omnia mutuò dimitant, hæc non priùs vinci, quam illa, maximè quod in omnibus mixtis præter flammarum (non enim purus ignis ipsa est) supereminat portio terrea, & aquæ aëream, & igneam, ut mixtorum gravitas probat. Nam si aliqua magis aërea, & ignea fieri cernuntur,

ut fructus immaturi, qui maturantes multò se leviores, paritate in magnitudine servata, & molliores, & dulciores, quam priùs gustantur. Quo manifestè deprehenditur eorundem aërearum, & ignearum portio magis aucta. Nobis hoc minimè adversatur. Nos enim dicere impresens possumus non loqui de mixtis nondum perfectis, & coctis, qui ulterius concoquuntur, quibus nimis quod accidat per ulteriore fuctum, quem ex arbore, aut planta sugunt, dulcescere, & leviora fieri: quia partes multò magis aëreas, & igneas cum dulcia vertuntur, sugunt, quam priùs. Poma enim, & pyræ, & uvæ, & alii fructus proximi ortui, non nisi quoddam mixtum simile foetui animalis, qui in utero fabricari incepit sunt: cum tantum cuti, & membranis, & nervis, ac ossibus foetus constat, vasis illius nullo, aut exiguo humore repletis. Natura enim priùs partes solidiores, quæ terrestriores necessariò sunt, effingit in quovis mixto animato, ac postea succis, sanguine scilicet in animalibus sanguineis, aut aliis humiditatibus huic proportionalibus in aliis animalibus, & plantis, vasa, & cavitates animalium, & plantarum replet. Quæ humiditates multò magis aëreas, & igneas sunt, quam prius formatæ partes erant, ideoque succo copioso, & dulciore matura, quam immatura redundant, magisque aërea sunt. Verum, ut dixi, de his, quæ nondum sunt perfecta, sed imperfectionem acquirendam per novarum partium admotionem tendunt, non est nostra assertio. Sed de illis tantum mixtis, quæ nequam possunt fieri majora, aut maturiora per ulteriore partium aërearum ab extrinseco adjunctionem. De his sat dixisse reor, quod locus hic idoneus non est, ut

hæc ad unguem explicentur : & quod prædicta non omnino perspicua sint , nam ex dictis collegi posset , foetum trimestrem terrestriorem non esse , se bimestri , & bimestrem minus aëreum non esse se unius mensis. Quod falsum esse aliqui crederent , etiam quia inumeros fructus maturescere , & dulces fieri: postquam ab arboribus excerpuntur , noscimus , & ipsos seniores tunc esse indubitatum est , quo nullius valoris esse ratio , qua physici probant uvas magis aëreas esse , quam omphacium , videtur. Sed perpetuum manere omnia mista ab initio sui ortus usque in finem terrestria esse , non tantum quæ in lucem prodita sunt , verum & quæ in utero gestantur , ut hæc secunda suppositio dicebat , apparet.

*Improbatur
Hugonis opini-
o sufficien-
tibus argu-
mentis.*

His duobus fundamentis jactis , facile Hugonis fictio confutatur. Si enim impossibile est ab ortu cuiuscumvis misti jam perfecti , & consummati usque in interitum , ipsum terrestrius , ac terrestrius non fieri , ut secundum fundamentum afferuit , impossibile quoque erit , mistum frigidius , ac frigidius per discursum ætatis , quovis febrili calore invadente , aut non invadente , non reddi. Porro si complexio , quæ est qualitas secunda resultans ex actione , & passione primatum qualitatum elementorum variatur , ut ille testatur , prout elementorum proportio notabiliter mutatur , cum à generatione usque in interitum semper elementa calida evanescant , & à mistione exhalent , & frigida magis , ac magis vincant , & dominentur: necessariò complexio inde resultans poscere , ac appetere debet pro sui conservatione remissiorem , ac remissiorem caliditatis gradum , indeque impossibile erit , quod Hugo singit , per præsentiam caloris febrilis , aut solaris corrum-

pi temperiem , seu complexionem poscentem ad sui conservationem caliditatem remissiorem , & gigni aliam poscentem caliditatem febrem hectici intensiorem. Si enim illud factibile esset , etiam ex juveneri infans fieri posset , & ex sene juvenis , & ætates retrocedere valerent , & tandem viventia , & non viventia perpetua fieri , esset possibile. Consequentia facile deducitur. Si mista possunt per morbificam causam acquirere complexionem poscentem pro sui conservatione intensiorem gradum caloris , quam ante : à fortiori sine ea idem assenti poterunt. Ulteriusque si intensiorem caloris gradum sibi naturalem adipisci valent mista , quam cum proximiora ortui sunt , ergo aliquando post ortum elementa calidiora superare elementa frigidiora plusquam ortui proxima possibile esset , quod est contra secundam hypothesim , & veritatem passim expertam : sed hoc , ut dixi , est notoriè falsum , ergo antecedens ex quo hæc impossibilia sequuntur , falsum erit , & illud est Hugonis assertio , restat ergo illam falsam esse.

Secundò argumentor. Si per calorem solarem , aut febrilem putridæ , aut ephemerae , valet in homine proportio elementorum constituentium ipsum taliter variari , ut elementa ignea incipiunt plus dominari elementis calidis , quam prius , ergo membra humana , quæ per ustionem factam ab igne , adeò calent , ut contracta , ac convulsa manere cernantur , necessariò hectica febre laborare , deinde semper deberent. Consequentia patet. Quia si per intensionem caloris solaris , aut ephemerae febrim hecticam gigni confitetur Hugo Senens. ut Galen. sectator , à fortiori ab igneo magis ardenti proportio elementorum

rum illius membra usti, ac sua complexio in calidorem vertenda foret, & inde intensiorem caloris gradum ad sui conservationem poscere debebat, quam prius, & hectico calore vexanda esset pars illa, tandi quod vixisset, sed hoc consequens est absurdum, quod membra usta exanguia, & fermè frigida cum sanescunt: conspicuntur, ergo antecedens ex quo sequitur, falso erit.

Evadi enim ratio haec non potest, calumniando, quod est adeò immodicus calor ignis, ut humani corporis elementa non tantum plus justo calefaciat, ut hecticus calor, verum ulterius adurens adeò excitet, ac resolvat elementa calida, & humida, ut membrum contractum linquat, et si vita illud non privet. Ac quod inde non est aptus gignere hecticam, quod ipsa non poscat adeò intensem calorem, ut febrilis est, quamquam marasmum efficiat. Quod enim his nihil vitetur, facile probatur ex hoc, quod ille immodicus calor ignis, qui membrum in marasmum induxit, prius fuit remissior, & aequalis calori solari, aut ephemerae hecticam producenti, ubi hectica necessario gignenda tunc erat, si ulterius non processisset ustio, quod nulli hominis membro igni admoto accidere observamus. Quis enim unquam expertus est per admotionem manus, aut cruris, aut digitii, seu cuiusvis alterius membra igni, complexionem illius membra corrupti, & gigni aliam poscentem deinde per totam vitam ad sui conservationem intensiorem gradum caloris actualis: quam prius? Nullus certè. Qui enim aufugisset etiam hanc rationem, negando calorem illum dici posse hecticum, quia non sit febrilis: cuius origo prima necessario futura erat in corde, quod relato

calori membra humani non accidit: neque hoc vim rationis nostræ diluit, quia nos non de nominibus disputamus, sed de rebus. Quippe nihil aliud probare per relatam rationem volumus, quam quod per admotionem alicujus membra humani igni, non posset corrupti complexio illius membra, quae est qualitas secunda, & gigni alia poscens intensiorem caloris actualis gradum, quam prior: sive ille calor sit hectica nominandus, seu non: quod, ut dixi, nullus id experitur. Nempe membra particularia immodicè calefacta ab igne, vel sole, aut alia re, quamvis non urantur, & ulcus ex ustione patientur, & quae uruntur, post absentiam calefientis, aut ulceris curationem, non calidiora, quam prius percipiuntur, quod eisdem eventurum erat, si complexio mutaretur, ut hecticorum. Et quia id fieri non posse, ratione probavimus: & relato experimento quoque, supereft placitum Hugonis esse sufficienter improbatum.

Qui enim hanc penè ultimam rationem cavillaretur, afferendo ideò particularis membra calorem immodicum non percipi, & si corrupta sit præexistens complexio, & alia genita, quia cordis, & aliorum membrorum temperatus calor reprimere intensiorem membra potest, adeò futile inquiet, ut antecedentes calumniatores. Nam cum experiamur continentis nos aëris brumalis frigiditatem, non posse remittere calorem febrilem hecticorum, & ad temperamentum reducere (in bruma enim hecticos tactos ardore sentimus, ut in vere) certi futuri sumus, multò minus à temperato hominis calore corrindos fore, & quod calor eorum sit remittendus. Quod enim contrarium efficere non valet, re-

*Alia evasione
diluitur.*

missum minimè assequi poterit. Verum, ut hæc evasio quamvis fatis confutata minoris adhuc mane, at vigoris, & apertius Hugonis decretum improbetur, rationem sequentem propono. Sequeretur scilicet, si vera Hugonis opinio foret, nullam partem corporis humani posse vi nostri caloris exhalare, & corrumpi, quin prius in hecticam illa pars incidisset, consequentia est nota, si enim calor ille noster valet corrumpere partem aliquam ex nostris: necessario intensior futurus erit, quam hecticus calor cum quo vita adhuc perdurare experimur: unde manifestè elicitur: quod cum erat æqualis hecticæ hecticam erat producturus. Sed hoc consequens est absurdum, quod omnes nostri corporis partes paulatim, ac paulatim diffentur, & ex alimentis restituuntur, ergo antecedens ex quo sequitur.

*Objec^{tio} que-
dam contra
2. suppositum
improbatur.*

Jam nobis ultimo objici potest contra secundum fundamentum cui nostræ rationes innituntur, quod si illud verum esset, & mista jam perfecta non posset per præsentiam caloris, aut ætatis reddi magis calida, quam proxima ortui, ut in relata secunda suppositione ego sum testatus, sequeretur calcem ustam non esse calidiorem seipsa cruda, & hominis ventriculum, aut cerebrum non posse in juventute calidius esse, quam in pueritia, cuius contrarium innumeri experiuntur. Novi enim aliquos senes testantes se calidius caput habere, quam in juventute.

Sed huic argumentationi, quæ diversa objicit, unum de calce usta collata sive non usta, & aliud de homine juvene collato sibi puer, & seni, diverso modo respondere cogor. Argumento primo quippe respondeo, negando, quod calx usta seipsa calidior verè & propriè

dicatur: quia usta non ejusdem speciei cum non usta est, plusquam carbo & lignum viride. Et ut impropriè quis dixisset, carbo hic calidior est seipso ligno, cum jam ligni forma sit amissa, & prunæ forma sit inducta: sic neque rectè dicitur calx cruda, quæ lapideum mistum est, & diversam substantiale formam habet, quam usta, quod minus calida sit, quam ipsa eadem usta, nam ipsa non eadem nec ejusdem speciei est. Nos enim non negamus, corrupto aliquo mixto, sive per putrefactionem, seu per ustionem, aut alio quovis modo, ex eo posse aliud calidius gigni: sed quod in nostra secunda suppositione testamur, est, idem mistum manens incorruptum, & servans eandem in speciei substantiale formam, non posse calidiorem temperaturam acquirere, quam in antecedenti ætate habebat.

Aliud de peculiari re accidente nonnullis hominibus, qui per ætatis discursum ventrem, aut cerebrum calidius se habere, quam prius percipiuntur faciliter dissolvitur, negando hoc illis accidere, quia complexio relatarum partium, quæ est qualitas secunda varietur, quod poscat ad sui conservationem intensiorem caloris actualis gradum, quam prius, sed quia aliqui pituitosi, aut melancholici succi frigidi inclusi in cavitatibus relatorum membrorum, qui ipsa infrigidare erant soliti, procedente ætate sint absunti.

Tertiò, iis, qui exactè noverunt, quod è corde tantum emanet auctio, & imminutio caloris actualis nostri corporis, de quibus in exacta philosophia non pauca dicemus: dilucide constat: quam parum prodesse solam variationem complexionis cordis, & jecoris, ac aliorum membrorum, ut ipsa spiritus calidio-

*Alia, contra
Hugonem, sa-
tio proponi-
tur.*

diores gignerent, qui expansi per universum corpus, ipsum calidius, quam tempore sanitatis efficiant, nisi at sit apta materia, unde calidores spiritus gignantur. Modò cum materia, sit sanguis hec̄tici, qui ex frigidis rebus, & ex lacte frigido afinarum s̄apè devorato ab hec̄ticis, fiat: non videtur qualiter quantumvis variaretur complexio hominis hec̄tici possent calidores actualiter spiritus hec̄tici fieri, quacumque causa humorali, & extrinseca ablata, ut in hec̄tico auferatur.

Quarto. Si ad relatam variationem complexionis hec̄tici sequitur, nativum hec̄tico esse calorem febrilem, hec̄ticique complexionem eum poscere, ut Hugo testatur, inferre licet, quod hec̄ticus interemptus ita calidus, aut calidior mansurus erat, ut vivus, cuius contrarium eventus monstrant. Consequentia patet. Quia ille febrilis calor naturalis erat complexioni febrientis, ut Hugoni placet: sed cum jam extinctus hec̄ticus non potuit acquirere complexionem poscentem remissiorem calorem quam præcedens erat, quod hec̄ticus extinctus diuturniorem calorem febrilem passus fuerit ægrotando, quam in quovis antecedente tempore vita, unde complexionem poscentem adhuc intensiorem calorem, quam cum vivebat, erat acquisitus: necessariò sequitur hec̄ticum functum vita calidiorum mansurum, quam cum vivebat. Quod, ut dixi, non experimur, quin oppositum. Ex quo liquet antecedens ex quo falsum hoc elicetur, falsum quoque esse.

Putrefacta si calidiora esse se non putrefactis percipimus, non ob aliud hoc illis accidit, nisi quia priorem formam amiserunt, & jam mistio, quæ præcessit, dissolvatur: & aut alia fieri incipiat, ut cum ex pu-

tridis cadaveribus, seu stercoribus vermes, aut alia insecta fiunt, aut elementa, quæ constituebant mistum in propria loca tendunt, qui est frequentissimus mistorum exitus. Unde, quæ ex putrefactione super sunt, terrea esse percipimus. Aër enim in propriam regionem tendit: & ignis ab aëre circunspectus, corrumpitur, & in aërem transit. Satis per relata confutatam esse Hugonis Senensis opinionem existimo: ideo falso commento hoc, & aliorum Authorum de hec̄ticis febris exploso, ad explicandum, quid Hec̄tica febris verè dicenda sit accingor.

Cumque rationes adductæ satis clarè probaverint, minimè calorem febrilem hec̄ticorum dici posse adeò independentem à causa humorali, aut alio corporis humani in commodo, ut quibusvis ex his causis remotis calor hec̄tici auferatur. Primum quod deinceps ut indubitatum habendum est, sit. Quod quicunque Medici crediderunt, febrim hec̄ticam neque ab humore, neque ulcere interno, nec inflammatione calida, aut frigida, nec obstructione ortum ducere, sed esse calorem membris humanis inhærentem, ipsisque adeò infixum, ut quovis humore, aut obstructione, aut ulcere, seu quavis re aliena corpori ablata, ipse febrilis calor hec̄ticus maneret, ac duraret: hos deceptos fuisse, ac enormiter in retam seria aberrasse, causamque hos fuisse interitus, & mortis plurimorum ægrorum, indoctis methodis curationis ab eisdem præscriptis.

Secundum, quod pro certo habendum est, id sit, februm hec̄ticarum causas esse in genere easdem, quæ februm, quæ putridæ, aut quæ ephemerae à Medicis nobis præcessoribus, hucusque nominabantur. Hoc est dictu, quod sicut prius do-

*Quid verè
hec̄tica febris
sit, deinceps
exponitur.*

*Explicatio
hec̄ticæ febris
ulterius proce-
dit.*

docuimus, redundante, vel putrente aliquo ex quatuor humoribus adeò sensibiliter, ut inde sanguis inficiatur, ex quo spiritus vitales forent in corde conficiendi, cor velociùs, ac frequentiùs quàm solitum erat tempore sanitatis dilatatur, indeque calidiùs vertatur, undè spiritus vitales, qui in totum corpus deferuntur, calidores reddantur, & universum corpus calefaciant. Sic aliquis humor noxius paucus, aut lento, seu crassus pertinaciter hærens alicui particulæ proximæ cordi, aut jocinori, seu ventriculo, aut ipsis eisdem partibus, seu ille idem vas aliquod horum membrorum obstruendo, aut carnosam, seu membranosam substantiam occupando, tumorem attollendo, aut citra tumorem sese in alicujus membra porositatibus includendo, indeque sanguinem cordis inficiendo, cor in magnas, frequentes, & veloces dilationes, & constrictiones attolli cogit, undè febris assidua oboritur. Quæ si ob imbecillitatem facultatis expultricis membra male affecti non sufficit in halitum discutere humorem, aut ipsum concoquere, ut sensibilitè excerni valeat. Diu per annum, aut plus quandoque perseverans, hæctica febris nominatur. Neque aliter febres hæticæ, quæ ex putridis, aut ephemericis transiunt, contingunt, quàm humore aliquo, qui prioris febris occasio erat, jam indurato, & in aliquo cordi loco proximo, aut in jocinore, vel ventriculo, aut septo transverso, aut aliis partibus his membris proximis, ut diximus, imbibito, nec tantum ob relatorum noxiorum humorum membris coherentiam febres hæticæ contingunt, verū, & propter uitatem alicujus particulæ cordi, aut jocinori propinquæ solutam, etiam oboriri febris hæctica solet. Cùm enim

aliquid internum vas dirumpitur, sed non adeò insigniter vulnus illud aperitur, ut intra mensem, aut duos, vel tres interire ægrotantem cogat, sed per anni fermè spatium febris hominem trahat, tunc hætica nominatur. Solent enim hujusmodi unitates solutaë dupli via febres concitare. Aut particulis, quæ discissæ sunt, aëri nos continent locum cedentibus, indeque sanguine, ex quo spiritus procreandi forent, distemperato, aut virulento aliquo succo in ipsis vulneribus genito, undè vapores, qui sanguinem inficiunt, in cor elevantur, ad quorum utraque vitanda incommoda, aut ad alterum si unum tantum est, cor in magnas, veloces, ac frequentes dilatationes, & constrictiones expansus, & depressus movetur, unde febris, quàm hæticam nominamus, ut diximus, fit. Neque tantum internæ occasiones harum unitatum solutarum causæ esse solent, sed externæ quoque. Accidit enim spicula nonnullorum telorum mucronatorum relicta in corpore per anni unius, aut duorum, vel trium spatium febrem hæticam procreare.

Et priusquam ulterius procedam, ut apertè constet, Galenum, cæterosque Medicos ejusdem sectatores eventibus coactos idem quod nos sumus testati affirmare, nonnullas Galeni sententias adducere videtur, ubi relata referuntur, ut iis perfectis, pateat nequaquam febrim hæticam posse esse illam, quam ipse primo de Februm differentiis est testatus, sibique enormiter contradixisse universi facile intelligant. Primaque sententia sit ex 9. cap. primi de Februm differentiis, quæ hujusmodi est: [In eandem verò incident febrem tabidam ex ardentibus, atque acutis febribus plures, qui recti curati non sunt,

Propriis Galenii decretis suis de hæticis febribus opinio improbatur.

sunt, ac præsertim qui cum aquæ frigidæ potu indigerent, præter id quod eam non biberint, nullum aliud refrigerans medicamen thoraci, ac præcordiis apposuerunt. Si verò cùm omni hujusmodi auxilio caruerint, cataplasma etiam ex melle, quorum nunc plurimus est usus, ultra modum adhibuerint, his expeditum est iter ab tabem. Si etiam diu febrem toleraverint, ex hepatis, aut ventriculi inflammatione: maximè enim horum viscerum inflammationes, si non recta cura adhibeatur, insequuntur hecticæ febres, adeò ut plerique existimaverint, eas nulla ex causa alia generari, quos latet neutrum istorum, ac nullum præterea ex visceribus aliud, neque tabem, neque ullam omnino hecticam febrem efficere priusquam, ut dictum est, copatiatur. Incipit autem ipsi cordi hæc passio, nonnumquam quidem ex seipso, sicut in excandescentiis, vehementibusque tristitiis, ac diuturnis, nonnumquam verò ex ardentibus febribus: aliquando autem ex pulmonis, ac thoracis affectionibus, ac præsertim ex suppurationibus, & phthisi, sicuti autem ex his, ita ex hepate, ac ventriculo: atque ut simplicitè dicamus, ex omnibus diuturnis inflammationibus, quæ nobiliores partes occupaverunt, adjuncta totius animalis, ac præsertim cordis siccitate. Ego quidem vidi in laxioris intestini (Græci colon appellant) inflammatione diuturna tabidam febrem fuisse secutam. Itidem in similibus stomachi, vesicæ, ac renum affectionibus, nec minus à tali febre nonnulli sunt capti, qui dysenteriam patiebantur, cùm scilicet intestina inflammatione laborarent. In levitate etiam intestinorum, & longo profluvio (alterum Græci lienteriam, alterum diarrhoeam appell-

lant) cùm scilicet, vel ab initio statim, vel progressu temporis febricula invaserit, tabidae febres consequuntur. Et ut simplicitè dicam, quando præexiccatum cordis corpus febrilem caliditatem, quæ cum difficultate amovetur, acceperit.] Quibus verbis nullus tam stupidus est, quam palam non videat causam corpoream ullam semper assignari à Galeno in singulis, quas retulit, hecticis febribus. Primæ enim febris hecticæ indoctè curatae, ob prohibitam potionem aquæ frigidæ, & nullam admotionem thoraci, & præcordiis medicaminum refrigerantium. Causa materialis est humor immodicè ustus in vasis cordi proximis, aut aliis internis visceribus impactus. Alii autem, qui ex hepatis, aut ventriculi inflammatione hectici sunt, causam materiale habere humorem inflammationem facientem, quis non intelligit? Nemo certè. Nam si fortè à natura, vel medicaminum vi inflammations recensitæ medeanatur, febrim hecticam auferri conspicimus. Excandescencias vehementes, id est, iras, seu solares calores, & diuturnas tristitias, urendo humores, & terrestres efficiendo impactos vasorum, quibus includuntur, easdem febres efficere, quis dubitabit? Pulmonis, & thoracis affectus, ulcera scilicet, aut tuberculæ, aut suppurations, aut venarum rupturæ materiam exhibere febri putridæ per modum à nobis explicitum, planum est. Illud quoque genericum, & simplicitè dictum, omnes diuturnas inflammations causas esse febrium hecticarum, nullo alio modo verè fieri, intelligi potest, quam ut nos exposuimus, quod materia harum sanguinem inficiat, inflamatio intestini magis lati, & renum, aut vesicæ, non nisi proximitate hepatis, cuius san-

gui-

guinem inficiunt, & ipse infectus cordis etiam sanguinem vitiet, in hecticam trahunt, ut lienteria, & diarrhæa.

Præcedentium Medicorū de febre heistica decreta quibusdam evenib[us] improbantur.

Si enim non, ut ego refero, heticæ febres fierent, nec à prædictorum morborum humoribus penderent, sed ipsæ membris radicalibus nostris infixæ independentes forent: ut Medicorum Schola hucusque dixisse videtur: eventurum erat, quòd relatis morbis curatis, febres manere consiperentur. Quod non experimur, quin statim ipsas pausare. Si enim ego novissim, purè pulmonis, aut pectoris in totum expurgato, & ulceræ harum partium consolidato, adhuc febrim perseverare, jam suspicionem hic eventus intulisset, quod membris hærebat febris. Verùm cùm purulentí expuendo pus spirent, nisi cùm parùm ante mortem adeò imbecilla facultas expultrix eorundem versa est, quòd etsi ipsum pus intra pectus includi ex pectoris sonitu noscamus, excernere illud non valet. Non est cur singamus aliundè febrem pendere, quàm ab ulceræ, & puræ cum ægro commoriente. Et quod de purulentis dixi, idem de obstructis, inflammatis, & aliis affectibus cum hectica conjunctis dici valet.

Quedam erroris Medicorum occasio proponitur.

Credere enim febrem hecticam ob hoc independentem esse, quia nonnullis hecticis fluxu ventris, & sanguinis missione sæpè expurgatis, febris perseveret, & in mortem ægrum pellat: non plus quod volunt probat, quàm alii impertinentes effectus. Noscimus enim intra septimum etiam in febre pestifera ægrotantes cum immodico alui fluxu, perseverante febre, interire, à quibus priùs ab aliquo Medico non semel, sed bis, aut ter copia satis magna sanguinis fuerat extracta, aut è naribus sponte fluxerat, & non ab hectica obire hunc affirmamus,

sed aliundè ortum mortem ejus trahere, verè contendimus. Credendum ergo est non dissimilitè hecticos mori. Quòd etsi ventris fluxu, & sanguinis missione sint expurgati, aliquid superfit, quod febrilis caloris occasio, per modum à nobis explicitum sit.

Miror quippe, quòd nostræ tempestatis Medici adeò negligentè observent, quæ passim in morbo gallico offeruntur, ut non intelligent. Millies videri ægrotantes re-lato Gallico morbo oppressos, ac in marasmodi à febre afsidua jam delatos, per potionem coctionis ligni indi sudorem provocantis sanos evasisse, non aliter iis sanatis, quàm humore illo, qui pertinaciter hærebat, & febrilis caloris causa fuerat, evacuato, qui iidem æ gri alias morituri forent, & ab hectica febre pereentes dici possent, ubi sanitatem per modum à me explicitum in his contingente, consonum rationi foret, Medicos conjectari, indè febrem hecticam oriri, undè nos diximus, & non quia membris radicalibus sit infixa. Si enim illud verum esset, potius ipsa augenda potionē relata, quàm auferenda esset. Porrò vidi ego non paucos ex his, qui morbi gallici opprimebantur, purulentum è pectori expuentes per anni spatium, & febre continua oppressos, per relatam decoctionem ligni indi à morbo illo, & febre liberatos, quòd potens sit medela illa ulcus pectoris, & pulmonis oriens à morbi gallici humore sanare, ut cùm de hoc morbo egerimus (Deo concedente) ostendemus: & nulla sit, quæ opitulari valeat ulceribus relatorum membrorum ab aliis humoribus genitis.

Alio eventu accidente in his, qui morbum gallicum patiuntur, communis opinio de hecticis febribus expobatur.

Protervire enim, quòd febricula comitans morbum gallicum non sit hectica, & supporatorum sic, quia

quia post sumptum alimentum non majore, & intensiore febre, quam prius corripiantur, quod peculiare signum morbi hujus est, eorum, scilicet, qui vera hectica laborant: incassum videtur. Nam illud, quod Galenus de relato signo hecticorum refert in commentario 2. Prognosticorum, ubi de signis purulentorum Hippocrates agit, pauci est momenti adversus nos. Contextus Hippocratis qui sequitur, est: [Omnés agnoscit purulentos signis referendis convenient. Princípio si febris non dimitit, sed interdiu tenuior, noctu vehementior est. Si copia sudoris elicetur, ac fusilli cupiditas est, neque quicquam tamen dignum commentatore expuunt. Si oculi cavi reduntur, maxillæ verò ruborem trahunt, & ungues manuum curvantur, digiti verò potissimum summi calescunt, atque in pedibus tumores consistunt, neque cibum appetunt, ac pustulæ circa corpus erumpunt.] Commentum Galeni super citata sententia in hunc modum etiam refert: [Quicumque pus obtinent intus in corpore universum, sive contentum ante in parte affecta inflammatione, sive etiam post eruptionem, nomines tales purulentos licebit. Sed Medici ad solent solos, aut potissimum eos, qui in thorace, ac pulmone talem habeant affectionem, purulentos nominare: id verò pus post eruptionem inter thoracem, pulmonemque continetur, & nisi citò excreetur, tabidi intereunt febricitantes tenuiter quidem, at calore jugiter quodammodo in noctem crescente. Id accedit omnibus febricitantibus hectica febre, non ratione affectionis nocte augentem illis febrem, sed ex quodam accidente, quod inquam tale existit. Per febres hecticas nomine, partes ipsæ

corporis solidiores ignitiores evadunt. Ob id igitur assidua febris in seipsa similis manet, calorem obtinens perinde, ut calx debilem tangentibus ipsam. Itaque quoties esitent, aut bibant, simile quidem accedit, quod in calce evenit aqua perfusa: quo fit, ut contingentes exterius ægrum, multò calidiorum persentiant. Ego verò vovis eam rem perspè ostendi in ægris alias alio tempore alendo ita febricitantes, ut crederetis id illis propter alimentum evenire, non ratione affectionis. Perspicuè non appetit incidere calorem febriculorum, una cum tempore alimenti: statimque adhibito augeri cibo, & quam maximè vehementem per diductiō nem illius in universas corporis partes apparere.]

Primò, quia post cibum hi, qui morbum gallicum patiuntur, majore infestantur calore, quam ante, ut qui hectici vocantur, ut mox probabo. Secundò, quod si inde febres hecticæ nominandæ sunt, quia si diu perseverant, in tabem perducunt, ut Galenus primo de Febrium differentiis testatur, cum hoc febres morbi Gallici habeant, hecticæ dicendæ forent. Fingere enim has patientium morbum gallicum pendere ab humoribus, & alias infixas esse membris, videntes utrasque eundem effectum inducere, puta marasmum: potius ad libitum, quam ratione ulla assertum videtur. Non enim eorum, qui evadunt è morbo gallico jam in marasmum incidentes, febris putrida dicenda est, quia methodo hi curati sint: & aliorum, qui ex eodem morbo in consimilem præterito marasmum ceciderunt, ac defectu peccati Medici obierunt, hectica febris nominanda, nisi cavillo, & nō infamiam evitent Medici, id asseruent. Solent enim cum nescie-

rent indocti medere his consumptis ex gallico morbo , causari pertinaciam morbi ex hectica febre immedicabili ortum trahentis , ut infamiam evadant. Ignorantes , quod nulla sit hectica febris , quæ ab ultra humorali causa , aut soluta unitate , sive purè , aut tandem ulla alio malo corporis affectu ortum non trahat , per modum , quem diximus , alias febres fieri , corde , scilicet , in magnas , & velocias , ac frequentes dilatationes , & constrictiones impulso , ut his calorem conciter , quo morbo illi , aut morbi sicæ causæ medeatur.

Cur hectici post cibū sūptum caleant, ostenditur, etiā vera causa caloris cōspecti in calce aqua aspersa exaratur.

Verum quod promisi me probaturum ; quod ii , qui à morbo gallico sunt oppressi , etiam calorem majorem habeant post alimentum sumptum , quam ante , ut cæteri hectici , ideo id agere auspicor. In primis paucioribus verbis quam possim exprimendo causam caloris actualis , qui in calce , aqua aspersa , percipitur ut inde noscamus , an eventus ille quadret cum febribientibus hectica febre , ut Galen. dixisse videtur , an non. Quippè nonnulli Philosophi crediderunt , inde oriri lapidem calcis ustum cum aqua perfunditur , calorem urentem acquirere , quod ignis portio includitur in calcis partibus , qui , calce dissoluta , & disaggregata per aquæ infusionem , exiens , & exhalans calorem urentem inferat tangentibus , & eidem approximantibus. Sed hoc verum esse non posse , faciliter ostenditur. Primò , quia vel illum ignem , quem includi in partibus calcis dicunt , credunt esse eum , qui in calcis compositione intravit , cum ipsa formata , ut cætera mixta ex quatuor elementis fuit , aut gigni ab igne urente lapidem calcis suspicantur , vel partes aliquas ignis , quo lapis crematur , includi , & asservari in calce usta

rentur. Si hoc ultimum dixerint , facillimè increpabuntur , ideo , quod nullus ignis præter concavi orbis lunaris , aut ingredientem mixtorum compositionem videatur asservatus sub hac infima lunari regione , nisi habeat materiam ullam , ex qua continuò foveatur. Et cum lapidis calcis materia non sit apta propter sui immodicam siccitatem fovere ignem , sequitur ibi asservari non posse : præsertim per tot dies , per quot videmus durare lapidem ustum nondum madefactum. Etiam quia si res sic se haberet , ut credunt aduersi , sequeretur , quod calx contracta , & in pulverem ferro instrumento , aut alio quovis redacta , actualem calorem urentem esset acquisitura , quod minimè experimur. Consequentia est nota. Quia si verum esset ignem intercipi à porositatibus lapidis calcis usti , cum triturazione in adeò minutis partes redigatur calx , ut aquæ aspersione , non minorem calorem igneum esset productura trita in res approximatas , quam madefacta : sed hoc , ut dixi , fieri non videmus. Supereft ergo falsam esse assertiōnem ultimam increpatam à nobis. Et quia non desunt protervi , qui audient fateri in calce usta esse unctuositatē sufficientem conservare ignem relictum inclusum in porositatibus lapidis calcis , necesse est id rationibus improbare. Primò , quod impossibile videtur , post tam diutinam moram , quanta cum calx uritur , durare solet , manere aliquam humiditatem , ex qua foveari ignis relictus possit. Secundò , quia jam quod ita esset : ignis ille , ut asservaretur , depasturus erat partes calcis non uistas , in quibus erat illa humiditas , & ex quibus vendus erat post absentiam alterius ignis , quo lapis crematus fuerat , & ex relata depastione aliquid

cinericum relinquendum erat, quod non experimur. Lapis enim calcis satis ustus per viginti, aut triginta dies postquam à furno extractus est, talis manet, ut cùm primum à furno subtrahitur. Tertiò, quia partes illæ calcis, quæ urendæ forent, postquam lapis ab igne subtractus est: non ustæ, & duræ percipiendæ forent, cùm lapis ab igne subtrahitur, & post aliquot dies in quibus signis subtractus à calce fuisset, ustæ erant videndæ, ut carbonum partes extimæ in prunam versæ, interiorem partem non ustam habentes, si relinquuntur, sublato igne extrinseco, ardere: semper, ac semper in intimiores partes carbonis, ignis earum partium, urendo procedit, exterioribus in cinerem versis, à quibus non ab similis futura erat calx, quod, ut retuli, non videmus. Quartò, quia impossibile foret, si in porositatis calcis ustæ tot particulæ ignis asservarentur, quot mansuræ forent, ut possint vincere tam ingenitem quantitatem aquæ superirrigatæ, & eam in vaporem vertere, calorem illius non percipi à tangentibus calcem, antequam madeficeret, quod non accidit.

Miror quippè de his, qui opinantur ignem relinquam in porositatis partium lapidum ustorum, quòd non videant, per immodicæ aquæ aspersiōnem tam exiguae portiones ignis in totum extinguendas: cùm ingens copia lignorum ardens extingueretur si tanta aqua irrigaretur, ut calx. Eisdem quoque mediis secunda causa, quæ reddebatur, increpata supereſt, de priore agere nunc differo, quòd prius alia causa, quæ dari solet hujus eventus increpanda est.

Alia causa caloris percipi in calce irrigata increatur.

Alii opinati sunt inde oriri calcem ustam, & aqua superirrigatam calescere, & urere, quòd calor po-

Tom. II.

tentialis ejusdem calcis in altum calcis refugiens per præsentiam aquæ frigidæ eidem contrariæ per antiperistasis, quod vocant, fortior, & vigorosior fiat, indeque actu calefaciat, ut urat. Sed ad hoc non minora, quām præcedentia impossibilia sequuntur. Primò idem eventurum piperi, & euforbio, & aliis medicamentis calce æquæ calidis, atque calidioribus, quod calci. Consequentia bonitas clara est, eo quòd non major ratio sit in uno, quām in alio. Ut enim calcis calor potentialis per infusionem frigidæ aquæ redditur actualis, & adeo intensus, ut urat, piperi trito, aut integrō aqua superirrorato idem erat eventurum, & cùm hoc verū non sit, restat illud, ex quo sequitur, verum non esse. Etiam si calx vino, aut aqua, aut lotio calidis irrigaretur, sequetur, quòd non vertenda esset calida, imò quod esset mansura talis, qualis ante irrorationem, aut non plus calida, quām liquor ille, quo irroraretur, quod non experimur. Sed adeo ardere, ut cum frigida super aspergitur. Consequentia est nota. Quia si propter præsentiam frigiditatis aquæ proveniret in calce calida in potentia antiperistasis, ablata frigiditate ab aqua, vel superspersa vino calido, non erat unde cogeretur caliditas calcis ire in partes intimas. Item si ita esset, ut credunt ii, calcis supremæ partes frigidæ percipiendæ forent, & tantum intimæ futuræ erant calidæ, hoc enim terræ tempore hyemis contingit, ejus enim superior pars tempore brumali frigida tangitur, interna autem calida, ut cellæ vinariae, & putei docent. Sed hoc in calce non visitur, supereſt ergo falsum esse ab adversis assertum.

Tandem cùm ex prædictis constet per nullum ex relatis modis cal-

P 2

Vera causa cur calx a-qua irrigata cal-

*caleat expri-
mitur.*

cem aqua irroratam reddi calidiorēm , investiganda est ratio , per quām fiat. Quæ nulla alia esse potest , quām quōd per lapidis calcis ustionem , igneæ portiones intrantes compositionem calcis (elementa enim actu contineri in mistis physica demonstratione probabile est) calidores vertantur , ac etiam quōd per eandem ustionem plurima humiditas partium lapidis absumatur , quibus facilis dissolutio , ac disaggregatio elementorum concurrentium ad mistionem calcis offertur , quæ exercetur , & in actum exit , cum calx usta aqua superaspergitur. Partes non calcis universas subi trans aquam impellit : & hincere facit calcem , innumeratas rimas in quavis particula illius efficiendo , unde connexio , quæ inter elementa constituentia lapidem fieri erat solita , dissolvitur : & aër , ac ignis sursum repentes , & liberi à mistione , qua à forma lapidis calcis actu calefacere prohibebantur , jam actu calefaciunt , & urunt. Si enim illis ignis ille , cum à mistione calcis per aquæ aspersionem evadit , & sursum fertur ab oculis nostris non conspicitur , ut lucernarum flamma , non aliunde contingit , quām quōd flamma mistum sit portionem terræ in se includens , ut in Antoniana Margarita docuimus. Et ignis ille , qui à mistione lapidis dilapsus sursum ascendit , sincerus , & purus sit , qui cerni non valet. Nempe si irrigata calce aqua , vaporem ex ea ascendere conspicimus , non nisi quia ab aqua calefacta : & in vaporem versa vapor exeat , cernitur. Et in summa idem calci ustæ accidit , cum aqua , vel alio liquore illam dissolvente eadem irroratur , quod putridis rebus , post putrefactionem calidis. Hæ enim ex dissolutione mistionis tales percipiuntur , quōd actio ignis tunc vi-

geat , & aliorum elementorum vincent actionem. Putrefactio enim non aliter fit , quām misti forma corrupta , non per ustionem , neque senectam , nec etiam per suffocationem , sed alio peculiari modo per putrefactionem scilicet , vitiata quippè mistione ex superabundante humiditate , indeque dissolutione elementorum facta , ubi quodlibet elementorum , quod mistum constituebat , in proprium locum tendit , quo etiam ignis , & aër leviora elementa tactui primitus objiciuntur , caliditasque corundem , donec illa evanescunt , durat verum his elementis consumptis terra , & aqua , quæ ut cinis putrefactæ rei supersunt , frigidæ permanent. Et quōd de putrefactione non pauca dicenda sunt à nobis , tam in nostra exacta philosophia , quām in opere hoc , ideo hæc de ea sufficient.

*Quedam fri-
volæ objec-
tio
solvitur.*

Si quis objiceret , quōd si verum esset , quod nos de calce testamur , sequi videatur , tria calce , & in minutissimas partes redacta , non minus calidam actuali calore sit sentienda , prout cum aqua aspergitur , quia non aliter disaggregantur elementa , & à mistione secedent per triturationem , quām per aquæ affusionem , huic objicienti negarem ego similitudinem dissolutionis factæ trituratione (ubi calcis partes quantumvis imminuantur , connexa propria elementa eandem formam misti servant , qua prohibetur ignis , & aëris actio) cum dissolutione , quæ fit per aquæ affusionem , ubi elementorum calcis quodlibet , ad minus leviorum insignior pars tendit in proprium locum , & diversa specie usta à se non usta fit. Inde enim calx extincta minus calida , quām viva est , quia in extincta tantum portio quædam calidorum elementorum supereft , & in viva ingens permanebat.

Ex-

*Collatio inter
hecticum, &
calcem usam
referunt, &
quo dissideant
ostenditur.*

Explicato modo, per quem calx usta & irrigata caleat, conferenda haec est hominibus hecticam patientibus, ut videamus an similis sit calefactio horum post assumptum alimentum irrorationi calcis, aut non. Fortassis enim protervire non verebitur aliquis nonnullas hominis hecticci partes interius per febrim adeo uriri: & exiccati, ut similes calci ustæ reddantur, indeque ob alimentum assumptum mistio illarum dissolvatur, ut per aquam affusam calcis partes. Improbari tamen qui sic deliraret, hoc posset, quod sola aquæ potione calerent hecticci citra alimentum assumptum. Ut enim calx sola aqua superaspersa, calet: ita hecticis eventrum erat, quod non accidit. Ideo cum falsum illud sit, & similitudinem nullam versari inter heticum & calcem noscamus, supereft, explanare modum, per quem hecticus post alimentum sumptum plus quam ante ardere percipiatur. Prius tamen cavendo lectoribus, quod ex citata sententia Hippocratis 2. Prognosticorum non eliciatur id omnibus hecticis convenire, sed tantum purulentis: neque in omnibus horis post assumptum cibum, sed dumtaxat in nocte.

*Causa cur he-
cticci post ali-
mentum sump-
tum calent,
exprimitur.*

Modus ergo est, quod cum hecticci à Medicis nulli alii indubie esse credantur, quam qui consumpti, & extenuati valde per febrem diutinam, ac numquam deficiente sunt, ii multiplici causa post sumptum alimentum calidores, quam prius sentiendi erunt: primo, quia alimentum quod in membra dispartitur (non enim statim, ut pransi hi fuerint, plus ardent, sed cum distribuitur alimentum in corpus per insigne spatium post assumptionem cibi) in sanguinem, & alios humores versus, majorem materiae copiam exhibeat spiritibus

vitalibus, quam eorundem prius in corpore aderat, indeque plures facti spiritus magis calefaciant, quam pauciores, ante alimentum assumptum existentes. Neque hoc peculiare hecticis tantum est, sed quibusvis alimentum a decens prandientibus. Secundò, quia cum corpus hecticci valde extenuatum, & macrum sit, ut dixi, quævis caliditas in vasis internis aucta faciliter his externis partibus communiceatur, quam cum membra carne, & adipe obesa erant. Concurrit quoque, ut plus in his, quam in aliis augmentum caloris sentiatur, quod hecticci vocati, nativum calorem paucum habent, alimentoque eodem ab hecticico, & sano devorato, & in sanguinem, & spiritus converso, sensibilis augeatur paucus hecticci calor, quam multus sani, eadem enim quantitas addita majori, & minori sensibilius auget minus, quam majus, neque id quoque dumtaxat hecticis accidit, quin convalescentibus idem contingere, ego experior, verum hoc uno tantum hecticci à convalescentibus differunt, quod his saepius post alimentum devoratum statim extrema frigescant, retracto scilicet calore ad concoquendum alimentum, hecticis vero id rarius accidat, quod vis naturalis eorundem imbecillior multo sit, quam resurgentium à morbo, vel ad minus non adeo docte gubernans, ut eorum qui pridem à morbis resurgerunt.

Si iterato aliquis nobis objecisset, quod si verum esset, quod ego attestor de febris hecticis, quibus causam aliquam materialem, seu efficientem voces (ego enim nomina contemno) tribus methodis curativis medicorum minimè sanandas fore, quin multò pejus habere hos febrientes devorantes lac, & alia hujus farinæ, eramus exper-

*Quædam ob-
jectio, contra
nostra decreta
de hecticæ es-
tentia, propo-
nitur, ac sol-
vitur.*

turi, quoniam corruptioni parata illa sint, cuius oppositum eventus docent. Negarem ego consequentiam. Nam quamvis hecticæ non sit febris independens, ut hucusque erat opinatum, methodi curativæ antiquæ in quâm pluribus hecticis posse sunt morbum depellere, & sanitati aliquos eorum restituere. Experiendo enim Medici diversos modos curationis hecticorum in rectam methodum curativam inciderunt: quæ prodest non per modum, quem ante hac opinabantur ipsi, sed per referendum à nobis. At ut quam methodum præscribat Galenus hecticis febribus curandis monstrem, visum est quendam brevem ejusdem contextum ex cap. 7. decimi methodi medendi, huic loco inserere, cujus series hæc est: [Cùm igitur (ceu diximus) citra putredinem squalenti corpori febricitare contigerit, caput totius curationis, in iis remediis, quæ refrigerent, & humectent, statuere oportet. Porro duplex genere est harum rerum prima materia. Una eorum quæ foris admoventur: altera, quæ initio in corpus sumuntur, extrinsecus corpori incident, tum aër ipse, qui nos curabit, tum pharmaca quæcumque humectandi refrigerandiisque vim obtinent: & tertium præter hæc, dulcis aquæ balneum. Intrò in corpus sumuntur, quæ eduntur, ac bibuntur, & inspiratus aëris. Ab his generibus tentandum est propositis hoc loco febribus tum humiditatem, tum refrigerationem comparare. Verum refrigeratio quoniam per efficacissimam qualitatem inducit, & parvi temporis est, & periculosa: contra, sic citatis curatio per ea, quæ humectent: ut longi temporis est opus, ita minus est, quâm refrigeratio, periculo exposita.] Ubi, ut legistis, totus scopus curationis hujus mor-

bi præscriptus à Galeno consistit in infrigidando, & humectando: qui et si verus in universum non sit, ut fusè infra cum de medella febris hujus egerimus, ostendemus. Tamen per accidens curationem hanc prodesse, potius ut conferentem symptomati, putâ carnium consumpti, quæ insequi hanc morbi speciem solet, ac ut membrum includens in se materiam febris, promptius excretioni ejusdem reddit, quâm ut quæ recta methodo perficiatur, certum iis, qui antecedentia exactè neverunt est. Nempe cùm omnes febres comitari necessariò ulcus aliquod, aut unitatis solutionem, seu materiam aliquam intra corpus inclusam, ostenderimus, sine ratione medebimur febri, quam hecticam vocant, pér infrigidantia, & humectantia tantum: causa intra corpus manere relicta. Vera enim, ac certa est methodus illa generica Galeni 3. Techni, qua præcipitur, unamquamque causam abscindi prius, dein venire ad eam, quæ facta est, discrasiam. Aëris enim frigidus, & humidus, qui summè laudatur à Galeno in medella hujus morbi prodest, ut qui reprimat calorem inductum ab spiritibus hecticis calefactis immodicè à corde velocius, & frequentius, quâm solitum erat moto, quo caro, & membra radicalia arescebant. Ac etiam per aliam viam opitulatur, laxas scilicet reddendo arterias, & venas, ac cætera vasa, ubi impæcta erat causa morbifica, à qua elevabantur vapores in cor, & flexioni, ac dilatationi prona eadem efficiendo. Quæ enim à calido exiccante adstringuntur, & incurvantur, per frigidum, & humidum habilia extensioni fiunt, quo educi, & dilabi humor, qui prius febris causa erat, facilius possit. Summè enim conduceret hecticico, uti

uti tantum humectantibus particula-
lam, ubi inclusus dicitur humor,
qui causa caloris febrilis per mo-
dum à me explicitum est, si Medico constaret, quæ pars illa esset, &
talis foret, quod admoveri medica-
menta illi sine noxa possent, nam
non omnibus hecticis partibus hoc
auxilium sine ægrotantis damno ap-
proximari valet. Ventriculus enim
ac jecur, quæ pro toto corpore ali-
menta concoquunt, eo nocumen-
tum recipiunt. Balneum dulcis
aqua per eundem modum prodesse
etiam attestor, scilicet obviando
carnium, & membrorum radica-
lium consumptioni, & laxam red-
dendo particulam, continentem
humorem nocentem. Ut & asini-
num lac, quod bibendum dari hec-
ticis Galenus citato 10. de Morbis
medendis libro, cap. 7. præcipit,
non per alium modum, quam per
præfatum juvat. Peculiariter etiam
prodest ulcus in pectore, aut pul-
mone patientibus, ut Dioscorides
libro 2. cap. 62. docet. Et Galenus
libro 3. de Facultatibus alimento-
rum, cap. de Lacte, refert, quod
serosis partibus ulcus abstergat, &
butyrosis alat, ac cascrosis carnis
generationi in ulcere conducat.
Hecticisque aliis ventrem subdu-
cendo prodesse sèpè lac solet, va-
sis, quæ humorem febrim gignen-
tem includebant, lenibus redditis,
& humore ab eisdem expurgato.
Vis enim expurgandi alvum lacti
collata est, ut in citatis capitibus
tam ex Dioscoride, quam Galeno
addisci potest. Tandem Medici, qui
opinantur conferre lac, & alia in-
frigidantia, & humectantia tantum
quia infrigidant, & humectant, ob-
idque eis uti, hecticis præcipiunt,
subducendo morbi hujus causam
curant ægros, minimè callentes mo-
dum, per quem sanitati hos restitu-
tant. Porro non ab hinc triginta

diebus retulit mihi quidam Illustris
Præsul, quod cum Pinciæ, ubi cu-
ria Hispaniæ tunc aderat, ægrotas-
set ipse ex dolore satis acuto stomati-
chi, quem jam bis, vel ter per in-
tervalla passus fuerat. Medici non-
nulli accersiti decreverunt, pillulas
devorandas ei conferre, quas ipse
libenter, ut à tam immani dolore
evaderet, deglutivit. Et alvo per
eadem non expurgata, eadem die
singultu adeò pertinaci incepit ve-
xari, ut nullam vitæ spem sævitia
symptomatis exhiberet. Retulit e-
nim mihi sèpè ex singultu esse an-
helandi vim sibi sublatam, ita ut
quasi strangulatus se perire puta-
ret. Ac cum nullis medicamentis
opitulari tanto malo Medici vale-
rent, opinantes jam non ex mate-
ria singultum illum pendere, quod
calidis, & siccis medicaminibus per
multos dies admotis, deterius æger
haberet, sed ab inanitione, ut dic-
unt, originem trahere, decreve-
runt, pauxillum lactis eidem bi-
bendum exhibere: ne si forte aber-
rassent, noxia ingens sequeretur.
At qui ægrotanti inserviebat, in-
signem quantitatem lactis haurien-
dam illi exhibuit, quod ipse quam
maximè illud affectasset. Cessitque
adeò prosperè, ut statim singultus
aufferri incepisset, alvo per lactis
potionem septies, aut octies expur-
gata. Quo deinceps medici uten-
tes præsidio, æger evasit, singulis
diebus, in quibus lac bibebat, sep-
ties, octies, vel decies ventre ex-
purgato. Retuli eventum hunc sa-
tis recentem, ut noscatis, quod sèpè
Medici putantes mederi alicui
morbo per nonnulla medicamenta,
quamquam à medendi scopo aber-
rent, materia medicamenti exhibi-
ti multiplici facultate dotata, per
modum à Medico minimè opina-
tum conducebat, ut in recensito ne-
gotio. Ægrotabat Illustris ille Præ-
ful

sul ex redundantia bilis tenuis in tunicis ventriculi imbibitæ, indeque medicamentis calidis morbus favor reddebat. Cui lac calorem, ac siccitatem bilis reprimendo, & eandem ex tenui (& indè excerni inepta) crassam vertendo, medela fuit. Valuit enim bilis illa expurgari vi medicamenti relati, quæ primitus rebellis excretioni erat Medicis prius, cum lac permiserunt, opinantibus, caliditatem, & siccitatem citra materiam singultus causam esse: ubi an deceperentur an non, tam ingens copia bilis excretæ, quo evasit æger, facile docet. A quo non distat illud de scopo curativo ignorato in medela hecticorum, quæ per lactis potionem perficitur, & non: ut Medici rentur, sed aliter, ut diximus. Sed de hoc satis dixisse videtur, ut sufficienter argumentum nobis objectum solutum sit.

Improbatur assertio antiquorum dicentium esse distemperies calidas absque materiam in aliquibus humanae membris jecore scientiæ liene, & ventriculo, & aliis.

Et quia referendo historiam, quam audistis, dixi Medicos, cui commissa fuit medela morbi illustris illius opinasse ab intemperie calida, & sicca citra materiam singultum, quem patiebatur, oriri: in quo decipiebantur, dignum examine est, an id, quod illi existimabant, verum esse posse, an non. Si enim vera sunt, quæ de hectica febre retulimus, ut sunt, impossibile erit, distemperiem ullam calidam, & sicciam in corpore humano sine materia inveniri. Cum enim sufficientibus argumentis probaverimus, membra nostra reddi non posse calidiora, quam ea sint, nisi aut infringidante causa abjecta, vel calefaciente præsente, non erat unde illi suspicarentur, sine materia ventriculum esse adeò immobile calidum, ut indè dolore, & singultu vexaretur. Ergo ut veritas in hoc negotio, ac generatim in omnibus distemperiebus calidis ci-

tra materiam, de quibus Galenus, & cæteri Medici non pauca tractarunt, illustris evadat. Dignum duxi paucis verbis enucleare, an scilicet verum sit, quod cerebri, jecoris, ventriculi, & renum, ac cæterorum membrorum possit esse distemperies calida sine materia, an non. Ac etiam dato, quod hæc afficeret aliquas particulas nostri corporis posset, an dolorem valeat inferre parti, cui inest, an non. Primumque dubium mox discutiemus, secundi examen differendo in aliud commenticulum hujus libri de inæquali intemperie, ubi ad unguem examinabimus, an verum, aut falsum sit, quod Galenus retulit, hecticis tantum febribus convenire sine dolore afficeret.

Ut ergo dilucidè veritas quæstionis hujus pateat, sciendum, quod rationes omnes, quibus probavimus esse impossibile febrim citra materiam inveniri, eadem procedunt ad probandum, quod impossibile quoque sit esse distemperiem calidam, etiam sine materia. Nam in antecedentibus ostendimus necessario membra nostra à prima sui generatione ut cætera viventia, terrestria, indeque frigidiora perpetuò fieri, semper resolutis partibus passibilioribus, putà aëreis, & igneis, & loco illarum restitutis partibus minus aëreis, ac minus igneis: undè necessum est, quod si aliqua nostri corporis particula calidior quam esset secundum naturam sentitur, hunc calorem ab aliquo extrinseco acquisitum, ac conservatum esse. Sine enim causa conservante, statim à vi membra corrumperetur ut experimur calorem genitum ab igne in aquam, absente igne, vel alio calefaciente, statim ab aquæ forma corrupti.

Sed quod fint aliqui eventus, quibus probari videtur ventricu-

Quodam dibus proponitur, ac solvit tur.

Ium, aut cerebrum: aut jecur sentiri calidiora: quām in antecedentibus ætatibus: & non ab aliquo humore calido semper illis membris præsente conservari valere calorem relatum quōd multis evacuationibus factis: ut in horum non nullis fiunt, educendus esset, inde dicere cogimur, ut suprà cūm de hecticis agebamus, scripsimus, il lud posse contingere: non quōd mistio elementorum constituentium illam particulam sit nunc plus ignea, & aërea, quām in antecedentibus ætatibus, nam id impossibile est, sed quōd aliqua portio pituitæ frigidæ, & humidæ, seu melancholiae frigidæ, & siccæ, quæ in porositatibus membrorum illorum includebatur, & illa frigida reddebat, sit consumpta, & indē illa membra in nativam dispositionem restituta, ablato prohibente, sentiantur ejus temperiei, cuius erant. Aut aliter nonnulla ex nostris membris calidiora quām prius errant sentiri posse attestamur, quōd ipsorum aliquæ particulæ ab aliqua morbifica causa putreant. Ut videamus aliquorum pecudum, & boum partes nonnullas jecorum putres, à quibus caliditas putridarum partium cæteris communicatur. Cur quæ putreficiunt, calidiora fieri valeant, & quæ non putrent, frigidiora semper in etatis discursu fiant, dum in nativa dispositione assertantur, jam non valdè superiùs, cūm de calcis calore egimus, non nihil tractavimus, & infrà cūm de putredine egerimus, reliqua discussiemus. De his satis, ut ad explicandum, quod supereft, hujus Galeni libri deveniam.

CONTEXTUS IV.

De inæquali verò intemperie nunc agendum. Tum quænam ejus

Tom. II.

natura sit, tum quot ejus generanda modi. Ergo quōd in omnibus particulis corporis, quod fluxione est affectum, unica temperies non sit, prius est dictum, verū id commune omnis intemperamenti inæqualis est. Differentiae ejus ipsam corporum affectorum sequuntur naturam, cūm aliter simplex caro, aliter universus musculus, impari temperamento sit affectus. Quippe calida fluxio ubi in musculum procubuit: primum maiores arteriæ, venæque opplentur, ac distenduntur, ab iis minores, atque ita res procedit, donec ad minimas sit per ventum. In iis, ubi valenter impac ta fluxio est, nec amplius contineri potest, partim ejus per ipsarum ora, partim per tunicas, colatum foras transmittitur: tum verò spatia ipsa vacua, quæ inter prima sunt corpora fluxione implentur. Sic omnia ab humore, omniq[ue] ex parte incalescent, ac perfunduntur. Ea sunt nervi, ligamenta, membranæ, caro ipsa. Antequam hæc arteriæ, & venæ, quæ scilicet, & primæ, & præter cætera vario dolore afficiuntur. Quippe interius à fluxione tūm excalciunt, tūm distenduntur, ac divelluntur: exterius non modo excalciunt, sed etiam præmuntur, ac degravantur: reliquæ particulæ aliæ comprimento solū, vel incalescendo, alia utroque genere laborant: appellaturque morbus ipse Phlegmone. Est autem inæqualis intemperies musculi. Fervet enim jam qui in eo est sanguis. Is secum excalfacit primum quidem, ac maximè arteriarum, & venarum tunicas: mox verò omnia, quæ extra has sunt, quibus scilicet circunfunditur: ita duorum alterum necesse est sequi, ut si fluxio vicerit, corruptio sequatur victorum corporum si fluxio sit victa, ut musculi ad naturalem statum redeant.

Q

COM-

COMMENTUM IV.

Generatim de inæquali intemperie loquendo Galenus, in exordio hujus libelli dixerat, quòd quædam inæqualis intemperies universum corpus occupet, exemplumque hujus posuit hydropon, quam Anafarcam vocant, & febres omnes, hec tica excepta, alia tantum unicam corporis particulam afficiat. Et hujus innumera exempla scripsit, phlegmonem, cancrum, gangrenam, erysipelam, & alia: nunc verò, qualiter hæc peculiaris distemperies fiat, exprimit. Supponendo ut quasi notissimum, quòd omnes partes, quæ ægrotant, ex defluxu alicujus humoris in easdem irruentis unicam temperiem non habeant. Quæ verba multipliciter exponi valent. Aut enim dicere volunt, quòd nulla sit sensibilis pars nostri corporis, quæ ex diversis sensibilibus, aut insensibilibus partibus diverso modo naturaliter affectis non constet. Et hoc verum est, cùm omnes mistæ sint. Et jam quòd non alia diversitate, saltim hac elementorum constitutæ sunt. Vel dicunt verba illa, quòd omnia membra defluxum humoris patientia, unicam temperiem non habeant, quòd possideant appellatam complexionem nativam, quæ qualitas secunda est, de qua nonnihil loquuti sumus, cum opinionem Hugonis de essentia hec tica scripsimus, & aliam, quæ qualitas prima dicitur. Et hoc non tantum patientibus inflammations, & erysipelas, & quascumque fluxiones proprium est, sed etiam membris universis sanis. Omnes enim partes cuiusvis animalis dupliciti complexione dotantur: altera quæ qualitas secunda appellatur: alia, quæ qualitas prima dicitur: caliditas, frigiditas, humiditas, aut

siccitas, tanti, aut tanti gradus, quæ pars animalis necessariò est afficienda. Quis enim unquam tetigit, quod calidum, aut frigidum, humidum, aut siccum non esset? Tertium sensum, quem verba relata efficere valerent, esset, quòd omnes partes illius membra, quòd fluxione laborat, sint inæqualiter affectæ distemperie calida, frigida, humida, aut siccata. Nonnulla parte altera plus calidiore, aut frigidiore, humidiore, aut sicciori existente: in quo sensu prolata fuisse à Galeno verba recensita: manifestè docent, reliqua, quæ parùm infra adducta leguntur. Hæc sunt: [Cùm aliter simplex caro, aliter universus musculus impari intemperie sit affectus.] Sed hunc sensum, quem Galenus voluit, falsum esse, omnes qui antecedentia attentè legitis, facile noscetis. Quæ enim necessitas urget, ut cùm calida fluxio in musculum procumbit, & primum majores arterias, & deinde minores implet, quas sui multitudine, aut acuitate aperiri, aut disrupti cogit, & in membrorum porositates humor defluens transmittitur, quòd aliter caro, aliter nervus distemperie laboret? Quippè si humor defluens calidus duobus gradibus, exempli gratia, esset, non video, quid prohibeat, illum simùl inducere duos illos caloris gradus in nervum, & carnem. Quamquam in nervum, qui frigidior, quam caro est, difficilius, quam in carne, quæ forsitan, solo uno gradu caloris inducto supra alterum, quem ex propria natura habebat, duabus calida, evasisset, nervo non adeò facilitè, æquali gradu calefacto, quia frigidus esset, à quo primitus per fluxionem frigiditas esset abicienda, & post caliditas duorum graduum inducenda. Cùm enim aqua, & oleum in vase eodem in-

clu-

clusa , & igni exposita , valent eodem caloris gradu calefieri : quamquam cum majore vi aqua quam oleum calorem æqualem suscipiat , quid vetabit à calida fluxione os , nervum , arteriam , & carnem , etiam eodem distemperie gradu labore re ? Quo jam sic accidente , particulae illæ ægrotabunt ex defluxu humoris , & non inæquali intemperie , sed æquali : cuius contrarium , Galenus potius plurima , quam plurimum sciens , ut indubitatum supposuit .

*Solvitur ratio
contra Gale-
num dulcia, &
solertia impro-
batur.*

Scio hujus tempestatis Medicos Galeno adeò deditissimos esse , quòd statim cavillari hanc nostram rationem , ut Galenum à tanto criminе vindicent , sunt conaturi , affirmando noluisse Galenum docere , non posse nervum , & musculum , & carnem , æquali gradu caloris laborare , sed dumtaxat , quòd cum id acciderit , plus una particula quam alia à proprio temperamento distabit , indeque inæqualis intemperies dicatur illa . Et quamquam verum sit , quòd in hoc sensu verba citata ex Galeno salvari valerent , non tamen posse ad mentem Galeni sic explicari , facilitè dicendis ostenditur . Primò , quòd nulla esset æqualis distemperies in hectico , neque in marasmo , nec in ullo alio ægrotante , cùm febris illa , quæ hecticum infestat , plus multò disconvenientior sit nervo febrentis , quam carni ejusdem . Quod sufficere cavillator putat , ut inæqualis distemperies dicatur , Galeno aliter sentiente , cùm hecticam æqualem distemperi nominet . Secundò . Quia non plus ob id quòd sit hoc modo inæqualis intemperies , conservanda esset febris hectica sine causa materiali , à qua penderet , quam putrida : utraque enim , aut æqualiter objici , aut equaliter conservari deberet , quòd ratio æqua in u-

traque procedat , cuius contrarium Gal. vult . Tertiò , quòd Gal. ipse infra contextus adductos expresè refert ex mente Hippocrat. verba sequentia : [Dum alterascit , ac corruptitur natura , dolores fiunt , alteratur autem , ac corruptitur cuiusque natura cùm vel calefit , vel frigefit , vel siccatur , vel humefit , vel ejus unitas dissolvitur .] Quæ malitiā inæqualis intemperiei patientibus in sensu , quem nos exp̄simus , & non in eo , quem cavillator explicuit , contingunt , & nullis aliis . Non enim si humoris fluentis calor gradum duorum , & siccitas unius , de quo in exemplo præterito agebamus , essent inducta uniformiter in musculum , & in universas particulas ejus , putà nervorum villos , carnem , & tegentem membranam , ac tendinem , sive chordam , ut cavillator dicebat , posset pars ulla calefieri , aut infrigidari , humectari , aut exiccari ab alia , cùm inter similia non sit actio , & sic cessasset dolor , qui necessariò commitatur universas distemperies à Galeno inæquales vocatas . Ex quo liquidò sequitur , eundem noluisse , aliud distemperiem inæqualē vocare , quam quod nos explicuimus : & cùm in relato sensu Gal. ejus verba vera esse non possint , superest illum in hoc hallucinatum fuisse . Evadere enim , asserendo , quòd in altero duorum sensuum priorum intelligatur Galeni sententia , non potest , quòd rationes aductæ contra illas expositiones procedunt , ut contra evasionem cavillatoris improbatam .

Hoc jam misso , ad alia hujus contextus quarti explicandum accedendo (quamquam nonnulla satis clara sint) scitote quòd Galenus ibi refert modum , per quem inflammations , & alii tumores , qui ex defluxu humoris oriuntur , fiunt ,

*Prosequitur
explanatio cō-
textus.*

inquiens, quod si calida sit fluxio (eadem enim de frigida dici valent, sed explicuit potius calidam, quod frequentius invadat) id est humor aliquis calidus fluat in musculum aliquem, quod hic non aliter tumorem gignat, quam primum repletis arteriis, & venis majoribus illius musculi, & indè minoribus, ac post osculis parvarum venarum, quæ capere tantam copiam non valent, apertis, aut per earundem tunicas humore in membrorum simplicium porositates transmisso, putta in carnis, nervi, & chordæ foramina, vel in ea spatha, quæ inter hæc membra mediant. Certum enim est, quod adjutorii musculus, ut etiam alii omnes, aliquando contrahitur versus suam originem, aliquando dilatatur ad brachii naturales motus exercendum: quæ contractio, & distensio fieri non valerent, nisi versus os brachii, super quo situs est musculus aliquid cavum esset, quod cederet musculo constricto. In has ergo cavae, inquit Galenus, quod humor defluens etiam incidit, ut in membrorum simplicium porositates, indeque accedit, ut membra inflammatæ flecti non valeant, quod flexio sine musculi contractione non fiat, cui humor impactus in cavitate non cedit. Nec tantum replendo, noxam infert humor calidus, sed quoque calefaciendo, & dolorem dupliciter inferendo, tum per calidam distemperiem, cum per unitatem solutam. Et quamquam in omnes partes, in quas fertur, id efficere possit fluxio, arteriæ, & venæ sunt, quæ potissimum dolore ex distemperie, ac continui solutione vexantur.

*Arterias, &
venas sese doc
tari ostenditur,
mostraturque
qualiter qui
male intelle-*

Quò facile noscitur, numquam Galenum opinasse venis, & arteriis sensum collatum non esse, ut aliqui indocti crediderunt, seducti qua-

dam sententia Galeni ex decimo sexto libro de Usu partium, cap. 12. ab eisdem non intellecta. Verba ejus hæc sunt: [Arteriæ enim, & venæ partis cujusque sensus omnino sunt expertes, sive illas frangere velis, sive urere, sive incindere, sive laqueis excipere.] Ubi non privat arterias, & venas sensu proprio, sed tantum fatetur, per eas non deferri sensum in alias corporis particulæ. Quod verum est. Quia per nervos vis motiva, & sensifica dilabuntur, & per arterias, & venas vitalis, & nutriendi facultas deferuntur. Neque illud, quod ipsi falso dicebant, ex litera citata elici ullo modo potest. Verba enim literæ hæc erant: [Arteriæ enim, & venæ partis cujusque sensus omnino sunt expertes.] Quæ nihil aliud sonant, quæ quod nullam partem sensus arteriæ, & venæ conferant particulis nostris. Quod experimen-
to probat, inquiens, quod si illas fregeris, sive usseris, sive incideris, seu laqueo exceperis, à nulla parte nostri corporis sensum auferes. Ut scilicet, si nervum incidisses, aut us-
sisses, privasses sensu partem, in qua erat distributus. Hoc enim modo probationis, tam in libris de Fa-
cultatibus naturalibus, quæ in de Placitis Hippocrat. & Platonis, quæ in multis aliis uti solet Gale-
nus ad ostendendum originem cu-
jusque facultatis, & viam, per quam facultas deferatur. Sed de hoc, quod obiter duximus, dictum sit satis.

Propè ultimam partem contex-
tus, quem exponimus, inquit Ga-
lenus, quod reliquæ particulæ à
venis, & arteriis comprimendo so-
lum, vel incalescendo, laborant, &
nonnullæ utroque genere, vel utro-
que modo. Ubi indoctè esse inter-
pretatam dictionem illam, compri-
mendo, cuivis patet, quod non pars
dica-

*Prosequitur
expositio, &
improbatur
Galenii inter-
pres.*

dicatur laborare, quia inflammata comprimat aliam, sed quia inflammata comprimatur. Legendum ergo erat, compressæ, ibi, ut dixi, comprimendo legebatur.

Tandem in fine relatæ sententiae Galeni, inquit ipse, quod cùm defluat humor sanguineus per modum, quem diximus, efficiat phlegmonem, quem definit per inæqualem intemperiem musculi, ubi fervet sanguis, qui in musculo est, & is excalefacit primum, & maximè arteriarum tunicas, & mox omnia simplicia membra, quæ proxima his sunt, quibus circundatur, id est, in quæ inundat, in porositatis eorundem sese imbibendo. Quo influxu jam perfecto, necesse est, quod si humor fluens viscerit membra, in quæ sparsus sit, corrumpantur: at si ipse sit victus, ipsa ad naturalem priorem statum redeant. Exemplumque utriusque hujus eventus, in contextu sequenti exprimit.

CONTEXTUS V.

Esto igitur prius victa fluxio, rectius enim à melioribus incipitur. Duplex hic incidit curationis genus, quod vel digeretur quicquid humoris in particulam procubuit, vel concoquetur. Verum digestio optanda maximè curatio est. Concoctionem hæc duo necessariò sequuntur, puris generatio, & ejus in aliquod spatium abscessio. Abscedit aliquando in capacitatum, quæ propinquæ sunt, tum maximam, tum minimè momentaneam. Quod sanè abscessionis genus optimum est. Alias in momentaneam quidem, non tamen maximam. Interm in maximam, non tamen non momentaneam. Ac quæ in ventriculum incident abscessionum, optima est, quæ in sinum internum

ejus abiit, in quem etiam plerumque se aperiunt: mala verò, quæ sub peritoneon. Pari modo in his, quæ circa cerebrum existunt, bona est, quæ in priores ejus ventriculos abscedit, mala quæ sub involucra ejus: item quæ in posticum ejus ventrem se recipit. Qui verò circa costas abscessus colliguntur, hi in capacitates erumpunt thoracis. Ac muscularum quidem abscessus, sub cutem, viscerum verò, in arterias, & venas, quas in se continent, vel in membranam, qua operiuntur, quæ ipsis pro cute est. At si victæ à fluxione particulæ fuerint, in tantam deveniant intemperiem, unde tum earum pereat actio, tum ipsæ spatio corrumpantur. Porrò desinent tum primum dolere, cum mutatrici qualitati fuerint adsimilatae non enim cum mutata particularum temperies jam est, sive (ut sic loquar) in ipso mutatum esse, dolent, sed dum mutantur, sive in ipsa mutatione. Quemadmodum mirum dixit Hippoc. dum alterascit, ac corrumpitur natura dolores fiunt, alteratur autem, ac corrumpitur cujusque natura, cùm vel calefit, vel frigefit, vel siccatur, vel hume fit, vel ejus unitas dissolvitur, in iis quidem intemperamentis, quæ inæqualia sunt, excalefaciendo, vel exfrigefaciendo potissimum. Quippe cùm efficacissimæ qualitates eæ sint: secundo loco exiccando, vel humectando, ex esuriendo verò, vel sitiendo, deficiente hic humida, illic sicca substantia, ex vulnerando, & erodendo, & tendendo, & premendo, & convellendo: unitate ipsa solvenda.

COMMENTUM V.

Exemplum primum, quod in præsentiarum à Galeno proponitur, ut explicet exitum, quem inflam-

flammationes, sive sint phlegmones, aut erysipilæ, aut quævis aliæ habent, est, cùm horum morborum materia à naturali vi vincitur. Secundum, cùm contra contingit, quòd naturalis vis à materia vincatur. Dicit ergo quòd cùm ipsa nostra vis vicerit, dupliciter mederi, & curare morbum relatum valet, vel difflando, & in vapores resolvente inflammationis materiam deflu-xam, quod optimum, & vigentis naturæ opus est, vel eandem concoquendo, & in pus vertendo, materiam morbi in aliquo uno loco congerendo, & aggregando, quòd non adeò salubre, ut antecedens foret. Atque hoc postremum medicationis genus à natura sive arte factum, dupliciter fieri dicit, aut materia morbi abscedente, & ab-eunte in aliquam grandem capacitatem propinquam loco inflammatu, quæ quoque pauci momenti, & valoris sit. Et hoc optimum esse Galenus dicit. Vel in aliquam exiguum sitam in aliquo membro magni momenti, & valoris: quia opus necessarium ad vitæ conservatiōnem exerceat. Ut si in venas epatis, aut pulmonis immodica quantitas puris partium vicinarum, & quam ipsæ capere non valerent, excerneretur, & hoc pessimum esse testatur, vel in capacitatem magnam membra insignis, aut è contrà in capacitatem parvam membra ignobilis, & harum prior exitus salubris esset ex magnitudine capacitatibus, & pessimus ex nobilitate membra. Contrarium verò in ultimo accidet. Hæc hucusque nullam difficultatem habent, & satis vera sunt, ut à Galeno recensentur: ex his autem, quæ sequuntur, nonnulla difficultatem non exiguum præferunt.

Increpatur quædam sententia Galen.

Quòd ergo horrorem quandam incutere videtur, est, quòd de ven-

triculo exprimit, cùm refert, optimam earum abscessorum, quæ in ventriculum incident, esse, quæ versus partem interiore ejusdem tendit, in cuius cavitatem magnam quandoque se aperire testatur. Nam nullus est, qui nesciat, multò plus convenire ægrotanti cuique, ventriculi partem externam inflammari, & ad cutim apertione ire, ubi satis magna capacitas pateret, aër scilicet circundans ventris cutim externam, quæ quòd pars interior inflammata abscessum in se admittat, & per tunicam interiore materia abscessus expurgetur. Quippe, & si conemur à crimine tanto Galenum liberare, dicendo non intelligi sententiam illam de ventriculo, quem stomachum etiam nominamus, sed de intestinis, quæ quoque venter dicuntur, ut ipsi Galeno lib. primo de Alimentorum facultatibus, placet, dicens: [Perpicuum autem est, quòd etiam intestinorum substantiam nomine ventris complectimur.] Nihil proficiemus, quòd etiam melius esset ventris inferioris inflammationes ad cutim abscedere, & in pus verti, quæ in intestina. Maximè quòd nec hoc voluisse Galenum, sed propriè loquutum fuisse de ventriculo, quem stomachum nominamus, probant sententiæ sequentes de abscessibus ventricularum anteriorum cerebri, quos præfert abscessibus involucrum ejusdem: quasi hæc, quæ retulit, de stomacho, & ventriculis cerebri posuerit, ut exempla eorum suppurationum: quas laudabiles dixerat, eo quòd in magnas concavitates, & exigui valoris incederint, in quo deceptus, si id voluit, sanè est. Nam etsi magnæ sint illæ capacities, insignis quoque valoris esse, negare non potest: cum in altera cibus, in aliis spiritus animales concoquantur: & re-

la-

latis cerebri ventriculis purè in totum oppletis, necessariò sensus, & motus universalium corporis particularum cessasset. Porrò nisi lethargum Galenus patiebatur, cùm verba, quæ exponimus, scripsit, non video qualiter dictari ab eo potuerint in ullo ex sensibus dictis. Legebat enim ipse, & exposuerat Hippoc. contextum 44. & 45. primi Prognosticorum, ubi de inflammationibus, seu œdematis ventris agendo. Sic Hippocrates retulit: [Suppuratio inde proveniens ita consideranda est, quæ enim foras vertitur, optima est, si parva est, maximèque egreditur, & in sublimè resurgit. Si verò magna est, & lata, minimèque ad mucronem subducitur, pessima est. Quæcumque verò intrò rumpitur, optima est: si cum exteriori sede nihil communicat, sed adducta est, nec dolet, & omnis exterior locus uni color appetet.] Ibi exponendo 45. contextum in hunc modum scripsit: [Non simpliciter talis suppuratio optima est, sed earum, quæ intrò forasque rumpuntur, optima est. Siquidem hæc, scilicet, quæ interius tantùm rumpitur, deterior est, quam quæ foras rumpitur, hæc enim eruptio in partes multò nobiliores fit, quam sit in cute illum. Et item non æquè medicamentum adhiberi curatoriorum potest, quoties intrò versus rumpantur, atque etiam secretum pus mordet, & concerpit ea, difficultatem committit intestinorum. Et si quando in jejunio, aut tenuioribus fiat intestinis, alimoniæ vitiat diductionem, atque in ventriculo debilitat concoctionem. Itaque perspicuum est, ut pessima sit, quoties in utramque rumpitur sedem introrsum, atque extrorsum, ita enim geminatur malum. Nam nec sedem, nec velut initium refectionis ullum obtinet

natura reparandis ruptis, quo tamquam solo firmiora jaciat fundamenta repletionis.] Id est, non habet ullam sedem natura (cùm exteriorius, & interius rupta est inflamatio) in qua quiescens tamquam residens in firmissimo solo inde possit reparare rupta, jaciendo sanguinem, qui est fundamentum repletionis particulæ dissolutæ, & ruptæ. Ex quibus omnibus verbis palam elicetur, voluisse Galenum in citato loco oppositum ejus, quod in contextu, quem exponimus ex libro præsenti de inæquali intemperie. Et ne in solvendo relatam controversiam sententiarum adductarum immorer, videtur primò, asseverandum necessariò esse, suppositionem quamcumque ventris inflammati in partem internam iniquam esse, ob causas recensitas à Galeno super sententia Hippoc. ex primo prognosticorum à nobis adducta. Etiam quòd Avicena velit idem sen. 13. tertii tractatu 4. cap. undecimo de Medela adubellati stomachi, cùm inquit parum ante finem capit is: [Quandocumque erumpitur adubellati, da in potu incarnativa quamvis ille, qui evomit faniem ex stomacho suo, sit ad desperationem propinquior, quam ad spem] & quòd experimento comprobetur, quanta incommoda patiat puris generatio in interna parte stomachi. Secundò ut indubitatum referendum, inflammations stomachi posse feliciter finiri, si ipsarum materia non suppurata refudando in capacitatem illam ventriculi, in qua alimenta deglutita concoquuntur, incidat, ibique abscedat, & putreat, aut sine putredine per intestina, aut os excernant. Quod voluisse in præsentiarum Galenum crediderim ego: verba enim ejus illud significant, & aliud nihil. Nam cùm dicit: [At quæ in ventri-

triculum incidentur abscessionum optima est , quæ in sinum internum ejus abiit , in quem etiam plerumque se aperiunt .] Nihil aliud profert , quæm quod materia abscessionum ventriculi salubriter in sinum internum ventriculi suppatur . Et ne aliquis opinaretur , illum laudasse suppurationem factam in substantia ipsius stomachi : sed tantum , quæ fit in sinu concavo ejus , addidit , in quem scilicet sinum plerumque se aperiunt , scilicet infelicitate , si priori conferantur , cum tunc materia inflammationis prius suppurata in substantia stomachi versus internam partem ruptam exeat , quod illaudabile est . Quapropter ut id apertius adhuc exponeret , iterum addidit : mala vero quæ sub peritoneon . Nam quæ in hoc loco fiunt , plerumque in concavatatem internam ventriculi aperiuntur . Est enim peritoneum (quod Avicena Siphac nominat) ut Galenus de Anatomicis administrationibus libro sexto inquit : Membrana quædam lata consistentia tenuis , & latæ araneorum telæ similis , quæ sita est sub musculis universis ventris , distenditurque super stomachum , & viscera , & universa intestina , ac vesicam , procedens à cartilaginibus , in quibus mendozæ costæ finiuntur , usque ad pubis ossa , inde nomen peritonei sumens , quod prætendatur omnibus tum visceribus , tum intestinis . Quo existente tali , quale retulimus : cum supra se musculos ventriculi habeat , qui multò sunt crassiores , quæm duæ ventriculi tunice , ex quibus ipse constat , altera carnosa , putæ exterior , præsertim in parte , quæ versus os tendit , alia per totum nervosa , exterior scilicet , ut Galenus lib . 3 . de Facultatibus naturalibus , cap . 8 . refert , necesse erit inflammations , quæ sub peritoneum

fiunt , ad partem internam ventris rumpi , potius quæm ad externam , quod ut dixi , infeliciter accedit . In illo ergo à nobis supra explicito sensu , & non in alio veram esse Galen . sententiam , dilucidum est , ut in cæteris omnibus falsam . Per quem modum etiam intelligenda sequens sententia contextus Galen . erit , ubi ipse inquit , bonam esse suppurationem , quæ in priores ventriculos cerebri abscedit . Quippe salubriter humor , qui substantiam cerebri inflammando , noxam homini inferebat , in capacitatem laxam ventriculorum anteriorum ejusdem cerebri transfertur , ibique suppatur , & postea per os , & nasum descendit . Quod non raro in corizza defluxu per narum foramina descendente visitur , sudorilis , quibus nasus horum emungitur , sæpiissimè conspectis , pure tali quali vulneris , immundis . De his non plus , quod existimem , satis esse veritatem negotii hujus illustratam , ad cætera ergo contextus explanandum accedo .

Sciendum ex illo loco , ubi inquit Galenus . At si victæ à fluxione particulæ fuerint , illum agere de alio infelici exitu inflammationum , usque in finem hujus quinti contextus , & in universo hoc contextu tantum unicum , & singulare dubium explanandum offertur , alia enim plana sunt . Dubium est , qualiter intelligenda Galeni , & Hippocratis sententia , quæ hic tractatur , sit , quod desinant tunc primum dolere nostri corporis particulæ , cum mutatrici qualitatib[us] fuerint adsimilatæ . Quod per alia verba ab Hippocrate , & Galen . refertur : [Porro desinent tunc primum dolere cum mutatrici qualitatib[us] fuerint adsimilatæ .] Quod si fusè hic à me explicaretur , referendo diversorum authorum de hac

*Explicit
hic , & in se-
quente se-
peries dolore
inferat ubi in-
numera dubi-
dissolvuntur .*

re opiniones, certè putassem de his tantum scriptis libellum justæ magnitudinis posse me confidere. Sed quod hoc quæsumus potius à physicis, quam à Medicis sit absolvendum, ideo tantum quæ vera sunt, & tenenda, ut indubitata, hic à me exarabuntur, differendo fusam explicationem in opus illud, quod de exacta physica inscribetur.

Consideratio prima.

Est ergo pro quæsumi vera intelligentia primò sciendum, quod nulla nostri corporis calida distempries sit independens à causa conservante, propter impossibilia, quæ sequi ad hoc probavimus: quorum unum est, esse scilicet aliquid mixtum in totum absolutum, & perfectum à natura magis aëreum, & igneum, aut solùm magis aëreum, seu dumtaxat magis igneum, à suo ortu distans, quam cum proximior illi erat, & alia, quæ illic retulimus. Posse tamen esse aliquam distempriem frigidam independentem ab extrinseca causa, non negamus, quod non inconveniat propter immobilem calorem particulae aliquas plus quam aliarum aëreas partes, & igneas plus difflari, quam terreas, & aqueas, aut ob immobilem frigiditatem relatas calidas partes corrupti plus in illa, quam in aliis particulis. Ad quod nulla impossibilia ex recensitis sequi, palam est.

2. Consideratio.

Secundò sciendum est etiam, quod ille qualitatis primæ gradus, qui à simplicibus mixtum constituentibus poscitur, ut ipsa mixta forma melius conservetur, nequaquam à propriis subjectis percipiatur, neque à particulis sibi proximis, quod sint adeò intemperie hac similes, ea parte, qua se tangunt, ut insensibilis sit actio tam ex tarda actione, quam ex insensibili intensioris, aut remissioris gradus inductione, unde contingit, nos non sentire.

Tom. II.

actionem naturalem partium contrariarum, qua se mutuo corruptunt. Quamquam si aliqua pars esset insigni distemperie frigida independente affecta, à proximis partibus sua frigiditas, dum in eas ageret, perciperetur, quod non sit talis à natura genita, qualis vi morbi evasit.

Tertiò animadvertisendum, quod cum homines verè dicimus, sentire manum nostram, aut pedem nostrum, seu caput nostrum, non alter verum illud esse, quam quia tunc percipiamus calorem actualē spirituum, & vaporum calidorum difflatorum à caliditate immobile eorundem spirituum, qui ceu quædam flammulæ sunt: porro perpetuo spiritus à corde in cætera membra adveniunt, quia celerrimè, ut candelarum flammæ dissolvuntur, unde novam, & novam calcinationem in membra inducunt: hæc enim sensibilis alteratio est, & non insensibilis, ut præcedens, de qua egimus. Testatur id ita esse, quod cum stupor, seu insensibilitas particulam ullam opprimit, quia laqueo, vel alia re intercipiatur meatus, per quem spiritus animalis sensificus deferebatur, restituitur particula illi sensus, dilatato, vel absiso laqueo per spiritum novam influxionem. Non ob id tantum, quod ii restituant sensum, qui ab eis penderet, & eorundem defectus eo privassent, sed etiam quia calefaciens spumus deficiebat, quia jam cum primū laqueo soluto, deferatur, velut acus pungens deorsum versus per particulam descendens ab eadem percipitur.

Quartò animadvertisendum, impossibile esse ullam facultatem sensitricem sensu tactus, aut visus, seu quovis alio organo: sentire id, quo adæquatè afficitur proprium organum. Hac suppositione ad unguem

Quarta consideratio, in qua quid propriè sentiatur à tactu, exprimitur.

R

per-

percepta, mille dubia, quæ de re hac insurgunt, tolluntur. Et ut palam quid dicere velim, omnes intelligent, exempla in universis organis sensuum exponam, & primò in visu. Dico ergo, quòd species, quæ ab objectis visibilibus in oculum inducuntur, minimè à visu videntur, quamquam ratio illæ sint, ut objectum, quod ea genuit, videatur. Etiam in organo olfactus minimè percipitur affectio, quæ inducitur à re odorata in ipsum organum, sed odor accidens rei odoratæ, qui affectionem induxit in organum sensus olfactus sentitur. In sensu quoque auditus minimè concipitur commotio incussa ab aëre percuesso in organum auditivum, sed per ipsam commotionem sonus extrinsecus percipitur. In gustu etiam non dissimiliter evenit: nempè non sentitur qualitas illa, quæ à re sapida inducitur in linguam, sed illa est ratio, ut saporousæ rei qualitas percipiatur. Tandem in tactu, de quo præsens quæsitum agit, minimè sentitur qualitas, qua afficitur particula habens vim sentiendi, sed quæ illam inducit. Meritò dixi, quæ illam inducit de præsenti, & non induxit de præterito, quòd primum verum sit, secundum falsum: id exemplo explicare volo. Inducat nempè aliquod in frigidans ex duobus gradibus frigiditatis, quos tantùm habere fingo, dimidium in manum hominis tangentis: ille dimidius minimè sentietur à partibus manus, quibus inest, sed qui inducit illum percipitur, habet enim se dimidius gradus, ut species, quo facultas tactiva noscit productorem, ut in visu dicebamus, quòd non species coloris inducta in oculum sentiatur, sed color inducens, & eam producens. Adeòque procedit hæc visus, & tactus, & aliorum sensuum mu-

tua similitudo, quòd ut visibile perfectius cognoscitur ab oculo juvenis, prout species visivæ intensiores inducuntur in ejusdem oculum ad debitam distantiam situm: sic illud frigidum, ut duo perfectius noscetur, esse gradus, cujus est, quanto intensior, & intensior frigiditas circa duo inducitur, quæ deservit inductori loco speciei, dum, ut dixi, sit circa duo. Quia dum, ut duo producta est omnino similis inductor, statim alteratio, & ulterioris frigiditatis productio cessat, quòd sit passum omnino assimilatum agenti, indeque sensatio, quæ sine alteratione non fit, pausat. Neque est immeritò sic provisum à natura, ut retuli, quin prudentissime sic ab ea institutum, quia tactus non sit animalibus collatus, nisi ut prosequantur, quæ juvant, & viuent, quæ nocent. Seu juvantia, aut nocentia sentiantur, ut hominibus evenit, aut talia non sentiantur, prout bestiis accedit. Et cùm partes animalis habentes æqualem gradum qualitatum primarum, quem habet extrinsecum, aut intrinsecum agens, quod eas alterabat, jam ab illo agente noxam nullam recipiant, sed tantum à qualitate inducta, non erat cur illius sensus foret eisdem conferendus, nec qualitatis inductæ sensus parti suscipienti dandus: cum quocumque aufugisset pars talis, inevitabiliter secum latura erat qualitatem illam, qua ipsa afficiebatur, unde incassum sentiret, quod vitare nequivisset. Quo dilucidè ostenditur, quòd quævis distemperies propriè, sive impropriè facta vocata, ut distinguui ipsa consuevit, sentienda non sit: & non tantum quæ propriè facta, ut hec tica nominabatur, ut falsò hucusque fuit opinatum.

Sed hanc nostram assertionem labefactare fortassis aliquis tribus

*Tres obiectio-
nes proponan-
tur.*

modis conabitur. Primo objiciendo, quod si agens inducens aliquam distemperiem, cum jam in totum induxit illam, non valeat plus nocere alterando, possit obesse inductam distemperiem conservando, indeque si ille esset scopus naturae, quem nos fiximus, mancam ipsam fuisse, non conferendo sensum illius, qui conservat, ut ejus, qui alterat. Secundo, quod falsum videatur id, quod afferimus, puta sensationem pausare per omnimodam assimilationem partis sentientis cum re alterante, quod experimenta oppositum doceant. Noscimus enim hominem super aspersum aqua calida, & tanto caloris gradu alteratum quanto ipsa erat affecta, post aquæ absentiam calorem interius sentire. Tertio, quod non appareat verum esse, quod cessante alteratione, cesset sensatio, cum, absente igne, qui hominem calefaciebat, experiamur, hominem sentire calorem inductum, qui à nulla parte sentiri potuit, quam ab ea, cui inest, cuius contrarium nos retulimus.

Solvuntur ob-
jella.

Sed iis omnibus breviter faciemus satis. Primo enim argumento sufficienter respondemus, dicendo, prudentius esse provisum à natura auferendo, ut retuli, sensum illius qualitatis, quæ omnino particulam sentientem sibi assimilavit, quam illius sensum eidem particulæ tribuendo. Nam si indeceret membrum effectum qualitas, quæ inducitur, satis consultum erat in colmitati illius per sensationes, quæ præcedunt omnimodam assimilationem inter passum, & alterans, & superflua foret ulterior sensatio, quæ duraret, passo adhuc assimilato. Inter homines enim cordatos consilium est, amicis suadere, quæ illis expediant, & destituere illos quod consilia bis, aut ter respuant. At si

saluti particulae conveniret tantus qualitatis, quæ inducetur, gradus, quantus est in alterante, grave, & molestum esset, dolore illius vexari partem affectam, cuius ope medebatur. Ut secundum, ac tertium objectum solvamus, sciendum innatum esse omnibus naturalibus agentibus, fortius agere in propinquia, quam in distantia passa. Unde effectus productus per alterationem tanto intensor est, quanto agenti propinquor fuerit, dum universus gradus alterantis non est inductus in paciente. Nempe calidum trium graduum, exempli gratia, cum calefacit tripdale quantum in proximorem sibi pedalitatem prius inducit gradum unum, & duos, ac tres, quam in distantiores: at cum tres in illa sunt inducti, dein in alias tot gignere curat. Hoc supposito intellecto, utriusque dubii solutio pellicida evadit, confitendo eventus, quos argumenta in sui favorem ducent, veros esse, & negando inde aliquid adversus ea, quæ afferimus, sequi. Nam tam calefactus ab aqua sibi superirrigata, & aquæ gradu caloris ejusdem effectus, quam calefactus ab igne, de quo tertium dubium tractabat, dissimilem gradum caloris in intimioribus suis partibus habent ei, quem extimæ. Ob id, quod proximiores sint aquæ, & igni calefacientibus extimæ, quam intimæ partes. Indeque calidores ex præcedente suppositione futuræ sunt: Unde accedit intimiores calorem sentire, quem exteriores in eas inducunt, exempli gratia, si ab igne, vel aqua calida, aut alio quovis calido, cutis exterior hominis ullius afficeretur tribus caloris gradibus: & caro cutis proximior duobus dumtaxat, & caro profundius quam præcedens sita uno tantum, absente igne, & aqua, cutis niteretur calorem immo-

dicum, quem habebat, paulatim, & paulatim extirpare, & se in pristinam dispositionem reducere, at interea, quod carne sibi proxima calidior esset, eam calefacere non desisset, & carni illi idem eveniret, cum in timiore, quod cuti secum accideret, quod universa agentia, ut supra dixi, nitantur sibi assimilare passa, in eo gradu qualitatis primæ, quo ipsa sunt affecta: & toto tempore, quod durasset actio, & sensatio quoque duratura erat. Ita quod in casu recensito caliditas trium graduum cutis sentiretur à carne proxima, quæ à cuti alterabatur, & caliditas duorum carnis cuti proximæ perciperetur à carne interiore, quæ à superiore carne calefiebat: & hæc sensatio durasset per totum id tempus, quod pugna partium diverso modo præternaturaliter affectarum permansisset, calefacentibus extrinsecis absentibus, ut argumenta aduersorum objiciebant. Verum aduersus nostra placita nihil ea probant: quia à nullo adæquato subjecto, cui relati gradus caloris inhærebant, ipsi percipientur, sed à diversis partibus. Iis sufficienter esse tribus objectionibus responsum, reor.

*Quod ex prius
dictis sequan-
tur cassam
quandam an-
tiquorum dis-
tinctionem.*

Ex antecedentibus notum evadit, Hippocrat. & Galen. sententias, attestantes. Quod cum in mutato esse fuerint partes sensitivæ, tunc sentire desinant, & cum notabilitè mutantur, tunc sentiant, veras perpetuò esse, quavis distemperie morbifica ægrotent partes. Et cassam esse illam distinctionem antiquam distemperierum calidarum in factas, & fientes propriè, & impropriè dictas.

*Quid 2. se-
quatur.*

Secundò clarè quoque liquet, factum de fiente sentiri, non à parte, cui adæquatè inest, sed ab alia, in quam illud qualitatis factæ intensius existens, quam aliud partis re-

missius affectæ, suam qualitatem intensiorem inducit.

Iis clara linquitur contextus universa sententia, præter illa verba ultima, quæ sonant, post calorem, & frigus, siccitatem exiccando, & humiditatem humectando, dolorem inferre, esuriendo, vel sitiendo. Quæ in rigore vera non esse, certum est, ut dignoscitur ex appetentia contrariorum. Fames enim appetentia est siccii, & calidi, in ratione alimenti: ut sitis frigidi, & humili in ratione potionis, ceu Aristotelis rectè dixit secundo de Anima, textu commenti vigesimi octavi,

*Quid 3. se-
quatur.*

CONTEXTUS VI.

Ergo si calor sanguinis in particula, quæ phlegmone laborat, mittis est, tum qui in toto animalis est corpore mediocriter attemperatus, non facilè una cum afflita particula calefit: sin vel ille fervet vehementius, vel qui per totum spargitur animal, bilius est, illicò totus ad calorem vertitur. Multò verò magis sicubi ambo concurrunt, ut & qui in phlegmone habetur, admodum calidus sit: & qui in toto est animante, bilius. Porro calefit primum, qui in arteriis est sanguis: quod scilicet is tum natura calidior, tum verò magis spirituus sit: post hunc verò etiam qui in venis est. Quod si propinqua visceri, cui plurimus sit sanguis, obsessa phlegmone particula fuerit, jam celerius cum hoc universus, qui in animali est sanguis, calore afficitur. Unoque verbo, quicquid ex facili alterabile est, aut calidum natura, id à quovis calefiente primum excalfit. Non secùs, & ab eo, quod frigefacit, quicquid facilè alteratu est, vel natura frigidum, id primum refrigeratur. At promptus quidem

ad

ad alterandum spiritus est, utpote ex tenuissimis constans partibus. Calidissima natura merito est flava bilis, at frigidissima pituita est. Reliquorum humorum sanguis post flavam bilem maximè est calidus, sicut nigra bilis post pituitam est frigida. Quin etiam alteratur flava bilis levi momento, ex quovis in eam agente. Nigra ægrè alterescit. In summa quicquid tenuium est partium, id promptè alteratur: contrà cui crassæ sunt partes, ægrè. Ita necesse est multifariam phlegmones alterationes incident, propterea, quod multifariam affecta sunt corpora. Principio namque succus, qui phlegmonem excitat, magis, minusvè calidus est: deinde succi putrefactio pro ipsis natura respondet: non minimum certè, prout magis, minusvè est impactus, quippe quæ per spiratu carent, celerius putrescunt, veluti, & in externis accidit omnibus, cæterùm cùm calida temperie sunt, & humida, tum utique potissimum. Jam ipsa phlegmone laborans particula, vel propè, vel longè sita est à multi sanguinis visceribus: totusque sanguis, vel biliosus est, vel melancholicus, vel pituitosus, vel spirituosus, atque hæc omnia magis, minusque. Quare necesse est multiformes fieri alterationes, sive alterum fieri sit collatum, sive idem sibi. Fiunt hæc omnes inæqualis corporis intemperies, maximè quidem inflammato eo, qui in phlegmone est sanguine: deinde eo, qui in visceribus habetur, & corde: atque hujus maximè eo, qui in sinistro ejus sinu est. In quém (sicut in opere de usurpandis manu dissectionibus, est dictum) si vivo etiam animante, nec adhuc febre tentato, dimittere digitum ve- lis, vehementissimum deprehendis calorem. Quo magis verisimile est, ubi totum corpus præter naturam

incalescit, hunc maximè sinum ad summum pervenire calor: quippe cùm tenuissimum, maximeque spirituosum sanguinem habeat, ac moveatur perpetuò.

C O M M E N T U M VI.

Tam prolixam seriem contextuum Galeni unico commenticulo clausi, quod non adeò insignia dubia ex relatis sententiis insurgunt, ut ex duobus antecedentibus contextibus. In præsenti loco nihil aliud Galenus primitus conatur, quād docere causam caloris immodi accidentis in phlegmonatis particulis, ultimoque, quod ille calor difformis sit, & inæqualem intemperiem gignat. Inquit ergo in prioribus verbis, quod cùm sanguis, qui materia phlegmonis est, non fuerit natura calidus, neque reliquus qui in toto est corpore, non faciliter calefit affecta particula, sed tunc cùm sanguis contentus in phlegmone fervet, aut totius corporis sanguis biliosus est, vel ambo coinciderint. Et cùm duplex sit vas sanguinem continens, alterum, quod vena nominatur, reliquum, quod arteria dicitur, calefieri primū arteriarum sanguinem, & posteā venarum refert Galenus, ideo, quod arteriarum sanguis ex sua natura calidior, & magis spirituosus, quam venarum sit. Etiam tunc magis toti corpori communicari calorem, cùm jecori, vel cordi, vel aliæ particulae ubi asservari consuevit plurimus sanguis phlegmonata pars propinqua fuerit. Et tandem in summa quadam inquit, quod quicquid passibilius est, & natura calidius, id faciliter excalens: & quicquid passibilius fuerit, & natura frigidius, id celerius frigidum reddetur: & cùm spiritus substantia sit calidior: & passibilius multò quād humo- rum,

rum, & biliosus humor cæteris calidior, ac passibilior, superest verum esse, quod ipse Galenus asseveraverat, arteriarum biliosum sanguinem in phlegmonatis partibus primitus calefieri.

Increpantur
nonnullæ sen-
tentiae hujus
contextus.

Et quamvis omnia, quæ in praesentiarum ex Galeno duxi, vera sint, nullius momenti esse dicendis, manifestum est. Conatur quippe Galenus reddere causam caloris immodici contingentis in phlegmone, & innumera verba impertinentia consumit, docendo, quod spiritus, & biliosa substantia promptior sit excalefieri, quam alia. Ac subtilet, quod in primis dicere tenebatur, à quo scilicet hæc substantia spirituosa, & biliosa in phlegmone caleat, & totum corpus calidum efficiat. Nempe et si ipsa seipsa calida sit, ita calida erat, priusquam in phlegmone fuit acervatus humor, putà cum in venis, aut arteriis continebatur, & tunc totum corpus eo non calescebat, neque spirituum immodicus calor sufficiens erat calefacere febrili calore hominis corpus. Non ergo ab his calorem phlegmonis ducere ortum, erat verosimile, sed ab alio, quod omissum est à Galeno: de quo primus scripturus erat. At ipse culpandus non est, quia non dolo, & quod nobis invideret veritatem dicere, tacuerit, sed quod eum causa latuerit.

Dilluitur in-
nanis solutio
in reparationis
præterite.

Quod si quis ex nostris dicat pertulanter adversus tantum authorem me blaterare, cum ipse in recensito contextu mox post verba exposta referat: [Principio namque succus qui phlegmonem excitat, magis, minusve calidus est, dindè succi putrefactio pro ipsius natura responderet.] Ex quibus verbis facile elici adversus dicet: causam caloris phlegmonatae partis assignari à Galeno, patredinem scilicet illius

humoris, qui congestus est in inflammato loco, hoc minimè sufficere, paucioribus quam possum ostendam verbis.

Primo, quod si inde calor oriretur, quod sanguis biliosus putrens calefaciat partem phlegmone affectam, sequi videtur, sanguinem eundem putrentem extractum per venæ incisionem, etiam ardenter, ut phlegmonata pars, sentiendum esse, quod non experimur. Postquam enim in lance sanguis extractus calorem, quem è corpore humano traxit, amittit, statim frigidus percipitur: cuius contrarium eventus monstrare deberent. Nam si putredo caloris humoris causa foret, è corpore sanguis extractus, magis putridus cum minimè gubernari à natura valeat, futurus erat, indeque calidior.

Secundo, quod sanguinem è venis eductum quovis in loco arcto incluseris, & perspirari prohibeas, & si putreat, & calidius reddatur, non adeò calidum, ut phlegmonatam partem tanges, quin fermè nobis sanis non æquè calidum. Quod nec sic experiendum foret, sed multò nobis calidior sentiendum, ratione superius scripta, quia scilicet ille magis sit à natura distinctus, quam qui in corpore includebatur, unde majore putredine corripiendus.

Tertio, quod sanguis putridus, quantocumque gradu putredinis putreat, si ipsum putrere à corpore sejunctum tantum intelligas, multò minus calidus, quam est sanguis arterialis, intelligitur, & sentitur: & cum quod remissè calidum respectu alterius est, illud potius infrigidaturum quam calefactum erat, non video, quomodo posset sanguis phlegmonis putrens calefacere sanguinem arteriale.

Quarto, sanguis phlegmonis putrens,

Prima ratiō.

2. Ratiō.

3. Ratiō.

4. Ratiō.

treñs, qui in pus vertitur, non illum putredinis modum acquirit, ut qui extra corpus. Nam nulli sanguini putrenti extra corpus contingit, albus, & liquidum, & fœtidum, & adeò calidum, ut est sanies phlegmonis, fieri: ergo ab alio quam à putredine, illa accidentia acquisivit, quod principium Galenus (si resipuisset) investigaturus erat.

Proponit Auctor rationem, qua Galenus respere debebat, ac intelligere, quod non ab humoris putrido, sed aliud humor phlegmonatae partis caleat.

Porrò sola hac ratione excussurus erat ipse ignorantiam adeò crassam, ut ea est, quæ Medicos sui æmulos, hucusque decepit, cum fingit calorem humoris putrentis tantum, esse causam febrium, & ardorū erysipelatarum, & phlegmonatarum partium. Videns enim ipse multò aliter se habere sanguinem putrentem extra corpus, quam qui in corpore putrēscit, aliquid corpori collaturus erat, quod esset hujus putredinis peculiaris causa, & cum hoc specularetur, nihil aliud quam spiritus humanos invenisset: ii enim sunt velut flammulæ quædam, ut in antecedentibus docuimus. His ergo procurantibus in vapores difflare sanguinem, aut bilem, aut alium humorē congesatum in læsa parte, aut in pus illud vertere tributurus erat calorem, quem in phlegmonata parte sentimus, & non sanguini, aut bili putrentibus, eisdemque spiritibus per motus magnos frequentes, & veloces cordis, & arteriarum calidioribus, quam tempore sanitatis versis, etiam tribuere debebat calorem febrilem quem etiam natura commentata est efficere in recensitos usus, absundi scilicet superfluos, & inutiles succos, aut eosdem per secessum, aut vomitum, seu alias vias, quas calor febrilis patentiores, quam ante erant, facit, educendi, seu cum ab his perfectioribus operibus desistit, in pus vertendi humores eosdem: unde

peculiaris illa putrefactio sanguinis, & aliorum humorum in animalibus contingit: quæ certè eisdem humoribus extra corpus eductis non accidit, neque accidere potest, quod desit extra corpus principium illud, quo in pus viciati succi vertuntur. De quibus satis.

Quod in ultimis verbis contextus adducti legistis, putà inæquales intemperies resultare in phlegmonatis partibus, quia non adeò sint pituita, & melancholia apta calefieri, ut bilis, & spirituosa substantia, etiam falsum esse, quicumque naturales observat eventus facillimè dignoscet. Nam quamquam aqua, & lapis, & paleæ, exempli gratia, diversam substantiam habent, & calefieri non æquè prompta sint, tamen in unico vase inclusa, & igni exposita, æqualiter calent, cum ignis actio durat, neque si hominem alterassent, inæquali, sed æquali distemperie affecissent. Quid ergo obest pituitam, bilem, & melancholicum succum alterata à calore spirituum nostrorum, & æqualiter calida effecta, æqualem distemperiem in phlegmonata parte inducere?

Reliquum, quod à Galeno dicitur de calore vehementissimo sinistri ventriculi cordis, manifestè docet, hunc esse causam caloris phlegmonatae partis, & febrium per modum à nobis explicitum, & non putredinem humorum, ut hucusque fuit opinatum. Etiam clarè probat, quod non possit tam intensus calor augeri à remissiore humoris putrentis, ut in quadam antecedente ratione meritò objecimus Galeno. Antecedentia quoque dilucidè demonstrant, insciè dictum ab eo. [Quin magis verisimile est, ubi totum corpus præter naturam incalescit, hunc maximè sinu ad summum pervenire caloris.] Nam non se-

*Prosequitur
Auctor exposi-
tionem cōtex-
tus, & alte-
ram Gal. sen-
tentiam men-
daciæ esse pro-
bat.*

*Alia context-
tus pars ex-
pliatur, ex
qua nonnulla
contra eūdem
Galen.*

sequitur, quod & si ignis calidissimus sit, ideò plus caleat, quia alia sibi proxima caleant quin nisi summum calorem alia, quæ sibi approxinquant, attigerint, necessario, ipsum remittere, & refrigerare, con natura sunt.

CONTEXTUS VII.

Cæterum in febribus id genus omnibus, calefit quidem sanguis aliquando universus, quicumque non naturalem illum calorem, qui ex humoris putrescentia est obortus, concepit: non tamen ad arteriarum, venarumve tunicæ, aut aliud illum circunstantium corporum prorsus jam temperamentum suum mutavit: sed adhuc mutatur, atque alteratur incalescens, sive ut sic loquar, calefiens. Quod longiore tempore hoc patitur, etiam vinctur aliquando, prorsusque mutabitur, ita ut non amplius calefiat, sed jam sit præter naturam calefactum. Porrò terminus mutationis est, cujusque particulæ functionis læsio, ad quem usque terminum omnis alterationis latitudo via est in id, quod præter naturam est, veluti mistum, communeque, ac medium quiddam ex contrariis utrifice que compositum, ipso naturali prorsus affectu, & eo qui jam plenè est præter naturam. Ergo toto hoc tempore corpus incalescens pro modo alterationis etiam ad portionem sentit dolorem. Cum verò omnes corporis solidæ particulae excalafactæ ad absolutionem jam sunt, ejusmodi febrem hecticam Græci vocant, ceu non amplius jam in humoribus, & spiritu, sed in corporibus iis, quæ habitus rationem habent comprehensam. Hæc doloris est expers, putantque qui ea febricitant, omnino se febre carere. Neque enim sentiunt ejus

calorem, omnibus scilicet eorum partibus æquè percalfactis. Sed & convenit de iis, inter naturalis scientiæ professores in iis, quæ de sensibus produnt, nec enim citra alterationem est sensus, nec in iis quæ jam ad perfectionem sunt alterata, dolor. Itaque etiam hecticæ febres omnes, tum sine dolore sunt, tum neque sensu ab iis, qui ipsis laborant, perceptæ, non enim ex eorum particulis hæc agit, hæc patitur, cum omnes inter se jam similes sint redditæ, ac unicam habeant consentientem temperiem. Quod si alia earum calidior est, alia frigidior: at certè eatenus est frigidior, ut vicinum nihil offendat: alioquin sic scilicet partes, quæ pro naturæ modo se habent, mutuò se offenderent: ut potè quæ sic quidam temperamenti dissideant: caro namque calida particula est, os frigidum. Cæterum tam harum partium, quam reliquarum omnium indolens inæqualitas est, modi excessus meritò.

COMMENTUM VII.

In præsenti contextu Galenus explicare conatur differentiam inter febres, ac distemperies illas, quas ipse fientes nominat, & alias, quas factas dicit. Et ex hac dissimilitudine aliam quoque infert, cum omnis ex his putat fientibus, dolorem commutari affirmet, & aliis, factis scilicet, indolentem distemperiem adjungi. Refert ergo, quod primitus calefit in febribus putridis universus sanguis, qui afficitur ab humoris putredine, ac tunc non esse jam mutatam arteriarum, & venarum temperiem, sed mutari in verbis ulterioribus expressè affirmans humorum, & membrorum alterationes mutuo diversas esse, ubi si dicit humorem, qui actu-

In hoc con-
mento errore
Galenii non
nulli offendit.

putret aliter in febrentibus alterari sive calefieri, quām membra, vera Galenus fatetur: nam humor putrens amittit formam, quam habet, & aliam acquirit, cum in aliud mistum transit, ut contingit carnibus putrescentibus, ex quibus vermes gignuntur, aut eisdem cum in quatuor elementa, ex quibus constituebantur dissolvuntur quæ in quarto Meteororum libro palam Aristot. docet, & nos in nostra exacta philosophia fusè ostendemus. Verum si alios humores, putrido excepto, diverso modo quām membra alterari Galenus opinatur, ut ejusdem verba, quæ de universo sanguine calefacto loquuntur, dicere videntur, falsum manifestè decretum illud erit cùm non semper in omnibus febribus universus sanguis putreat, sed quandoque nihil ejus corruptum sit, sed tantum ipse caleat: Ut enim manente tunicarum, arteriarum, & venarum nativa temperie, quæ qualitas secunda est, ut retro diximus, calescunt ipse: sic quoque manente temperie illa sanguinis, quæ qualitas secunda etiam ejusdem est, calefit ipse, & alteratur, & ut remota febre, arteriarum, & venarum tunicæ in pristinum calorem sibi decentem se restituunt: sic eadem remota, sanguis, qui non putruit, proprium calorem recuperat, & immodicum abjicit. Sed hic eloquentissimus, & satis crassæ minervæ vir non raro in hoc libello aberravit: quia temperiem qualitatem secundam, non distinguit à temperie qualitatem primarum, ut in hoc commenticulo inferius ostendam. Porro post taxatam sententiam aliam subiungit, non minore, quām præterita censura dignam. Illa est, quod cùm alteratur, & mutatur per febrem corpus, in termino calefactionis non amplius calefiens dicen-

dum sit, sed præter naturam calefactum, & temperamentum suum amissum habens, atque hunc calefactionis terminum cognosci per læsionem operationis particulæ, in qua inducta est intemperies. In quibus ambobus decretis manifestè aberrat Galenus: nam neque semper cùm præter naturam calefacta est particula, temperamentum, quod est qualitas secunda, amittitur: cùm experiamur uniformiter, inducto ab aëre calore intenso in aliquas ex nostris partibus, absente aëre, illum abjici, temperamento partis manente. Neque aliud verum est quod per læsionem operationis dignoscatur, inductam jam esse intemperiem, & non induci, cum etiam ante, ac prius quām inducta sit, putat cùm inducitur, officium particulæ, quæ alteratur, sèpè sensibiliter lèdatur. Quis enim tam demens est, qui audeat affirmare, quod cùm ignis induxit tres (verbi gratia) caloris gradus, qui quatuor erit etiam inducturus, quod in hoc alterationis tempore, pars tribus gradibus caloris affecta, non sit læsa, quia necedum omnes quatuor sint inducti, cùm tunc dolere, & ardere, & rubescere, ac forsitan intumescere conspiciatur? At ut dixi, hallucinatus est author hic, quia confundit alterationem contingentem per solam inductionem qualitatum primarum in aliquod passum, à quo complexio, quæ est qualitas secunda, non est abjecta, ut quæ sèpissimè accidit nobis calecentibus à sole, vel igne, aut motu, vel febre, cùm ea, in qua non tantum primæ qualitatis inducuntur, sed ad easrum immodicam introductionem, etiam temperies, seu complexio, qua forma substantialis asservabatur, abjicitur, & ipsa forma simul cum complexione corruptitur, ut cùm particula quævis putret, aut

in ignem vertitur, vel alio quovis modo propriam formam substantialem amittit, & aliam noviter acquirit. Certè de alteratione hac ultima (& si non propriè sic nominanda erat, ut Aristot. primo de Generatione docet) ad quam novæ formæ generatio sequitur, loquendo, verum est, quod dixit: [Quòd cum longiore tempore incalescendo patiuntur particulæ, etiam vincentur aliquando, prorsus que mutabuntur.] Cùm quòd longo tempore incalescit, hoc non nisi intensorem, & intensorem gradum caloris acquirendo patiatur: alias si novus gradus semper non adderetur, non verè diceremus, quòd incalescit, sed quòd jam incaluit, sed per immodicam inductionem caloris in humanas partes formam substantialem abjici, ut cui inconveniens calor ille sit, certum est. Unde quoque colligitur reliquum, quòd Galen. dixit, certum esse, putà, quòd mutentur tales partes, nam ex viventibus non viventes cum diffitantur sunt. Verum tamen de alteratione propriè dicta, ubi nullius substantialis formæ amissio, neque novæ generatio concurrit, loquendo, citata Galeni sententia falsa esset, ut probavimus.

Prosequitur
expositionem
author. Reliquum, quod scripsit, putà omnem alterationis latitudinem finiri, cùm terminus præter naturalis parti patienti est adeptus, verum est, si terminum præter naturalem patienti parti formam substantialem noviter acquisitam nominare velit: nam cùm excalfit ab igne aër, aërem alterari dicimus, at summo calore ab igne genito, & aëre ob id corrupto, locoque illius alio igne facto, alterationem tunc aëris finiri, nemo inficiatur. Verum si terminum præter naturam dixisset Galen. calefactionem, aut infri-

gationem, humectationem, aut exiccationem nomini disconvenientem, falsum esset opinari, tunc alterationem talem cessare, cùm terminus præter naturam sit acquisitus, quòd experiamur inductis duabus gradibus ullius qualitatis primæ, qui desconveniant viventi, & præter naturales illi sint, posse adhuc illos intendi, alterationemque eis inductis non finiri, sed etiam prosequi. Quod deinde sequitur, alterationes scilicet hujusmodi esse velut mistum, communeque quoddam medium inter contraria, putà inter naturalem, & non naturalem affectionem, verissimum est. Cùm enim temperatus, exempli gratia, non plures caloris quām frigiditatis gradus habens, ab aliqua re præter naturam calefit, aut infrigidatur, accidit, ut Galenus inquit, quòd ille afficiatur à gradu caloris, aut frigoris sibi disconveniente, qui simul aliquo convenienti affectus est, ubi contingit esse simul affectum tunc, qui temperatus erat gradibus caloris, aut frigoris sibi convenientibus, & etiam eo gradu disconvenienti, quem res præter naturam induxit.

Aliud quoque quod refert: [In toto scilicet tempore alterationis pro modo, & quantitate ejus dolorem majorem, aut minorem fieri.] Perpetuò verum non est, quia contingat immodicè calefactam partem, minori dolore afflitti, quām cùm remissiorem calorem patiebatur, vi sensitiva à tam immodico objecto dissipata. Certè cum frigidas immodicas dolorem infert, manifestius, verum hoc esse, experimur. Quis enim non observat, quòd opio medicamento frigido devorato, post exiguum moram frigus sentiamus: perseveranteque infriagatione frigiditateque aucta, per ipsius opii infrigidantem facul-

Prosequitur
inceptum ab
ibor.

ta-

tatem, quod stupidī, & omni dolore privati reddamur? Nullus certè.

Idem quod in antecedentibus agit author.

Illud ubi concludit modum: per quem hec̄tica febris fiat, absurdissimum, ut in antecedentibus vidistis, est. Quæ enim major absurditas, quam dicere: [Cùm verò omnes corporis solidæ particulæ excalfactæ ad absolutionem jam sunt, ejusmodi febrem hec̄ticam Græci vocant, ceu non amplius jam in humoribus, & spiritu, sed in corporibus iis, quæ habitus rationem habent, comprehensam.] Nam aut calefactas ad absolutionem partes vocat, partes, quæ summè calidæ, ut ignis sunt: & cùm hæ vivæ esse non valerent, quia jam in ignem versæ, si ignis dispositiones habuissent, hec̄tica febre laborantes tales partes non essent dicendæ. Neque illis conveniret, quod pro signo peculiari hec̄ticorum scribitur, scilicet in dolorosas fore, quin maximè dolentes futuræ fuissent, si forma membrorum esset corrumpenda, & in ignem vertenda. Aut calefactas ad absolutionem partes illas dicit, quæ æqualem calorem, cum humore putrido habent, aut tantum, quantum spiritus febrentis ephemera febre possident. Et in hoc etiam aberrare ipsum manifestissimum est, quod in putridis, & ephemericis non inconveniat membra humana tanto caloris gradu affici, quanto humor, aut spiritus, & hunc, consumo humore, aut difflatis spiritibus illis calidis amitti, & ad moderatum, & sibi decentem calorem membra restitui. Quod hec̄ticis febribus minimè accidere credidit Galenus, quin quovis humore, aut spiritu consumo, ipsam febrem hec̄ticam membris humanis hæsuram protervit.

Non tantum hec̄ticam febrem in dolores esse ex-

Esse solam febrem hec̄ticam indolorosam, falsum esse, omnes sciunt, qui febribus tertianis, ma-

Tom. II.

ximè nothis ægrotarunt. Si enim vera fateri voluerint, ii dicent, quod postquam in totum aucta est febris, ab eisdem non percipiatur, atque hoc per insigne temporis spatium perdurare, confitebuntur. Quod & si peculiare etiam sit aliis febribus, non tamen adeò prolixum esse statum earum, ut harum certum est (quartanis exceptis) ideo de nothis tertianis exemplum scripsi: sed quia superius novisti, qualiter in febribus dolor percipiatur, ac in aliis distemperiebus, ideo fusius de his in præsens non ago.

Certè causam, quam assignat, cur in dolorosæ hec̄ticæ febres dicantur, quia scilicet omnes corporis partes in eis æquè percalfactæ sint, sufficiens est. Nam si memores estis, diximus, quod tunc cùm est difformiter caliditas, aut frigiditas, seu alia qualitas ex primis inducta in nostrum corpus distemperies intensius affectæ partis percipiatur à remissiore, in quam intensior agit: ex quo clare eliciebamus, quod cum omnes corporis partes æqualiter calidæ, aut frigidæ agere mutuo non valuissent, quia inter similia non sit actio, dolor sentiendus non esset, indeque etiam vera Galeni sententia sit, quod omnibus partibus æquè percalfactis in hec̄tica febre existentibus, minimè dolor percipi queat. Verum, ut diximus, non hoc peculiare signum est hec̄ticarum, sed commune omnibus illis, in quibus uniformis calor in toto corpore extiterit. Cur potius hec̄ticis hoc tributum sit, quam aliis febribus, tam à Galeno, quam à posteris Medicis, cùm de quovis genere febris speciatim scripserim, Deo dante, docebitur.

Ignorasse Galenum distinctionem temperaturatum nostrorum membrorum in calida, & frigida actu talia, & ea sunt, quæ forma-

*Ex cuius distinc-
tionis ignoratio,
quam maxi-
mè aberravit
Galenus in
præ-*

*presenti libet
lo.*

lem calorem , aut frigiditatem habent , & calida , & frigida potentia talia, quæ scilicet qualitatem secundam natam producere calorem, aut frigiditatem habent , & si ipsa actu calida , aut frigida non sint , sibi quam maximè nocuit , & in negotio hoc hallucinari eundem fecit. Quamquam enim in libris de Medicamentorum facultatibus , & aliis innumeris locis , cùm de medicamentis loquitur, hanc distinctionem innuit : in hoc libello de temperie nostrorum membrorum agendo , eadem non utitur, ideoque passim aberrat. Dixerat enim supra , partes corporis , distemperie facta ægrotantes , adeò æquè distemperas fore, ut nulla in aliam agat, scribens : [Non enim ex eorum corporum particulis hæc agit , hæc patitur : cùm omnes inter se jam similes sint redditæ , ac unicum habeant consentientem temperiem.] Et statim quasi aberravisset , addidit : [Quòd si alia earum particularum calidior est , alia frigidior , at certè eatenus est frigidior : ut vicinum nihil offendat , &c.] Non videns Galenus , quòd non indiguisset exprimere , quæ expressit , cum ad priorem sententiam illa non attineant. In prima enim , ubi dixerat , quòd illius , qui intemperiem factam habet , partes æquè malè affectæ sunt , & mutuò inter se agere , nequaquam possint manifestè vera profert , loquendo de formalibus , & actualibus intemperiebus. In secundo autem decreto ubi refert , quòd non æquè calida , aut frigida nostra membra sint , et si illam intemperiem , quam ipse factam nominat , patientur , etiam non mentitur. Nam et si æquo formalí calore caro , & os sint alterata , diversas temperies vocatas qualitates potentiales , quæ qualitates quædam secundæ sunt , easdem habere du-

bium non est. Si enim præternaturalis ille calor ab utraque partium affectarum afferretur , & nulla extrinseca vi partes illæ alterarentur , caro in non tam remissum calorem se reduceret , ut os : & hoc minimè priori decreto contrarium erat , nam membra hæc non aliter se habent , quam ferrum , & lapides : & plumæ : & lana : simul ab igne : vel sole æquè calfacta , quæ perseverante caloris productore , mutuò inter se non agerent , si tamen illæ abesset , ferrum , & lapis frigida fierent cætera calida manerent : ut caro calida mansisset , ablata febre , & os , ac nervus frigida , si suæ temperiei quæ qualitas secunda est , relinquenteruntur. Et ut aberrasset , qui dixisset , ferrum , & lapides , de quibus loquebamur , non infrigidant lanam , & plumas , cùm æquè calida ab igne sunt , quia non tantum sunt frigida , ut infrigidare illa valeant : sic aberrat Galenus , cùm dicit , quòd cùm intemperies æqualis nos afficit , caro , & nervus non se alterant , quòd non adeò distent , ut eorum quodvis vicinum nihil offendat. Ratio enim , cur illa non se afficiunt , nulla alia est , quam quòd intemperie actuali , & formalí æquè calida omnia sint. Hæc enim est à qua actio inter membra nostra oritur , undeque dolor , aut delicia resultat , & non intemperies qualitas secunda nominata , à qua inter nostra membra actio nulla versatur. De his et si quam plurima dicenda supersint , scribere alia non placet , quòd negotium prolixius est , quam ut in commenticulo sit redendum. De eo , Deo concedente , ageamus fusè tunc , cùm modum , per quem medicamentariae facultates agunt , explicero , & interitus naturalis animatorum , & mistorum causam reddidero.

CONTEXTUS VIII.

Sic namque nec aër qui nos ambit, prius offendit, quād ad immodicum, calorem, frigusve est immutatus: cuius alioqui, quæ in medio sunt, differentias, tametsi numerosas, ac manifestum excessum inter se habentes citranoxam sentimus. Ex iis ergo fortasse, nec illud durius dici videatur, quod Hippocrates alicubi ait, omnem morbum ulcus esse. Quippè ulcus unitatis est divisio, immodicus verò calor, ac frigus proximè accedunt, ut unitatem solvant: plurimus quidem calor, dum segregat, ac incidit substantiæ continuitatem: summum verò frigus, tūm stipando, tūm introrsus pariter tendendo, quædam exprimit, quædam quassat. Atque hunc quispiam immodici caloris, ac frigoris terminum statuens, fortasse non immodicè sentiat. Seu verò is, seu aliis immodici excessus terminus est, certè consistere omnem immoderatum excessum in habitudine ad aliquid jam liquet. Non enim paratione à calidis, frigidisque afficitur omne corpus. Indeque fit, ut aliqua animalium convenientes inter se succos habeant, aliqua non solum non convenientes, sed etiam qui se mutuò corrumpant: veluti homo, atque vipera, quorum utriusque saliva alteri est pernicies, ita utique, & scorpium necaveris, si jejonus illi inspueris. At non homo hominem morsu interimit, nec viperam, nec aspis aspidem. Siquidem quod simile est, id congruum, amicumque est: quod contrarium est, inimicum, ac noxiū. Augetur enim quidque, ac nutritur à similibus: perimitur, ac corrumpitur à dissimilibus. Itaque etiam sanitatis tutela per similia perfici-

tur: morborum sublatio per contraria. Verū de iis aliis est sermo.

COMMENTUM VIII.

Si præterita non suffecissent, ad ostendendum, confudisse Galenum intemperiem actualem cum intemperie potentiali, jam prima verba hujus contextus, quem expono, il-lud palam monstrarent. Dicebat quippè Galenus qualiter caro, & os, & si diversas temperaturas habeant non mutuo se dolore afficiant. Et in exordio contextus nostri confert hanc temperaturarum diversitatem, quæ qualitates secundæ sunt, diversis aëris nos ambientis intemperiebus, aëre formali, & actuali calore, aut frigore, humiditate, & siccitate tantum affecto, & non potentiali: quia elementis nullæ qualitates secundæ insunt: eæ enim ex actione diversorum elementorum mutuò pugnantium resultant, & ex unico confici non valent. Porro, ut dixi, non parum labitur Galenus relata non animadvertis.

Reliquum de Hippocratica sententia, ubi omnem morbum ulcus esse testatur, alludere videtur Galeni sententiæ primi libri de Symptomatum causis, capite sexto. Ibi enim quoque testatur, cujusvis sensus immodica objecta non aliter dolorem inferre, quād unitatem solvendo. Quod fermè est asseverare dolorem non aliundè procedere, quād ab unitate soluta. Res profectò in totum contraria veritati, cùm impossibile sit, unitatem solutam citra distemperi dolorem efficere. Et quòd negotium hoc sit satis difficile, prolixumque, si exactè esset explicandum, ideo brevius quād possim, ab eodem me extricabo, differendo usque in opus edendum exactum hujuscè rei examen.

Probatur in
presenti con-
textu aberra-
tione Gal. confe-
rendo distem-
peries actuales
potentialibus.

Sunt

Sunt tot, ac tam diversæ senten-
tiæ de essentia doloris, quòd eas-
dem, & fundamenta, quibus inni-
tuntur, referre, prolixum valdè fo-
ret. Ideò tantùm compendium quo-
dam horum decretorum, rationi-
bus, quæ eadem fulciunt, relictis,
proponam, & statim ad causam do-
loris explicandum transeat.

*Quid diversi
Autores opi-
nati sunt do-
lorem esse.*

Fuere nonnulli, qui dolorem
per tristem sensationem definie-
runt, opinantes dolorem esse sen-
sationem, & hanc actum distinc-
tum realiter à facultate sentiente
falsò fingeant. Alii actum appeti-
tivæ, quæ nobis inservit, ut fugia-
mus, quæ disconveniunt, & prose-
quamur, quæ nobis proficia sunt,
dolorem esse protervierunt. Qui-
dam actum cuiusdam facultatis,
quam imaginativam coextensam
cum tactu nominant, innitentes nef-
cio quibus verbis satis confusis A-
ristotelis, in secundo de Anima, do-
lorem esse dixerunt. Reliqui non ac-
tum, sed objectum quoddam trac-
tricis facultatis, distinctum à qualiti-
tibus primis, quæ tactus objecta
sunt, esse dolorem fatentur.

*Quæ do-
ris immedia-
ta causa fit
ostenditur.*

Et ut inter hos non convenit de-
tentitate doloris, sic de immediata
causa illius iis dissentunt. Quidam
opinantur duplēcēt esse doloris
causam, solutam scilicet unitatem,
& distemperiem quoque. Et harum
quilibet vim inferendi immediate
dolorem concedunt. Alii rentur u-
nitatem solutam immediatè do-
rem inferre. Et intemperiem tunc
tantum dolorem efficere, cùm ad
unitatis solutionem immodice con-
stringendo, aut dilatando intempe-
ries perduxerit. Cæteri è diverso
sentiunt, dolorem scilicet à soluta
unitate immediatè effici, non posse.
Et tunc tantùm solutam unitatem
dolore afficere, cùm distemperiei
causa fuerit. Quam sententiam ve-
ram esse, quibusdam jactis priùs

fundamentis, indubitata ratione
probō.

Primum, quod supponere oportet, est, qui notissimum physicis omnibus, qui libros de Anima novarunt, esse scilicet impossibile, sensibile commune cognosci ab aliqua facultate sensitrice, non cognito priùs sensibili proprio. Itaque cùm in visu sensibilia propria sint lux, & color, impossibile est cognosci per visum rei lucidae, aut coloratae figuram, magnitudinem, numerum, motum, aut quietem, quæ sensibilia communia sunt, si priùs naturæ prioritate lux, aut color non percipiatur. Et cùm in tactu sensibilia propria sint caliditas, frigiditas, humiditas, & siccitas, nullum tangible quantum, aut figuratum, motum, aut quiescens, tanti, aut tanti numeri, cognosci valebit, nisi ulla ex primis qualitatibus noscastur. In aliis quoque sensibus idem necessariò accidere, omnes indubie testantur.

Secundò præscire oportet, solutam unitatem nihil aliud esse, quam aut illum partium solutarum numerum, aut indecentem earundem figuram, quorum quodvis à tactu percipi non poterit, nisi ulla primarum qualitatum percipiatur, quòd figura, & numerus de communibus sensibilibus sint, quibus convenit, non sentiri, nisi propria priùs percipientur, ut antecedens suppositio docuit.

Tertiò præsciendum est, nullam qualitatem inhærentem parti facultatem tactricem habenti sentiri à parte, cui ineft, ut ex quarta animadversione commenti quinti hu-
jus libri patuit.

Quartum quoque est ut notissimum habendum, in sola tactiva facul-
tatem dolorem versari. Si enim accidit oculum, aut aurem, seu linguam dolere, non quia videt
ocu-

*Solam inten-
periem doloris
causam in
mediatam ef-
se evidentissi-
mis argumen-
tis ostenditur,
Suppositis pri-
us quibusdam
assertionibus.*

2. Suppositio

3. Suppositio

4. Suppositio

oculus, dolet, sed quia tactu est particeps, & nec auris quia audiens, sed quod ejus tactus afficiatur, dolet. Idemque aliarum facultatum organis contingit.

*Ratio validissima, qua in-
temperiem t. l.
cùm doloris im-
mediatā cau-
sanēt, pos-
se probatur.*

Quibus intellectis, ratio insolubilis, qua probatur, solam distemperiem posse immediatam causam doloris esse, colligitur quae hujusmodi inest. Quicquid à sensu tactus dolorosè percipiendum est, calidum, aut frigidum, humidum, aut siccum est sentiendum: ergo si unitatis solutio dolorosè est sentienda, calida, aut frigida, humida, aut sicca est percipienda. Consequētia est nota, ex secunda suppositione. Et antecedentis quoque veritas ex prima, & quarta. Ulterius caliditas, & frigiditas, humiditas, & siccitas partis solutam continuitatem patientis est sentienda, ut ipsa dolorosè percipiatur: ergo vel à parte soluta, vel ab alia. A parte soluta non, quod illi quævis illarum insit, indeque ab ea sentiri non possit ex tertia suppositione, ergo ab alia. Sed hoc est impossibile, & contra experimentum, quod docet, in partibus solutis sentiri dolorem ex unitatis solutione, & non in aliis illæsis, ergo antecedens, ex quo sequitur, falsum erit. Cùmque hoc non aliud sit, quām assertio, quod unitatis solutio immediate efficiat dolorem, superest assertionem illam falsam esse: & quod sola distemperies dolorem inferat verum sit. Est tanti valoris ratio hæc, quod si verum est, quod ab omnibus ut indubitatum supponitur, solutam unitatem scilicet esse sensibilem de per se, & si de numero communium, & non propriorum, physica demonstratione, conclusio probata supersit.

Objicere enim nobis, si verum esset, quod intulimus, necessariò sequuturum, quod si se caretur ali-

cujus membra unitas ense, vel alia re æquè ut membrum, quod inscinditur, calida, & aër etiam æquè calidus, ut membrum inscissum fuisset, dolor non perciperetur, quia distemperies nulla in membro soluto ex hypothesi tunc adesset, nequaquam nostrum decretum refringet, quod supponat impossibilem eventum, & qui accidere naturaliter non possit. Non enim tantum membra nostram cùm solvuntur, in temperiem patiuntur ab extrinsecis causis, aëre, gladio, & aliis rebus, verùm, & ab intemperie spiritus, qui defertur in membrum solutum, ipse enim detectus cute, & carne, necessariò alteratur, & partemnoxam patientem in quam defertur, alterat, etiam nulla hominis pars sensibilis magnitudinis uniformis temperiei est, quin una altera calidior, aut frigidior, humidior, aut siccior. Unde impossibile est ab aëre, qui esse non potest æquè difformis, ut partes hominis sunt, membrum non alterari. Nam si æqualem gradum caloris aër haberet, ut pars æquè, ut ipse calida, calidiori, aut frigidiori hominis parti collatus, intemperatus erit, in illasque intemperiem inducendo, dolorem prorritabit. Defluxus quoque inordinatus sanguinis, & bilis, ac alliorum humorum in partem dissec tam, non parùm intemperiem earumdem auget, & dolorem concitat. Quibus verùm esse manifestum est, eventum, quem ut possibilem arguens supponit, impossibilem esse, indè quoque rationem illam casam manere.

Quippè qui opinabantur, solutam continuitatem doloris causam immediatam posse esse, argumento à nobis parùm supraducto respondent, admittendo eventum, ut possibilem, fatenturque non inconvenire, cum decenti temperie pri-

*Proponitur
quædam futi-
lis solutio ra-
tionis illius,
qua probaba-
mus à soluta
unitate imme-
diatè dolorem
fieri, non pos-
se, & incre-
ma-
patur.*

*Quedam in-
natis objec-
tio-
salvitur.*

marum qualitatum foedam figuram, aut numerum disconvenientem dolorosè immutare, idque satis ingeniōsè exemplo quodam probare existimant. Accidit, inquiunt, hominem optimi coloris deformem videri, cùm illius turpis figura deformius immutat, quām pulcher color elegantē. Ad cujus similitudinem posse contingere, credunt, optimam temperiem dolorem inferre, quando solutæ unitati, quæ deformis membra naturæ est, conjungitur. Non animadvertisentes ii, quòd non inconveniat, visu videri colorem ullius deformis hominis, simil cùm turpi figura ejusdem, & impossibile sit, temperiem, seu distemperiem partis patientis solutam unitatem percipi à parte, in qua subjectivè ipsa fuerit, & quòd absque sensatione illa dolor esse non valeat, quia soluta unitas, quæ ex sensibilibus communibus est, non possit percipi à tactu, si temperies, aut distemperies propriè sensibilis sibi conjuncta non percipiatur, ut prima suppositio rationis superioris docuit.

*Experimento
probatur verū
esse, quòd tan-
tum intempe-
ries doloris fit
causa.*

Quin ex alio eventu nostri decreti veritatem comprobari, manifestè intelligitur. Si enim partis, quæ secatur, dolorem imminuere conamur, oleis, aut aqua tepida abjicientibus intemperiem insignorem, dum incisiam partem foveamus à dolore relevamus: quod fieri non posset, si unitatis solutio doloris causa fuisset. Nam hæc minime per fotum relatum comminuitur.

*Alla ratio,
qua idem sa-
tis evidenter
probatur.*

Alia quoque ratione evidentissimè ostenditur, solutam unitatem immediatè dolorem inferre non posse. Nam si ab hac tantum oriri dolor valeret, sequeretur, quòd si semel ex tali unitate soluta dolor, fieret, semper durante unitatis solutione, esset perseveratus. Conse-

quentia est nota. Quia si transacta hora post dissectionem durat dolor, non est, cur post annum perseverante dissectione, dolor non perseveret, cùm adeò facta esse dicatur dissectione post horam, ut post annum. Sed eventus oppositum docent, medicamentis scilicet auferrantibus intemperiem, aut dum ipsa uniformis, & æqualis versa est, dolorem auferri, solutione unitatis manente. Ergo ab intemperie, & non à soluta unitate dolor ortum trahebat.

Si proterviat aliquis, quòd unitis solutio cùm fit, dolorem inferat, & statim cùm facta est, nullum efficiat, sed quòd qui post perseverat, à distemperie ortum trahat, insolubili ratione convincetur, quaren- do ab illo, quæ unitatis solutæ pars sentiatur, cùm unitas solvit, an, quæ jam soluta est, vel quæ solven- da restat. Quæ soluta est, cùm jam facta sit, sentiri non poterit ex concessis ab adverso. Quæ solven- da restat, sensationem inferre est impossibile, cùm non ens non sentiatur: supereft ergo nullo modo solutam continuitatem dolorem illaturam.

Neque ille, qui testatur, inæqualem intemperiem solam efficere dolorem consimili arguento torqueri poterit. Cùm enim sibi objiceretur, quæ pars distemperiei sentiatur, an facta, aut futura fieri, dicet ille, qui veram opinionem tuetur, quòd facta distemperies efficiet dolorem, verum quòd à parte, in qua ipsa facta est: non sentiatur, ut verè arguens objiciebat, sed à parte, in quam facta agit. Quo perspicuè soluta relata objec- tio evadit. Ut enim color, qui est in pariete distante ab oculo. Ab eodem videtur, sic facta distemperies, sive quæ est in parte vivente, seu in objecto extrinseco, dum alterat, sen-

*Solutio futilis
diluitur.*

*Præteritam
rationem no-
tris decretis
minimè con-
trariam esse.*

sentitur à parte vim sensitricem habente, cùm ipsa alteratur. Non tamen solutio unitatis à parte non soluta sentiri valet. Neque pars nondum soluta, quia quod disiectum non est, doloris producti unum esse non possit.

*Improbatur
quædam, ra-
tionis nostræ,
evasio.*

Adversus certè nequaquam dicere poterit, factum solutæ continuatatis sentiri, & non à parte soluta, in qua subjectivè est, sed à parte sana. Primo, quia, ut superius dixi, oppositum experiamur. Secundo, quod cum soluta continuitas sit, vel numerus, vel figura, ut patuit, & horum nullum ullius activitatis est, quodvis illorum soluta unitas sit, nullo modo afficere partem distantem poterit. Tertio, quod figura, & numerus, & alia sensibilia communia non percipiuntur à tactivo organo, nisi contactu mathematico tangantur. Non enim clausis oculis, & si caleam ab igne, vel alia re, quæ me non tangit, potero percipere figuram, aut numerum calefacientium. Nullo ergo modo disiectio partis solutæ à parte incolumi poterit, percipi, nisi tangatur: & cùm tangens disiectum, dolorem nullum sentiat, ut Chirurgici tractantes vulnera, & omnes homines, verè testari possumus, sequitur solutam continuatatem dolorem nullum illaturam: nisi tunc cùm distempries, quæ est doloris immediata causa, suboriatur. De his prout proposito attinet, satis dixisse videtur.

*Prosequitur
contextus ex-
positionem Au-
thor.*

Cæterum de termino, quem statuere immodico calori, & frigiditati Galenus videtur, quod unitatem solvere, quæ immoda sunt, valeant, & priùs quam hoc assequantur, non possint immoda dici, nulli innititur sufficienti rationi. Difficultè tamen divelletur ab hac opinione, qui protervire voluerit. Quapropter rectè Galenus dixit,

Tom. II.

quod qui sic de negotio illo physico senserit, non immodicè sentire, id est, non absurdè sentiens dicens sit.

Notissimum est, verum esse illud decretum, quod præcedentem sententiam sequitur: excessum caloris, aut frigoris: seu aliarum qualitatum nullum simpliciter talem dici posse, nisi alteri conferatur. Calor enim qui ossi est per excessum immodicus, carni collatus per defectum, & remissionem labitur. Ut siccitas multa, quæ carni est disconveniens, ossi adhuc non sufficit. Tandem excessus, & defectus voces relativæ sunt, ut similitudo, & dissimilitudo, propinquitas, & distantia. Indè ergo verum quoque erit, quod saliva unius animalis, quæ aliis ejusdem speciei est utilis, nonnullis sit perniciosa, ut saliva viperæ, aut scorpionis homini est pernicies, & humana relatis est valde noxia. Quo deprehenditur esse manifestissimum mendacium decretum nonnullorum physicorum attestantium, solas qualitates primas mutuò agere, & pati. Quis enim negare potest Galeni eventum de saliva hominis jejunii scorpioni injecta, & eundem interiente, ac contrarium de saliva, aut mortu scorpionis, aut viperæ, hominem necante? Quorum nullum fieri posset, nisi qualitates ullæ ultra primas inducerentur à relatis venantis animalibus in hominem, quibus occultæ dispositiones humanæ formæ simul cum primis qualitatibus convenientes, abjiciuntur. Nam minime potuisse frigus, & calorem venatorum dumtaxat vim necandi habere, apertissimè ex hoc intelligitur, quod alia iis multò calidiora, & frigidiora sine noxa adeò insigni qualis est mors, non solum exterius admota necare non valeant, verū intra corpus devorata non noceant.

T.

Ne-

*Prosequitur
expositionem
Author.*

Neque dumtaxat relatis falso esse dogma illud physicorum probatur: verum dolor, & stupor dentium obortus à rebus dulcibus, & ponticis, & à complurimis multò his calidioribus, aut frigidioribus minime procedens, manifestum exhibent testimonium, non solum inter qualitates primas actionem corruptivam, & productivam versari, sed inter nonnullas alias, quas in alio opere exprimemus.

CONTEXTUS IX.

Hecticam verò febrem, quæ jam habitum corporis occupavit, minime sentit, qui ea laborat. Reliquarum febrium nulla est, quæ non à laborante sentiatur: sed aliæ magis, aliæ minus ægrotanti sunt graves. Sunt ex iis, & quæ rigorem ingerant: sit enim id quoque symptomata, veluti alia multa, ab inæquali intemperie. Rationem tamen generandi ejus in proposito libro tradere non est, priusquam de naturalibus facultatibus demonstratum fuerit, quot hæ, qualesque sint, tum quid agere quæque sit nata. Verum in libris de Symptomatum causis, de omnibus agetur. Sed revertor ad inæqualis intemperamenti differentias. Nam quemadmodum ex phlegmone febris nascatur, tum quod phlegmone omnis, ac febris omnis præter hecticas, ex morbis sint, quibus inæqualis sit intemperies, dictum jam est. Porro accendi febrem, & citra phlegmonem ex solis humoribus putrescentibus licet. Neque enim ea solum, quæ inculcata sunt, & perspiratu prohibita putrescent (verum celeriter ea, maximeque) cæterum putrescent, & alia multa, quæ putredini sunt opportuna. Dicetur verò de horum opportunitate alio loco. Jam alio quoque genere inæqualis

oriri intemperies in toto corpore potest: modò fuliginoso vapore detento: modò exercitationibus, & plusculis laboribus calore aducto: modò ab ira, cum sanguis immoderatus fervet: modò ex deustione quavis externa, incalescit.

COMMENTUM IX.

Quasi aliquid insigne, & indubitatum in antecedentibus docuerit, ut memorie commendet, hic iterum repetit, febrem scilicet hecticam non sentiri à possidente illam. Non prospiciens Galenus, quod idem putridis (à se vocatis) accidere sit necesse, quando uniformis calor in omnibus membris febrentium fuerit. Neque considerans necessum esse, quod cum à prandio, vel cœna calor hecticorum crescit, ab eisdem sentiatur, quia alteratio velox, & insignis, qualis est illa, à membris vim sensitricem habentibus necessariò percipienda sit, ut in præcedentibus scripsimus.

Esse aliquos febrium modos, quos rigores in invasionum initiis semper comitantur, adeò notum est, ut probatione nulla egeat. A quibus autem causis rigores oriantur; non est adeò facile dictu, ut paucis exprimi possit verbis, sed quod de his in prosecutione symptomatum, quæ febres comitantur, fusè docturi sumus, ideo superseedendum ab hoc negotio nunc visum. Galenus in præsens differt rem eandem, donec de facultatibus naturalibus agat. Neque immiterò, quod hoc expultricis facultatis eximum symptomata est.

Cum iterum tractat de inæquali intemperie Galenus, quandam interserit sententiam, quam non frequentem in suis commentariis leges, citra conculationem scilicet,

Galenus fateatur fine prohibita transpiratione putredinem oboriri posse, et eadem sententia ipse futur.

&

& prohibitam transpirationem putredinem posse oriri. Quam, si veram esse, ut est, credit: merito poterimus ab eo quærere, cur quando conatur ipse reddere causam caloris immodi ci contingentis in putridis febribus, semper recurrit ad fuligines putridas prohibitas exhalari. Quando enim obstructio nulla fuisset, & fuliginibus liberus pateret exitus, unde oriri calorem febrem dicet, qui semper in has obstructas fuligines recurrit? A causis exterioribus oriri febres, quas ephemeras vocant, docuit hoc in loco Galen. Quod etiam primo de Februm differentiis, & aliis locis à nobis supra citatis scripsérat. Et quamvis hoc verum sit, non tamen febres illæ fiunt, ut ipse putavit, sed multò aliter, ut nos ostendimus.

CONTEXTUS X.

Porrò quòd etiam in his omnibus febribus, non secus quam in phlegmonis supra est dictum, tum pro viribus effectricis causæ, tum pro corporis ipsius affectu, alii magis febricitent, alii minùs, alii haud quaquam, apertum esse arbitror, æquè verò, & quòd intemperies ipsa nonnumquam spirituofam tantum invadit substantiam, nonnumquam etiam ipsos succos, clarum id quoque reor. Sed neque minùs illud quòd omnibus hujusmodi febribus si traxerint, hec tica superveniet. Jamque sermo noster prope modum ostendit inæqualem hanc intemperiem, aliquando ex calida, frigidave substantia, quæ in particulam aliquam influat, accidere: veluti in his fiebat, quos phlegma ne infestat: sàpè non ita, sed ipsa corporis temperie in qualitate mutata: tum quòd alterantium eam, quædam ortum habeant ab ipso corpore, quædam extrinsecus, uti-

que cùm ex putredine tantùm aliqua, vel phlegmone excitatur febris, ab ipso corpore: cum adustione, vel exercitatione extrinsecus. Dicitur autem, & de his fusis in morborum causis. Tanquam autem ex deuastione acceditur febris, alterato videlicè corporis temperamento. Itidem nonnulli sàpè ex frigore refrigerati toto corpore vehementer sunt. Aliqui verò etiam perierunt. Jam quòd ii omnes etiam doleant, ne id quidem latet, porro dolent, & qui ex rigore ingenti vehementer perfrigerati, celeriter se ex calcificare properarunt. Multique eorum cùm subito, ac simul manus igni admoverunt, ingentem circa unguium radicem sentiunt dolorem. Et quisquam cùm tam luculenter videat intemperiem inæqualem doloris esse causam, etiam de internis doloribus dubitet, aut miretur, quo pacto citra phlegmonem subinde, vel laxiore intestino, quod Colon Græci vocant, vel dentibus, vel alia quavis particula homines doleant. Nam neque talium ullum mirabile est.

COMMENTUM X.

Si sol, & motus, & ira solum calorem inducendo in spirituofam hominum substantiam febres ephemeras concitarent, ut Galenus absurdè docuit: cùm nullus sit, qui exerceatur, aut irascatur, seu soli exponatur, qui non immodicè, ac adeò intense, ut febricitans caleat, non erat, cur in præfens diceret, quòd sint aliqui homines, qui haud quaquam febribus corripiantur, & si iræ, & exercitio, & soli exposantur. Non enim ullius exercitati, aut irati, aut soli expositi spiritus eandem temperiem servant, quam cum relatis homo non incubit, sed adeò immodicè quo-

Propriis verbis Galenus confutatur.

rumvis horum spiritus calent, ut si ille calor absentibus causis exteriores durasset, necessario febrirent. Cum ergo durare calorem immoderatum, absentibus ira, & sole, & exercitio, ac aliis procatarticis causis, non proveniat ex aptitudine, aut ineptitudine spirituosa substantiae (nam cujusvis hominis spiritus calorem illum immodicum, ut indecentem respuant) aliunde febres illas, & perseverantiam caloris in aliquibus hominibus, & non in aliis, ortum trahere, opinandum est. De quo in antecedentibus scriptimus, ideo ne saepius idem repetatur, fileo.

Sic loquitur de intemperie, quam invadere nonnumquam spiritus, alias humores, & cum diu perseverat membra, dicit, ut si intemperies foret, substantia ulla, quæ naturaliter, vel liberè mota in utravis relatorum ferri valeret. Et quamquam in rigore improppria verba illa sint, quod tamen tolerari possunt, ideo ab eisdem transeamus.

Intemperiem nostrorum membrorum esse, secundum mentem Galeni duplēm, quandam, quam dicit oriri à materia eandem producente. Aliam, quam sine materia nominat. Sunt tot loci præter hunc ubi à Galeno refertur, ut difficile esset, omnes in unum congerere. Sed in universum veram non esse relatam assertionem, & quod sit impossibile distemperiem calidam citra materiam inveniri, ut Galeno est opinatum, in retro scriptis ostendimus. Sufficiat ergo relatis verbis cavere lectori. Esse tantum duplices causas, quæ intemperiem producant, alteram internam, putâ humores putrescentes, aut inflammations, de quibus Galenus hic mentionem agit: alteram externam, solem, aut frigus, & alia.

Non esse duplēm intemperiei differentiam, refertur.

Ex frigore etiam externo, & interno dolores fieri, satis clarè eventus, quos Galenus recenset, docent. Colicum enim dolorem ex ventositate, aut pituita gigni, & universum corpus ex frigore rigentis aëris dolere, omnes scimus. Sed cur unguium radices doleant, cum subito manus frigidas igni admovemus, pauci sciunt. Et quamquam non exigua de hoc referantur tam à nonnullis commentatoribus hujus libelli (exposuit enim hunc Arnaldus de Villanova, & nuper quidam Hieremias Thriverius, & Leonartus Phuschius) quam à multis aliis, quod verum esse reor, paucis explicabo. Prius nonnihil prædocendo, quorum primum sit, quod experiamur homines ingentibus rigoribus expositos, delicia affici, cum quamlibet particulam ex illis, quæ rigent (dum digiti non sint) igni admovent: & quod iidem cum extrema digitorum, ubi unguis sitæ sunt, igni approximant, quendam dolorem sentiant, quasi tunc unguis à carne divellerentur, etiam quod nulli alibi relatum dolorem, quam in unguibus percipient.

Item quod unguis tunc maximè doleant, cum nive, aut aqua valde frigida, vel borea flante fuere prius refrigeratae, & cum post ab igne calent, secùs si per linteorum, aut stercorum calidorum admotionem frigiditatem expellant.

Ex quibus causa eventus manifesta evadit, dolorem, de quo est quæsitum, ideo fieri, quod aliquæ partes aquæ, aut nivis si ab iis provenit refrigeratio, aut aëris, si tantum à frigido continente riget homo, per ignis celerem calefactionem in vaporem elevatae, & propter unguium densitatem extra corpus exire prohibitæ, partes, quæ subter unguis sunt, distendunt, & dilaniant, ac ipsas unguis à carne

Causa cur unguis corrum, quod infrigidati sunt, non nisi exposita dolect, ubi innatrum ratio in crepatur.

con-

conjuncta segregare conantur, unde ille dolor confusus resultat, ubi non frigus, ut Galenus refert, sed potius quædam confusa divulsio, percipitur. Non enim sic dolent, ut si dumtaxat divellerentur. Quòd etiam frigus dolorem inferat: neque sic dolent, ut si tantum rigarent, quòd refrigerationi divultio, adjungatur, sed simul ex unitatis solutione, & distemperie frigida illa tristis passio suboritur.

Credere enim per antiperistasis retrahi frigus, illudque dolorem inferre, vanum est. Primò, quòd non potius in extremitatibus digitorum igni admotis, quàm in cubito, aut humero, seu alia quavis corporis parte dolor esset percipiendus, cùm primùm partes illæ refrigeratæ igni admoverentur: ibi enim antiperistasis eventura erat, ut in unguibus. Secundò, quòd non potius per ignis admotionem dolor esset percipiendus, quàm per lanarum calidarum, aut linteorum calidorum approximationem. Tertiò, quòd non plus postquam à nive, aut aqua valdè frigida refrigerantur manus, quàm aliter frigidè versæ dolorem percepturi eramus, cùm utrobique antiperistasis subsecutura erat. Cujus oppositum experimur, maximè quòd frigus retrahi impossibile est, si de frigore accidente loquantur, hoc enim ut cætera accidentia, non mutat subiectum. Secùs si corpus frigidum frigus vocent, nam sic vera loquuntur, & hoc habilius erat retrahi, & facere antiperistasis in aliis partibus corporis magis rarissimis, quàm in partibus proximis unguibus adeò densis. Solo ergo ibi dolor contingit: quia, ut nos diximus, propter unguium densitatem, & majorem compactionem per frigus factam, illæ partes prohibeant vapores velocius elevatos ab igne, quàm à

linteis, vel lana, aut aliis rebus actu calidis expirare, & extra corpus exire. Indequè, ut dixi, ipsi dilacerant partes subter unguis sitas, & dolorem inferunt, quæ exarata sunt satis probant varias esse hujus loci commentationes à Neotericis factas.

CONTEXTUS XI.

Neque quemadmodum simul rigant, & febricent, ægrotantium aliqui: quippè si pituitosus succus qui frigidus est, quemque Praxagoras vitreum appellat, & amara bilis, quæ calida est, simul abundant, ac per sensibilia membra moveantur, nihil miri est, utrumque à cunctante pari modo sentiri. Neque enim si hominem sub sole fervido statuas, & aquam illi frigidam infundas, fieri potest, ut non simul, & à sole calorem, & ab aqua frigus sentiat, verùm hoc casu ambo extrinsecus sunt, neque parvis portionibus incident. In febris vero quas epialas vocant, tum ab interno, tum exiguis portionibus eoque universum corpus ambo sentire videtur. Cùm enim tenuissimis portiunculis aspersum per corpus tum calidum fit, tum frigidum, nullam sensibilem alterius portiunculam ita parvam desumas, in qua non alterum sit comprehensum. In ipsa tamen accessionis invasione, aliqui febricitantium tum rigent, tum vero febricant, tum ambo sentiunt, frigus immodicum, & calorem unâ: verùm non eodem loco, quippè cùm possint, quæ excalfactæ sunt partes manifestè à refrigeratis discernere. Nam intus, & in ipsis visceribus calorem sentiunt: in extremitatibus universis, frigus. Tales perpetuæ febres sunt, & quæ Græcè lipyriæ vocantur: præterea quodam ardentiū febrium pernitiosum

sum genus. Quod igitur in his majoribus portionibus accedit, hoc Epialis contingit minutis. Inæqualis namque est, & harum febrium intemperies: sed neque minus reliquarum omnium, exceptis tamen hecticis.

COMMENTUM XI.

Dixerat Galenus in fine præteriti contextus, quod non esset mirabile à causis frigidis internis dolores fieri: hic refert, quod neque etiam est, cur miremur, quod aliqui ægrotantes simul rigeant, & febricitent. Nam si vitreum phlegma, quod frigidum est, & amara bilis, quæ calida etiam est, simul in eodem corpore redundaverint, inquit, quod non inconveniet à partibus vim sensitricem habentibus, quibus relati humores incubuerint, simul sentiri. Ut si homo sub sole fervido statuatur, & frigida aqua infundatur, simul calorem & frigus percipiet. Interest tamen, ut inquit Galenus, quod cùm à sole, & aqua, quæ extrinsecæ causæ sunt, frigus, & calor sentiuntur, non in parvis portionibus utraque contraria percipiuntur, ut in febribus epialis, in quibus in exiguis diversis febrietum intrinsecis particulis, quandoque calor, quandoque frigus infestat. Et in principio invasionis quarundam febrium. Frigus enim, & calor sensatus in febribus vocatis lipyriis à Græcis, non ut in Epialis in exiguis portionibus, & quæ sensu discerni non valeant, sentiri refert, quin quod in internis partibus calor, & in externis frigus molestat. Hæc sunt, quæ in contextu ducto Galenus retulit, quæ non exiguum expositoribus difficultatem pepererunt, quam explicare auspicor.

Utrum contrariae qualitates primæ

sentiri ab eadem facultate tactrice possint. Alii, ut indubitatum even-
tum hunc admittentes, modum per quem fieri contingat, explicare co-
nati sunt. Quidam quandoque rem,
ut possibilem statuentes aliás, ut impossibilem confusa indistincta-
que decreverunt. Nos autem utrum possibile sit simul calefieri, & infri-
gidari aliquam partem nostri corporis, prius exprimemus. Ac post,
si eventus impossibilis sit, qualiter verum sit, quod multi referunt, se simul calefieri, & infrigidari sentire exponemus.

Quippè non querimus, utrum sit possibile aliquam nostram particulam quantumvis exiguum calefieri, & aliam sibi proximam infrigidari, aut aliis duabus qualitatibus contrariis affici, nam hoc tam experientum, quām ratio verum esse testantur. Quis enim non videt, inconvenire nihil, quod ulla sive magna, seu parva nostri corporis pars ab intrinseca, seu extrinseca causa caleat, & alia æqua, aut major, vel minor sibi proxima frigeat, experientibus sæpe nobis, nivem aquæ ferventi simul misceri, ubi partes nivis subito calorem aquæ suscipere non possunt, neque aqua fervens nivis frigiditatem, quod omnis actio inter contraria cum mora fiat. Quod ergo examinare curamus, tantum est. An possit una eademque pars adæquatè secundūm se totam simul calefieri, & infrigidari. Et quod relatum dubium tangit quandam inter physicos tri-
tam quæstionem, utrum scilicet qualitates contrariae simul se compati valeant, necessariò id discutere brevioribus, quām possim verbis compellor. Quamquam negotium hoc plus alium expetebat locum, quām præsentem, verū illuc fusifimè, hīc brevissimè explicabitur. Fuerunt complures, qui nullo mo-

simul induci posint, & ab eadem parte sentiri expli- nitur.

ndo

do posse compati contraria in eodem subiecto sunt testati, inter quos Gregorius Ariminensis 17. dis. primi, questione 3. recensetur. Et quamvis triplex genus contrarietas sit, altera, nempe contrarietas inter terminos motus à quo, & ad quem versatur: alia, inter propositiones contrarias, aut sub contrarias, sive contradictorias: alia, inter qualitates, quæ mutuò inter se agunt, altera alteram corrumpendo. Nos hīc tantum examinabimus: An qualitates primæ contrariæ possint simul in eodem subiecto esse, an necesse sit, quicquid frigiditatis est in aliquo subiecto, prius corrumpi, quām ullus caloris gradus inducatur, aut ē contra. Et sic etiam de humiditate, & siccitate. Reliquorum contrariorum examen in aliud, ut dixi, tempus differendo.

Gregorius creditit, ut audistis, nequaquam posse frigiditatem, & calorem simul eidem subiecto adæquatè inesse, compulsus aliquibus rationibus, ex quibus potissimæ sunt definitio contrariorum ex Aristotelis prædicamentis, & ex 5. Metaphysicorum text. C. 15. elicita. Ea enim dicuntur, quæ sub eodem genere posita, maximè à se invicem distant, eidem susceptibili vicissim insunt, à quo mutuò se expellunt, nisi alterum illorum insit à natura. Etiam ratio hæc, quod si contraria se compaterentur in aliquibus gradibus, eadem ratione, & in omnibus, indeque sequeretur, quod esset possibile, aliquid esse simul summè calidum, & summè frigidum, quod naturaliter impli cat. Ratio hæc facillimè colligi potest. Nam data aqua summè frigida, si contraria in quibusvis gradibus se compaterentur, posset etiam summus calor ibi induci. Et per eandem rationem summa, & quæ-

vis siccitas etiam posset, in aqua relata gigni. Unde quoque ignis ibi producendus esset, quod dispositio nes requisitæ ad suum esse, fuisse sent productæ, & indè verum fore, quod intulimus, esse illud summè calidum, ac summè frigidum. Maximè eum impulit 3. ratio, quæ sequitur, majorem esse contrariatem terminorum, quām motuum antecedentium terminos, & cum calefieri, & infrigidari simul, sit impossibile, necessarium judicavit, esse quoque impossibile, calorem, & frigiditatem, qui sunt termini calefactionis, & infrigidationis, simul eidem subiecto inesse.

Sed hic satis acris ingenii vir hal lucinatus est, tam opinando, quod retulimus, quām decretum suum nullius valoris rationibus fulciendo. Et ut vera me dicere noscatis, placitum nostrum vobis proponere ordior, quo, & ejusdem fundamentis perlectis, nobiscum deinceps opinemini. Placitum id est. Qualitates primæ contrariæ cum summum gradum non attingunt, alterum contrarium tanti gradus, quantus deest, ut summa propria intensio impleatur. Secum necessariò admittunt. Si enim, exempli gratia, summus calor ex octo gradibus constituerit, impossibile est, cum summus non fuerit, sed quatuor tantum gradum, quatuor frigiditatis in eodem subiecto simul non esse. Et si calor sex graduum fuisset, duos frigiditatis comites habuisset: & si septem, unum tantum frigiditatis habebit. Ut si unicus caloris gradus foret, septem frigiditatis gradibus comittantur. Eundem servare ordinem reliquias duas qualitates, humiditatem, & siccitatem scilicet, etiam testamur, nam par ratio utrobique est. Neque nos sumus primi, qui relatū decretum docuerimus. Buridanus enim, & Marsilius, ac Jacobus

Alia etiam fuit deceptus ratione, quam cum solvere predictas re feram.

Forliviensis, & multi alii idem priùs docuerunt.

Prima ratio, qua probatur contrariae qualitates sicut in eodem subiecto esse.

Hoc verum esse, & si quamplurimi demonstrativis rationibus probare possem, non tamen eas adducam, quod medicinam tractemus, sed tantum illas, quæ experimentis (quibus Medicus maximam exhibet fidem) innituntur. Anteriorque sit. Si verum esset, quod nequaquam caliditas induci posset in ullum subjectum, nisi frigiditas, omnis priùs ex eodem fuerit expulsas, aut frigiditas nisi caliditas omnis sit abjecta, sequeretur, quod cum expulsa frigiditate ab aëre, ipse ab intrinseco, seu extrinseco incepisset calefieri, necessariò subito in proprium devenisset calorem. Et cum aqua calida abjecisset calorem, subito corrupto aquæ calore, esset summè frigida reddenda, quorum neutrum experimur. Consequentia probatur. Omnis actio, quæ sit in subjectum non resistens, subito fit: sed inducere calor in aërem nullam frigiditatem habentem fit in subjectum non resistens, ergo subito fiet. Consequentia est nota. Et antecedentis quoque major. Nam lux, & species objectorum, quæ nullum contrarium habent, & universa alia hujusmodi subito in medium inducuntur. Minor etiam notissima est. Nam si in aëre nulla fuerit frigiditas, cum ipsi calor naturalis sit, non erit unde resistentia proveniat. Benè ergo illatum est consequens illud, quod falsum est, & antecedens, ex quo sequitur.

Scoti evasio nullius esse valoris ostenditur.

Evadi enim non potest ratio hæc, ut Scotus solvit Aristotelis rationem quarti Physicorum, qua probabat, quod si vacuum daretur, subito gravia, & levia per eum moverentur. Fingendo esse resistentiam intrinsecam mobilium. Nam sive ipsa sit in mobilibus, quæ motu locali moventur, seu non, quod in

motu locali necessariò accidat successio, ne simùl eadem res corporæ sit in pluribus locis, nos fatemur. In motu tamen alterationis, de quo agimus: nullam intrinsecam resistentiam esse, notissimum est: cum quicquid alterat passum non resistens, subito inducat suam actionem in illum: ut eventus duo recensiti luminosorum, & objectorum visibilium producentium species probant, ac qualitates occultæ magnetis, & succini, ac nonnullarum aliarum rerum ostendunt. Simul enim ut præsentatur magneti, ferrum, fertur illud in magnetem, subito inducta qualitate occulta, à magnete in ferrum.

Item si verum esset, quod in a. 2. *Ratio,* qua quæ cum calida priùs erat, incipit frigiditas induci, nullus caliditatis gradus restaret, non esset, cur magna aquæ calidæ copia reducens se in frigiditatem, tardius infrigidaretur, quæ exigua aquæ portio: quæ etiam tunc primùm, amissis calore, incepisset frigescere. Illationis bonitas notissima est. Nam si neutra illarum aquarum haberet, quid prohibuisset suam infrigidationem. Si in continente frigido utræque essent sitæ, ambæ in eodem tempore in nativam frigiditatem essent restituendæ: sed eventus falsum hoc esse docent. Citius enim exigua aquæ portio, amissis calore, in summam frigiditatem devenit, quæ magna per relata normam frigescens: ergo opinio Gregorii, ex quo id sequitur, falsa erit.

Ulterius, experimur sœpè, cum valde calidi sumus, si rem nostro temperamento calidiorem, verum nobis tunc minus calidam, tangimus, per talem rem infrigidari. Sed hoc nullo modo fieri posset, nisi frigiditas in re remissius calida, quæ nos, ac etiam in nobis, secum calorem compaterentur: ergo relatæ duæ

duæ qualitates contrariæ simùl in eodem adæquato subiecto esse poterunt, quod probare nitimur. Majorem veram, esse omnes sciunt, qui manum intromittens in aquam calidam, ac post in calidorem, iterum manum in priorem, ac minùs calidam intromittunt. Ac qui ingredientes triclinium calidum, ibique calefacti, in calidius se recipiunt, iterumque ad primum triclinium redeunt. Et qui de domo interiore balnei in anteriorem redeunt. Omnes enim isti eandem aquam, & aërem triclinii, quæ prius calida sentiunt, post calidores facti, frigida dijudicant. Minoris veritas per hoc patet. Quia cujusvis sensationis futurum est aliquod objectum movens facultatem sensitricem: alias si sine motore posset facultas percipere, non esset, cur potius uno tempore quam alio sentiremus. Ergo si rem calidam tangendo, frigiditatem percipimus, cum calidores re calida facti sumus, necessariò caliditas illa remissior quam nostra, frigiditatem conjunctam nos immutantem habebat.

Quaedam in-
nisi evasio im-
probatur.

Fingi enim non potest, quod remissa caliditas, nullam secum frigiditatem conjunctam habens, intensiorem corruptat, indeque frigiditatis sensus oriatur, quod duo impossibilia inde sequantur. Alterum, quod caliditas caliditatem corruptat. Aliud, quod caliditas ipsa frigiditatis sensationem inferat. Res profectò in totum similis delirio huic: albedo objecta oculis, nigredinis visionem effecit. Fortè primum illud illatum non inconvenire aliquis putabit, quod remissum collatum intenso, vim contrarii habet. Sed qui sic opinaretur, ideo hallucinabitur, quod non intelligat, ideo remissas primas qualitates collatas intensioribus vim contrarii habere, quod secum conjunctas contrarias

sibi habeant, à quibus provenit corruptio intensioris, & non à remissori. Et quod qualitates secundæ remissæ, ut rubedo, vel fuscedo dicantur contrariæ respectu albedinis, aut ingredinis extremarum, non quod se corrumpant, sed quod diverso modo quam extremæ facultatem visoriam immutent. Si enim caliditas remissa intensam corrumperre posset, definitio contrariorum de illis verificaretur, nam sub eodem genere remissum, & intensem constituantur, & eidem susceptibili vicissim insunt, &c. Quæ in definitione contrariorum citata ex Aristotele diximus, illis competenter: & definitione illis conveniente, necessariò definitum competere debebat. Unde impossibile illud sequetur, quod caliditas unius gradus, esset contraria caliditati duorum, aut trium, & sic frigiditas frigiditati. Et ulterius quod non posset caliditas unius gradus à caliditate duorum intendi, quod contraria valeant se corrumpere, & minimè intensiora se reddere.

Item præcipuum propositum de compactibilitate contrariorum corroboratur cum calidum agit in frigidum, & à frido reputatur, calidum, quod agit, remissius redditur, quam idem erat cum primum calefacere frigidum inciperat. Sed illa caloris remissio fieri non potuit, nisi à frigiditate reagente, ac nonnullum caloris gradum corruptente, & in ejus locum frigiditatem producente: ergo simul, ac in eodem subiecto caliditas, & frigiditas stare poterunt, quod probare cupimus. Hoc argumentum, ac quamplura alia hujus farinæ, potius ad opus physicum spectant, quam ad præsens Medicum: ideoque illud minimè adduxisse, nisi quod alii hanc rationem aliter colligant, quoddamque impossibile, ut verum

inferant, quod examinare necessariò in præsenti loco cogor. Inquiunt enim illi, quòd cùm calidum repatur à frigido, quicquid inter calidum, & frigidum intercipitur, simùl calefaciendum, & infrigidandum sit: nam si per medium illud transit actio calefacentis, ac reac-
tio infrigidantis, censebant illi me-
dium necessariò simùl calefacien-
dum, & infrigidandum: quo con-
vincere adversos, negantes compa-
tibilitatem contrariarum qualita-
tum putabant. Sed quamquam ve-
rum probare nitebantur, indecenti
medio usi sunt, ac impossibile, ut
dixi, indoctè inferebant, aliquod
scilicet simùl calefieri, & infrigidari,
quod naturaliter fieri non posse,
probare exordior, priùs mentem
horum Philosophorum, & aliorum
exponendo.

Ultra physicos recensitos multi
Medici opinati sunt, inconvenire
nihil, qualitates contrarias simùl in
eodem subjecto posse introduci, in-
ter quos Gentilis de fulgineo, de
majoritate morbi, & super prima
primi Avicenæ, & in aliis locis cre-
dedit, posse duos tantùm caloris
gradus cum duobus præcisè frigi-
ditatis induci: & tres cum tribus, &
summum calorem cum summa fri-
giditate, ac singulos calores cum
singulis frigiditatis. Indeque incon-
venire non putavit, quòd aliquis
humor simùl putreat, & concoqua-
tur: quamquam putrefactionem
contrariam concoctioni esse af-
firmet Galenus noster, et si in præsen-
ti loco ipse numquam explicuerit
in eadem numero corporis parte si-
mùl calorem, & frigiditatem gigni,
sed tantùm quòd sensu decerni non
possint partes calidæ à frigidis in fe-
bris epialis, libro tamen secun-
do, de Febrium differentiis, capi-
te sexto, refert: [Ex hoc igitur
genere est, & febris ea, quæ pro-

priè vocatur Epiala, quando simùl
febricitant, & rigent, atque eodem
tempore in toto corpore utrumque
sentiunt affectum.] Cujus senten-
tiæ verba ultima, putà, quòd in to-
to corpore uterque sentiatur affec-
tus, videntur testari, quòd Galen-
nus opinatus sit, simùl caliditatem,
& frigiditatem in toto corpore po-
tuisse induci. Sed quòd in præsenti
libello de inæquali intemperie non
retulerit esse easdem numero par-
tes, quæ calent, & frigent, sed adeò
conjunctas, ut sensu decerni non
possint, etiam quòd verum in ali-
quo sensu sit, cùm aliquæ partes
frigent, totum scilicet cathegore-
maticum frigere, & cùm aliæ par-
tes calent, totum etiam cathegore-
maticum calere, ut dicere in hoc
cathegoretico sensu solemus,
percusisse nos totum parietem la-
pide, cum tantum ejusdem par-
tem ferimus. Ideò ex relatis lo-
cis, neque ullis aliis, quos le-
gisse meminerim, elici, secundùm
meam sententiam, potest, Ga-
leno visum, simùl aliquid per se to-
tum, & per quamlibet sui partem,
quod syncathegoreticum totum
nominatur, calefieri, & infrigidari
potuisse. Sed missis Authoribus: ad
veritatem rei promissæ examinan-
dam accingamur.

Pollicitus quippè fui me ostensi-
rum impossibile esse, aliquid simùl
calefieri, & infrigidari, idque exe-
quar. Necnon, quòd nullo alio
modo qualitates contrariae simùl es-
se valeant, quàm summa latitudine
ex utrisque impletis. Quibus dilu-
cidatis, planissimum evadet, an
simùl ab aliqua una, & singulari
nostra particula calor, & frigiditas
sentiri valeant, an non.

Supponatur ergo primò, ut cum
minorì negotio veritas percipiatur,
nullum ex entibus corporeis sub
orbe lunari sitis inveniri, quod ca-
li-

*Quod impo-
sibile sit ali-
quid simùl ca-
lefieri, & in-
frigidari.*

Suppositio.

lidum, frigidum, humidum, aut siccum non sit, conjuncta semper in illis caliditate, & frigiditate, humiditate, aut siccitate. Hoc suppositum verum, esse inductio probat. Si enim ordiamur ab elementis, nonnulla calida, & humida, alia calida, & sicca, quedam frigida, & humida, reliqua frigida, & sicca esse inveniemus. Si per mista procedamus, nullus ullum mistum testigat, quod relatis conjunctionibus qualitatum primarum non inveniat effectum.

2. Suppositio. Secundò suppono, neminem unquam vidisse aliquid admoveari rei se calidiori, quod calidius de per se non reddatur, aut cum immodicum calorem inductum à re se caldiore tolerare non potest, quod non corrumpatur, & esse desinat per immodicum calorem, sibi inconvenientem introductum, nihilque approximari rei se frigidiori, quin frigiditatem majorem acquirat, aut pereat, idemque rebus humidis, & siccis contingere.

Prima ratio. Quibus habitis, rationem sic colligo: Quicquid calidum, aut frigidum, humidum, aut siccum est, per admotionem contrarii minus tale redditur: sed omnia entia corporea sub orbe lunari sita, talia sunt, ergo omnia entia corporea, per inductionem contrarii minus talia erunt, ulteriusque nulla entia simul calefieri, & infrigidari, humectari, & exiccati poterunt, quod erat primum probandum. Majoris veritas ex secunda suppositione, minoris ex prima, & bonitas consequentiæ ex primo modo primæ figuræ patent. Ulterius. Quod calidum est, per frigi di approximationem minus calidum redditur: ergo vel inducta frigiditate in subjecto calido, aut tantum caliditate corrupta, non ex hoc solum, quod sit corrupta caliditas, cum antecedentes rationes suffi-

cienter probaverint, qualitates contrarias necessariò compati in eodem subiecto: ergo inducta frigiditate remittetur, & cum eventus probent successivè, & partibiliter tam calorem, quam frigiditatem gigni, & corrumpi, sequitur ergo, quod si subjectum calidum foret octo caloris gradibus, & infrigidaretur per unius gradus frigiditatis introductionem, quod tantum alter caloris gradus sit corruptus: & si per duorum graduum frigiditatis introductionem, quod tantum duo caloris gradus sint corrupti, & si consequenter. Quo secundum, quod probare promisi, verum supereft.

2. Ratio. Item si relatus ordo non servaretur in corruptione qualitatum primarum, & contrariarum generatione, sed esset possibile, quoscumque caloris gradus cum quibuscumque frigiditatis conjungi, impossibile foret, entia sub lunari orbe sita, esse corruptibilia. Consequentia probatur, supposito quodam notissimo principio, quod mistorum formæ non desinant informare elementa deservientia illis pro materia: nisi quia dispositiones, quibus formæ mistorum asservabantur, sint corruptæ, neque elementa ipsa esse desinant, nisi quod qualitates sibi convenientes abjiciantur. Ergo si ignis summè calidus existens per aquæ infrigidationem non amississet ullum caloris gradum: sed summa caliditas, & frigiditas etiam summa in eo esse possent, ut fateri coguntur, qui in quibusvis gradibus contraria posse simul esse, testantur, non esset, cur ignis corrumperetur per infrigidationem factam ab aqua: cum calorem, quem ignis cupiebat adesse, haberet. Eadem ratione neque aqua corruptenda foret, & si summè calida fieret, quod summè frigida mansura erat.

Similiter aër, & terra per actionem aliorum elementorum, non essent peritura. Et neque mista habuissent causam corruptionis, & interitus, ut dixi, cùm nullæ ex suis primis qualitatibus, quibus nata essent ipsa conservari, valerent, per contrariarum introductionem corrupti, indeque secundæ, & tertiae qualitates eorundem resultantes ex his primis etiam erant permansuræ, unde & mista ipsa æterna futura forent, quorum oppositum experimur.

3. Ratio. Item singatur aliquod ens calidum tribus caloris gradibus, & frigidum totidem: supposito: quod summa caloris latitudo sit octo graduum, & frigiditatis summum totidem, & quæro ab adversis, an calidum octo graduum agens in hujusmodi ens, illud corrupisset? Et probatur necessariò quod non. Nam si inductis quinque caloris gradibus supra præexistentes, tres frigiditatis non forent abjiciendi: ex confessis ab adverso, qualitates scilicet contrarias in quibusvis gradibus compati, nulla ratio dari posset corruptionis illius entis, quod ipsum, inducto summo calore, non amisisset gradus qualitatum primarum, quibus conservabatur. Sed consequens illud est falsum, ut experimenta docent. Summo enim calore cum moderata siccitate inductis in quavis re, ignis gignitur, & antecedens ens corruptitur. Ergo antecedens, ex quo illud sequitur falsum erit. Eadem norma inter argendum servata, colligi posset, quod cùm aqua summè frigida in ignem verteretur: transeundo per omnes adjunctiones primarum qualitatum possibles inter calidum & frigidum, humidum, & siccum, posset universis mistorum formis subjici, & sic ex sola ea universa mista fieri. Quod non ita esse, aqua ipsa ex frigida versa adeò ca-

lida, ut adurat, probat.

Satis hæc in præsens sint ad probandum verum esse nostrum decretum: accingamur ergo dissolvere Gregorii, & suorum sequentium rationes, quibus decepti, opinati sunt, contrarias qualitates simul eidem subiecto inesse, non posse, ut post doceamus, qualiter in actione, & reactione non contingat, aliquid simul calefieri, & infrigidari, & argumentum Suisset calculatoris solvatur.

Solutio prima rationis. Prima ratio, quæ innititur definitioni illi elicita ex post prædicamentis convenienti positivè oppositis, facillimè dissolvitur: quia Aristoteles nequaquam voluit ibi, quod positivè contraria sic se mutuò abjiciant, ut necesse sit, quidquid unius contrarii est in aliquo subiecto, abjiciendum prius sit, quam alterius aliquid inducatur: sed tantum, quod impossibile sit, denominationem unius contrarii manere in aliquo subiecto, alterius contrarii denominatione in eodem manente. Quod verum, & à nobis concessum est. Impossibile quidem existimamus, aliquid frigidum nominatum, quia plures frigiditatis, quam caloris gradus habeat, etiam calidum dici, quod implicit, si enim calidum vocaretur, plures caloris, quam frigiditatis gradus habuisset, & si frigidum è contrà, & habere plures caloris gradus, quam frigiditatis, & pauciores, est implicatio. Ergo verum diximus, impossibile esse ambas denominations manere. Quippè hoc definitio contrariorum exprimebat per verba illa, à quo mutuò se expellunt. Idem quoque expressius Aristot. dixit in citato capite de oppositis, ubi retulit, quod calidum, & frigidum non se habent, ut par, & impar, vel ut sanum, & ægrum, quibus nullum est medium. Omnia enim,

enim, aut paria, aut imparia, & viventium corpora, sana, aut ægra, necesse est vocari. Non tamen omnia nata calida, aut frigida esse, talia dicentur, sed nonnulla neque calida, neque frigida, quod nullis aliis subjectis contrariorum convenire potest, quam iis, qui tantum gradum caloris quantum frigiditatis possident.

Existimare enim Aristotelem voluisse aliquid non calidum neque frigidum dici, non quod tantum caloris quantum frigiditatis habeat, ut nos explicuimus, sed quod transundo de calore in frigiditatem, detur instans aliquid, in quo subjectum, neque calidum, neque frigidum nominetur, quod fingamus, quod in eo instanti omnis frigiditas tunc sit abjecta, & sit primum instans non esse ejusdem, & caliditas incipiat, per ultimum non esse, induci, quia tunc non sit producta, sed mox sit producenda, delirium talis existimatio foret: quod eadem ratione medium inter sanum, & ægrum inveniri posset. Nam cum quis de ægritudine ad sanitatem pervenit, aut è contraria de sanitate ad ægritudinem, aliquod instans intelligi valet, in quo neque sanum, neque ægrum corpus illud dicetur, ut de calido, & frido. Ac ut illud instans inter calorem, & frigiditatem medium nominabat, qui nobis adversabatur, sic hoc inter sanitatem, & morbum medium vocatus erat. Cujus oppositum Aristoteles, ut audistis, dixit, attestans neque inter par & impar, neque inter sanum, & ægrum medium inveniri. Quæ Aristotelis decreta sic nostris placitis conformia sunt, ut & Gregorii Ariminensis opinioni in totum adversa.

Secunda ratio soluta in antedictis est. Non enim et si simul contra-

ria esse valeant, indistinctè, & in quibusvis gradibus conjungi possunt, sed ex utroque summam latitudinem implendam esse, probatum supereft.

Tertia ratio, quæ majoris vigoris esse videtur, quam antecedentes, ut prima solvit. Tanta enim est contrarietas inter terminos, ut inter motus. Ut enim fieri non potest, quod aliquid simul calefiat, & infrigidetur: sic impossibile quoque est, quod aliquid simul calidum, & frigidum denominetur. Neque ex hoc sequitur, quod calorem, & frigiditatem simul idem subjectum habere non possit. Aberrat enim Gregorius, & sui æmuli, opinantes quicquid calorem habet, calidum dicendum: & quicquid frigiditatem, frigidum: non animadvententes, quod aliunde calida, & frigida dicantur, putâ quod plus caloris, quam frigoris, aut plus frigoris, quam caloris habeant. Quam solutionem, & præteritas si Gregorius animadvertisset, vidisset, quam futilis sunt omnes suæ argumentationes: quibus non paucum papyrus absumpsit. Et quod omnes invitantur cuidam falso fundamento, putâ, quod nihil intersit, cum tot caloris gradibus tantam frigiditatem conjungi, quam cum pluribus, aut paucioribus: ideo rationem cur ita à natura sit institutum, & quid inconveniat, proponere auspicio.

Illa est, impossibile esse cum calore illo, quem Gregorius a, quinque graduum nominat, majorem neque minorem frigiditatem, quam illa quæ b, trium graduum ab eodem vocatur, conjungi. Quia, ut dixi, & probavi, ex ambobus contrariis summa latitudo utrorumque tantum sit implenda. Neque immrito in primis qualitatibus id est commentata efficere natura, quin ab

Solutio tertie rationis.

ab acerrimo ingenio ejusdem præ oculis habente conservationem rerum relatus ordo institutus est. Si enim sine contrario qualitates primas in subjectis esse permisisset, entia innumera subito esse desisissent. Omnia enim mixta, & elementa, quæ qualitatem primam in summo non admitterent, ut caliditatem aër, aut humiditatem aqua, subito essent corruptenda. Nam si esset caliditas, aut frigiditas, humiditas, aut siccitas citra summum, sine oppositis sibi, in aliquo subjecto mixto, aut elemento simplici, ut altera relatarum qualitatum primarum perpetuo est in omnibus mixtis, & simplicibus: & summa qualitas prima illius speciei admoveatur simplici illi, aut mixto, necessariò qualitas prima illud subito corruptisset per inductionem summæ qualitatis, sibi inconvenientis, & quod subito summa qualitas inducetur, patet, quia non esset contraria qualitas in subjecto remisso, quæ resisteret inductioni summæ, inde que agens summa qualitate affectum, approximatum passo remissam poscente ad sui conservacionem, statim ut passum intra sphæram suæ activitatis habuisset: illud corruptisset, ut dixi. Sed hoc naturam prudenter gubernantem minimè decebat, quod nihil prædiceret interitum, & finem rerum, quo scito, innumera incommoda vitantur. Scimus enim nunc ligna proxima esse converti in ignem, quod non statim, ut ignis eisdem admoveatur, summa caliditas in ea inducatur, sed sensim paulatimque, ut enim successivè expellitur frigiditas, & humiditas, sic inducitur caliditas, & siccitas, hujus inductionis fumo, qui è lignis elevatur, teste existente. Constat etiam nobis, bruta incommodum aliquod pati (quod ejulatus, & tristes voces edant na-

turaliter vitaliter, citra ullam sensationem, ut ligna fumum) cùm disconveniens qualitas prima in eadem producitur. Quibus signis homines excitantur, & solicii fiunt, ut opem ferant domui, quæ flagrare est parata, aut bestiis, quæ interire sunt proximæ. Homines quoque non aliter alias morti vicinos esse noscunt, quām vocibus, & gemitibus, aut aliis nutibus editis ab ægrotantibus, dum qualitates vitæ illorum contrariæ in se gignuntur: quas qui astu, aut vi sæpiissimè induci vetat, Deus à gentibus in adagione illa, homo homini Deus, nominabatur. Quorum omnium nulla fieri quivissent, si statim, ut ignis, aut aqua summè frigida, aut alia, quæ summum gradum obtinuissent, approximarentur entibus poscentibus remissum, suam actionem produxissent. Hic ergo fuit scopus naturæ adjungentis contrarias qualitates in eodem subjecto. Quem si Gregorius attingisset, non adeò aberrasset, & à vero discessisset.

Prædixi superius, quod eram *Cum calidum
ostensurus, non esse necessarium, patitur à frigido, & agit
in illud, medium, per dium actionis
non simul calefieri, & in frigidari.*

ostensurus, non esse necessarium, cùm calidum agit in frigidum, & repatitur ab eodem, medium, per quod actio transit, simul calefieri, & infrigidari, ut aliqui, qui non animadverterunt, illud esse impossibile, falsò opinati sunt. Quod in præsens, ficto quodam possibili eventu, qualiter fiat explicò. Sit ferrum aliquod calidum septem gradibus caloris, & unicum tantum frigiditatis habeat, quod per pedale spatiū præcisè distet ab aqua, septem frigiditatis gradus, & unicum caloris habente, & ferri illius sit multò major quantitas, quām aquæ: unde potentius sit ad calefaciendum aquam, quām aqua ad infrigidandum illud. Transacta ergo hora actionis inter relata, fin-

gamus, quod ferrum induxit duos caloris gradus in aquam, & aqua reagendo unicum tantum frigiditatem in ferrum. Quo sic accidente, ferrum per medium recensitum calorem inducit in aquam, & aqua per idem reaget in ferrum, frigiditatem in ipsum inducit, nulla parte medii tunc data, quae calidior, semper quod durat actio ferri in aquam, non fiat: medii illius residuis frigiditatis gradibus, qui cum calore in ipso compatientur, de servientibus aquæ reagenti in ferrum, ut instrumento quo frigiditatem in ferrum producant, absque calefactione, & infrigidatione simultanea illius medii, ut indocti Philosophi opinabantur.

Video fusius hæc tractasse, quam Medicos, ac Physicos hujus tempestatis deceat, quod horum insigniores dumtaxat current, methodos curativas antiquorum addiscere, & docere, negligentes examini subjicere earundem veritatem, & an prosperè, seu infaustè ex illarum observatione ægris contingat. Sed mea nihil interest, quod nunc res medica imperite tractetur, & quod ab imperitoribus (cum me intelligere non valeant) probris afficiar, quod sciam, non post multos hos annos speculativas scientias in pretio habendas, & tunc plus mihi gratificaturos posteros, quam nunc à præsentibus infamor. Neque perpeti volo, quod dicere solent illi, qui aut ignavia, seu ingenii tarditate logicam, & physicam exactè callere non valent: cum ob id contumeliosè à peritis tractantur, necessum non esse ad rem medicam, hæc sciri, hoc se excusantes, ac suam ignorantiam tegentes, ignari quantum interfit in scientia, cuius potissima pars in prudenti æstimatione consistit, assueuisse ingenium ad res difficillimas, ut postea prompt-

tum sit, abditas in alto corporis morborum causas, minimè fallacibus conjecturis rimari, ac callere, indeque convenientem medelam illis admovere. De his non plura, nam hæc cordatis, & qui sapere cupiunt, quorum misereor, ad resipiendum sufficient. Eorum nempè imperitorum, quibus sua ignorantia non tantum satisfacit, verum de eadem gloriantur, curam habere incassum esset.

Quicquid ad examinandum veritatem undecimi contextus hujus libelli, quem exponimus, necessarium erat, prout locum hunc decebat, scripsimus: præterquam illud, cuius gratia hæc de compatibilitate contrariarum qualitatum tractata sunt, putà, utrum ab unica singulare parte nostra possit simul calor, & frigus percipi, quod & si ex expositis in præcedenti contextu clarum satis sit, parum plus, ut illustrius adhuc evadat, à nobis exponetur. Porro qui legistis in antecedentibus, impossibile esse, partem ullam simul secundum se totam calorem, & frigiditatem fuscipere, facillimè colligeritis, etiam impossibile esse, calorem, & frigiditatem ab unica parte sentiri, si indubie sciretis, tactivas sensationes non sine reali actione qualitatum primarum, quæ tactus sensibilia propria sunt, fieri valere, ut verum est: nam sine illarum actione reali in tactum sensatio fieri non potest. Verum quia aliqui falsò opinati sunt, calorem, & frigiditatem, ac reliquas duas qualitates primas per species immutare tactum, ut colores visum, ne ullus his deceptus credat, per harum inductionem citra calorem, & frigiditatem, aut alias primas qualitates inductas, posse contraria, simul à tactu percipi, probare cogor, quod relatis speciebus nullo modo tactus sentiat.

Quod impossibile sit ab unica, & singulari parte hominis contrarias qualitates simul sentiri.

Primò , quòd si quod diximus, verum non esset, tactiva facultas non plus esset vocanda materialis potentia , quām visus. Cujus contrarium omnes testamur , quòd experiamur , colorem non inductum in oculum, ab oculo videri , & nullam primarum qualitatum percipi à tactu , nisi in organum facultatis tactricis inducta ipsa prima qualitas sit.

Secundò , quòd sèpissimè accideret, decipi sentientem ullam qualitatum primarum , credendo ipse, qui sentit, quòd frigat , aut caleat, cùm nihil tale patiatur. Nam si speciesbus frigiditatis tantùm quis affectus , frigiditatem se sentire fateatur , dixisset ille , se frigescere: cùm frigescere nihil aliud sit, ut Ambrosius Calepinus, & omnes volunt , quām frigidum fieri. Et cùm etiam nullus aliter id de se testari possit, quām frigiditatem per tactivam facultatem sentiendo : sed qui id tunc fateretur , mentiebatur, quòd frigidus non fiat , sed tantum frigiditatis species (ut isti volunt) suscipiat: ergo , ut dixi , decipetur hic.

Tertiò , quòd numquam in re- censito eventu contingere posset, aliquem hominem præter sentientem , idem judicium edere de frigiditate illa sensata , quod sentiens: nam sentiens dixisset, se frigore affici , & qui eum tetigisset, oppositum testaretur , quòd solis frigoris speciesbus afficiebatur sentiens ex supposito , & nullum frigus in eum inducebatur.

Quartò , quòd natura frustra dedisset nobis vim tactivam sentiendi primas qualitates per species. Nam si tactus tantùm hominibus collatus est, ut fugiant, quæ sibi nocent, & persequantur , quæ convenient: cùm species frigoris , & caloris , ac aliarum primarum qualitatum, nec

noceant , neque prosint , non erat; ut quòd tales vim sensitivam nobis natura donasset.

Si ut horum argumentorum vis dissolvatur , quis dixisset, non fe- confiteri , species caloris, aut frigo- ris posse sensationem efficere sine frigore , aut calore inductis in or- ganum facultatis sensitricis , facilli- mè ratione dicenda impugnabitur: frustra genitas fuisse à natura spe- cies caloris, aut frigoris, si sine ipso calore , aut frigore nos immutare non erant valituras. Ideò enim pru- denter species coloris produxit , ut felicet visus videre valeret colores, coloribus oculo non affecto. Si enim necessario coloribus esset affi- ciendus oculus , cùm videret , spe- cies coloris minimè à natura fierent. Ad cujus normam , si primis qualitatibus tactus esset afficiendus ad sensationis productionem , in casum species primarum qualita- tum fierent à natura. Avicenam 6. Naturalium idem voluisse, qui eun- dem in citato loco legerit , palam intelliget. Tandem si pertinacibus concedatur , simul species prima- rum qualitatum cum ipsis primis induci , cùm sensationes tactivæ fiunt , neque ii fateri poterunt , si- mul calorem , & frigiditatem ab ulla parte adæquatè sentiri , vale- re , cùm calorem , & frigus simul posse induci in aliquam unam par- tem probatum, sit esse impossibile.

CONTEXTUS XII.

Quin etiam iis qui rigent , nec tamen febricitant, inæquale tempe- ramentum est: rarum tamen est id symptoma. Cæterum incidit tum mulieribus , tum quibusdam ali- quando viris. Debet autem omnino defes præcessisse vita: aut certè ci- borum copiam longiore spatio ho- mo sumpsisse: ex quibus tardus,

fri-

frigidus, crudus, & pituitosus nascatur succus: qualem scilicet Praxagoras vitreum existimat. Porro antiquitus nemo, ut videtur, ita est affectus, ut qui nec adeo ociosi, neque in victus saturitate viverent, indeque factum est, ut scripserint antiqui Medici, rigori febrem necessario supervenire. Verum tamen tum nos ipsi, tum alii Juniorum Medicorum non pauci sèpè numero vidimus rigorem, quem nulla sequuta sit febris. Porro componitur ex hac intemperie, & ea, quæ febricitantium est, Hepialus. Apello ita febrem illam, cui ambo semper accidunt. At in qua rigor quidem præcedit, febris sequitur, veluti in tertianis, & quartanis: hanc hepialum non voco. Ita ex duplice inæquale intemperie Hepialus componitur. Etiam aliæ febres præter hecticas ferè omnes, simili genere, qui particulæ alicuius cum tumore morbi sunt. Hi quoque omnes perinde, ac phlegmone. Cùm intemperamento inæquali consistunt, cancer, erysipelas, carbunculus, herpes, tumor, phagedena, gangrena: quippè commune iis omnibus est, ut ex fluxione humorum sint orta. Dissident in eo, quod alii ex pituitoso, alii ex bilio, & melancholico succo; alii ex sanguine, vel calido, vel tenui, vel bullinte, vel frigido, vel crasso, vel alio quopiam genere affecto fiant. Declarabitur enim alio loco de horum membratim differentia diligentè. Quod ad propositam disceptationem pertinet, hoc tantum dixisse abundè est, quod qualiscumque est fluxio, eadem ratione quemque prædictorum affectuum careat, qua prius ex calida, & sanguinea phlegmonem gigni monstravimus. Sed non minus etiam similarium, ac simplicium, primorumque in iis corporum singula, sic

à fluxione affecta ad inæqualem intemperiem devenient. Ceterum extrinsecus pro rheumatis ratione calefacta, refrigerata, siccata, vel humectata: penitus, & in profundo nondum similiter affecta. Quod si tota per totam mutata, alterataque sint, fiunt quidem illicò à dolore libera, in diffcili tamen sic constituta sunt statu. Hæc per novissime iis, quod opus de medicamentis sunt præcepturi, & post id medendi methodum, abundè mihi satis videtur.

COMMENTUM XII.

In hoc ultimo contextu Galenus inter inæquales intemperies rigorem recenset, quem dicit aliquando accidere, febre non subsequentem, quamvis antiquiores Medici asseveraverint, semper rigorem subsequi febrem, rationemque illius discriminis satis insufficientem exprimit, inquiens ideo suis temporibus accidere rigores sine febribus, qui præsertim in mulieribus, & viris otiosis proveniunt, quod procreassent propter otium succos incoctos, ac erudos, quos vitreos Praxagoras vocabat, in superioribus ætatibus homines pluribus laboribus assuetos hos minimè acervantes. Sed ratio hæc, secundum meam sententiam, satis imbecilla, atque, ut verius dicant, inepta est. Nam si superiora tempora animo Galenus voluisse, & Sardanapalum Lydorum Regem, & Darium victimum ab Alexandro, & Medorum, ac Persarum Principes, aliosque complures tyrannos, & convivia opipara Atheniensium in memoriam revocasset, invenisset luxum, ac superfluitatem ciborum non tunc cùm ipse vivebat, initium sumpsisse, sed voracissimos, & desidiosos homines omni in tempore abundas-

se. Ut ergo antiquorum Medicorum decretum verum esse attestatur, suffecisset dicere, illos noluisse necessitatem, quam referebant, esse naturalem, ita ut dixissent, impossibile fore rigorem non comitari à febre, sed esse necessitatem casualem, ut ita dixerim, quasi rarissimus sit casus, in quo id continat, ut referre solemus: impossibile est per totam unam æstatem sine intermissione pluere. Quod cum accidisset, miraculosum non foret: quia impossibilitas, de qua loquabamur, non erat naturalis, sed casualis. Vel fortè ideò illud in codicibus antiquorum scriptum reperit Galenus, quod cum numquam fuisserunt Medici vocati mederi rigoribus, quibus febres non subsequabantur, quod illis transactis, ægri bene valeant, ideò necessariò sequi febrem dixerunt, quod nusquam invisserant ullum ægrum, cui id non acciderit. A me horum non pauci visi sunt in propria uxore præsertim, postquam parere juvenis desivit, & in aliis complurimis quoque.

Ulterius dicit, quod ex hac morbosofa valetudine, puta rigore simul invadente cum febre, non quod ipse præcedat febrem, & febris subsequatur, ut in tertianis, & quartanis accidit, sed quod ambo simul infestent, oritur genus illud febris, quæ hepialus nominatur. Quam sententiam esse contrariam in totum innumeris ejusdem Galeni, tam in libro secundo de Symptomatum causis, cap. 6. quam in libro 2. de Februm differentiis, cap. 4. quam in libro de Rigore, & Trimore, & Palpitatione, ac Convulsione, quam in multis aliis locis videtur, quod rigor potius oriatur ab humore acri, quam à pituitoso, ut inter citatos locos verba Galeni ex cap. 5. secundi de Symptomatum causis affir-

mant, cum inquit: [Deinde rigor ipse solus qui demoveat, concutiatque particulas, hic rigor à frigidis succis numquam creatur. Omnino enim ejusmodi succi præ crassitudine concitato motu non moventur. Quod si aliquando attenuantur, rigorem quidem excitant, non tamen vehementem.] Quod si verum est, hepialus non à pituita, & bile ortum erat habiturus, ut ipse in hoc eodem libro, contextu undecimo dixit, cum retulit: [Quippe si pituitosus qui frigidus est, quemque Praxagoras vitreum appellat, & amara bilis, quæ calida est, simili abundant, ac per sensibilia membra moveantur, nihil miri est, utrumque à cubante pari modo sentiri.] Quin potius sola bilis rigorem, & febrem erat simili concitatura, rigor per sensibilia membra mota, febrim, fuliginem putridam in cor jaciendo, ut ipse credit. Verum et si Galenus non sibi constare videatur in exponendo causas hepiali, quod in hoc libello, ut vidistis, à pituita, & bile oriri referat. Et in fine cap. 5. libri secundi de Februm differentiis, à pituita putrefacta mota. Parcendus est, ut qui non dolo, sed ignorantia aberraverit. Hæc dixisse in præsentiarum sufficit, nam posteà cum de signis februm tractaverimus, manifestè docebimus, non minus hallucinatum fuisse Galenum reddendo causas rigorum, quam februm.

Post relata recenset tumorum præter naturam multa genera, quæ omnia dicit cum inæquali intemperie consistere, puta phlegmonem, cancrum, erysipelam, & alia. Ac post in fine fermè libri hujus inquit, quod cum ulla particula patiens nonnullum ex tumoribus recensitis mutata, alterataque fuerit, fiet illi à dolore libera. Quæ verba duplarem sensum habere valent: alterum,

rum, ut per illud significare Galenus velit, quod tunc erunt à dolore partes relatæ liberæ, cùm omnino mutatæ, id est, in totum extinctæ, & sine anima fuerint. Quod certè verum est. Nam ex anima sensu parentia dolorem habere non possunt. Aliud quòd tunc cùm distemperies humoris omnino est inducta in particulam tumentem, & nulla pars tumorem patiens signari valet, quæ alteram in distemperie excedat, sed omnes uniformiter labuntur, dolor pauset. Et hoc quoque verum est, ut in antecedentibus probatum supereft. Reliquum, quod subjungit, quæ ex illis non dolent. In difficulti sint statu constituta. Omnino verum non est. Quæ enim dolere desinunt, quòd vitam amisserint, in tetroremo esse statu nemo negare poterit, cùm ultimum terribilium sit mors, ut Aristot. Ethicorum referebat. Quæ autem distemperiem jam factam, & omnino assimilatam humoris incidenti habent, esse in difficulti statu mendacium est, cùm sæpè experiamur, dolores molares cessare per tumorem genarum, ubi humor dolorem inferens in totum similem sibi partem, in qua includebatur, efficit. Et articulorum doloribus idem accidere. Hæ tamen ægritudines non post multos dies discedunt, & ægrum benè valere permittunt, solo humore, qui dolorem faciebat, discussio. Quod si Galenus perpenderet, non adeò enormiter in reddenda causa hecicarum aberrasset, existimans ideo quòd in dolorosæ hecicæ febres sint, à nulla extrinseca humorali neque spirituosa causa pendere. Nam si eadem methodo processisset, neque dolores illi, de quibus nunc loquebamur, neque alii consimiles à causa humorali provenirent, oppositum cujus eventus pro-

bant. Tumores quippè articulorum, aut genarum, et si sine dolore sint, per discutientia, & in halitum vertentia humorum inclusum delitescunt, & ægrum liberum linquunt. Ac ut in totum hallucinatum fuisse Galenum, cùm hecticam opinatus est in membris fixam esse, & aliundè originem calorem febris illius trahere ostenderem, etiam librum de Marasmo Galeni explicare videbatur, ibique quot vitia invenissem notare, & rationibus evidenteribus talia esse probare. A proposito tamen retrahere duo potissimum in causa fuere. Primum, quòd ibi explanare modum generationis animalium, & necessitatem mortis senectute illis advenientis expediebat. Quod ad exactam physicam à nobis (Deo concedente) condendam attinet. Alterum, quòd immorari, & retardare me. Non parùm cogebat commentatio illa, ne adeò citò, ut opto, opus hoc in lucem ederem: Quapropter de signis febrium generatim, ac speciatim tractandum nunc primum esse decernimus, ac post cuiusvis febris signa, & eiusdem antiquas methodos curativas, ac novas ponere. Nam cùm hæc discutientur, non paucæ rationes excerpti poterunt, quo illustriog adhuc doctrina nostra evadat.

C A P U T X V I I I .

In quo febrium diariarum signa exprimuntur.

Investigaturus febrium signa, primo (ne ab ordine, quem nostri prædecessores, agentes de febribus observarunt, discedam) de ephe-merarum febrium signis scribam, non eas ratus ab spiritibus inflammati, à causis extrinsecis ortum trahere, ut Galeno est opinatum, sed ab aliqua fuliginosa, vel flatuo-sa, vel humorali exigua causa pu-

trescente, aut non putrescente, ut superius probavimus, originem ipsas ducere. Fuit enim antiquum dogma, ut Galenus cap. quinto, primi de Februm differentiis libri inquit, omne febris genus ex putredine fieri, opinantibus, ut reor, antiquis, calorem illum immodi-
cum februm non aliundè posse provenire, quām à putredine humorum, non callentes ipsi, neque Galenus, qui eodem est secutus, modum, per quem tam insigni calore, qualis est febricitantium, corripiamur, quem jam nos exposuimus. Et quamquam hujusmodi de signis ephemeralium investigatio, non adeò necessaria Medico sit, ut ejusdem ignorantia plures ægrotantes in vita discrimen pellicere valeat, cùm ipsa febris sine ope Medici sàpè delitescat: & ægrotantem deferat, quòd tamen contendant Medici, nonnullas ex his ignaviter curatas, in eas, quas putridas, aut hecticas vocant, quandoque transfire, quòd à verò non abhorret, ideo signa generica earum, usurpata ex 7. cap. primi de Februm differentiis libri scribere imprimis videtur: dein si quid taxandum apparet, exprimere. Dixit quippe in citato loco Galen. [Unum verò hoc est præcipuum februm ephemeralium indicium, ab aliqua incipere causa recenti, ac manifesta, quæ ante præcesserit, quām omnes Medici Juniores usitato. vocabulo procatarcticam, sive præincipientem appellant. Sed etsi hoc inseparabile sit talium februm indicium, tamen earum proprium non est: nam & aliarum quædam ex causa manifesta fiunt, quæ ante præcessit: inseparabile vero, ac proprium est coctio in urina statim die prima.] Quæ sententia perpetuò vera esse non videtur. Nam si ephemera febris non aliter fit, quām corde in

velociores, frequentiores, ac maiores diastoles, & systoles moto, ut indè calidius se reddat, & spiritus ab eo in totum corpus profuentes, calidiores quoque procedant, ut humor ille, qui à sole, vel ira, aut immodico exercitio, seu alia causa ustus, aut putrefactus, seu quoquo alio modo male affectus, seu in fuliginem, aut flatum versus, sanguini puro cordis, ex quo spiritus fiunt, mixtus, ab eodem corde secernatur, & in halitum versus ab universo corpore extirpetur, ut syncerus sanguis cordis, & totius corporis linquatur, hoc mune-
re per viginti & quatuor horarum spatio à corde exequuto, ut superius docuimus. Non video ego, quomodo citra exteriorem causam humores adeò exigui, ac tenues vitiari ab interna causa non va-
leant, ac sanguini cordis misceri, ut ipsum cogant velocitè, & fre-
quentè tunc moveri, ut cùm à so-
le, vel alia causa exteriore febris diaria oritur. Non enim mihi se-
mel, sed pluries contingit, invise-
re ægros per unam tantum diem febientes, à quibus cùm sciscitor,
an aliquid passi sint in antecedentibus diebus, undè suspicari possint,
febre illa, quām necessariò ephem-
eral vocatur sumus, non aliundè
ortum valente trahere, quām ab al-
liqua interna causa. Cùm extrinse-
cas deesse, relatio ægrotantis testa-
tur. Quo manifeste dignoscitur,
non esse hoc inseparabile signum ephemeralium. Putare enim rela-
tam febrem unius diei, non esse ephemeral, sed putridam, illi tan-
tum dicent, qui non caluerunt nostrar rationes, quibus confutavi-
mus Galeni decreta, attestantia
spiritus inflammatos in ephemeralis,

& humores in putridis, & membra in hecticis, causam esse trium specierum febrium.

Aliud quoque, quod in contextu sequitur, inseparabile, scilicet, & proprium esse ephemeris coctionem urinas in die prima habere, si de proprio Porphyrii loquator Galen. notissimum mendacium est. Nam & si omnibus hujusmodi febribus contingat, non solis illis accidit, cum saepè videamus eas, quas putridas dicunt ab humore cocto incipientes, in prima die urinas coccatas habere. Sed de his non plus, ut ad alia signa recensita à Galeno transeamus. Inquit enim ipse ulteriorius: [Ac præterea pulsus ad magnitudinem, ac celeritatem effatu dignam accedentes, ita ut frequentia à proportione deficiat secundum exteriorem quietem. Est autem, & magis inseparabile, ac proprium, quod nullo modo ad celeritatem ea pars pulsus, quæ systole dicitur, tendit: & si aliquando contingat hoc, minimum, ac vix perceptibile existit, parumque à naturali tenore mutatum.] Quippè si uspiam Galen. ingenii sui vires non exiguae esse ostendit, in negotio maximè de pulsibus id fecit. Dum tamen super veris hypotesibus fuerit inixus. Quod verum esse, tam libri de Pulsuum differentiis, & dignoscendis pulsibus, & causis eorundem, ac signis ab eisdem sumptis quam innumera loca suorum codicum, ubi agere de pulsibus res postulat, ostendunt. Hic nempe quandam veram sententiam profert, ea est, in ephemeris pulsus esse sensibilitè majores, ac velociores, quam in aliis speciebus febrium, quod meritò accidit. Nam cum causa febris hujus sit adeò exigua, ut intra diem discutienda, extirpandaque sit, multò minus ægrotantis vires dejicere poterit, quam

materia illa, quæ unica non finitur accessione, ut putridarum, virtuteque ægrotantis validiore existente, pulsus esse majores, ac velociores, quam cum imbecillior est, si cætera de obedientia instrumenti, & necessitate refrigerationis paria sint, Galen. satis manifestè in I. lib. de Causis pulsuum docuit. Meritò ergo, ut Galen. dixit, pulsus magni, & celeres in diariis continentur. Horum quoque, qui relatam febrem patiuntur, pulsus, non adeò per frequentiam in exteriore quiete distare à seipsis sanis, ut per celeritatem, & magnitudinem, notissimam quoque causam habet. Quia cum in motu arteriarum quem pulsuum nominamus, quatuor continentur. Diabole, quæ est quædam sursum arteriæ compressæ latio, quam nos arteriam tangentes percipimus: quod tunc cum sursum arteria fertur, nostros digitos feriat, ac percutiat: & post relatam diabolam quies succedens, tam quod finis naturalis motus est quies, quam quod statim arteria deprimenta sit, & inter quoicumque motus naturales contrarios quies intercipiatur, & post hanc quietem systole, id est, depressio proveniat, & depressionem quies alia sequatur, quæ quatuor, ut retuli, sunt, puta duo motus, unus centrum arteriæ versus, aliis è contra, & duæ quietes, altera post sursum lationem, & alia post deorsum. Et penes has quietes frequentia pulsuum notetur. Illum enim dicimus frequentiorem, qui minus quiescendo tardat: & è diverso rariorem, qui magis in quiete immoratur. Ideò in ephemeris, quies, quæ accidit postquam arteria sursum lata est (quam Galenus vocavit exteriorem quietem, ut distinguat eam à quiete alia, quæ fit post arteriam compressam) prolixior multò est, quam in aliis febribus,

bus, ubi ingens humoralis causa duratura per multos dies viget, quod systole, quæ successura est relatam quietem, non est adeò necessaria in febribus ephemeris, ut in aliis à multo humore ortum trahentibus. Ideò quod systole in nullum alium usum serviat, quām ut per eam fumi vi caloris elevati, extra corpus per porositates arteriarum pellantur. Et cùm hi multò pauciores sint in ephemeris, quām in eis, quas putridas vocat, inde provenit, in ephemeris esse pulsus majores, & velociores, quām in aliis: non tamen in eadem proportione frequentiores secundūm quietem exteriorem, quin secundūm hanc rariores, quod liceat arteriæ ob redditam rationem, diutius sursum quiescere in ephemeris: quām in putridis vocatis. Neque idem licet arteriæ post interiorem quietem, quam sequutura est diastole, quæ ad aërem trahendum, & refrigerandum facta à natura fuit. Nam cùm caliditas ephemeræ non parùm vigeat, diaftolen celerem poscens, cogit quietem relatam breviorem esse. Plus de his dixisse existimo, quām huic loco conveniret. Coactus tamen explanare veram Galeni sententiam, id feci: nempè ut carpendo ejusdem lapsus: non parùm quandoque tardor, sic explanando, quæ verè, ac acriter ab eodem exarata sunt, immorari tenor.

*Argumentum
adversus asserita à nobis
solvitur.*

Ex dictis à nobis inter expendum Galeni sententiam hanc, aliquis fortassis elicit unum non contemendum argumentum, adversus asserta à me, explicante in antecedentibus causam durationis viginti quatuor horarum ephemerarum, quod ibi retuleram, pauciorum multò esse materiam ephemeræ, quām tertianæ, aut quartanæ, seu continentis, aut alterius cuiusvis febris. *Quod verum non esse,*

qui nobis adversaretur, inde suscipitur, quod sequi videatur, nullam accessionem febrium intermittentium minoris durationis, quām viginti quatuor horarum futuram, cum nos scripserimus, quod materiam tentam habeant intermitentes febres, quæ sufficiat ante sui resolutionem per relatum tempus durare, & redire. Hujus contrarium eventibus monstrantibus. Cui objectioni facillimè respondemus, asseverantes verum esse, febrium, quas putridas vocant, materiam tantam quandoque esse, ut multas viginti & quatuor horarum accessiones efficere posset: sed id non contingere, quia natura sagax nisi coacta, numquam tale aggrediat. Innixè procurans in quavis accessione non adeò perdurare, cor, & arterias velociter, & frequentiter se movendo, quoisque in valde sensibilem imbecillitatem vis vitalis deveniat, sed multò ante citra hanc consistere, ut pro futuris, & usque ad extirpandam causam morbificam sufficiat. Sat sibi (ut finem febri imponat) sufficere rata, portionem illam humoris, quæ proximior cordi erat, in sudorem versam, aut insensibiliter resolutam extra corpus pellere, vel cùm hæc assequi non valet à corde se cernere.

Aliud proprium ephemerarum signum, quod post recensita sequitur, verum quoque est, earum febrium calorem suavem esse, quod exigua sit materia difflenda, ex qua fuligines multæ elevari non queunt: iisque deficientibus, solo calore, quem spumus calidores à corde velocius moto versi habent, objecto manui tangentis, febrem necessariò suave fore, cuivis patet. Sequentia contextus Galeni verba, etià vera, ut præcedentia, sint: parùm difficultia intellectui apparent, quæ, ut jacent, transcribo, ut ea

*Quidam Galen
ni contextus
exponitur.*

explicem: [Inseparabile quoque æqualis, atque incompressus acensus in caliditate, ac pulsibus simul, non tamen proprium, cum, & aliis quibusdam adsit: sicuti etiam consistente febre mediocritas: neque enim hoc etiam ex proprium quamquam his maximè inest. Et melius sanè hæc quæ communia existunt in crescente febre, ac consistente, quoniam magis ephemeris insunt, inter propria reponere, sic enim fieret, & si non rei ipsius species, ad pulcherrimum, atque exquisitissimum hujusmodi febrium proprium simul, atque inseparabile signum.] Nempe per hæc nihil aliud vult Galen. quām quod augmentum febris hujus sit insensibile, tam si calor febrentis perpenditur, quām si pulsus considerantur. Etiam quod status, seu consistentia sit mediocris, hoc est dictu, non adeò adurens, ut calor aliarum febrium consistentium, hæc tamen duo signa aliis quoque febribus quandoque convenire refert, ideoque apparere non inter propria diariarum recensenda. Verum tamen quod in aliis febribus augmentum non est adeò insensibile, ut in ephemeris, neque consistentia est adeò æqualis, inquit, quod melius sanè hæc duo signa inter propria ephemerarum ponenda sunt, quām inter communia illis, & putridis. Quia etsi augmentum esse minus sensibile, & consistentiam fore mitiorem species subalterna sit, conveniens tam ephemeris, quām putridis, exquisitum, ac pulchrum hoc est exactissimum solis ephemeris convenire indubie videatur.

*Moderatur
Galenii alia
sententia.*

Ultimum signum ephemerarum exaractum à Galeno, est, finiri febrem cum sudore, aut rore, aut cum aliquo optimo vapore, & febrim in totum cessare. Quæ verba moderanda esse existimo, alias ca-

pere nequeo cur inter propria ephemeratum Galen. recensuerit hæc, cum omnibus intermittentibus febribus perpetuo fermè accidat, cum sudore, vel rore finiri, & in febricitationem desinere. Primumque ex his duobus Avicena fen. pri. quarti tractatu primo, cap. 6. Satis calidè moderatus est, dicens: [Et plurimum quidem eradicationis ephemeræ fit per sudorem, & humiditatem similem sudori naturali, non humoroso, & non fit vehemens, & valde superfluuus etiam in quantitate, imò similis in hoc est sudori naturali, & est proximus ei in qualitate. Si enim videbis sudorem plurimum, tunc febris non erit ephemera.] Quam sententiam usurpavit Avicena ex trigesimo continentis Rasis, & Rasis ex Galeno parum infra citando. Ex qua quoque hominum vulgus elicuit præsagium illud. Si cum sudore febris desinit, altera revertura est. Quod falsum, ut vidistis, est. Dicturi enim erant, si cum immodiaco sudore febris finita est, altera accessio redibit. Paulus, & Aëtius de hoc signo non meminerunt: de altero vero, putà omnimoda cessatione febris, relati authores veram expositionem scripsere, eodem Galeno suppeditante illis modum, per quem explicari velit. Scriperat enim in de Arte curativa ad Glauconem lib. I. cap. 2. de Febr. ephemer. sequentem sententiam: [Nam arteriarum motus in paciente hanc, in totum assimilantur huic, qui in sanis deprehenditur, cum in nulla alia febre ad naturalem habitum revertatur, neque si multum temporis inter primæ accessionis finem, & secundæ principium intercidat: quemadmodum in tertianis, atque quartanis: in illis enim febris remanet signum. In ephemeris autem in totum aboletur accessione ces- san-

sante. Plurimis verò earum, & humidi quidem vapores, & quibusdam etiam sudores optimi apparent, aut omnino quidam plurimus veluti vapores ex intimo corporis exit.] In ultimis his verbis non aliud docens, quād quod ex Avicenna transcripsimus, ut in prioribus vult, quōd quamquam tam ephemerae, quād nonnullae putridæ intermittentes ad infebritationem deveniant, non pares in hoc sint, sed quōd in intermittentibus pulsus ad naturalem habitum, & omnino sibi sanis similem revertantur, & quōd hoc putridæ priventur, in ipsis manente semper propria inæqualitate febrili, ut idem Galen in fine quinti capitinis de Arte curativa ad Glauconem dixit. Neque aliam esse propriam inæqualitatem febrium putridarum, quād sistolem (quæ ad expurgandas fuligines in vasis contentas à natura inventa fuit) esse velociorem, & majorem, ac frequentiorem, quād diastole, quōd in putridis immoðica fumorum copia, ad id impellat, ac cogat, refrigerationem minorem, quād ephemerae poscentibus ipsis: quia calore febrili difflante causam morbificam juventur.

Prosequitur
author signa
diariarum.

Præter hæc, quæ recensuimus signa ex primo libro de Febrium differentiis, supersunt nonnulla alia ex citato cap. 2. primi de Arte curativa ad Glauconem, ea sunt: si simul cùm febris ægrotantem corripit, ullus etiam dolor capitis, aut alterius partis corporis molestat, & febre ablata in totum dolor ille delitescit, febrem non reversuram testatur. Id enim, ut plurimum in aliis febribus non contingit, quōd earum materia tanta sit, ut unica accessione difflari vi febrilis caloris, non valeat, indeque quod superest ad futuram febrem faciendam, dolorem ullum ægrotanti infert. Ca-

vere quidem oportet, ne cùm dico materiam, aut causam febris, lector credat, me velle, humorem, quem materiam, aut causam nonnino, producere calorem febrilem, nam hoc impossibile esse, sat evidenter in antecedentibus ostendi, sed humorem, causam, aut materiam impropriè à nobis dici, nam propriè occasio dicendus humor foret, nisi enim ille adesset, cor in magnas, veloces, & frequentes diastoles, ac systoles, quales sunt febriles, non insurgeret.

Supereft, & aliud ephemerae febris indicium referre, facillimè ægrotantes tolerare ipsam. Quia causa, à qua pendet, adeò est exigua, ut intra viginti quatuor horarum spatium discutienda sit. Etiam quōd dum finita febre in balneum descendunt, horrore nullo capiantur, qui febrierant, neque aliud triste immutet, quia cùm universa morbi causa ablata per antecedentem febrem sit, nihil supersit, quod commotum, aut aliquatum vi balnei, rigorem, aut tristitiam loto inferat. Hæc sunt ephemeralrum potissima signa, quæ scire curatioñi ægri conducunt: nam certi facti ephemeralrum febrem præcessisse, audacter cibum, & vinum ægrotanti concedimus, & consueta munia eundem obire, permittimus.

Febrium ephemeralrum universa generica signa recensuimus, superest de eisdem specifica scribere, ac curationem peculiarem cuique apponere. Neque cum hæc fecerimus, modum, quem Galenus 8. Methodi medendi præscripsit, servabimus: quin potius eundem in 2. cap. de Arte curativa ad Glauconem æmulabimur: & si quid exponendum, aut addendum, vel carpendum invenerimus, id omne exprimemus.

C A P U T X I X.

In quo indicia ephemerae febris, provenientis ex tristitia, immodicis curis, vigiliis, & ira, ex 2. cap. pri. de Arte curativa ad Glauconem exarantur.

ADJUNGITUR VERÒ HIS QUI PROPTER TRISTITIAM FEBRICITANT, ACRITUDO POTIÙS, QUÀM ABUNDANTIA CALORIS. QUEMADMODUM È DIVERSO HIS: QUI PROPTER FUOREM, SED & EXTENUATIO CORPORIS IN HIS, QUOS TRISTITIA, QUÀM IN HIS, QUOS CURA VEXAVIT, CONSPPECTIOR EXISTIT, OCULORUM PRÄTERRÈA CAVITAS, AC QUÆDAM INCONSUETA DECOLORATIO. HÆC QUIDEM SUNT, & IN ALIIS, QUI QUVIS MODO DIU COGITARUNT COMMUNIA: MAXIME AUTEM, & EX OCULIS DISTINGUERE OPORET. NAM EX HIS ETIAM IN SANIS ANIMÆ MORES POSSUMUS CONJECTARE. AT IN ÆGROTIS SI QUIS DILIGENTER INSPIRE QUEAT, SUNT INDICIA CERTIORA. SIC QUIDEM EOS, QUI PROPTER DISCIPLINAS, AUT CONTEMPLATIONEM ALIQUAM DIU COGITARUNT, AB HIS, QUOS TRISTITIA CORRIPUIT, DISCERNERE OPORET. AT QUI VIGILARINT, DISTINGUERE OPORET EX FORMA PALLORIS. NAM IN IPSIS FACIES SUBTUMENS, & OCULORUM MOTUS MANIFESTUS, VIX ENIM PALPEBRAS ATTOLLUNT, INEST ETIAM PALPEBRIS HUMIDITAS. NAM QUI TRISTANTUR, AUT COGITIONIBUS DETINENTUR, HIS EXICCANTUR. CAVITAS VERÒ EST COMMUNE ACCIDENS OMNIBUS, MÖRORI, VIGILIIS, COGITIONIBUS, NON TAMEN FUORI: IN HOC ENIM NEQUE OCULORUM CAVITAS, NEQUE PALLOR MANIFESTUS, & PLUS CALORIS, ATQUE CELERIUS EX IMÒ PRORUMPIT, NEQUE PULSUUM MAGNITUDO DESTRUCTUR, QUEMADMODUM IN VIGILIIS, TRISTITIA, & COGITIONIBUS. QUARE HÆC À FUORE APERTISSIME DISTINGUUNTUR: AB INVICEM VERÒ QUEMADMODUM DIXIMUS ANTEA.

Tom. II.

Sunt adeò connexa signa febrium ephemeralium à tristitia, ira, curis, & vigiliis provenientium, ut tam Galenus in præsenti loco, quàm Aëtius sermone primo Tetrabibli 2. cap. sexagesimo, simul unico capite ea distinguerint. Quod Avicena non observavit: quin in plures (quàm nullus alias author) causas, & capita diariarum febrium partitus est. Cujus rei occasionem parum infra exprimemus. Signumque primum febris à tristitia orientis, putè esse calorem plus acrem in hac quàm intensum, vel quàm in ea, quæ à furore, sive ira ortum trahit, rationi conforme est. Tristes enim dum jam diutinam, aut immodicam tristitiam passi sunt, tunc febre corripuntur, indeque sicciores multò, quàm irati sunt, qui parum ante iram benè valebant, & suæ spontis erant. Majorem autem siccitatem mordaciorem efficere æquum calorem, nemo est, qui ignoret. Meritò ergo id signum relatum est à Galeno. Quod tamen etiam minus acris, ac minus mordax sit calor febrium provenientium à curis, & vigiliis, quàm febrium orientium à tristitia, ego crediderim, quamvis Galenus id non expressit. Nam curæ, ac vigiliæ pariter exicare, ut tristitia non valent, ob rationem infra dicendam. Copiosiorem, & magis conspicuum quoque esse calorem febriunt ob iram, quàm eorum, qui ob tristitiam, aut curam, seu vigilias, manifestam causam habet. Nempe, quia in furentibus, sive iratis, calor ad corporis extima defertur, ut in recensitis animi affectionibus ad intima. In vigiliis enim, & si ad exteriora calor, ut in ira deferatur, non adeò affatim, ac celeriter, ut in ira, quare in ipsa conspectior, majorque percipitur, quàm in aliis febribus recensitis. Este-

Y

nua-

nuationem tristium esse patentiorēm; quām eorum, qui cura vexantur, in causa est, quōd tristes curis assiduis, quæ displicant, premuntur, & qui curam habere dicuntur, tantum curis citra displicantiam laborant, sed duplīci malo affectum, nōcumentum sensibilius, quām simplici passurum, notissimum est: meritō ergo corpus magis extenuatum in tristibus erit, quapropter parum suprā fassus sum, sensibiliter sicciorēm esse calorem tristium, quām aliter affectorū. Oculorum cavitas, quam signum esse hujus speciei febris Galenus inquit, ob id contingit in febribus ob tristitiam, quōd qui tristes sunt, semper tristia meditentur, & quandoque etiam lugeant: indeque tam ex continua meditatione rerum, quæ displicant, quām ex lacrymatione assidua, eorum oculi (quorum præcipua pars ex liquidis quibusdam humiditatibus constant) exiccantur, minoresque reduntur, cerebro ipso exiccato, etiam eodem cerebro spiritibus animalibus exinanito, quibus deficientibus oculus (qui plūsq̄am ullum aliud membrum de expositis nostro visui redundant) minor vertitur, quōd fons, ex qua in oculum spiritus emanabant, exausta sit. Ipsi tandem oculis minoribus factis, necesse est genas, quibus teguntur, eosdem sequi, cerebrumque versus ipsas ire, ex quo cavitas illa, de qua agimus (quæ inter os ciliī, & genam superiore, ac inter os maxillæ, & genam inferiorem interjacet) visitur, Hispani, ojeras, vocamus. Decolorationem inconsuetam non intelligas, in oculis ipsis accidere, nam neque oculi veris coloribus afficiuntur. Neque glaucus, & niger, & alii impropriè colores oculorum, propter tristitiam variantur, sed ad cavitatem referen-

da decoloratio est. Fiunt enim quibusdam genarum illæ partes cavæ, coloris cerulei, aliis nigricantes, quibusdam sub pallidæ, prout diversæ temperaturæ sunt. Verba, quæ sequuntur, scilicet esse cavitatem oculorum, & decolorationem, communia tam tristibus, quām cogitabundis, & vigilibus, manifestè vera sunt propter superiorēm rationem: ut etiam quōd ex oculis possimus in his ægris, de quibus agimus, distinguere causas morbificas: cū & ex eisdem soliti, simus in sanis conjectare animæ mores.

Increpatue
quædam con-
textus senten-
tia.

Reliqua, quæ ibi leguntur, perperam esse scripta, seu vītio librarii, seu interpretis, manifestum est. Nam illic ex oculorum affectibus distinguere procurat Galenus febrem provenientem ab immodica meditatione scientifica, aut alia quavis cogitatione, & à tristitia ex una parte, cum febre trahente ortu à vigilia ex alia, quod litera contextus minimè exprimit, ut cuius illam legenti patet. Ideoque sententiam, quām Galenus volebat, exarabo, ac simul causam ejus reddam, ut ea lecta, & cum contextu ducto collata, cuivis liceat intelligere, quōd merito est à nobis librarius, aut interpres increpatus. Indicium ergo febrium à vigilia orientium ex modo palloris diverso qui multo aliter, quām in aliis duabus causis, visitur, summitur. In vigilibus, enim facies est subtmens, ob imminutam alimenti coccionem defectu somni, & complures vapores ad faciem elevatos, & minimè difflatos: tam quōd crassiores multò sint, quām si ab alimento decenter cocto emanassent, quām quōd spiritus pauciores ex superflua vigilia redacti, non valuerint, vapores elevatos discutere, qui faciei inclusi, ac ibi detenti, in tumorem elevari ipsam co-

gunt,

gunt. Quod neque tristibus neque meditabundis accidit: quia coctio in his non adeò vitiatur, sicut in vigilibus: neque ad eorum cutim tanta copia vaporum defertur (quia quandoque dormiant) ut ad cutim vigilantium, quæ pronior ad recipiendum, quam in aliis est: eo quod spiritus ejusdem non sint ad intima retracti, ut aliorum dormientium. Ex alio quoque signo differentia inter recensitas causas febrium cognoscitur, quod scilicet vigiles pigrum habeant motum oculorum, & palpebrarum, nam vix easdem elevare queunt, ob immodicam humiditatem, in aliis febribus hoc non accidente, quin quod eorum oculi exiccantur. Quæ omnia, si ut ego recensui, elicere ex contextu Galeni quis vellet, nequaquam, ut dixi, poterit.

Cavatatem oculorum esse commune accidens tristibus, vigilibus, ac cogitabundis certum esse, quæ praedicta sunt, probant. In iratis, seu furentibus tamen hanc non conspici, manifestam causam habet. Ob iram scilicet (ad extima corporis, sanguine, & spiritibus derivatis) oculum potius eminentem, quam depresso necessario fieri. Etiam pallore genas irati carere, recensita spirituum, & sanguinis in faciem delatio in causa est. Quamquam inficiari Galenus non poterit, biliosos, parumque sanguinis habentes, cum irascuntur, pallidos fieri, & si diversus sit horum pallor, à pallore vigilantium, & tristium, & cura oppressorum. Quod iratorum color cuidam rubori admistus sit, ut reliquorum potius in fuscedinem vergens. Pulsuum magnitudinem, & exteriorum calorem in furentibus non imminui, ut in reliquis tribus affectibus, omnes, qui furiosos plurimum

calorem ad exteriora membra expansum habere, sciunt, novere. Per quæ signa febientes ob iram à febribus per alium ex dictis affectibus distinguuntur, ut per superiorius etiam recensita, ipsi ab invicem distant.

CA P U T X X.

De medella febrium diariarum ortum trahentium à tristitia, immodicis curis, vigiliis, & ira;

QUAMVIS AVICENÆ DISTINCTA CAPITA CONSIDERIT PRO QUOVIS HORUM AFFECTUUM, & CUIVIS EORUM MEDELLAM PROPRIAM ADAPTAVERIT, NOS GALENUM SEQUITI IN 3. CAP. PRIMI DE ARTE CURATIVA AD GLAUCONEM, IN UNICO CAPITE UNIVERSA SIGNA, EXARABIMUS, & IN ALIO MEDELLAM OMNIUM SCRIBEMUS. NEMPE AVICENÆ VISM, NON TANTUM PER NOVUM SCRIBENDI ORDINEM AB ALIORUM AUTHORUM SERIE DISCEDERE, VERUM, & PER MULTIPLEX EPHEMERARUM FEBRUM SPECIES À SE EXARATAS. ADDIDIT ENIM CAPITA FEBRUM DIARIARUM, QUAS VOCAT EX ANGSTIA, EX GAUDIO, EX TIMORE, EX EVACUATIONE, EX DOLORE, EX SYNCOPIS, EX SITI, & EX ALIIS CAUSIS, QUARUM (QUOD SCIAM) GRÆCORUM NULLUS MEMINIT. NEQUE IMMERITO GRÆCIILLAS TRANSFERENT, QUOD SUFFiciebat EX TRISTITIA, & IRA, QUI QUOQUO MODO GAUDIO CONTRARII AFFECTUS SUNT, MEDELLAM SCRIBERE: UNDE QUANTUMVIS PARUM PERITUS MEDIAS MEDIIS REMEDIIS, UT ALIAS CURARE VALEBIT. PRÆSERTIM, QUOD NONNULLAE EX RECENTIS AB AVICENA CAUSIS NIHIL FERMÈ AB ALIIS DISTENT, QUO ENIM DIFFERAT ANGSTIA À TIMORE, AUT À TRISTITIA, DIFFICULTER EXPRESSES: & CUM JAM EXPRESSERIS, MEDELLA EADEM UTROSQUE HOS TRES AFFECTUS NECESSARIO ES MEDICATURUS. AC UT GALENUS DE LOCIS AFFECTIS SEXTO, IN MEDIO CAPITIS

secundi, loquendo de signis doloris coli, inquit, Medicos aberrantes quandoque putare non ex colo, sed ex renibus illum provenire, & è contra renum cruciatum coli dolori attinere, & tamen in initio parum interesse saluti ægri, qui horum affectuum sit, qui vexet. Dernit, quia hoc tempore non ita magnam præsidiorum differentiam ipsi requirunt. Ita in relatis diariis febribus an hinc vel illinc febris pendeat, ad medellam paucissimum interest. Quam, ut auspicemur, verba Galeni ex citato cap. primi de Arte curativa ad Glauconem transcribo, ea sunt.

[Curare autem oportet omnes quidem balneis. At qui ex densitate cutis, aut inguinum inflammatione febricitant, si in aëre balnei immorari jussesis, haud quaquam nocebis. Reliquos omnes quam cito oportet ab aëre se movere. Si verò diutius in aqua immorari voluerint, permittere. Oleo autem tepido, & multo, & manibus molibus perfricare quam plurimum, atque hos præsertim, qui ex labore febricitant: secundo autem loco, qui meatus habent astrictos: & tertio, qui inflammationem inguinum patiuntur. Sæpius autem istos lavare inquantum contingit, cibum autem assumere, qui ex labore febricitant, possunt multoties: non æquè tamen, qui ex densitate cutis, aut inguinis inflammatione laborant. At his utrisque tenuis victus est optimus. Qui verò ex labbris febrierint, præcipiendum est, ut cibos assumant, concoqui facilles, ac cruditatem præcipue devinent. Sed & vinum potare quantum possunt convincere, sunt permittendi. Mensuræ autem ratio quemadmodum in aliis omnibus ex viribus, & ætate sumitur ægrotantis. Necnon & ex naturali tempe-

ratura, & præterea ex consuetudine, & anni tempore, & regione, atque aliis hujusmodi. Qui verò ex inguinum inflammatione febricitant, arcendi sunt à vini potu, donec inflammations solvantur. At qui cutis foramina habent astricta, vel refrigerati sunt, si non multum hoc affectu laborent, neque plenum corpus habeant, non sunt à vini potu prohibendi. At qui pleniore corpore sunt, vel multum refrigerati, prohibere utile est. Qui verò ex vigiliis, aut aliquo animæ affectu febricitant, postquam balneaveris, cibo humido, ac boni succi reficere expedit. Vinum verò omnibus, sed præcipue his, qui vigiliam passi sunt, intrepidè offerre, nisi capitis dolore premantur, aut pulsus venarum in temporibus sentiant. Liquet autem, quod etiam in aliis eadem cavenda sunt, sed & iis, qui ira, aut moerore aliquo, aut cogitatione febricitant, unum est exhibendum, & qui furore perciti fuerunt, quando omnino ab affectu quieverunt. Prius verò periculoso uti vino. Tentare autem oportet, & contrarium semper afferre ei quod molestat: labori quidem quietem: vigiliis verò somnum: iræ autem, & furori, atque tristitia sermonibus, actionibus, spectaculis, enarrationibus, animi jucunditatem. Sic qui cogitatione laborat, omnino ratiocinationes omittat. Et qui ex inguinum inflammatione febricitat, prius hujus curationi intendat. Ac multò prius viceris undè originem habuit.]

Promissi parum ante, si memores estis, taxare quæcumque minus benè asserta ex Galeno perduxerim. Et cum methodus relatus mendendi febres diarias manifestè doceat, non à solis spiritibus inflammatis ortum febres has trahere, sed ab aliqua humorali, seu vaporosa cau-

Ratio contra Galenum, ex propriis sententiis elicatur.

causa universas oriri, indè manifestè intelligitur, Galenum aberrasse, cùm testatus est primo artis curativæ ad Glauconem. Et primo de Februm differentiis, & 8. Methodi medendi, & in aliis innumeros locis, à solis spiritibus superacensis ephemeræ febres oriri. Si enim ab his superassatis, & in quibus calor febrilis jam factus esset, ut Galenus dicere videtur. Febris dia-
ria oriretur, aut balneis utendum non esset pro earundem medella, aut à principio eiusdem uti deberet febriens. Quippe spiritibus ardenti-
bus, ut ita dixerim, aér balnei calidus, & ejusdem aqua etiam ca-
lens in nullum usum deseruire ad horum extinctionem posse, patet, cùm potius frigidus aér, & aqua ni-
ve refrigerata ad extinguendum ar-
dorem spirituum propriè utilia fu-
tura forent. Porrò si per accidens difflando & in vaporem spiritus ver-
tendo, prodesse balneas dixisses, pri-
mò objicere tibi meritò possem, quod esset præferenda medella per se, curationi per accidens: at cùm refrigerare calefacta sit per se cura-
tio, potius per refrigerantia, quam per calefacentia præscribenda esset ephemerarum medella, quod Gale-
nus numquām præcepit. Secundò inconvenire, quod intuli videtur, scilicet, tunc cùm primū febres ephemeræ invadunt, in balneum ducendos esse febrientes, non ex-
pectata febris inclinatione. Quia cùm ad dissolvendum spiritus inflammatos non esset expectanda concoctio, ut in humoralibus febribus, quantò citius discutere, & in halitum vertere spiritus possemus, tantò melius consultum fuisse ægrotorum saluti, certum esset. Sed à principio balneas intrando, posset tota, aut potior pars spirituum inflammatorum difflari, & æger à febre liber manere, vel saltim mi-

nore febre affligi: ergo indoctè præceptum fuit à Galeno 8. de Morbis curandis, cap. 3. inclinante febre in balneas febrientes hac febre duci. Aut si rectè, & methodicè præceptum ab eo est, ut est, non erat causa febrium ephemerarum spirituum inflammatio, ut ipse cre-
didit, sed aliqua vaporosa materia, aut humoralis pauca inficiens san-
guinem, ex quo spiritus vitales, aut animales procreandi erant, quam discutere natura procurat per calorem magnis, & velocibus, & frequentibus elevationibus, & depressionibus cordis, in se genitum, ut superius ostendimus. Cui obesset aér, aut aqua frigida, prohibendo dissolutionem. Et balneæ in prin-
cipio quoque nocerent miscendo illum paucum humorem, aut fuligines, quas natura discutere febre procurat, cùm bonis succis. In fine febris cùm jam ad cutim excreta causa relata est, hoc incommodo vitato, & utilitate nonnulla si indubiè Medico constaret, febrem esse ephemeram, ex lavatione sequuta, breviorem scilicet febris declinatio-
nem fore, & securum ægrum face-
re, ne unius diei febris in plurium duratione commutetur, infectis hu-
moribus à vaporibus non discussis.

Et quod prædixerim, Galenum 8. de Morbis curandis præcepisse, non ante declinationem febris e-
phemeræ lavandum esse ægrotan-
tem, ideo verba ejusdem citato 3. cap. referre placet, illa sunt: [Quip-
pe in prima accessione inclinante
ducendi in balneum omnes sunt.] Quam sententiam non incassum du-
co, sed ut videatis, quod ejusdem oblitus Galenus fuerit in contextu suprà à me citato ex 3. cap. primi de Arte curativa ad Glauconem. Etiam ut noscatis, quod etsi, ut dixi, quando Medicus certus est, febrem esse diariam, balneum sit pro-

*Improbatur
medela febri-
um diariarum
præscripta à
Galenō, &
quam exerceat
author exara-
tur.*

proficuum ob rationes à me exaratas. Quòd tamen ego securius existimo, iti balneum non ducere ægrum, quām consilium Galeni sequi. Primo, quòd signa diariarum, quæ propria nominat, sint adeò difficilia cognitu, præcipue quæ ex pulsa sumuntur, ut Medicos quantumvis doctos, & expertos decipere valeant, & si in aliis febribus eis uteretur Medicus, non exigua incommoda ægrotanti inferret. Secundò quòd si balneis uti non oportet ante inclinationem febris ex Galeni præcepto, & Medicus adeò peritus, ut Galenus, jam indubie noscerit febrem diariam esse, illam cui medetur, & ipsam inclinare. Jam incassum balneis uti præciperet ad removendum febrem, quæ sponte sua desitura erat. Ob enim tam exiguum commodum, ut foret parum celerius febrem desinire, non erat ausurus in discrimen adeò ingens impellere ægrum, si forte deceptus fuisset, & febris diaria non esset. Ego quippè per totam vitam id observavi, numquam curare, intra viginti quatuor horas, febres, quæ ab inflammationibus exterioribus, aut interioribus non originantur: neque ab ictu aliquo, sed dubius an ephemerae futuræ sint, an non, minimè balneis, aut olei infusionibus curasse, sed naturæ, servando tantum optimam victus rationem, commisisse. Quamquam enim Hispani balneo uti vēlimus, non sine magno negotio possemus, quòd apud potiorem Hispaniarum partem usus eorundem exoleverit, præsertim in regione hac nostra, quæ Vetus Castella appellatur.

C A P U T X X I.

Dieta communis omnibus diariis febribus.

AC quoniam Aëtius sermone i. Tetrabibli 2. cap. 66. die-

tam communem omnibus diariis febribus usurpatam ex Galeno descripsit, illam transcribere visum. Ut enim ex Galeno usurpavi genericam curationem earundem, sic opportunum apparuit ex Aëtio rationem viætus exarare. Verba capitatis illius, quæ sequuntur, sunt: [Dieta in febribus diariis omnibus communem scopum habet, ut sit ex eduliis boni succi, & quæ omnino concoquuntur, & nusquam circa meatus detinentur. His quidem qui ex ardore, aut ira febriunt, quæ simùl frigefaciunt, ac humecant. Frigefactis verò, minus alienia, & moderatè calefacentia. His autem qui vigilarent, aut tristes fuerunt, aut curis vexati, humidus, & somniferus cibus congruus est. Fatigatis autem, plurimus, & maximè nutriendis. At in quibus temperatura corporis calidior, ac siccior facta est, eos oportet aliquando circa primum exacerbationis impetum nutrire. Vinum autem dandum est omnibus, qui ex diaria febre laborant, aquosum, tenue, ac album, quod & concoctionem adjuvat, & urinas, ac sudores propellit. His verò qui vigilarent, aut tristes fuerunt, aut curis vexati, magis intrepidè vinum datur. Sed & fatigatis nimium dandum est, quantum superare possunt. Irratis autem priusquam ab affectu omnino liberati fuerint, minimè tutum est vinum dare.

C A P U T X X I.

De medella diariarum febrium orientium à cutis densitate.

PLacuit de hoc genere febris speciatim primitus tractare, quòd inter alios affectus hic mederi neglectus, non exigua incommoda parere possit. Quamvis enim, ut parum ante dixi, si Medi-

cus indubitanter, ac verè scire, potuissest, febrem hanc intra viginti & quatuor horas desitaram, & si mederi illi neglegisset, parum, aut nihil noceret, tamen quod exitus febris hujus, & aliarum multò incertior quam Galenus blatterat, sit: ideo inter alias, si cui statim ut invadit, opem ferre licet, haec est. Peculiaria signa, ac causas ultra superius recensita, & si illic fermè dicta sint, ex Galeno primo de Arte curativa ad Glauconem, cap. 2. atque ex Aëtio sermone primo Tetrabibli secundæ, cap. 64. usurpatæ, & in hoc loco referre placet. Inquit enim uterque, quod densatur cutis, aut ex frigore, aut ex aliqua immodica adstringente vi, qualem aquæ aluminosæ in eos, qui eis lavantur, inferunt. Etiam, quod tacta cuti, febrentis statim dignoscatur, quod arctissima, hoc est, adstricta, corrugataque cutis valde sit. Et quod horum calor tunc cum primum tanguntur, mitis judicetur, qui multum acris si plusculum retardetur tangens, percipitur. Cujus causa est, quod densata cuti, prohibetur in his vaporum exitus, qui in poros patentes habentibus, occurrentes primiter tangentibus, inferre immodicum calorem solent, indeque mitis horum calor sentitur. Moram vero facientibus, acris judicatur, quod densiora majorem formæ caloris copiam habentia, plus urere, quam rariora, & vaporosa valeant. Ferrum enim ignitum potentius, quam stupæ, aut paleæ ad urendum est. In his etiam oculi cavi non fiunt, ut in aliis diximus, neque corpus extenuatur: quin ob vapores detentos prominentiores oculi quandoque redduntur. Ac ob eandem rationem corpus non gracilescit, neque pulsus parvi ut in tristitia, aut cura, aut vigilia sunt. Et quamquam ego censem

febrem hanc à principio medendam, non tamen auderem, in solidum præcipere hujusmodi ægrotantes descendere, metu ne si forte constipata cutis infici causam antecedentem occasio fuisset, & febris humoralis excitaretur per commisionem fuliginum detentarum, ex obstructa cuti, illud damnum febrenti, proveniat, quod iis, qui lavantur, ante concoctam materiam contingere solet. Consulerem quippè mollibus frictionibus cutim horum perviam efficere, quod sciam, præsidium hoc citra incommodum prodesse. Etiam oleo dulci, & tepido corpus horum inungere, neque non vinum album tenuis substantiæ bibendum dare, quod obstructam cutim vinum adaptaret, dum corpus plenum non fuerit. Si enim multis redundaverit succis, usus vini interdicendus dupli causa est. Primo, quod optimum sit alimentum, ex quo quamplutimi succi fiunt. Secundo, quod multos succos commovendo, ad corruptionem ipsos disponat, etiam versus cutim propellendo eosdem, obstructionem cutis augere valeat.

CAPUT XXIII.

De signis febrium orientium ab inguinum inflammatione, & ejusdem medella.

SCITOTE HIC NOS NON AGERE DE febribus provenientibus ab inguinibus inflammatis ex aliquo bubone pestifero, quem Hispani secam, vocamus. Nam illæ ephemerae non sunt, quin febres inde orientes, pestilentes nominantur: non quod calor pestiferus, aut salubris dici possit, cum accidens simplex sit: sed humor, quem natura febre dissolvere conatur, tali proprietate pestilenti affectus, febrem pestiferam denominet, ut suprà, cum calorem na-

naturalem, & contrarium naturæ esse ejusdem speciei probavimus, ostendi, & fuis in exacta physica, Deo concedente, monstrabo. Sed sermo noster in præsentiarum de illis febribus tractabit, quas diarias nominamus. His memor me olim vidiste quandam quotannis per intervalla quandoque trium, alias sex, nonnumquam decem mensium vexari: bubone inguinis, & febre intra viginti quatuor horas parum plus, aut minus finita, per quandam simplicem citra tumorem inflammationem in femore, ac crure inferiore, præsertim quæ venæ insignes patentiores erant expansam. Ac alios post etiam non paucos eodem modo vexatos per intervalla novi: nonnullis inguem, ut præcedens æger, inflammatum habentibus, aliis sub aliis bubonem, & diariam febrem patientibus, per brachii inflammationem sanitati restitutis. Quorum plurimos passos jam pridem fuisse morbum, quem gallicum nominamus, mihi compertum erat. Quibus ego nullam medellam unquam, quod recorder, exhibui, præterquam præcipere illis optimam victus rationem servarent: & alimenta crassa, & vini potionem per totam diem vitarent, solo jure lentium, aut pomis, assis, vel amygdalato, & diacucurbita febrentem alendo. Et crurum frictione in his, qui inguina inflamma-ta, & non crura patiebantur, fieri jussa. Et brachium alæ inflammatione patientis etiam versus infimam manum molliter fricare percipiendo. Quos eventus, qui prudenter prospexerit, palam intelliget, non ab inflammatis spiritibus febres illas oriri, sed ab exiguo humore illo, quo crus, vel brachium, cum definit febris, inflammat, & ardet. Nam si nullo alio evidenter argumento Galen. Erasistratos

Medicos non audentes mederi febrentibus per sanguinis missionem redarguit, quam quod natura sèpè febres finiat per sanguinem ex naribus fluentem, quod inquit esse evidens testimonium causam febris sanguinem excretum esse, cur eadem methodo procedendo Galen. non intulit, febrem diariam recensitam ab illo humore originem traxisse (per modum à me expositum) à quo crus, aut brachium inflammat, cum eo inflammato, febris pauset? Præsertim, quod plures relatarum cum rigore insigni ægros invadant.

Galen. in initio tertii cap. primi de Arte curativa ad Glauconem signum harum febrium esse dixit: pulsus magnos, veloces, atque frequentes eisdem inesse, plurimumque caloris, cum quadam humiditate ex corporis alto emergente. Faciemque rubicundam, & tumentem, ac urinas subalbidas eosdem babere fatetur. Quæ signa in febrentibus ob inflammationem inguini citra manifestam causam in plurimum certa sunt. Nam raro inguem inflammat, nisi sanguine pituitoso redundant: quod biliosus sanguis potius faciem, & caput, aut cutim petat, ibique heresiplam procreet, quam ad inferiores corporis partes descendat. Relato pituitoso sanguine abundante, signa recensita febrem hanc diariam comitari manifestum cuivis est. At cum à procatarctica causa, qualis est digitorum pedis insignis offensio, aut ictus inguinis equum ascendendo, seu aliud quodvis tale, inguem inflammat, non necesse est, relata signa videri. Talis enim materia in bubone congeritur, qualis in percusso redundat: & cum diversæ temperaturæ percussorum sint, sic & diversi succi inflammationem constituent. Quod

Aëtius loco superius citato, cap. 67. distinguit. Medetur huic febri Aëtius per venæ sectionem. Vereatur enim ipse, ut inquit, nisi celerimè vena fecetur, putridam febrem accendendam. Quo remedio ego urerer in his, qui consuetam non habuissent excretionem humoris ad crus, aut brachium, ut illi de quibus supra memini, & in illis, qui ab exteriore levi causa, sed gravi percussi fuissent. Secus si ictus insignis non foret, nam hos ego non phlebotomarem. Galen. de Sanguine mittendo mentionem nullam fecit in primo de Arte curativa ad Glauconem, contentus solum vini potionem interdicere.

C A P U T XXIII.

De Signis, & medella diariarum febrium orientium à cruditate ventriculi, & sibi contradicens Galenus concors fit.

Signa hujus febris à Galeno, & Aëtio non traduntur, cùm quòd ex ægri relatione facile intellegi, genus hoc febris queat, tum, quòd cruditates, sive nidorosæ (quas fumidas, ac fuliginosas alio nomine dixeris) seu acidæ sint, per ructus deteguntur, noscunturque & ut relatōs æmulemur authores, subtile quoque ejusdem signa decernimus: contentique tantum erimus, quo hæ duæ cruditates differant, explanare. Etiam quandam levem Galeni contradictionem exprimere. Fumosæ ergo cruditates fiunt in ventriculis illis, qui calidi, ac siccii sunt, quibusque cibus paucus, aut biliosus, aut levis concoc-tionis, qualis est lac, aut ova tenebra devorandus affertur. Paucō enim, aut levi alimento immodicum ventriculi calorem sustinere minimè nequeunte, in fumum necessariò ejus pars, quæ tenuior, & ma-

gis aërea, ac ignea est, convertitur, residuo in carbonis, seu cineris formam in ventre relicto. Acidæ autem ab oppositis causis sàpè numero proveniunt, putà à multis, & crassis eduliis intempestivè comes-tis: quæ cùm vincere, ac in totum superare natura minimè valeat, suc-cus ex eodem alimento in jecur per mesenterium transmittendus, penetrare sui crassitie, ac impuri-tate partium terrestrium non po-tens, in ventre (loco sibi præterna-turali) detentus, accescit, & cor-rumpitur. Non aliter, quàm musta extra dolia, & cellas vinarias libe-ro aëri exposita, verti in acetum conspicimus. Hæc, & si pauca sint, sufficienter, ut reor, distinctionem cruditatum duarum explicant, ac declarant. De his ergo diversis, ac quo quomodo contrariis ventris affectibus, prout febres diarias con-citant, tractaturi, primò cavere lec-tori videtur, ne perpetuum esse pu-tet, acidos ructus à frigiditate ventriculi semper provenire, quòd quandoque immodicus calor cau-sa est, ut alimentum in ventre aces-cat, ut cùm de affectibus ventricu-li, & omnium singulatim membro-rum, Deo concedente, egerimus, ostendam. Secundò, quòd in to-tum contrariæ Galeni duæ senten-tiæ videantur esse prior quæ in octavo libro Methodi medendi, in principio fermè quinti capitil legi-tur, alia, quæ in fine ejusdem re-peritur. Initium enim quinti capi-tis hanc formam servat: [Quoniam igitur diariæ febres in propositis corporum temperamentis putà ca-lidis, & siccis sàpè numero etiam ciborum cruditatibus succedunt, proximum fuerit de ipsis disserere. Ergo pessima quidem in hujusmo-di temperaturis cruditas est, citissimeque febrem accedit, in qua ci-bus in nidorulentam, & fumosam

qualitatem corrumpitur, quando ea quæ in acidam vertit, ut raro talibus naturis contingit, ita minus nocet.] Unde & aliquis eliceret ex acida cruditate nonnumquam febres, & si raro, oboriri posse. In fine capitinis contrarium eodem affirmante, refert enim: [Quoniam igitur diaria febris cruditates, quæ cum acido ructu sunt: non consequitur.] Quas si quis concordes facere studeat, non aliter melius, ut puto, quam ultimam sententiam non sumendo in materia naturali, ubi indefinita, ut Logici inquiunt, æquivaleret universalis. Sic enim tantum valerer ultimus contextus, ut hæc. Nulla diaria febris à cruditatibus acidis provenit. Quæ sic intellecta, falsa esset, eventibus sæpè probantibus, multas febres diarias ab his oriri, & Galenus sibi contrarius maneret. Sed ut veritati, & Galeni decreto conformis sit, hic ad ductus contextus in rigore Logices sumendus erit, ut indefinita illa non in materia naturali sumatur, sed in contingentí prout dicere solemus, homo non est albus, quæ non quemlibet hominem non esse album, affirmat, sed aliquem tantum, cum qua simul vera opposita sub contraria stat, putà, homo est albus. Itaque sententia orationis ductæ hoc tantum significaret, quod aliqua acida cruditas non procreet febres diarias. Quod nullus inficiari poterit. Neque pigeat lectores me negotia Logices tractare, coactus nempè vindicare Galenum à tanto crimine contradicendi sibi intra unum caput, id feci.

Et priusquam de medella harum distinctarum crudatum nonnihil referam, etiam distinctionem aliam earundem exprimere cogor: quam Galenus parum à principio quinti capitinis octavi methodi medendi exaravit, illa est, quod harum cru-

ditatum quælibet duplex esse valeat, cum adstricta scilicet albo, quæ magis noxia est, & cum lubrica, quæ minus gravis judicatur: de quibus curationem hic scribere superfluum videtur. Quamquam Galenus satis prolixè loco citato, & Aëtius libro superiorius dicto cap. 68. & cæteri Græci, & Arabes, ac Latini eandem ad longum scripserint. Nam si qui de ventriculi affectibus pertractant, de universis cruditatibus agere coguntur, necessariò de his, ad quas diariæ febres sequuntur, tractaturi sunt. Et cùm nos, ut superiorius diximus, speciatim de omnibus morbis singula nostra membra infestantia sumus scripturi, superfluum visum est, de illis hic referre. Tantumque quedam frequentem eventum referam, quo finem huic capiti imponam.

Non raro contingit post pharmacum subducens devoratum, albo sufficienter ex purgata, in nocte, aut die sequente febrem cum insigni rigore invadere expurgatum, qui prius non febriebat: præsertim si larynus venter cum ullis torminibus, & tenesmo, fuit solitus. Quod symptoma parum expertis Medicis terrorem ingentem incutit, & anxious de salute ægrorum reddit. Quod sæpius in iis contingat, qui, ut vitent aliquod futurum malum, pharmacum sumperint: verenturque inexperti Medici, ne sibi mors illorum imputetur, quod alias ante sumptam potionem bene valere à vulgo credebantur. Quibus his nostris scriptis certos facio, malum hoc levissimum esse, & quod sæpè sine medella intra viginti quatuor horas sanescat, finiaturque. Nisi in homine debili valde, & pessimorum humorum contingat, nam tunc fluxus ventris raro ante mortem ægrum deserit.

Soleo ego in illis, quibus albus in

in recensito eventu remanet post pharmacum adstricta, quod rarissimum est, usque ad viginti quatuor horas expectare, solo jure pulli galinacei, aut pullo ipso, si debiliores hujusmodi febrientes esse, censeo, ad mandendum concessso, & aqua, in qua panis mica paululum tosta, macerata est, ad bibendum permissa: transactoque die febris, quod superest morbi medeor prout decet morbum, & ægri illius tempe- riem, alios verò, quibus tenesmus, & tormina infestant, aut eorum alterum quod frequentissimum est, clisteri ex hordei, & violarum decocto, & oleo rosato tantumdem curo. Quod si sufficit, pharmacum intestinis hærens abstergere, & vim ejusdem reprimere, quia tamen jam intestina ex antecedente fluxu excoriata relicta imbecillaque ver- sat fluxum suscipiunt, ex oriza, & hordeo tosto, ac capitibus rosa- rum decoctum fieri jubeo, illique sepum renis capræ eliquatum in fartagine igni exposita misceo. Et si valde immodicum fluxum esse nosco, acatiæ unciaæ dimidium dis- solvo. Et hoc tantum ægros non nullos à morbo libero. Alios mi- vam, quām vocant citoniorum, ex succo mali citonii confectam ad bibendum summo mane exhibeo. In nonnullis, utroque remedio utor. Et plurimis, quibus robur virtutis inesse intelligo, solam de- centem victus rationem præscri- bendo sine ullo medicamento quo- usque dies naturalis pertransfeat, destituo, existimans febrem sua sponte desitaram, & ventris fluxum illis conducere. Et semper relato ordine servato, ad votum res hæc cœsit, pro quo Deo ingentes ago gratias.

Et quia nostri moris est, elicere undecumque possimus, quicquid ad illustrandum veritatem nostrorum

decretorum conducit, ideo in me- moriam legentium hæc, revocare placet, quod eventus horum fe- brientium, rigore præcedente satis pellucide doceat, ab spiritibus in- flammati impossibile esse has fe- bres originari, ii enim cum inflam- mantur, minimè rigorem inferre valent, quin insignem ardorem, ut & rusticani adhuc homines de hoc consulti verè testarentur. De qui- bus plura dicere non placet, quod cum de febribus putridis egerimus, quæ rigori, & tremori, & palpita- tionis attinent fusè scribemus.

CAPUT XXIV.

Signorum, & medellaæ diariarum fe- brium ex lassitudine orientium.

Agitari inter Medicos non exi- guam litem, cum inquirunt esse affectus hujus, quem lassitudi- nem nominamus, docuit Galenus cap. 10. secundi libri de Simpli- cium medicamentorum facultati- bus. Aliquos enim putasse articulo- rum esse fccitatem, originarem ex motionibus immodicis refert. Alios contra quam hi, humiditatem multam, & tensionem, & caliditatem fluxione nimirum partibus vehe- menter agitatis effusa. Alios non humorum multitudinem, sed qua- litatem solam causari. Quorum quid verum sit, præsens locus ex- plicare non postulat: sicut neque inquirere, an tres tantum lassitudi- num differentiæ sint, ulcerosa scili- cèt, & extensiva, ac inflammato- ria: aut quarta his sit addenda, ut aliquos opinatos fuisse refert Gale- nus lib. 3. de Sanitate tuenda. Quod enim hic discutere nitimur, tan- tum est, signa, quæ comitantur fe- brem diariam, orientem à lassitu- dinum quavis, ac febris hujus me- delam. Primum ergo signum mor- bi istius, ut Aëtius cap. 59. libri ci-

tati scribit, est, habere hos febrientes cutim sicciorum, quām, qui ex alia quadam diaria febre laborant. Quod verum in plurimum esse, existimo. Nam etsi qui lugent, tristesque sunt, & qui inediam, ac vigilias diu perseverantes patiuntur, & soli expositi, & alii ab exiccatibus causis febrientes sicca cuti sint: non tamen si cætera sint paria, relati affectus æquè tam in duratione, quām in intensione, ut lasitudo ab immido exercitio oriens exicare valebunt, quòd motus exercitatorum non tantum partes exteriores hominis calefacit, ut sol, verūm, & intimas. Etiam diutius durare valebit, qui exeretur, si quietem aliquam intermitat, quām tristes, & famem patiens. Qui enim tristes immodicè sunt, & si intermissionem ullam efficiant, intra non plures dies intereunt, ut quoque famescentes. Exercitati tamen immoderatè, dum ab exercitio paucillum pausent, diutius multò, quām tristes, & omnes alias affectus tolerantes, vivere valent. Ut Tabellarii, equis subinde positis, in distantiissimas regiones sine insigni danno inter currendo agentes, ostendunt. Neque immeritò dixi superius, in plurimum hos sicciores reliquis fore, quòd sciam, nonnullos pituita redundantes inconsuetosque exerceri, cùm primum exercentur, ac lassantur, febi diaria statim corripi: qui potius cutim humidam ex eliquatis per calorem excitatum ab exercitio habituri sunt, quām sicciam. Cujus rei Aëtius in præsenti loco meminit, dum dixit: [Qui verò non nimium fatigati sunt, his humiditates quædam, aut vapor calidus ex profundo effertur.] Pulsus horum esse magnos, notissimam causam habet, quòd labor unde lassitudo orta est, calorem auget, qui, viribus non defi-

cientibus, poscens refrigerari, ut Galenus inquit, in magnas veloces, & frequentes diastoles, & systoles se attollit, & deprimit.

Mederi his febrentibus consulit Aëtius per injunctionem totius corporis cum dulci oleo, & postea aquarum dulcium lotione. At ego, qui ob superius dicta non audem, in balneum jubere hujusmodi febrientes descendere, inunctione ex oleo facta urerer, quia hæc prodesse citra incommodum valeat. A balneis tamen ægrum abstinerem, & diu quiescere eundem non præciparem: quin, si res postularet, ablata febre, iterum eodem exercitii genere uti jubarem. Salubre enim hoc nostrum consilium esse, soli illi ignorare possunt, qui id agere non consueverunt: reliqui nempè omnes experiuntur, cùm primum è domo propria proficiuntur, cùm jam diu est, quòd iter non egerint, in illa priori die quam maximè lassari, aliquosque febrire: in sequentibus itineris diebus verò, aut parum, aut nihil defatigari, quòd humor eliquatus ex motu, qui ad articulos deferebatur, & lassitudinem inferebat, perseverante motu, in vapores discussus delitescat, & absumatur. Mihi enim ipsi proficiscenti Madritum, ubi tunc Imperator, ac filius ejusdem aderant, accidit, in ea die, qua profectus celeri cursu vesperi è Methyna duelli fui, corripi in Arevalo oppido distantì leucas sex à Methyna, quodam in signi rigore, statim, ut thorum sum ingressus, quem febris secuta est. Et cùm vererer morbum futurum periculosum, recumbens agebam mecum de redditu in propriam domum. At per duas horas ante diluculum excitatus, melius me habere sentiens, comiti dixi, ut equos ad prosequendum iter ornaret. Miratus-

que

que ipse tam celeris mutationis ejus, quod priusquam dormirem, decreveram, iussis obtemperans, equos disposuit. Ac meum equum conscendens, dixi. Iter cursim, ut die præterita agamus: nam multò me leviorem sentio, quām cùm profectus à Methyna sum. Calcaribusque ventribus equorum adactis, Madritum ingressus, benè valui: & nulla suspicio reditus febris unquam me vexavit, quòd conscius mihi forem, valetudinem meam non fallacem, sed hominis benè in totum valentis esse. Quem eventum duxi, ut per eum noscatis, febrem, qua tunc sum correptus cum rigore invasisse, & parum plus, quām per quatuor, aut quinque horas in vigore durasse, & putridam neque ephemoram à Galeno, & suis sequacibus vocari non potuisse, quòd rigor ille ab humore commoto, & non putri, ut post dicemus, ortum traxerit. Quo convincendus Galenus foret pro hujusmodi febribus aliam novam speciem confingere ultra diarias, putridas, hecūicasque, aut fateri febres diarias non fieri, ut docuit. Sat hæc pro nunc sint, & ad aliud genus ephemeralium medendum transeamus.

C A P U T X X V.

Signorum febrium provenientium ex immodico solis ardore.

Qui sic febricitant, nullis signis peculiari capite ab Aëtio distinguuntur. Sufficere enim existimavit scivisse ex ægri assertione, quòd pridie, aut eadem die, qua febre corripitur, soli, fuerit expositus. Verum cùm sæpè contingat multis, qui iter sub vigenti sole egerunt, febribus ex distillatione, aut inflammatione, seu tertianis, sive continentibus corri-

pi, utile existimavi aliqua peculia-
ria signa, quibus à prædictis hæc
diaria febris distinguatur, scribere.
Quorum primum est, cum vehemen-
ti capitis dolore hanc in plurimum
invadere, ideo quòd solis ingens
calor humores omnes calefacien-
do, leviores efficiat, & caput pete-
re cogat, ipsumque pronum ad eos-
dem suscipiendum calor solaris re-
degerit. Secundum sit, quòd sæpè
distillatio simul & febris invadant.
Namque eliquati humores vi solis
deorsum verius ruunt: quandoque
in Thoracis regionem: nonnum-
quam per cervicem, & dorsum, ri-
goribus nonnullis tunc cùm per
dorsi partes humor defertur, vexa-
tis febrentibus. Tertium erit tunc
signa inflammationum deesse: nam
si hæc adsunt, jam certiores facti
erimus, quòd febris diaria non sit.
Quartum. Nonnullis horum oculos
siccos reddi, aliis rubentes fieri,
prout caput plurimis, aut pauciori-
bus redundat succis, ubi enim pau-
ci sunt, oculi siccescunt: verum ubi
multi, oculi rubentes fiunt, ingens
sitis plurimos horum vexat, quòd
pulmo ex aëre calido inspirato, ca-
lidus redditus ventriculi os calefe-
cerit, & exiccauerit: nisi cùm pi-
tuita aliqua ex capite defluens, ip-
sum infrigidaverit, & humidum
reddiderit. Neque verum est, quod
Avicena fen. prima quarti, tract. 2.
cap. 38. inter hujus febris signa
scripsit, hoc est: [Et est hujus fe-
bris habitudo contraria ei, quæ est
ex cutis densitate.] Per hæc verba,
ut ex antecedentibus elicetur, vo-
lens innuere, quòd in hac febre non
sit adeò ingens sitis, ut in his, qui
propter obstructionem cutis fe-
briunt: quia calor in habentibus
occlusos meatus cutis, interius vi-
gorosior sit, quām in febrentibus
vi solis. Quod, ut dixi, à vero alienum
est. Tum, quod solaris calor mul-

multò plus posse calefacere exteriōra, & interiora, quām fuligines in corpus inclusæ, cūm fuligo terreæ substantiæ sit, ut in principio hujus libri ostendimus, quām etiam, quod solaris calor aērem, qui devoratur, calefaciendo, & exiccando multò plus cor, & pulmonem calefaciet, quām fumi exire per cutim prohibiti. Propè enim cutim detenti, & non in alto corporis delati, multò minus calefacent, quām Avicena existimavit. Porrò crediderim ego, quod etsi cordi proximi fierent, cordis calorem potius extinguerent, quām augerent, ut fumi obruentes exteriores flamas probant.

Medellam febris hujus fieri per res infrigidantes, & humectantes tam Aëtius quām Avicena præcipiunt: Præsertim oleum omphacium rosatum, quod capiti admovendum est. Aëtius infrigidari jubet in saliente frigidæ aquæ, quod idem est cum scaturigine aquæ frigidæ, ideo, cum aqua frigida, quæ sponte sursum versus ex fonte oritur, ut in Hispania prope portum balnei in origine fluminis, cui nomen, Corpus hominis, est, contingit. Et adhuc cum nive reddi oleum prædictum capiti apponendum, frigidum, relatus author, & Galenus consulunt. Avicena ulterius progressus, non tantum capiti, verum, & pectori oleum, ut dixi, infrigidatum admovere audet, deceptus, quod putaverit, diariam febrem fieri, ut Galenus docuerat. Cujus consilium, ut perniciosum vitare consulo. Nam si febris hæc originem ab uestis pauxillis humoribus, aut vaporibus, & fuliginibus trahit, per modum, quem nos saepius supra explicuimus, & natura hanc morbificam causam febre extirpare conatur, pectus relato oleo inunctum, insigne impedimentum

resolutioni humoris, aut ueste fuliginis necessariò erit, unde durationis, & perseverantiae febris ad motio illa etiam causa erit. Et ne dum hujus incommodi præceptum Avicenæ occasionem esse, suspicarer ergo verū quod relati vapores, aut humores exire prohibiti, propter cutis pectoris densitatem, in magna vasa, & cor repulsi inficere sanguinem valeant, & febrem, quæ alias unius diei futura erat, continentem, & per multos dies perseverantem efficiant: & ubi vires imbecillæ sunt, interficiant. Nempè quamvis contingat multis curatis recensito oleo pectori ad moto fane scere, quod virtus fortis sufficiat superare adeò levem morbum, & errores ab indoctis Medicis commissos corrigere, non ob id audere peritus, & rationalis Medicus debet, uti præsidio adverso naturæ prudenter operanti. Ipsa enim febris fuligines per sudorem, aut rorem, ut cùm de signis ejus fui mus loquuti, diximus, finit, & in totum à corpore eliminat. Quo ergo modo noscere prudens Medicus non debet, quod quæ hanc difflationem prohibent, noceant, maximè quod Galenus in medella illa, quam ex primo artis curativæ ad Glauconem duxi, balneis uti hos febientes præcipit, æmulatus, ut prudens Medicus naturam fudoribus hanc febrem finientem. Neque etsi prohibuerim olei frigidi inunctionem pectori fieri, ideo inferendum est, perfundi caput ex alto relato oleo, ut Aëtius jubebat, à me vituperati. Est enim adeò verna cerebri inflammatio ex delatione humorum caput versum pentium, propter levitatem, quam ex calefactione solari acquisiverunt, ut cautè provisum sit oleo repellente ipsum perfundere. Ceterum de aqua dulci temperata, qua

Iavari universum corpus febri-
tum hac febre Aëtius, & Avicena
imperant, fulti autoritate Galen.
8. Methodi medendi, cap. 7. ratio-
ni consonum est. Nam ibi sic in-
quit: [Ustio verò protinus ab ini-
tio refrigerationem desiderat, tum
crebriorem lavationem.] In verbis
his nihil aliud exprimere cupiens
Galenus, quām quòd hi ægri la-
ventur aqua ipsos refrigerante:
quod per aquam temperatam, aut
temperamento per calorem pauxil-
lum distantem commodè fiet, cum
quæ remissè calida sunt, admota
ardentibus ex sole, ipsos tempe-
rent, excretione vaporum, aut hu-
morum ustorum, potius lotione hu-
jusmodi aquæ adjuta, quām cohi-
bita. Nempe tenuis valde succus,
aut humor in exiguis corporis fo-
raminibus imbibitus, per halitum,
aut sudorem expelli minimè valet,
qui crassior per temperatam, aut
parum calidam aquam redditus,
faciliter in utrumque verti est ap-
tus. Neque inde ausurus aliquis
est, actu frigidis uti, propter incom-
modum, quod inde sequi diximus,
cùm Avicenam parum supra incre-
pavimus.

Si memores estis, in his, quæ ante-
cedunt, diximus, quòd quām pa-
rum ægrotanti intersit Medicum
curationem febris diariæ omittere,
si indubie sciret, ultra diem ipsam
non transgressuram, verùm quòd
incerta signa, quibus dignoscitur,
sint, ideo conducere medellam ta-
lem adhibere huic febrienti, quòd
si fortè erratum à Medico in cog-
nitione sit, ex medicatione error
nullus committi valeat. Quam me-
thodum quomodo servare opor-
teat, non paucis curationibus fe-
brium diariarum à diversis causis
orientium expressimus. Et quam-
quam tam ab Aëtio, quām Avice-
na complura alia harum febrium

genera scribantur, atque medicen-
tur, non tamen eos sequi visum,
tam, quòd plures earum, ut quæ à
distillatione, & ventriculi crudite-
te, ac aliis causis in morbis parti-
cularium membrorum medicanda
sunt, quām quòd methodis à nobis
in præteritis traditis quantumvis
rudis Medicus omnibus aliis opem
ferre facillimè valebit. De negotio
ergo hoc plura quām quæ sequun-
tur, scribere foret superfluum.

C A P U T X X V I .

*An transitus febris diariæ in putri-
dam, ut hucusque opinabatur, fiat,
examen, etiam qualiter deinceps
febres, quæ putridæ dicebantur,
vocandæ erunt, neque non quod no-
men hecticæ sortientur.*

Solent Medici in codicibus
agentibus de ephemeras fe-
bribus, peculiaria capita scribere
de signis febrium diariarum tran-
seuntium in putridas, quòd putent
febres ephemeris ab spiritibus, pu-
tridas ab humoribus, hecticas à
membris inflammatis oriri. At cùm
nos palam ostenderimus, vana hæc
omnia figmenta esse, incassum de
his caput ullum scribere visum. So-
lùm enim sufficere existimavimus
cautum facere lectorem, quòd pos-
sibile, ac per quam facilè sit, febrem,
quæ unius diei futura erat, in mul-
tos dies per indecentem ægri cus-
todiam quandoque protrahi. Non
aliter, quām paucō humore, aut
vaporibus, qui valerent per calo-
rem febrilem vigintiquatuor hora-
rum discuti, si quæ decebat vietus
ratio observaretur, insufficientibus sic
reliquos humores, ut ex eis tam in-
gens copia vitiata evadat, quòd
absumi per relatum calorem non
nisi in multis diebus possit, cùm
facultas expultrix valida fuerit:

nem-

nempè si imbecilla fuisset, nimirū quòd in interitum ægrum vitium illud impulisset. Qua de re diarias febres per spatum 72. & adhuc plurium horarum nonnullos ægros vexare, ut Galenus in primo & secundo, cap. 9. Methodi medendi dixit, vanum existimo. Si enim dia-
ria febris à putrida per alia distin-
gui, quàm per majorem, aut mi-
norer copiam humorum vitiato-
rum, aut fuliginum non valet, ut
cùm non multū post hujus operis exordium Galenum in reddenda causa ephemeralium increpantes ostendimus, nominare ephemeralam, quæ materiam tantam discutien-
dam habet, ut minūs, quàm intra triū dierum spatum absumi non valeat, error manifestus est, in quem ipse, & cæteri, quàm ipsum sunt secuti, inciderunt, quòd finxe-
rint, ut diximus, ab spiritibus in-
flammatis recensitam febrem voca-
tam diariam oriri, & putridas ab humoribus, nescientes post prædic-
tas falsas hypotheses se à mille inconvenientibus, quæ sequuntur, extricare, ut, qui citata duo Galeni capita legerit, intelliget. Nam si rationes nostræ, quibus essentia ephemerarum opinatam à Galeno ex-
plosimus, menti ejusdem, aut ullius ex his, qui ipsum sunt secuti, occurrissent, in tam enormes errores, quales dictatos relinquerunt non incidissent, ac me à præsenti, & præterito labore, atque sequenti vindicassent. Compellor enim de febribus plurium dierum, quas in putridas, & hecticas quibusdam minimè sibi convenientibus diffe-
rentiis prædecessores nostri distin-
gunt, tractare, & medellam earum præscribendo, imprimis esse horro-
ris, & rigoris, ac ejusdem causas exponere, quòd symptomata hæc sæpè invadere correptos febribus plurium dierum soleant. Deinceps

enim eas, quas putridas antiqui no-
minare consueverant, febres plu-
rium dierum nominabo. Et hecti-
cas vocari solitas, habituales appellabo: ut prudens Lector audita di-
versa nomenclatura, excitetur, &
scire cupiat, cur mutata antiqua nomina sint. Et ut hoc discat, ex-
positionem nostram super Codice Galeni de Inæquali intemperie, & antecedentia illam legat, indeque resipiat, & veteres errores exuat.

C A P U T XXVII.

*Horroris, & rigoris esse, & cau-
sas, que in hoc capite scribuntur,
experimentur. Unde tremoris quo-
que essentia nota evadet, & Gale-
ni errata in hoc negotio explicab-
untur.*

Horroris, & rigoris esse, & cau-
sas explicaturus, ut aequivo-
cationis disputationem præsentem confundere non valeat, nominum horum significatum in primis expri-
mere videtur, ne si quis nobiscum consentire nolit, occasionem sibi arripere inde valeat, quòd dicat, non vocare illud symptoma, quod nos rigorem, aut horrorem dici-
mus sic, sed aliter, ac tali astu vim nostrarum argumentationum fu-
giat. Et cùm præsens ætas à nullo authore interpretationem harum vocum libentius suscipiet, quàm à Galeno ipsarum finitionem, relicta innumeris aliis locis, in quibus esse horum affectuum explicare, est conatus, ex cap. sexto, libri de Palpitatione, tremore, & rigore ducere visum, & quæ de his illic dixit, in hunc modum habent: [Num verò rigorem frigus cum dolore finientes, rem totam affecuti sumus, aut quicquam desit? Non enim quicumque hoc pacto rigor forte finiendus est. In valetudina-
riis profecto non idem rigere,

hor-

horrere, frigescere dicas. Accessum exacerbationis namque sèpè dicimus, cum rigore huic, horrore alii cum frigore solum accessisse. Nominumque ejusmodi usum passim per volumina Medicorum omnia reperias, ut nisi quis quassatione, atque agitatione frigescat, rigere non appelles. Sed ubi rigor nominandus sit, difformem, & involuntariam motionem adesse sit opere pretium: quod hac vacat, nisi superficiem etiam impariter commoveat, dicunt frigescionem. Quod si hanc per alias accessiones turbet, & concutiat, reliquo non moto corpore, horrorem nominant: ut solius cutis horror ejusmodi affectio existat, sicut rigor universi corporis, in valentibus autem alter rigorem appellamus dolorosam omnem infrigidationem. Si autem more morbi accidat, rigor nominne censere non est satis, sed corporis totius agitationem addere est operae pretium. Quo ducti aliqui, rigorem cum infrigidatione tremorem appellantur, & quidem minimè sunt interpretati. Non enim dicendus tremor est, sed agitatio involuntaria, pugnave, aut quassatio, vel aliud id genus nomen investigandum. Tremoris quippe nomen proprio est affectui adscriptum.] Quibus verbis non unicam definitionem Galenum rigori dedisse constat, sed duplarem, alteram rigori invadenti valetudinarios, aliam ei, qui infestat sanos. In priori quassationem, atque agitationem, id est, difformem, & involuntariam motionem frigenti advententem, rigorem vocat. In posteriori dolorosam omnem infrigidationem, rigorem dicit. Cujus ultima verba si in sensu logico sumerentur, notoriè falsa essent. Nam manus, aut pedis tantum dolorosam infrigidationem, rigorem nul-

lus unquam nominavit, nisi membra haec concutiantur. Sed ego has nenia minime curio, sed tantum, quæ magni momenti sunt, reprehendere satago, ut falsum esse aliorum dogma, ostendendo, nostrum verum esse, manifestè dignoscatur, & incommoda quæ ex fide collata veteri errori sequi assueverant, vitari queant. Ut ergo hoc, quod referimus in præsenti negotio exactè assequamur, necessum est causas rigoris, quas putat Galenus, & quotquot eum sunt sequuti, ex eodem referre, ac postea evidentibus rationibus monstrare, quæ ex illis (si ullæ inventæ hucusque sunt) causæ dici verè possint, ac quæ falso tales nominentur. Et quod innumera loca sint, in quibus de hujus symptomatis causis Galenus scripsit, & fermè tot variæ sententiæ de illis ab eodem exaratae reperiuntur. Ideò potiores explicabo, illis enim, futilis esse, ostensis, faciliter ex nostris rationibus aliæ, quibus reliquæ cohætentur, elici poterunt. In primis omnibus notum faciendo, verum esse, quod Galenus in contextu citato de horrore, quem interpres Arabum horripilationem vocant, dixit, ipsum scilicet à rigore non differre, nisi quod minimum symptomata, quam rigor sit. Prioremque sententiam, quam scribere placuit ex secundo lib. de Symptomatum causis, cap. 5. elicui: ibi enim de tertia specie laitudinem loquendo Galenus quæ sequuntur scripsit: [Tertia lassitudo, sub qua se ostocopo, id est, ossium dolore laborare loquuntur, ne minimum quidem motum sustinet, sentiunt tamen quos ea male habet, manifestum calorem, unà cum de morsu, & tensione: vitioso humore in totam animalis molem ampliter transfuso: eorum verò qui hac laborant, nemo pandiculari tentat:

ut qui omnem motum formident. In reliquis duabus lassitudinibus, quarum alteram ulcerosam, alteram tensivam nominare solent, fit etiam talis aliquando motus: cum videlicet, vel exiguæ omnino sunt, vel ex flatuosis, & halituosis excrementis proveniunt. Quippe si ulcerosa lassitudo major evasit, nec quia laborant, motum ullum sustinent: sed dolorem veluti ulceris per corpus sentiunt, horrentque. Quod si augetur symptoma, ad horroris affectum propè proveniunt: quippe sub hoc horrent priusquam etiam moveantur. Tamquam autem cum ulcerosus sit sensus, quoties moventur horrent, magisque si vehementius: sic horroris affectus cum in motum agitur, concutientem rigorem efficit. Hæc namque omnia ex mordacibus oriuntur excrementis. Differunt inter se, tum exrementorum multitudine, tum motu. Præterea quod exrementorum, alia magis sint mordentia, alia minus, & quod corpus laborantis, vel non facile afficiatur, vel imbecillum sit, vel acuti natura hebetisve sensus. Nam quod acuti sensus est, & imbellum, etiam ex levissima causa dolet: contra quod valentissimum, nec facilis sensus est, magnam causam ad talis symptomatis generationem requirit. Utrum ne igitur in iis solis: an etiam in movendo, aut non movendo: præterea quod movetur, in eo quod vel celerius, vel tardius movetur, plurima est in symptomatis differentia. Ac mihi quidem sic videtur: eundemque hominem sicuti quiescentem quidem solam inæqualitatem sentire, ita motum horrere, & exercitatum rigore concutiente urgeri. Ideoque, & Medici iis qui ita laborant, experientia docti, consulunt, ab omni motu abstineant. Jam aliquos qui cru-

ditate laborant, scimus cum quievissent nullo affectos dolore, cum balneum fuissent ingressi, aut in sole stetissent horruisse: atque hoc magis, si se exercitassent. Nam & sol, & balneum, & exercitatio, excrementa, quæ prius quieverant, calefaciendo, attenuando, ac in spiritum vertendo, ad motum excitant, quemadmodum, & ex animi affectibus ira: ex quibus, & admodum excitant excrements, quæ prius quieverant calefaciendo, attenuando, ac in spiritum vertendo. Nec mirum corpus cum excrements quiescunt, minus dolere: cum movetur, & magnopere angi, & vibrari, & concuti, horrens scilicet, ac rigens, & febricitans. Quando etiam dura corpora quæ oculis incidunt, conniventibus nobis palpebras, & particulam sub quiete habentibus, vel parum omnino, vel nihil contristant, moventibus vix tolerabilem afferunt cruciatum. Sed & citra exemplum ex ipsamet re invenias licet, motam causam, quiescente magis esse infestam: quoties videlicet agitur per corpora sensibilia, veluti in oculis est propositum. Neque enim de succis, qui in venis, & arteriis fluunt, est disputatio, sed de his qui in carnibus sunt, & toto corporis habitu. Quoties igitur aliud per hæc violenter agitur, ac ad cutim desertur, necesse est dum carnem cutimque permeat, omnia in quæ incidit, pungat, stimulet, dividat, ac vulneret. Quod autem omnis mordax, & dimota causa, sive ea calida, sive frigida sit, animal in horrorem, ac rigorem dicit, primum quidem ex talibus intellexisse licet. Si sano corpore ferventem aquam subito infundas, aut ignis scintillas incutias, statim horrore vexabitur. Jam cum ulceratae particulae causticum medicamentum imponitur, primum qui-

quidem horrent, deinde rigent, mox etiam febricitant nonnulli. Quid quod tertianæ febres, quæ omnium febrium maximè biliosæ calidæque sunt, omnino maximè horrore infestantur? Quantoque sinceriores tertianæ sunt, tanto etiam rigor in eis incidit vehementius. Quin etiam cum qui ardente febre laborat rigor superveniens à morbo liberet Hippoc. ait, quoniam scilicet bilis, quæ prius in venis errabat, à natura decretoriè per carnem ad cutim traditur: ergo motus ejus delationisque, quæ per sensibilia corpora agitur, simul & symptoma, & signum, rigor est. Quin etiam sudant deinde, qui ita ob riguerint, vacuataque iis bili, febre liberantur. Interim verò, ubi non ad cutim, sed ad interiora loca bilis impetum capessit, per vomitiones simul & alvum vacuatur. Non raro autem simul intro forasque eodem die est delata, ita ut & sudata sit, & vomita, & dejecta.] In quibus verbis sati palam causam, quam Galenus opinatus est, rigoris esse, expressit. Quæ in compendium redacta, nullam aliam nisi frigiditatem, & delationem humoris acris, & mordentis supra carnem cutimque esse prohibet. Credit quippe ipse, quod ut aqua ferventi subito superaspersum sanum corpus horret, ac concutitur, ad excernendum quod molestat, sic caro musculosa, & cutis cum humoris supra se delati vim mordacem percipiunt, concutiantur. In quem errorem quomodo Galenus inciderit tantò magis admirari subit, quantò plus ejusdem sententias sufficere eundem excitare nosco. Quis enim nisi lethargo oppressus, eventu (quem ipse recensuit) caustici medicamenti rigorem cum vulneri imponitur inferentis, & mox febrem, non resipiat, ut aliunde quam ex delatione

humoris mordentis supra carnem, quæ concutitur, rigorem fieri intellegat? Nempè si verum esset, quod humores acres delati supra cutim & carnem rigoris causæ sint, quod membra illa, supra quæ incident, conentur per concussionem eos à se excernere: imposito vulneri cruris, aut pedis, aut alterius membris particularis caustico medicamento, brachia, & totum corpus rigere non debuissent: suffecisset quippe partem ulceratam rigere, ut mordax medicamen à se propelleret, reliquo corpore quiescente, immobile manente. Sed hoc non accidere Galenus fatetur: quin quod totum corpus imposito caustico vulneri, concutiatur, pandiculetur, & vibretur. In aliud ergo principium hic inordinatus motus reiciendus ab eo erat. Etiam novit ipse libro, & capite citato, & in lib. de Palpitatione, tremore, & rigore, cap. 7. cum dixerit: [Auscultatio etiam horrenda, & spectacula horrorem fecerunt, quandoque & rigorem.] Timentes & agonizantes tremere, & quod nequaquam ab acribus succis provenire tremor, vel rigor ille quivit, nec quod imbecilla facultas motrix eorundem non valeat membra hominis, qui stat, & timet, ac tremit, gubernare, cum experiamur jacentes in toro, vel in solo ubi membra reclinata nulla vi motrice indigent, vi sis inimicis timere & tremere, aliam ergo causam hujus rigoris investigatus erat, quam cum invenisset, exactè novisset, rigoris veram causam, & quam fingit explosisset. Credidit quoque ipse humorum mordacium motum supra membra musculosa cogere ea rigere, quæ alas immota mansissent. Et hujus oblitus, statim dicit, naturam motu concussivo muscularum conari propellere, ac excernere à carne succos.

erodentes : non advertens , quòd concussivo motu muscularum potius natura rigorem augeret , plus agitando humores , quàm rigori mederetur. Non enim extra cutim siti sunt , ut propulsu , & vibratione decidere queant : neque qui rigid , calent , ut calore succi infestantes in halitum discutiantur ; quin in membra ipsa per talem concussionem magis , ac magis imbiberentur , & rigor rigorem semper augeret : neque esset dabilis rigendi finis , quòd in alias , & alias partes humor permeando , semperque inæqualem temperiem gignendo , doloris , & rigoris causa perpetua futurus erat.

Hipp. decre-
tum quo Ga-
len. increpa-
tur.

Certè quod ex 58. 4. libri Aphorism. Hippoc. citatur , & Galen. in expositione illius recensuit , non exiguum lumen collaturum ipsi erat , ut videre minimè lipientibus oculis valeret , veram rigoris causam , non eam esse , quam fingit. Sententia Hippoc. hæc est : [A febre ardente habito , rigore superveniente , solutio.] Et commenti contextus qui sequitur : [Ostensum enim est in sermone de rigore , ob flavam bilem , quæ per membra sentientia veloci motu defertur , fieri rigorem : post quem videlicet , & alvi absolvuntur , & sudores , & vomitus bilioso superveniunt. Bilis igitur ex qua febris ardens habuit ortum , expurgata , solvit febris.] Nam si ideò quòd bilis , quæ expurganda per sudorem erat , in carnem muscularum priùs excreta mordendo rigorem efficeret , non solum in ardenti febre cùm sudor supervenit , rigor oritur erat , verum in quovis alio morbo pendente ab humore bilioso finiendo criticè per sudorem , etiam rigor visendus esset , quod nullus experitur. Consequentia est nota : quòd etiam bilis tunc ad cutim delata priusquam in sudoris formam redigeretur , mus-

culosam carnem mordendo , rigoris causa velociter mota futura erat , quòd Crisis , ut Galen. 13. Aphorism. secundæ refert : [Judicatio est subita in morbo , vel ad sanitatem , vel ad mortem mutatio.] Porrò si ideò quòd sudorem sequi rigorem hujusmodi Galen. novit , intulit à bili mordente muscularum rigorem fieri , cur etiam non est suspicatus à bile rodente intestina , aut ventriculum , rigorem provenisse , cùm etiam ventris fluxus , & vomitus , ut idem Galenus fatetur , rigorem relatum subsequantur ?

Etiam morsus ille , qui in carne muscularum à bili fit , potius duplicitem convulsionem (quam tetanum Galen. commento 7. quarti lib. Aphorismorum nominat) productus erat , quàm rigorem. Nam membra hæc nostra , quibus voluntarios motus exequimur , duplice genere muscularum moventur , altero interiore , alio exteriore. Brachium enim , ut se ad corpus flectat , muscularis , qui sunt versus corpus siti , in suam originem retractis , corpori se applicant : è contrà verò cùm hic situs displicet , oppositis muscularis , putâ extrinsecis humerum versus compressis dilatatur , & porrigitur , ut Galen. in prim. lib. de Motu muscularum retulit , ubi nonnulla taxari digna , ab eodem sunt asserta. Modò humore mordente delato , non plus in extrinsecos , quàm in intrinsecos muscularis , sed pariter in utrosque , compellendi utrique æquè erant versus sua principia retrahi , pariterque ambobus tensionem procurantibus , necessarium erat , membrum rectum evadere. Sed rigidibus hoc minimè convenit : quin membra incessanter nunc versus internas corporis partes , nunc versus externas vibrari , ergo rigor non inde fit : unde Galenus dixerat.

Sat hæc sunt ad improbandum hanc, quam adduxeramus, ex Galen. sententiam. Verum quod, ut retuleram, non tantum rigoris unicam causam fore ipse est opinatus, quod de rigore consono præteritæ causæ Galen. dixit, referre nolo ne chartas consumam, adducendo innumeratas ejusdem sententias tam ex lib. de Symptom. caus. quam ex commentariis Aphorism. & primi de morbis vulgaribus, & sexti ejusdem, maximè super contextu illo: [Rigor à superiore ventre, ignis autem ab inferiore magis.] Et aliis locis, hæc enim omnia eisdem rationibus diluuntur quibus præterita, sed quod in 7. cap. lib. de Palpit. tremore, & rigore scripsit (ubi frigidam causam rigores gignere retulerat) exarare placet, idest: [Quod autem nunc intersit, rectè omnes rigorem in frigidam causam referant, est examinandum.] Et quod ulterius in fine capituli citati scripsit: [Affirmant namque quartanæ rigorem ei similem esse, qui ex itinere per loca admodum frigida contingit.] In ambobus locis testando à causa frigida etiam rigores oriri, ut nudi expositi vehementibus frigoribus monstrant. Etiam quod 10. lib. de Morbis curandis, cap. 4. ubi mortuum oris ventriculi in imbecillis causam rigoris quandoque esse affirmat, afferre videatur. Verba Galen. hæc sunt: [Equidem ita febricitantes aliquos ostendi tibi maximè ex iis, qui è longo morbo convaluerant, quorum cùm uni fortè fortuna occurrissem, qui mox ante horrescere cœpisset, ut rem exposuisset, dato ex vino diluto pane, continuò horrorem inhibui. Verum hunc, ut scis, per viam in officinam quandam perductum febricitare prohibui. Alios verò, qui prius se domum suam receperint, in ipso principio horro-

ris, vel paulò posterius cibavimus. Atque ut semel dicam, quibus incipientis adhuc accessionis aderant symptomata, iis omnibus panem ex vino diluto, ac calente maturè exhibens, & horrorem statim inhibui, & febrem prohibui. Quanto verò his citius cibaveris, tanto scilicet magis febrem prohibueris.] In prioribus ex his adductis sententiis manifestè docendo à frigore rigores validos provenire: cùm quartanæ rigorem, quem ingentem esse, eam patientes testantur, similem dixerit esse ei, quo afficiuntur, qui in ambiente frigidissimo siti sunt, quòd verum, ut dixi, est. Tamen in totum contrarium assertioni ejusdem lib. 2. de Februm differentiis, cap. 4. ubi de febribus à pituita frigidore humore omnibus, qui in corpore sunt, loquendo, sic dixit: [Est autem & altera exquisitæ simplicitatis febris, quæ ex pituitæ putredine ortum habet, per sentientes corporis partes à natura detrusa. Incipit autem ab extremorum frigescatione, atque horrore potius, quam rigore.] Si enim frigus extrinsecum adeò rigere omnia membra nostra cogit, ut inviti sic rigentes dentes vehementer concutiant, ob pituitam frigidissimam delatam interius supra membra sensitiva, multò magis rigere debuisserent patientes hoc genus febris. Non enim adeò potens cohære rigorem tarditas delationis pituitæ supra membra sentientia futura erat, ut non plus prævaleret ad rigorem gignendum interius ad motus humor in pituitosis febribus, & exterius versari aërem frigidum nos ambientem maximè quòd aër frigidus in motus rigorem efficit. Nempè cùm uterque horum eventuum, quos retulit Galenus verus sit, in continente scilicet frigidissimo homines rigere, & febres à pitui-

tuita orientes parum , aut nihil rigoris comitari , impossibile supereft rigorem inde oriri , unde Galenus existimavit.

Neque simul stant , quòd rigor ex delatione humoris supra carnem , & cutim sentientem fiat , & quòd morsus oris ventriculi tempore famis rigorem gignat , ut ipse Galenus in ultimo adducto à nobis contextu testatus est . Nam sive melancholicus succus , seu alius qui vis os ventriculi mordeat , cùm famescimus : non video ego quomodo ob illam stomachi tristem sensationem brachia , & crura sint vibranda , eis tunc nullo erodente humore infestatis . Aliunde ergo rigor , quām unde Galenus suspicatus est , originem habet .

Quæ ut dilucidius qualis sit , ostendatur , etiam alium locum ex Galeno in libro de Palpitatione , tremore , & rigore , cap . 6 . adducere vīsum est : ibi enim fortassis , aut causam rigoris verisimiliorem inveniemus , aut inde anfa ulla : qua vera causa assequi valeat , nobis fortassis offeretur . Exordium ergo sumamus , unde fermè alius contextus ex hoc eodem libro , & capite adductus in principio hujus examinis desivit , series cuius hæc est : [Ubi igitur quid rigor sit , agnoscimus , causam efficientem mox examinemus , causis quibus præcedentibus contingat , quibusque superveneat affectibus , & ad hæc generationem integrām ipsius . Omnibus ferè confessum est , rigorem calidi naturalis esse affectum . Solerti totus hic sermo auditore eget , qui quæ valeat multūm intelligentia . Dixi utique affectum innati calidi rigorem esse , ne quis de externo intelligens , in Erasistratum , Praxagoram , Philotimum , Asclepiadēm , & mille alios , qui non innatum calorem , sed acquisitum esse credi-

derunt , me mentiri dicat . Quonam enim illi pacto innati caloris effectum esse dicant , qui ne principio quidem , innatum calidum agnoscunt ? Sed non esse , illorum aliqui affirmant , acquisitum verò illi ortum aliis alium differenter machinati , unanimiter fatentur , quod ex natura in animali quovis congrua mensura calor reperitur aliquis , quem circa , rigorem , horrorem , & quamcumque frigefactionem fieri affirmant . Asclepiades profectò non modò calidum , sed aliam nullam vim innatam ponens , febres omnes meatuum obstructionem à corpusculis perpetuo fieri affirmat , easque magnitudine horum differre asseverat : id artis satagit , quibusque , aut non , rigor debeat adjungi liquidò demonstrat . Ego nisi debito sermonem fore longiorem crederem , cæterisque missis in unum Asclepiadēm iniquum impetere censem , vel omnium meror , in longam , & penè infinitam sermonis seriem perlabi , placita ritè omnium , & suadentes rationes , erroresque , & erratorum causas repetendo , ad opinionem meam devenissim , sed differri hoc ad tempus aliud libet . Neque enim Atheneum , qui in Asclepiadēm , in Heraclidēm Ponticum , in physicum Stratonem , cæteris omissis invehat , non culpem , cum alia plura non minus digna , & verisimilia de rigore placita posset recensere . Nos igitur confessum principium fumentes , quòd in animali quocumque caloris innati affectus rigor est , quomodo fiat , perpendamus . Præcedet rem hanc sermo , quod ex Hippocratis placitis , non vacua , & corpuscula esse nostrorum corporum principia credentes , aut à motu calorem , frictio neve ortum , aut ab alia causa trahere recipimus , sed universum corpus confluxile , & conspirabile cen-

sen-

sendo. Calidum minimè acquisitiū, aut animalis generatione secundum, sed primum innatum esse, & generis principium, & quod natura, atque anima nihil præter ipsum est, ut essentiam seipsum motentem, semperque mobilem existimans non eres. Privatim hæc omnia sunt examinata, & alibi disci possunt. At quantum nunc intersit propter sermonis seriem, queruntur. Quia non semper mobilis est innatus calor, non intra tantum extrave movetur, sed alius alium motum semper excipitur, nam intra firmus, immobilis oxyus evadat: extrorsum dissiparetur, & periret: modicè autem succensus, ac modicè adactus, ut Heraclito placuit perpetuò movetur. Succenditur quidem ad ima lapsus, quo alatur appetens, at auctus, & expansus affatim fermè extinguitur. Quod autem extrorsum exeat, & efferaatur, & ut sic dicat aliquis, explicetur, à principio proprio, quia calidum natura est, obtinuit. Intiorem autem, & infernum statum possidet, quod frigoris alicujus sit particeps, quandoquidem mixtum ex calido, & frigido existit. Prima utique caliditatis ratione est sibi met motor, eaque si agere debeat, ei est operæ pretium. Magnum verò usum ei frigiditas adjungit, quia sursum ferri natus calor est, & sibi simul alimenta ferre, nisque frigus obstat, summa petat. Hunc igitur caloris motum impedit frigiditas, ne longius protensus pereat. Dubium namque, ne levitate, & ad superna impetu corpora desereret. Detinet verò frigiditas, & impedit, & vehementis elationis impetu moratur. Sed ad ea quæ antea supposuimus, revertamur, quænam innati caloris affectus sit rigor declarantes. Non opus quippè recensere est, quod calore naturaliter

habente animal sit sanum, quod Hippocrates de caloris, ac frigoris congrua invicem mixta asserebat. Nam aliam alia si superest, affici animal, affectus genere: superantis causæ conformi est operæ pretium. Inflammationes enim, & erysipela-ta, herpetes, anthraces, ardentia, & flammea, igneique omnes affectus sunt, dum vis caloris superat. Convulsiones è contrario, tetani, palpitationes, torpores, resolutio-nes, comitiales, attoniti, frigiditatis vincentis sunt affectus, quorum id genus rigor unus est, non frigefactio simpliciter existens, sed frigoris sensus, ut addere necessum sit illi, copiosum, etiam num vehemen-tem, ac violentam opus est frigiditatem esse, ut vera dicat, qui definiens, frigefactionem simultaneam, violentamque caloris innati rigorem esse asseveret. Insensibile rursus est, ut Plato dicit, quod sensim subeat, & modicè. Quod si sentiri debet, vehementer moveat, & subito tremat necessarium est, ut quæ longo tempore: & sensim frigefactio fiat, sit insensibilis: velox, & admodum aucta, penitus cum sensu: numquam omnium affectus ejusmodi percipi non potest. Nec est talis affectus cum frigiditatis sensu omnis dolorosus, cum aliquando sit, vel jocundissimus. Dicebat quoque ultra ista Plato, quod res præter naturam violentæ, atque repentinæ nobis cum dolore accidunt: naturales verò quamvis confertim ingruentes, sunt jocundæ, ut confertum jocundo, & ingrato sit commune, ne nos affectus lateat necessariò adjunctum. Accedit quod quæ quid ad naturam revo-cant, sunt grata, è contrario cum dolore quæ his adversa sint: adeò, ut quantitate par frigidatas, grata modò admodum sit, nunc dolorem inferat: exusto enim admodum

cor-

corpori adhibita, libentissimè penitus recipitur, caliditate enim immodica affectus, qua caret adventu frigiditatis demulcetur, ut propria temperie potitos, si affatim repenteque refrigeres, quod crassim intemperatam inducas, dolore utique afficies naturam enim mutantibus, corruptibusve, dolores suboriri asserit Hippocrates. Proptereà quo fiat rigor, frigiditatem non modo repente adesse, aut vehementem, est operæ pretium, sed violentiam copiæ adjungi, quæ res præter naturam est, ut repentina frigiditas ad præternaturale ducens sit rigor. Ego enim vero loco hoc, si verum dici debeat, ut affectus is fiat, cum primis observandum istud arbitror, quod repentina violentaque innati caloris frigefactio sit rigor. Friget à continenti robore relictus qui evaporatur. Friget qui alimentis calorem detinentibus nunc caret. Rigorem autem neutrum horum emolitur, aliter morientes omnes utique rigerent: cùm extingui caliditatem sit, morientibus omnibus commune, non verò rigidentibus. Caliditatem namque frigefieri non tantum opus est, sed violenter, & repente, robore, inquam cum calore stante, à nulla causarum externalium læso. Adverte rogo aliquam ab extra flammarum defectu aliquando materiei, cui erat applicata, corrupti, à sole etiam quandoque lucidissimo consumi, alias ab aquæ copia extingui, aut appositis multis lignis suffocari. Quatuor causæ non itidem, flammarum quadrupliciter officiunt. Quæ enim ab ardenti sole flamma evanescit, ambientis vi tonum jam evaporatum perdit, cùm validior radiorum solis vis existat, atque igne firmior. Si igitur quibus inhæreat, vacet alimentis, pereunte substantia deperditur. Quæ namque ad-

huc inhærent, ad extra mota continuè transpirant: ad intus autem, ut alantur tracta, si unde alantur absit invalida rursus extrorsum referuntur. Quæ autem copia materiei onerata sunt, egentia respirationis suffocantur. Quomodo autem flamas aqua lædat, dicere neutiquam est opus. Flammæ enim cum quavis sincera humiditate, contrarietas est summa, ut vel oleo confertim apposito, sonitus necessariò, & concussio accidat, strepitu solo ignis violentia deprehensa. Similem calori innato affectum rigorem censes afferre. Neque enim quando alimenti defectu caliditas consumitur, aut cùm ejus copia gravatur, nec quando effecta impotens claudicat, rigorem fieri reperias: sed quando valida, & expansa impeditur. Unde dupli motu, & composto effecto, pugna accedit, ut in trementibus contingit, verū aliter. In trementibus enim motus mistus fit, quod vires corpus moventes sint invalidæ, dum membra elevare adnituntur, quæ ruunt in contrarium renixi: hic verò motu naturali caloris violenter impedito, rigor accidit. Ut enim neque substantia læsum, neque tono, per universum extendi, & ferri corpus nititur, impeditum, & vi ad intratusum ad principia redit: ubi persistere impotens (substantiae enim semper mobili, mors est quies) acervatus, & quasi in fese coactus, unitus non ad intra in inventum extenditur: sed impetu vehementiori usus, quasi solutus vinculis, interim progressum vetantibus obfissit, ea propellere, & apertos meatus facere festinans, sic illis ob hujus tenetur, & à veloci motu remoratur: quo corpus occursu totum quantitur. Quicquidque præ occursu, ultra tenuatum est, rursus intra impellitur, ceu aliquid in occursu

passum fuerit, & iteratò ad principium revertitur: unde commotus iterum fortius concurrit, quo rursus occursu etiam repulsum, usque occurrit, & repellitur, quo adsint quæ noxia adfuerint. Cum dolore sic utique hic affectus est, quasi cæso corpore verberibus, & impatiens motibus utrisque fatigato. Enim vero innatus nostri calor naturaliter habens, æquis discursibus, & expeditis usus, tempore & metro motus in se rediens, opportunè explicatur: in rigore verò neque coactionis motus sunt, nec expansio-
nis, sed verius ipsum intra redire affirmabis. Utar autem nominibus veterum, non meis, resilire, intrudi, reprimi, confugere ad extra motum, effringi, trahi, exilire, emer-
gere. Veterum inquam virorum nomina hæc sunt, rectè adducta omnia, affectumque, ut potissimum est, aperte declarantia. Concuti autem quæ sunt corporis omnia, & agitari, fervere, & quemcumque in rigore imparem, sine ordine, involuntarium motum, in inæqualibus, vehementibus, & violentis incursi-
bus, & subsultationibus, vaporeo facto naturali calido perfici affir-
mo. Unde rigoribus, magis, quam naturaliter habens, incalescit cor-
pus, & effunduntur sudores. Quod quando multis occursibus jam absque obice, quæ aberant fuerint extrusa, exactèque transpirent, tribus causis calesieri corpus est necesse. Quòdque conclusus pluries, ne respirare posset, multiplicatus in profundo est: & quia vehementer ad extra est expansus: tertio quòd in ictibus, concursibusque, & violentis motibus accrescere nata est caliditas. Lignum namque, lapi-
desque si contriveris, ignem incendas. Innatus etiam spiritus natu-
ra calidus, si vehementius moveatur, excandescet magis. Rem hanc

in naturalibus motibus liquidò cog-
noscas. Currentes namque homi-
nes qui luctantur, frictionibus usi,
aut aliter quomodounque moti,
nil minus, quam si sub æstro sole,
aut propè ignem calefacti essent,
incalescant. Multoties etiam dum
calor è profundo exit, quasi fer-
vens, copiosam humiditatem, quam
sudorem dicimus, effundit. Quam
ob rem qui ex rigore friget, ni rur-
sus calefiat, malum, quòd victa in
duello sit caliditas, quæ & vi cau-
sæ lædentis superatur, & quòd non
numquam imbecilla sit. Quo exem-
plu dictum illud est: A rigore ob-
mutescere, nec rursus calesieri, est
malum. Ad hæc nos utrosque af-
fectus, in quibus pernitosi sint ri-
gores, docens dicit. In perversione
oculorum à laboriosa febre rigor,
malum. Unus profectò à potenti
causa efficitur, pernitosus: ab in-
valida virtute alius. Rigor in non
intermittente febre, virtute jam in-
valida, læthalis. Sed alibi de his
fusis tractatur.] Hæc quantumvis
prolixa fuit Galeni sententia de ri-
gore in præsenti loco, cuius singu-
las partes examini subjicere cogor
(quamquam profectò vehementer
cupiebam non immorari, ut incep-
tis finem imponerem) Nisi enim id
fecisset, & solùm quæ attinent ri-
gori, si vera esse crederem, lauda-
rem, si falsa esse opinarer, repre-
henderem, & rationibus falsitatem
ostenderem, putarem quicumque
hæc legissent, me cum Galeno in
cæteris consensisse, quod à meo na-
tivo instinctu perquam alienum est.
Nam quod vis in physicis menda-
cium statim, ut à me legitur, nef-
cio, quam displicentiam mihi in-
fert, anxiumpque, & vigilem reddit,
donec rationibus ejusdem falsita-
tem detego, & omnibus talē esse,
quæ hucusque credebatur, ut veri-
tas, ostendo. Utque id expeditius,

ac dilucidius in hoc negotio exequar, non aliter melius visum, quæm in compendia quedam contextum relatum redigendo, & singulas partes examinando.

Primum compendium.

Primum ergo sit, quod omnes confiteantur, rigorem esse affectum calidi naturalis, quem Galen. dicit, talem à se vocari, ut fugiat falsas opiniones Erasistrati, Praxagoræ, Philotimi, Asclepiadis, & multorum aliorum, qui credebant, calidum inventum in animalibus acquisitum post eorundem constitutionem esse. Asclepiades ex atomis & vacuo omnia corpora constare arbitratus, hæc obstruentia locos, qui ex natura vacui futuri erant, febres procreare, affirmabat, motuque, ac collisione eosdem calorem in animalibus postquam sunt formata, facere opinatus. Alii ex motu frictione calorem animalium resultare rati sunt. Nempè nulli horum credebant animalis formam in prædispositum per calorem corpusculum induci, indeque innatum calorem hos ignorare palam erat. Qui omnes rigoris diversas causas esse proterviebant. In quorum aliquos Atheneum invectum esse, Galen. inquit, putà in Asclepiadem, in Heraclidem Ponticum, in physicum Stratonem. Quod non sine labe Athenæi factum dicit, cum plures alios reprehendere potuisset, quos oscitanter transgressus est. Excusatque se Galenus ab examine, & reprehensione horum mendacium dogmatum, in aliud tempus hanc disputationem (quam nullibi ab eo scriptam legi) differendo. Hæc sunt, quæ in hac priori parte à Galen. tractantur in Paraphrasin, & compendium redacta. De quibus parum habeo, quid dicere valeam: tam quod illorum physicorum, & priscorum Medicorum placita, & quibus ful-

ciantur rationibus nobis hujus tempestatis Medicis ignota sint, quæm quod quæ ex Platonis, & Aristotelis lectione in physicis libris disci à nobis de aliquorum illorum decretais valent: Falsa esse, multò evidenteribus argumentis, quæm Aristoteles Deo concedente, cùm physicam exactam docuerimus, ostendemus. Ad aliud ergo compendium transeamus.

Sitque secundum Compendium supponendum, quod in quovis animali fiat rigor, affectus caloris innati ille sit, qui qualiter fiat, oportet à nobis perpendi. Quæ sententia explicatione ulla indiget. Dicimus enim aliquid esse affectum alicujus, cùm affectus sequitur lesionem illius. Luxationem quippè affectum membrorum concatenatorum esse affirmamus, & eorundem numerum additum, aut sublatum, putà sex digitos, aut quatuor tantum habere, affectum numeri dicimus: & deformi facie esse, affectum figuræ appellamus. Quod si hæc secundum naturam constarent, non talibus morbis homo affectus dici valeret. Ad cuius normam Galenus rigorem innati caloris affectum esse dixit. Quod si innatus calor talis esset, qualis animalium natura poscit, animalia non riguissent. In quo sensu compendium hoc verum esse fateor, ideo ad tertium ire expedit.

Tertium compendium hoc refert, quod recensitorum physicorum falsis dogmatibus explosis, secundo Hippoc. placita, fatendum sit universum corpus animalium confluxile, & conspirabile fore, ac quod calidum illis antequam fiant, innatum sit, & generationis principium ipsum etiam esse: & quod natura, atque anima nihil nisi hoc calidum nativum verè dici valeat, ut si ipsum essentiam se-
ip-

*2. Compen-
dium.*

*3. Compen-
dium.*

ipsam moventem, semperque mobilem dixeris, non eres.

Cujus ultimae sententiae verba, sensumque cum ad amissim considero, non possum priscorum physicorum vicem miseram non dolere, qui cum in rebus innumeris, quae mundi negotiis attinent, adeo acrem vim intellectus possederint, ut potius divini, quam humani censeri nonnumquam possint, in retam seria, tantique momenti, & unde verae pietatis origo investigari ab iisdem valeret, noscendo scilicet quid anima sit, adeo cæcutient, & torpuerint: ut nisi deliri ea, quae ipsi vera esse putabant, minime pro veris habuissent. Quae enim stultitia major, quam animam sentientem corpoream fingere? Relictis enim impossibilibus, quae ad hanc assertionem sequi, insolubilibus rationibus in priori parte nostræ Antonianæ Margaritæ ostendimus: nescio quomodo non videbant isti, quod si animæ essentia esset aliquod corpus calidum, in animali includi hoc necessariò fasfuri erant. Et quod non posset hujusmodi corpus, corpus animalis informare, ne duo corpora se penetrarent. Unde indubie inferendum esset, quodvis animal unum per aggregationem dicendum, & non unum unitate compositionis physicae. Itaque abesse animam à corpore, quod mori vocamus, non foret aliud, quam abesse nautam à navi. Ut enim nihil navis amittitur tunc primùm cum nauta abest, etsi exposita ventorum, & maris procellis maneat, ac mille aliis incommodis dissipari parata sit, ita anima corpus calidum credita esse, cum in corpore esse desineret, si vè quod ipsa corrumperetur, seu quod perpetua sit, & locum mutasset, ipsum corruptioni paratum linquere diceremus, non tamen

mortuum, cum numquam ex ipso, ut ex materia, & anima, ut forma, unum fatum fuerit, sed, ut dixi, unum aggregatione dictum sit. Etiam quod magis urget, si ipsa anima corpus illud calidum inclusum in nobis foret, quem spiritum dicimus, seu aliter, & ut nobis placet, vocemus: cum ipsa corruptitur, animali moriente, aut in nihilum vertenda esset, & nihil post ejus corruptionem gignendum: & hoc aniquilari illam diceremus, quod impossibile esse omnes illi antiqui physici novere, aut si cum ipsa corruptebatur, aliquid ex ea genitum sit affirmant, dicant nobis quae res in mortuis, animæ cadaver dici possit. Nam hoc, quod post hominis mortem nostris oculis subjacet, animæ pars non erat, sed animæ vagina, & theca, qua ipsa afferabatur. Si perpetuum illud corpus calidum, & ex natura stellarum esse diceretur, ut in decretis Hippoc. & Platonis libris referre Galenus videtur, cogi ne unquam corpus desereret talis anima posset, tota hominis cute adeo lentis densisque rebus illita, ut nullum quantumvis tenue corpusculum exire extra cutis permetteret. Etiam si homo moriens hominibus vivis sepiretur, cum anima à moriente exiret, in alterum illorum necessariò ingressura erat, tuncque unus homo duas animas habuisset. Et si mortuis hominibus esset circumseptus moriens, in alterum cadaverum necessariò ingressura erat. Innumeræ alia impossibilia elici ex Galeni assertione valerent, si immorari eadem elicendo vellem. Ea tamen omnia subticere decerno, quod in physico opere rationibus probando impossibile esse illud à Platone assertum, animam fore numerum scilicet seipsum moventem. Cujus opinionis Aristot. 6. Topi-

corum, cap. 2. & primo de Anima, text. comment. 67. meminit. Fusè omnia hæc, Deo permittente, discussentur: ubi quām enormiter aberrarint Heraclitus, Epicurus, & Lucretius, ac Horatius, & Plinius, quotque hos sunt sequuti, opinantes tam deum, quām cæteras omnes substantias corporeas esse, nullamque indivisibilem, incorporeamque substantiam esse, demonstrabimus. Tandem, ut explicationi hujus tertii compendii finem imponam, animadvertisendum, quòd calidum, de quo hic Galenus loquitur, nihil aliud, quām spiritus vitalis animalis, & naturalis, ac genitivus, si distinctus ab his creditur, sit.

4. Compendium.

Quartum compendium sit, quòd hoc calidum semper intra, ac extra corpus nostrum moveatur, & vaguetur, ac adeò mobile sit, ut unus ejus motus alium incessanter sequatur, & excipiat, nulla temporali quiete intermedia. Cujus tam assidue mobilitatis causam esse Galenus dicit, quòd si intra permaneret, otiosus persisteret. Si extra quiesceret, à frigido continente corrumperetur. At moderatè in interioribus adiunctus, ac succensus, perpetuò moveatur. Habet hoc autem petendi scilicet interius, ut idem Galen. putat à frigiditate aliqui, qua participat, & ex qua, & calore mixtum est, ut expandi, explicari, ac exterius ferri, quòd calidum natura sit, illi convenit. Eademque causa, & ratione quòd motor sibi existat, credit etiam quòd gratum ipsi foret per hanc operando sursum ferri, & hæc inferna deserere: nisi, ut dixi, frigiditate prohiberetur.

Notatio in quartum compendium. Non minus enormes errores in hoc quarto compendio, quām in præcedente à Galeno referuntur. Sat quippè magnus error est, cre-

dere calidum hoc nostrum, quem nativum nominamus: ac similem flammæ Galen. esse, ut est; fingit, adeò mobilem versus extimas, ac intimas corporis partes credere, ut si quiesceret, statim corrumpetur, & moreretur, ut infra dicit, non intelligens expansionem hujus nostri caloris in universum corpus, non ab ipsis spiritibus calidis sponte, & natura motis fieri, sed impulsu cordis, & arteriarum ipsis in corpus distribui. Nempè si illis per cor, & arterias liceret, numquam versus crura, & infimas corporis partes, neque in sinistras: aut dextras ejusdem procederent, sed ut flammæ sursum versus pergerent, moverenturque. Docet hoc ita fieri, quòd in syncopi ubi cordis, & arteriarum motus pausat, extrema totius corporis frigere experiamur, tunc tantùm versus cordis regionem spiritibus retractris, & in superna ire procurantibus, prohibitis.

Neque nativum est corporibus calidis semper moveri, quin hoc illis, qui aëri, aut ignei sunt, sitis extra nativa loca convenit, quæ in propria delata quiescerent. Porrò nulli in dubium venit, ignem in aëre situm sursum versus moveri, qui tamen si concavum lunæ, ubi germanus inhabitat, ascenderet, quietus permaneret, nec in flammarum figuram, ut pingitur, versus nos vibratus scintillaret. Igneam enim spheram concavam superficiem etiam æqualem, & lenem, ut aér, & aqua possidere indubitatum est, alias enim si, ut pingitur versus nos in linguarum formam vibraretur, sponte descendere dicendus esset. Nempè si ideò quòd lapis sursum existens incessanter conatur deorsum descendere, nisi à re supposita prohiberetur, ideò dicendus esset semper mobilis, tam-

terræ, quām igni mobilitas à Galeno tribuenda esset.

Fingit Galen. calidum hoc spirituosum, quem animam dixit, unum, & idem numero per totam vitam durare, non animadvertis, quod ceu flamma incessanter alia, & alia est, nec aquæ fluminis ex fonte scaturientis dissimilis: ita & hæc spirituosa substantia ab extrinseco frigido corrupta, vel immodico calore evaporata, perpetuò nova, ac nova ex purissima parte sanguinis in corde fiat. Nisi enim quidam spiritus corrumperentur, non possent universa corporis vasa, alios de novo semper à corde factos capere. Quo quoque convincendus Galenus foret intelligere hos animam esse non valere. Quis enim recordaretur præteriorum, si quod nunc sentit, & memoratur, non est, quod olim novit ea, quorum nunc recordatur. Etiam quid conduceret pungere carnem, aut nervum, ut anima corporea ibi inclusa, & alio in loco, quām caro, aut nervus existens, rem pungentem sentiret? Nihil quippè. Nempe, ut si ego pungerer, nequaquam tu quantumvis mihi continguis, novisses meam punctionem: sic anima nullo modo sensatura erat substantiæ carnis, aut nervi dilacerationem, nisi ipsa dilaceraretur ideo enim anima nostra sentit, quia in eodem loco cum corpore est.

Verum est calidum spirituosum nostrum mistum esse, in cuius compositione elementa frigida ingredi necessarium erat, ut in priore parte Antonianæ Margaritæ, loquendo de igne, quem versamur, ostendi: falsum tamen ob hæc indigere pabulo, & ad inferna descendere. Non enim flamma deorsum tendit, ut alatur, quin ex infima materia prædisposita à flamma sursum repente, incessanter alia, & alia flam-

ma gignitur, & à continente corruptitur. Ad cuius normam ex puriore sanguinis parte semper aliis, & aliis spiritus fit, qui numquam in infimam corporis regionem descenderet, nisi cor, & arteriæ contracta ipsum propellerent. Hæc sufficere de hoc quarto compendio existimo, ad quintum ergo transgrediamur.

5. Compendium.

Quintum compendium hoc contineat, calorem concretum hunc, de quo agimus, malè affectum, animalis corpus malè affici. Hippoc. afferente, quod humoribus calidis, & frigidis congruè, & in debitè mensuris in corpore contentis, animal benè habeat, alias ægrotet. Prout enim alii plus justo redundant, morbis calidis, aut frigidis animal ægrescit, rigore inter frigidos recensito. Verè enim rigorem definit, qui illum frigefactionem simultaneam, violentamque caloris innati esse dicit. Necessarium enim est simul, celeriterque frigiditatem induci, & non sensim, & paulatim, ut rigor fiat. Quod Plato dixerit, ea, quæ sensim, & modicè in nos inducuntur, sentiri non posse, ita, ut neque dolorosa, neque jocunda talia esse possint, nisi, ut dixi, confertum, hoc est crebrum, & momentarium alaci, & tristi adjungatur. Porro accedit eandem rem jocundam, & ingratam esse, aliter cum jocunda res erat, corpore se habente, quām cum tristis judicabatur. Si enim immodicè calidum corpus foret, nive, & frigidis applicatis, demulceretur: quod intemperamentum proprium restitutum, eisdem tristatur.

Impropriè dicit Galenus calorem nativum, de spiritu loquendo, esse benè, aut malè affectum. Nam jecur, ac alia membra suppeditantia materiam, ex qua spiritus gignendi sunt, & cor producens ipsos, sunt,

*Dissimulatur
quedam Galen. sententia.*

sunt, quibus benè, aut malè affici convenit. Is enim benè habentibus, quales corpus decet spiritus fiunt. At si relata membra ægrotant, vitiosi gignuntur. Sed has vocum proprietates contemnamus, Galenoque donemus hæc, & alia ibi asserta, quæ non multùm intersunt, ut negotium præcipuum assequamur.

6. Compendium.

Sextum compendium sit, exteriorem flamمام quadrupliciter corrupti, defectu scilicet pabuli, seu materiæ, ex qua una corrupta, alia gignatur: à sole quoque splendidissimo, ab aqua illi superasperfa, ex appositione etiam multorum lignorum, iis quatuor causis non eodem modo officientibus flammæ. Nam flamma evanescit ab ardentí sole, quod amittat ipsa tonum, hoc est debitam densitatem, & moderantiam caloris requisitam ad flammæ esse, validiore, quam ignem deceret, radiorum solis vi existente. Defectu materiæ perit, quod desit ex quo alia substantia, similis corruptæ à continente, gignatur: A copia materiæ etiam defectu respirationis eadem suffocatur. Quo autem modo aqua flammæ lædat adeò notum est, ut dicere non sit opus. Id tamen exequar dicit Galen. Flammæ cum quavis sincera humiditate, est summa contrarietas, ut & oleo immodico flammæ admoto, sonitus, & concussio accidat: strepitu, ignis violentia deprehensa. Cui rei similis est caloris innati affectus accidentis cum rigemus. Neque enim quando alimenti defectu caliditas consumitur, aut ejusdem copia gravatur, nec quando effecta impotens vi alterius caloris validioris discutientis eandem, evanescit, & claudicat, rigorem fieri reperias: sed quando caliditas valida est, & expandi impeditur, unde dupli mo-

tu, & composito effecto, pugna accidit, & rigor fit. Nam motu naturalis caloris violenter detento, retrahitur ipse: & mox vehementiori impetu usus, quasi vinculis solutus, propellit vetantia ejusdem progressum in totum corpus: ac iterum alia obstruentia, & meatus apertos fieri prohibentia, eundemque remorari cogentia, vincere procurat: quibus adversorum occursibus, & in principia caloris recursibus, totum corpus sic quatitur, qualiter rigentes vibrari conspicimus. Porro satis dissimilis causa hæc à Galeno recensita de rigore prius incrementis est, quo manifestè deprehenditur, præcedentes occasionses rigoris minimè illi satisfecisse.

In hoc sexto compendio Galenus mentem suam aperuit, ut quid causam rigoris esse existimaverit, palam detegeret. Cujus singulas partes non percurram, quod jam in operis hujus exordio nonnihil de prioribus egerimus, cùm esse ejusdem speciei universos calores actuales probavimus, & etiam in priorre parte Antonianæ Margaritæ non pauca de his scripserimus: sed tantum hoc ultimum de impulsu, & repulsu spirituum, cui motum concussivum contingentem in rigore Galenus tribuit, discutiam. Quod postquam falsum esse hæc legentibus ostendero, quæ vera rigoris causa sit, docebimus. Quippe Galenus, ut vidistis, putat non dissimilem esse rigorem, terræ motui, provenienti ex abundantia vaporum, & exhalationum inclusorum in terræ cavitatibus, & hinc inde motorum, exitum procurantibus his. De quibus Aristot. 2. Meteorologicorum, cap. 2. summæ tertiae meminit. Mihi autem videtur, quod & si Galenus reddendo hanc causam in totum scopum non attingerit, parum tamen absuerit ab attin-

*Notationes
quædam in
sextum com-
pendium.*

gens

gendo illum. Certè decipi Galenum, vel ex hoc patet, quòd cùm arteriæ sint vasa, per quæ hic, quem calidum naturalem nominat, defertur, ex illius per arterias diversa interius, & exterius delatione musculi hic inde non movendi in rigore erant, sed potius palpitatio quædam conspicienda. Ex adventu enim spirituum calidorum ad partes exteriores, elevations partium superpositarum arteriæ videbri erat necessum, & ex retrocessu eorundem ad sua principia depressiones earundem partium contingere debuissent. Ex quibus motibus palpitatio constituenda erat, ut idem Galenus, cap. 5. libri citati inquit. Etiam quòd palpitationes hæ potius infestaturæ erant partes corporis interiores, in quibus arteriæ magnæ multum de calido includentes sitæ sunt, quām has exteriores, de quo minimè qui rigerent, conqueruntur. Tertiò, quòd non erat, cur oculi non rigerent, cùm ad eos quām magna spirituum copia deferatur, sed illis nequaquam rigor accidit, ut Aristot. 31. sectione Problematum, problemate 23. inquit. Eventibus etiam docentibus, quòd qui rigerent, non cogantur semel claudere oculos, ac statim aperire eosdem, ut experimur patientes hoc symptoma invitè claudere os: & ipsum hiare, adeò ut dentibus fremant. Quartò, qui timentes tremunt, seu concutiuntur, minimè habent causam morbificam impedientem delationem calidi naturalis ad membra. Ut ergo in istis aliunde tremor, sive rigor, aut concusio (nihil enim interest, an sic: vel aliter nomines) accidit: sic in rigerentibus alia investiganda erit. Quam ut inveniam, methodo ejusdem Galeni utar. Ut enim quando aberrat, à nobis carpitur, & reprehenditur: sic quando à vero non

deviat, dignus est à me, & omnibus, ut magister venerari, & ingenuè in rebus sapienter dictatis, quæ innumeræ sunt, talis confiteri.

Sitque prior methodus, quæ in exordio capitil quinti, quarti libri de locis affectis refertur, in hunc modum habens: [Sed jam tempus est, ut spinalis medullæ affectus persequamur. Igitur spinalis medullæ affectus, quantum ad præsentem inquisitionem pertinet, compendiosam habent doctrinam. Ea verò, quæ ex actionibus habetur cognitio, non item. Etenim nisi quis nervorum ab ipsa procedentium conjugationes ita memoria teneat, ut ad quam corporis partem singulæ proveniant, cognoscat, discernere non poterit, secundum quam vertebram ipsa sit affecta: veluti è contrario si illarum meminerit, facilis erit affectæ sedis notitia: quin etiam si reliquarum quoque partium omnium, notitiam quæris, ut nervorum, qui à spinali medulla oriuntur, memineris necesse est.]

Ex qua methodo facile elicetur, *Primum correlative.* quòd qui functiones universas orientes ab universis spinæ vertebris læfas habet, ut qui resolutione, seu convulsione omnium corporis partium affligitur, sive invitus motu aliquo earundem molestatur, hunc spinam totam læsam necessariò habere. At qui singularis membris functionem læsam habuerit, huic singularis vertebræ læsionem contingere.

Atque ex eadem palam noscitur, quòd cùm experiamur in rigerentibus, nervos moventes maxillam inferiorem, & etiam brachia, ac cæteras partes hominis, quæ sub collo sitæ sunt, læsionem in functione motrice pati, inde necessariò inferri, originem eorum, quæ ad spinæ vertebras attinet, læsam etiam esse,

*Authoris de
rigoris causa
sententia pro-
ponitur qui-
busdam sup-
positis.*

*2. Correlati-
vum.*

esse, illæsis existentibus nervis illis, qui oculos, & palpebras movent, cùm has partes quiescere cùm rigemus, noscamus.

Alia prescieda.

Qua methodo, & suis correlatiis suppositis, necessum quoque est, ut apertius causa hujus symptomatis dignoscatur, scire musculos moventes oculos à secunda conjugatione nervorum orientium à cerebro nervos habere, & nequaquam à vertebris spinæ illos oriri, ut ex libello Galeni de dissectione nervorum colligitur. Præsciendum etiam quòd arteria magna à sinistro cordis ventre oriens, de qua Aristot. sub nomine venæ aortæ meminit primo de Historia Animalium, cap. 16. Et eodem libro cap. 18. Et tertio de Historia, cap. 3. & 4. & aliis in locis horum librorum: ad quintam vertebram spinæ tunc primum cùm è corde oritur, feratur: indeque per reliquas medias spinæ vertebrae deorsum versus sitas usque ad osis ejusdem portionem maiorem, quam latam nominamus, ubi spina finitur, descendere, ut Galenus, cap. 14. tertii libri, de Naturalibus facultatibus, & cap. 7. sexti libri, de Usu partium docuit.

Rigoris causa exprimitur.

His fundamentis jactis, etiam addere oportet, quòd superius docuimus, cùm modum, per quem febres fiunt, ostendimus, humorem scilicet, & vaporem, & distemperiem ab extrinsecis causis, sive intrinsecis sanguini advenientia, & ipsum insufficientia, ut spiritus vitalis materia esse, nequeat, causam esse, ut cor in magnas, veloces, & frequentes diastoles, & systoles attollatur: & ex hoc insueto magno motu calidius, & febriens reddatur, & spiritus distribuendos per totum corpus, calidores reddit, ad relatas causas morbificas extirpandum. Quibus omnibus exactè præcognitis, rigoris causam nullam aliam

arbitror esse, quàm pugnam, & litem inter vitales spiritus, & relatas causas morborum in cor per arteriam illam magnam, de qua diximus, aut per venam cavam sibi proximam repentes, & diffundi procurantes, ut in exterioribus commissis suavibus loqueribus cùm putridis, aut non putridis experimur, alterum per alium perfundi, conari. Natura enim, quæ nos gubernat, & regit, mox ut ullus sensibilis vapor, aut humor nocuus in relata vasa ex aliorum membrorum vasis, vel ex seipsis oriens repente defentur, spiritus vitales ad illum dissipandum, & in vaporem vertendum è corde mittit, cui humor, aut vapor noxious, aut humor à continente distemperatus, renituntur, & resistunt, quod omne ens appetat asservari, & esse. Indeque in arteria, aut vena relatis, aut in amba bus simul, ubi morbifica causa includitur, concussio insignis, ac tanta accedit, ut necessum sit, spinæ nervos his vasis subjacentes concutti, & simul nervos omnes ab eisdem profluentes. Qui cùm in musculos omnium partium, quæ in rigentibus vibrantur, distribuuntur, etiam partes illas vibrari contingit: non aliter, quàm si truncum arboris vehementer concussisset, ramos universos moveri videres. Hæc ergo est exacta, ac vera rigoris causa, cui nihil eorum, quæ aliis recensitis à Galeno objiciuntur, obstant, ut infra patebit, cùm prius duo quæ insurgunt dubia dissolvam.

Alterum est, quòd non videtur ubi ex bubone, aut alia inflammatione, seu humore vitiato in aliquo membro particulari contento, qualiter rigor fieri queat, cùm nec vapor, nec humor putridus ille ad venam, seu arteriam relatam in dorso sitam deferatur, sine qua delatione ex meis assertis rigor non contingit.

*Proponantur,
& solvantur
duo dubia.*

Aliud

*2. Dubium
provenit.*

Aliud sit, quod appareat si sic, ut ego fateor, rigores fierent, maxillam inferiorem non passuram rigorem, cum sita sit supra quintam vertebram spinæ, cui primum arteria aorta procedens è corde conjungitur. Cujus oppositum diximus, & experientia ipsa verum esse monstrat. Adeò enim aliqui rigentes dentes concutiunt, ut parum absit, quod eos non frangant.

*Solvitur pri-
mum dubi-
um.*

Priori objectioni sententia Galeni in libro, an sanguis in arteriis natura contineatur, satisfacit, cum in medio secundè libro dixit: [Arteriam, quæ spinæ hæret, perinde, ac truncum arboris vinus esse, alias verò ex ea ortas, veluti ramos, & rursus alias, quæ à se invicem divisæ æquales protenduntur, sicuti in ramis germina, & folia. Quemadmodum igitur folia recurvatis ramis, plerumque sibi intervallo propinquæ sunt, quamvis longo sint exortus progressu separata (nam ramis & trunco inter se folia junguntur) sic & arterię, quæ in imo ventre dispurguntur, etiam si propinquæ spatio sint arteriis mesenterii, longo tamen originis intervallo sese contagunt.] In his nempè verbis Galenus asseverat arterias omnes, & de venis, & nervis idem intelligendum est, habere commertium cum truncis unde oriuntur. Per quod facile est intellegere, potuisse ex quibusvis vasis humoris vitiati vaporem, aut ejusdem propriam substantiam in truncum transmitti, ac deferri: quo accidente, cum truncus, ut diximus spinæ super insideat, provenire rigorem, ut retulimus, ex inflammatione inguinis, aut alterius partis inconvenit nihil.

*Eventibus
autoris sen-
tentia com-
probatur.*

Commentitia, relata à nobis non esse, eventus ipsi docent. Parum certè prius, quād rigor invadat, conqueruntur secundè omnes, qui ri-

Tom. II.

gorem passuri sunt, sentire se per dorsum ascensum cujusdam frigoris aliqui, alii, & si rari, calor. Quæ tristes sensationes non aliunde proveniunt, quād unde nos diximus, quod scilicet cum frigiditas percipitur, humor pituitosus, aut melancholicus, seu vapor eorundem diffundatur ex aliis vasis in recensita magna vasa in dorso sita, vel in alterum illorum. Aut si sanguineus, aut biliosus est humor, seu vapor, & magno cum impetu ascendat, adeò velociter retrahi spiritus cogat, ut partes dorsi frigeant, deficiente calore spirituum defendorum à corde: à quibus quivis actualis calor in animalibus pendet, nullis corporis partibus sine his calidis actu existere valentibus. At cum caliditatis sensu gravamus: contingit, quia cum minori velocitate sanguis, aut bilis, seu eorundem vapor sursum repit, liceat tunc iis calidis humoribus calorem ab spiritibus illatum asservare, & in dorso partes inferre. Porro illi, qui febribus continuis, seu intermittibus sine rigore ægrotant, ex hoc habent, quod morbifica causa tardè, ac pigrè, per venam, aut arteriam dorsi repeat. Quæ enim velociter agitur, necessariò rigorem est illatura. Ne dumtaxat eventus cum nostra doctrina quadrant, verum etiam ex ea methodus elici potest, qua noscatur, an in vasis supernis, aut infernis succi facientis morbum includantur. Cum enim in cruribus, aut partibus sedi proximis morbi causa sita est, ab infimis dorsi partibus commertium habentibus cum relatis, morbi causa ascendere per dorsum, ab ægrotante percipitur. At si in partibus umbilico vicinis humor, seu quævis alia causa febrem illatura existit, à renum regione oriri, id quod ascendit sursum, sentitur. Verum si à thorace

Cc or-

ortum traxerit febris causa à proximis partibus scapulis frigus ascendere disjudicatur. Quæ dignatio non parum conducit ad morbi medellam, remedia nempè topica, scita sede humoris, melius admove ri poterunt, quām ipsa ignorata.

*z. Dubii sive
Iustio.*

Secundum dubium sententia Galeni non longè à principio libri quarti, de Anatomicis administrationibus sufficienter dissolvit. Ibi nempè refert, musculos, quibus maxilla inferior movetur, nervos recipere ab universis colli vertebris: & cùm arteria illa magna, quam oriri à sinistro cordis ventre diximus, quintæ vertebrae colli adjuncta in duas partes dividatur, infimam scilicet descendenter per dorsum usque ad latum os, & supremam ascendentem ad caput per superiores colli vertebraes, ut Galenus 5. cap. sexti de Usu partium dixit, necessarium erit, nervos orientes à relatis vertebrae concuti, moverique cùm spiritus delati per relata partem arteriæ inordinatè moventur, nitentes rem insufficientem sanguinem ab arteriis, aut venis illis subditis excernere. Esse enim subjectas venas arteriis dorsi dixit Galenus in libro de Dissectione arteriarum, inquiens: [Ostensum enim nobis est, super vertebrae venam, super hanc autem ferri arteriam] Illisque colli nervis agitatis, mandibulam quoque agitandam indubie eventurum erat. Nimirum ergo aliquos rigentes frendere dentibus ob causam recensitam: aliisque id non accidere, quod pugna, & concussio non adeò sursum in arteria illa magna in talibus contingat, ut ad portionem illam supremam arteriæ pertingat.

Ils jam discussis, & solutis dubiis, supereft recensere argumenta, quæ causis rigoris relatis à Galeno objecta sunt, ac ostendere, quod

nostris decretis minimè illa adversentur.

Primum illud fuit, quod si rigor oriretur à mordacibus succis delatis supra partes musculosas, à caustico medicamento vulneri imposito rigor oriri nequiret, quia jam quod pars vulnerata vibraretur, cæteræ corporis partes non essent concutiendæ, cùm supra illas nihil erodens spargatur. Eventibus, & Galeno ipso docentibus per relata aspersionem medicamenti universum corpus rigere. Nos enim faciliter hoc diluimus, confitentes meritò recensitos ægros rigere, quod medicamenti venenosí tenuis pars inficiat sanguinem venarum, & arteriarum vulneri proximarum, qua infectione diffusa in venam, & arteriam dorsi, cùm cor per illas expandat potiorem spirituum portionem distribuendam in universum corpus, pugna, & lis oritur, consimilis illi, quām in principiis febrium invadentium cum rigore accidere, diximus. Non enim minus sanguinem inficit vapor, aut pars tenuis caustici medicamenti, quām humor putridus, ob quem absumentum febris à natura concitatur. Neque mirum tam exigua portionem caustici exterius amoti posse in altum corporis per vasa exigua, & deinde majora, ac majora usque ad dorsi venam, & arteriam permeare, cùm Galenus fateatur sanguinem inflammatum in bobone calefacere venæ proximæ sanguinem alterum, & ipsum alium, donec per relata dorsi venam, & arteriam cordi communicari calorem febrilem opinetur. Nam quamvis falsum sit calorem putridi succi calorem cordis intendere, verum est, malam illam affectionem, quæ sanguinem inficit per modum relatū serpendo procedere usque ad cor, vel cordi proximas arterias, &

*Argumenta
objecta Galen.
no nobis non
adversari of
tendit.*

ve-

venas, indeque compelli ipsum in magnas, veloces, & frequentes diafoles, & systoles attolli. Quod si velis opinari per venas, & arterias vulneris infectionem relatam communem non fieri arteriae, & venae magnis sitis supra spinam, sed per nervos vulneri sparsos rependo procedere usque ad dorsi nervos subjectos relatis venis, & arteriis, indeque communem infectionem toti spinali medullae fieri, non inficiabor. Sive enim hac, seu illac infectio perget, origo nervorum omnium membrorum, qui concutiuntur, necessariò afficienda in rigentibus est.

*Solvitur alia
objectione.*

Etiam objectione alia de rigentibus, seu trementibus ob timorem, nobis minimè obest, quod in promptu responsum habeamus. Tremunt quippe nonnulli, qui timent, & si in lectis, vel solo recumbant, quia hi irati quandoque meditentur adversus hostes se surrecturos, & tunc spiritus eorum expandi per arteriam magnam dorsi incipient: cum statim præ metu immodico ab hac meditatione desistentes, putant satius esse fuga, aut humillimis precibus hostem placare, tunc spiritus in cor retrahi cogantur. Ex quibus innumeris, & inconstantibus contrariis meditationibus innumeri, & imperfecti, ac contrarii motus spirituum oriuntur, & illius arteriae magna agitatio, ac ex agitatione medullæ spinalis, aut nervorum immediate ab eadem procedentium contractio, & expansio, & ex his totius corporis, ut dixi, rigor, & vibratio, in iis autem qui hæc non cogitant rigor provenit ob id, quod vehementer retrahantur ob metum spiritus vitales ad cor, & diu ibi detenti sanguis à continente male afficiatur. Cogaturque cor spiritus ad arteriam dorsi pellere, ut cum

ex aliis causis sanguis inficitur.

Rigor ille quoque, qui in febre ardente finienda per sudorem, & *solvitur ob
jeccio alia.* alui dejectionem contingit, de quo Hippoc. quarto Aphorismorum, aphorism. 58. meminit, provenire propter pugnam versantem inter spiritus delatos à corde in arteriam & venam magnas, & humorem biliosum, vel ejus vaporem ibidem existentem, consonum rationi est, & non per bilis expansionem in membra exteriora, cùm aliu fluxui, & sudore medeatur.

Argumentum quoque, quo improbatur causa rigoris à Galen. *solvitur alia
ratio.* re-censita, hujusmodi seriem servans. Si rigor proveniret ab expansione humoris mordacis supra universos corporis musculos, potius tetanus, quam rigor tunc vissendus esset, ideo quod pariter musculis internis, & externis, qui movent membra, punctis, membrum rectum stare cogendum erat, & non flectendum, & extendendum, ut cùm riget, flectitur, & expanditur. Contra nos minimè procedit. Nos enim illam causam, quam Galen. false fingit, rigori non assignamus, sed aliam, quam audistis, ad quam inconveniens illud non sequitur.

Alia quoque causa rigoris assig-nata à Galen. *solvitur alia
objectione.* frigiditas scilicet humoris à quo febris pendet, quamvis vera sit, cùm frigiditas tenui substantiæ admiscetur, perpetuò vera non est. Nam cùm crastæ, aut lentæ adjungitur, minimè rigorem est nata producere. Quartanam nempè febrem patientes, in principio universalis morbi non rigent, sed cùm in augmento, aut statu, seu declinatione siti sunt, quod in principio crassities succi melancholici non sic infestet naturam, ut compellat cor mittere velociter, & frequenter spiritus, qui pugnantes contra morbificam causam repen-

tem per venam , aut arteriam dor-
si , motum inordinatum in spinæ
medullam , aut in nervos immedia-
tè orientes efficiat , ex quo quasla-
tio , & vibratio in toto corpore
proveniat. In augmento , & statu
autem quia attenuatus per febriles
calores humor , agilior efficitur , &
velociter versus cor repere valet,
naturam cogit , spiritus frequentes ,
& veloces mittere , ad seipsum dis-
cutiendum , & in halitum verten-
dum , aut à vasis tam præcipuis se-
movendum , à quorum motu , &
humoris renixu , sequitur rigor , ut
diximus. Parique ratione patientes
febrem quotidianam propter pi-
tuitæ redundantiam , sive putredi-
nem , rigoribus non corripiuntur:
quòd pituita viscidus humor sit ,
qui terrorem incutere naturæ mi-
nimè valet , indeque ipsa sensim
adversus pituitam commota , pug-
nam , ex qua concusio medullæ spi-
næ , aut nervorum sequatur , non
aggreditur. Aër tamen immodicè
frigidus , quòd tenuem substantiam
habet , rigorem infert , natura co-
nante , per magnam spirituum co-
piam , sanguinis distemperiei frigi-
dæ , usque ad magna vasa penetranti
velociter mederi. Frigiditas e-
tiam aëris quia extrinseca est , si
universos nervos cutis male affice-
ret , posset etiam rigoris causa per
alium modum esse , quòd natura
putet , frigus illud per concussio-
nem expellere posse. In omnibus
nempè rigidibus frigus in exte-
rioribus partibus percipi , ut inde
coactus sit Galen. rigorem per fri-
gus definire , non aliunde accidit ,
quàm ex veloci retractione spiri-
tuum ad cor , & magna illa vasa su-
pra partem interiorem spinæ sita.
Deficientibus nempè his , à quibus
calor actualis nostrorum membro-
rum oritur , necessum est , membra
frigida manere. Tandem ratio , quæ

ex frigiditate pituitæ non efficien-
tis rigorem adversus Galenum col-
ligebatur , minimè contra me colli-
gi valet.

Ut etiam alia adducta contra *Alia solvitur ratio.*
Galenum , quæ ex rigore prove-
niente à bili delata supra os ven-
triculi aliquorum famem patientium , non solum mihi adversa non
est , quin in totum meæ sententiaæ
favet. Ego enim fateor , ob rela-
tam tristem sensationem. Cùm cor
adeò stomacho consentiat , ut anti-
qui os ventris cor nominaverint ,
ut Galenus 2. lib. de Decretis Hip-
pocr. & Platonis refert , & 8. de
Compositione pharmacorum se-
cundùm locus , & Aphorism. 65.
quarti libri Aphorismorum , ipsum
mittere velociter , & frequenter
spiritus per arteriam dorsi , de qua
sæpè diximus , ad extirpandum hu-
morem , aut vaporem insufficientem
sanguinem prædictorum vasorum
ex commertio oris ventris cum ar-
teria , & vena relatis , & corde ipso ,
ut diximus , indeque rigorem oriri.

Non est , ut quid immorer , sol-
vendo rationes objectas causæ à *Horroris cau-*
sa exprimi-
Galen. exhibitæ , cap. illo 6. à me
citato ex libro de Palpitatione , tre-
more , & rigore , quòd aliquæ ex
illis jam solutæ sunt , ac alias facil-
limè solvet quicunque causam ri-
goris à nobis recentitam exactè in-
tellegit. Ideoque ad exarandum
horroris causam transgredior , quòd
id facere promisseram. Horror , ut
Galen. sexto cap. libri de Palpita-
tione , tremore , & rigore. Et se-
cundo de Symptomatum causis ,
cap. 5. Solius cutis affectus est , dif-
ferens à rigore , quòd remissius
symptoma , quàm rigor sit , & à mi-
norí causa oriatur : qui secundum
meam sententiam aliunde non pro-
venit , quàm à mitiore motu nervo-
rum dorsi , quàm sit ille , qui rigo-
ris causa est. Ut enim insignis agi-
ta-

tatio, & lis inter spiritus, & humorem nocuum contingens in vena, & arteria magnis dorsi, causa est rigoris, ut audistis, sic mitior commotio causa est horroris. Sicut enim qui truncum arboris vehementer concutit, ac quatit, necessario ramos omnes vibrabit: & si pauxillum, ac sensim truncum concusserit, solum folia commovebit: sic insignis lis in relatis spinæ vasis causa est rigoris, exigua verò horroris: nervi enim, qui per cutim sparsi sunt, foliis arborum non dissimiles censerit queunt. Ita enim venas extremas cutis Galenus vocat, conferendo easdem venæ cavæ ascendent per spinam, à qua cæteræ ortum trahunt. Quod docet, me non aberrasse, cum retim nervorum cutis, conferendo spinali medullæ, folia nuncupo.

*In quo cum Galeno consentio, Galeno con-
veniat autho-
ris sententia, &
in quo diffe-
rat.*

Itaque cum Galeno consentio, dum refero, quod à mitiore causa horror quam rigor proveniat. Ab eo verò quam maximè dissentio, quod non putem in principio febrium supra membra extrinseca sensitiva deferrri horroris causam, ut Galen. opinatus est. Nam hujusmodi Galeni decretum eisdem argumentis improbari valet, quibus causa rigoris ab eodem allata, explosa est. Ad tremoris ergo causam breviter explicandum accedamus.

Tremorem in libro citato de Palpitatione, rigore, & tremore Galenus credit oriri à gravante, & ponderosa causa, & facultate motrice aliquando succumbente, alias vincente. Cum enim fessa crura baulorum ob nimium pondus humeris eorundem impositum tremunt: non aliunde tremorem illum patientur, quam quod immoderatum pondus crura flecti compellat, & virtus motrix nitatur flexa crura iterum recta stare, sicque tremu-

lus motus proveniat. Per quam normam cæteros tremores fieri credit. Et quamquam verum sit, relatum tremorem inde oriri, undè Galenus dixit: non tamen omnes illam causam habere fassuri sumus, ut statim ostendam, dum prius solvam quandam rationem Gentilis expositoris Avicenæ, qua opinatus est increpare Galenum reddentem recensitam tremoris causam. Ratio Gentilis huic hypothesi innitebatur. Quod major, aut minor resistentia mobilium potens sit plus, aut minus motum motoris retardare: non tamen motum taliter in contrarium vertere, ut quod deorsum ferebatur, sursum repat, & quod sursum, deorsum descendat. Ideoque tremorem, in quo membrum sèpè deorsum latum, sursum fertur, & è contra. Non posse fieri per modum à Galeno dictum opinatur. Verum Gentilis hic & mille aliis in locis hallucinatus est, non videns, quod hypothesis illa vera sit in motibus merè naturalibus, qualia sunt gravium, & levium. Secùs ubi agens vitale animale concurrit. Quippè gravia sic gravia nunc sunt, ut nisi ab extrinseco gravitas eorundem addatur, graviora numquam erunt. Et levia consimilitèr. Quod tamen animalibus minimè contingit. Pars enim corporis, manus, aut pes, aut brachium, quæ sui gravitate, & imbecilla facultate motrice deorsum decidit, insurgente virtute vitali, & animali ultimo conatu naturaliter vitaliter sursum repit: iterumque absumptis spiritibus, quibusvis illa augebatur, deorsum fertur, ac statim, restitutis viribus, ascendit: & sic tremulus motus in recensito eventu fieri valet, ut Galenus dicerat, & nullius valoris Gentilis ratio supereft. De quo satis, ut tempus supersit Galeni causam,

quam

quam cuivis tremori convenire putat, explodendi.

Porro ego non video, quo nomine apelletur affectus ille, qui senibus perpetuo quotientibus caput, ac aliis moventibus tremule brachia, & crura, & nonnullis totum corpus vibrantibus contingit. Nam si tremorem nominaverint, cum hujusmodi membrorum tremor contingat, etiam membris in toro recumbentibus, ut ægris stanibus, nullo modo impugnam illam gravitatis membra dejicientis, & facultatem motricem membra sursum attollentis reduci motus tremulus ille valebit. Et cum in aliam causam necessariò concussio talium ægrorum reducenda sit, & solum motum tremulum orientem à recentia, tremorem Galenus vocet, cogit ipse legentem suam sententiam, aut inquirere aliud nomen, quo relatum senum affectum denotet, aut vocare illum tremorem, ortum trahentem ab alia occasione, quæ à se recensetur. Quippe cum neque palpitationem, neque rigorem, neque convulsionem nominare illum valeat, restat, ut tremorem, vitiatum illum motum nominare compellatur, ut dixi. Qui, ut ego reor, in iis, qui membra, quæ tremunt, suspensa non habent, sed super aliqua re immobili reclinata, non aliundè provenit, quæ ab aliquo fluido humoré descendente in villos nervorum membra tremorem patientis: quod villi nonnulli membra illius laxi versi permittant oppositis versus contrarium situm membrum trahere: & illi, qui sicci erant, statim per alterius humoris defluxum laxi facti, membrum in priorem situm reducant. Ac cum continuus sit hic defluxus ex imbecillitate membra recipientis, & fortitudine membra, quod mittit diu affectus durat. Aut si hæc

causa non placet pro tremoribus peculiarium membrorum, de quibus agimus, orietur hic tremor à flatuosa materia, ut sit quædam perpetua palpitatio. Cum autem totum hominem occupat relatus affectus diu perseverans, ut qui à me visus est in mercatore quodam, cuius omnia membra, tamen dormienti, quæm excitato semper quatabantur, aliter quæm peculiaris membra provenit. Crederem enim ego ideò accidere prædictum tremorem, quod in spinæ medullam illius, semper deflueret inæqualiter humor aliquis, qui convulsionum aliquorum villorum fuerit causa, & resolutionis aliorum, simulque unius, & ejusdem musculi villis quibusdam resolutionem patientibus, & aliis convulsionem, & mox opposito modo fluxu accidente, necessum erat, perpetuo membra quati, vibrarique: quod origo nervorum quatiatur, ac vibretur: vel si id non quadrat, inflatuosam materiam inæqualiter semper per dorsum delatam, affectus hic rejiciendus est. Audistis veras rigoris, horroris, & tremoris causas, de quibus agere in præsens statueramus. Supereft medellam horum symptomatum exarare. At quod à diversis, & quandoque contrariis succis orihi ipsa queunt, ideò differre horum curationem usque ad febrium medellam visum. Dum tamen prius quandam Aetii methodum ex sermone primo Tetrabibli secundæ, cap. 130. ducam, quæ loquendo de tremore in febribus ex sententia Herodoti sic referam: [Necesse est autem omnino affectam esse in omnibus spinalem medullam, quapropter tota spina contegenda est, & affectæ partes, lanis sicyonio, aut potius gleucino imbutis, aut cerato liquidiore ex aliquo talium parato, aut ex oleo rutaceo, &c.] Ubi quis-

quisquis attentè relatam sententiam legerit, manifestè noscet, Herodo-
to idem visum de tremorum, & ri-
gorum causis, quod nobis.

Etiam Paulus lib.2. & Aetius ser-
mone primo Tetrabibli secundæ, &
Avicena fen. prima quarti, ac alii
Authores symptomatibus aliis, pu-
tata animi deliquio, vigiliis, capititis
dolori, siti, gravi sopori, complu-
rimisque accidentibus in febribus e-
venientibus, certis, & continuis
capitibus medellam præscriperunt,
recensiti Græci post febrium cura-
tionem: Arabs Avicena prius. Mi-
hi autem visum neutros æmulari,
sed cuiusvis febris medellam exac-
tam scribere. Et quòd attinet ad
curationem relatorum symptomati-
cum differre, quoisque de mem-
brorum particularium morbis trac-
temus, ubi omnibus symptomatis
prædictis necessariò curationem su-
mus exaraturi, Deo concedente,
quis enim cordis, aut oris ventri-
culi morbos recensebit, qui animi
deliquium oblivioni tradat? Et quis
capitis ægritudines sribet, qui dolorem
capitis vigiliam, & gravem
soporem transgrediatur? Ac quis
aurium morbos annumerabit, qui dolorem
earum sub silentio præte-
reat? Horum ergo omnium tracta-
tionem in sua loca differendo, me-
dellam febrium plurium dierum ag-
gredi accingor. Prius coctionis, &
putrefactionis naturam, & causas
exprimendo, quòd de his sèpè in
medicatione febrilium morborum
necessariò sumus tractaturi, ubi qua-
tuor tempora febrium distinguen-
tur. Prout expedit ad Hippocrat.
sententias rectè callendum.

CAPUT XXVIII.

De coctione, ac putrefactione.

Dicitur coctionis, ac putre-
factionis essentiam, si omnia

quæ de rebus his ab antiquis, ac
junioribus dicta sunt explicare co-
narer, ac quantum inter se horum
sententiæ dissideant, & quæ earum
veritati proximior sit, exprimerem,
non exiguae molis librum de hocce
tantum negotio me conditum
putarem. At cum physicis exactum
hoc pertinere sciam, nobis, qui
exactam Philosophiam, Deo con-
cedente, sumus composturi, vel
alteri, si superstites nos fore mini-
mè fata permiserint, recensita re-
linquo. Ac in præsens tantum unius
Aristotelis ex 4. libro Metheorolo-
giæ sententiam in medium propo-
nam, & insigniores lapsus ejusdem
digito, ut inquit, monstrabo, Hip-
pocratis, Empedoclis, Platonis,
Erasistrati, Asclepiadis placitis sub
silentio prætergressis. Verùm enim
verò, cum errores quicunque il-
lustriores quibusvis pateant, qui
veritatem negotii circa quod aber-
ratur, sciunt, quid verè coctio, ac
putrefactio secundum nostram sen-
tentiam sit, in primis exponam,
nam ea scopus, quo nunc tendi-
mus, sunt. Posteaque aliquos Aris-
tolis contextus ex citato loco ad-
ducam, & quibus in sententiis hic,
qui meritò hucusque Philosophus
nominabatur, fuerit hallucinatus,
evidentibus rationibus probabo.

Nempè cum physica demonstra-
tione ostendi valeat, elementa ob-
servantia suas proprias substantias
universa mista constituere: omnia-
que quanta sub lunari orbe sita,
elementa, aut mista esse: quod ne
omnia in omnibus afferam, pro-
bandum in citatum tempus differo.
Coctio nihil aliud erit, quam qua-
tuor elementorum, aut quatuor
partium mistarum ab eisdem deno-
minationem trahentium in debitissi-
mos ponderibus, ac primarum qualita-
tum proportionibus concurren-
tium, à natura intenta pro alicujus
for-

*Quid vere
coctio sit.*

formæ misti generatione commissio. Dixi quippè egere mistionem elementorum, quæ coctio dicenda sit, ut in constituendo perfectum mistum versetur, ut nivis, & grandinis, & aliorum imperfectorum mistorum aggregationem elementorum, ex quibus constituuntur, coctionem non vocitem. Addidi etiam requiri ad coctionem, quod in debitis ponderibus, ac primarum qualitatibus proportionibus elementa, quæ per coctionem mistum perfectum sunt constitutura, coëant: ut sciant, qui hæc ignorant, non sufficere certam terræ, & aquæ, aëris, & ignis quantitatem, quam pondus elementorum vocamus, simul convenire, ut mistum perfectum evadat, sed ultra id requiri, taliter refractas esse elementorum primas qualitates, prout formam misti gignendi decet. In ultimo loco hujus finitionis posui, quod necessum sit à natura coctionem intendi, ut eam (quæ à casu fit) elementorum commissionem (ex qua nonnulla animalia, ut vermes, & insectorum non pauca ex putredis cadaveribus quandoque constituuntur) coctionem nemo nominet. Namque, & si verum sit, quod juvenci, exempli gratia, cadavere putrefacto, apes fieri contingat, ut Virgilius^{4.} Georgicorum docuit, non tamen has per coctionem factas esse dicemus, ut illas, quæ in alvearibus gignuntur, nam priores à casu (nullo particulare agente procurante commissionem elementorum requisitam pro forma earrundem gignenda) factas esse dicimus: sed quod acciderit cum carnes juvenci mortui putrerent, & elementa carnem juvenci constituentia segregari à mistione, & in nativa loca tendere conarentur, taliter commista fuisse, prout formæ apis conveniebat. Et si aliter

elementa commiscerentur, vermes gignerentur: & aliter admista, nihil, quod vitam habeat, fieri. In alvearibus tamen ex apum semine apes perpetuo fieri asleveramus, quod seminis earum spirituosa pars commiscere elementa, ex quibus reliquæ partes seminis constant, eo modo procuret, prout forma apis poscit. Distuli usque in hunc ultimum locum explicare quædam verba in principio finitionis apposita, quia lectis prioribus facilius percipientur. Ea erant, mistionem intentam à natura in coctione circa elementa, vel circa partes mistas denominations ducentes ab elementis versari. Ut omnes sciant, dupliciter mista fieri, nonnulla ex mistis partibus, alia ex elementis. Quippè cum ex seminibus plantæ, aut animalia gignuntur, non aliter hæc noviter fiunt, quam ex partibus mistis denominationem sumentibus ab elementis, putà aëreis, igneis, aqueis, & terreis, commissis à genitivo spiritu, vel alia quavis universalí causa, prout expedit plantæ, aut animali formando, alia misti forma superaddita. At plantæ jam adultæ cum nutriuntur, ex elementis foventur, putà ex aqua, & terra à radicibus plantarum suctis, & ab aëre per porositates earrundem ingrediente, & igne vi caloris solis, & partium ignearum constituentium plantam, quæ nutritur, genito. Non enim qui cavitaretur, dicendo aquam, terram, & aërem, quæ præ manibus habemus, pura elementa non esse, inde que nos mentitos fuisse, asleverantes in plantarum relata nutricatione elementa convenire, quid dixisse putet. Namque, & si verum sit, quod terra hæc sincera terra non est, sed quod aliquid aquæ, & aëris, & etiam ignis geniti tempore æstatis ab immodico solari calo-

re habeat, & aqua aliquibus exiguis portionibus aliorum elementorum participet, & aër quoque, ut minutissima corpora in radiis solis visa testantur: non tamen ita hæc mista sunt, ut unam superadditam sibi formam misti, ut quæ vera mista sunt, habeant: sed in unam congeriem aggregata esse putamus. Si enim misti formam relatam habuissent, etiam operationes alias, ac proprietates ulla ex his, quæ perfectè mista comitari solent, posse fiderent, quod non experimur. Cùm ergo, ut dixi, simul conjecta elementa cum elementis, quæ nutritiunt plantas, sint, cogitur rebellis fateri, in nutritione plantarum ipsa elementa nuda à quavis forma misti ingredi, atque ex his aliquam partem plantæ loco resolutæ gigni. Metalla omnia in visceribus terræ genita, ab elementis quoque statim fieri testamur, ut & lapidum innumeræ species. Sat hæc de diffinitione coctionis dixisse existimo ad alia ergo, quæ negotio huic attinent illustrandum transgrediamur.

Que ex dictis eliciuntur. Ex dictis primò elicetur, nullum simplex elementum posse verè concoctum dici. Nam, ut audistis, coctionis mistis tantum convenire potest, elementa gigni, & corrupti dum taxat dicuntur. Quod satis doctè Aristoteles 4. Meteorologicorum, text. comm. primi, loquendo de primis qualitatibus sub his verbis referebat: [Primò igitur universaliter simplex generatio, & naturalis transmutatio harum virtutum, scilicet primarum qualitatum est opus. Et opposita corruptio secundum naturam.] Qua si dixisset: Generatio ex simplicibus facta, putà cùm forma misti in elementis inducitur, & putrefactio, quæ est corruptio opposita coctioni, ut statim docebimus, ab operatione prima-

Tom. II,

rum qualitatum provenit. Vocatisti generationem in præsenti loco simplicem generationem, id est, ex simplicibus generationem. Et fortassis, non ut adductus textus habet, legendus erat, sed ita: [Primò igitur universaliter ex simplicibus generatio, &c.] In contextu sequenti etiam nihilo à nobis dissentiebat, cum quæ sequuntur scripsit: [Hæ igitur plantis insunt, & animalibus, & partibus ipsorum. Est autem simplex, & naturalis generatio transmutatio ab his virtutibus facta, cùm habeant rationem ex subjecta materia unicuique naturæ, hæ autem sunt dictæ virtutes passivæ. Generant autem calidum, & frigidum dominantia materiæ, cum autem non dominantur, secundum partem quidem inquinatio, & incoctio fit.] In quibus omnibus verbis nihil est, quod, ut dixi, cum finitione à nobis data non quadret. Nam transmutationem, id est, mutuam actionem, & reactionem ab illis virtutibus factam, putà à primis qualitatibus necessum esse præcedere, ut ex simplicibus, per coctionem mistum fiat, nos retulimus. Etiam solis mistis coctionem competere notabimus, quod Aristoteles in verbis illis explicuit: [Hæ igitur plantis insunt, & animalibus, & partibus ipsorum.] Et non dixit, elementis, & eorum portionibus. Quasi per hoc innuere vellet, elementa per coctionem non gigni, nec per oppositum affectum, putà putrefactionem, seu inquinationem, & incoctionem corrupti, sed aliter.

Secundò sequitur non tantum dici coctionem mistionem partium alicujus seminis, ex quibus aliquod mistum perfectum evadit, verum, nutrimenti commixtio quæ intus animalia, & plantas se alentia contingit, coctio nominetur. Ut enim

Dd

*z. Correlati
rium.*

alij

Novæ, Veræque Medicinæ,

aliquæ partes seminis, ex quibus, ut ex materia planta, aut animal est gignendum, vim habent agendi in alias, quas non tantum commiscent, prout formæ plantæ, aut animalis opportunum est: sed ita eas teretibus, aut sphericis, seu angularibus figuris effingunt, quasi intellectu præditæ forent, quod à natura (cujus essentiam hic non ex preminus) edocetæ partes relatae seminis vim effectricem habentes sint. Sic quoque ventriculus animalium alimenti partes prima coctione miscet, & intestina feculentum ea runderem, ineptum sanguis fieri, trahunt, ac sugunt, ut succus qui superest promptus reddatur per aliam etiam coctionem verti in sanguinem, jocinore venulis quibusdam trahente illud ad sese, & tandem singula corporis membra sanguinis illius diversas partes, sibi ad motas commiscent, prout convenient, ut sanguis ille formam specie eandem cum sua suscipiat: quas tres ventriculi, jocinoris, & membrorum elaborationes, coctiones merito nominamus, quod in quavis earum nova misti forma, priore corrupta, gignatur. Neque dissimilis huic coctioni est plantarum nutritio, radices enim ventriculi vim habent, in quibus pro tota planta alimentum earundem elaboratur, & à radicibus sursum versus per occultas canales venis animalium proportionales trahitur, & in singulas partes distribuitur, à quo ipsæ aluntur.

3. Correlati-

rum. Tertiò sequitur sententiam Aristotelis libro citato commento 13. in qua referebat: [Est itaque calidi quidem concoctione.] Veram in hoc sensu esse, quod in coctione, quæ fit à partibus seminis vim effectricem habentibus in reliquas, quæ ut material deserviunt. Et in coctione à ventriculo, jocinore, &

in membris animalium, vel à partibus plantarum iis consimilibus facta, elementa calida inventa in his partibus: quas efficere coctionem dicimus, plus efficiant, quam frigida, quod frigor sit potius motum coercere quam ipsum incitare. Et cum, ut audistis, sine mistione coctio non fiat, neque mistio sine motu, inde rectè dictum ab Aristotele est calidi quidem coctio, & à Medicis frigiditatem non ingredi operationes naturales, quod concocrices has vocarent, ubi necessariò caliditas, cui movere tribuimus, concurrit. Quamquam enim frigiditas sit necessaria in concoctione, ut partes calidas miscendas temperet, & ad gradum talem, qualem forma inducenda poscit, ducat, non ei tribui vis miscendi valet: quia, ut diximus, potius ipsa motum arceret, quam proritaret. Si tamen relata Aristot. sententia dicat formam misti partam per coctionem à calido gigni, enormiter aberrat. Nam neque semen animalium, aut plantarum, animas vexatrices, neque quas per synoni- miam quandam sensitrices vocant, gignere valet, neque calor cum accidens sit, id assequi poterit, ut sufficienter in priore parte nostræ Antonianæ Margaritæ docuimus.

4. Correlati-

rum.

Quartò sequitur vocatam à Medicis coctionem, versantem circa sucos putridos, à quibus morbi fiunt, dissimilem multò esse à definita nobis coctione. Nam Medicorum coctio, quam alii digesti- nem vocant, nihil aliud curat, quam quod noxi succi inepti propter nimiam tenuitatem, aut crassitatem, seu lentorem, aut alia vitia excerni per ventrem, aut urinam, aut alios meatus, redacti ad quandam mediocritatem, apti ad execretionem fiant, itaque crassorum attenuatio, & lensorum incisio, & te-

nulum

nuium incrassatio, digestio à Medicis dicitur, sive evadat post has actiones, quod coctum est, mistum non putridum, seu plus adhuc quam ante putreat. Quam coctionem Avicenæ expositores digestiōnem in nocivo vocant.

5. Correlatiūm.

Quinto sequitur impropiè: & per metaphoram elixationem, & assationem vocari coctionem ab Aristotele decimo tertio commento citato, cùm dixit: [Est itaque calidi quidem concoctio, concoctionis autem maturatio, elixatio, assatio.] Nam neque aqua ubi elixanda elixantur, neque ignis à quo assantur assanda, pro scopo habent aliquam formam misti in elixandis, aut assandis inducendam, quod quam maximè propria coctio poscit. Nisi enim coquus elixationem, & assationem moderaretur, elixatorum, & assatorum mistio dissolvetur, & unius aqua, aut aqueum alterius usta terra, aut terreum tantum restaret, itaque elixantis aquæ, & assantis ignis hic esset finis, satis diversus ab eo, quem poscere veram definitam à nobis coctionem diximus. Verum tamen quòd, coquo moderante, quæ apta, ut mandarentur non erant, mandi habilia per coctionem, aut assationem fiunt: ut quæ debitè disposita ad suscipiendam aliquam misti formam non erant, per coctionem habilia redduntur. Ideò ob hanc similitudinem, ut dixi, elixatio, & assatio coctio nominantur.

6. Correlatiūm.

Sextò sequitur definitam ab Aristotele 4. Meteorologicorum, commento citato coctionem per sequentia verba: [Concoctio igitur est perfectio à naturali, & proprio calido, ex oppositis passivis, hæc autem sunt propria unicuique materia.] Intellectam, ut nostra coctionis definitio est explicita bonam esse. Credendum enim est Aristot.

Tom. II.

vocasse illic, proprium calidum, naturam partium seminis, seu eorum, quæ vegetantur, intendentem coctionem, & elementa, aut mista, quæ ab eis nomina sortiuntur, dixisse oppositas passivas, putâ elementa, aut relata mista prout terminabilia humiditate, & terminata siccitate sunt, hæc, ut dixi, oppositas passivas vocasse. En quòd hucusque parum insententia ab Arist. discessimus, sed tantum phrasí. Nam ille obscurè, & confuse: nos autem dilucide negotium explicuimus.

Verum quis audebit, quæ post Taxatur Aristot. in negotio coctionis.

recensitas Aristotelis sententias verba falsa leguntur, fuco ullo, & extortis, & cum hoc mendacibus expositionibus veras esse contendere? Quippè contextus ille 18. quarti citati libri: [Necessæ est autem quæ concoquuntur, crassiora, & calidiora esse, calidum enim efficit tale melioris molis, & crassiùs, & siccius, concoctio igitur hæc est.] Quamvis exponi velit, ut veritatem priorem non offendat minimè poterit: noscentibus omnibus, omphacium, malum, ficus, & multis alios fructus succos immatuos, per maturationem, quæ definita coctio est, tenuiora redi, quam præfuerunt. Nullus enim adeò petulans erit, qui audeat dicere, uvas maturas tenuioris consistentiæ non esse, quam omphax sit, & quòd de aliis complurimis immaturis fructibus eadem ratio non observetur. Nam evadere referendo, quòd semen acini uvæ, quod nucleus, aut vinaceum nominamus, & semen inclusum in malo, & pini nuclei, ac alia consimilia semina crassiora sint post fructuum perfectam maturationem, quam prius erant. Et quod de illis fuerit locutus Aristot. parum prodest: quia caro illa pomorum, & aliorum fructuum, & liquor acinorum maturorum, quæ semen

Dd 2

in

intus se inclusum protegunt, & sæpiunt, per coctionem, sive maturationem ex crassi consistentia in tenuem sunt redactæ. In quibus à vero deviasse Aristot. cùm universaliter est testatus, concocta crassiora seipsis crudis esse, nemo inficias ire valebit. Devorata quoque crassa alimenta per coctionem ventriculi in succum tenuem verti, & ex sanguine lacte crassiore, à mammillis lac tenue fieri, omnibus manifestum est. Et ne immorer multa ex his afferendo, plurima quorum tradita sunt à junioribus, inquirentibus, utrum verum sit, quòd digestio (ita enim coctionem appellant) semper procedat crassum reddendo, an non, ideo de his in præsens tacere decerno, donec tempus recensitum concedatur. Et ad alios Aristot. magis apertos lapsus innuendum accedo.

Taxatur Aristot. iterum.

Qui enim apertior error, quām ille, qui commento 21. relati quarti Meteorologiæ libro legitur? [Nullum autem humidum ipsum secundum se maturatur sine sicco: aqua enim non incrassatur, sola humidorum, accidit autem, aut eo quòd calidum sit paucum, aut quod terminatur humidum multum.] Ubi volens Aristot. reddere causam, cur aqua per coctionem crassior non vertitur, ut alia concocta, inquit: hoc provenire à pauco calore respectu multæ humiditatis aquæ. Immemor ejus, quod parum antè definiendo coctionem, scripperat, quòd scilicet coctio in solis mistis fieri valeat. Quo quæsitum de aqua uno verbo dissolvere poterat. Ideò nempè ipsa crassior à quovis calefaciente verti non potest (ut quæ concoquuntur valent) quia simplex elementum sit, maturari, seu concoqui inepta. Nam solutio Aristotelis nullius momenti est, quòd potest adeò pauca aqua

exponi tam multo igni, ut nequam verè dici possit, calidum paucum esse, respectu, tām exiguae aquæ molis. At jam quòd cùm aqua in terram vertenda paulatim siccior, & minus frigida per terræ operationem fiat, priusquam in terram vertatur, necessariò crassior reddenda est. Et concoctio non dicitur talis incrassatio, quia simplex ut dixi, ipsa sit: ergo à nobis vera causa, & ab Aristotele falsa exhibita est.

Commento etiam decimo septimo dixerat Aristoteles: [Tunc enim utile est, & concoctum esse dicimus, sicut mustum, & quæ in tuberculis constant, cùm factum fuerit pus, & lacryma, cùm facta fuerit fôrdes, similiter autem, & alia. Accidit autem omnibus hoc pati, cum victa fuerit materia, & humiditas. Hæc enim est, quæ terminatur ab ea, quæ in natura caliditate, quandiu enim insit in ipsa ratio, natura hoc est. Quapropter, & sanitatis signa, quæ talia, & urinæ, & egestiones, & omnino superfluitates. Et dicuntur cocta esse, quia indicent caliditatem propriam dominari humido.] Quorum contextuum sententiæ in compendium redactæ hoc tantum significant, quòd mustum, & tubercula, & fôrdes, & urinæ, ac reliquæ superfluitates tunc cùm crassescunt concocta dicantur, minimè considerâns, quod tubercula ante coctionem dura sâpè sint, cocta verò mollia, quòd intus inclusum tenuioris consistentiæ factum, quām præterat, sit. Etiam quòd urinæ eorum, qui ob pituitæ crassæ redundantiam ægrotant, tunc concoctæ dicantur, cùm ex crassis tenuiores vertuntur. Ubi oppositum ejus, quod prædixerat, accedit. Fiunt enim per coctionem relata ex crassis tenuia, & non è contraria. Quod docet falsum esse decre-

Iterum Aristot. taxatur.

tum

tum illud. Per coctionem omnia crassiora verti. Quin hoc indifferens, & ambiguum esse. Natura enim, cui coctio alicujus rei committitur, concoctum efficit crassum, auferendo ejus quod coquitur partes tenues, vel partes crassas addendo, & concoctum tenueredit, amo- vendo crassas, aut nonnullas tenuis consistentiae addendo, prout formae inducendae convenit: non per- petuò procedendo incrassando ma- teriam, quæ coquitur, ut Aristot. (nonnulla concocta, & non omnia animo voluendo) putavit. De coc- tione satis. De putrefactione ergo opposita coctioni deinceps loqua- mur, relictis contrariis elixationis, & assationis modis, quos inquinat- ionem, & tostionem vocavit. Quia, ut bis jam dixi, tantum quæ Medi- cis disputari convenient, hic expli- camus, alia in alium locum expla- nanda linquimus.

*Quid putre-
fatio fit.*

Non adeò difficilis erit putrefac- tionis definitio, cognita contraria coctionis essentia, ut multis verbis exponi egeat, ut Aristot. sexto To- picorum, & primo de Cælo, com- ment. 44. & mille aliis in locis sub his verbis dicebat: [Contrarii uni- nius definitio manifestativa debet esse sui contrarii.] Si enim coctio nihil aliud, ut ostendimus, est, quam quatuor elementorum, aut quatuor partium mistarum ab eisdem denominationem trahentium, in debitibus ponderibus, ac prima- rum qualitatum proportionibus concurrentium, à natura intenta pro alicujus formæ misti genera- tione commissio, opposita putrefactio, erit quatuor elementorum, aut quatuor partium mistarum ab eisdem denominationem trahen- tium à violenta causa intenta disso- lutio, ac segregatio. Nempe cum aliiquid putredine corripitur, laxius, & humidius quam præterat conver-

sum, ab aqua, aut aqueo proprio statim irrorari videmus, quod aqua, & aër, quæ in illius misti putrefac- ti compositione ingrediebantur, corrupta temperatura, & misti for- ma, diffundi (quod proprium hu- midorum est) ipsa incipiunt quæ duo, partes quoque igneæ (quæ etiam mistum perficiebant) veluti à carcere evadentes, comitantur, so- lis terreis subsidere relicti. Quo hu- midiora, & calidiora tunc primum cùm putrescant, omnia cernun- tur, ut in progressu exhalatis aqueis, aëreis, & igneis partibus, multò frigidiora, & sicciora visuntur, quam ipsa cùm incolumia ante pu- trefactionem, & primum putrefac- ta erant. Quod satis dilucidè A- aristot. 4. citato lib. comment. 3. & 4. sic referebat: [Simplici autem generationi contraria maximè com- mune putrefactio. Omnis enim se- cundum naturam corruptio, ad hæc via est, ut senectus, & aridi- tas, finis enim omnium horum mar- cedo: nisi aliquid violentia cor- ruptum fuerit natura constantium. Est enim, & carnem, & os, & quocumque combustisse, quorum finis secundum naturam corruptio- nis putrefactio est. Quapropter hu- mida primò, deinde sicca tandem fiunt putrescentia.] Quibus senten- tiis quicquid eorum, quæ diximus, minimè adversatur. In putrefactio- nem nempè tendere omnia, quæ senectute corrumpuntur, & nisi violentia ignis inanimata combusta perirent, aut sic, vel aliter anima- lia consumerentur, quod omnia putredine finirentur vitiata per an- norum discursum, temperatura ele- mentorum, & eorundem mistione requisita ad formæ conservatio- nem, nullus est, qui nesciat.

Sed iis veris decretis, Aristoteles *Taxatur Ar-
istoteles.* quasi stupidus statim versus, com- ment. 5. quandam falsam senten- tiam

tiam conœctit, quæ præsentem seriem servat. [Quapropter, & putrescunt omnia alia, excepto igne: etenim terra, & aqua, & aër putrescunt. Omnia enim hæc sunt materia igni.] Nam vel ibi de puro igne Aristot. loquitur, vel de hoc, quem præ manibus habemus, quo illuminamur, calefacimur, & comburimus, aut (si nobis placet) coquimus, vel assamus. Si de syncero, & puro igne loquitur, primò non est: cur plus dicatur terra, & aqua, & aër materia ignis, quam ignis vice versa materia recensitorum trium elementorum. Ut enim ipse fingit (& si falsè) esse quandam materiam primam, quæ in omnium elementorum compositionem ingreditur, & cum alterum in alterum transit, eandem esse subiectum prioris, & posterioris formæ testatur. Par ratio erit, quod ignis dicatur materia aëris, si ex eo immediate aër fieret, ut ipse inquit quod aër est materia ignis, cum utriusque materia in alterum, quod fit, transitura erat.

Secundo si ipse ad amissim putrefactionis definitionem caleret, erat visutus, quod tantum mista, & non syncera elementa putrefactio- ne erant corripienda, quod putrefactio certa mistionis elementorum dissolutio sit, ut parum ante docuimus. Si de secundo igne impuro Aristoteles ibi tractat, nec causam, quam exhibuit, cur non putreret: erat redditurus: quod impurus ignis mistum perfectum minimè sit: sed imperfectum: ut nix, & grando. Ac ut non quærimus rationem, cur nix, aut grando non putreant, quod sciamus aquam, & aëris non nihil, & pauculum terræ componere nivem, & grandinem, nulla misti forma iis addita: sic de impuro igne consimilem rationem erat redditurus,

non putrere scilicet ipsum, quod perfectum mistum non sit. Porro admiror ego, qui nobis cavit Aristoteles, ne ad pauca respicientes deciperemur, sic obscœcum fuisse, attestando putrescere omnia excepto igne, nivem, & grandinem, & adamantos, & alia innumera lapidum genera minimè considerando, quibus etiam non putrescere convenit, quod potius aqua fermè, ut crystallus congelata, adamas sit, quam perfectum mistum: & carbunculus aqua aëri, & igni plurimo commissus, quam etiam exactum mistum. Etiam qualiter ausus fuerit fateri aquam, terram, & aërem putrescere: cum impossibile sit, si vera forent, quæ de putrefactione prædixerat (ut sunt) aquam, & aërem in fine putrefactionis sicca relinqui. Nisi ipsis corruptis, & in ignem, aut terram versis, modo unius simplicis elementi in aliud transitio, putrefactio vocanda non erat, sed unius corruptio, & ejus quod fit generatio. Certè si altè negotium hoc Aristot. fuisse rimatus, videret aërem non esse, qui putret, sed in aëre contenta (quæ innumera sunt) quandoque putrescere. Ramenta quippè rerum perfectè mistarum, quæ volitare in solaribus radiis cernimus, sunt, quæ putrent, & non ipse aëris. Et ex hujusmodi ramentis non pauca in aqua contenta putrent, & non aqua. Non enim video, cur non liceat suspicari ex gravibus rerum ramentis, & deorsum tendentibus in aquam complura immergi, ipsaque fore, quæ putrefactionem patiuntur: cum ipse Aristoteles secundo de Generatione, & corruptione, text. comment. 50. veritate compulsus affirmaverit, plantas quatuor elementis nutririri, & si aqua solum nutririri judicentur. Cur etiam terram putrescere putemus, qua-

quæ diximus facile declarant: namque super, satisque ostensum suprà est, putrefactionem mistorum affectum, & non simplicium esse: quo certi sumus, terram putreficeremini posse. Innumeræ ergo rerum frides, tam avium, quam quadrupedum, & radicum, & foliorum plantarum, & aliarum rerum eidem commissarum putrefactionia, dicipiunt eos, qui credunt terram putreficeremini: cum tamen certum sit, impossibile esse, ipsam putrefactione corripi, quod, ut saepius dixi, non elementorum, sed mistorum sit passio. Hæc de putrefactione in præsentiarum dixisse sati puto, aliud ergo à nobis promissum de temporibus febrilium morborum exprimere, auspicor.

CAPIT. XXIX. In quo tempora febrium explicantur.

QUAMQUAM morborum omnium tempora sub eisdem fermentè verbis exprimi valent, febrilium temporum dumtaxat differentias, paucioribus quam possim verbis explanabo. Hæc ergo duplicitè considerari valent. Aut enim penes cruditatem, aut coctionem humoris, qui febris occasio est. Aut penes saevitatem symptomatum, quæ in febribus visuntur. Priora ergo tempora triantarum ab omnibus recensenda sunt. Primum tempus principium vocandum, cum in morbi materia coctionis nulla signa adsunt, quod ipsa inculta sit coctione, quæ noxiis succis (de qua suprà loquuti fuimus) convenit, putà cum in totum excerni à corpore inepta est. Secundum augmentum dicemus, cum jam ipsius coctionis, qua ut expellatur prompta sit, signa nonnulla visuntur, quæ successivè augentur. Tertium tempus statum vo-

cant: quando optimæ, ac perfectæ coctionis signa adsunt, noxiis succo, & tenui, exempli gratia, crasso verso, & ex distante à viis, per quas est expurgandus, proximus illis factus. Neque post coctionis statum inclinatio coctionis ejusdem materiae sequi valet. Quæ enim semel ex tenui, aut crassa, optimæ consistentiæ versa est, incrudiari nescit, ut qui illud Averrois dictum, coctum non posse incrudiari, ad unguem callent, scient. In statu ergo coctionis materiae febrilis febris symptomata in plurimum declinant, & pausant. De hujusmodi ergo temporibus jam loquamur.

Tempora quippe, quæ penes saevitatem symptomatum distinguuntur, etiam duplicitè dividi posse omnes credunt: prout symptomata, quæ febres comitantur à duplice causa originem trahere valent. Aut enim symptomata tantum originantur à febrili calore immodicè spiritus vitales, ac cæteros difflante, multosque fumos in caput pellente, & operationibus consuetis sensibilitè lœdente. Aut non tantum à febrili calore, sed à pugna naturæ contra materiam, quæ febris occasio est. Et prout relata symptomata duplia, ut dixi, sunt, sic tempora penes saevitatem symptomatum duplia necessariò erunt. Omnia tamen in principium, augmentum, statum, & declinationem divisa quatuor recensentur. Principium vocatur, symptomatum initium, augmentum, quando sensibilitè majora sunt: status, cum culmen obtinent: declinatio, cum mitiora sensibilitè symptomata fiunt. Neque in omnibus morbis, hæc quatuor tempora contingunt. Complures enim in initio finiuntur. Alii quandoque cum crescunt. Innumeræ quando declinant. Et in statu

statu omnes qui interimunt. Nulla enim ægrotanti pereundi majora symptomata, durante vita, posunt accidere, quæm quæ illum fungi vita, cogunt. Et si enim in alio homine, qui validiores vires, quæm moriens haberet, morbus plus crescere, quæm in debiliore mortuo, posset: non tamen ob id fatendum in statu morbi ægrotantem illum non obiisse, cùm, ut dixi, in moriente illo augeri plus morbus ille, eo vivente, non valet. Itaque impropriè secundum meam sententiam Galenus, 3. de Crisibus, cap. 9. & posteriores Medici inquiunt, posse contingere: quod in principio, augmento, & inclinante morbo æger pereat. Nam si morbus tunc interficit, sævissimus tunc illis imbecillis viribus est. Ipse enim sæviorem vivendo tollerare non possent. Sed quod hæc quæstio de nomine, & non de re esse videatur, ideo facile in alterutram partem ego, qui meritis veritatibus rerum incumbo, trahar. Nihil enim interest ad ægrorum salutem, an tempus recensitum, declinatio, an status, nominetur. Dixi nempe in principio symptomatum, aut augmento aliquos evadere, non tamen, ut retuli, mori, quod nisi à valida virtute Medico adjuvante, aut eo non interveniente, morbus esset expulsus, ipse augeretur, si talis esset, quod in initio non interimeret, aut consisteret si talis foret, quod ante statum fungi vita ægrotantem non cogeret.

C A P U T XXX.

De medella febrium generica.

LOQUUTURUS de medella febrium in genere, omnibus notifico, quod ego non ut ignavus, & piger desierim scribere ulla capita, quæ ab aliis Authoribus exarantur: sed

quia cassa, & nullius valoris ea, quæ de signis, & medella putridarum febrium prout à diariis, aut hecticis distinguntur, ab antiquis Medicis scribuntur, esse scio. Nam cùm in iis, quæ antecedunt, sufficienter ostensum sit, omnes febres immediate occasionem trahere à fuliginibus, seu vaporibus, vel à redundantia, vel putredine succorum, aut ulla citra putredinem mala affectione eorundem, qua sanguis taliter inficitur, quod ineptus redditur, ut ex eo spiritus vitales fieri queant, vel mediatae ab ulla unitatis solutione, sive in compositione læsione, non erat, ut quid illis antiquorum fictis febrium differentiis innitentes, in diversos scopos Medici ipsas curantes, tenerentur remedia earundem dirige-re, ut antiqui fecerunt, sed unica indicatione curativa in omnibus supposita, putâ causæ ablatione, diversis remediis (prout causa minor, & non nisi per diem nata durare, aut major, & per complures persistere potens) uti oportere præcipiendo, methodos curationum febrium distinguerent, ut nos in his, quæ dicentur, faciemus. Nullam enim aliam indicationem curativam sui febres omnes exhibit quæm, quod peritus Medicus conetur occasionem febris, ut dixi, auferre. Levibus quidem præsidii ejus, quam diarium vocamus, gravioribus illius, quæ plurium dierum appellatur. Habitualium occasio-nem etiam non dissimilibus remediis præteritarum amovere procurantes. Ubi restauratio carnis con-sumptæ, & membrorum radicallum, non exigua cura est habenda. Atque hæc, quæ relata est sententia, sit prior generica methodus curativa febrium.

Secunda sit. Cùm scopus natu-ræ cum febrem per magnas, veloci-

ces,

ces, & frequentes cordis diastoles, ac systoles producit, sit, ut diximus, ad expurgandum sanguinem ab ineptis succis, seu vaporibus sibi comisitis, referando occlusos meatus, & cutis poros, ut difflari succi vitiosi queant, aut manifestè per alios corporis locos excerni. Non est, cur ullus scopus curativus à febre sumi possit, prout à re præternaturali, quæ de sui ablatione indicat: sed eatenus arcenda, ac reprimenda, quatenus immodica est, & vel spiritus, & membra nostra plus justo dissolvens, aut materiam, quæ febris occasio est, per accidens magis ineptam, quam erat, reddit. Ut enim vomitio, & alui excretio contingentes in ægris, nequaquam indicant cohibendas esse, nisi cum vires labefactantur, & morborum medellæ nihil profundunt, aut nocent, sic, & febres.

^{3. Methodus.}

Tertia sit. In febribus exigua, aut nulla cura habenda est, ut ipsa mitior, & minùs ardens fiat, per infrigidantia exterius admota, seu interius sumpta: cum succus, à quo febris pendet, crassus, aut latus est. Nisi verearis præ nimio febris ardore humorem illum adeò indurandum, ut ineptus reddatur evacuationi per halitum, aut per venæ sectionem, sive ventris solutionem, aut aliam quamlibet à corpore excretionem.

^{4. Methodus.}

Quarta sit. Non adeò verendam esse hanc humoris lenti, aut crassi rebellionem in febribus, prout in exterioribus tumoribus à prædictis succis ortum trahentibus. Namque tumores præternaturales succos in porositatibus membrorum radicallium, aut carniformium impactos habent, febres verò intra vasa majorem multò capacitatem habentia: quapropter merito minus in his verenda est humorum induratio, & rebellio, ut dixi, quam

Tom. II.

in tumoribus ægritudinalibus.

Quinta sit. Synceris biliosis succis, & sanguine redundantibus, aut putrescentibus, cura major habenda est, ut febris remittatur, & moderetur, quam pituita, & melan-cholico succo putrescentibus, aut plus quam corpori conveniat superabundantibus: tam quod calidi succi consistentiam tenuorem, & resolutioni paratiorem habent, quam frigidi. Ideoque mitiore calore, ut discutiantur egeant, quam quod per maximam attenuationem: si à corpore per halitum, aut sudorem, vel aliam evacuationem non expellantur, phrenitum, & alios morbos perniciosos facere parati sint. Ac etiam, quod præ immodica tenuitate impingi, & membris adeò includi valebunt, ut posse per pharmaca educi minimè queant. Semper ergo iis, quos dixi, humoribus occasione febris existentibus, quæ corpori admoventur, talia futura sunt, quod bilem, & sanguinem potius temperent, quam excalfaciant.

^{6. Methodus.}

Sexta sit. Febris remissio, quæ in relatis febrentibus procuranda est, non per medicamenta adstringentia interius sumpta, aut exterius admota exequenda ullo in tempore morbi erit, maximè in initio, aut augmento: ne discussioni in vaporem humorum vitiatorum, aut eorundem sensibili per ventrem, aut alias vias excretioni, quæ adstringunt, impedimento sint. Nisi cum aliquod membrum internum adeò laxum fuerit, ut nisi quæ roborant, admoverentur, periculum vitae immineret. Quapropter aberrant insigniter: qui trochifcis, quos pastillos Latini vocant, confectis ex medicamentis adstringentibus in principiis febrium utuntur.

^{7. Methodus.}

Septima methodus sit. Neque

Ee

quam

quàm maxima cura habenda est generis febris, ut ei medearis, si febrium genera per circuitus eaurundem distingeris. Cùm sæpè accidat febres per tertias dies redeuntes à crassioribus succis ortum trahere, quàm quæ per quartas procedunt, & continuas, quàm quæ quotidie affligunt, à plus lentis succis oriri. Reditus enim febriles in tertiiis, aut quartis, aut quotidianis diebus, & si nonnihil conducant ad notionem causæ morbificæ, compluries tamen si iis tantum Medicus innitatur, non sine vitæ ægri periculo aberrabit. Dum enim præsentia condimus, quidam quartanam patiens febrem, in tertianam transisse, vidi: ac post per quartos dies iterum invasisse.

8. Methodus. Octava. Cum præcipiuus scopus in curatione febrium sit ablato materiae, quæ febris occasio est, qua absente, natura cessaret in magnas, frequentes, & veloci systoles, ac diastoles cor atollere, ac deprimere, undè febrilis calor pausaret: totis viribus conatus est Medicus per quævis signa investigare succi, quæ occasio febris est, naturam, non tantum genericam, verum, & specificam. Non enim sufficit Medico, qui rectè febribus medellam exhibere procurat, noscere, quòd pituitosi succi sunt, qui in ægrotante redundant, sed specialius indagare, an pituita hæc sit tenuis, & aquosa, an lenta, & viscida, & an sit insipida, aut acida, seu falsuginosa: quòd harum quævis distinctis præfidiis concowitzur, & expurgatur. Crassos enim, & lentos succos attenuare, & dissecare oportet, & tenues insipfare, acidam pituitam excalefacere, falsuginosam quandoque infigidare. Neque minores differentiae in melancholico succo contingunt, ac etiam in bilioso humore,

& sanguine, quàm quæ in pituita relatæ sunt. Sanguis quippè non uniformis in omnibus, qui febriunt, ob ipsius redundantiam, aut putredinem reperitur. In nonnullis enim crassus, attenuatione indigens: in aliis subtilis, insipilationem poscens. Atque alias differentias habens passim invenitur. Specialique indagatione naturæ humoris, qui febris occasio est, inventa. Et per hanc febris speciem distinguendo, quandam pituitosam à tali specie pituitæ orientem vocabis: aliam atrabilariam, reliquam biliosam, & alteram sanguineam. Et has potissimas febriles differentias esse dices. Continuas autem, & intermitentes in talibus, aut talibus diebus esse, differentias etiam febrium fore, non negabis, sed à quibus non adeò insignes methodi curativæ elici valent, ut à prioribus.

9. Methodus. Nona methodus sit. Delinquunt ergo, qui innixè procurant, genus febris per invasiones distinctum noscere: inquirentes scilicet, an tertiana simplex, aut duplex, an continua, quæ sibi proponitur sit. Et an quartana semper infestans, aut intermittens febris medenda dicitur. Vel si emitriteus, aut quotidiana morbus ille nominetur. Sufficit enim exactè noscere eum humorem, qui caloris febrilis occasio est, reditu febris non neglecto, non tamen adeò diligentè, ut occasio febrilis sciri procurato. Sive enim quotidie semel, aut bis febris audiatur, & imminuat: sive per tertias, aut quartas dies hoc illi contingat, seu aliter eveniat, parum ad curationem conducit, si humoris, qui febris occasio est, natura ignoretur. Prodest enim tantum circuituum febrilium dignatio, ad eligendum horas decentes exhibitioni alimenti ægri, atque reliqua viæ rationi: neque non

ad tempus aptum evacuationibus, & decretorum tempus expectandum, non tamen ad eligenda præsidia, quæ expediunt, ut humor concoquatur, & educatur, in quibus ægri salus præcipue consistit.

Decima methodus sit. Vana est fictio Medicorum, affirmantium ideo febres continuas esse, quod humor, qui occasio febris est, intra venas contineatur, & intermitentes inde ortum trahere, quod humor, à quo ut ab occasione pendent, extra venas situs sit. Nam cùm includi humorem intra venas, aut extra, indifferens sit febrium perseverantiae, & continuitati: quod sæpe contingat, humorem inflammationis inguinis, aut alarum in carne extrinseca impactum occasionem febris continua esse, & humorem modicum, aut facultati expultri ci obedientem intra venas inclusum febris intermittentis, & è diverso humorem aliquem intra venas occasionem febris continua esse, & aliud extra ipsas situm intermittentis: non est, ut quid ex perseverantia, aut intermissione febrium locum humoris variari putemus. Unde minimè quoque à prædictis affectibus indicationes curativæ diversæ sumi ex diversitate locali valebunt, ut ante hac credeatur. Existimantibus Medicis, continuitatem febris indicare, quod sanguis à venis mittendus sit, quia humor intra easdem includatur, & intermissionem, non item. Potius enim continentis esse febres procedit, quod facultas vitalis (quæ humor, ob quem febris concitata à natura fuit) non valuerit illum in totum discutere, ut non amplius rediens, febris diariæ tantum fuerit occasio, aut adeò distanter à sanguine vassorum proximorum cordi sejungere, ut non nisi in secunda, aut tertia, aut quarta die re-

dire ad inficieandum sanguinem fuerit aptus, quam eo, quod intra venas sit inclusus humor, qui febris continentis occasio antecedens, secus conjuncta fuit, ut jam superius exposuimus, & infra explicabimus.

Undecima methodus sit. Si adeò difficultis fuerit dignotio humoris, quem putas redundare, aut putrere in febriente, ut nullo modo certus esse valeas, an pituitosus, an bilius, seu ex aliis quivis fuerit, quod signa ex pulsu, & urina, & reliquis symptomatis ambigua, & non plus unum, quam alterum testantia sint, nequaquam materiam morbi illius educere coneris, donec tibi constet humoris species. Quæ dignotio non diu differri potest, si medium victus rationem non plus calidis succis, quam frigidis convenientem febriens observaverit. Nam si facultas ægrotantis morbum vincere incooperit, ipsa nonnullis accidentibus speciem humoris victi ostendet, at si è contra cesserit, humor ipse vincens palam symptomatis indicabit, qualis speciei sit.

Duodecima methodus. Minimè aberrabis ante morbificæ causæ cognitionem, si sirupum acetosum tempore veris, & æstatis, febrentibus bibendum exhibueris, & oxymellem simplicem autumno, & hysme, temporibus servantibus propriam naturam. Nam uterque, tam succis calidis, quam frigidis adest.

Decimatertia methodus. Falluntur, qui opinantur succos tenues concoctione non egere, ut habiliores ad excretionem fiant, sed solis crassis, aut lentis hoc convenire. Non tantum ideo, quod vitalis vis tenues humores ante concoctionem in principio non excretant, sed ad diem criticam eosdem post coctionem urinarum reservent:

ut Galenus, & Avicena in plurimis locis scripsere verum quod Hippocrat. Aphorismo vigesimo secundo, primi libri, id fultus ratione præceperit. Et Galenus de Symptomatum causis, libro secundo, capitulo quarto, idem docuerit, cum scripsit: [Aquosa namque propter tenuitatem, potius à spiritu thoracis cum vi emissio diffecantur, quam ultrà deferuntur. Glutinosa pertinaciter arteriæ adhærent.] Etiam in libello, quem de totius morbi temporibus composuit, idem explicuerit, cum dixit: [Quin etiam humorum, qui è cerebro per palatum, & nares defluunt, initium quidem est, cum aquei, tenuesque, item copiosi, & acres apparent, extremam etiam hæc cruditatem indicant. Concoctionis notæ jam sunt, crassior, & minus acris, & modicus humor descendens.]

*Non semper
observanda na-
ture normam
in evacua-
tionibus.*

Nec immerito hæc, quæ statim leges, superiùs scripsi verba: [Non tantum quòd natura ante coctionem tenues humores non excernat. Id enim scripsi: quia si solius naturæ operam æmulari in coctione humorum vitiatorum, & evacuatione eorundem observare teneremur, numquam nisi in statu coctionis humores per aluum, aut venæ sectionem, aut aliam viam educeremus, cum ipsa dum viget, & non vi symptomatum aliud facere cogitur, ante id tempus non educat à corpore nocuos succos: ubi manifestè aberraremus. Etiam quòd Medicorum omnium inculpati methodis contrarii id exequendo esse mus. Quòd ipsa ad sanguinem pernares, aut vulvam, seu alium quemvis locum criticè educendum, criticam diem expectet. Nos tamen ex Galeni, & Avicenæ: ac aliorum Græcorum, & Arabum sententia antequam sanguinis concocti in urinis aliquod indicium sit, per ve-

nae sectionem ipsum extrahimus.

Nec ab re, quæ relata sunt, à Medicis naturam non æmulantibus in morborum medella exequuntur. Sanguinem enim vena incisa in morborum principiis educere, nullis coctionis signis præcedentibus jubemus. Et biliosos, & valde tenues succos donec crassiores fiant, non expurgamus. Quod timeamus, ne in membrorum potositatibus inclusi, expultrici humanæ facultati, & attractrici pharmaci non obtemerent. Ut quoque viscidos, crassisque humores membris hærentes, tam nostræ facultati expultrici, quam attractrici pharmaci rebelles quoque futuros suspicentes priùs attenuamus, ac dissecamus, quam expurgemus. At in sanguine, qui humor mediocris consistentiæ est, neque adeò tenuis, ut bilis, neque adeò crassus, ut pituita, aut melancholicus succus, non est, ut quid ejus eductionem immoremur, expectantes ipsius mediocrem consistentiam, quæ in prima die morbi in ipso adest, & prostrat. Si enim natura differt ejusdem expulsione, & non in principio morbi sanguinem hunc excernit, non quia in intermedio tempore ipsum promptiorem expulsioni efficere conetur, retardat. Sed quòd tam ducendo illum, qui vitiatus est, ad osculum vasis, per quod expurgandus erit, & ipsum à puriore fejungendo, immoretur, quam quòd in referando osculum, per quod defluxurus sanguis est, nonnullum tempus absumat. Neque inficiari volo, quòd quandoque dilatio contingat: quia facultas expultrix nostra proritanda à morbifica causa est, priusquam expulsionem molliatur: & cum nedum in principio valde à morbis lacesiri soleat, donec aliqui dies dilabuntur, in quibus humores pertinacius infestantes,

tes, molestiam grandem inferunt, & absumi vitales, & cæteros hominis spiritus deservientes vitæ operationibus cogunt: ideo in initii nimirum, quod adversus morbificas causas non insurgat, & in processu sic. Putare enim in augmenti duratione, & usque ad succorum coctionem acquiri quandam occultam qualitatem in humore, qua obedire naturæ expultrici, promptus fit, (ut Ugo Senensis est opinatus) vanum est, cum causam manifestam à nobis relatam habeamus. Tunc enim ad ignotum principium effectuum devenire compellimur, cum quæ nobis nota sunt, minimè sufficiunt, & non aliter. Negotium ita geri, ut à me dictum est, evenitus ipsi monstrant. Sæpè quippè contingit, cum sanguis, aut alijs humor mediocrem consistentiam habens, & viis, per quas educendus est, adest, in principiis morborum excerni ipsum, ac morbum statim pausare. Quod minimè eventurum erat, si illa oculta Ugonis obedientia acquirenda à principio morbi usque ad statum necessario præcessura evacuationem erat.

14. Methodus.

Decimaquarta methodus. Neque quod redundant sanguine mediocris consistentiae licet in principio morbi eundem: vena secta extrahere, ideo licere opineris, quovis sanguine exuberante, convenire ipsum in initio morbi per venæ sectionem à febriente elicere. Nam contingit saepius, febres occasionem à multo, vel putrefacto sanguine plus justo crasso, aut tenui trahere, quam à mediocris consistentiae. Quod in plurimum ex urinis dignoscitur: ubi si in priori, aut secunda die febris continentis hujusmodi sanguinem eduxisses, manifestè aberrasses, quod prænimia tenuitatem, aut crassitie rebellis extractioni esset, qui post modum in

tertia, ut plurimum die si educeretur, experimento noscimus, prodesse. Suntque, ut dixi, multo plures continentis febres, quæ ab hujusmodi sanguine occasionem trahunt, quam quæ à mediocris consistentiae originantur. Indeque contingit salubrius in vulneribus, præcipi sanguinem in secunda, aut tertia die vulneris illati mitti, quam mox ut vulnus infligitur, quod non omnes, qui unitatis solutionem patiuntur, sanguinem mediocris consistentiae habent, sed complures, aut valde tenuem, seu immodicè crassum, quorum uterque ineptus evacuationi erit, paucò, & optimo mediocris consistentiae per venæ sectionem extracto.

Quippè, vena secta, non educatur sanguinis ab homine, ut puncto utre, vinum ab eodem. Nam in utre immodicè distento, vinum exire compellitur, quod partes utris distenti cupiant distensionem vitare, & sui gravitate deorsum petere, indeque cum ruptio in utre sit, quæ exitus vino patet, utris partes compressæ, vinum exire compellunt. At in nobis viventibus, & non immodicè repletis, venæ distinctæ non sunt, quapropter vena secta, sanguis resilire non deberet, ut in vulneratis contingit: præsertim si ut à vena exiret, sursum versus sanguis movendus esset. Ut cum vulneratur capit is calvaria, aut humerus accidit. Proslit ergo sanguis, seu inimico vulnerante, seu Chirurgo venam secante, quod cum natura viget, comprimat venæ partes, ut vitiosum resilire cogat, & optimum in corpore detineat. Unde accedit brachio dextro inflammatum, & vena sinistri (quod sanguinem inculpatum habeat) secta, viatatum sanguinem educi, optimo contento in venis sinistri brachii, exire à natura, non permisso.

Quid sit in causa, quod calvaria secta sanguis sursum resiliat.

Scio

Scio quōque citra relatam compressionem, quæ à natura in venis ægrorum sectis fit, sanguinem ob alias causas in sanis vulneratis resilire posse: tam quòd vena secta, ipse refrigeretur: & inspissetur, & minorem locum occupet, unde vena coerceri ne vacuum detur, cogatur, & inde resultus sanguinis fiat: quamquid raro fieri valeant vulnera, quin aliquis ex angulis ejus deorsum versus tendat, per quem sanguis, quia gravis, necessario fluxurus est. Ob alias etiam causas exire sanguis à venis in alto corporis sitis, & per quas necessario sursum deferendus potest, quas in præsentiarum examinaare non est decens. Sed his missis, ad ordinem methodorum redeamus.

15. Methodus.

Decimaquinta methodus sit. Cùm varia, imò contraria Hippoc. & Galen. ac Avicenæ præcepta scripta reperiantur, nonnullis quorum cavetur, ne ante concoctam materiam eandem subducamus, quo differre subductionem humorum usque ad statum coctionis eorundem præcipere videntur, & alia in statu quicquam movere interdicant, cogimur: ut sensus verus utrorumque decretorum concipiatur, tempora morborum, ut prius legistis, distinguere, in ea, quæ per sævitatem symptomatum computantur, & alia, quæ ob materiae coctionem, aut cruditatem considerantur. Cùm ergo Authores præcipiunt, decens esse in statu nihil movere, de statu, quem per sævitatem accidentium distinguimus, intelligendum esse, manifestè ratio ipsa docet. Tunc nempè cùm vitalis vis, quam maximè innititur morbi causam vincere, & ipsa morbifica causa, ut cætera omnia entia suum esse asservare cupiens resistit, adversusque naturam vincere ipsam procurantem insurgit, symp-

tomata sæviora, quam in ullo alio morbi tempore in ægris hujusmodi conspiciuntur. Statusque hic symptomatum vocatur. In quo aberrasset, qui ullam humoris evacuacionem moliretur, & aggredi auderet, quod naturam perturbaret, & à pugna illa vitæ tam maximè necessaria cohiberet. Et sic omnes sententiæ, quibus succorum vitiorum extractio à corpore in statu inhibetur, interpretandæ sunt. Ut illæ, quæ jubent crudam, incoctamque materiam non educendam esse, prohibent in principio, & augmento coctionis humoris nocui, ipsum expurgandum non esse, sed in statu coctionis ipsis id est, cùm perfectè coctus est, fore evanandum jubent.

Atque ii, quos retuli, diversi status, quandoque simùl, ac in eadem die, & hora contingunt: nonnunquam in diversis morbi diebus. Non raro quippe antecedit status symptomatum statum coctionis materiae morbi, ut sæpè quoque edito contingit. Neque hæ varietates fortuito eveniunt, sed propriam causam habent. Cùm enim morbi salubris causa à principio usque ad ipsius statum (animadversum penes concoctam materiam) rebellis non coctioni, sed expulsioni durat, ejusque nihil sensibile præterquam sedimentum, aut exiguum exputum excernitur, & proximior tunc cordi, quam in ullo alio tempore morbi noxius succus ac putridior reperitur, tunc uterque status necessariò coabit. Nam simùl materia morbi illius erit ad mediocrem consistentiam redacta, indeque excerni prona, cùm jam victa fiet, ut urinæ monstrabunt, quem statum coctionis appellamus: ac tunc etiam sæviora symptomata necessariò aderunt, quod visceri tam præcipuo, ut est cor, proximior

cau-

causa morbi tunc erit, ex qua magis sanguis vitalis inficietur, quod corruptiorem fore, quam in principio morbi supposuimus, & virtus expultrix cum majore conamento, quam unquam excernere succum nocuum lacesita procurabit, quae pugna status symptomatum nominatur, ut relatum est. Porro concoctio humoris excernendi, nequam adversatur putrefactioni: simili enim augeri coctionem hanc, & putrefactionem accidit. Quia coctio haec non aliud est, quam prædispositio quædam acquisita in noxio humore, ut facilius excerni valeat, ut audistis, cum qua summè putrefactum esse id, quod promptum excretioni est, stare potest. Aliud enim coctionis genus, quod circa alimenta versatur, ubi id, quod coque dicitur, aptum fit in nostram substantiam converti, in totum putredini contrarium est, quod putredo per se, & primò non tendat in ullius entis generationem, sed tantum in corruptionem misti, quod putret. Et si quando per accidens contingat ex putrefactione aliquorum cadaverum, aut stercorum animalia gigni, à putrefactione fieri non intenta, quæ fusse superius scripsi. Neque credat ullus Galenum 3. techn. cùm dixit, coctionem efficere cessare putredinem intellexisse, quod quæ concocta, id est, apta excerni sunt, putredine careant. Nam id falsum esse probatum supereft, & experimenta vera esse, quæ prædiximus, monstrant. In diebus nempè decretoriis contingit per aluum, aut os vel sudorem excerni morbi causam cum eximio fœtore, quo ejusdem putrefactio deprehenditur, & ægrum statim à morbo liberari. Quo etiam in statu coctionis expulsam esse morbi materiam intelligimus, præsertim cùm coctionis sig-

na præcessere. Quod ergo Galenus exprimere voluit, tantum erat, coctione humoris noxii effici, ut putrefactio, quæ serpebat, & exedebat humorē, sublato, sejunctoque ipso in aliquo loco, quod illius vitiatum, & aptum expulsioni erat, in mediocrem consistentiam versum: pauset, cessetque in ultiores partes progredi. Quod Aëtius sermone primo Tetrabibili secundæ cap. 74. explicuit, cùm retulit.

[Quemadmodum igitur dum inanimata corpora putrescent, primum abjicimus ex ipsis, quæ jam putruerunt: deinde reliquum in aëre frigido suspendimus, & perspirationes perfrigerantes molimur. Eodem modo sanabimus in humanis corporibus putrefactionem: quod quidem jam corruptum est, omnimodo evacuantes: reliquum verò gestationibus moderatis, & transpirationibus perfrigerantibus, ad exactam, ac naturalem proportionem reducentes.]

Utque causam explicemus, unde oriatur, quod status concoctionis noxii succi antecedere statum symptomatum contingat, & diversio, ut supra diximus sciendum non in omnibus morbis affervari materiali universam ad unam criticam evacuationem, sed paucissimis hoc convenire. Quis enim in scientia medica exercitatus, non observavit innumeris febrentibus contingere, in imparibus diebus sudores semper invadere, aliis quotidie, quibusdam in diebus indicativis, nonnullis indiversis ab his: in quibus omnibus portio insignior noxiorum succorum per relatos sudores excernetur, ut in aliis per tertianas, aut quotidianas alii subductions, aut sanguineos defluxus, vel à pectore, vel capite excretiones sive per narium mucum,

Quid sit in causa, quod status concoctionis humoris aliquem antecedat statum symptomatum & è contra exprimitur.

ubi

ubi humoris, qui occasio est morbi quandoque potior pars in declinatione computata per sævitatem symptomatum absumentur, paucior relichto ad ullam, vel ullas periodicas sensibiles, vel insensibiles evacuationes, tunc quia declinatio illa cum statu concocti humoris jungetur, si morbus salubris est: in quo eventu status symptomatum statum coctionis humoris præcedet, quòd in tempore, in quo humor concoquebatur, & paulatim exercebatur, sæviora accidentia, quam unquam aparitura erant.

*Quomodo di-
versi status fe-
brium contin-
gat.*

Præcedet tamen status concocti humoris statum penes sævitatem symptomatum: cùm humor, qui morbi occasio est congestus, & ejusdem usque ad diem decretorium tantum insensibilis pars absumpta, longe à corde concoquitur, & expelli extra corpus nequaquam vallet, nisi proximior cordi fiat, ut inde ab eximio ejusdem calore in sudorem, vel halitum versus, excerni possit: qui ante propter defectum tanti caloris, quantum cor habet, minimè poterat. Proximum enim esse cordi humorem noxiū, sævitatem symptomatum concitare, nemo est, qui ignoret. Cùm quòd magis sanguinem cordis ibi inficiet, quàm alibi: tum quòd facultatem vitalem plus proritare vallebit, unde sæviora symptomata provenientia ex pugna naturæ adversus humorem, qui morbi occasio est, resultabunt. Poterit etiam, distante à corde humore concocto, sævitatem symptomatum perfectam coctionem subsequi, quando ex commoto humore excernendo fuligines elevatæ cor, & cerebrum pertentes membra hæc laceſſunt. Immorari exponendo tot diversos eventus, quot contingere his diversis statibus valent, incassum est. Ideò ad methodorum ordinem pro-

sequendum redeo: dum prius dicam, quæ sint à quibus sævitatem symptomatum augeatur. Ex parte ergo causæ morbificæ, ab ipsius multitudine, & ab ejus malitia, & cordi proximitate, & ab harum causarum qualibet. Ut ex parte facultatis æ gri, ab ipsius imbecilitate, & ejusdem conatu ad expellendum morbi materiam, nempe hæc omnia esse solent, ut symptomata, quæ ortum trahunt à pugna naturæ contra causam morbi, majora sint.

Et ne quandam veterum quæſitionem attinentem huic negotio inter Trusianum Monachum Expositorem Artis Parvæ Galeni, & Gentilem Avicenæ Commentatorem, qua inquirunt, in quo morbi tempore ægritudo sit vehementior, an in statu, vel in principio, indiscutam linquam, etiam ipsam prius exponam, quàm ad methodorum ordinem redeam. Hi ergo non quærunt, utrum status, quo ad sævitatem symptomatum, orientem à pugna naturæ contra morbi causam, sit major in morbi salubris initio, an post, cùm morbus perseverat, cùm uterque fateatur, relatam sævitatem symptomatum in plurimum post initium morbi contingere, si initium vocent primum morbi insultum, ut Galen. comment. 12. Aphor. primi libri. Sed duntaxat interrogant: Quando morbi ipsius malitia proveniens tantum à causa morbifica plus vigeat? sive id ex symptomatibus noscatur, seu non. Visumque Trusiano est, in prima die morbi salubris, qui per aliquot duratus est, graviorem morbum, quàm per reliquum aliud tempus necessario futurum. Fulciebatque sententiam hanc ipse, sequente quàm maximè ratione, quòd in omni motu locali, res, quæ mouetur, plus difſet à termino, ad quem

*Exprimitur
veritas cuius-
dam antiqui
queſiti.*

quem in principio, quam in motus prosequutione. Ac cum æger in principio morbi salubris situs, sit velut in principio termini, à quo procedit, & in omnibus aliis morbis temporibus proximior saluti acquirendæ, quæ terminus ad quem dicitur, inde necessario sequi credebat ille, quod in prima die morbi salubris ipse sit vigorosior, & ingentior, & in aliis diebus mitior. Sævitatemque symptomaticum visam in prosecutione morbi non credebat ipse oriri à majore morbi vehementia, sed à natura prioritatem, & movente causam morbi plus tunc quam unquam, & à materia morbi naturæ resistente, & in ipsam reagere nitente, & si minus nocua tunc esset quam prius, quod jam ab ipsa natura paululum correpta foret. Quorum plurima de morbo dicta vera sunt, si morbus ipsa morbi causa nominaretur, & in principio tanta, ac adeò perniciosa foret, ut in temporibus principium sequentibus. At cum res aliter habeat, quod morbus accidens sit, qui ægris inest, ac ille major, aut minor nuncupetur, prout plus, aut minus operationes hominis lædit, & morbi causa, quæ substantia est major sœpè fiat post initium, eo quod portio alia primæ causæ adjungatur, & ideò quod corruptior, quam quam expulsioni promptior. Non est, quid hujus authoris falso decreto fidem adhibeamus, experientibus nobis, multò plus operationes lædi in morbi prosequutione, quam in innitio. Præsertim quod falsæ hypothesi innititur. Non enim, quæ ab aliquo loco proficiscuntur, plus distant à termino ad quem in principio motus, quam in motus prosequutione, si motus est circularis. Musca enim, quæ ab aliquo globi puncto proficiscere-

tur, ut ad eundem peragrato globo, rediret, proximior esset termino ad quem, putà puncto, unde immediatè progrederetur, statim quod progredi incœpisset, quam post cum in opposito puncto globi stetisset. Ad cujus similitudinem æger, qui à salute per morbum salubrem discedit: & in eandem est regressurus, non magis à salute in principio distat, quam post: immò proximior saluti in principio morbi est, quam in statu ejusdem. Ex quo liquet Gentilis sententiam veram esse. De quibus satis dixisse videor.

Decimasexta methodus sit. Quamquam in plurimum oporteat humores noxios à corpore post eorundem coctionem educere, nonnumquam tamen licet incoctos eosdem, vel eorundem portionem ullam etiam extrahere: cum adeò saeva est humoris morbifici malitia, aut tanta ejusdem multitudo, quod si Medicus expectaret ejus coctionem, verosimile esset, vitam ægri prius defuturam, quam humor noxius in totum conqueretur. At quamvis vera hæc methodus sit, labefactari ratione dicenda à quoquam posse, videtur. Nempe si quando multa, aut valdè perniciosa materia morbi est, licet ante concoctam materiam eandem totam, vel ejus ullam partem expurgare, inde sperantes majus ægri emolummentum, quam incommodum (nam alias delirium esset evacuationem moliri) cur in omnibus ægris id non exequimur. Cum in iis qui à pauca, aut benigna causa ægritudine laborant, majus saluti commodum proveniret ob maiorem materię promptitudinem, quam in illis, in quibus licere dicunt. Porro huic objectioni responderi non poterit. Ideò sic præceptum, quod ubi morbi causa, nec multa,

nec valdè noxia est , & si insignior saluti ægri utilitas ab evacuatione sequatur , quām in reliquo morbo pendente à turgente materia , tam en ideò evacuationem interdici , quod adhuc magis proficia eva- cuatio , expectata perfecta humo- ris coctione , esse poterat , quam ante : indeque cum sine ægri noxa differri evacuationis tempus valeat , differre salubrius putent , præcōcemque , ac immaturam materiam ex- trahere vetent . Certè hanc evasio- nem parum prodesse , vel ex hoc iutelligitur , quòd ad incocti hu- moris noxii vacuationem mille in- commoda subsequi scriplerit Galenus , cæterique Authores , qui Aphorismum Hippocrat. primæ sectionis , præcipientis concocta medicari oportere , & movere , non cruda , exponunt . Inquiunt enim primo ad incoctorum succorum è vasis eductionem , sequi ipsorum cum inculpatis commitionem , quòd coctione à bonis succis se- juncti non sint . Etiam secundò sa- norum succorum eductionem ne- cessariò commitari , immaturam evacuationem referunt , undè vires labefactantur . Certè cum vi phar- maci præ nimia crasitie , aut glu- tinositate frigidorum humorum , aut immodica tenuitate calidorum edu- ci neutri valeant , qui utiles sunt , & quibus vires foventur , extra- hantur : indeque ipse dejiciuntur . Ac tertio eorundem vitiatorum majo- rem malitiam ob incocti extractio- nem acquiri referunt : quia ab eo quod lentore , & crasitie rebelle eductioni erat , si immaturè portio ulla vacuatur , tenuior pars extra- hitur . Undè residuum magis rebelle eductioni restat : & ab illo , quod immodica tenuitate attractici fa- cultati medicamenti non obtempe- rat . Si aliquid extrahitur , crassior pars , quæ promptior evacuationi

erat , educitur . Reliquumque ma- gis rebelle ob exiguum tenuitatem superest . Et plura alia incommoda referunt , quæ si vera esse ut scri- bunt , putant , nescio qua ratione fulti , incoctum humorem educi permittant , quamvis ipse turget , & turgere humorem , ut exponit Galen. in supradicti Aphorismi ex- positione sit , per corpus discurre- re , & transfluere , & de una parte in aliam transgredi . Nam hæc om- nia incoctis existentibus relatis suc- cis , qui turgent , plus per pharma- cum augerentur , quām repreme- rentur , ut incommoda , quæ suprà nunc legiftis docent . Et quamquam verum sit , quòd responsio supe- rius collata sufficientè probet mi- nus nocivam futuram vacuationem , quæ fit in morbis salubribus , incoc- tis existentibus ejusdem humorib- us , quām in illis , qui à materia turgente pendent . Non tamen per illam sufficientè objectio solvitur , sed solum , ut nos scribimus .

Ego certè non contemnendam objectionem hanc existimo , sed tantum apud me valere fateor , ut numquam audeam in principio morbi incoctos succos vi phar- maci fortis extrahere : nisi tunc , cùm omnis spes vitæ aliter quām per va- sorum evacuationem adempta sit . Ac cum Galen. sequente Thucydi- dis consilium decimo medendi me- thodi , cap. x. consentio . Inquit enim Thucydides , ut Galen. refert : [Agentes aliquid , vel periclitari expedire . Quibus enim alia salutis ratio non est , & quæ unica vide- tur , ea dubia est , necessum arbitratur esse , adversos periculis ire .] Argumentisque , quibus oppositum probari ex incommidis , quæ na- turæ ex relata eva- cuatione inferun- tur , credunt , respondeo , naturam nostram non adeò merè naturaliter operari , ut lapis deorsum tendens , aut

aut ignis sursum ascendens, sed ipsam vitaliter agere: & cum vitali facultati quandoque contingat efficiere oppositum ejus, quod frequentissime operatur, ob ignotas nobis causas, consultius agere eum puto, qui de salute ægri nullam spem si vacuationem non exerceat, habens, eam molitur, quam illum, qui ægrum nulla evacuatione experta deserit. Nempè accidere, et si raro potest, quod ægri expultrix facultas adeò imbecilla sit, ut nihil concocatum humoris morbifici excernere valeat, quæ tamen adjuta à vi fortis pharmaci illum à bono sejungere, & partes crassas cum tenuibus, & tenues cum crassis, ut decet, comiscere possit. Porro eventum hunc non vulgarem esse, sed paucis, ut dixi, contingere, ideo existimamus, quod facultas, quæ adeò ad noxia excernendum imbecilla est, ut nullum sedimentum in urinis expellat, neque earundem colorem in meliorem, & consistentiam in mediocrem mutat, sed tam perniciofa omnia excrementsa, ut in initio erant, durare patitur, quo incoctum esse succum deprehendimus, non videtur à pharmaco devorato adjumentum aliquod suscepturna. Quod et si ad canales, per quos expurgandus est humor noxius, medicamentum illum trahat, id non sine noxa illata vitali facultati efficiat, unde infirma, debilisque ægrotantis facultas, adeò infirmior, debiliorque særissimè redidit, ut non multum post deglutitum medicamentum succumbat, Medicumque ab omnibus vituperari, & infamari, ut qui phar-maco ægrum interemerit, efficiat, Quapropter qui cautus est Medicus, numquam medicamentum eadie exhibebit, qua, vel sequente veretur ægrum moriturum, nisi, ut dixi, cum nulla alia sit via, qua mors

vitari possit. Ac tunc prædicendo palam omnibus, qui ægri curam habent, & in domibus ægrorum, quos inuisit, obiter colocationem interferendo se velle medicamentum exhibere, aut venam incendi jubere, ut quod certò sciat, ægrum aliter non posse, sine miraculo evadere, cavendo propinquis, quod non credant, si mors vacuationem occupaverit, à pharmaco, vel venæ incisione mortem provenisse: sed à vi morbi à se præcognita. Neque ob id quis putet, per me lice-re, eos ægrotantes vacuare, qui diu est, quod ægrotaverint, & morti proximos esse conjectare possumus. Nam hos, quod in die, qua morituri sunt, vacuat, indignus est Medicus vocari, ego enim tantum de illis sum loquutus, qui à vehe-mentibus, & acutissimis morbis cor-ripiuntur.

Supersunt tamen de negotio hoc duo dubia non contemnenda, quæ solvere oportet. Alterum est, si sufficienter coctos noxios succos salubrissit facultati expultrici ægri, ut eos excernat, committere, an a Medico pharmaco educi. Aliud, si cum in die decretoria natura concoctum humorem non eduxerit, licet Medico in eadem die eundem pharmaco expurgare. Nam hoc præceptum ab Avicena prima quarti, capite de Medella febrium in genere. Videtur, cum dixit: [Si natura non moverit, move tu hora motus ejus.]

Primum quæsumus, Galenum ab solvisse, putabit quispiam, relictis plurimis locis, in quibus idem quod in præsens adducemus, expressè retulit in commento Aphorism. duodecimi, primi libri, cum scripsit, quod signa concoctionis semper sunt bona, ut quæ morbi solutionem haud ita multò post futuram ostendant. Et infra in eodem

*Proponuntur
duo dubia;*

*Solvuntur du-
bia.*

commento cum non solum ex sua sententia. Sed Hippocrat. in primo libro Epidemiarum referat : [Cocciones iudicationis celeritatem , salutisque securitatem significare.] In quibus ambobus locis exprestè inquit , quòd si cocta sit morbi materia , non multò post sit ex corpore à facultate expultrici excernenda , aliter enim solutio morbi , & ægri salus contingere nequibunt. Quo suadere videtur , ne Medici audeant eandem à corpore medicamentis , aut aliter educere. Delirium enim videtur , si certus sit Medicus post coctam materiam à natura excernendam , conari medicamentis illam educere. Rationeque ejusdem in de Crisibus libro idem decretum comprobatur. Si enim natura morbi causam incoctam vincere , & ejus nonnullam portionem per urinas , aut sputa , vel alui dejectiones , cùm coquere incipit , educere vallet , quo intelligetur concoctionem inceptam esse , rationi conforme erit , materiam hanc jam in totum coctam , expulsionique promptam à natura sine pharmaci adjumento vincendam , & à corpore educendam. Si enim difficilis sit , ergo facilius , per locum illum , si id , quod minus videtur inesse , inest : ergo id , quod magis. At his dictis primo Hippocr. ipse adversatur in Aphorism. illo 22. primi libri , cùm præcepit concocta medicari oportere , id est , pharmaco purgare. Ut idem Galenus in primis verbis expositionis Aphorismi illius refert. Etiam expositor Galenus sententiam eandem , tām in commento relato , quām in alijs innumeris locis extollit , atque eximiè laudat. Rationeque suaderi hoc placitum valet. Nempè cum agentia quando agunt , quasi perpetuò repatiantur , contingere sāpē poterit , adeò imbecillam reddi vitalem vim con-

coetricem noxiōrum succorum ex resistentia , & reactione eorundem , & tantam copiam spirituum consumi , ut pro exercendo opere expultrici facultatis adeò exigui resistent , quòd ad excernendum humorem noxiūm minimè valeant , ac tunc egere pharmacum à Medico exhiberi , quo juvari ipsa possit , quis ambigere potest ? Hanc ergo sententiam sequi Medicis consulo : nisi tunc cum morbus valde salubris sit , & vacuationem futuram signis sufficientibus nuntiatam speraverint. Nam , & si tunc Medicus decipiatur , & humor à natura ut suspicabatur , non vacuetur , nullum periculum ægrotanti ex mora proveniet , poteritque transacta die decretoria Medicus pharmacum exhibere , & ægri corpus expurgare. Et si ut speravit cesserit , ægrotanti non parum contulerit , eo quòd perfectiores esse soleant vacuationes naturales , ac eum minori ægrotantium noxa , quām artificiosæ : Medicusque ipse honoratior prædicendo crisim , quæ post succedit , evadet , quām pharmacum devorandam exhibendo. Verum si æger in vitæ discrimine situs sit , multò consultius secum (prout est mea sententia) agetur , non differendo vacuationem , quām si eam differimus. Fortassis enim noxiū fucci , qui expurgari ob virium debilitatem nequeunt , ægrum interficiunt , qui à pharmaco , aut venæ sectione , & expultrici facultate simul educi possent. Ac hoc ego semper exerceo. Sententiasque Hippocrat. & Galen. quæ opositum præcipere apparent , exponimus , non negando quòd qui forent pares antiquis , & adeò peritissimi in prænoscendo ut illi , qui ex nonnullis ægrorum signis indubie sciverunt genus crisis , ac horam , ut docent icripta codicūm Galeni , si vera sunt omnia , quæ

refert: quod mihi si non falsum, sat-
tis suspectum est. Consultius egis-
sent, si crisi p̄ædicendo vacua-
tionem sperarent, quām coctam
materiam medicamentis, aut aliter
vacuando. At quōd nostris tempo-
ribus nullus adeò exactus Medicus
invenitur, qualem se Galenus p̄æ-
dicat: ideo fecurius, quod Hippo-
crates p̄æcepit, de vacuandis con-
coctis, exequi jubemus, quām pri-
mum. Neque credat aliquis senten-
tias Galeni, & Hippocrat. sibi con-
trarias esse, cūm solvendum mor-
bum in tali die decretoria si talia
signa p̄æcesserint, referant. ut. 71.
quarti Aphorismorum. [Quibus
septima judicatur, iis nubeculam
habet quarta die urina rubeam, &
alia ex ratione.] Et in locis aliis: &
cūm concocta medicari convenire
p̄æcipiant. Nam primum decre-
tum cūm indubitatis signis linquen-
dum naturæ vacuationem consulit:
secundum, cūm ambigua signa sunt,
& Medicus incertus de futura bona
crisi fuerit loquatur.

*Quedam Ga-
leni increpatio
diluitur.*

Et quia ex sententiis Galeni in
Commento duodecimo Aphorismi
primi libri, quod notatum dignum
erat, adduximus, ac explicuimus,
æquum erit ex eodem commento
si quid, quod taxari ab aliquo pos-
sit, inveniatur, etiam in medium
proponere, ac qualiter explicari
melius valeat, exprimere, ut Ga-
lenum ab injusta labe vindicemus,
ut eundem, cūm dignum est re-
prehensione, carpimus. Dixit quip-
pè ipse in relato commento. [Uri-
na autem optima est, quando sedi-
mentum album, lene, & æquale
fuerit per omne tempus, donec
morbus terminetur. Significat enim
salutis securitatem.] Ubi irrideri à
nonnullis posset, quod dixerit, si
duraverit sedimen per omne tem-
pus, donec morbus terminetur, sig-
nificare salutis securitatem. Nam-

que nullum signum adeò pernicio-
sum est, quod salubre vocari non
valeat, si addideris recensita ver-
ba. [Si perseverat donec morbus fi-
niatur.] Finge enim in aliquo ægro
coire signa illa omnia, quæ perni-
cioſa esse in prognosticis retulit
Hippocrates: nonnè verè de illis
dici non poterit, ipsa salubria esse,
si verbum illud addimus, si perse-
veraverint donec morbus termine-
tur, ac finiatur? Certè sic. Iis enim
continget salubria esse, si perseve-
rant donec morbus absit. Quare
quamvis multa sint, quæ responde-
ri huic objectioni valent. Unum,
quōd non semper cūm morbus fini-
tur æger evadit, tam quōd morte
infirmi finiri ægritudinem dicimus,
quia mortui ægri minimè dicuntur,
quām quōd fæpissimè morbi tran-
ſeundo in alios deteriores paſtent,
ideoque addiderit cum illis condi-
tionibus morbum in salutem termi-
nari, ut sine illis in mortem finiri
prænuntiet, aut morbum priorem
in aliud transire. Aliud, quōd ad-
dita sint verba recensita ad experi-
mendum morbi illius, in quo con-
tingunt, certam, ac indubitatum,
& sine timore recidivæ salutem. Ut
si semel apparuisset album sedimentum,
& posteà minimè, posse mor-
bum finiri, sed cum spe redeundi,
p̄æfertim si in die pari crasis facta
fuisset. Iis tamen responsionibus,
ac aliis, quæ exhiberi in p̄ætentia-
rum possent non contemptis, sed
missis, ut quæ Authoris mentem
non adeò fortassis explicit, pro-
ut referenda, inquimus, quōd
illa verba non addita sint à Galeno,
ut conditionalia, quæ tantum va-
leant, ut si dixisset, urina optima
est, quando sedimentum album, le-
ne, & quale fuerit, dummodò illud
duret per omne tempus, donec
morbus ad salutem terminetur.
Nam tunc meritò exibilandus foret

Ga-

Galenus, quod etiam per hunc modum laudari possent alba oculorum apparentia in ægris dormientibus, & suspiria eorundem, & villorum evulsio, & deliria, quin omnis sensus privatio: nam si hæc perdurarent, donec æger evaderet, laudanda, & non vituperanda, ut ab Hippocrate in prognosticis vituperantur, forent. Sed quod apposita sint verba, quæ explicamus, ut quædam magis exprimentia naturam optimæ urinæ, quam semper necessariò comitantur. Ut si quis dixisset, optimus excreatus in pleuritide est, qui faciliter, & cum leví tussi à principio cum flavitie albedini valde commista excernitur, aibus, lenis, æqualis post apparens: talis usque ad pleuritidis expurgationem perdurans, id est, qui natus est perdurare usque ad pleuritidis mundificationem. Namque ad hanc normam relata Galeni verba, puta, donec morbus terminetur, intelliguntur. Eritque sensus illorum verborum Galeni. Si perseverat, donec morbus finitur urina, quæ durare semper assuevit cum præcedentibus salubribus signis, donec æger in totum à morbo evadit, saluberrima est. Satis hæc pro primo dubio sunt, alias enim, si Deus concederit, fortassis plus de hoc scribemus.

Solvitur dubium secundum.

Secundum dubium, quod examinandum suscepimus, erat, an cum natura in die decretoria morbi causam à corpore non eduxerit, oporteat in eadem die illam extrahere. Efficit enim in præsenti negotio difficultatem maximam. Primo, quod si tota dies decretoria speranda est, ut Medico constet, crism ab ægri natura in illa die non aggrediendam, quod optimæ crises potius in fine diei criticæ, quam in principio accident, non videtur, qualiter in die judicatoria licere

possit vacuatio: expectatis enim vintiquatuor horis diei judicatorii, quod supereft, decretorium non est, usque ad alteram diem judicalem: ac si illa quoque tota expectanda est, donec certi simus, quod natura non movet, & excernit morbificam causam: neque educere noxiū succum in ea, neque in alia sequenti propter eandem rationem Medicus poterit. Etiam secundò difficile hoc quæsum redit, quia jam quod ex signis præcedentibus certior Medicus fiat crisis non venturæ, si fortassis deciperetur, & in die judicatoria vacuasset, incommodum ingens ægrotanti inferret, ut Galenus de decretriis diebus libro secundo cap. 11. referebat, distinguens ea, quæ crism futuram impedire possunt, in errores ab ægrotante commissos, & alios, qui à Medicis patrari queunt. De his ultimis sic loquendo. [Nisi quis Medicus introgressus ad ægrum, deinde succingens se vel cataplasma imposuerit, vel perfuderit, vel clisterion indiderit, vel venam inciderit, vel cucurbitulas adjungerit, vel confricuerit, vel nutriverit, aut hujusmodi aliud factiaverit, & alias nihil ab ipso gestum esse artificiosum putaverit.]

Quo scilicet crism alias venturam prohibuerit. Et infrà de hoc ipso Medico loquendo retulit. [Tantum enim hic à justa naturæ ministri appellatione abest, ut etiam maximè contrarium nomen ipsi magis conveniat: inimico videlicet & naturæ ipsius, & ægrotantium hosti jure appellato.] Sit ergo quæsum hujus solutio Galeni decretum in commento vigesimo primi libri Aphorismorum, ubi sic retulit. [Neque enim si quid paulò ante sit judicatum, hoc novari non debet: sed si perfectè, si integrè, si plenè, tunc verum est, quod dicitur. Si quid

quid verò deficiat, id quod deficit, oportet adjungere, nam quæ post iudicationem relinquuntur, faciunt recidivas.] Quo in loco manifestè docet, quando oporteat in die decretoria, ac post vacuare: tunc scilicet, cum natura incipit in illa die morbi occasionem à corpore pellere, & id prosequi non valet. Ac ut expressius, & pro opere exercendo hæc Galeni sententia fusius explanetur, sciendum nos, ut mox dicemus, eam fuisse exequutos. Quippè cùm in die quarta, aut septima, vel undecima, seu decimaquarta, aut alia iudicatoria defluxum sanguinis è naribus, aut alio loco, vel sudorem incipere noscimus, & minimè à natura prosequi, & non à sanguinis tenuitate, aut effervescentia, seu plurima aquositate, sed à multitudine, aut malitia effluxisse sanguinem, aut manasse sudorem suspicamur, & vires ægri validas esse conjectamus, naturamque impotentem ad ulteriore sanguinis excretionem intelligimus: & si semel, aut bis sanguinem ab illo ægro miserimus, si imminentे periculum vitæ sentimus statim venam in decretoria illa die iterum secari, jubemus. Et tantum sanguinis extrahimus, quantum tolerare posse ægrum conjicimus, maximè si urinas rubras esse videmus. Namque in sanguinis è naribus defluxibus albæ in plurimum apparere solent, quòd sanguis ad superna sit raptus, undè cum rubras adhuc persistere nosco, pro comperto habeo sanguinem mitti expedire. Nec timeo, quòd si expultrix facultas prosequi defluxum sanguinis, aut sudorem velit, per nostrum opus impediatur, aut immodicè alterum illorum augeatur. Quia sanguinis missio ab arte facta, opus naturæ resarcit, eamque à sanguine illo, quem vena secta extraximus, le-

vat. Quo natura minimè impedita dici potest, immò quòd idem sit assequuta, quod pro scopo habebat. Augerique immodicè defluxum sanguinis è naribus per venæ sectionem, impossibile quoque, ut diximus, est: nam hoc præsidio immodicum sanguinis cursum auferre præcipimus. Verumtamen si per aluum humorem noxiū à natura insufficientè vacuari in die decretoria video, ventremque bis, aut ter pauxillum humoris rejicere, nequaquam pharmacum in illa die exhibeo. Veritus ne fortè natura ipsa in fine diei sit rejectura per aluum, quod supereft causæ morbi, ac vi pharmaci illud, & etiam quod asservari, quia utile expediebat, expurgetur. Transacta tamen decretoria die, nisi virium imbecillitas, aut quid aliud impeditat, aluum subduco, Hippocratem vi gesimo primo primi libri Aphorismorum sequendo, qui sic dixit: [Quæ ducere oportet, quo maximè natura vergit, per loca conseruentia eo ducere convenit.] Sufficientè de his pro præsentī loco dixisse existimo, dum Avicenæ sententiam superius ductam moderer, quæ movere humorem in illa die, in qua à natura esset movendus præcipit, exponendo illam de sanguine mittendo, non tamen de ventre solvendo. Ad ordinem ergo methodorum prosequendum redeundo, decimamseptimam methodum exaremus.

Sitque 17. methodus. Prohibui-
mus in morborum initiis morbi
materiam forti pharmaco vacuari,
at illam per præsentem methodum
medicamento, quod leniat, subducere non prohibemus. Quin in
omni acuto febrili morbo ab humo-
re bilioso, aut sanguine occasio-
nem trahente aluum expurgare in
secunda, aut tertia morbi die (si
alius

alius lubrica non sit) jubemus. Per Casiam, quam fistularem vocare juniores solent, aut per prunorum Damascenorum decoctum, seu tamarindorum macerationem, sive per hæc omnia simul in debitis ponderibus commista: dummodo morbus non à materia pestilente, qualis est bubonum pestiferorum, aut variolarum, & morbillorum ortum trahat, nam tunc quamlibet citra clisteria ventris vacuationem veremur. Diximus in acutis morbis febrilibus ortum trahentibus ab biliosis, vel sanguineis succis methodum observandam, ut vitemus Apoplexiā, & Catochum, ac resolutionem nervorum orientia à pituita, & intra triduum, aut quatriduum interficiant, ubi Casia fistularis, prunorum, & tamarindorum usus præ nimia sua humiditate non conveniret. Etiam explicuimus, quod ubi materia morbi pestifera, ut diximus, est, non sit Casia, neque medicamentis lenientibus vacuanda, quod experti sumus in illis pestiferis morbis innumeros ægros sæpè cum ventris fluxu mori, quod in aliis pestilentibus febribus non contingit. Clisteribus etiam frequenter in iis pestiferis morbis uti non audemus, nisi in tertii diebus, in aliis tamen febrientibus quām maximè quotidie conferre testamur.

18. Methodus.

Decimaoctava methodus sit. Quod oporteat interpretari sententiam Hippocratis, 24. Aphorismo, primi libri præcedentem. [In acutis passionibus raro, & in principiis purgantibus uti, & cum præmeditatione faciendum.] Ut principium ibi nominasse totum tempus, quod est ad statum usque exclusivè intelligatur. Alias enim si ab augmento principium distingueret, expressisset dicendo, in principio vacuare oportere, in

augmento tamen, & in statu minime. Quod non fecit, immò oppositum, 29. Aphorism. secundi libri retulit, sic scribendo: [Cum morbi inchoant, si quid movendum videtur, move: cum verò consistunt, ac vigent, melius est quiescere.] Etiam principium, de quo Hippocrat. illic loquitur, illud, quod penes accidentium sævitatem recensetur, nominasse intelligendum est. Nam de principio quoad coctionem materiae loqui non valuit, cùm in illo cohibuerit materiam vacuari, præcipiendo concocta medicari oportere, & movere non cruda, id est, quæ in principio coctionis sunt. Qua de re fini Aphorismi addidit, cum præmeditatione vacuandum humorem in principio scilicet, cùm sævitas, & status symptomatum non adsint, & concocta materia, aut turgens infestaverit.

Decimanona methodus. Adeò 19. Methodus. observandum est præceptum illud Hippocratis vigefimo Aphorismo primi libri, jubens fore ducenda, quæ nocent per loca conferentia, quo maximè natura vergit, quod si nauseantem febrentem viderit Medicus, statim potionem ex oxymellite, & oleo amygdalarum dulcium, & fœniculi, & anesi decocto, ubi melancholicus succus, aut pituita tantum redundat, aut bili est admista, bibendam parum calidam ægro est datus. At si bilis dumtaxat exuperat, multo exuberante etiam sanguine, aut non. Ex hordei, & violarum coctione, & syrupo acetoso potionem tepidam exhibebit. Verumtamen si rigore, aut frigore corriperetur qui nauseam pateretur febriens, aut in initio febris esset constitutus, & vereatur Medicus potionem non esse ab ægro movendam, aut ejus insignem partem in ventriculo mansuram, nequaquam priorem potio-

tionem pituitosis , aut iis , qui notham bilem habent , dabit , ne obstruētio in aliquo viscere ex intempestiva potionē illis oboriatur , quamquām enim aperiendi vim illa potionē habeat , in principio febris nocet. At si rigor , & frigus præcessissent , & febris jam constiteret , appetitusque vomendi perdurasset , potionem relatam non interdicendam moneo. Alteram verò , quæ exquisitam tertianam patientibus danda est , tām cum frigent , & rigent , quām cum febrire incipiunt , & posteā cum valenter febriunt : exhibere salubriter , præsertim vere , & æstate hortor , quōd illis temporibus , & bile syncera exuberante , non est cur obstruktiones jecoris , aut lienis timere possimus. Et de cætero certi sumus , quōd sive Medicus potionē assequatur , quod optat , vomitionem scilicet , seu non , potio deglutita prodesse , citra ullam offenditam valebit. Ex quo facilè elicetur , vomitionem à natura patientium continentēs febres tentatam , & non perfectam in quovis morbi tempore sine timore per secundam ex recensitis potionibus esse adjuvandam. In præsens continentēs nomino eas febres , quæ incessanter sine ullo frigore , aut rigore afflidunt. Omnia quæ retuli , facienda præcipio , dum vires tolerare vacuationem conjecto , & ex vomitione non dirumpendum aliquod internum , sanguinis vas , aut in caput pellendum biliosum , aut sanguineum humorem securus sum: nam aliter vomitio violenta , & non expontē facta per quām nociva est , ideo in febribus vitanda. Ex hac methodo etiam elicetur , prudentē agere Medicos , qui ægrotantes febribus intermittentibus , & siti per quām molesta cūm frigent , & rigent vexatos , jam quōd coac-

ti , bibere febientes permettere debent ; alteram ex recensitis potionibus concedunt : quoniam si in ventre potio permanerit , & non vomatur , mitiorem noxam febrienti inferat , quām aqua quantumvis decocta : etiam quōd ingratus potionis sapor ab aqua abhorrere febrientem faciet.

Vigesima methodus. Non pa-
rum somnus nocet , cūm rigor , aut
horror , seu frigus corripiunt ægrotantem , aut febris principium ad-
est , quin parum minus , quām aquæ
frigidæ intempestivus potus obs-
tructiones , & febris durationem
auget. In me ipso porrò sum exper-
tus , cum in vigesimotertio meæ æ-
tatis anno febre tertiana notha cor-
riperer , nullis medicamentis post
quadragesimum diem potuisse à
febre liber evadere (quōd statim
cum frigore corripiebar , vehemen-
ti opprimebar somno) quām som-
num satis ægrè , & molestè deambulatione , & confabulationibus vi-
tando. Non enim nisi tribus sum
correptus posteā tertianis , quod
memoria consequar. Neque facili-
tè decerni poterit , an plus , seu
minus inclinante febre , & in statu
somnus juvet , quām in principio
noceat. Quippè adeò insignis utili-
tas , ex somno , cūm febris inclina-
re incipit , & fermè par cūm ipsa
viget febrientibus conciliatur , ut
difficilè , ut dixi , sit , distinguere
inter hujus commodum , & initii
incommodum. Neque contrarios
hos effectus à somno in diversis ho-
ris febris invadente provenire abs-
que ratione existimetis. Nocet cer-
tè in principio somnus quōd cum
tunc , ut superiùs de rigoris causis
scribentes diximus , succus multus ,
aut vitiatus , inficiat venæ , & arte-
riæ magnæ per dorsum repentium
sanguinem , ex quo spiritus vitales
erant procreandi , & hunc succum-

natura nostra ab extremis corporis partibus spiritus , ac spirituofum sanguinem ad cor , ut vigorosius fiat , retrahendo , conatur discutere , & in vaporem vertere , vel à relatis vasis magnis , & cordi proximis per aluum , vel alias meatus patulos , aut occultos excernere , vel in alias venas per ambitum corporis sparsas , & minus cordi proximas segregare , somnus immodicè retrahendo calorem spirituofum , & sanguinem optimum , & constipando interna vasa multis succis , & innumeros spiritus suffocatione extinguedo , malum auget. Ac cum ad relatam expansionem quam maximè vigilia conducat , quòd ipsa humores , & spiritus ad corporis exteriora propellat. Cum jam consistente , aut inclinante febre in totum est humor noxius propè cutim expansus , & ab immodico calore febrili spirituum insignior pars discussa , prodest. Quòd per somnum viribus restitutis , multisque novis spiritibus genitis , atque in eas exteriores partes , ubi humoris tenuior pars rejecta est , expansis , ipse succus noxius per cutis poros in formam sudoris , aut vaporis à corpore pellitur.

C A P U T X X X I .

De medella minus quām praecedens generica febrium plurium dierum.

Prima methodus. Quām maxime prodesse febrientibus clisterium frequens usus , nemo ratione particeps ignorare potest. Si enim calorem febrilem natura commentata est efficere , tantum ut humor morbificus per intestina , aut urinarios meatus , aut alias vias sensibiles , vel insensibiles apertiores vi caloris factas expurgaretur , fæcum à ventre eductionem in hunc usum conferre , notissimum erit:

tam quòd intestina pervia ipsis clisteri , vel aliter extra corpus pulsis redduntur , quām quòd minor vaporum copia in ambitum totius diffundetur , quo facilior exitus reliquis à succis noxiis elevatis , patet. Cum etiam quòd ventriculus ad cibi appetitionem , quæ in febrientibus dejici sàpè solet , fæcibus extractis concitatatur. Caput quoque à dolore hoc præsidio liberari solet , causis , quæ ipsum offendebant , inferius revulsis. Porro pro prima die invasionis febris , in qua ex alimentis tempore sanitatis devoratis multæ fæces in ventre redundare solent , uti soleo clisteri communi confecto ex betæ , & malvae , & furfurum uncias vi. decocto , olei communis , ac minoris adstrictionis quām reperiri queat unciiis iii. mellis apum unciiis ii. hieræ picræ Galen. unciae semisse salis communis gra. x. At in sequentibus diebus si sanguinem , aut bilem præcipue supercrescere existimo , decocatum ex hordeo , & violis , & malvis , ac prunis , quas damascenas nominant , conficio. Cui adjungo olei violati uncias ii. & rosati unciam i. Casiae , quam fistularem nominamus uncias ii. sachari non valde expurgati , unciam i. ovorum lutea duo in decocto parum calido ne coquuntur , & instrumenti fistulam obturent dissoluta. Huncque manè submittere jubeo. Et per duas , aut tres horas ante prandendi tempus , si æger tolerare valet , detineri consulo , ac parum ante prandium excerni. Quandoque etiam noctu injici præcipio , & dormire , eo in ventre detento consulo. Solet enim somnum conciliare hujusmodi clister , vaporibus ejus humoris noxiis mordacibus commixtis , indeque suavioribus versis. Neque ullam in valde acutis febribus diem intermitto , in qua id fieri non jubeam,

beam, nisi in his, qui molestè id ferunt, aut quibus aliis satis lubrica, quotidie semel, aut bis faciem fluidam, & minimè induratam expurgantibus, est. Veruntamen si opinor pituitam, aut melancholiam esse, quæ plus supercrescit, & febre continua, sive tertiana spuria, aut quartana, seu quotidiana infestat, clismum primæ diei non vario, at in reliquis diebus ex malva, & glyciriza, & cartami (quem cnicum dicimus) semine decoctum conficere præcipio. Et succi caulinorum, & foliorum betæ uncias ii. olei ex semine lini, & irini singulorum uncia i. ac mellis communis uncias ii. & salis gran.xii. decocto misceo. Neque hoc sumpto dormire, neque tandi in ventre detineri, sicut qui relatus est, consulo: quin post horæ spatium statim excerni, salubre esse judico. Minimè quoque quotidie hic submittendus est clister, sed in intermittentibus febribus in die, in qua non infestat febris: in continuis in hora ubi febris plus inclinata est.

2. Methodus. Secunda methodus. Neque apertio urinarii meatus: postquam aliis est soluta, contemnenda est, imò levibus præsidiis in principio procuranda, ne si validis uti tunc velimus, crassos succos ad meatus adeò arctos, prout qua defertur urina, sunt, pelleremus, quo cipientes referare, obstrueremus. Supercrecente ergo bile, aut sanguine, quatuor semina frigida majora per noctem in aqua fontana mace-rabis, manèque lento igni, in eadem aqua semel bullire eadem facies, sachari sufficiente quantitate apposita, ex qua collata uncias iiiii. ad bibendum sine ullo syrupo dabis: aut si ullum bibi jusseris, ex eo uncias ii. & ex hac aqua tantundem manè propinabis. Verùm si pituita, aut alias crassus, aut latus suc-

cus reddundat, syrupum acetosum duarum radicum, vel oximelitem ex eisdem radicibus cum decocto feminis apii, & foeniculi deglutienda in relatum usum conferes.

Tertia methodus. Post recensitas fæcum, & urinæ expurgationes, nonnulli Medici credidere, quàm maximè porodesse prorum cutis cum oleo camemellino, & vino albo apertione, quam procurari totis viribus. Citra tamen oleum, & vinum, suadeo, ubi bilis syncera, aut tenuis sanguis exuperat, ne oleum, & vinum inflammari apta, ipsam tenuem bilem, aut sanguinem, tenuiora reddant, & sensibili excretioni plus rebellia efficiant. At tunc frictione molli matutinis horis relatam laxitatem pororum studiosè procurari, summè laudo: hoc enim facilior vaporum noxiorum exitus redditur, qui naturæ scopus gignendo febrem est. Cùm tamen craffi succi abundant, inconvenire nihil crediderim, relatis liquoribus madido linteo corpus confricare: dum tamen illis aquæ nihil sit admistum, quòd hæc statim ad nativam frigiditatem se reducet, qua occludi cutis meatus poterunt.

4. Methodus. Quàm maximè febrentibus conductit, quascumque vacuationes Medicus molliatur, easdem in horis intermissionis febris (si febris intermisit) aut si continens, & semper infestans fuerit, tunc cùm minus ipsa viget, exercere. Cumque in plurimum febris in matutinis diei horis mitiores, quàm in reliquo tempore diei esse soleant, in illa hora sanguinis missionem, aut expurgans per aluum, aut vesicam pharmacum propinare consulo. At verò si forte accidisset, quòd febris intermissione post solis ortum usque ad meridiem, vel duas, aut tres horas an-

3. Methodus.

te durasset: & quòd tunc febris invaseret, minimè in tali die pharmacum subducens exhibere cum dies cit jubeo, & si sanguinem parum post solis ortum educi in hoc eventu permitto. Si enim medicamentum tunc devoraretur, cùm in plurimum vis excernendæ alui usque ad meridiem perduraret, rigor, & frigus febris, quæ in relata hora ex supposito invasura erant, necessariò purgantem occuparent, & prandendi congruum tempus nullum concederent, quòd diluculi priores horæ indecentes ad prandendum forent, quia naturam à purgatione cohíberent, & posteriores proximiores meridiei plus multo inutiliores, quòd non liceat, cùm rigor, aut frigus corripit, & per tres horas ante comedere ægratantem, ob incommoda, quæ se qui, suprà retulimus: inque hujusmodi eventu, nullum aliud tempus magis promptum ad devorandum expurgans aluum medicamentum esse reor, quām quòd conticinium vocant: ab illo enim usque ad meridiem decem ferme horæ intercedentis restant, in quibus solvere aluum, & prandere tribus horis ante meridiem licebit.

5. Methodus.

Quinta methodus. In febribus per tertias noctes, aut per consimiles vespertinas horas invadentibus, & ante diluculum discedentibus, expurgans pharmacum in mane sequente noctem, in qua febri fuerit correptus æger, bibendum non est, quòd ex febre vires imbecillæ reliæ, purgationem non adeò concinnè moderabuntur, ut ægro convenit. In die tamen sequenti aptè propinari, summo mane poterit, quòd tempus congruum purgandi, & prandendi usque ad dici novissimum (cùm ex hypothesi febris invasura est) supererit. Parem huic observantes methodum in quarta-

nis febribus, aluum in secunda die intermissionis expurgamus.

Sexta methodus. Cùm medicamentum dupli ratione validum appellari queat, vel quòd in magno pondere devoratum plurimum aluum purget, in mediocri tamen minimè neque crassos, ac lentos succos expurgare valeat, aut quòd etiam in mediocri sumptum immodicè ventrem subducat, & crassos, ac lentos succos expurget: debile dupliciter opposito modo etiam nominabitur. Quandoque ergo forte ex natura, & debile ob paucum pondus febrientibus exhibere expedit, alias contra. Cùm enim qui febri, continere devoratum medicamentum nequit, sed statim ut sumit, ipsum vomitione dejicit, debile forte medicamentum bibendum non est, sed forte debile exhibendum, ne ob immodicam quantitatem à ventriculo rejiciatur. Voco debile forte medicamentum illud, quod ex natura sua debile est, in magna tamen quantitate exhibetur: ut quod ex natura forte est, in pauca tamen propinatur quantitate, forte debile nomino. Ob aliam quoque rationem fortè debile medicinam exhibemus, cùm scilicet adeò abhorret infirmus à medicamentis, quòd nisi eorum exigua quantitas propinetur, aliter sumere recusat. Exhibemus tamen debile forte pharmacum ægris promptis medicamenta deglutire.

Neque parum interest dignoscere differentiam, quæ inter primum, & postremum pharmacum versatur. Anterior enim non sine suspitione ne forte à ventre non soluto detentum, sui immoda caliditate (talia enim sunt omnia, quæ in mediocri quantitate vim expurgandi magnam habent) & venenosa qualitate male afficiat febrientem, devoratur: at secundum hac cura

6. Methodus.

Me-

Medicos vendicat. Et si enim quantumvis plurimum Casiae fistularis, aut mannae, seu violarum, aut prunorum, vel Rhabarbari, quis summat, & intra ventrem non expurgatum contineat, nullum, aut insensibile incommodum ab his suscipiet. Cum ergo forti debili medicina deglutita aluus non solvit, clisterem, quo educatur, injicies. Aut si vomendi appetitus adeat, potionem proritante vomitum, excerni curabis. Verum si debilem fortem medicinam æger sumpserit, etiam & si aluus non redatur, & clisteris curam nullam Medicus habeat, nihil est, quod vereri possit.

7. *Methodus.*

Septima methodus. Adeò prudens futurus est Medicus, quod et si conjiciat, plurimum noxiū humorem quantumvis concoctum in febrentem redundare, nequaquam singula vacuatione id educere est aggressurus: quod eventus docuerint, naturam nostram nunquam sine vita discrimine celerem multorum succorum vacuationem exercuisse, indeque cæcæ arti minus permittendum doctè suadetur. Idque præfertim in alui expurgationibus, ubi non est in Medici potestate, cum animi deliquio corripitur æger, ventrem solutum confessim detinere. Moderatus est ergo artificiosus Medicus medicamenti expurgantibus vim, & collaturus quantitatē noxiū succi, quem in una die educere licet, atque tantum & non majorem vim duntaxat bibendam exhibitus est. Neque ignoro non parum difficile hoc esse, cum sciam satis verè Galenum dixisse de curandi ratione per sanguinis missionem libro. [Nihil aquæ artem medicam in agendo conjecturalem effecisse, ut cuiusque remedii quantitas.]

8. *Methodus.* Octava methodus. Humorum noxiiorum concoctorum per aluum,

aut vomitum eductio, à Medico fieri oblita, in quovis posteriore tempore morbi aptè, si ægrotantis vires tolerare queunt, exequi vallet, dum aluus immodecè lubrica jam non sit, & in horis, quas decentes esse suprà diximus, exerceatur. At sanguinis missio, quæ in principio morbi sæpè conduceret, cum differtur, & si vires ægrotantis vigeant, quandoque postea obesse experimur: quod post longam sanguinis putredinem, non est adeò aptum per venæ incisionem vacuari, quod ex diurna illa putredine supereft, ut prius: extrahiturque sanguis innoxius, quo vires fovebantur, imbecillæque febrentis facultas concoctrix, & expultrix redunduntur: unde cum sæpe æger expurgatione illius humoris, qui ex sanguine putrido restavit, indiget, Medicus pharmacum exhibere non audet. Neque semper ita accidere novimus. Contingit nempè non raro sanguinis putrefactionem adeò pigrè repere, ut etiam post multos dies ab initio febris liceat ipsum cum ingenti ægri commodo, vena secta, educere. Neque ad cognoscendum utrum expediat sanguinem in febrente mitti, an non, exiguum testimonium ab urina sumitur. Quippè cum ipsa rubea, & spissa, aut duntaxat rubea perseverat, cum ægrotantis virtute valida, & ætate non infantili, sed quæ jam est assequuta sextum, aut ulteriore annum, neque senili, sed quæ citra sexagesimum quintum sita est, decere sanguinis missionem fieri, nullus cordatus Medicus ambigit. Avicena enim capite de flegbotomia 4. primi dicebat licere mittere sanguinem post quadragesimam diem ab initio morbi, vel saltim intra relatum tempus: quod ego sæpiissime sum expertus est: in intermittentibus febribus à notha bile ori-

gi-

ginantibus utilissimam quandoque esse sanguinis missionem factam post viginti, ac triginta, & quandoque post quadraginta dies à morbi initio, in continuis non adeò utili-
lem esse, tam seram venæ incisio-
nem, causamque non obscuram
eventus hi habent: nam in conti-
nuis diu assatus propter febris assi-
duitatem sanguis plus crasitie, quām
putredine male affectus, parum jam
habilis educi phlegbotomia est: ap-
tiorque pharmaco à feculentia illa
expurgari supereft: vires quoque
imbecilliores in hujusmodi ægris,
quām in aliis febribus sunt, quæ
tollerare venæ incisionem ne-
queunt: his incommodis in vexatis
intermittentibus febribus cessanti-
bus, quin sæpissimè plus in iis ju-
vante serotina sanguinis missione,
quām quæ in initio fit, quod tunc
bilis notha, plus cocta sit, & ad
mediocrem consistentiam, quām in
principio jam reducta, unde abi-
litor vacuari per venæ incisionem,
quām in morbi initio evadit. Por-
rò Galenus 19. cap. lib. de curandi
ratione per sanguinis missionem so-
lum vigesimam diem præscripsisse
videtur, cùm dixit. [Quocumque
enim die mittendi sanguinis scopos
in laborante inveneris, in eo auxi-
lium illud adhibito, etiam si vel vi-
gesimus is ab initio extiterit.] At,
ut dixi, eventus jam me, quæ præ-
dixi, docuerunt.

p. Methodus.

Nona methodus. Verūm quod
etiam contingat redundante san-
guine vitiato, urinas minimè ru-
bras, sed parum à naturali colore
dissimiles conspici, quod fortassis
in arctis vasis ipse putreat, à quibus
nihil, quod urinæ commisceatur,
refudat, aut quia versus cutim (in
morbillo, & variolis) vel in caput
in aliis morbis reputat, indeque in
inferiorem regionem, & in alto
corporis rēnum, & vesicæ sitam

non descendat, non semper pro
sanguine mittendo urinas rubras
expertus Medicus poscere debet.
Ex aliis enim signis, puta, magno
pulsu, invenili ætate, verno tem-
pore, aut initio æstatis, corporis
gravitate, dorsi dolore, Thoracis
constrictione, tussi sicca, syncipi-
tis gravitate, amborum temporum
dolore pulsatili, ac aliis signis colli-
gi nonnunquam potest, convenire
sanguinem à febriente mitti.

Decima methodus. Adversa Ga-
leni decreto in de curandi ratione
per sanguinis missionem, & 11. lib.
methodi medendi cap. 14. qui lac-
tantur infantuli, cùm febriunt, ante
quartum decimum mensem ut
plurimum scarificandi non sunt,
post autem sic: imò transacto quar-
to anno phlegbotomari queunt. In
ætate enim antecedente quartum
decimum mensem carnem adeò la-
xam, & veluti muscosam habent,
ut potius pituitosum quid ex cru-
rum, aut brachiorum scarificato-
rum carnis cuti proximis extra-
hatur, quām humor immodicè len-
tus, qui occasio est febris, in alto
corporis situm habens, & qui per
exigua, & parum ampla vasa, ut
infantulorum sunt, minimè ad cu-
tim deferri poterit. Quippè audiendus
in hoc negotio Galenus non
est, qui locis citatis vetuerit san-
guinem ante quartum decimum an-
num mittendum non esse: nam ra-
tionem, cui innitur, nullius mo-
menti esse, quicumque eam lege-
rit, facile intelliget, dicebat enim
ipse 14. methodi medendi lib. [At
si in puerum incidat, qui 14. an-
num hactenus non attigit, mitti
illi sanguis, non debebit, propte-
reà quod tantillis, cum præsertim
calidi, ac humidi sint: plurium cor-
poris substantiæ quotidiè defluat,
ac digeratur. Ita quod ex inciden-
da vena moliendum nobis fuerat,

id

id ultro nobis excurati corporis natura præstatur.] Opinatus ut verba citata dicere videntur. Ideò ante 14. annum sanguinem non esse mittendum à pueris, quod calidi, & humidi sint, & facilius quam cæteri homines in halitum discuti queant, qua difflatione sufficienter sanguinem redundantem, aut viciatum vacuari existimat: non animadvertis. Primo quod eadem ratione, neque eorundem alui subducendæ pharmacis erant. Non minus enim bilis utraque, & pituita discutiuntur plus in his, quam in aliis ætatibus, quam sanguis. Ergo ut quia sanguis multus in relata ætate liberalius, quam in aliis exhalat, quamvis abundet, sive quo ad vasa, seu quo ad vires, non est extrahendus, consimili ratione neque pituita, aut ulla bilis. Quod numquam ipse, neque ullus experitus, aut imperitis Medicis prohibuit, neque eventibus comprobatur. Quin oppositum. Delirium nempè esset credere solum sanguinem quartum humorem distinctum ab aliis tribus plus discuti in puerili ætate ante 14. annum, quam in aliis, & alios humores eandem normam non servare. Scientibus Medicis, in venis omnes simul vagari, quia omnibus membra nutriuntur, caloremque humanum æqualiter in omnes necessario agere, quod simul commisti sint. Unde necessario quoque omnes simul absumentur, alia etiam ratione immò per asserta à seipso convinci Galenus ipse valet. Testatur quippè pueros ante quartumdecimum annum calidæ, & humidæ temperaturæ esse, ut verum est, modo cum sanguis ejusdem temperiei sit, calidus enim, & humidus ab eodem, & cæteris Physicis, & Medicis esse creditur. Potius indicatione à sola ætate sumpta, nullis aliis incom-

modis consideratis, liberalius ipsæ in relata ætate educendus esset, quam in aliis, quod plus respectu molis corporis illius ætatis redundare in eisdem deberet, quam in sequentibus. Quia proportionalis illi, calidus scilicet, & humidus fuisset. Tertiò quod inconveniat nihil, quod ipse quam maximè inconvenire putat, resolvi plus hos quam aliorum ætatum homines. Nam si dumtaxat resolverentur plus aliis, & plus eisdem non restaurarentur. Verosimilia dixisse appareret, verum cum oppositum accidat. Multo plus restituit in his, quam dissolutum sit, aliter enim non crescerent. Nihil obstare debet, ut sanguis non mitteretur ab his, hos aptiores ut discuterentur aliis esse. Facultas certè concoctrix horum ex pituita crudo succo plus sanguinis conficere, quam discussum sit, valet. Quando in morbis ab extra alimentum non exhibetur. Quibus, & complurimis aliis rationibus manifestè Galeni error comprehenditur.

Neque ex relatis eliciat ullus, per me licere, tot, ac adeò copiosas sanguinis missiones fieri posse post quartum annum, ut post decimumquartum nam id numquam asserui, neque rationi consonum mihi visum fuit. Tam quod venæ eorum, qui in quarto anno sunt constituti, graciles sunt paucum sanguinem continent, à quibus pautior sanguis extrahi debet, quam ab aliis 14. annum transeuntibus, qui plurimum habent. Quam quod facilis spiritus vitales, & animales, ac naturales parvolorum ab aëre continente infrigidatione extingui, aut calefactione discuti poterunt, quam pubescentium. Certè flamma maiore ex plurimis lignis ustis conflata. Melius in aëre frigido, aut calido conservari poterit, quam exigu,

*Moderatur
decreatum de
sanguine mit-
tendo à pue-
ris.*

gua, & ex lignis paucis facta. Quam normam quatuor annorum infantes, cum quatuordecim annorum servant. Ex paucō nempē sanguine parvolorum pauci spiritus sunt, ut ex multo majorum multi, ex utrisque tamen sanguis viciatus, aut quantitate exuperans, cum morbum ginit, extrahendus à nostra præcepta servantibus est. Quippe, & si nos confitemur aptiores esse spiritus parvolorum extingui frigiditate, aut discuti calore, quam pubescentium. Non ob id idem quod Galenus in citatis locis scripsit, referimus. Nam ipse veruit sanguinem mitti ante quatuordecimum annum, quod crediderit, non minus in his sufficere resolutionem sanguinis, quæ sit à natura, quam in majoribus sanguinis missionem præceptam ab arte. In quo, ut probavimus, deceptus fuit. Nos autem non id confitemur, sed spirituosam substantiam esse promptam discuti. At quod ex Abenzohare passim à Medicis fertur sentia quædam, qua se jaçtat à proprio filio tertium agente annum sanguinem suo jussu missum fuisse, & puerum evasisse, quo adeò audaces redati sunt nonnulli Medici, & venarum sectores, ut dum hæc condimus, quidam venarum sector, jubente quodam Medico scarificare crura pueri, ausus sit, venam illius scindere, matre reclamante, ac dicente: quod id Medicus non præcepisset, & postridiè puer fuerit mortuus, & ipse venæ sector à Prætore in carcere detentus, & nescio qua pena multatus: ob hæc ergo explicare placuit, non à me aprobari Abenzoharis sententiam citatam, si in omnibus esse exercendam eum intellegisse putarem. At quod manifestè noscam. Illum voluisse in puerō carnoſo, ampliarum venarum. Rubusto, exequendam,

ideò cum ipso consentiens, fateor nonnumquam, & si raro, illud licere: & à me præceptum quando fuisse, foeliciterque celsisse.

Undecima methodus. Si scarificare oportuerit, priusquam scarificationem aggrediatur Medicus, si fieri potest, nutrix commutanda erit, fortassis enim à vitiato lacte mōrbus originem traxit: quod si fieri nequeat. Quia nullius alterius mamillas fugere infans velit, aut ob aliam rationem, & febris perseveraverit, lac primæ nutricis, si commutata non fuit, vel secundæ (si scarificatione egens infans, scarificatus sanus non evasit) alternandum medicinis aluum lenientibus est, præmissa syrporum concoquentium exhibitione, & decenti victus ratione, afficitur quidem, & alteratur nutricis lac, si casiam fistularem, aut mannam, aut syrupum rosarum alexandrinarum septem infusionum manè nutrix sumat, & parum post devoratum pharmacum infans lactatur.

Duodecima methodus. Cum relato lacte succo, neque spontæ infantis aluus sufficienter solvit, potio, quam referam cocleari bibenda infanti per intervalla, si febris continua, aut exquisita tertiana fuerit, datur. Potio hujusmodi est. Syrupi violacei, & duarum radicum, singulorum unciam unam, & semis: misce cum uncis duabus mucilaginum seminis psilii, extractarum in aqua fœniculi. Venter quoque, tam horum, quam illorum, qui à notabili febriunt, lubricus reddendus est unguentis compositis ex aperientibus, qualia sunt, apii, & fœniculi succus, & consimilia, & mollientibus, ut Casiae fistularis pulpa: & butyro, umbilico, & inferiori ventre his omnibus appositis, ac aluus eorum qui proximi vigesimo mensi sunt, sol-

yen-

venda potione ex unciæ semissis agaricito chiscati, & tantumdem rhabarbari macerati, erit, quæ vigorosior, & mitior fieri poterit, prout Medico videatur.

13. Methodus.

Decimatertia methodus. Maximè cavendum est, ne infantes febris intermitentibus laborantes, per duas horas antequam frigus corripiat, lactentur, aut dormiant. Neque dum frigent, aut febris initium adest, quamquam intra quinque horarum intervallum jejuni fistibus nutrices infestent: fletus enim plus calefaciendo juvat, quam nocet. Est enim adeò insigne incommodum, quod ex lacte intempestivè sueto infantibus infertur, ut nullum majus. Ii enim paratissimi incidere obstrunctiones jecoris, & lienis sunt, tam ob hoc, quod arcta vasa habeant, quam ob lentitudinem succorum propriorum, & lac, quo præcipue aluntur, à quibus, cum in eas incident, difficulter resurgunt, quia voracissimi, & somniculosi sint, neque aliter exerceri, quam gestationibus queant, indigentibus qui obstrunctionibus laborant, parcè lacte, & somno uti, deambulationibusque multis easdem dissolvere. Quamobrem sèpè observavi frequentius in vita discriumen incidisse infantes, qui ab intermitentibus febris capiuntur, quam qui à continentibus, quod hæ ob continuum febrilem calorem obstrunctiones fieri, referando quouscumque meatus vetant, aliis properter intermissiones, hac vi non concessa.

14. Methodus.

Decimaquarta methodus. Solet quandoque febri adjungi regius morbus, qui ex obstrukione illorum vasorum, per quæ bilis in folliculo felleo contenta, ad intestina defertur, contingit, ut in suo loco docebitur. Atque cum obstructio hujusmodi à pituita lenta, vel alio

Tom. II.

crasso succo in plurimum fiat, temerè verentur nonnulli antiquorum, quæ referant, (cùm calida sæpè sint) his febrentibus exhibere. Nam quæ talia sunt, ut apii, & fœniculi radix, aut semen, & alia consimilis facultatis, sine noxa iis conferuntur. Non enim relata adeò immodica caliditate sunt prædicta, ut suspicari queat Medicus febrem per horum deglutionem immoderatè augendam. Quin & si lenta febris foret, ipsam paululum augmentando, non parum ad referandam obstructionem, & etiam ad cæteros succos, qui febris occasio sunt, discutiendum, quæ diximus, devorata prodeßent. Eadem methodus observanda est, si febriens colico dolore oriente à pituita, vel flatuoso succo infestaretur, aut ipse alio morbo frigido ægrotaret.

Decimaquinta methodus. Neque & si valde calida medicamenta, quæ vim subductricem haberent, bibenda exhibuisset, in relatis eventibus aberrasses. Qui enim calor conciliari febrenti ex horum potionе posset, non diu durare valeret, quod pharmacum simul cum humore, quem sua vi trahit, ab ægrotante per vomitum, aut aluum excernetur. Et quamquam calor auctus diutius perdurasset, minimè verendus eset: rarissimè enim accedit febientes putridis, quas vocabant, febris ob spiritus à calore immodico febrili difflatos perire, nisi ab infecto sanguine ab humoribus immodicis, aut corruptis, ineptoque reddito spirituum vitalium materia esse. Nempe non aliter in his spiritus vitales à sanguine infecto gigni prohibentur, quam flamma lucernæ, cuius oleo plurimum terræ, aut aquæ, aut alicuius rei ineptæ inflammari commiseretur, gigni cohibetur.

Decimasexta methodus. Con-

Hh

tem-

15. Methodus.

temnenda tamen minimè erunt non nulla symptomata, quæ febrentem in interitum perducere possint: qualia, dolor capitis, aut ventriculi, aut animi deliquium, vel alia sunt. Sed medella febris neglecta, si horum & febris curatio simul fieri nequeunt, curanda sunt. Parum enim inconvenit, febrim per horum curationem augeri, dummodo sanguis, ex quo vitales spiritus gignendi sunt, per symptomatum medellam potius expurgatur, quam vitiatur.

17. Methodus.

Decimaseptima methodus. Non parum à vera methodo curativa discedunt, qui aloë tantum pro solvenda alio in febribus pituitosis utuntur. Nam cùm huic vis expurgandi bilem, & adstrictoria insita sit, ut Dioscorides lib. 3. cap. 22. docuit, impingendo aloës parietibus vasorum continentium crassos succos eosdem, & ventrem post purgationem adstrictam linquendo: reliquum noxiū humorem ulteriori vacuationi inhabilem reddit, & bilēm tantum ducendo, pituita vacuationi magis rebellis permanebit. Quapropter merito Galenus sexto de tuenda valetudine dicebat. [Nam si pituitosus succus à capite infrigidum à natura ventrem decurrat, facile his succurritur, si manè aliquid simplicis medicamenti sumpserit, quod diastrion piperon dicitur. Sed & piper solum ad exactum contritum levorem aquæ mistum bibere his licet. Ad quem usum melius, stomachoque aptius album piper est. Porro absinthii potio his est adversissima, ut quæ pituitosum succum ipsorum ventri affigat, cùm detergendi vim non habeat, quæ adeò sit aestimanda. Sed neque aloë valde his conducit, cùm ei biliosi trahendi humoris facultas sit.] Neque audiendus est in hoc Avicena, qui

fortè errore interpretis cap. septimo tractatus secundi de medella febrium putridarum in genere dixit. [Et fortassis est necessarium administrare ea, quæ sunt, sicut aloës quando materia est crassa, & melius quidem est, ut abluatur, & nutriatur cum aqua endiviæ.] Quibus verbis, tam Galeni decreto, quam nostro inepte contrariatur, nisi, ut dixi, desit negatio ibi, ubi legitur, materia est crassa, & legendum esset, quando materia non est crassa. Neque aliena hæc correptio à mente Avicenæ esse videtur, quod statim consulat cum aqua intibi aloëm lavari, quam minimè convenire crassis, sed biliosis succis Avicena sciebat.

CAPUT XXXII.

De ratione victus observanda à febrentibus.

Prima methodus. Inter omnes, qui nos præcesserunt Medicos, nullum naturam febris exactius intellegisse, per ea, quæ in monumentis suis ipsi scripta reliquerunt, conjecto, quam venerandus senex Hippocrates, qui aphorismo decimosexto primi libri retulit, humidam dietam omnibus febrentibus convenire, & præsertim pueris, his verbis indubie exprimendo, ea, quæ humectant & laxos, ac dilatatos canales corporis humani efficiunt, convenire febrentibus: humili enim est cedere, & dilatationem libenter pati: quod idem per febrem à natura fieri procuratur, ut nos retrò docuimus. Nam si ipse opinatus: ea, quæ Galenus, ac cæteri fuisse, febrilem calorem, rem præternaturalem productum à putridis succis esse, quæ de sui ablutione indicet, potius dicturus erat, frigidum victum omnibus febrentibus competere, quam humidum.

Quia

Quia in omnium humorum putridorum febribus calor redundet, & in paucis siccitas supercrescat. Qui enim à sanguinis, vel pituitæ putredine febre ægrotant, potius humiditate immodica laborant, quam siccitate. Non ergo ex æstatibus puerilem expressit, nisi quod in his magis arctæ viæ sint, quam in aliis, & caro eorum difflari promptior, quibus incommodis salubriter per victum humidum occurritur, humiditate laxioribus viis versis, & eadem naturali temperie discuti à febrili calore prohibita. Hippocrati enim semper cordi fuit, naturalem temperiem custodire, & consuetudinem non despicere. Ideoque in fine aphorismi apposuit. [Et aliis, qui tali victu uti consueverant.] Sit ergo hujus primæ methodi curativæ compendium hoc, quod puerorum, & eorum, qui victu humido ali consueverunt, cùm febriunt, victus etiam humidus plusquam aliorum sit. Non enim audeo ego absolutè hanc sententiam, ut universaliter veram expонere, ceu Galenus fecit, asserendo per eam præcipi ab Hippocrate simpliciter humidis alimentis utendum esse in pueris febrentibus, & aliis ægris assuetis humido victu refici, quod innumera, quæ inconveniunt passim occurtere video: in pueris scilicet obstructionem patientibus, vel ex lensorum, & crassorum succorum redundantia, aut putredine febrentibus, & in aliis victu humido utentibus, & non dissimili, genere febris, quam pueri laborantibus, sic cùm victum ex aperientibus, & dissecantibus confectum competere, & hoc ipsos benè habere, & humido in interitum ire. Sed prudenter moderando Hippocratis sententiam dicere in relatis febrentibus perpetuò convenire, non simpliciter humili-

da, sed minus sicca, quam in aliis, quæ non indecenter humida nominantur.

Secunda methodus. Nisi insigne aliquod incommodum excerni facies à ventre vetuerit, semper procuranda est alui expurgatio ante accessionem febrilem in febribus intermittentibus, aut febrile augmentum continuarum. Vapor enim exhalans à fæcibus, vi immodici caloris, febris in stomachum thoracem, & caput delatus, non contemnendum nocumentum infert, appetitusque dejectionem efficit, quod febrentibus non parum nocet. Neque in relato initio, aut augmentatione febris, & tribus horis antecedentibus cibus, aut potus concedendus ægrotanti est, quin quoad fieri possit procurandum, ut tunc nihil alimenti crudi in stomacho contineatur: alimentum enim, quod in tempore per hanc methodum vetito conceditur, cùm febris supervenit, vitiatur, sanguinemque suis vaporibus inficit, quo cor compellitur velociter, & frequenter se ipsum diutius dilatare, ac constringere, undè calor febribus, ut supra dictum est, cordi, & spiritibus, ac toti corpori asificatur, & febris protrahitur.

Tertia methodus. Opportuna hora cibandi febrentem, qui ab intermittente febre corripitur, cùm jam febrire desinit, est. At cùm sæpè contingat, febrem adeò protrahi, ut ægrotantes si per omne illud tempus jejuni perdurassent, in animi deliquium, aut aliud magnum incommodum incidissent, consultè agit, qui cum febris viget (si principium, & augmentum quinque horas supergressa sunt) cucurbitam cum sacharo conditam, ut his temporibus in officinis vendi sollet, & damascenos prunos, & mali punici dulcis, & acidi grana in

aqua macerata anisi semine super asperso , ne suo flatu noceant, ac consimilia devoranda febrenti confert : quo febrentis vires restituuntur , & expectare horam intermissionis ipse potest , in qua juscum aliquod , ex pullacea, aut gallinacea carne , & caro ipsa elixata exhiberi, si liceat, valeant. Verum si per tam prolixum tempus febris intermittens perdurasset , ut viginti & quatuor horas attingeret, aut has supergrederetur , vel si febris ex semper infestantibus fuissest, cibus erit offerendus febrenti , cum febris inclinat. Tunc nempè magis opportunè alimentum omnibus conceditur, cum concoctrix facultas expeditior ad coquendum illud fuerit , & natura ipsa minus occupata excernendo causam morbificam est , at cum in intermissione , & febris inclinatione hæc utraque contingent , meritò in horis relatis Medici præcipimus febrentes atere.

4. Methodus.

Quarta methodus. Et si vera sint , quæ retulimus , quandoque cogimur. Victum ægrotantibus in febrium initii exhibere , si cum rigere, vel frigescere incipiunt, syncopi corripiuntur. At cum ex antecedentibus eventibus certè scivissimus animi deliquium in febris initio superventurum , parum antequam rigor , aut frigus corripuerit febrentem , salubriter alimentum aliquod concederemus illi, quobilem deferri in stomachum ad prioritandam syncopim prohiberemus. Eo enim adeò sœvum symptomam, quale illud est , adventare sœpè prohibetur. Non urgente tamen ulla necessitate , si in initio accessionis intermittentis febris, aut principio exacerbationis continuaè alimentum febrenti concedimus, plusquam in ullo alio morbi tempore aberramus. Quamquam op-

positum , puta plus in statu obesse docuisse Avicenam capite supra citato sciamus. Nam ut somnus non raro consistente febre juvat , quia per eum vires labefactatæ restituuntur , & in initio sœpissime nocet : sic quoque alimento contingit. Et si enim vereamur (quod an verum , an falsum sit in medella febrium ortum trahentium à notha bili discutietur) quod à pugna adversus morbificum humorum natura per cibum sumptum tunc distrahetur , non adeò insigne damnum hoc esse existimamus quale illud , quod ex assumptione cibi in initio rigoris , aut frigoris, seu febris contingit. Obstructiones scilicet ingentes , tām jecoris , quām lienis à relata refectione incocto alimento in viscera illa tracto , sœpissimè fieri , facultate concoctrice tunc noxiū humorē coquere non potente , neque diffilare idem immodico febrili calore , ut in statu valente : quia cutis pori adstricti eo tempore sint , febre adhuc non aucta , nempè , & si in commoda paria essent : commodum illud de restituendis ægrotantis viribus impar existet , quod in initio dejectæ vires non sint , velut in statu , quapropter rectè præceptum , ut diximus , est.

Quinta methodus. Artificiosa divisione victus in omnino vetitum alimentum, quod est , jejunum febrentem per omne febris tempus durare , & in victum sibi sano similem , & in medium inter hos , certè est. Neque minùs etiam docta à me judicatur gradatio alimenti , reffrens post primum tenuissimum victimum , cum nihil propinatur , sequentia esse , lentium , aut alterius consimilis leguminis , vel hordei juscum , vel olus aliquod , quale lactuca , aut beta cocta , ac post hos pullaceæ carnis jus , & hæc inter ea ,

5. Methodus.

quæ

quæ pauxillum nutriunt recensere. Crassiusque alimentum his fore ptisanam sic conditam, ut Galenus primo libro de Alimentorum facultatibus, cap. de Hordeo: & in libro de Ptisana scripsit, etiam in dubitatum habeo. Conficitur enim, ut prædictus Author in locis citatis retulit in hunc modum: [Primùm hordeum crūdum in aqua macerato, deindè manibus adeò terito, ut tenuis membrana conspiciatur. Post hæc iterum manibus eatenus scilicet valenter conterito, ut quodque glutinosum excutiatur. Atqui si cui est animo hanc plus absterni vam efficere, satius fuerit eam cum membrana decoquere. Fit autem elixatio hoc modo, ut scilicet hordeum primò diu coquatur: mox ad mollem quoque ignem: donec multum succulentum reddatur. Sic sanguine elixata quicquid inerat flatuum deponit, atque cuncta nanciscitur commoda, quæ attestatus est Hippocrat.] Sed jam carnem gallinæ, & perdicis juvenis, & alia avium genera his similia, proxima alimento sanorum esse, nemo inficiari potest: verum his divisionibus alimentorum in aliud locum missis, quod in præsentiarum docere cupio, est, nostra tempestate victum febrentibus absque inflammatione, minimè adeò tenuem exhibendum prout antiquorum methodi docuerre. Quis enim nunc relatis febrentibus concedet pro præcipuo alimento ptisanæ tantum succum, & aquam mulsum, acetumque multum simplicissimum, & apomeli Græcis vocatum, ex aqua tantum, & melle compositum, ut Galenus de Sanitate tuenda, libro quarto, docuit, & alia non majorem nutriendi vim relatis habentia: veluti omnes fermè Græci in febribus conferunt? Nullus quippè in arte Medica mediocriter doctus. Porro

in prima die febris omnes concedimus triticeum panem cum prædictis leguminum jusculis, aut oleribus coctis, aut crudis. Græcis, tantum alimentum quantum solus panis tritici exhibet: nullis, nisi his, quibus morbus inclinat, concedentibus. Neque hæc varietas fortuito, & à casu, sed consulo provenit. Non ob majorem voracitatem hominum hujus temporis, quam præteriti: cum omnibus, qui Romanorum Imperatorum historias legerunt, manifestum sit, apparatu opiparo excellente immodicè hunc, quo nos utimur, Romanos temporis Galeni usos fuisse. Neque inde, quod vires humanæ ab illo usque ad istud tempus imbecilliores redditæ fuerint, provenire potuit: cum non diutius vivere illis quam nobis concedi Sacrae Literæ à Davide multò Romanis Imperatoribus anteriore scriptum Psalmo 89. legamus, vitam hominum sui sæculi septuaginta annorum esse, & in potentatibus octoginta. Ortum ergo traxit varietas hæc, inde, quod experti sunt nostri Medici, panem triticeum, & pullaceam carnem concedendo ægris in secunda, aut tertia die ab initio febris continuæ, ac post septimam gallinaceam, ipsos minus periclitari, quam antiquo tenuissimo: & parcissimo victu intendo, quo usus hic, ut eorum inventum nobis posteris, & hominum vulgo introductus est, ut missio sanguinis in prægnantibus, ut Cornelius libro secundo docuit, & ante decimumquartum annum in pueris venam secare. Quam victus rationem in omnibus febrentibus observare consulo: præterquam in illis, qui plurimis crudis succis redundant, aut in his, qui validos pulsus habentes fastidiunt relatō cibos, & ali parcissimè cupiunt, quia sic aliti, melius se habere sen-

sentiant, quām aliter.

Methodus.

Sexta methodus. Quamquam præpostoram victus rationem, & Hippocratis decretis contrariam, tām plusquām ipse præceperit alendo febientes, quām præter ab eodem præscriptum ordinem victitando ægros, exercere videntur nostri Medici, qui in prima, & secunda, ac aliquando in tertia die jusculis leguminum, aut coctis oleribus, & pane tritici febientes alunt, & posteris diebus victum plus alentem concedunt, ut nos in antecedente methodo scripsimus: ego tamen existimo nihil adversum unius Hippocratis Græci placita (observando præscriptum à nobis ordinem, conferendi cibum febientibus) juniores introduxisse. Nam Hippocrates ipse 4. Aphorismo, primi libri, primum quod Medicis cavit, fuit, ne victu exquisitè tenui in morbis longis, aut ulis acutis uterentur, minitans sequenti Aphorismo quinto exitiale periculum transgressoribus imminere, dicens: [In tenui victu ægri delinquunt, quo fit, ut magis lādantur. Quicumque enim error commititur, major in hoc fit, quam in paulo pleniore victu.] At cùm febres citra inflammationem vexantes, sèpissimè quartadecimam diem acutorum morborum terminum transgrediantur, jam hinc indicatio sumi poterit, fermè pleno cibo, quale est pulorum gallinarum caro, uti, licere parum post morbi initium: neque ob id à præceptis Hippocratis dicefisse. Sed neque in ordine conferendi victum deliquisse nostros Medicos innumeræ sententiæ Aphorismorum sequentium citatos probant. Damus enim nos tenuiorem victum febientibus in primis tribus diebus, quām in sequentibus, quòd tunc majorem repletionem patiantur, quām in quovis alio morbi

tempore: ab initio enim usque ad morbi finem incessanter febientes attenuantur, modò majori repletioni majorem inedia convenire, quis inficiari poterit? Scientibus omnibus medicinalem facultatem pro principio suscepisse axiomam hoc, contrariis remediis affectibus curandis affectus mederi. Post verò cùm stomachi, & ventris inferioris cruda, & superflua cocta excreta esse suspicamur, pleniore alimento, putà pulli, gallinæ, aut juvenis perdicis carne, seu piscibus parvulis uti jubere, rectæ curandi methodo consonum est. Dum tamen tunc morbus in vigore, aut proximus vigori non consistat: nam quamvis cum viget morbus minor repletio indicans plenius alimenatum concedi posse, adsit. Majus incommode ex avulsione naturæ à gravi pugna adversus occasionem morbificam, quam tunc à corpore pellere conatur, sequitur, quām utilitas ob cibi exhibitionem. Opinari enim Hippocratem præcipisse tantò tenuiorem victum ægris offendendum, quantò proximior morbus statui fuerit, ideoque in prima die plus febientem alendum, quām in secunda, & hunc ordinem usque ad morbi consistentiam servandum, ab Hippocratis decretis quam maximè alienum est. Ipse enim tantum docet, quòd in statu, & parum ante morbi statum, & in accessionibus per circuitus invadentibus, ac parum etiam ante, abstinere à cibo conveniat. Sed de præcedente tempore methodum, quam fingunt, nullam exhibuit, adversaretur enim ipse sibi, qui Aphorismo 22. secundi libri scripsit, ex repletione factas ægritudines vacuatione mederi. Ex quo elicetur, quòd ubi major repletio adfuerit, majore vacuatione sumus usuri: sed major inedia, plus quām minor, de reple-

pletione imminuit, ergo in principio ubi omnimoda repletio est: majore inedia uti debemus. Merito ergo Hippocrat. nulla alia quām nostra sexta methodus adscribenda est. Totum enim tempus, quod est ante vigorem morbi, principium ab Hippocrate nominari in præcedente capite monstravimus. In toto ergo illo principio crassiore victu utendum, nos non negamus, dum tamen ordo relatus à nobis, servetur. Neque immerito supra dixi, in statu post cibum sumptum distrahi naturam à gravi pugna, quia, & si in quovis morbi tempore non nihil distrahatur à pugna contra morbi causam, multo periculosior est distractio, quæ in statu fit, quām quæ in alio tempore morbi. Neque hinc inferre licet convenire, tunc cùm viget morbus nullum alimentum offerre febrenti. Confert enim sæpiissimè, cum diu sævitas symptomatum status durat, & vires labefactari noscimus, non solum cucurbitam conditam, & alia bellaria febrenti ad prandendum dare, verum, & juscula pullorum, gallinarum, & etiam ex eisdem gallinis jus, & quandoque carnem pullorum earundem concedere. Et si enim conjectemur facultatem concoctricem tunc distrahen dam à pugna, indeque morbificam causam clanculum subrepturam, & ad inficiendum sanguinem cordis promptiorem futuram, etiam experimur ex alimento sumpto, sanguine non vitiato genito, & in venis transmisso, spiritus vitales fieri, quibus auctis concoctrix, & expultrix vis humana valet propellere, & à corde sejungere infectos succos, qui vitiando seipsis, aut suis fuliginibus, cordis sanguinem, ineptum eundem efficiebant, ut materia spirituum vitalium esset:indeque mortis ægri causa erant. Por-

ro opinor ego non dissimilem esse pugnam, quæ versatur inter natu ram, & morbi causam in diversis temporibus febris acutæ, in quibus crises propriè dictæ contingere solent. Pugnæ accidenti inter inimicos homines, qui primitus verbis injuriis se mutuo offendunt, post vero injuria in contumeliam commutata, pugnis se cædunt, ut veteres ante usum ferri, & armorum pugnare solebant, ut Donatus inquit, at ulterius rixa flagrante, jam ensibus, & pugionibus dimicant. In initii certè morborum, & si universa morbi causa tunc in corpore adsit, quod ab eadem in cor effumat. Velut verba injuriosa est, non enim illis fuliginibus adeò la cessitur vis vitalis (quod eo in tempore valida sit) ut in processu: neque etiam morbi causa adeò sensibilius imminuit (quia fermè tota simul adhuc duret) ut post. Aucto vero morbo, jam imbecillioribus facultatibus humanis versis, morbificaque causa per accidens deterior facta, quia cum natura conatur eam à corpore vi caloris humani in halitum, aut sensibilitè excernere, necessario eandem commovet, & ab ipsa fuligines in cor, & cerebrum, ac alia nobilia membra elevat, pugnis dimicare naturam, & morbi causam dicemus. Quo dimicationis genere sæpiissimè finiri morbos, sensim materia eorundem finita, cum salubres sunt, accedit. Verum quando adeò crescit morbificus succus, ut parum absit, quod vita ægrum privet pluri mis spiritibus vitalibus consumptis, & sanguine, ex quo restituendi alii erant, vitiato. Jam tunc pugionibus, & ensibus pugnare naturam, & morbi occasionem, attestamur. Quibus sic habentibus, ceu quandoque prodest à verbis injuriosis paululum abstinere se rigentem, &

patienter adversi blateratoris verba dissimilare, ut liceat sibi eo in tempore prandere, ut cum ad contumelias, & pugiones deuentum sit, viribus polleat, sic febrentibus saepè confert ante statum ali, ut in statu vires vigeant: exiguum enim est incommodum, quod tunc à morbo inferri valet, & grandis utilitas, quæ ex alimento sumpto se qui nonnumquam potest, verum ut cum pugnis dimicans, & si quando prandere velit, ferire adversum tunc pugno non poterit, quod manu alimentum in os latus est: indeque nonnullum damnum sibi inferendum speret, quia tamen tale, quod mortem pugno percussus illaturum non est, à comedendo desistere non debet, ut post cum ad arma devenerit, valeat superior inimico esse: sic quoque in augmento morborum, & in statu prolixo eorundem, ubi crisses propriè non sperantur, prandere permisum omnibus est, quod multo utilius sit, paululum desistere à pugna contra morbi causam, quamvis timeamus tunc ipsam augendam, quam interdicto alimento febrenti, ægri vires adeò imbecillas fieri, deficiente sanguine, quem spiritus pro eorundem materia poscunt (qui in sanis, & in complurimis ægris ex alimentis nuper devoratis in plurimum fieri solet) ut in die crissis succumbere cogantur: tandem ceu cum pugionibus certatur, periclitaretur, qui arma dessereret, ut manu cibum capeseret, quod tunc hostis ab adversi armis securus auditor quam ante redditus, inimicum pugione transfiget, quem forte confodere non auderet, si armatum pugione, aut ense vidisset, sic in statu morbi cum crisis propria sit, nullum alimentum febrenti dandum erit, ne distractis à pugna spiritibus, (ut alimentum conco-

quant) qui naturæ præcipum instrumentum erant, morbi causa in cor repens adeò cordis sanguinem inficiat, ut nullius spiritus vitalis materia esse valeat. Quo accidente æger vita privaretur dixi in his, quæ propriè crisses sunt, nullo egere alimento febrentes, quia hæ brevissimæ esse solent, & per quinque aut sex horas in plurimum durantes, nam aut natura vincet, & reliquum temporis, quod restat ad sanitatem usque: declinationem morbi sudando, aut ventrem expurgando, seu sanguinem per narres mittendo nominabimus, aut natura vincetur, & status mortiferus dicetur, ubi sive alas, aut non, ægrum non liberabis, tuncque prudenter agit; qui alimentum conveniens per intervala ægrotanti confert, fortassis enim deceptus Medicus putat statum esse mortiferum, qui in salutem finiendus est. Dux superius, quod in morborum statu conveniat alimentum concedere ægrotanti, ut ex eo talis sanguis fiat, qualem pro materia propria, spiritus poscunt, ut sciatis, non quemvis sanguinem non putrefactum id sufficere. Alias enim si quis sanguis aptus ad hoc esset, non video, cur moreretur ob alimenti defecatum sanus, nullum cibum decem diebus sumens: qui, exempli gratia, quinquaginta libras sanguinis hodie habet, quoniam laute in praesenti anno pransus est, & in anno præterito etiam bene valebat, solum triginta libras sanguinis in venis continens, quod in antecedente tempore frugaliter vigisset. Ex viginti enim libris superadditis ex immodicis alimentis, verosimile est, sufficienter potuisse membra resoluta refici, & spirituum vitalium tanta quantitas gini, quanta prævivendo requiritur, & ut in antecedente tempore cum triginta sanguini-

guinis libris sanus vivebat, etiam nunc alimentum nullum decem diebus sumens, & plus sanguinis adhuc quam in praeterito tempore habens, incolmis futurus erat, nisi, ut dixi, non qui vis sanguis spirituum vitalium materia esse sufficiat, sed purus unguinosusque. Quippe quod sanguis in plurimum intra decem dierum spatium quicquid unguinosum habet, vi caloris spirituum hominis sani amittere solet, & melancholiæ fumis impurus verti; ideo sine alimento recenti ulteriorius vivere in plurimum naturaliter hominibus sanis non conceditur, secus ægris, quod miraculosum videtur (ii enim qui à febribus plusquam sani inedia decem dierum tolerantes, magis attenuantur, & quorum sanguinis unguem vi febrilis caloris dissolvi promptius est, diutius sine alimentis recenter sumptis vivunt, ut eventus docent) verum hoc peculiarem, & propriam causam habet, nempe & si in ægris febrentibus plus sanguinis absumentur, quam in sanis tolerantibus famem decem dierum, in eisdem non æquè vitiatus sanguis cordi proximus, ut infamescentibus est, cum enim benè habentes homines sunt, facultates eorundem adeò ordine disponuntur, ut cuique liceat, proprium obire munus: indeque accedit, ut expultrix vis lienis melacholicum succum in os ventriculi jaciatur (cum ventriculus alimento caret) ut perpetuo in his, qui famescunt, efficere solet, qui moriendo, ac vellicando partes illas, in quas diffusus est, ac fumum frigidum, & siccum in venas, & arterias cordi proximas, cum quibus maximum consortium habet, ex se jaciendo, sanguinem cordi proximum adeò inficit, ut sàpè contingat, ob unius diei tantum toleratam famem, in syncopem inci-

dere sanum, aqua cum sine alimento devorato resurgit, non aliter evadit, quam corde impellente fuliginosum illum melancholiæ fumum in partes à se distantes, ubi in quibus sensibiliter, vel insensibiliter expellitur, aut diffidatur post aliamenti sumptionem. At si hoc non propinatur, sed fames per decem dies perseverat, fumis melancholiæ, quæ in dies, deficiente cibo magis usta, deterior fit, in cor, & sanguinem cordi proximum jactis, ipsum adeò inficiunt, ut ex eo nullatenus spiritus vitales, qui calidi, & humidi sunt, fieri queant, unde mors provenit: ægris tamen non ita contingit, horum enim naturalibus facultatibus à morbo dissipatis, cum deficit in ventriculo alimento, non sic melacholicum succum in os stomachi hi jaciunt, ut sani, indeque non ea incommoda eisdem per decem dies alimento respuentibus contingunt, quæ sanis, & si perniciosum signum tale fastidium sit, ut Hippocrat. 32. aphorism. libri secundi dicebat. [In quovis morbo mente constare, & benè se habere ad ea, quæ offeruntur, optimum est, contrarium malum.] Ex quibus omnibus sequitur per accidens morbum, quandoque prodesse, puta illi, quam obsesus inimicis, aut maris tempestate in aliquam insulam sterilem jactatus, à nona careret, hic enim diutius febriens, & fastidium patiens vivere posset, quam sine febre existens, neque fortuito, & exempli gratia in superioribus præscripti decem dierum spatium sano homini ob inedia pereunti, sed consulto, quod Plinius capite ultimo, undecimi libri scripsérat sequentia verba. [Homini non utique septimo letalis inedia, durasse & ultra undecimum plerosque certum est.] Ex quibus & assertione plurimorum,

quod frequentius contingit, puta ultra decimum inediam tollerantes non vivere, numerum illum di-
rum exaravi. Satis hæc pro sexta methodo sint.

*Quid ex præ-
cedente metho-
do sequatur.*

Ex hac methodo elicetur, victu tenuissimo in statu, & vigore symptomatum morbi tantum utendum, morbi temporibus divisis per lenitatem, aut sævitiam symptomatum, & non per coctionem humoris efficientis morbum. Nam in plurimum status coctionis humoris cum initio, & augmento symptomatum coincidit, ut status symptomatum posterior statu coctionis sæpè, ut suprà dixi, sit hoc enim sic Hippocrati opinatum fuisse, innumeræ ejusdem sententiæ docent. Sed inter omnes illa, quam aphoris. 71. quarti libri scripsit, quæ hanc seriem servat. [Quibus septima judicatur, iis nebulam habet quarta die urina rubeam, & alia ex ratione.] Ubi expressè profert, quòd si urina se dimen rubrum in quarta die haberet, aut album, quo esse adhuc humorem perfectius coctum indicat, ut Galenus in expositione hujus aphorismi scripsit, in septima die morbus finietur. In qua die, & in antecedente nocte sæviora symptomata, & majora, quæ in toto morbi tempore conspicienda ab ægro sunt, ut idem Hippocr. in decimotertio aphorismo secundæ sectionis docuit, dicens: [Quibus cumque crassis, id est, judicatio fit, iis nox gravis ante accessionem, quæ verò subsequitur, magna ex parte levior existit.] Itaque statum symptomatum posteriorem statu coctionis tunc futurum, ut nos diximus, necessariò fatendum est. Nempè cùm in quarta die perfectè cocta materia existens, usque in septimam expelli differtur, inde accedit, quòd in intermedio illo tempore natura vires, quas in coc-

tione absumpsit, restituit, ut expulsionem noxiōrum succorum, cui est annexus casus virtutis in septima sine vitæ discrimene exerceat. Hoc idem Hippocr. 2. prognosticorum, cap. 5. de signis sumptis ab urinis sensit, scribens. [Urina optima est, si candidum sedimentum fuerit, leveque, & æquale per omne tempus dum morbus judicetur, securitatem enim, ac morbum fore brevem significat.] Ubi perfectæ coctionis humoris notam manifestam ex urinis exprimens, quod coctionem in statu consistere ego nomine morbum adhuc manere, & graviorem futurum innuit: quamvis breviorem futurum explicet, quæ si urinæ, & humor noxius perfectè cocta non extitissent.

Quibus sententiis adamus im intellectis, quis Galenum excusare ab ignorantiae crimine poterit, cùm legat ipsum in commento octavi aphorismi primæ sectionis dicentem. [Docet autem nos, utcumque scribatur, unam, & eandem speculationem, antiquo Magistro præcipiente: ut cùm morbus in suo vigore consistit, victu tenuissimo utamur, tum propter casuum magnitudinem, tum propter morbi coctionem. Neque enim distrahere oportet naturam ad alteram novam coctionem, cùm eo tempore humorum noxiōrum coctioni fortiter vacet, & aut ita multo post ipsos sit evictura.] Ubi expressè refert in die decretoria naturam occupari in coctione humoris noxiæ, indeque sæva symptomata provenire, non animadvertis illud perpetuum non esse, cùm in relatorum aphorismorum sententiis coctionem perfectam per tres dies antecessisse expulsionem Hippocr. docuerit, & quod sævitas symptomatum contingens in septima non aliundè procedat, quæ ex sejunctione humo-

*Galeni error
quidam nota-
tur.*

ris noxii ab innoxio, & approximatione meatibus, per quos sensibilitè, aut insensibilitè excernendus est. In hac enim commotione non pauci spiritus absuntur, neque exigua portio vaporum in cor, & caput, & alia membra principalia defertur, ad quæ sequi gravia symptomata accidit. Porrò error Galeni recensitus non aliundè ortum traxit, quām ex hoc, quod non distinguit duplicitè morborum tempora per sèvitatem scilicet symptomatum, & per coctionem materiae, ut nos in antecedentibus fecimus.

7. *Methodus.* Septima methodus. Enormiter aberrant scrupulosi Medici, qui fame oppressis ægrotantibus febre ab exacta bili ortum trahente, & in accessionis principio, aut augmento ipsis non existentibus, neque in die decretoria, alimenta, quæ facilis coctionis sint, & mediocriter alunt, non concedunt, maximè si biliosi natura febientes sunt, & in æstatis tempore consistunt. Nam si sola alimenti cupiditas solet sèpè bilem ad ventriculum trahere: & convulsiones totius corporis proritare, vel in animi deliquium pelle-re, febre superaddita fami, quis mentis compos non conjectabit, quod uri ipsam bilem fames efficiet, à qua enormia symptomata oriri, omnes scimus, indeque in vitæ discrimen impellere æcum poterit.

8. *Methodus.* Vana est assertio Medicorum affirmantium, alimentum febientibus collatum inimicum esse naturæ, eo quod sit inimicum inimico ejus, volentes per hæc verba dicere, ex quovis alimento, vel saltim ex plurimis febientibus exhibitis, aliquid in naturam noxii succi converti, aut naturam æ gri distrahi à pugna contra causam morbificam, cui vacat,

dum venter alimento caret. Nam alimenta plurima, quæ cibus, & medicina sunt, ut ptisana, & alia hujusmodi, coctionem adjuvare, manifestum his est, qui Hippocratem de Victu acutorum morborum, & Galenum in libello de Ptisana legerunt, horumque nihil in noxiū succum verti. Etiam alia, quæ alere tantum vim habent, ut avium, & parvorum piscium carnes, & triticeus panis, & consimilia debito tempore febrentibus collata, prodesse quamplurimum, augendo vires æ gri, & acuitatem, exhibentiamque caloris biliosi, aut sanguinei humoris reprimendo, suo-que temperato calore hebetando, notum est. Illud ergo Medicorum decretum tantum verum est, cum alimenta in initio accessionis, aut in statu symptomatum exhibentur, aut his, qui crudis succis, vel multis sanguineis redundant. Non enim febrenti ob putridam, aut immodicam exquisitam bilem proficuum est, ventriculum sine alimento diu continere, hoc commento, ne natura distrahatur à pugna, quam adversus bilem exercet, cum ipsa distractio proficia valde, ac maximè utilis febrentibus relatis sit. Natura enim spiritibus immodice calidis, ob febrem accitam à motrice facultate cordis, vacans coctioni tenuis humoris, multò perfectius, atque exactius bilem ad mediocrem consistentiam reducet, si ipsam sanguine ex novis alimentis genito, minus quām ipsa calido superirrorat. Et temperat, quām ventrem jejunum diu servando. Febrisque commoditas, putà vias patentes humoris excernendo fieri, calorisque immodici bilis remissio simul tunc sequentur, res profectò à docto Medico non parum optanda. De qua non pauca in 6. methodo scripsimus.

9. Methodus.

Nona methodus. Cùm morbum longum futurum suspicamur, ab initio multò pleniore alimento febrentem nutrire, tenemur, quàm cùm acuto morbo ipse laborat: non quòd speremus in morbis longis statum sacerorum symptomatum, ut in acutis. Nobis scientibus, raro hos crisi finiri, & eorundem materiam in pluribus paulatim absumi, sed ut vires sufficient pro tota morbi duratione, quæ status nominari valet. Ut hominis statum quandoque vocamus, quicquid vivere ab infantia, usque ad senectutem concessum eidem est, ab stando, id est, durando derivatione sumpta. In quo sensu exponenda est sententia libri primi Aphorismi 9. Hippocrat. præcipientis. [Conjectari oportere, an æger cum victu sufficiat perdurare, donec morbus consistat, & numquid prius ille deficiat, nec possit cum victu perdurare, vel morbus antea deficiat, atque hebetescat.] Nam cum inquit quòd oporteat perpendere an morbus deficiat, vel non, de statu exquisito sacerorum symptomatum non loquutum fuisse, notum est, sed de eo, quem nos diximus. Probat hanc nostram expositionem sequentis Aphorismi sententia: quæ in hunc modum habet. [Quibus igitur statim morbus consistit, iis statim tenuis victus adhibendus est: quibus vero posterius debet consistere, iis, & in ipso consistendi tempore, & parum ante illud, cibis, subtrahendus, prius vero uberioris agendum, ut æger sufficiat.] Ubi in priore Aphorismi parte loquitur de statu propriè sumpto, in quo saceritas symptomatum conspicitur. Et in ultima parte, in qua dixit: [Ut æger sufficiat.] Supple ad statum, usque statum nominavit totam morbi durationem. Nempe si de hoc non loqueretur, sed de

exacto statu, putà cum vehementi, & veloci motu natura contra morbi causam movetur, cùm innumera sint morborum genera, quæ sine statu, id est, crisi finiuntur, culpari merito poterat Hippocrates, qui tantum victimum laborantibus morbis acutis præscripsisset, & alias ægros neglexisset. Ut ergo utroque comprehenderet, verba ultima Aphorismi à nobis annotata addidit.

Decima methodus. Sententia illa Hippocratis Aphorismi noni secundi libri, quæ refert: [Non pura corpora quanto plus nutriuntur, tanto magis lœduntur.] Minime interpretanda est de impuris ob exactam bilem corporibus, maximè in æstate constitutis, & febre laborantibus. Nam si ab his victimum subtraherimus, & inediā pati compulerimus, bilem augebimus, & præexistentem aduremus, ac in sacer symptomata febrentem impellemus. Tantum ergo intelligendus est aphorismus de his, qui pituitosis succis in venis redundant, aut de illis, qui vitiata alimenta, aut succos corruptos in stomacho habent. Hoc enim ultimum satis sufficienter Galenus in commento relati Aphorismi notavit, scribens: [Hoc præcipue fit, quando ventriculus quibusdam humoribus vitiosus plenus existit.]

Undecima methodus. Jam quòd doctum supereft, convenire alere non adeò parcè febrentes à bili, vel sanguine vitiato, ut sententiæ Galeni, & plurimorum Græcorum, ac omnium Arabum præcepere. Solidiorem victimum, quem nos iis concedimus, prodesse quàm maximè in plures vices, & pauca quantitate exhibitum, quàm semel, aut bis in die pransum indubie asseveramus. Facilius est enim omni in tempore ventriculum coquere alimentum paucum, quàm multum. Etiam febren-

10. Methodus.

11. Methodus.

bientes non adeò validam coquendi facultatem, ut sani obtainere, omnibus notum est. Expediet ergo patientibus continuas ex bili exquisita, aut vitiato sanguine febres, post secundam diem pulli paryi juscum sorbere, & carnis ipsius ferre dimidium per tres horas ante meridiem comedere, & in vesperina hora coctas, aut crudas lactucas, aut assa poma cenare: ac inter utrumque tempus si bibere velit æger, conditam cucurbitam, aut mali punici grana, sive damascena pruna in aqua macerata, aut lactucarum caulinulos ex sacharo confectos, vel alia hujusmodi bellaria non ex melle sed sacharo condita, ante potionem febrenti conferre, eisdemque bellaria per intervalla concedendo totam noctem transigere. Quòd si gratum febrenti amygdalatum ex amygdalis, & melonum, ac cucurbitarum feminibus, & sacharo confectum fuerit, id post tres horas à lactucarum, vel pomorum coena sumat. Verum si hujusmodi febriens pro coena plus pullaceam carnem, quam lactucas, aut bellaria cupiat, inconvenire non puto, illi concedere pulli majusculi quartam ex anterioribus partem, ac simul ejusdem je-
cur assūt.

^{12. Methodus.} Duodecima methodus. Quamvis in antecedentibus methodis semper explicuerim viētum plus solidiorem concedendum biliosis, & à sanguine vitiato febrentibus, quam antiqui præcepere, & de febribus à sanguine multò ortum trahentibus, & pituitosis, ac melancholicis nihil dixerim, non id feci, quòd has à methodicas manere decreverim, sed quòd noscam, non adeò aberratum in ratione viētus harum ab antiquis Medicis fuisse, ut in viētu febrium relatarum superius. Nam cùm pituitosæ, & melancholicæ fe-

bres inter prolixos morbos recensentur, in quibus tenui viētu uti, non præcepere, non erat, ut quid lectoribus de hocce negotio cavearem, etiam cùm qui à plurimo sanguine febriunt, satis magnam alimenti copiam contineant, & minus sine noxa quam alii famem tolerare queant (nisi de illis sint, de quibus Hippocrat. 3. Aphorismo, primi libri mentionem egit, quos exercitatos ad summum vocavit.) Non erat, ut quid hos pleniore cibo alendos, quam esset præceptum, curarem. Et quamvis res ita habeat, Medicos hortor, quòd si hi voraces ex natura, vel consuetudine fuerint, & famem impatienter toleraverint, viētu beliosorum eos alant.

Decimatertia methodus. Jam ^{13. Methodus.} bis, vel ter de temporis constitutione pro nutriendis febrentibus in antecedentibus memini, quòd Hippocrates, & qui post eum de re Medica aliquid notatu dignum scripsere, non nihil dixere. Verum nunc expressius, & in compendio quodam quæ sequuntur explico. Febrentibus constitutis in æstate, ubi major corporis, & succorum dissolutio fit, pluries alimentum concedemus, autumno, diverso non tantum in eisdem diei horis, verum in differentibus diebus. Parem ferme æstati rationem viētus præscribemus, & quamvis contraria Hippocrat. decreto, 18. Aphorism. primi libri dicenti: [Æstate, & autumno cibos difficillime ferunt, hyeme facillime, secundum locum ver habet.] Hæc nostra methodus videatur. Verè non est, nam non de numero sumendorum ciborum locutus est Aphorismus, quòd sic falsus esset, cum dies multo majores in æstate quam hyeme sint, in quibus solet major hominum pars jantare, & prandere, necnon merendare, & cenare. Qui hyeme bis comedendo

con-

contenti sunt. Sed potissimum de alimentis difficilis coctionis fuit illius decretum, ut sit sensus, quod æstate, & autumno cibos crassæ consistentiæ difficillimè ferant homines, hyeme autem facillimè, & post ipsum vere, quod nos quotannis experimur. Nam alti in hyeme carnibus porcinis, & vacinis salitis, & castaneis melius habeamus, quam æstate arietinis, & pullaceis. Sed quantumvis verum hoc sit, ego omnibus Medicis suadeo, non adeò attentè hanc temporum variationem obseruent. Quod si febriens ab exquisita bile in hyeme constituantur, & cupiditate alimenti pluries vexetur, alimento decenti febriente Medicus privet. Quin ut carnis, & aliarum rerum à me permissarum, nonnihil indebitis temporibus, & majorem adhuc earumdem molem semel concedat, præcipio. Quod tunc venter ad coquendum validior est.

24. Methodus.

Decimaquarta methodus. Non aliter victus moderandus ob hominum ætates, quam ob anni tempora est. Infantibus, & pueris nempè, qui discuti promptissimi sunt, cibus multò minus subtrahendus, quam aliis. Post hos vero à decrepitis pauxillum, & sermè tam exiguum, ut à præcedentibus auferendum. A consistentibus vero, & iis, qui adolescunt, quid plus ambo bus recensitis auferre licebit. Sed ab illis, qui in prima senectute consistunt, plurimum, quod subtrahere licet, subtrahendum erit.

25. Methodus.

Decimaquinta methodus. Quamquam non esse cogendos tolerare famem biliosos, & ab exquisita bili febrientes, nisi in certis temporibus suaserim, per hanc tamen methodum consulo, quod si famæ à bile acri os ventriculi mordente originaretur, & hæc vomi prompta esset, salubriter potionē syrapi ace-

tosí aquæ tepidæ committi, hanc per os sine magna vi excernere, prudens Medicus satagat, qua excreta, si famæ pausaret, non adeò frequentè alere ægrum, prout ante, cogemur. Verendum enim prius erat, ne fortè syncope, aut convulsione ob stomachi vellicationem corriperetur febriens, à quibus incommodis vomitio vendicaret.

CAPUT XXXIII.

De potu febrentibus exhibendo.

Prima methodus. Est adeò ce-

1. Methodus.

lebris in omnium Medicorum de victu febrentium agentium libris, potus aquæ, in qua hordeum coctum fuit, ut peculiares libellos nonnulli, alii singularia capita de hujusmodi potionē laudibus referata conderint: variasque hujus descriptiones prout magis, vel minus hordeum coquendum erat, exaraverint ptisanam, hordeum ulterius decoctum, quæ potius alimentum, quam potus dicenda est, nominando: quam medicamentis nonnullis additis conficeret, Galenus permisit, ac docuit. Verum quod in febrentibus citra alicujus interioris membra inflammationem hanc aque hordei potionem, & ptisanam ipsam non adeò proficuam experior, prout ab antiquis Medicis celebratur, quod in omnibus, qui ob putitiae redundantiam, aut putredinem, vel melancholicum succum febriunt, hunc potum plus obesse sui frigiditate, quam prodesse, experiar, & tam iis, quam aliis febrentibus ingratus sit, sintque nonnulli potus multò gustui magis amari, & curationi magis prompti quam recensitus: ideo, & si in febrentibus ab exacta bile hunc laudem, & in aliis parum prodesse attestor. Traxit quippè originem encomium, atque laus, qua adeò exaltata

tata relata potio est, ab errore Medicorum opinantium febrem ab humore per putredinem calido acciri, quam ut accidens genitum ab humore noxio extirpare, quoquo modo possent, conabantur, ideoque frigidis, ut hordeum est, rebus, etiam in febribus pituitosis utebantur, moderantes hæc secantibus, aut attenuantibus calidis medicamentis, ignari originis febris, quam augere sæpiissimè conaturus est Medicus, ut in antecedentibus docuimus, & in sequentibus peculiarium febrium methodis curativis etiam ostendemus.

2. Methodus, in qua quidam Galeni errores notantur.

Secunda methodus. Aqua cocta, quam febrentibus à sanguine multo, & crasso conferre existimo, ea est, quæ ex hordeo cum suo cortice cocto, ac semine fœniculi exhibetur. Hordeum enim vim exicandi, & infrigidandi habere, docuit Galenus, primo libro de Alimentorum facultatibus, cap. de Hordeo, & in libello de Ptisana. Cum ergo ambabus qualitatibus aduersetur immodico sanguinis fervori, ac supercrescenti humiditati ejusdem, abstergendi quoque facultate participet, hordei cortex, ut in prædicto loco ostensum à Galeno est, per hunc modum prodesse infrigidando sanguinem, & eundem siccitate imminuendo, nemo ambigere poterit. Fœniculi quoque semen expurgandi aquositatem sanguinis per urinarios meatus vim habens, & ad alia febrentibus utile, ut Dioscorides cap. 65. tertii libri, sub his verbis scripsit: [Comæ decoctum in renum doloribus subditum proficit, quippè quòd urinam excitet, contra serpentium iætus in vino convenienter bibitur, menses ciet; in febribus nauseam, & stomachi fervorem, ex aqua frigida potum sedat.] Prodesse relatis febrentibus indubitatum erit. Non

enim est, ut reor, audiendus Galenus, quem Paulus, & Aëtius sunt sequuti, qui de simplicium medicamentorum, libro tertio, cap. de Marathro ipsum in tertio ordine calefacentium locavit. Impossibile enim existimo, si gustui fides adhibenda est, piper longum, & fœniculum æquè calida esse. Modo Avicena Canone secundo, cap. 558. de Pipere longo in tertio gradu caloris id esse testatus est: sed hujus calor multò superior quā marathri est, ergo in secundo gradu, ut Avicena fecit, locandum erit, qui caloris gradus ab hordei, & aquæ frigiditate vincetur, & quæ prodest vis expurgandi, & conferendi stomacho sine caloris noxa manebit.

Neque miror, quòd sit allucinatus Galenus in gradu caloris relatæ plantæ, cum legam in eodem cap. de Maratho: alium notiorem, & apertiores errorem, quām præcedens, ipsum commisisse. Inquit enim ipse. [Fœniculum tam valenter excalfacit, ut ex tertio ordine excalfacentium censere promereatur, desiccat verò non æquè, sed ipsum quispiam in hoc primi esse ordinis posuerit: proindè lac procreat. Quod si admodum desicaret, non sanè efficeret.] Quæ enim fragilior ratio, & ut verius loquar, magis inepta illatio, quām inferre parum siccum fœniculum esse, ideo quòd lac procreet? Quasi nulla planta hanc procreandi lac vim habens, sicca esse valeat, omnibus, qui de re medica aliquid novere, scientibus. Avicenam secundo Canone, cap. 429. septem species plantarum afferentium lac acre, & expurgandi vim habentes descripsisse, & quòd universas has plantas, & lac earundem calida, & sicca in quarto gradu ipse constituerit. Cujus sententiæ Serapio, capite de Mezereone fuit, quamquam Leo-

Alius Galeni error exprimitur.

Leonardus Fuschius cum Leonice-no consentiens perperam credide-rit hanc plantam non recenseri à Serapione inter eas, quæ lac pro-ducunt. Joannes Mesue capite de Mezereone, etiam inter species lacticiniorum (ita enim, vocat plan-tas, quæ lac acre producunt) illam recensuit, & ipsam, ac lac pro-prium calida, & sicca in quarto or-dine fuisse, affirmat. Quorum om-nium authorum sententiae confor-mes sunt decreto Dioscoridis, capi-te de Thymelea. Hæc enim est A-rabum Mezereon, ut nonnulli ju-niores suspiciati sunt, vel chamæ-dea, ut alii. Fuere enim adeò ig-nari Arabes descriptionis planta-rum, ut frequentè alteras cum a-liis confundant, ut Avicena, & Serapio, & Mesue capitibus citatis fecere. Neque inde quòd Dio-scorides capite de Thymelea, non ex-prexit, lac ipsam exhibere, ideo inferendum est, lac non ferre, cùm eventus ipsi probent, plantam re-latam in caule non exiguum lactis copiam dare.

§. Methodus.

Tertia methodus. Non immer-to in exordio antecedentis metho-dii dixi, aqua cocta, quam febri-en-tibus à sanguine multo, & crasso conserre existimo, &c. Nam id scripsi, quòd sciam, non omnibus, qui febriunt à sanguine multo, a-quam decoctam convenire, iis e-nim, qui sanguine plurimo, & te-nui febriunt, aquæ frigidæ potus convenientissimus est, ut rectè Gal-en. sexto capite, libri noni de Mor-bis curandis, dicebat: [Maxima verò continentium febrium remedia hæc duo sunt, detractio sanguinis, & potio frigida.] Hac enim frigidæ potione sanguis crassior fit, quo ipse concoctus evadit. Tantum ergo febrentibus à sanguine pluri-mo, & crasso convenire relatam a-quam decoctam, prout dixi, cen-

feo: maximè si in hyemis tempore ægrotaverint, & ab ea non abhor-reant: quibus aqua frigida, prout mea sententia est, noceret.

Quarta methodus. Quamvis po-tus aquæ frigidæ iis, quos retuli,

4. Methodus.

conveniet febrentibus, animad-verzione dignum est, cur adeò in-distinctè hunc frigidæ potum sum-mè laudaverint Galenus libro nono Methodi medendi, capite quinto: & Aëtius cap. 72. Tetrabibli secun-dæ, sermone primo, ut unicum fer-mè remedium illis, qui febriebant, & sanguinem à se se mitti posce-bant, vel Medici incuria, aut ti-miditate ægri, vel aliis de causis non fuit ab eisdem missus. Nam si ratio-ne, & eventibus medicationem re-censitam roborare ipsi velint, utrif-que potius improbandi, quam æmu-landi erunt. Quomodo enim pro-desse febrenti à sanguine multo, & crasso poterit aquæ frigidæ potus, vim inspissandi, & incrassandi san-guinem habens, quo rebellior edu-cationi evadet? Aut quis id expertus est, quòd aquæ frigidæ potione, sanguis sudore, aut alui expurga-tione excerni soleat. Cum ipse Ga-lenus experimentis compulsus, tan-tum sit ausus scribere in citato loco sequentem sententiam. [Cum ergo coctionis humorum in iis (a quibus sanguis opportunè missus non est) notas videris, de quibus dictum abundè in libris de Crisi est, au-dacter frigidam dabis, quippè so-lida animalis partium natura robo-rata præ tenuatos jam humores ag-greditur, ita ut qui utiles sint, atque ad nutriendum habiles, hos qui-dem ad se trahat, inutiles, vel per ventrem, vel per cutim ejiciat.] Ex quo dumtaxat elici valet, quòd cum jam vincens natura morbi cau-sam, ejusdem consistentiam ad me-diocritatem perduxit, tunc frigidæ potione soleat per ventrem, aut

su-

sudorem morbi materiam excrenare. Qui eventus, & si perpetuus esset, ambiguus potius, quam certus judicandus à Galeno erat. Dubitare nempè liceret. An illa humorum expulso, etiam sine aquæ potionē exequenda à natura esset, an sola vi aquæ potæ acciderit. In libris enim de Crisi, quos idem Galenus citat, ac in commentis Prognosticorum, & Aphorismorum sæpiissimè scripsit, tunc indubie judicationem venturam, cum talia, vel talia signa concoctæ materiæ adfuerint: modo si post perfectam humoris coctionem morbus per alui excretionem, aut sudorem, bibita aqua, judicatur. Verosimilius erit: potius à natura jam dominante judicationem, provenire, quam ob aquæ frigidæ potum, quin sine ipsius potionē venturam credibile esset. Verū si mihi, qui artem Medicam parum minus, quam per quadraginta annos exercui, fidem adhibere lector velit, verè fatebor, numquam ulli ex multis, quibus abundè permisi frigidam aquam, & quantam possent biberunt, quod memoria consequar, acciderit, quod Galenus testatur de sudore, & alui excretione. Quod ego sæpiissimè sum expertus, id tantum est, in intermittentibus febribus, præsertim tertianis simplicibus, aut duplicitibus, aquæ frigidæ, aut decoctæ potum, consistente jam febre, aut inclinare incipiente, solere sudores ingentes concitare. Neque ego video, si vera sunt decreta Galeni, attestantia sanguinem putrefactum in bilem, & melancholian transire, qualiter medeantur febres, in quibus sanguinis extrahendus erat, & jam diu detentus, & putrefactus fuit, per frigidæ potum, & biliosæ, ac melancholicæ febres aliae, quæ sunt ejusdem naturæ cum prædictis, per eundem modum

non carentur. De quibus fusè in medella febrium à sanguine ortum trahentium, Deo dante, agemus. Et quod ad præsens negotium attinet, tantum sit, abrogandam deinceps fidem increpato Galeni decreto, ut mendaci, ex cuius observatione innumera incommoda sequi ægrotantibus poterant.

Quinta methodus. Aquæ frigidæ 5. Methodus.

gelidæ potum non omnibus à febre continente laborantibus convenire, sed dumtaxat quibusdam, satis expresse Galenus in relato capite quinto, noni de Morbis curandis, & Aëtius loco recensito scripsere, & quod Aëtius à Galeno fusius exarata, in compendium quoddam rededit. Ejusdem verba transcribere vixum, quæ sequentia, sunt: [Tunc autem danda est frigida, cum in urinis videris concoctionis signa. Neque autem in principio, neque in augmento danda est frigida, sed in ipso vigore totius morbi, ac particularis exacerbationis, opportuno enim tempore data frigida, corroborat solidarum partium naturam, corroborata verò natura, præ attenuatos humores aggreditur, ut bonos quidem detineat, inutiles verò ejiciat, aut per ventrem, aut per vomitus, aut sudores. Si verò frigidæ potor fuerit æger tempore sanitatis, valde confidenter frigidam dato, ipsa experientia doctus, omnia viscera frigidæ familiaritatem sustinere. Si enim omnino aliqua pars adeò frigida esset, ut ab ipsa laederetur, sanitatis tempore evidens testimonius ostendisset. Cum autem nulla pars in sanitate læsa sit, ne in febre quidem laedi poterit, quin maximum propugnaculum habeat, in profundo ardentis caloris multitudinem. Quapropter his, qui modicum sanguinem, & minimum carnis habent, frigidæ potus periculosior est citò enim ad

solidas animalis partes penetrat carniibus nudatas.] Et non multum post hæc verba, retulit incommoda quæ potio relata aquæ frigidæ intempestivè sumptæ febrentibus infert in hunc modum. [At verò detrimenta ex intempestivo frigidæ potu orientia hæc sunt. Viscosos, ac crassos humores attenuari, ac transpirare frigida impedit. Quare sive inflammatio fuerit in aliquo viscere, sive ignis facer, sive indurata, sive mollis, ac laxa affectio, frigidæ potus ad hujus sanationem nihil confert: sed evestigio quidem non modicam affert lenitatem, eo quod febrem jam factam extinguit, manente autem intus causa, quum ex frigida densatum fuerit corpus, aliam febrem accedit priore graviores. Atque hæc quidem detrimenti species contemni poterat. Verùm plerisque debilia habentes viscera, citius, ac facilius à frigidæ exhibitione lœduntur. Quibusdam enim stomachus singula aquæ frigidæ potionē adeò fortiter affectus est, ut perdiderit actionem, ut vix potuerit deglutire. Aliis venter lœsus est, ut vix concoquere potuerit, aliis hepar, ut ex hoc in aquam inter cutim inciderint. Aliis colum, aut pulmo, aut rhenes, & vesica, aut aliud quid à frigida lœsum, debile ad propriam actionem factum est. Quidam ipsorum statim erectæ cervicis spiratione, aut alto sopore, aut lethargo, aut aurium abscessu, aut convulsionibus, aut tremoribus, aut syderationibus corripuntur: & ut in summa dicam, omne nervorum genus, & caput ipsius affligitur.] Quarum omnium sententiarum quid verum sit, parum supra explicuimus. At pro præsenti loco tantum sufficiat, quædam verba notatione digna in medium proponere. Ea sunt quod dixit inepte Aëtius in priore contextu ex

duobus adductis. [Corroborata verò natura præ attenuatos humores aggreditur.] Non considerans potius aquæ frigidæ potum convenire illis, quorum humores immoda tenuitate incocti forent, & concocatione in crassiorem substantiam vertendi erant, quam aliis, qui ex crassa consistentia in tenuem per coctionem erant redigendi.

Sexta methodus. Syrupum, quem acetosum vocant juniores, confectum ex aqua, & aceto, & sacharo in certis ponderibus, prodesse in quovis anni tempore iis, qui sitim ingentem patiuntur: & ab ardentí febre molestantur, eventus ipsi docuere. Quem non in permistum concedimus, sed vel aquæ ex hordeo coctæ, cum febris à bili, aut sanguine occasionem trahit, vel aquæ fontanæ non gelidæ, sed mediocriter frigidæ commistum. In æstate tamen illis, qui febrem continuam acutam patiuntur, sive ex bili notha, aut alia quavis causa præter dictas bibere relatum syrupum, permittimus. Aquam semine foeniculi, aut ejusdem radice coctam ei permiscendo. Verùm in omnibus febrentibus duo quam maximè post hujus syrupi potum cavemus. Primum, ne in ventre aqua bibita acescat. Secundum, ne intestinorum abrasionem aceti acutas inferat. Priori incommodo occurrimus, commiscentes anesum aquæ, quæ cum syrupo bibitur. Aut si pituitosi succi redundant, etiam piper addimus. Non enim nos timemus id, quod, qui nos præcessere, verebantur. Febris scilicet intensionem: hanc enim prodesse cum succi frigidi redundant, in antecedentibus docuimus. Secundum malum interdicendo statim syrupi bibitionem vitamus, & de cætero si tormina intestinorum abrasorum duraverint, medellam inscriptam pro-

6. Methodus.

tor-

formidus adhibendo, curamus.

CAPUT XXXIV.

De biliosis febribus.

NON eis, quibus nostri prædecessores nominavere vocibus febrium differentias speciales, me inscripturum capita singularia de earundem medella arbitremini. Illi enim medellam tertianis, continuis, ac intermittentibus, exarantes. Omnes à bili exquisita, seu notha febres simplices dixisse opinati sunt. Et quotidianas intermittentes, & numquam desinentes cum aliis signis, omnes à pituita ortum trahere valentes, dixisse credidere. Ut quartanas, tām simplices, quām duplices, seu triples, & continuas cum melancholiæ nothis universas, quæ à melancolico succo originantur, retulisse indubie rati sunt: perpetuum esse arbitrantes talem humorem talem invadendi modum per certos dierum reditus observaturum, quos cū in nullius humoris proprium accessionis tempus reducere valebant, febres illas unius tantum accessionis, aut compositas ex diversis humoribus, nominabant. Eas enim, quæ incessanter infestantes simul per tertias quoque dies rigoribus corripiebant, à pituitosa febre continua, & biliosa febre intermitte componi Galen. 2. de Febrium different. cap. 8. arbitrabatur, quas hemitriteos, seu semitertianas vocabat. Non sic Agathinus, ut idem Galen. in libello de Typis dixit, innumerasque alias invadendi formas in diversas febrium compositarum species Galenus, & ipso recentiores partiti sunt. Jam jam Galeni decretis à Paulo, & Aetio, reliquisque Græcis Authoribus, & Serapione, Rasi, & Avicenna, ceterisque Arabibus, & Latinis junioribus Medicis, ut Apollinis

Tom. II.

Delphici responsa, receptis, neque quamvis per totum suæ vitæ discursum relati Authores sæpiissimè observaverint, multas febres eisdem occurrisse, quas inter simplices, aut compositas recensere ex modis invadendi minimè possent, neque cum illis à Galeno, & aliis Authoribus descriptis convenire. Mutare sententiam, & resipere, indagantes causam effectuum illorum contenti sunt. Quod certè undē provenerit, nisi ex secordia, aut ruditate prædecessorum, intelligere nequeo. Ordiamur ergo, Christo Jesu Salvatore favente, caliginem hanc adeò hominum saluti noxiā elimi- nare, & radicitus evellere, ac iis, qui tantum veri amore capiuntur, negotium hoc adamussim aperire. Reliquis enim, qui malunt cū veteribus Magistris aberrare, quām me cum juniorē vera addiscere, Anticyram navigare suadeo. Tandem deinceps nullus credat, bilem solum per tertias dies invasuram: ita quod si quavis in die febris juvenem æstatis, aut veris tempore cū aliis signis bilem nunciantibus infestet, quo bilem occasionem illius morbi esse indubie suspicetur Medicus, ideo etiam necessariò eventrum arbitretur, quod prioris diei febris cum tertiae diei febrili circuitu normam certam sit servatura, & secundæ diei cū quarta die, ut per quos dixi tertianos circuitus biliis febrem afferat, & quod duplex tertiana illa vocetur. Ac quod si etiam quotidie autumno febris affligat juvenem, aut senem, cū notis certis melancholici succi, ideo primæ diei febris cū quartæ diei circuitu, & secundæ cū quintæ diei, & tertiae cū sextæ diei reditu, sit observatura, triplexque quartana sit febris illa vocanda. Nam & si quandoque febres relatam normam in redeundo servent, etiam

Kk 2

alias

alias accessiones biliosos, & melancholicos succos observare, non raro experimur. Contingit enim sàpè in eadem die febrentem bis rigore, & febre corripi, & aliquando ter, bile redundante, aut putrente, aut etiam pituita, & in sequenti die, aut tertia non nisi semel accessionem febrilem redire. Etiam aliud febris genus quàm à bili orientum per tertianos circuitus invadere. Indubie quandoque noscente Medico ex nonnullis notis, melancholicum humorem tunc causam febris esse, ejusdem suspicione, post per quartos dies redeunte febre, confirmata. Ego nempè dum hæc condo, observavi, quandam quartana in aestatis fine correptum, parum post hyemis solstitium in tertianam incidisse, ac iterum quartanam rediisse. Minimè enim licet semper opinari ideò tertianas, aut inordinate invadentes febres in quartanas finiri, quòd credamus bilem tertianæ, & alios succos, qui februm sine ordine occasio erant, adusta, & in atram bilem conversa esse. Quia, & si quandoque illud sic accidat. Potest, & melancholicus succus in principio per tertias dies, aut inordinate, ac posteà per quartas invadere, ut febres illæ quas me vidisse, dixi à melancholico humore occasionem trahentes, per quartos dies prius accedentes redire, & post per tertios. De quibus in præsenti loco non plura, quòd cùm de febribus melancholicis scripserimus, fusius hæc explicabimus. Tandem tandem febres plurium dierum (sic enim nomino illas, quas nostri prædecessores putridas vocavere) per diversos succos distinguendo, in biliosas, sanguineas, pituitosas, & melancholicas, & in nonnullas ex aliquibus ex relatis humoribus mistas sejungo. Differtque nostra divisio ab an-

tiquorum divisione febrium, quòd illi capita de febribus inscribendo, in quotidianas, & tertianas quartanas, ac continentes distinguebant: opinantes, ut suprà dixi, necessum esse quemvis humorem propriam redeundi normam servaturum, quòd crederent à bilis fuligine putrida cor supercalescere, & bilem natam esse per tertios dies putrere, & melancholiā per quartos, & alia impossibilia, quæ superiùs improbata restant. Si enim post capta singularia de tertianis ab exquisita bile, ac de aliis generibus februm inscripsero, non erit, nisi ut rationem vicius, & medicamentorum exhibitionem, in distinctas horas partiar.

CAPUT XXXV.

De signis febrium occasionem ab exacta bili trabentium.

ETAS febres, quæ à bili exacta occasionem trahunt, per modum, quem in antecedentibus ostendi, horum plurima comitantur signa: febris ipsa est multò aliis acrior, quòd fumosæ exhalationes, quæ à bili difflantur, vi caloris febrilis à corde per magnas, velocias, & frequentes constrictiones, & dilatationes geniti, multò sicciores sint, quàm quæ à sanguine, & pituita putrente vi febris assurgunt, æquusque calor in sicca materia existens acrior judicatur, quàm qui in materia humida sedet. Pulsus quoque velociores, & frequentiores in his contingunt, quàm in reliquis: cùm quòd biliosus humor, aut ejus fuligo cordis sanguini, & arteriarum commista, minimè constrictio, & dilatationi relatorum vasorum suæ consistentiæ tenuitate resistat: tum quod vasa ipsa sicciora existentia, quàm in aliis febribus plurium dierum, agiliora, & magis ad

ad motum prona, quam aliorum febrentium sint. Non tamen aequè magni pulsus harum, ut febrium à sanguine occasionem trahentium sunt, quod vasa sanguinis humiditate, ac calore plus dilatari, quam in reliquis, valent. Urinæ in his flavae, & tenuis consistentiæ conspi ciuntur. Cum enim valde exquisita bilis redundat, igneam flamnam urina refert: estque adeò tenuis, quod manu sumpto fundo vasis urinarii, in quo lotium continetur, non minus aperte manus Medici sustinentis vas conspicitur, quam si nihil corpulentum in vase inclusum esset. Etiam naturalis habitus bili osus suspicionem inducit, febrem biliosam esse, ut quoque consistendi ætas, & æstivum tempus, & locus, in quo febriens ægrotat, si calidus, ac siccus fuerit. Vita non otio atque quieti dedita, sed in laboribus, curis, vigiliis, solis incendiis, & ciborum parcitate assueta, præfertim si calida, & sicca, quæ manduntur, fuerint. Præterea medicamentum calfacientium, atque excitantium immodicus usus. Biliofa sponte, tam per aluum, quam per stomachum rejecta idem testantur. Promptiores ii ad sudandum sunt, quam qui à pituita, & melancolia occasionem febrium trahunt. Ingens fitis hos infestat, & vigiliae, ac insomnietates. Dolor temporis dextri urget, sine tamen capitis gravidine, quod fellis foliculus, in quo bilis asservatur, à jecore appendet, à quo vapor levis elatus, gravare caput minimè potest. Has biliosas febres in plurimum breves præfertim vere, & æstatis initio esse, tam in universal duratione, quam in particularium accessionum mora, experimur. Quod humor bili osus tenuis substantiæ, ut diximus, sit, paratusque per ventrem, aut vomitum, sive urinam sensibilitè citò

excerni, aut insensibilitè per halitum, aut medio, inter hæc, modo per sudorem. Cumque natura horum alterum assequi præimbelligante, aut nimia humoris multitudine, sive malitia nequit, succubens æger celeriter moritur. Neque perpetuum est, quod Galenus secundo de Febrium differentiis, cap. 3. dixit: [Nam quæ ex flava bile per sensibiles corporis partes delata, ortitur febris, cum rigore invadit, atque ardentis febris similitudinem gerit.] Sæpe enim cum horrore tantum febris ab hoc humore proveniens incipit. Ac nonnumquam sine utroque symptomatæ, horrore, scilicet, & rigore. Neque illud quod per duas lineas infra scribitur: [Hujus febris accessio duodecim ad summum horarum æquinoctialium spatio finitur, eandemque tertianam exquisitam appellamus.] Semper verum est. Ego enim sæpe observavi, & quisquis velit, idem observare poterit: quam plures febres exactè biliosas æstatis tempore, præfertim post duos menses post solis ingressum in initium cancri, atque in vere quoque. Plus quam per quindecim horas æquinoctialis, & ulterius durare. Quod ingens copia exactæ bilis redundaret, ac tanta, quod intra duodecim horas per febrem absumi, aut à vasis cordis sejungi vi spirituum, ut diximus, calidarum dilatantium vasa, in quæ propellenda ipsa bilis est, non potuerit. Innumeræ quoque indubie nothas in æstatis fine, & in autumno conspici, quæ duodecim horas non transgrediuntur. De quibus non paucæ in præsenti anno 1556. visæ à me sunt: ultra viginti accessiones perdurantes. Neque mihi objici potest, priores febres à bili exquisita ortum non traxisse, cum ex signis exactæ biliis, quæ retuli, Galeno non adversan te,

te, immò ipso idem, quod ego, testante, capite 1. libri secundi de Februm differentiis, facile intelligitur, exactam bilem occasionem febris illius esse. Etiam quòd contingat non raro prædictam, & consimiles febres tres, aut quinque. Et in plurimum septem accessiones non pertransire. Quo bilem exquisitam, occasionem illius febris esse, conjectare valemus, decreto Hippocrat. in 59. Aphorism. quartæ sectionis. [Exquisita tertiana septem circuitibus, quod longissimum est judicatur.] Etiam arguere adversi non poterunt, exquisitas tertianas non ideo vocari, quòd ab exquisita bile oriantur, ut ego dixi. Sed quòd non ultra duodecim horas perdurent, ut Galen. in commento secundo, libri sexti de Morbis vulgaribus dixisse super contextu illo Hippocrat. [Quæcumque tertianæ naturam habent his nox ante accessionem molesta.] Videlicet: & expressius in commento 59. Aphorismi citati. Nam secundo libro de Februm differentiis, cap. 3. id dixisse verba parum supra ducta probant. Neque in locis contra nos ductis, Galenus negat à flava bile, quæ bilis exquisitissima est, tertianas exquisitas ori. Sed simul alia commitari flavam bilem refert. Puta æstivum tempus juvenilem ætatem biliosam temperiem. Et alia, quæ ibi referuntur. Quæ simul cum exquisita bile junta, ipsam copiofiorem esse in febriente, potius efficient, quām eandem imminuant, indeque diuturnioris durationis quām horarum duodecim esse poterit, ob rationem supra exaratam.

Neque contempnendum signum tertianæ in die sequenti venturæ est. Noctem antecedentem molestam esse, quin adeo certum, ut rarissimè oppositum contingat. Quod non solum in intermittentibus ter-

tianis evenit, verum in continuis per tertias dies gravius infestantes. Hoc intellegisse Hippocratem, verba citata, ex lib. de Morbis vulgaribus: [Quæcumque tertianæ natu ram habent, his nox ante accessionem molesta est.] docent. Dixit enim, quæcumque tertianæ natu ram habent, ut includeret intermittentes, & continuas certè mihi dum hæc compono, sæpius contingit. Cum complures intermittentes febres tertianæ, ac continuæ vagen tur. Et prædicarem ægris noctem, in qua inquieti, & vigiles futuri erant, ac quòd in sequenti soporem placidum, & minimè molestum erant dormituri. Minus gravem vi sam ab ægris illis noctem, quām esset, quòd prævisa jacula minus feriant, & in reliquis à me jussis fieri libentius obtemperasse eos dem.

Neque sub silentio præterire licet signum aliud de sudore finiente has febres cuius superius memini mus. Este in exitialibus febribus quandoque frigidum, ut Hippocrat. 37. Aphorism. 4. referebat: [Frigidi sudores cum acuta quidem febre mortem: cum mitiore autem longitudinem morbi significant.] Quòd Galenus in exordio commenti causam hujus eventus explorare suadens (nam plurimam sibi videtur habere dubitationem) innumer as nugas scripsit, quoniam causam febrilis caloris ignoravit, quas ne lectorem tedio afficiam. Non transcribo, nec sigillatim reprehendo. Sat enim est. Quòd si febriles calores à putridis humoribus orirentur, cum febris est acuta, potuissent illi aut calefacere materiam, ex qua sudores illi frigidi fiant, aut si tam multi succi frigidi forent, quòd vinci à calore putridorum succorum non possent, ut Galenus dixisse videtur, impossibile esset, quòd illo-

*Aliud signum
in cuius causa
taxatur Ga-
lenus.*

illorum frigiditas non vinceret calorem febrium, aqua enim, & igne juxta positis, & utrumque intra spheram activitatis alterius existens, impossibile est. Si debilius in potentius, agere non potest, quod potentius in illud non agat, modo cum multo ante quam febris incœpisset, succi frigidi in corporis vasis inclusi erant (post enim gini non potuerunt, quod febris hos gini, potius prohibuerat, quam proratas) febriens vivus non futurus erat, sed multo ante quam febriret, moriturus: aut frigiditatem tam ingentem illorum succorum prohibituram, caloris febrilis in corpus inductionem, necessario futurum erat. Alias non potentior frigiditas illa esset. Cujus oppositum Galen. ipse testatur. Contingit ergo illud quod Hippocrat. in Aphorismo citato inquit: Tunc cum imbecilla facultas humana est, exiguis spiritibus, & immodicè calidis ob velocissimum, & frequenterissimum cordis motum existentibus, immoderatus nempè spirituum calor febrem ardentem efficit, qua beliosorum succorum consistentiam insensibiliter discutit, & pituitosorum redundantiam insensibiles vapores resolvit. Quam in cuti ad propriam frigidam naturam conversi, densatique sudoris consistentiam sumunt.

Alia predicatione. Prædicere quoque sèpissimè prudens Medicus potest, post 24. horas à prima invasione febris transfactas an diaria illa, an tertiana, an quartana, an continua: futura sit. Nam diariam esse noscet, ideò quod fermè horas 24. parum plus, aut minus perduraverit, maximè si alia signa diariarum adjunguntur. Continuam, si relatis horis transfatis, adhuc viget. Tertianam simplicem, aut duplicem, si æger in quovis anni tempore constitutus dummodo

à quindecima die Julii usque in Octobris mensis finem, non constituantur, quindecim non transgrediatur horas febricitando. Numquam enim primam tertianam relatas transgresisse me vidisse, memoror. Sicut neque quartanam in ullo alio anni tempore incepisse, quam in praedicta intercapidine Augusti, Septembri, & Octobris, & quindecim ultimis Julii diebus. Maximè in illis qui numquam ante, idem febris genus passi sunt. Quartanæ æquivoca sunt signa, ea tamen præcipua ejusdem tunc primum incipientis sunt, in præscriptis superius mensibus invadere, & ultra horas octo in plurimum priorem febrem non perdurare. Est enim tam gravis melancholicus succus, ut ejusdem portio, quæ primum inficere adeò cor valet, ut ipsum in magnas, veloces, & frequentes diaftoles, & systoles atolli, & deprimi cogit, quod indè febris evadat. Non nisi exigua sit, & adeò pauca, ut discuti in relatis horis vi caloris spirituum possit, aut à corde, tam longè sejungi, quod cor in relatos insurgere motus ulterius non cogatur. Reliqua signa in capite proprio de quartana exarabuntur. Aliud non minus præteritis certum signum generis febris est, nosse gravantium morborum naturam, tales enim in plurimum futuri sunt, qui incipiunt, quales vulgares ea tempestate corripientes, quapropter aberrant quam maximè Regum, & Magnatum Medici, qui nolunt alios in visere ægros, quam proprios dominos, quod si accidit, dominum vulgari genere morbi ægrotare, inexperti nequeunt prædicere morbi exitum, neque quo præsidio melius medeantur morbi illi decernere neque lector putet hæc adeò perpetua esse, ut aliter quam dictum est invadere febres non continet,

gat,

gat, nam ego non raro variari hæc expertus sum.

Hæc, quæ narravi, signa exquisitæ bilis esse, super satisque explícitum est. Verùm cum exquisita bilis febrium intermittentium occasio quandoque sit, alias continuarum, & harum nonnullæ causus à nostris prædecessoribus nominentur, consentaneum erit, medellam partiri in tria capita unum intermittentium, aliud continuarum, tertium causorum. Nam & si præcipiuus scopus in his omnibus observandus unus sit, puta biliosæ materiae educatione, & si simul sanguis redundaverit, ejusdem per venæ sectionem extractio, nonnulla remedia potius uni, quam alteri prosunt. Ac viætus ratio jam quod in maximis par sit, in hora exhibendi alimento, & potionem, diversa necessario futura est.

CAPUT XXXVI.

De medella febris intermittentis ab exacta bile ortum trahentis.

Caput hoc non est à nobis inscriptum de medella exquisitarum tertianarum, ut in codicibus Græcorum, & Arabum reperitur, quod, ut superiorius docui, possit exquisita bilis quotidie ob sui multitudinem, aut propter virtutis fortitudinem properantis in materia extirpationem infestare (quamquam frequentius ob imbecillitatem ejusdem, assiduitas febris contingat) verum cotidie ex bili exquisita febrem provenire, non adeo frequens est, ut quod febris intermittens ab exquisita bili oriens, per tertios dies infestet. Per quartos nempè numquam exquisitabilem redire novi, & si bilem nocta per hos accedere posse, non dubito. Methodis ergo nonnullis medellam relatalem exponamus.

Nam sic lector magis distinctè curationem comprehendet, & memoriae facilius eandem commendabit. Sitque prior quæ sequitur.

Quamquam omnes fermè febres ^{1. Methodus} quæ ab aliis humoribus, excepta exacta bili, occasionem trahunt, aliquando vi medicaminum augeari, & intensiores fieri poscant, ut calor ingentior factus, valeat dilatare meatus, per quos humor noxius excerni possit, & idem in halitum discuti. Quæ tamen à relata bili febres originantur, id minimè desiderant: tam quod synceri puri biliosi succi præ nimia tenuitate nocentes, egeant inspissari, ut coquantur, quod frigiditate potius, quam calore assequendum est: quam quod ratione superiorius dicta satis ardens febris ab exacta bili oritur.

Secunda methodus. Neque ob hoc ^{2. Methodus} infrigidantibus exterius admotis, procuranda refrigeratio est, nisi tunc cum adeò immodicè dissolvi corpus ob vim febris Medicus suspicetur, ut in syncopem casurum ægrum conjectet. Alias enim prohibi difflationem malorum succorum per relatorum medicamentorum frigidorum corpori approximationem, quis non videt? Unde patet id, quod quam maximè ex junioribus aliqui convenire febribus credunt, puta admoveare epithemata ex aquis, & pulveribus frigidis vim confortandi cor habentibus mediis thoracis partibus, aut parum declivibus ad sinistras, etiam ante concoctam materiam, pernitosum esse. Nam ii credebant hoc salubriter permittendum in relatis corporis partibus, ut in quibus nullius obstructionis gignendæ timor suspicari valeret. Non animadvententes, quod quamquam illud ita sit, aliud insigne incommodum ex illa admotione sequebatur, fuligineum scilicet, quæ per cutim pecto-

ris discutiuntur, detentionem intra thoracem, & cor fieri. Et quamvis relata vera sint, licebit, & quam maximè conductet his, succum pomorum accidorum, & malorum punicorum dulcium, & acetosorum, & pruna, quæ damascena vocant, & ex malis Medicis arantia nominata mandere, & aquam hordeo coctam bibere, & holera, ac fructus refrigerantes, ut lactucas, & intybum, quam nostri scariolam dicunt, & acetosam, & cerasa acria in principio prandii comedere. Iis enim mansis, incommodeum relatū minimè sequi poterit, & refrigerationis utilitas assequetur. Neque expectandus septimæ diei transitus erit, ut uti prædictis fructibus æger permittatur, ceu non paucæ authoritatis Medici præceperrunt, sed à principio concedendi erunt. Si enim hæc concoquunt bilem exactam, quæ immodicè tenuis est, & ad mediocrem consistētiā eam reducunt, cur tunc plus de his alimentis dandum non erit illis, qui tenuorem bilem habent, quam aliis? Et cum in universali febris initio bilis minus cocta sit, indeque tenuior, liquidò sequitur tunc plus quam unquam prodesse relatos fructus, & holera. Secūs illi, qui acidi non sunt, prout persica, & melones, quos melopepones Galenus dicit, & cocumeres, & cæteri fructus corrupti parati, nam hos nisi concocta materia, & potiore parte vacuata, comedere non consulo, ne forte in aliorum corruptorum succorum naturam transeant.

3. Methodus.

Tertia methodus. Alimenta conferentia his sunt, quæ frigida, & humida qualitate dotantur, facilis que concoctionis fuerint. Omnes enim, qui febriunt, faciliā concoctu poscunt, ne concoctrix facultas alimenta difficilia coquen-

Tom. II.

do, à pugna contra morbificam causam distrahatur, & ipsa obstruções ginant. Expedibit ergo pisiculos parvos fluviatiles prandere, & pullaceam carnem cum lactucis decoctam. Cerebra etiam hoedorum non indecentia sunt; quia pituitosum, & crassum succum contrarium tenuitati, & calori bilis reddant, ut Galenus 3. de Alimentorum facultatibus, cap. de Cerebro, dicebat. Quod admirari cogit, cur enim libro primo de Arte curativa ad Glauconem, cap. 9. suum cerebrum patientibus tertianam exquisitam concesserit, immemor propriæ sententiae in citato loco de Alimentorum facultatibus, ubi sic de Cerebro scriperat. [Cerebrum omne, cibus est pituitosior, crassique succi, & tardè permeans, ac ad coquendum difficultis. Non minimum etiam cerebrum omne stomacho nocet. Quidam autem ipsius mollitie decepti, ipsum ægrotis exhibent, cum præter alia nauseam etiam concitet.] Nempè si commune omni cerebro est, tardè permeare, & ad coquendum difficile esse, & stomacho nocere, hæc incommoda quam maximè cerebra suum inter pedestria fermè humidissima obtinebunt, quo indecentia febrentibus à bili exquisita erunt. Ii enim sæpius fastidium ingens ob bilem ad stomachum delatam patiuntur. Consultius ergo secum ageretur, si hoedorum cerebra illis darentur, ut nos fecimus, quod hæc animalium natura siccorum cum sint, multò magis correpta vitia, quam suum habebunt. Quapropter non indoctè Avicena prima quarti, cap. de Medella exquisitæ tertianæ dixit. [Cerebella hoedorum, à quibus non provenit nausea, convenire illis febrentibus.] Suum etiam pedes Galenus in relato loco his dare jubet.

L I

A

At ego à tam lento alimento fuge-re jubeo, ne fortè si immodicis fri-gidæ potionibus cum exquisita bili-pituita adjungatur, & in notham-bilem transeat, lentore, glutinosi-tateque pedum suis, febris diutur-nior reddatur. Etiam si arcta jecoris, aut lienis vasa fuerint, obstruc-tio ulla difficultis medellæ fiat. Pe-des enim consistentiæ, quam dixi-mus esse, docuerat Galenus, 3.lib. de Alimentorum facultatibus, cap. de Animalium pedestrium partibus ex carnibus. Quæ ergo sine timore ultra recensita concedi queunt, tes-ticuli pullorum gallinarum sunt. Hi enim multò utiliores, quām Gallo-rum juvenum, aut veterum à me censemur: & si Galenus, & Avi-cena gallorum testiculos, his fe-brientibus, concesserint: multò enim teneriores, & facilioris coctionis, & temperatoris alimenti pullorum gallinarum, quām gallorum pro-vectorum esse, omnibus notum est. Si enim testes arietum veterum, qui minus siccii, quām galli sunt, ali-mentum difficile concoctu reddunt, quanto magis gallorum adeò fre-quenter coēuntium dabunt. Eadem-que ratione, qua relatorum pullo-rum testes utiles sunt juvenum arie-tum testiculi conducent. Perdicum, pullorum caro aptissima his quo-que erit, & juvenum gallinarum. Alæ volucrum, quæ carnem mollem non habent, minimè his conve-nient, prout mea sententia est: quamquām oppositum dixerit Ga-lenus. Nam accipitrum omnium alæ ex his avibus sunt, quæ carnem mollem minimè habent, horum ta-men alas immodicè siccas esse: plus-que quam aliarum avium quis du-bitare poterit? Modò secca alimen-ta febi, cui medemur, inutilia fo-re, omnes scimus, inde ergo restabit, meritò à nobis Galenum taxa-tum. Ovorum quoque recentium

lutea sorberi, præsertim ab illis, qui assueti vesci eis sunt, Galenus præ-cepit. Alba eorumdem meritò ve-tuit, quia non adeò facilia ad co-quendum sint in his, qui imbecil-lem ventriculum habent, secùs ubi concoctrix facultas valida est. Ibi enim frigiditate, & lentore confe-runt, & minimè nocent. Sed & lac-tucas ipsas crudas cum aqua, & ace-to, & sacharo in principio cænæ sumere laudatissimum est, ut ace-tarium ex lactucis, borragine, ace-tosa, portulaca cum paucō oleo, & aceto copiosiore, & aqua, ac sa-charo. Cucurbitam viridem priùs aqua elixatam, ac post sacharo, & oleo, & omphacio, ac aqua iterum in fictili vale in coctam etiam pro-desse, certum est. Et ex relatis ali-mentis cum aceto, vel omphacio absonia grata febrenti parare val-dè proficuum esse judico. Melones lutei coloris, quos hyemales His-pani vocant, etiam in principio con-ducunt.

Quarta methodus. Exprimere omnia alimenta, quæ vitanda his febrientibus sunt, incassum foret, tām quòd ex notitia eorum, quæ profund, intelligi valent, quām quòd prolixum foret, singulatim omnia percurrere, ideo tantum, quæ man-di ab omnibus fermè solent, & re-latis febrientibus insigniter nocent, hic explicabuntur. Sinapi ergo, & mel, acria, & salita omnia, vinum quoque præsertim ante concoctum vacuatum humorem, fugienda e-runt.

4. Methodus.

Quinta methodus. Frigidæ po-tus, consistente febre, aut incli-nante iis confert, noxiūs verò, cùm rigore febriens corrīpitur, & per tres horas ante, vel post rigoris in-vasionem est. Cùm tamen febris abeat, & ipsa præsente, aqua da-mascenis prunis, & hordeo, vel horum altero cocta, prodest. Utrum au-

5. Methodus.

autem liceat patienti febrem tertianam intermittentem ab exquisita bili, aquam nive infrigidatam copiosè cum viget bibere, paucis hic perstringam. Nempe animadversione facta ad humorem, qui febris occasio est, nulla in febre sic aquam relatam bibere convenit, iprout hic, quod tenuior, & calidior humor ex acta bilis cæteris sit. Secus si ad vires ægrotantis, & vasorum amplitudinem consideratio fiat. Nam tunc plus in continentibus febribus à sanguine plurimo, ortum trahentibus concedi gelidæ potio valebit, quam in aliis febribus. Solent enim in plurimum carnosi robustissimi hoc febris genere ægrotare.

6. Methodus.

Sexta methodus. Utrum vena secunda sit in his, qui intermittentem tertianam ab exquisita bili patiuntur, an non? aliqui dubitavere. Cum enim Galenus medens tertianæ huic 9. cap. citato libri primi de Arte curativa ad Glauconem de alui expurgatione, & aliis præsidii meminerit, de venæ autem sectione mentionem nullam fecerit, & in sequenti cap. de Cura Tertianæ non puræ hujus non fuerit oblitus, quin mitti ab illis febrentibus sanguinem jusserrit, videbatur nonnullis voluisse sanguinis missionem huic febri minimè competere. Atque adeò processit aliquorum opinio vetantium ob hanc, vel aliam causam secari venam in tertianis, quod non defuerit ex junioribus, qui dixerit, venæ sectionem tertianam simplicem efficere duplē, & duplē continuam. At eventus docent, non solum timorem relatum vanum esse, verum mendacem, & omni rationi contrarium. Quippe cum bilis in venis contenta, & si cum valde tenuis, vel immodicè crassa est, vena secta, educi non possit, ad mediocrem consisten-

Tom. II,

tiam redacta, vitare quis poterit, quod sanguini mixta non educatur? Etiam posse infici sanguinem ex ejus commercio, præsertim si non multitudine, sed putredine bilis peccet, nemo mentis compos inficiari valebit. Sanguinem quoque multum, & plusquam corpori patienti tertianam convenit, simul cum redundante, vel putrente bili posse conjungi, nemo negabit. Merito ergo cum hæc acciderint, sanguinem mitti debebit. Quod satis doctè, & si parum eleganter Avicena, cap. proprio de Medella exquisitæ tertianæ dicebat. [Et quando possibile est, ut phlebotomes, usque ad tres periodos fac.] Quod decreatum explicare, ut referam, experimenta quam plurima docuerunt: & me senioris Medici cuiusdam plus experti, quam docti sententia, & innumeri prosperi eventus compulerunt. Dicebat enim ille, Avicenam voluisse sanguinem extrahendum non esse à tertianam patientibus, donec tres febriles accessiones transierint. Neque etiam diutius immorandum, sed dumtaxat venam secundam tunc cum prædictæ tres accessiones essent transfactæ, & prius quam quarta occurseret: has tres periodos Avicenæ Interpres nominavit. Itaque in die quietis intermedia inter tertiam, & quartam febrilem invasionem, si tertiana foret simplex, aut in die minoris afflictionis, si fuisset duplex, quod raro ab exquisita bili orientibus accidit, dum insigne aliquod inconveniens, id non vetusset, venæ sectionem fieri jubebat. Quapropter Avicena cautè dixerat, si possibile est, sanguinem mitti, &c. Differte certè sanguinis missionem usque ad relatum trium accessionum transitum, qui quinque diebus perficitur, prima, scilicet, die morbi, & tertia, ac quinta ne-

Ll 2

ces-

cessarium judicabat ille , ut bilis concoqueretur , seu præ nimia tenuitate , sive immodica crassitie , ipsa vitiata foret , ut sanguini misita , & vena secta educi cum sanguine valeret . Si enim prius vena secaretur , vereri posset Medicus , sanguinem minimè vitiatum educendum , & bilem corruptam intra corpus mansuram . A cujus sententia , ut dixi , minimè discedendo , prosperè cessit .

^{8. Methodus.} ta in capite generico de medella febrium adducta , in quibus cautum est , ne in die accessionis febrilis vacuaremus , neque alimento febrenti in principio accessionis , aut per tres horas ante concederemus . Etiam nondum cocta materia propria morbi , licere pharmaca lenientia , qualia sunt pruni damasceni , & tamarindi , & casia fistularis , bibenda febrentibus dare , & vomitionem à natura tentatam levibus præsidii adjuvare , atque non esse adeò intrepidè audendum sudorem , & urinam proritare , cùm bilis , quæ est occasio morbi , incœta sit , ut vomitio levis , & ventris lenitio relatæ . Nam hæ ultimæ vacuationes fieri queunt , nullis humoribus , præter quām educendis , commotis . Sudoris autem , & urinæ proritatio non nisi etiam iis , qui morbi causa propria fuerint , concussis , fieri nequit .

^{9. Methodus.} Nona methodus . Concoctio ex-

quisitæ bilis , quæ pharmaci facienda est , ut ipsa educationi vi medicamenti sit prompta , rectè syru po violaceo , & oxyzacra , ac syru po acetoso , vel horum altero cùm intibi , aut acetosæ , vel plataginis aqua sublimata exequitur , dum syruporum relatorum uncias duas , & ex quavis aliarum aquarum uncias quoque duas febrenti summo manè des , & dormire jubeas , nisi eventus accessionis prohibeat . Plurimis quoque aliis syrups , puta illo , qui ex acido mali Medici fit , & eo , qui ex omphacio conficitur , ac reliquis infrigidandi vim habentibus , concoctio relata fieri valet , quorum qui potior sit , Medici arbitrio committitur . Nempè dum venter est plus justo laxior , syrus , qui omphacium recipit , confert , ac etiam tunc vomitioni promptissimus fuerit æger . At verò si immodicè adstricta alius fiet , ex violis factus

^{8. Methodus.}

Octava methodus . Non sunt oblivious tradenda cætera præcep-

syrupus prodest. Si animi deliquium præsertim per oris ventriculi confortum æger patiatur, qui ex acido mali Medici fit syrupus, eligendus est. Et per relatam normam cætera sunt moderanda.

10. Methodus.

Decima methodus. Coctio his, quos diximus syrupis, tribus diebus in plurimum perficitur, quibus transactis, medicamento vim evacuandi bilem habente, febrentem purgare convenit. Dum hoc, quod prouidè caveo, obseruetur, ne scilicet priusquam accessione quinta transeat, purgatio fiat. Itaque in decima die à morbi initio erit exequenda. Neque id temere præcipimus, sed quia existimemus omnibus, aut plurimis eorum, qui relatam febrem patiuntur convenire sanguinis missionem, quæ ante vacuationem humoris proprii morbi (secus ejus, qui in ventriculo, & ventre inferiore continetur) facienda est, & non nisi in sexta die, ut in sexta methodo diximus. Supereft ergo ante quartam accessionem, quæ in septima die fit, vacuationem proprii febrilis humoris effici non posse. At si in octava sequenti purgatio fieret, cum in nona die quinta accessione corripiat, & hæc, ac quarta antecedens sint in plurimum validiores cæteris accessionibus, ut quæ morbi statum constituant, prudenter, secundum meam sententiam in relata octava die ægrum vacuare cohibemus, ne à pugna contra morbi causam distrahatur natura. Et quamquam in his intermittentibus tertianis pugna, quæ in continuis contingit, ubi propriæ crises accidunt, non eveniat, neque sævit symptomatum, qualis in illis visatur, neque etiam in octava, quam dixi, die, ulla corripiat febris, cum hoc tamen octava inter dies status improprii necessariò computanda erit, quod septima,

& nona constituant statum tertianæ exquisitæ, ut prædictimus, & ipsa octava inter utrasque comprehendatur. Ultra relatam quoque rationem eventibus, & veritati in totum conformem. Etiam Medicis cœranticibus non nihil conducit, in die, quam dixi, pharmaco febrentem purgare. Nam cum tantum duæ accessiones in plurimum supersint post decimum diem, in qua aliud subductio facienda erit, si nostris præceptis fides adhibetur, honor quidam Medico asciscitur, ut potè cui tribuitur salus, & morbi inclinatio ob pharmacum purgans collatum ægrotanti, quod exquisita tertiana septem accessionibus tantum in plurimum finiatur, ut Hippocrat. 4. Aphorismorum dicebat: & ambæ multo debiliores præcedentibus sint.

Undecima methodus. Quamvis multa sint simplicia medidamenta habentia vim expurgandi bilem exquisitam, non tamen his solis uti consulo, tam quod potio ex his composita non adeò gustui suavis conficitur, ut ex medicamentis compositis, quæ simplicia bilem purgantia, ac simul alia corrigentia eadem, recipiunt, quam quod simplicia ex mitibus, & debilem vim habentibus, non nisi in magnis ponderibus sumpta, quod fastidium ægrotantibus infert, insigne aliquod operantur. Etiam quia in plurimum talia vomuntur. Et si fortia simplicia fuerint, ultra hoc, quod venenosam vim habent, immodecum calida esse consueverint, quibus quam maximè hi febrentes nocumentum insigne recipient.

11. Methodus.

Duodecima methodus. Conveniet ergo his potio, quæ ex unciis ii. casiae fistularis, & unciae semisse leetuarii rosati Mesue conficitur, dissolutis iis, in decocto prunorum, & violarum, & infusione tamarindo-

dorum: & alia quoque, quæ recipit mannae Calabre uncias ii. electuarii rosati Mesue, & confectionis medicaminis amech. ana. drachmas iii. in superius dicta coctione dissoluta. Prudesse reor confectione medicaminis istis febrentibus, quod suspicet, bilis exactæ nonnullam portionem jam tunc, cum venter medicamento solvitur, in melancholiam præ nimia caliditate transisse, cujus evacuationi quam maximè opitulatur relata confectio. Alia etiam quam multum prodest illis, qui debile jecur habere creduntur, quæ conficitur ex maceratione duarum drachmarum Rhabarbari in aqua intibi, & ex pulpæ Casiae fistularis drachmis quinque, & electuarii rosati Mesue drachmis tribus, dissolutis his, in maceratione seminimum co. frigidorum, & decocto floris borraginis, & violarum. Electuarium de succo rosarium Nicolai existimo multum minus valere febrentibus à bili exquisita, quam electuarium rosatum Mesue, quo utor in antecedentibus compositionibus, ob id, quod multa, quæ vim exiccandi habent, sandalos scilicet, & Arabum spodium, illud Nicolai electuarium recipiat, quo minimè indigent febientes, quibus medemur, quin, quæ humectant, poscunt. Indeque ultra relatas potiones illa, quæ conficitur ex diapruno laxante, quod damascenum etiam alio nomine à Nicolao nuncupatur, utilissima à me censetur: quia casiam fistularem, violas purpureas, & pruna humectantia recipiat, quibus scamonii, & aliorum siccorum medicamentorum vires siccandi hebetantur. Porro si objiciat quis nobis, pruna Damasci siccata esse, fultus autoritate Dioscoridis libro primo, cap. 137. in quo vi adstringendi aluum, hæc dotari, fatetur. Illi respondebimus:

Confitendo, nobis, qui Damascum Syriae minimè novimus, ignotum esse. An illud Dioscoridis verum, an falsum sit: hoc tamen nos certo scire, his, quibus utimur, prunis, loco damascenorum, facultatem solutivam ventris collatam à natura esse, ut Arabes omnes scripsere: quin, & Martialis Romæ degens, lib. 13. idem asseveravit inquiens: [Pruna peregrina carie rugosa senectæ sume, solent duri solvere ventris onus.] In his versibus non de aliis, quam Damacenis, ut videtur locutus. Peregrina enim Romanis damascena erant, obsecnentam nempè potius adstringentia quam ventrem solventiam vertenda erant, quod suspicionem infert, Dioscoridis citatum locum vitiatum esse. Galeno 7. simplicium medicamentorum idem quod nobis visum.

Decimatertia methodus. A catapotiis, quas pillulas vocare solemus, in his morbis, qui ab exquisita bili occasionem trahunt, quam maximè abhorreo, multis de causis. Primò, quod vulgares pillularum compositiones medicamenta immodecum calida recipiant: quia in paucis pondere, quale est pillularum quinque, aut septem, quæ communiter devorantur, possibile non est, vim purgaticem validam inesse, nisi ex medicamentis sufficienter solventibus catapotia componerentur. Isque pharmacis acrem facultatem inditam esse, omnes novere. Secundò, quod pillulæ diutius in ventre continentur, quam potionis, quæ citò dilabuntur, & per aluum expurgantur. Cumque, ut dixi, calidæ facultatis pillulæ sint: nocere plus valent, quam potionis, paucis tempore in ventre detentæ, exiguum calorem inferre valentes. Tertiò, quia pillulæ plus exiccano, quam potionis, quæ ex aqua

con-

conficiuntur, febri entibus nocent: quod his, quae humectant, expediant. Sed si coactus Medicus catapotia dare febri cogatur, vel ob id, quod potionē bibere æger non valet, aut potatas stomachus continere non potest, devoret febriens pillulas Joannis Mesue, quae inscribuntur, conferentes ad febres cholericas, & ad ægritudines cholerae citrinæ, & sanguinis. Inter enim universas, quas relatus Author composuit, nullas alias magis aptas huic febri, cui medeor, esse puto, quam prædictæ parum ante finem distinctionum pillularum scriptæ. A Nicolao enim nullas conferentes huic morbo compositas reperire valebit ullus, quantumvis ejusdem antidota ad unguem examinet. Verum, & si res ita habeat: ad manū sunt pillulae, quae ex scamonio in malo Cydonio asso, quod diagridium vocare solent, conficiuntur, ex quo cum succo rosarum, & mastichis parum confici possunt innumeræ, variatis ponderibus relatorum trium simplicium. Ex rhabarbaro quoque admisto scamonio, ut minori ponderi major vis insit, confici pullulae huic febri utiles valent. Scamonium hempe ultra assationem, satis adstrictione corporis rhabarbari corrigitur. Ex pulpa casiae fistularis etiam fieri pillulae valent, admisto scamonii correpti pondere sufficienti, ipsi pulpæ, aliis quoque, quae conferre roborando ventriculum, & cor valent, admistis. Ex aloë pillulas factas non adeò utiles huic febri esse censeo, ut quas dixi: quia adstritoriam vim aloë habet, quam post aluum solutam in intestinis relinquit. Ex manna, & scamonio confici etiam pillulae queunt, atque ex aliis innumeris medicamentis, quae brevitatis causa omitto.

Decimatercia methodus. Inter

potiones ex aqua, & medicinis solventibus compositas, quas suprà retuli, & catapotia nuper scripta, quasi medianam consistentiam mel rosa ceum ex persicis rosis septies, vel novies infusis obtinet: quod utile huic febri esse opinor, maximè si ex sacharo, & non ex melle conficiatur syrupus, & rosarum rubeorum vulgarium succus eidem in potionē addatur, quo aliarum rosarum calor ingentior, mitior fiat. Opinari nempe succum rosarum nostrarum calidum in primo gradu esse, ut Mesue, capite de Rosis dixit, neque verum, neque falsum esse nunc attestor: rationem tamen, qua fultus Mesue, id afferuit, nullius esse valoris fateor. Refert enim sequentia verba: [Est autem succus ejus calidus ferè usque ad primum gradum propter exclusionem ejus à re terrestri, & frigida.] Qua ratione, & succus papaveris, & lactucae minus frigida ipso paupere, & lactuca essent, cujus oppositum experimenta docent. Succus nempe, vel lacryma, seu lac papaverinum, opium dicitur, vel alterum meconium alii opium, puta succus ex papaveris foliis, & capitis expressus, meconium nominatur. Opium autem, quod defluit ex scarificatis capitibus.

Decimaquarta methodus. Post diem, in qua aliud soluta est, sequenti summo manè æger ex foliis rosarum, & sacharo conditum sumat, & aquæ intibi sublimati uncias ii. bibat, eisdemque in sequentibus diebus utatur, dum febrem in declinationem universi morbi tendere Medicus noverit. At si ipsam persistere, & diu duraturam conjectaverit, statim à relatis abstinere jubebit. Verendum quippe est, bili exactæ non nihil pituitæ, aut melancholici succi admistum esse, obstructionisque suspicionem non nul-

nullam imminere, cui potius, quæ aperiunt, ut ex radicibus syrupi, & ex seminibus foeniculi, anesi, apii, hyssopi decoctum conducent, quæ rhodosacarum vim adstricteriam habens.

15. Methodus.

Decimaquinta methodus. Ut in universi morbi inclinatione unguentis, cerotis, & emplastris infrigidantibus minimè probo, tam quod si morbi occasio sufficienter vacuata est, natura quod supereft caloris febrilis citissimè sine extrinseco adjutorio vincet, non aliter quæ ablato igne, aqua caliditatem sibi præternaturalem corrumpit, quæ quod indubitatum est, ubi adhuc febris durat, aliquid noxiæ succi in corpore manere, cuius difflationi relata frigida obsunt. Neque audiendus est in hoc proposito Galen. tertio Techni præcipiens. [Unamquamque causam abscondi prius, deinde venire ad eam, quæ facta est, distemperiem.] Seductus quippè est hic multivagus author, opinatus intemperiem calidam sine causa extrinseca ægrotanti inesse posse, cuius oppositum verum esse satis clare retro in commento libri de Inæquali intemperie probavimus.

16. Methodus.

Decimasexta methodus. Balneis usus est Galenus in medella hujus febris, quem Græci, & Arabes sequuti sunt. At apud Hispanos usus horum diuitest, quod exolevit, indeque rarissimè eisdem pro medendis his febribus utimur. Si enim Lentiae sulphureis therapis uti jubemus, non febrientibus id præcipimus, sed resolutis podagricis, & ex frigida materia morbos patientibus. Verum cum non immodico, sed satis levir labore balnea aquæ dulcis fabricari valeant, si illa validè utilia forent, facienda pro quo vis febriente fuissent, quod contemnimus, ut qui ratione, & expe-

rimenis docti, haud multum conferre, noscimus. Nam, aut humoris, qui febris occasio est, majorem portionem à natura, vel medicamentis eductam à corpore esse existimamus, vel non. Si excretam esse putamus, residuum ipsa accessione febrili, & sudore quo in plurimum finitur hujusmodi febris, sine balnei usu finietur. Si major pars adhuc in corpore contenta est, balnea insigne damnum febrenti inferent, miscendo scilicet, sui calore si ex calidis aquis fiat, inculpatos succos cum noxiis: si ex frigidis, eorundem dissolutionem prohibendo. Et quamquam in his, quæ ab exquisita bili febribus proveniunt, parum prodesse balnea dixerim, in aliis à crassis ortum trahentibus conferre existimo, ut post cum de pituitosis, & melancholicis febribus egerimus; Deo conceiente, dicemus.

His omnibus peractis, vinum album prodesse his febrentibus dico, non tantum quod tenui, parumque calidum est, verum in senibus antiquum odoratum, ac calidum: quod vinum vim educendi per urinam bilem, & pituitam attenuatam habeat. Etiam quod ad discutiendum per halitum humorē biliosum, naturam adjuvet. Id tamen non meracum sed limphatum bibendum est, hujusque cum aqua commissio Medico committenda est. Utrum autem aqua vino commista plus infrigidet, & humectet, quæ ipsa sola, aut non. Si Avicena verba cap. 38. primæ quarti de Medella tertianæ puræ perpendantur, quod plus humectet, & infrigidet dicere videntur, & oppositum quoque. Series enim eorum hæc est: [Et non timeas post declinationem potare eos vinum plurimum commixtum. Vinum enim fractum per commissionem confert quantitat

17. Methodus.

residui ejus in resolvendo illud, cuius necessaria est resolutio, & succurrat aquæ penetranti cum fortitudine sua, & permissoione ejus, quod est in eo de calefactione pauca, quare infrigidat vehementer, & humectat. [Quippe cum dicit, & succurrat aquæ penetranti cum fortitudine sua, & permissoione ejus, quod est in eo de calefactione pauca. Non aliud exprimere videtur, quam quod ex permissoione vini cum aqua, vis infrigidandi aquæ penetrantis in intima corporis, quam fortitudinem nominat, refrangatur permissoione vini reddentis aquam parum calidam. Verum cum inferius refert. Quare infrigidat vehementer, & humectat, contrarium sensisse judicandum est. Sed hujus contextus contrarietate in verbis dimissa, facillime quæsumus decenter absolvitur, dicendo aquam vino permixtam in plures partes corporis deferri posse, quam sola, ideo, quod in plurimum hominum vis attractiva alimentorum, plus concupiscat, quæ plus alunt, quam quæ minus: & cum aqua sola alere minimè valeat, & vinum nutrimentum celere dare natum sit, inde contingit, quod à pluribus corporis partibus hæc duo commixta, & attracta, plures infrigidare, & humectare, quam aqua possint. Non tamen intensius infrigidare sola aqua, quam ipsa vino commixta per relatam rationem colligitur, quin oppositum. Scilicet eas partes, in quas sola aqua dilabitur, frigidiores, & humidiores reddi, quam commixta vino. Neque perpetuum est, aquam vino commixtam in distantiores corporis partes permeare, cum ubi alimenti indigentia nulla esset, & refrigerationem membra poscerent. Propter vini consortium, ab eisdem aqua respueretur. Porro indocti com-

plures duo, quæ mutuo contradicunt: nisi ut nos exposuimus, distinguantur, confitentur. Alterum, quod vinum aqua commixtum plus inebriare valeat, quam solum, quod aqua sui tenui consistentia ipsum plus penetrare faciat, quam se solo posset. Et aliud in totum adversum, quod aqua vino commixta plus infrigidet, quam sola: quia aqua per vini commixtionem ingredi in eas partes posset, in quas sola non valeret. De medela intermittentis tertianæ sat dixisse existimo, transeamus ergo ad medendum continuis febribus ab exquisita bili orientibus. Ac priusquam de continuis febribus loquar, prognosticum quoddam rarum, minimè vero fallax exarare placet, hoc est. Cum in hora, in qua speratur febris, seu rigor, aut frigus, sudor copiosus supervenit, febrem finiri, & non amplius reddituram sperabis. Aliud quoque satis frequens, & pa- rum minus, quam præteritum certum est. Si febrenti tertiana intermitte, sive continua in labiis, ac simili in narium pinnis erispela oriatur, febris, citò finietur. Cujus prædictionis Avicena secunda parte, secundæ partis Canticorum, Canto 447. meminit, dicens. [Et pustulæ narium, aut labiorum in tertiana est signum salutis prognosticum.]

CAPUT XXXVII.

De febribus continuis ab exquisita bili ortum trabentibus.

Nomen febris, cui in præsen- tiarum medeor, signum proprium, quo ab intermittente distinguitur, præfert. Nam harum utraque signis exquisitæ bilis superius relatis dignoscitur. Verum præcedens intermittens nuncupata non semper infestare ægrum nata est, ut

continua, de qua agimus. Hanc enim nullo in tempore morbi abesse, nomen ipsius proclamat. Et quamvis tam hæc, quam multæ aliae febrium species etiam febientes incessanter infestent, fortita est præsens febris nomen tertianæ continuæ, quod hæc ægrum nunquam deferendo, tertii diebus ingentior in plurimum fieri soleat. Sed quod complures ignari Medici putant, hanc numquam rigore, aut horrore, vel frigore infestare posse, quin incessanter ab initio usque in finem ipsam durare, & quando alterum relatorum symptomatum in febribus his continuis conspicitur, statim credunt, febrem compositam ex hemitriteorum genere esse, ideò hos increpare: & veritatem in hoc negotio ostendere compellor, ut quod quandoque hoc genus febris quotidiè certis diei, aut noctis horis, & non tantum per tertias dies affligat, docere conabor.

Unde error quidam Medicorum ortum duxit. Porrò inde relatorum Medicorum error ortum duxit, quia opinabantur febiles rigores principium trahere ab expansione humoris biliosi supra carnem musculofam sentientem, quod dicunt illi contingere solum his febribus, quorum humor extra venas expansus, intermittentes febres facit. At cum rigoris causa, & origo hinc non oriatur, ut sufficienter in superioribus ostensum est: sed quia humoris noxii, qui febris occasio est, aliqua portio per cavam venam, aut arteriam in dorso sitam ascendens inficiat cordis sanguinem, ex quo spiritus vitales faciendi erant: cui malo succurrere natura volens, in magnas, veloces, & frequentes diastroles, & systoles cor attollit, & deprimit, ut ipsum calidius his immodicis motibus versum, spiritus calidiores solito reddat, quibus totum corpus febientibus calidius,

ac plus transmeabile, quam erat, quoque vertatur, habilioresque corporis meatus fiant, ut per eos excerni, & difflari noxius humor facilius possit, quam si febris non adesset, & ab eisdem spiritibus cum magna vi à corde febrentis in arteriam magnam protrusis, illa humoris noxii portio, quæ in relatam arteriam serpebat, à loco illo divellatur, undè concussio insignis in arteria ipsa, & in subditis nervis à dorsi medulla orientibus fit, & inde rigor omnium membrorum ortum trahentium à relatis nervis contingit, ut fusiū ubi de tigore egimus, explicuimus. Præcedentibus sic se habentibus, ut nunc relatum à me est, non video eo, quomodo possibile non sit, quod febre incessanter affligente, rigor in tertii diebus non contingat. Cùm possit tanta noxii humoris quantitas per cavam venam celeriter ascendere, ac tanta spirituum congeries à corde velociter in occursum relati humoris vitiati protrudi, ut ille motus concussivus, qui rigoris causa est, in nervis dorsi contingat. Cui rei non tantum præfata ratio fidem exhibet, verum eventus innumeri idem roborant. Mihi enim perspè contigit, vidisse febientes incessanter, ab exquisita bili occasione trahentes, ut humoris signa testabantur, & eosdem rigoribus in tertii diebus vexatos, aliosque frigoribus, nonnullos horribibus, quorum omnium febres intra decimum quartum diem finiebantur, quo compositas febtes relatas non fuisse, manifestè deprehendebatur. Porrò quidam Medicus satis nobis familiaris causum bis, vel tèr in diversis suæ ætatis temporibus passus est, ut ex plurimis propriis causis signis noscebatur. Semperque cum febrem hanc patiebatur, in tertii diebus frigoribus, aut horroribus in-

infestabatur. Hinc ergo restat, quod deinceps nullius in errore veteri persistere debet, sed nostris veris decretis assentiens, à falsa doctrina discedere tenetur. Sed de hoc satis dixisse existimo.

Ad aliud ergo, quod me doctorum promisi deveniendo, dico, rarerter, & si quandoque contingere, febres continuas à bili exquisita orientes quotidiè in certis diei, aut noctis horis insigniter augeri: at cum id acidit in plurimum in pomeridiana hora exacerbationem fieri, experimenta docent. A bili autem notha has sæpiissimè à me visas attestor, quibus nomen deesse Galenus 2. de Febrium differentiis, cap. secundo dixit, has dividens in eas, quæ cùm in omnibus diebus invalescunt, primæ diei accessio simillima est tertiae diei accessioni, & secundæ diei quartæ, in aliis diebus eadem invadendi norma servata. Ac in reliquas ubi pariter, & æquè in prima, & secunda die invalescit febris, & in aliis consequenter. Quod contingere quandoque, ut Galenus refert, inficiari non valeo, & si non raro accidat, accessiones has minimè hunc neque alium servare ordinem. Quia, ut superius ostensum à me est febres non à natura tantum humoris putrefacti accessiones varient, sed ab hac, & simul à facultate ipsius cordis ægrotantis. Nam quamvis magna portio humoris noxii in cor repat, si vires imbecillæ valde sint, cor minimè attolli in magnas, veloces, & frequentes diastoles, & systoles poterit, ut superius auctoritate Hippocrat. dixi, indeque febris accessio cessabit. Etiam & si paucus humor vitiatus corrumpere cordis sanguinem nitatur, quem sine febrili calore cordis facultas discutere non potest, ipsum velociter, & frequen-

ter expandendo, & constringendo febris causa esse valebit. Tandem tandem varietates in relatis accessionibus non compositioni febrium à diversis humoribus, vel mineris, ut barbari dicebant, tribuendæ sunt, quin causis in præsentiarum, & superius dictis, ac inferius dicendus, cùm fusè negotium febrium compositarum tractabimus. Ambobus ergo iis dubiis solutis, ad harum febrium medelam accedere visum.

CAPUT XXXVIII.

De medela febrium continuarum ab exquisita bili ortum trahentium.

Prima methodus. Avicena I. Methodus prim. quarti, cap. 39, de Medela tertianæ puræ intermittentis dixit. [Et scias, quod cura tertianæ continuæ est cura tertianæ interpolatæ, sed est declivior ad observationem dispositionum digestionis, & ad infrigidandum cum syrupo acetoso, facto cum seminibus, ut semine citruli, & semine endiviae propriæ contritis, & post ipsum post duas horas datur in potu aqua hordei, & ad subtiliatem cibi, & ad administrandum clisteria lenia in principio, & ad provocationem. Et oportet cum facilitate procedant, aut subtilient, & non sumant in potu de solutivis in principio, neque approximent alicui eorum, nisi ex his, quæ sunt sicut syrpus violatus, & aqua fructuum, & non utantur nisi clisteribus lenibus.] In quibus verbis satis barbaris ob vitium Interpretis dicere videtur Avicena, quod humor febris pronior est, ut concoqui possit cum syrupo acetoso recipiente semina citrulli, & intibi, quam endiviam vocavit, & cum aqua ordei post syrupum bibenda, quam tertianæ intermitte-

tibus humor. Atque etiam, quod in hac febre liceat uti tenuiore victu, quam in præcedente. Primum decretum laudo, ut secundum usurpatum à Galeno, cap. 13. lib. 1. de Arte curativa ad Glauconem vitupero. Nempè in febribus continuis orientibus ab exquisita bili post vacuatas alui fæces, & si quid incocatum in ventriculo continebatur excretum, non video ego, quomodo tenuissimus victus, quo bilis tenuior, & calidior, quam erat, redenda est, conducere huic febriente valeat.

Taxatur ratione vietus à Grecis, & Arabibus infirmis.

Certè si præcipuus scopus in febribus, quæ ortum à relato bilioso humore trahunt, est in frigidatio, & humectatio, ut Galenus, 9. cap. lib. 1. citati de Arte curativa ad Glauconem dicebat, proficiet magis relatis febrentibus alimentum, quod refrigerat, & humectat, prout lactuca, & cucurbita, & caro etiam ex gallinis, vel perdicibus pullacea his, vel aliis holeribus ejusdem facultatis cum prædictis cocta, quam inedia. Et si enim non omnia alimenta refrigerantia, & humectantia conducant, quod aliqua difficultis coctionis sint, alia corruptioni parata, quæ tamen recensui, & pisiculi parvi fluviales, his utilissima habentur. Vitatur enim per relatam vietus rationem vigilia perniciosum symptomam, & ad phrenitin perducens, in quam incidere hi febientes paratissimi ob humoris hujus calorem, & siccitatem sunt. Holeribus enim, & carnibus prædictis mansis, caput humefit, & à phreniti liberatur, quia somnus allicitur, ut inedia eliminatur. Cum enim status adeat, si per veram crism finiendus morbus est, quod æger nihil, aut tantum cucurbitam conditam, & mala punica, ac alia consimilia intra viginti & quatuor horas, in quibus to-

ejus vis transire consuevit, febrientes mandant, proficuum censeo. At ante, aut post quod adeò tenui victu utantur, qualis à Galeno, & cæteris Græcis, ac Arabibus præscribitur, à vera methodo curativa alienissimum dijudico.

Secunda methodus. Magis *2. Methodus.* renda est alui subductio cum scamonio, aut aliis immodicè calidis, & siccis medicamentis in hac febre, quam in præcedente. Nam & si utraque ab eadem humoris specie ortum trahat, continuam, cui medemur, plus bilis habere, quam intermittens, certi sumus. Etiam bilem continuæ tenuiorem persæpè quam intermittentis fore ratio ipsa suadet. Ubi enim incessanter calor febrilis infestat, tenuiorem reddendam bilem, quam ubi intermissione contingit, nulli indubium venire poterit. Ambabus ergo de causis salubrè consilium est, quod nostra methodus docet, in his, scilicet, plus per Casiam fistularem violas, pruna, tamarindos, ac alia consimilia ventrem expurgare, quam per scamonium, aut alia medicamenta acria vim purgandi bilem habentia. Neque contemnenda eadem methodus in clisteribus erit, quin illa ex malvæ foliis, hordeo, violis, ac consimilibus medicamentis decoctis, & diapruno simplici, ac oleo rosaceo, & violaceo, & sacharo rubeo confienda erunt.

Tertia methodus. Neque hinc *3. Methodus.* inferat ullus, nos interdicere in hac febre usum medicamentorum recipientium scamonium, & alia calida pharmaca, sed tantum, quod hæc vitanda sint, si mitioribus bilis excerni sufficienter possit. Ego enim non prohibeo uti pharmacis purgantibus, quorum in capite generico de medela febrium, & in antecedente peculiari de curatione febris tertianæ intermittentis me-

moriā egi, sed quòd post usum
mitiorum medicamentorum : rela-
tis Medicus vtatur. Aut iis non
præcedentibus : si rationabili con-
jectura quis existimet : mitia non
profectura. Caveantque juniores
Medici : ne his nostris verbis sisi-
audacter concedant in primis po-
tionibus medicamina scamonium
recipientia , afferentes (seducti ju-
venili fiducia) sibi constare , mi-
tioribus bilem educibilem non esse.
Sed vel periculum agant , lenia
prius conferendo , quod securius
esse reor , vel alios se seniores , &
prudentiores Medicos accerfiri ad
invisendum febrentem procurent,
quos indubia re consulant.

4. Methodus.

Quarta methodus. Sanguinis mis-
sio largior in hac , quàm in inter-
mittente febre exercenda erit, quòd
assiduitate febris sanguis magis in
hac quàm in intermittente inficitur.
Prius etiam quàm in alia erit extra-
hendus , quòd citius hujusmodi hu-
mor frequentius ægrum infestando
ad mediocrem consistentiam redu-
citur , quo promptior redditur , ut
sanguinis missione extrahi valeat.
Concoctrix nempè vis plus lacesti-
ta, majore conatu adversus noxium
humorem insurgendo , citius hujus
febris humorem coquere procurat,
quàm eum , qui tertianæ intermit-
tentis occasio est. Unde elicitur
sextam diem ad mittendum sanguinem
non esse in hac febre expectan-
dam , ut in intermittente tertiana,
sed in secunda die posse sanguinem
mitti. Neque ob id putet aliquis à
me probari has immodicas sanguini-
nis extractiones , quas septies , &
octies secando venam hujus mei
temporis Medici exercere audent.
Tam quòd hi febrentes paratisimi
sint virium dissolutionem pati prop-
ter bilis tenuitatem , & immoderan-
tiā , ac assitudinem febrilis calo-
ris , quàm quòd , ut dixi , citò in vi-

gilias , & phrenitides incident. Qui-
bus malis plurimus sanguis missus ,
haud exigua occasionem exhibet.
Ego bis , aut ter sanguinem mitten-
do , contentus esse soleo in relatis
febribus citra inflammationem con-
tingentibus: neque ultra uncias de-
cem semel extrahi permitto , nisi
in juvenibus carnis plurimum ha-
bentibus , & natura sanguineis , &
non biliosis. In illis nempè jam
quantitatē sedecim unciarum se-
mel eduxisse contigit. Quamquàm ,
quòd memoria consequar , à nullo
ex his pluries quàm ter sanguis
meo jussu unquam missus fuit.

Quinta methodus. Dixit Gale-
nus cap. 13. libri primi , de Arte
curativa ad Glauconem , in cura
febrium continuorum hujusmodi
verba : [Sed neque si fuerit febris ,
cum profluvio ventris alia est opus
evacuatione , verum hæc sola suffi-
cit , quamvis non sit pro multitu-
dinis ratione. Quicumque enim his
plus adimere fore necessarium pu-
tantes , aut sanguinem mittere , aut
ventrem mouere tentaverunt , in
graviora pericula duxerunt.] Quam
servando sententiam quidam Me-
dicus mihi satis notus , juvenem
quemdam perire fecit. Cùm enim
accersitus esset , ut illum inviseret ,
& simul febre continua , & ventris
fluxu infestari ægrum novisset. Mi-
nimè ausus est , ullum medicamen-
tum ægro exhibere , neque venam
secari jubere. At cùm perseverante
febre uxor ægrotantis per famu-
lum rogaret , ut conjugem suum
viderem : & carpo febrentis sumpto ,
magnum pulsus eum habere
intellegissem , ac juvenem tringita
annorum esse , vinum plurimum bi-
bere assuetum , existimavi plurimum
in eo sanguinem redundare , inde-
que quòd venarum narium oscula
à natura occlusa plusquàm in aliis
essent , sanguis à naribus non pro-
flue-

flueret, sed exonerare se aliis humoribus per aluum missis tentaret. Vocari ergo feci Medicum illum, cuius curæ erat salus ægrotantis commissa: meamque mentem de sanguine mittendo illi aperui, qui protervè obstitit, & renixus est, ne sanguis mitteretur, fultus, ut dixi, Galeni hoc decreto. Cui ego hortabar, ne adeò mordicus eam sententiam teneret, & tueretur, sed illam moderaretur, afferendo in plurimum veram esse, puta cum vires ob alui immodicam vacuacionem insigniter labefactarentur, aut valdè senes ægrotantes forent, aut frugali vietu usi, sed quod æger, cui medebamur, juvenis esset, & assuetus splendidè comedere, & bibere, & vires validas haberet: quæ omnia licere sanguinem ab eo mitti, non tantum permittebant, sed hortabantur. Verum neque his omnibus movere eum à proposito potui. Decrevimus ergo uxori, & ægro decreta utriusque dicere, ac illorum arbitrio negotium committere, eligeremque ipsi quam, malent sequi sententiam. Et postquam nostrum uterque suam protulit, nostri socii decretum nostro prætulerunt quod omnes fermè, præfertim foeminæ plus ament. Venam non scindi, quam ipsam secari. Dicessique ego statim ab ægrotantis domo, neque eti post per famulos febrientis vocarer, redire volui. Sed en, quod post decem, vel undecim dies humillimis precibus rogatus sum, ut opem, quo ad possem, ægro ferrem, qui per aluum quotidie libram unam, & quandoque duas sanguinis rejiciebat, rupta, ut ego credidi, vena aliqua intestinorum, aut mesenterii, seu aliquius alterius visceris: à venis nempe pudendi non effluebat. Viribus per tam immodicas, ac tot dierum sanguinis rejectiones jam adeò im-

becillis redditis, ut venam secare minimè permetterent. Omnibusque præfidiis à socio Medico, & à me tentatis, per aliquod dies mortem distulimus, sed tandem interii æger. Quam attuli historiam, ut cautos Medicos deinceps reddam. Moderandum, ut dixi, placitum Galeni à me in hac methodo transcriptum, aliter enim innumeros febrientes, qui illud ad unguem observaverint, jugulabunt. Neque dumtaxat venam secari in consimilibus huic, de quo memini, ægris præcipio, sed, & fluxu perseverante, & viribus validis existentibus. Rhabarbari corpus ponderis duarum, aut trium drachmarum in aqua in tibi dare consulo. Cumque vires dejectæ sunt, & fisti aluum cupio, rhabarbarum tostum, & mirabolanos assos in aqua plantaginis, si ulla intestinorum excoriatio adsit, exhibeo, aliisque præfidiis, de quibus in medela fluxus ventris in sequenti opere, Deo concedente, agemus, utor.

Sexta methodus. Confuerunt exanthemata quædam in accessio-
nis initio oriri, tam in continuis tertianis, quæm intermittentibus à bili exæcta, vel notha ortum trahen-
tibus, quæ velut papulæ quædam quandoque rubræ, nonnumquam albæ sunt. Ab Avicena lib. 4. fen 3.
cap. 13. tractatus primi esse vo-
cantur hujusmodi cutanei tumores,
citò apparentes, & delitescentes.
Cumque hi infestant in febrium
principiis, solet febrientes comita-
ri oris ventriculi morsus adeò ægris
noxius, ut ipsi credant, nullam de
vita spem superesse sibi, in quibus
pulsus intantum occultari tunc so-
let, ut nisi maximè compressis di-
gitis percipi valet. Verum cum fe-
bris augeri incipit, & post cum in
totum crevit, relati cutis tumores
delitescunt, fiuntque pulsus magni,

veloces, & frequentes. Ex his paucos à me curatos oppetiisse mortem memoror, à quibus cum sanguinem extrahere jubeo, exanthematum illorum ablationem, & febris remissionem prius fieri spero. Indoctè quidem, & præpostérè agere Medicos hujusmodi morbi curationi destinatos existimans, qui statim cùm tumores prædicti apparent, sanguinem mittere præcipiunt. Non advertentes, quòd non multò post febris in totum auferenda, aut remittenda erit, ubi vires ægrotantis promptiores ad tolerandam sanguinis missionem, quàm cùm tumores adsunt, erunt. Neque minus oblivioni tradenda hæc quàm præcedens methodus erit. Vidi enim non paucos per territos ob esse præsentiam, præcepisse sanguinis missionem statim fieri, non expectata morbi particulari inclinatione, quæ frequentissimè intra quindecim horas accidere consuevit.

7. Methodus. Septima methodus. Etiā per tertios dies accessionum simul cùm exanthematis prædictis, & quandoque sine illis, accidere relatis febrentibus solet ventris fluxus, & quandoque vomitus biliosus, quæ si cum esse, sive exanthematis contingunt, minimè à sanguinis missione in præscripto à nobis tempore coërcere Medicum debent, dum ægri vires non adeò dejectæ sint, ut tolerare relatum præsidium non possint. Neque alui subductio erit interdicenda in die intermissionis febris præsertim potionibus, quæ simul vim laxantem, & adstrictoriā habeant, qualia fieri possunt ex electuario rosato Mesue, & simul rhabarbari infusione, aut ejusdem corpore. Ac si plus adstringere desideras, ex mirabolani citrinis, innumerisque aliis compostis, & simplicibus pharmacis, inter quæ in relatum usum confectio me-

dicaminis amēch satis utilis esse solet, quod ingens pondus mirobolanorum recipiat.

Octava methodus. Plus hi, qui assidua tertiana ab exacta bili occasionem trahente vexantur, aquæ frigidæ potum desiderant, quàm illi, qui à sanguine multo, aut putrefacto febrenti, quòd horum humor sui humiditate sitis vim reprimat, ut illorum sui calore, & sic citate crescere facit. Et quamvis ita res habeat, securius aquæ nive infrigidatæ potus his, qui patiuntur tebrem à sanguine orientem conceditur, quòd robustiores esse solent, quàm illis, qui febre, cui medemur, infestantur: de quibus plura in antecedentibus scripsimus. Nempè si abominationem, & naufragium oleum rosaceum aquæ syncretæ nive infrigidatæ ammictum non induceret febrenti, laudarem cynamolum unum illius olei, aut quid plus, aut minus, prout gratius, aut ingratius ægrotanti foret bibendum cum aquæ nive infrigidatæ ingenti copia, & ad febrentis libitum patientibus continuas febres quibus nunc medemur dare. Hoc enim Philumenus præcipiebat, vel aquæ simul decoctæ cum fœniculi semine, & hordeo, quo temperata evadat, partem quintam commixtam cum quatuor partibus frigidissimæ bibere. Ego quippè a quam fontanam, consistente febre affatim bibere iis permitto, non tamen nive, neque nitro infrigidari concedo, quòd sciam, plus noceare maximam coarctationem meatuum partam ab immodica frigiditate aquæ, quàm prodesse febrilis calor, & bilis ardoris remissionem. Nempè si natura humana febres commentata est efficere, ut corporis vasa, & omnes ejusdem meatus calore patentissima faciat, per quæ difflari noxius humor, aut sen-

sensibilitè excerni valeat, quæ huic naturæ scopo in totum adversantur, nonne noxia non erunt? Concedere quippè, quæ infrigidando vias corporis parum arctiores iis, quæ diximus, quām cūm vehementer corpus febriebat, redant, non solum utile esse, sed necessarium in his febribus existimo, cūm valdè corpus dissolvi ob immodicum calorem febrilem coniecto, maximè si coarctationum meatuum tantam non spero, ut via succis excernendis occludatur. Quæ autem eximiè refrigerant, ratione relata obesse censeo, & si sciam fortuito à methodis Medicis quandoque, & si raro fœliciter errata cedere.

9. Methodus.

Nona methodus. Medicamentis exterius admotis infrigidari horum febrentium corpora omnes concedunt, non tantum in universali inclinatione morbi, verū in statu ejusdem. At mihi non placet unguentorum infrigidantium usus, cūm morbus in occasum tendit, quòd, ut in superioribus dixi, morbus ipse sine his delitescat. Vigente febre, si timeatur insignis, ac verringa dissolutio corporis, & virium ob immodicum ardorem febrilem. Præsidia infrigidantia, ac simul roborantia naturalem, & vitalem facultatem ægri prodesse æstatis tempore: & si rarissimè fateor. In quem usum epithemata ex aqua rosacea, & buglossæ, ac pulveribus odoratis, quales sunt diarhodonis, aut diamargaritonis utilia erunt, tenui linteo tepido in his madefacto, & ventriculo admoto. Quæ censeo præferenda esse aquæ fontanæ, & oleo rosato ab Aëtio eximiè laudata, cap. 78. sermone primo, tetrabibli secundæ, quòd desit his vis roborandi, qua nostrum præsidium abundat. Neque quæ admoventur yentri refrigerandi gratia made-

ficienda in serico nondum texto, sed tantum purpureo colore infecto sunt. Ut hujus temporis Medici facere solent. Quòd hoc ineptum valdè sit ad imbibendum, & asservandum aquæ, & pulverum vires, ut saepius expertus sum. Nolim juvenes decipi, & putare per à me hic scripta licere uti relatis infrigidantibus, in quavis tertiana continua ab exquisita bili oriente. Nam ego tantum permitto his uti, ubi proxima est virium, & corporis dissolution. In aliis enim utilius esse reor, febrem vigere, ut patentiores corporis febrentis meatus fiant, ut in medela generica, ubi usum horum interdixi scripsimus. Tandem unguentum rosatum ex adipe portiono, & rosis confectum jecori admoveare tantum permitto cūm indubie præscit Medicus, nisi illo infrigidante occurratur, periculum relatum de viribus dissolvendis imminent, aliter enim timeo, ne jejur obstruatur, & febris vigorosior, & periculosior, aut prolixior fiat. Cerotum sandalinum vitupero, quòd promptissimum sit constipare jecur. Verum si vigiliis hi febrentes vexarentur, ad alliciendum somnum securius cerato sandalino, & rosaceo unguento uterer. Temporibus, & fronte, ac dorsi spondilibus relatis unguentis perunctis, quām populeo. Unguento Nicolai, quo universi Medici uti solent. Quòd hoc recipiat papaver, mandragoram, hyoscyamum omnia venatam vim habentia, quæ nocent plus venefica facultate, quām infrigidando profint. Ceroto sandalino, & rosaceo unguento, nihil adeò noxiū, qualia præcedentia, recipientibus. Neque hæc ratione relata tantum fultus scribo, sed rerum eventibus cautior factus moneo. Si cui enim aliquando accidit, unguento populeo febrilem ardo-

rem

rem repressisse, & somnum induxisse, vel parum hæc auxilia durasse, observavi, vel alia majora incommoda recepisse ægrum expertus sum: in totum enim feliciter cessisse ex relati populei unguenti admotione rarenter mihi contigisse fateor. Ex aliis tamen ambobus commixtis in usum conciliandi somnum persæpè prosperè evenisse attestor.

10. Methodus.

Decima methodus. Calidus aër triclinii, in quo æger cubat, si æstas fuerit, herbis infrigidantibus, & humectantibus reprimatur. Utile ergo erit per pavimentum spargere folia vitis viridia, etiam myrti, & rosarum, & salicis, & ejus herbae, quam Hispani romanam vocant, herbarii nonnulli intermente species recensent. Quamvis enim hæc calida sit, non adeò calida, quod ammista cæteris infrigidantibus nocere valeat, & sui jucundo odore plus prodest, quam qualitate noceat. Sandali, violæ, cotyledon, quam umbilicum venoris alio nomine appellant humi, strata ut præcedentia prosunt: diversaque domus loca mutare. Ficti fonticuli ex stanno fabricati, & per cantari aquam semper foti, mulcebrem sonum ex delapsu aquæ in pelvim æreum edentes, etiam sunt propè torum febrentis apponendi, dum febrenti grati sint, & somnum concilient, alias vitandi his, qui molestè somnum illum ferunt, quibus delapsus aquæ à proximo loco alto super reminimè sonora fieri potest, quo aër infrigidetur, & sonus, qui nocebat, vitetur. Balnea parum secura his esse in antecedentibus docui, ideo de his hic agere minimè curo.

11. Methodus.

Undecima methodus. Quia in iis, quæ antecedunt methodis, de febrentibus illis egimus, quorum vires insigniter labefactari per fe-

Tom. II.

bris vigorem timemus, & cum huic malo unicum præsidium mirabiliter subvenire solet, puta lactis recenter mulæti primùm mediocris sorbitio. post etiam copiosior methodum singularem de hoc alimento exarare placuit, quæ hujusmodi sit. Dum febri ardentissima quis capit, maximamque cibi abominationem simùl patitur, & immodec attenuatus conspicitur, vigitque per nonnullos dies persistit, asinæ lactis, aut capræ, aut ovium uncias octo bibendas dare manè, aut noctu, ventriculo ab alimento vacuo præcipio. Hoc enim somnus conciliatur, vires foventur, venter, bilis fervore, & tenuitate repressis, lubricus redditur. Complurima quoque alia commoda sequuntur. Verum non in morbi initio, neque ante vacuationem humoris biliosi lac dandum erit, sed post septimam diem offerendum, ubi febris vehementis valde fuerit. At in aliis post nonam, aut undecimam. Nempe si lacte bibito, æger deterius habere noscatur, quod vel in stomacho acescat, aut fumosum nidorem reddat, aut febrenti ingratum sit, vitare ejusdem potionem jubeo. Tamen si nihil horum adfuerit, aut parvam quandam de relatis noxam æger senserit, avidusque bibendi lac sit, augere lactis potionem usque ad libram unam permitto, quam vel bibere, vel micis panis in eo maceratis comedere concedo. Accidit quippè mihi medenti quandam amicum Medicum alienigenam in nostro Methymnensi Oppido tunc degentem, qui assiduis vigiliis, & ardentissima febre corripiebatur, & omnibus præsidiis factis deterius habebat, adeò ut in syncopen magnam inciderit, & semimortuus, ac à patre Medico, qui tunc aderat, deploratus revixerit: cum nihil prandere vellet, sed tan-

Nn

tum

tum aquam synceram bibere cuperet, & coram me dixisset, gratissimum fore sibi lac, si per patrem, & me bibere liceret, quod utriusque jussu lac collatum illi statim fuerit: ac cum id noctu bibisset (illa enim hora, & non ante inveniri lac potuit) per totam noctem securus dormierit. Quo à patre, & me cognito, liberalius lac concessimus. Accidebatque illi in quovis die plus quam libras quatuor lactis forbere, quo febris depulsa, & somnus allectus, sitisque ablata, & aliud lubrica versa fuit, concupiscereque alimenta coepit, adeò ut praeter spem paucō in tempore convaluerit. Neque aliena est hujus methodi sententia ab ea, quae ex Hippocr. aphor. 64. quintæ particulæ elicetur, ubi exprimens Hippocrat. quibus noceat lac, ac quibus profit, in fine aphorismi dixit. Et praeter rationem consumptis prodesse. Quasi per hoc dicere velit, quod conveniat febrentibus adeò consumptis, quod rationabile non esset, in tam paucō tempore adeò consumi corpus, nisi febris valde ardens foret, aut cibi appetentia in tantum dejecta, ut inde macies illa immodica sit sequuta. Scio aliter exponi hanc sententiam posse, sed verum, & eventibus consonum à nobis scriptum est, quicquid Hippocrat. & Galenus velint. Quippe si alia Hippocrat. sententia, 4. de Victus ratione in morbis acutis. Non longè à principio scripta perpendatur, medens causo febri, in totum cum nostro decreto convenire palam intelligetur. Dicebat enim ibi. [Verum si ad hæc non aperiatur, lacte asinæ cocto purgabis.]

CAPUT XXXIX.

De esse, & signis causæ febri.

HANC febrem Aëtius cap. 78.

superius à me citato arden-

tem vocavit, vertens causum Græcum, in ardenter Latinum. Nam causi nullum aliud caput præteritum reperire in suo opere poteris. Avicena peculiare caput eidem perscripsit, cui nomen causi indidit. Galenus in de Arte curativa ad Glauconem, & de morbis curandis libris sub hoc nomine de ipsa caput nullum fecit. Verum commentario 4. super librum Hippocrat. de Victus ratione in morbis acutis, tam Hippocrat. in primis ejusdem contextus verbis, quam Galenus in commento hoc, & sequenti contextu per sex columnas, qui hunc tenorem servat. [Causi genus aliud, alius soluta, sitis magna, lingua aspera, sicca, salsa.] Duo genera causi scripsit, quendam legitimum aliud spurium, sive notum, quamvis Valestius de Taranta opinatus sit. Galenum à sola bili credidisse, febrem hanc potuisse gigni, deceptus sententiis ipsius in de Crisibus libris, & 3. aphor. co. 30. nam in locis citatis non negat à pituita salsa oriri potuisse, sed quod à bili flava ortum trahat. Et quoniam antecedens sententia Hippocratis, ducta, ut dixi, ex principio libri quarti de Victus ratione. Quid à veritate alienum afferit, eam examini subjicere priusquam de alijs rebus attinentibus ad medelam causi scribam, videtur. Sententia hujusmodi est. [Causus, id est, febris ardens, fit, cum venulæ tempore æstivo exicatae, acres, & biliosas, quæ tenues sint, trahunt ad se humiditates, quas ichoras vocant.] Ubi manifeste putasse Hippocrates videtur, venulas proximas carni musculosæ, resiccatas ob calorem ingentem æstatis traxisse ad se acres, & biliosas membrorum proximorum humiditates. Etiam quod has excernere procurans vitalis cordis vis, ne sanguinem, ex quo spumus gignendi sunt,

sunt, inficiant, per morum cordis magnum, frequentem, & velocem, febrem efficiat. In primis verbis (nam ultima nostris placitis conformia sunt) palam aberrans: non animadvertis, quod causus saepissime tempore hyemis contingat: quando venulae non resiccantur ob immodicum aestivum ardorem. Cujus aliam causam redditurus Hippocrates est, quia non in ardorem illum aestatis recurrere potest. Quae ergo conjuncta causa hujus causi fuerit, & alterius aestatis esse poterit. Item quod naturalis ordo attrahendi venarum, & aliorum membrorum nostrorum non tendit in carnem, sed si Galeno in primo de Symptomatum causis lib. cap. 7. credimus: membra fame, aut siti oppressa, fugunt venarum sibi coniunctarum, aut calidum, & siccum, si famescunt: aut frigidum, & humidum si sitiunt, & venae suetae jectoris, & jecur Mesenterii venulas, & ipsae stomachum, unde illae tristes sensationes fames, & sitis appellatae oriuntur. Iis ergo sic se habentibus, resiccatae venulae à venis majoribus, & inde à jecore humiditatem erant petitae, & attractae, & non à membris vicinis ichoras, ut Hippocrat. scripsit. Itaque si Galenus memor fuisset propriæ sententiæ in loco citato, non dixisset in commento contextus adducti. [Cum igitur ob aliquam rerum, quarum exempla dixit Hippocrates, circumstantiam, venulas alias qualibet in parte corporis exiccari contigerit, à vicinis partibus trahunt haæ humiditates.] Sed mecum erat Galenus asseveratus, quod prudentissimus Hippocrat. quandoque in causis morborum investigandis defecerit, ut complurima ejusdem scripta, præsertim ea, quæ in quarto libro citato de Victus ratione in morbis acutis leguntur,

Tom. II,

ostendunt. Suis enim temporibus physica scientia adhuc rudit, & ignava erat, prout Aristotelis multò Hippocrate posterioris scripta ostendunt. Refert enim passim Aristoteles antiquorum Physicorum ad eò frivolas eventuum naturalium causas, ut legere tam inepta, nunc doctos pudeat. Causi ergo exquisiti causa biliosus succus est ob inediā maximam, vel acrum alientorum, aut medicamentorum usum genitus, aut propter frequenter, & velocem motum, aut aestivi temporis ardorem, vel alias causas, à quibus gigni sincera bilis consuevit: dum tamen adeò immodica quantitas hujus humoris genita sit, ut in totius corporis vasa sit distributa, aut in venis proximis cordi, aut ori ventriculi hic humor sit coacervatus. Notho autem causo, de quo Hippocrates mentionem in loco superius relato sub his verbis fecit. [Causi genus aliud, alius soluta, sitis magna, lingua aspera, sicca, falsa.] Aliam assignat Galenus occasionem, puta falsuginosum humorem. Non longè enim à fine commenti super context. ultimè citato ducto, hæc verba scripsit. [Nempè ut cum lingua amarulenta redditur, flavam redundare bilem ostendit. Ita cum falsa, salum, falsuginosumque appellatum humor, qui ex pituitæ generibus, quæ tria sunt, unum existit, ut tibi innotuit, acido, scilicet, dulci, & falso.] Tandem causi exquisitæ sincera bilis occasio est, nothi falsuginosa pituita, in toto corpore, aut relatis vasis inclusa.

Verum quod Galeni verba de pituitæ speciebus ducta, imponere junioribus Medicis possent (putabunt enim nonnulli tres tantum pituitæ species esse, acidam, dulcem, & falsam, cùm Galenum audiant de nulla alia mentionem egisse)

ideò quartam, & præcipuam speciem quam subticuit exprimere videor. Hæc est insipida, quam inter omnes magis generosam esse reor. Quippè cum pituita aquæ insipidæ consimilis sit illa, quæ plus exquisita fuerit, minus saporis particeps erit. Hanc ergo in nobis sæpè esse, negare nemo, qui ratione particeps sit, poterit. Millies enim vomitionibus, & tussibus excerni quid aquosum fluidum, aut lentum glutinosum, insipidum, sani, ac ægri experimur.

Signa causæ.

Signa quibus causus à febre continua, de qua in præcedenti capite egimus, distinguitur, quæ sequuntur sunt: exquisitæ bilis superiùs scriptæ notæ cum linguae insigniore, quām in ulla febribus aridatæ, & procedente febre intra quintum diem nigredine sitis vehementissima, vigiliæ, & quandoque deliria, vigoris febrilis assidua, & uniformis perseverantia. Quòd bilis flavæ ingentem copiam non valeat cordis facultas à venis, & arteriis sibi proximis sejungere, ut in intermittentibus, & continuis accessiones habentibus. Cumque febris hæc remissior in aliquibus horis fieri contingit: non cum rigore tepores illi tertiani, aut quotidiani infestant, sed cum frigore sensato in corporis extremis partibus fiunt: non enim valet cordis expultrix facultas adeò distanter, ac velociter propellere à se bilem, si quando id ante crisim in hac febre conatur, ut concusso, & agitatio tanta in venis, & arteriis dorsi fiat, quanta pro gignendo rigore requeritur, sat enim efficit, si calorem ad interna retrahit, cum majore conatu discutere bilem procurat, unde extermorum frigiditas provenit: cibi appetentia plus in hac, quam in aliis morbis dejicitur: quamvis non nullos novi bene se habentes, ad

ea, quæ illis offerebantur, arteriarum temporum sensata, & molesta pulsatio ob febris ingentem ardorem adest. Facies macilentior, & oculi magis cavi pari tempore hac, & alia febre infestante, in ea visuntur. Urinæ in plurimum tenues, ac ruffæ sunt: & si quandòque in juvēne carnosο, aut alio multo sanguine abundante, nonnunquam rubræ, & spisæ cernantur: venter his sæpè adstringitur, propter immodicum internum calorem feces exicantem, nisi cum bilis ad imum ventrem à natura propellitur: quòd rarissimè in principio accidit, sed in aliqua die decretoria: neque alienum à veritate est Hippocratis decretum, 6. Aphorism. vigesimo sexto aphorismo. [Quibus in febribus ardentibus tremores fiunt delirio solvuntur.] Expositum, ut Avicena capite de causa explicuit. Fingendo scilicet, possibile esse tremorem ab humore flatuoso, aut pituita, vel alia causa, orientem ab ingenti febrili calore concitante delirium discuti. Ambobus malis, discuso noxio humore, simūl finitis.

CAPUT XL.

De medela causæ febris.

Prima methodus. Possem in ^{1. Methodus.} duo dividere capita medelam causæ, in spiritu scilicet, & exquisiti curationem. At cùm nihilo in plurimum differam, quām in pharmacis, quibus humor expurgandus est: exquisitus enim, quæ bilem exactam purgant, poscit: Spurius quæ pituitam falsuginosam subducunt: in præsenti loco compendio quodam utriusque medelam exarabo, ne in duo capita dividendo, prolixior quām esse cupio evadam. Si ergo indicationem sumeremus à symptomate, quod magis in hoc morbo urget, puta ab immo-

de-

derato febrili calore, quem reprimere nulla alia febris adeò ut hæc poscit, tam quod humor hic bilius calidior reliquis sit, quam quod minus vereamur propter infringidationem obstructiones in his gigni, in nulla alia tantum febre epithematibus ventrem, & thoracem refrigerare, oporteret quantum in hac, cum à flava bili penderet, secus à salsuginosa pituita, at cum ego adeò verear obstructionem pororum cutis ex horum infringidantium admotione, numquam iis uti consulo, nisi tunc cum in syncopin incidere ægrum ob maximam spirituum resolutionem timeo, quod ratissimum est, ac tunc thoracis, & stomachi regionem exalto fovere frigidis roborantibus liquoribus, de quibus supra meminimus, aceto rosato commisisti jubeo. Neque & si frigida hæc, quibus fovere thoracem, & stomachum præcipio, thoraci tepida admoveantur, nocere eidem existimo. Ut Aëtius loco citato de Cura febris ardentis Philumeni putavit. Quin plus prodesse, quam actu frigida admota reor. Tempore enim, & aceti vi melius in alto corporis facultas medicamentorum migrabit, quam si frigida medicamenta admoveantur. Neque vereri valebit Medicus, ne tempore laxa fiant ossa, & musculosa caro, ac reliqua membra quibus thorax constat. Ut nervosæ stomachi membranæ tempore redunduntur. Illud enim Aëtii: [Oportet autem abundè calidam esse aquam, & oleum, aut aquam, & rosaceum, quibus irrigari pectus, & stomachum jubeo. Tepida enim partium firmitatem exolvunt.] Verum tantum est in stomachi regione, & non in pectore, propter rationem relatam.

Potionem aquæ frigidæ nive in frigidatæ non tantum convenire his

febrentibus, ut illis, qui à sanguine ægrotant, suadet diversa temperaturarum natura. Si enim biliosa patientium causum à bili fuerit, & hæc perpendatur, & sanguinea temperies eorum, qui febre sanguinis infestantur, certum erit quod sanguineis, & febrem à sanguine patientibus, qui robustiores sunt, securius potio frigida usque ad saturitatem danda erit, quam biliosis, & à causo ægrotantibus, ut in medela generica febrium diximus. Verum cum qui causo laborant, ingentissimam febrem patiantur. Quia id quod à bili diffatur vi caloris febrilis, multo ardentius sit, quam quod à sanguine, aut pituita, sive melancholia discutitur. Ideo liberalius dum virtus valida fuerit, & nulla obstructio in visceribus adsit, in causis quam in omnibus aliis febribus, copiosa potio frigida concedetur, etenim et si adeò carnosa horum febrentium corpora non sint. Ut aliquorum, qui febrem à sanguine patiuntur, & indè refrigerationem tantam, ut carnosí minimè poscant. Non ideo prohibenda est in hujusmodi biliosis potio frigida. Quin, ut dixi, liberalius quam in aliis concedenda. Quòd majus sit commodum ex remissione febris, & infringidatione, ac densatione bilis, quam incommodum inde, quòd parum plus in his quam in aliis vires dejiciantur.

Cum hoc genus febris in plurimum in æstatis tempore infestet, inde posset quis opinari, in eo sanguinem non esse mittendum, quòd Galenus undecimo Methodi medendi, cap. 14. dixerat: [Et omnino quidem non mittere sanguinem in tempore æstatis, & regione æstuosa, & coeli statu calido, ac sicco.] Verum qui ob id sanguinem mittere, ab his, aut aliis febribus vexatis ve-
tuit, perperam agit, & enormiter aber-

3. Methodus;

aberrat, ut qui literam Galeni non intelligit. Nam ibi non prohibet, venam fecari in omnibus febribus constitutis in relato tempore, regione, & cœlesti statu. Sed in quibusdam tantum puta laxis, simul, & mollibus, pinguibus, albis, ac cum hoc etiam graciles venas habentibus. Ut verba ejus, quæ antecedunt, & sequuntur contextum relatum probant. Inquit enim Galenus parum supra citatum contextum: [Si enim cui sanguis mittitur triginta annos natus sit, sed laxus, & mollis, & pinguis, & albus, ac gracilibus venis. Huic, aut planè sanguinem non mitteres, aut parum detrahes.] Statimque sequitur contextus ductus. [Et omnino quidem non mitteres.] Post quem consequitur, parum detrahes in reliquis, tūm anni temporibus, tūm regione, tūm cœli statu. Ergo cum febris hæc causus dictæ æstatis tempore invaserit, minùs quam in alio anni tempore mittere sanguinem audebis indicationem à tempore sumendo. Secūs si alia sanguinem mitti plus suadeant, quām temporis status prohibeat: utque omnis timor auferatur, & nullus crassæ Minervæ Medicus vereatur sanguinem à febriente mittere in relato eventu. Aliud Galeni decretum non dissimile præterito adduco, illud est ex primo de Arte curativa ad Glauconem, capite decimotertio, quod in hunc modum habet. [Ipsa præterea ambientis aëris temperatura, loco accidentis cuiusdam habenda, quando exquisitè calida, ac secca fuerit, qualis est tempore medio inter canis ortum, & arcturi: atque ideo omnes quibus Medici nihil omnino de temporum statu cogitantes, sanguinem abstulerunt, interierunt.] In quo minimè prohibet in statu aëris, quem recenset, sanguinem auferri, ut indocti non-

nulli opinantur, sed non esse sanguinem tunc auferendum, nulla animadversione de tempore habita, qua si dicat Medici, qui adeò copiosè in quovis homine cuiusvis ætatis sanguinem educebant, inter ortum caniculae, aut procyon, sive anticanis, omnia namque hæc nomina sydus illud fortitur, & arctrum, quæ stella quædam est in signo Bootæ oriens à canicula ferè post diem quinquagesimum, canicula oriente septimo calendas Augusti, & occidente post quadraginta dies, interimunt ægros. Docti nempe Medici cum in horum syderum ortu phlebotomant, tantum minùs sanguinis extrahunt, quantum sydus mitti vetat.

An mittendus sit sanguis in causo, seu non, aliqui dubitare merito poterunt. Eo, scilicet, quod humor bilem exquisitam (si exquisitus est) pro occasione habeat, modo hanc potius purgatione, quām venæ sectione educendam esse, ratio suadet, etiam quod vigiliæ, & mentis delirium commitari febrem hanc soleant, quæ symptomata, absente sanguine, qui bilem ipso calidiorem, & à qua plurimum oriri solent, temperat, augenda esse, suspicari meritò possumus: quod Avicena cap. de Phlebotomia, quarta feni primitus veritus est, cum dixit: [Cave ne ægrum per sanguinis missionem ad unam duarum rerum perducas, aut cholericorum ebullitionem, aut frigidorum cruditatem.] Etiam quia idem Author, cap. de Cura causi, prima quarti, cap. 42. superius citato dixit: [Et non phlebotometur, fortasse enim inflammavit eos.] Aëtius etiam cap. 78. sermonis primi, tetrabibli secundæ, ubi causo medetur: de sanguine mittendo mentionem nullam egit. Paulus quoque, libro 2. cap. 30. ita de harum febrium cu-

4. Methodus

ratione scripsit: [Horum alterum fieri necessarium est, si perfectè morbus solvi debet: aut biliosos excerni humores: aut eosdem extingui, excernuntur itaque per sudores, vomitiones, item ventrem. Extinguntur autem frigidæ potu, quo nos urentes febres, causos appellant, ex toto curavimus.] In quibus, ut audistis, verbis sanguinem mittere Paulus non præcipit, ventrem autem expurgari jubet. Porro dubium hoc nulla rationali conjectura adeò absolvit verè potest, ut eventibus valet. Sæpè enim multa, quæ in morbis prodesse nonnulla ratione fulti opinamur, cum eis utimur, noxam inferre experimur, ac cum millies expertus sim in hoc morbo, sanguinis missionem non valde copiosam in tertia, aut quarta die à morbi initio exercitam prodesse, maximè cum urinæ rubræ, & spissæ, aut tantum rubræ fuerint, vel ex flavitie, & magna tenuitate in ruborem vergunt. Hanc fieri præcipio, neque alienum à ratione est, conterre in hac febre sanguinem missum, quia à bili per febrem effervescente sanguis ipse immodicè calsiat, multosque vapores in cor, & caput pellat. Quibus & purus sanguis cordis inficitur, & dolore caput infestatur, ac vigiliae, & delirium augentur, à sanguine enim immodice calido, præfertim vi caloris sicciori verso, delirium, & vigiliæ concitari, nullus in Medicina peritus dubitat, quæ omnia eo misso paufant, ac cessant, ut eo præsente augentur, & crescunt, quo solvitur objectio illa, qua prohiberi sanguinis missionem suadebamus: nam, & si sæpius à bili quam à sanguine delirium, & vigiliæ ortum trahant, à sanguine tali qualis dictus est. Posse hæc symptoma fieri, asseveramus. Ac tunc venæ incisionem conferre, maximè

cum expulsibus magnis, auctum esse sanguinem conjectamus, notissimum est, neque hujus decreti Avicena oblitus est in cap. citato de Cura causi ibi enim sic retulit: [Et non plebotometur fortasse enim inflammabit eos, & fortasse jubabit eos, si fuerit illic turbiditas, & rubedo in urina.] Avicena nempè quarta feni primi vetuit, ne cum syncera bilis redundat, & nullus sanguis impurus, neque purus abundant, vena fecetur, nos autem impurum illum sanguinem jam quod non ob aliud vitium, quia immodecè inflamatus, & semiustus propter superfluum calorem causi sit extrahere jubemus. Nempè Paulus Aegineta de Sanguine mittendo mentionem trigesimo cap. lib. 2. non egit, quod in cap. 18. relati libri de Curatione febrium putridarum hujus præcepti meminerat, dixerat quippe in exordio capitil: [Si vires sunt validæ ei, qui ex putredine febricitat, sanguinem dimittes protinus. Modo cruditas in ventre non existat.] Et cum inter putridas causas recenseatur, inde visum est illi, superfluum esse, iterum de sanguine mittendo præceptum scribere. Aëtius per eundem modum exponendus est, nam sermone primo, tetrabibli secundæ, cap. 75. de Febris putridis scripserat: [Cum igitur vires fuerint fortes, vena, & his secunda est, nisi cruditas ventris, aut alterius cuiusdam partis prohibeat.] Horum uterque relatas sententias ab Hippocrate inde dictus ratione in morbis acutis lib. 4. usurpavit: retulerat enim illic Hippocrates: [In acutis morbis sanguinem detrahes, si vehemens morbus videatur, florueritque ægrotantis ætas, & virium adfuerit robur.] Qui quoque contextus nostrum præceptum de sanguine detrahendo à patientibus causum

roborat, nam satis acutus, & vehementer morbus febris haec est, & etiam velut Hippocrates præceperebat, ubi vires validæ sunt, sanguinem mittere nos jubemus, & non in aliis.

¶. Methodus.

Si horum febrentium venter lubricus non fuerit, clisteria post feces clisteribus communibus, aut sponte extractas injicies, quæ continent ex decocto malvarum, & hordei, ac violarum, & prunorum, oleique violacei unciiis duabus, olei rosati uncia una, & duobus ovi luteis, quibus sacchari unciae duas addendæ sunt, quæ cum dormitum iverit, recipiat febriens, verum cum venter immodicè lubricus fuerit, & si adhuc per quinque dies lubricitas perseveraverit, coercere ejusdem lubricitatem, non tentabis, nisi adeò immodus sit fluxus, ut vires ægri insigniter labefactari noveris, vel in tantum acrem esse humorem, qui fluit, ut excoriari intestina, palam intelligas, sive ex intestinorum corio cum fecibus excreto, aut ex sanguine mixto fecibus, præcedente molesto dolore in superioribus, aut inferioribus intestinis ex pulso, tunc enim medicamentis adstringentibus uti jubeo, ut vires restaurentur, & intestinorum vulnus ulterius non procedat.

¶. Methodus.

Aluum solvendam esse in hac, ac aliis plurium dierum febribus, si quoque vires ægri id tolerent: nemo ambigere valet, quod nos eas vocamus febres plurium dierum, quas antiqui putridas dixerunt, modo putridum, seu immodicè redundantem succum poscere sui vacuationem, cui indubium venire potest? Hoc tamen quod statim subjungam peculiare huic febri esse, omnes intelligent, in nullis biliosis febribus adeò noxiū esse usum scamonii, & aliorum purgan-

tium medicaminū calidorum, ac pharmacorum id recipientium velut in causo, quod hic poscat refrigerantia, multo plus quam aliud genus febris, & scamonio, ac aliis medicinis ejusdem facultatis calorificæ, bilis efferbescit, & turget, effrenisque versa sæva symptomata infert, quapropter in his convenire subductionem fieri per cassiam fistularem, manha, pruna, violas purpureas, & thamaros indos, & id genus alia consulo, ejusdem sententiæ fuisse Aëtium cap. 78. tratabili secundæ, sermonis primi, verba ejusdem ostendunt, inquit enim: [Primum itaque leniter, ac blandè hanc febrem aggredi oportet.] Quasi his vetuerit, ne acribus medicamentis vim subducentem habentibus utamur.

Quamvis satis brevis hic morbus

¶. Methodus

esse soleat, & intra septimum cum sævis accidentibus hunc finiri, in plurimum accidat, non ideo post cruditates stomachi, & feces ventris expurgatas, audebis in hac febre tenuissimo victu uti, ne deficiente alimento; quod vim humectandi habeat, bilis acrior reddatur, & sæva symptomata vigiliarum, & delirii (ut supra cavimus) contingant: vescatur ergo febriens piscibus parvis, & pullis gallinaceis, aut perdicum coctis, cum lactucis, aut assis cum aranciorum succo, aut omphatio, neque tantum iis avibus, transatis tribus diebus, utatur in prandio, verum, & in cœna, ovis quoque recentibus cum prædicto omphatio, quo securiores redduntur, ne comburi, aut viari in stomacho possint, vesci vallebit æger, lactucæ, intibum, melopeones, præsertim hyemales, cerasa acria, & alia hujusmodi, de quibus in capite de Medela genera febrium meminimus, immoderata quantitate: cum prædictis avium car-

carnibus mandenda sunt, nec audiendus in praesenti proposito Paulus, cap. 30. libri 2. erit: qui ita dicebat. [Nam qui ardentibus febribus conflictantur, sola potionē sustentandi sunt.] Quod hoc decretum à nobis in praesenti methodo, & antecedentibus in generica medela febrium sit increpatum.

g. Methodus.

Post sumpta pharmaca, quibus purgare hos febientes praeципio, vigilis eosdem ægros manere, minime consulo, ut in plurimis morbis Medici jubere solent: quin non tantum permittendi dormire hi sunt, verum invitandi, ac alliciendi, ut somnum capiant, priusquam venter vi pharmaci exolvi incipiat: non enim veremur, sumptis lenientibus, posse somno purgationem cohiberi, & sœva symptomata à detento medicamento emanare: quod ea, quæ in praecedenti methodo ad exolvendum ventrem concessimus, nullam venenatam qualitatem habeant: immò eorum plurima alendi facultate prædicta sint: etiam quia etsi accidisset, quod veretur adversus, majus emolumentum ex somno conciliato ægris his, qui vigiliis solent molestari, sequitur, quam incommodum ex pharmaca detentione. Præsertim quod clismo parum acutiori excitari alius poterit, & sœpiissimè facultatibus naturalibus somno validioribus versis, & medicamenti vi in distantiores partes distributa, largius venter solvetur, quam si vigil post sumptionem pharmaci perdurasset. Idque suadetur Avicena de medela causi, cum dixit, dormiant super aquam thamarorum indorum.

g. Methodus.

Si ventre soluto, iisque prædiximus, post adstrictus mansisset, consentaneum foret decretum Hippocratis, vel illius, qui contextus Commentarii, 4. de Viectus ratione in morbis acutis composuit, sequi-

Tom. II.

Præcipiebat enim parum post libri principium, patientes exquisitos cauos, aquam mulsam, aquosam, & coctam quantum voluerint bibe-re, & ulterius addebat. [Verū si ad hæc non aperiantur lacte asinæ cocto purgabis.] Nos autem loco aquæ mulsæ medicamenta lenientia concessimus, cassiam, scilicet, pruna, mannam, & thamaros indos, ac alia plurima quorum ignotus erat usus, temporibus Hippocratis. Post quæ in praesentiarum lacte asinæ cocto purgare, sequentes Hippocratem, ut diximus, jubemus. At si ingratum febienti per coctionem lac fuerit, eo recenter mulcto uti consulo, non enim adeò est ve-rendus flatus, qui ex lacte crudo fit in febribus his ardentibus, ut metu ejus potionem adeò necessariam his ægris interdicamus. Porrò expono ego verba illa. [Verū si ad hæc non aperiantur.] Ut id significant, quod si post mulsam alius lubrica non perduret, sed etsi in aliquo die solvatur adstricta post perseveret. Lacte utendum sit, & se-quendo hanc nostram praesentem methodum, si sumpta cassia, aut manna, aut prunis, seu thamaridis, vel alio ex prius relatis medicamentis, alius in sequentibus diebus lubrica non duret. Quod etiam lac asinæ bibat febriens consulimus, maximè in matutinis horis, dumque æger se gravari eo non sentiat, neque fumosum, aut quam maximè acidum, ægrum eructare, Medicus noscat. Certè si parum lac acefceret, vitare usum ejus non jubeo, maximè si ægrotanti gratum sit: namque si lac acidum à rebus exteris versum, conferre his febrientibus fatentur Medici, proficiet magis quod intra ventriculum acidum vertitur, quia priusquam acefcat, suis frigidis, & humidis vaporibus bilis fervorem reprimet, & som-

Oo num

num allicet, neque non ejusdem aliquid in sanguinem laudatum verteretur.

10. Methodus. Non raro his febrentibus delirio correptis contingit, neque cibum, neque potum petere, et si utroque, quam maximè egant: non ergo qui his inserviunt, & Medicus, qui eos invisit, debent negligere alimenta eisdem exhibere, saltim iunctula, si solida, & masticabilia respuant, & aduersentur, & potionē frigidæ invitare. Videmus nempè sèpissimè horum plurimos linguas aridas, nigrasque habentes, & aquam præ delirio oblii non petentes. Si aqua invitamus, & ad os calicem ea plenum admovemus, ingente quantitate ejusdem nonnunquam se ingurgitare.

11. Methodus. Si aliquorum febrentium capitulo bus admoveri, quæ refrigerant, si ne noxa possunt, horum præcipue sunt: quod enim in reliquis id fieri vetat, in his invitat: timemus nempè cum humores sanguinei, melan cholici, aut pituitosi, occasio febris sint, ne frigidis capiti admotis discuti prohibeantur. Detentique deliria, aut graves sopores concident: at cum tenuis bilis infestat, infrigidantibus sèpè crassior, & ad mediocrem consistentiam versa, promptior excretioni facta, per narium, aut palati meatus, quod rarum est, aut per aluum descendens extra corpus pellitur: neque parum conductit, ad noscendum genus humoris, quo caput gravatur ex relatione ægri scire: an capiti admoto oleo rosaceo, & quarta aceti parte, melius, vel deterius se habere sentiat æger. Si enim vigil dormiens fiat, & qui pulsationem temporum patiebatur, eandem amittat, & cui caput dolebat, sine dolore reddatur, certum erit à tenui vexari bile: at si oppositum contingat, sanguinem crassum, aut

pituitam, sive melancholiam, redundare, meritò suspicabimur.

Quamquam proficuum esse, re 12. Methodus.
frigerantium, quam dixi, capiti ad motionem, multò securiorem judico: paucō aceto rosato, & aquæ rosatae sextuplo, hinc tenue madefacere, & naribus febrentis sèpè approximare, ut vapor horum in cerebrum delatus ipsum robo ret, & in frigidet, sumique à toto corpore ascendentēs inferius pel lantur. Ex horum enim indecenti usu ob Medici errorem non time tur pororum cutis capitinis obstruc tio, ut ex præcedentibus exterius applicatis, neque inutilem esse reor commisionem feminis papaveris albi levigati, aquæ rosatae, & aceto prædictis, vel aquæ, in qua violæ purpureæ maceratae sint, maximè si vigiliis febriens infestetur. Com miscere quoque his omnibus non nihil camphotæ, si ingratus odor ejus febrenti non sit, prodesse ex istimo, dum tamen hæc omnia non nisi, ut quæ repellunt, in principio delirii, aut vigiliarum applicen tur, diu namque admota spiritus extingunt.

13. Methodus. Qui post medicamenta purgantia à nobis recensita, febre adhuc valida vexantur, & neque lacte, neque frigidorum admotione, quorum in præcedenti methodo meminimus, somnis allicitur, quin vigil noctu, & interdiu persistunt, quod sèvissimum symptomā in his est: quia super venturam phrenitidem minatur, ii noctu post duas horas, à coena syrapi papaveris uncias duas, vel tres cum tan tumdem aquæ ubi violæ maceratae sint, bibant, statimque lucernis omnibus à triclinio, in quo æger cubat, extinctis, & mollibus fricationibus crurum factis, somnis conciliari procuretur. Sandalis, rosis, violis, foliis vitis, & canarum, nim phæ,

phæa, salicum foliis, & aliis refri-
gerantibus supra pavimentum tri-
clinii à morbi prima die aspersis:
nam hæc ad somnum alliciendum,
atque ad bilem tenuem ad medio-
crem consistentiam ducendum, non
parum conducunt. In quem usum,
quām maximè prodest crurum lo-
tio, ex decocto herbarum superiùs
dictarum, papaverum corticibus,
& chamæmello, atque aneto addi-
tis, ut horum duorum attrahendi
vi, humor qui in caput repebat,
deorsum feratur, lactucas crudas,
vel coctas in ultima cœna come-
dere, etiam in relatum usum con-
fert, & etiam vesci in meridie cu-
curbitis teneribus, cum pullis galli-
narum decoctis.

^{14. Methodus.} Conficere pastillos ex rebus in-
frigidantibus qualia sunt, rosæ, se-
mina portulacæ, & intibi, ac me-
lopeponis, necnon citruli, ac alia
eiusdem facultatis, & camphora,
docuerunt Avicena, cæterique Ara-
bes, & Latini practici omnes, ut iis
dissolutis in aliquo succo pomo-
rum acidorum, vel malorum puni-
corum, vel aqua ex herbis frigidis
sublimata uteretur in potionibus
matutinis æger, à quo jam sanguis
missus, si mittere eum liceret esset,
& aliis medicamentis expurgata:
at ego lac asinæ his omnibus præ-
tantiorum esse disjudico: ideò ab-
stinere à recensitis consulo, dum
non sit, quid lacte vesci prohibeat,
verum cum lac ob rationem ali-
quam interdicatur. Et febriens li-
benter potiones relatas sumat, uti
eis non veto, dum tamen trochif-
cis adstringentibus, quales sunt, qui
spodium recipiunt, & si venter lu-
bricus sit, non utatur, qui febrit.
Raro enim causum cum immodico
alui fluore interfecisse ullum fe-
brientem memoror. Et ut vera fa-
tear nullum ex his febrentibus à
me curatum, quod memoria con-

seuar: cum prædicto symptomate
vita functum fuisse, vidi. Si tamen
Medico alicui nonnullus æger pa-
ratus periclitari propter ventris
fluorem, & simūl hanc febrem of-
feratur, uti relatis ex camphora
trochiscis, & aliis adstringentibus
mendicamentis, non prohibeo.

Cum saluberrima, & frequens ^{15. Methodus.}
hujus febris cum sudore (quem
præcedere rigor consuevit) finitio
fit. Quamvis non raro cum alii
fluxu tantum, vel simūl etiam cum
ambabus excretionibus contingat,
quod pluriès, me vidisse, recordor.
Utile his ægris esse disjudico,
quavis in die sudor incipiat: eum
sine magna molestia stragulis super
injectis, & copiosa aquæ buglosæ
potione augere. Verum ne aliquis
putet, quām maximè convenire
his incipientibus sudare, non per-
mittere in lectis movere: neque
tantillum manum, aut caput dete-
gere, sciant omnes sudorem illum,
quem præcessit rigor, non tanta
cautione egere, postquam enim ri-
gor causum patientem corripit, cer-
tum est morbum jam tunc finiri, non
ergo inepta cautione æger in vitæ
discrimen ducendus est, accidere
enim potest syncope, à qua non re-
levetur, corripi febricitem, liceat
ergo his (cum sudore maximè an-
guntur) in aliam, & aliam toti par-
tem cubantes, transire, dum tamen
non statim, ut uni parti se appli-
cant in aliam vergant, sed in qua-
vis per unius quartam ad minus
perdurent, hac enim licentia fo-
ventur ægri restituuntur vires, &
quod potissimum est, somnus alli-
citur (qui alias angore auferretur)
& sudor augetur.

Solent sæpiissimè, qui rigore, & ^{16. Methodus.}
sudore ab hoc morbo in 7. vel in
aliquo ex antecedentibus diebus
evadunt, post paucos dies in alias
eiusdem naturæ recidere febres, at-

que adeò frequenter hoc in aliis quorum anhorum tempestatibus fieri vidimus, ut pauci, aut nulli ex prædictis causis, anno 1528. & præsenti 1556. visi sint, qui recidivi semel, ac bis non fuerint, quod me ambigere, ac hæsitare in priore tempestate anni 1528. fecit. Utrum convenienter mederi redivivis febribus illis, sanguinis missionibus, & medicamentis aluum purgantibus, ut cum primum invadabant, facere eram solitus, vel solæ naturæ committendæ forent, etiam an in intercapedine illa decem, vel duodecim dierum (non enim prolixius esse recidendi tempus illud consuevit) in qua in totum benè habere ægros experiebamur, convenienter pharmacum subducens conferre, vel venam secare, ut recidere in febres, vetaremus, vel non, & ut paucis, quod tunc decrevi absolvam: scitote me primum neglegisse, mederi, scilicet, febribus redeuntibus: quod conscius mihi eram, feliciter omnes, quæ in hominibus nedum sexagesimum annum attingentibus contingebant, intra quatriuum cum sudore quem non præcedebat rigor, ut cum primum eidem invadabant, solitus antecedere erat, finiendas, atque etiam, quia semel, & bis experimento comprobavi, in intercapedine relata, soluta per pharmacum aluo, nihil profecisse: nec recidere ægros vetuisse, curam habere præservandi reliquos, qui recidere parati erant destitisse, & ne quis nostris verbis fidem adhibens decipiatur: quod opinetur me asseverasse, omnes causos recidivos, & salubres fuisse, animadvertisse me ante non dixisse, reviviscere alios, quam eos, qui in septimo, vel antecedentibus diebus finiebantur, quod perpetuum fuit anno relatō 1528. & præsenti frequentissimum,

sive cum rigore, & sudore, aut cum alui fluxu finirentur, qui enim septimam transibant diem, non ante decimam quartam in plurimum pausabant, quorum nullius iterum redibat, & quod admirationem inducebat, id erat: quod illi, qui intra septimum sani evadebant, bis postea recidebant, & alios septem dies in utrisque febribus redivivis absumentebant, ut tandem omnes febres æqualiter perdurarent, nullæque decimum quartum pertransirent diem: etiam considerate, quod ideo relatarum febrium dixerim plures feliciter finitas, ut noscatis, omnes illas, quæ homines proximos septuagesimo anno invaserunt, mortales fuisse, sive continuæ forent, & durantes ad decimum quartum diem, sive in septima finirentur, & post reciderent, universæ tamen antecedentes ætates invadentes salubres, ut dixi fuerunt, post millesimum quingentesimum vigesimum octavum annum paucas relatæ naturæ me vidisse, febres memoror, nisi eas, quæ in præsenti anno vagantur. Porro dolendum est, quod nullus Medicorum, quos ego nosco, fuerit, qui in priore constitutione invadendi, & redeundi modos, quos dixi cauforum, observaverint, quorum ignorantia redivivis medendo nonnullos interfecisse audī: isti enim causi, qui cum rigore, in septima finiuntur, postquam recidunt nullo medicamento egent, præter quam decenti victus ratione uti, & spectare quartam, vel quintam diem, in qua indubie sudor frequentissimum est, vel alui fluxus superveniet, quibus morbus finitur, quando enim recidivis indocti medentur, & aluum eorum subducunt, qui prompti sudare erant, vel venam secant his, qui ventrem copiose exoneraturi in die decretoria erant,

erant, in vita discrimen ducunt ægros, & aliquos, ut retuli, vitando, vel augendo crises interimunt, & quod scio non paucos quæsituros à me quomodo verum esse, valeat, quod prædixi, expertum scilicet, me fuisse, vitari non posse, pharmacis, aut sanguinis missionibus, aut aliis remediis redivivas causorum, nam videtur hoc adversari rationi, quia si quæ reliquuntur in morbis post judicium recidivas facere, consueverunt, ut dixerat Hippocrates 12. Aphorismo 2. particulae, & id concoqui, & educi possit: quid obesse poterit, alio per pharmacum expurgata, aut vena secta, quod ille humor à corpore educatur, qui alias recidivam facturus erat, ideo his unico verbo respondebo, esse scilicet, humorum febrium in illa tempestate grafsantium in aliquibus vasis corporis adeò arctis inclusum, ut nisi febrili calore vasa illa dilatentur, pharma-co, nec sanguinis missione educi valeat, quod ita eventus ipsi docent, aut si ratio hæc non placet, tu aliam quære dummodo non neges, id quod si observare tempore præterito voluisses, verum esse experireris.

^{17. Methodus.} Balneum utile esse his qui cau-sum patiuntur dixit Aëtius cap. 79. sermonis primi, tetrabibli 2. & Ra-fis trigesimo continentis, cap. 2. tractatu 6. & Avicena cap. 42. tractatus secundi de Medela causi, & Paulus, his omnibus antiquior, cap. 30. libri secundi, differunt tamen Paulus, & Avicena: quod Avicena in ultimis verbis, capit is citati scripsit: [Illi in quibus magis diligitur balneum ex eis sunt, quorum febris est ex phlegmate falso.] Paulus autem dixit: [Porro balneum il-lis solum usui est, qui citra tumorem inflammatorium, aut erysipelati-

vum ardente febre laborant. Quod si vero concoctionis notæ percipientur, multo magis ipsis conduceat. Qui ex falso humore febrem ardensem conceperunt, his est inuti-le.] Quorum sententiae ex contextus serie viciatae non apparent, sed ex professo adversæ. Ego qui numquam hoc præsidio in hujusmodi febribus usus sum, experi-mento minimè decernere potero, quid horum fælicius Medicis, & febrentibus ceserit. Verum si ra-tione ducar Avicenæ decretum pre-ferendum Pauli decernam, nempe cum illud dicatur magis alicui pro-desse quam alteri, quod ad excer-nendum morbificam causam illius plus confert, quam alterius, & falsa pituita rebelior ex natura propria per sudorem, aut aliter per cutim discuti sit, quam bilis ip-sa multo tenuior: supereft verum esse, balneum hanc educens multo huic utilius dicendum quam bili: quæ sine balneo difflari sapissime solet, indèque etiam recte Avice-nam, quæ audistis dixisse, & Pau-lum perperam, certè si balneum frigidæ aquæ inutile esse febrenti-bus à pituita falsa fateretur Paulus, ut qui timeret ne consistentia pi-tuitæ aquæ frigiditate crassior, quam deceret fieret, audiendus merito esset, at cum id non ex-presserit, sed in universum, & confusè loquendo, illud reproba-verit: merito à nobis taxatur, & tandem præsenti methodo decernimus, nullum balneum calidum, sci-licet, aut frigidum causum à bili patientibus competere: quod frigi-dum cutis meatus obstruendo, fe-bris causam discuti prohibebit, ca-lidum tenuorem, & calidiorem vertendo bilem, ipsam furere effi-cere poterit. Si qui enim ex his balneis frigidis, aut calidis curati eva-

evaserunt, non prædio, quo usi sunt, tribuenda salus erit, sed virtuti forti errata Medici corrigenti.

CAPUT XLI.

De esse signis febrium provenientium à bili notha, in quo nonnulli errores de bilis coloribus deteguntur.

UT earum, quæ ab exquisita bili pendent, febrium essentiam, & signa, ac medelam in diversa capita sumus partiti: sic harum, quæ à notha originem trahunt in tot distinguemus, utque per planissima procedamus, consentaneum est exprimere, quid notha bilis sit: ut hujus natura exactè cognita, apertissimum sit: quas febres ab ea suboriri dicamus, quamquam enim speramus librum peculiarem de humorum speciebus, & modo generationis eorumdem condere (quod innumera confusa, & perperam scripta de illis sint) quod nescimus an hoc Dei clementia nobis permittendum sit in præsenti loco brevitè, & in compendio de notabili, quæ sequuntur, exarâmus. Primum quod si Galeno fidem adhibemus in commentario primi libri de Natura humana bilem simpliciter, & sine adjunctione solam palidam, aut flavam nominari: dicebat enim in loco citato ipse: [Primum faciendum mihi est, ut commune non tantum Medicorum, sed omnium Græcorum institutum aperiam, qui billem sine adjuncto cum palidam significare, aut flavam nominant, nam hæc ambo nomina de una specie humoris usurpari humiditate, & siccitate differente, dudum diximus, reliquas quasvis biles non sine adjunto proferunt, æruginosam appellantes, aut atram, aut rubram, aut prasinam.] Non tan-

tum quod prædixi asseruit, verum quas biles cum adjuncto vocandæ biles sint, expressit, æruginosam, scilicet, atram, rubram, & prasinam: & in ejusdem libri commentario primo citato, prius quæducta sunt, scriberet prædictis addidit complures alias, nam loquendo de speciebus expuriæ bilis dixit: [Nam æruginosa apparet, & fuscabilis, quam cæruleam appellant. Item rubens quædam, & prasinæ, nec non aliæ, quas nominatim exprimere nequeas.] Ubi in ultimis verbis innumeræ discripsisse palam patet: harum compositiōnem parum expressius secundo libro de Naturalibus facultatibus, cap. ultimo docuit dicens: [Sanè in atræ bilis sic uſtæ speciem etiam vitellina illa subindè vertitur: quoties ipsa quoque igneo percocta est calore: reliqua bilis genera partim ex jam dictorum mixtura constant universa: partim tamquam viæ quædam sunt, ad harum, tūm generationem, tūm inter se mutationem, distant inter se, quòd aliæ meracæ sint, ac solæ, aliæ veluti sero quodam imbutæ. Verum sero genera quæ in succis habentur, omnia sunt excrementa: purumque ab iis esse postulat animalis corpus.] In quibus sententiis dicere videtur Galenus, quòd ex his speciebus bilis, quæ simpliciter, & sine adjuncto biles nominandæ sunt, aliæ meracæ sint, ac solæ ex quibus tertianam exquisitam gigni, diceret aliquis, & quòd aliæ, quæ sero sunt imbutæ, materia notharum tertianarum sint, at quòd prædixit ex superius à se scriptis humoribus, commistis speciebus bilis, posse meracas biles fieri, & ex melancholia (de qua prius egerat) & bile commistis, non fiat exacta tertiana, ut infra docebimus, inde patet, quòd hæ,

hæ, quas hic meracas biles appellat, non sint, à quibus exquisita tertiana pendet, & ne singula Galeni debili decreta, ut id absolvam, in præsenti loco afferam, sed breviter ab his me expediam: sententiam tantum ejusdem ex nono capite, libri primi de Arte curativa ad Glauconem, in quo de exquisita tertiana agit, proponam: ut cognita natura humoris, qui illam efficere assuevit, ut ipse inibi putavit: manifestum supersit: quas nothas biles appellebat, & cum parum post principium capituli citati dicat, flavam bilem esse, à qua exquisita tertiana pendet, quia flava bilis humor inter omnes, qui in corpore sunt, ardior, calidiorque existit, quod etiam commento 59. Aphorismo 4. libri confirmavit, inde sequitur: reliquias omnes expurias vocari, quæ nothas tertianas efficere natæ sint: nam verbis prioribus capite 9. de Arte curativa ad Glauconem, quæ hunc tenorem servant: [Exquisitam ergo tertianam, ut quæ ex flava bili commota invaleat, quanto magis fieri potest refrigerare oportet, atque humectare.] Consideratis, non pallidæ bili, quam in commentario primo, libri de Humana natura simpliciter bilem vocari dixerat, tribuit Galenus, posse efficere exquisitam tertianam, quanto magis aliis, quas sic sine adito nominari vetuit, nec aliud in commento citato quinquagesimo nono Aphorismo, Galenus sensit, cum dixit: [Exquisita igitur tertiana erit, quæ sui ipsius naturam puram, synceramque servat, servat autem, ubi flava bile habet, ut dixi dilatam, & motam.] A palida ergo, & vitellina, & æruginosa, & prasina, & rubra, ac reliquis omnibus, excepta flava, febres biliolæ spuriæ vocandæ erunt: si quæ audistis Ga-

leni decreta, sequi velitis, at quòd ea nonnullas pariant difficultates, & redargutiones, has primum discussiamus: ac posteà, quòd verum esse, putamus, palam proponeamus.

Primum ergo quod scrupulum Quædam du-
bia proponū-
tur, ac sol-
vuntur. infert, est: an verum illud parum supra à Galeno assertum sit, flavam

bilem humorum esse inter omnes, qui in corpore sunt calidiorem, hæsitare nempè facit ejusdem Galeni in libello de atra bile sententia, quæ in hunc modum habet. [Bilis autem flava, ut tenui mista humiditati, & colore palidior, & consistens humidior redditur: ita cum diffusa ipsa admodum fuerit crudorum ovorum vitello similis apparet, atque ob id vitellina vocatur.] Modo si ex flava per diffusionem, quæ à calido necessario fit, vitellina gignitur, hæc calidior, ac siccior flava bile erit: & per consequens falsum utrumque Galeni assertum flava, scilicet, bile, humorum esse, inter omnes, qui in corpore sunt, calidiorem. Aliud etiam quod augit est à flava tantum provenire exquisitam tertianam, exquisitior enim videretur febris illa, quæ à vitellina calidior, & siccior oriretur.

Neque præterita inferier dubitatio hæc est: utrum ab æruginosa, aut prasina bile febris tertiana, dicenda sit, nam si inde Galenus credidit, solam flava bilem exquisitam tertianam cito finibilem efficeret, quòd calidior, & siccior reliquis corporis humoribus bilis flava sit, cum ex ejusdem assertis probare valeamus, prasinam, sive porraceam, & æruginosam multo calidores, & sicciores flava bile esse, inde sequi videtur, à relatis exquisitam tertianam exoriri valere. Sed quod æruginosa, & porracea tales quales à me sunt asserte, à Galeno ip-

ipso prædicentur, inter plurimos locos sententia libri decimi de Simplicium medicamentorum facultibus, capite de Felle expressit: [Nam seroso recremento flavæ bili commisto pallidam constitui contingit, sicut, & pallidam plusculum excalfactam, consistentia reddi crassam, colore autem flavam, quin, & in animalibus appetet flava quidem iis, quæ magis sunt calida, quæ vero minus, pallida, & ubi calida animalia, aut fatigatae, aut siti torquentur, ad atrum colorem vergit, interim illum habens æruginosum, interim cœruleum, interim isatidis qui quidem magis est, calore brasicae fuscus.] Si enim cum calida animalia famescunt, vel sitiunt. Tunc plus humores urunt, quam cum alimento abundant, æruginosa, & prasina, quæ tunc fiunt ex Galeni assertis, calidores erunt, quam flava bilis.

Par relatis dubiis erit: utrum prasina, sive porracea bilis (idem enim esse ex Galeni assertis patet) in ventriculo gigni, quandoque soleat, & cæteræ in jecore, vel ejusdem vasis, nam hoc non parum interest ad medelam febrium ab his provenientium rectè exercendum. Videtur enim Galenus propè finem libri secundi de Temperamentis, id velut indubitatum asseruisse: cum signa, quibus hanc in ventre noscamus gigni, illic exponendo scripsiterit: [Quæ verò bilis refert porrum iis solis gignitur in ventre, qui utique concoxerunt malè, quin etiam solicitude, ira, dolor, labor, exercitatio, vigilia, abstinentia, & inedia, succi flavæ bilis plus acerbant: propterea quod plus ejus succi in jecinore gignitur.] Et parum antea dixerat: [Præterea quibus in ventriculo bilis illa gignitur, quæ porri colorem imittatur, debet omnino iis cibus fuisse, non pa-

nis, non suila caro, similevè aliquid: sed necessario aliquid, quod iis calidius sit, nec id boni succi: quibus autem ex jecinore in ventrem defluxit, iis flava ea, pallidavè vomitur, etiam si boni in primis succi fuit, quod sumperunt, etiam si ad summum fuit concoctum. Immò verò magis ipsis qui ad unguem concoxerunt, flava vomitur.] Parum dissimilem huic sententiæ commento secundo Prognosticorum scripsiterat, cum dixit: [At verò gignitur in corpore quemadmodum crocea bilis per naturam habentibus, ita porracea altera præter naturam, constatque ut hæc sæpè numero in ventriculo gignatur propter quorundam cruditatem esculentorum, aut olerum, qualia beta, cæpa, brasica sunt, atque ut etiam interdum talibus nequaquam in gestis, ratione ægrotationis in venis gignatur, ac decumbat, aut in ventrem superiorum, aut in inferiorem, calorem in corpore indicans præter naturam, atque excrementi proprietatem talis temperamento qualis prædictorum oleorum succus est.] In libro vero de atra bili recensita omnia confirmavit scribens: [Ipsa ergo bilis, seu pallida, seu flava, seu vitellina visatur generationem in vasis obtinet, in ventriculo autem alia quædam porracea gignitur (sic enim eam à porrorum colore denominantes vocant, sicut æruginosam quoque quod ærugini similis conferatur) est & quædam isatides bilis dicta ab isatide cæsiu colorem referente.]

Ut primum ergo dubium paucis absolvamus, sciendum, quod ex assertis ab Hippocrate, & Galeno, cæterisque Medicis dilucidè elicetur, humores in corpore humano dupliciter gigni, aut enim tunc cum homo in totum benè valet, ac optimis utitur alimentis, & reli-

quam

quam vivendi rationem attinentem aëri, exercitiis, alio expurgandæ, & cæteris quæ non naturales res vocantur, sine labe exercet, humores fiunt, & hi naturales à Medicis vocantur, quòd vitari non possit, homine vivente, eorumdem generatio, etiam quia ejusdem hominis natura his conservatur, & durat, ipsisque deficientibus, aut vitiatis ab eisdem destituta perireat. Ex omnibus nempè salubribus alimentis devoratis sanguis, pituita, flava bilis, & melancholicus succus fiunt. Vel aliter humores generari queunt, homine, scilicet, vetitis, & noxiis utente cibis, vel quamquàm sine labe alimenta sint, immodicè calido, aut frigido ipso existente, aut aliter male affecto, quæ sine noxa sunt alimenta, vitiatis, & corrupti, aut utrisque concurrentibus causis humores inficit. Porrò fieri in hujusmodi statu constituto homine, bilem, quàm propriè atram Galenus vocat, vitellinam, & porraceam, atque æruginosam, cæterosque succos, quos morbosos, & præternaturales appellamus, qui antecedentia ex Galeno citata legunt, facile intelligent. Exponendus ergo Galenus est, quoties dixerit, flavam bilem calidiorem, atque sicciorum reliquis succis esse, calidiorem nempè, reliquis naturalibus, & non vitiatis humoribus: secùs his, quos morbosos, sive præternaturales dicimus: objicienti ergo, callidiorem esse vitellinam, quàm flava, concedimus: negamus tamen, flavam vitellinæ esse collatum à Galeno, quòd vitellina inter viatos succos recenseatur, sed sanguini, pituitæ melancholiæ naturalibus humoribus, quibus omnibus calidiorem esse, palam est. Secundum majore difficultate, quam præteritum absolvendum certe est. Nam si soli calori, & siccitati bilis

flavæ tribuimus brevem exquisitorum tertianarum durationem, verè censendum est, oppugnatorem, rectè rationem Galeno adversam collegisse: sin vero alteri affectioni humoris biliosi id tribuimus: jam quòd Galenus illud tacuit, nos explicare, quod sit, tenemur. Ego quippe omnes Galeni sententias agentes de humoribus, & de causa tertianæ exquisitæ mente volvendo, ac mutuo conferendo, nihil quod verè mihi satisfaciat invenio, quam quòd si sententia illas senis Hippocratis quinquagesimi noni aphorismi quartæ sectionis, in qua longissimam exquisitorum tertianarum non pertransire septem accessiones assererat, intelligenda sic sit, quòd in septem diebus illis prescriptis ab Hippocrate, morbus feliciter finitur, meritò sola flava bili tribuatur, materiam esse exquisitorum tertianarum, quia sola hæc inter humores naturales, multitudine, aut putredine noxia facta sui tenui consistentia, & calore, ac siccitate, non ultra septem accessiones durare in plurimum possit: verum si non tantum exquisitæ tertianæ ab Hippocrate vocentur illæ, quæ salubriter ante decimum quartum finiendas sunt. Sed etiam, quæ in spatio relato interficere venenosa qualitate humoris ægrum valent exquisitiores posse provenire à prasina, vel æruginosa, quam à flava, nisi mentis inops negare non potest, nec tantum in hanc sententiam descendimus, quia ratio adversi id facere cogat: verum quòd, quandoque, & si raro visæ sint tertianæ ante quintam accessionem necantes. Certè Medicus quidam quadraginta annorum, & validarum virium sacer alterius, qui lacte bibito à causo evasit, de quo in præcedenti capite de medela causi meminimus: correptus simplici tertiana ante ac-

cessionem sextam mortuus est , nec hic solus tam celeriter à tertiana functus est vita , sed aliis , idem accidisse , quandoque audivi , quod enim memoria consequar , nulli à me curato præter uni septuagenario seni id contigisse recordor , tandem , ut expressius relata exponam , dico , quòd aut tertiana exquisita vocatur tantum illa , quæ ratione naturæ succi à quo pendet : non ultra septem accessiones nata est durare , sed in his salubriter finiri , ut Hippocrates , & Galenus sensisse videntur , & sic verum est , à sola flava bile ipsam fieri , aut non solum hæc , verum etiam quæcumque intra relatum tempus apta est terminari , & non ultra progredi , quoniam succi facientis tertianam venenosa qualitas prius interficiat , exquisita tertiana nominatur , ac sic non solum à flava , sed à reliquis speciebus bilis , ipsa calidioribus , & siccioribus gigni potest .

Utrum porracea bilis in ventriculo fiat.

Ultimum quæsitum non à me decernendum esse putent , qui hæc legerint eo more , quo Scriptores hujus tempestatis in absolvendis dubiis uti solent , ducta enim aliquujus classici Authoris sententia , qua dubium , quod præ manibus habent , expressè dicitur , sufficienter à se absolutum putant , dignosque se honoribus tunc judicant , quòd tale facinus patraverint , transfutisse scilicet veteri Authoris sententiam , & suis Codicibus infervisse , idem in Physicis efficientes : quod in his , quæ pietati , & Imperatorum legibus attinent sanæ mentis Authores exercere solent , non advertentes in Medica , aut Physica professione pernitosum esse antiquis fidem dare , rationem qua fulti illi sunt , examinare negligentes . Si enim id Aristoteles in Physicis , & Galenus in re Medica efficerent , innumeris erroribus (ul-

tra eos , quos habent) foedate relatæ facultates torpescerent , ac sorderent , neque relata immerito à me præsenti loco adducta sunt , quin ut fatear Galenum in locis superiùs dictis palam dixisse , bilem porraceam , sive prasinam voces , in ventriculo quorumdam hominum , quandoque gigni porris , cæpis , aliis , beta , atque calidis aliquibus eduliis comeditis , aut in modico calore stomacho aliquorum affecto , quod tamen verum esse , ego non credo quòd rationem nullam Galen. attulerit , qua decretum suum corroboraret , & de negotio agat , quod experimento probari non possit . Namque si Galenus testaretur , sibi sæpè , aut aliquando videre , accidisse , supra memoratis alimentis pranzi , & priusquam rationabili conjectura credi posset , ea in jecur potuisse transferri , vomitione facta , bilem porraceam ejectam , quandoque à se visam , verò similia dixisse videretur , & si non , quæ in totum suum placitum robarent , quòd potuisset bilis illa in vasis jecoris , aut aliis existens prorritata ab immodico calore eduliorum calidorum in ventriculo ingefitorum , in tantum naturam vasis se ipsam continentis laceſſere , ut vomitu illam cogeretur excernere , tuncque deciperetur , qui crederet , à ventre excretam bilem illam fuisse : at quia id , quod prædixi , non asseveravit : nec mihi unquam plusquam à triginta annis rem medicam exercenti , quæ retuli , acciderunt , nec ulli Medicorum , quos novi , id contigisse audivi , credere non valeo , bilem adeò calidam , ut est prasina , gigni in ventriculo quantumvis calido posse , non quòd ego negem , oleribus viridiibus aliquibus comeditis , & sponte , vel vi vomitione facta : succum viridem semicoctum , quem à jecino-

re transmissum non esse, fateor, nonnumquā à ventriculo rejici, sed hanc prasinam, sive porraceam bilem vocandam non esse, attestor: nam hujusmodi succus mea sententia indignus nominari humor naturalis, aut vitiatus est, quamquā enim fluidus, & ex alimentis in gestis ortum trahat, non humoris nomine, Medicorum more, uti valet, sic non quæcumque alimenta semicocta liquida vomerentur humores dicenda erant, quem loquendi usum Medici non exercuerunt, alia etiam ratione idem, quod prædixi, affirmare cogor, nempè cum ventriculus humanus quæcumque devorat, priùs in sui naturam convertere conatur, quam à se in jecur, aut aliud membrum transmittat. Undè accedit, quæcumque in totum cocta à ventre rejiciuntur: alba non dissimilia lacti in colore, quamvis crassioris consistentiae ipso lacte sint, cerni, quòd nervis plurimis, quibus venter redundat, similia fieri incipient, alienum à ratione videtur, posse albam nervorum substantiam ventriculi, adeò calidam, esse ut chili album, in colorem viridem tendentem in nigredinem præ immodico calore, vertere valeat, & quòd nervi ipsi convulsi non sint, & qui tanto calore esset affectus, mortuus non foret. Avicena i. i. cap. 54. de Humoribus, quamquā non putet Galeni sententiam de generatione prasinæ bilis in ventriculo, veram non esse, cum hoc tamen testatur, à vitellina ulterius ex calcata porraceam fieri, cumque vitellina ex confessis à Galeno ipso, in jecore, & corporis vasis, & non in ventriculo fiat, supereft, prasinam inibi minimè gigni, nam potissimum ejusdem materiam alibi factam esse, omnes sine controversia testantur: hæc de his humoribus

in præsentiarum tractasse sufficiat, utque in totum ab his me expediam Coronidem de colore bilium tractantem adjungam.

Nempè cum differentibus latinis nominibus, Interpretes Codicum Arabum agentes de coloribus succorum, qui in humano corpore reperiuntur, & qui ex Græcis vertentur, eos nominarint, necessarium visum est, ne diversitas hæc confusionem, & errorem aliquem indoctis pariat, præcipua nomina bilium in Codicibus Galeni passim occurrentia, cum ejusdem humoris nominibus in Codice Avicenæ repertis conferre, quòd hi duo Autores alter inter Græcos, alius inter Arabes, ut antesignani hactenus non immerito habiti sunt, ac quo differant exprimere. Bilis ergo illa, quæ naturalis, & syncera à Galeno vocatur, flava est, ejusdem, scilicet, coloris cum melle, aut auro, colorem hunc ex viridi, & ruffo, & albo concretum esse, pictores testantur, à quo mel, & aristæ tempore messis maturæ, atque ipsa ceres, quæ his præest, flava dicuntur. Undè Virgilius primo Georgicorum. [Neque illum flava ceres alto, nec quicquam spectat olimpo.] Hispani colorem hunc amarillo claro nominant, ut cognomine illo flavus ab aliis differat ejusdem naturæ coloribus, sed qui plus flavicie habent, ut ovorum lutea, undè bilis flava, de qua egimus, vi caloris ulterius cocta densior, ac plus flava versa, vitellina à Galeno nominatur, à calore vitelli ovorum, quòd idem cum luteo ovorum est, nec dissimiliter flavæ bilis color, humiditatis alicujus ferosæ de colorisque (ut urina incocta esse solet) commixtione, dilucior, remissiorque in colore vertitur, quam vi caloris, ut diximus, plus flava: hanc post relati seri admitionem

Nova, Veræque Medicinæ,

pallidam Galen. dicit, Hispani amarilla descolorida, vocamus : quo mortui afficiuntur colore, hem quod his tribus propriis colorum voci bus flavo, seilicet, & pallido, ac luteo in libris Græcorum repertis: in Avicenæ Codice alia tres satis dissimiles respondent: nam bilem, quam Galenus flavam dicit, Avicenna rubeam nominat, scribens enim sen 1. primi, capite de Humoribus dixit. [Cholera autem rubea alia est naturalis, alia est superfluitas non naturalis: naturalis est spuma sanguinis, cuius color est rubeus clarus, & est levis acuta, & quanto magis fuerit calida erit ejus rubedo major, quæ cum in corpore generatur, in duas dividitur partes, quarum una cum sanguine vadit: & altera ad cistim transmittitur fellis.] Quæ Avicenæ sententia non de alia bili, quam de naturali intelligi potest: sed hanc flavam vocari dilucidius à Galeno ex adductis restat, quam probari egeat. Superest ergo Avicenæ Interpretæ perperam vertisse vocem Arabicam flavam significantem, in eam, quæ rubram significat. Si enim, ut Interpretæ ab hoc crimine defendas, dixeris rubeum, aut proprius rubens, ut exquisiti Latini volunt, generale nomen esse, ad omnia, quæ rubent, indeque non impropriè sanguinem, cröcum, aurum, & alia multa aliorum ab his colorum rubore dicantur, quod nos Hispani relucit dicimus, atque quod hac proprietate significati usus Avicenæ Interpres, flavum bilis colorem rubentem vocaverit. Si flavam rubentem cholaram esset interpretatus satisfecisse existimarem. At cum eam rubeam claram vocet, non est, quo sufficienter defendi queat: sed illi, & omnibus, qui eundem patrocinantur, hæc condonemus, dum non negent, bilem naturalem esse collisq.

loris flavi, quem Avicena rubeum vocat, tandem hoc misso colore, ad palidum accedendo dico colorrem hunc in Avicenæ Codice citrinum dici, quod bilis hæc colorem corticis mali Medici, quod Hispani cidra vocant, nondum maturi referat, dum enim in totum maturescit, jam flavum colorem adipiscitur mali Medici cortex, & quod eadem sit pallida bilis in libris Galeni, quæ citrina in Codice Avicenæ, facile probant. Avicenæ verba in suprà citato capite, quæ in hunc modum habent. [Non naturalis verò cholera, alia est, quæ à natura egreditur propter causam extraneam, quæ ei admiscetur, alia est, quæ à natura egressa est, propter causam in se: quia ejus substantia est non naturalis: partis primæ est alia, quæ est scita, & famosa: & ex illa cui extraneum illud, quod est admistum, est phlegma, cuius generatio magis est in epate, & alia est, quæ est minoris famæ: & est illa cui extraneum, quod est admistum, est melancholia, notha autem, & famosa, aut est cholera citrina, aut est cholera vitellina, phlegma, namque cui admiscetur cholera, quandoque est tenue, & generatur inde prima, quandoque est grossum, & generatur inde secunda: scilicet, cholera, quæ ovoidum vitellis similis existit, quæ autem minoris est famæ, est illa, quæ cholera vocatur adusta, quæ aliquo duorum generatur modorum: unus est, ut cholera in se adurat, & accidat in ea cineritas, sed ejus subtile non separetur ab ipsius cineritate, immò cineritas in ea contineatur: & hæc quidam est pejor, & aliis est, ut cholera nigra extrinsecus ad eam veniat: & cum ea misceatur: & hæc quidem est melior.] In quibus, ut audistis billem citrinam nominavit eam, quæ

fit ex commiftione cholerae, scilicet, flavæ cum tenui pituita, nam quod Galenus serum vocavit, Avicena phlegma tenue dicit, ultimus color luteus, scilicet, tam in Codicibus Graecorum, quam Arabum vitellinus vocatur: verum bilem vitellinam multò aliter fieri, opinatus est Galenus, quam Avicena. Galenus nempè flavam plus assatam, vitellinam vocari putavit. Avicena verò bilem flavam, commiftam crassæ pituitæ in vitellinam verti, falsò ut ego reor credidi: nam si flavo bilis colori, alba pituita commisceatur, impossibile est, quod dilucior, & pallida non fiat, ut quicumque flavam rem albæ quantumvis crassæ commisceat, experiri poterit, deceptus nempè Avicena est existimans, quod crassior consistentia bilis vitellinæ, quam flavæ, non aliundè ortum duçere posset, quam ex adjunctione crassæ pituitæ cum flava bili, minimè considerans, quod ut alba ovorum cruda, affa magis densa, ac plus alba fiant, sic flava bilis affa intensiorem flaviciem, simulque crassioram consistentiam acquirat, & quam quam reddendo causam hujus coloris, aberraverit Avicena, ut dixi, asserendo tamen non raro fieri in humano corpore bilem pallidam ex pituita crassa, & bili flava commiftis, & non solum ex adjunctione serosa aquositatis bili flavae, ut prædixerat Galenus, rem notissimam restatum eum esse, nullus fanæ mentis negare poterit, ut etiam quandoque bilem commisceri melancholiae, & aliam notha bilis speciem fieri, quam minus famosam vocavit.

*Que rubea
bili vocent.*

Et quia fortassis sciscitabitur aliquis à me, quæ bilis species sit, quam rubeam vocavit Galenus, cum ut prædixi, illa flava Galeni, rubea ab Avicena nominetur, paucis perf-

tingam, certè bilis rubra à Galeno serosa rubea superfluitas sanguini innatans dicitur, Hispani sanguaza, vel lavadura de carne nominamus, quod non dissimilis, tam colore, quam consistentia lotoræ carnis nuper maestatæ sit, distinguitur certè à sanguine tenui, quod sanguis refrigeratus concrevit, ac coit, rubra verò bilis nequaquam: sed fluida semper manet, hoc sic putatum esse à Galeno sententiæ ejusdem in libello de atra bili, quæ hunc tenorem servat, probant. [Sic igitur, & rubram nonnulli bilem nominaverunt, quæ ad tenuem sanguinem consistentia proximè accedit, sed quoniam non coit idcirco bilem eam appellat.]

CAPUT XLII.

*De signis febrium orientium à notha
bili.*

Prädictis prout præsenti loco expediebat discūsis, scire convenit, febres à notha bili ortum trahentes, dupliciter distingui posse, aut enim per modos invadendi diversos (aliquæ enim per tertios dies accedunt, aliae quotidiè nonnullæ incessanter infestant) vel propter materiam, quæ causa earumdem febrium est, nam quædam à notha bili genita ex commiftione pituitæ cum bili, aliae ex commiftione bilis cum melancholio succo, nonnullæ ex vitellina bili oriente à flava plus assata originem trahunt, ac prout hæ species diversæ febrium dici possunt, sic & medela diversa necessariò futura erit. Tractemus ergo primum de febribus à notha bili orientibus, & per tertios dies invadentibus, signaque quibus illæ distinguntur à tertiana ab exquisita bili oriente afferamus, neque non ea, quibus quæ à notha bili

bili ex commissione pituitæ discer-
nitur ab illa, quæ ex adjunctione
melancholiæ provenit, scribamus,
& quoniam gravor disputationem
ullam de cuiuscumque rei nomine
agentem dilatare, ideo pauciori-
bus, quām possim verbis exponam,
qualis sit, quæ à me vocatur fe-
bris tertiana notha, non quippè
illa, quæ unica accessione duode-
cim transgreditur horas, aut quæ
plusquam septies accedendo, &
discedendo perdurat, ut Galenus,
cæterique Medici, qui illum hucus-
que sunt sequuti, falsò opinantur,
credentes ab exquisita bili febrem
nullam ultra relatas duodecim ho-
ras, & septenos circuitus perseve-
rantem oriri posse, sed illud tantum
convenire eis, quæ à bili notha
oriuntur, neque immerito circuitus
septenos, & accessiones breves, ut
maximè fallatia signa contemno,
quod sciam, quandoque à notha
bili provenire febres non ultra tres,
aut quatuor accessiones infestantes,
& ab exquisita plusquam decies in-
vadentes, etiam à bili exquisita ali-
quas febres quindecim horas trans-
gredientes, & à notha nonnullas,
quæ intra septem finiuntur. Porro
bils nothæ signa potissimum sunt
inquirenda, ut tertiana notha dig-
noscatur: inter quæ dilatari ultra
duodecim horas accessionem, & to-
tius morbi consistentiam ultra sep-
tem circuitus differri, non exiguum
inditium sunt, cum parum infra di-
cendis signis ea adjungentur, ve-
rum, ut dixi, sola ipsa sufficienter
ostendere illud, non valent.

Tandem indicant notham bilem
autumnali tempore febrem incepisse,
senem, aut decrepitum, vel in-
fantem esse febrentem, diu frigus,
aut rigorem durare, rigorem non
valde febrentis membra, ut plu-
rimum quatere, febrilèm accessionem
post rigoris, aut frigoris amo-

tionem non brevi spatio in totum
augeri, quin augmentum diu dif-
ferri, accidit enim non raro Me-
dicis putare in declinationem non-
nullam tendere febrem, & iterum
priorē vigorem ejusdem redire,
nec hoc tantum in unica accessio-
ne conspici, verū & in totius
morbi duratione contingere, expe-
riuntur. Opinatur enim, quando-
que Medicus concoctum humorem
febris esse, ipsumque morbum in
universalem declinationem ire, quia
aliqua accessio minor præcedenti-
bus fuerit, & sedimentum in urinis
conspiciatur: frequentissimèque in
his tertianis decipitur, quando por-
tio aliqua bilis nothæ, quæ parum
pituitæ, aut melancholici succi ad-
miserat, concocta à venis proximis
cordi sine magno negotio amoveri,
& ejusdem ramentum lotio com-
misceri potuit, & in altera acce-
sione pars alia nothæ bilis, quæ mul-
tum pituitæ crassæ, aut melanco-
liæ recipit, venam, aut arteriam
dorsi ascendendo difficulter, inde
à natura dimota diutius, quām præ-
terita perduraverit: & cruditis
urinæ causa existit, sitis non parum
infestat, nam quamvis succus, ex
quo febris hæc pendet, minus ca-
lidus, quām exquisita bilis sit, quia
tamen jecinoris, vel splenis obs-
tructiones sæpè febrem hanc com-
mittantur ob lentorem pituitæ, vel
crassitiem melancholiæ: inde pro-
venit linguae, & oris insignis aridi-
tas, ac stomachi sitis, illisque, qui
siti nimis indulgent, frequenter
contingit genarum tumor, ac totius
faciei sub albido color, qualis fer-
mè in malo corporis habitu con-
spici solet, somnus in principiis ac-
cessionum hos maximè præmit: ad-
eò ut nonnullis obeundi mortem
causa fuerit, sed de hoc sympto-
mate in sequenti capite de febre
continua notha fusè tractabimus.

Affo-

Affolet nonnumquam in his notis tertianis quædam accessionum ordinata: quandoque celerior nonnumquam tardior aggressio, ut non raro contingat, primam febrem tertianam in tertia diei hora corripere, & secundam in quarta, & tertiam in quinta, & sic per hunc ordinem tardius semper accedendo, infestare, etiam primam febrem in sexta diei hora ægrum opprimere, & secundam in quinta, & tertiam in quarta, quod exquisitis numquam contingit, sicut neque illud trigesimi Aphorismi 4. libri Hippocrat. [Quibuscumque accessiones fiunt: quacumque hora febris dimiserit, si eadem cras occupaverit, judicium habent difficile.] Illud quoque Pauli libro 2. cap. 20. non exiguum testimonium nothæbilis est: [Cæterum nihil miri est si in hominibus primum exercitis, inediame expertis, nunc autem ordine converso ociosis, ciboque usis pleniore, bilis maxima ex parte mista pituitæ reperiatur.] Inter signa quibus distingui tertianam notham à pura scripsit Avicena cap. 37. unum est, abundantiores esse sudorem in exquisita tertiana, quam in notha: & quoniam hoc non semper verum est, immò non raro oppositum contingat, vidi enim tertianam per menses sex perseverantem post universale principium semper cum copioso sudore finiri, ideo ne tyrones decepti fidem illi signo dent sequentia subjungi, ex sudore contingente nothæ, aut exquisitæ tertianæ nullum aliud certius inditum sumi posse, quam quod in universalis principio exquisitorum tertianarum semper aliquantulus sudor proveniat, in nothis non item.

Et quod dixerim me vidisse notham tertianam per sex mensium spatium perdurantem, quod etiam

Galenus, & Avicena retulerant. Dignum videtur, paucis examinare, qualiter id verum esse possit, si enim febris, quæ à sola pituita orum trahit, non ultra sexaginta dies durare consuevit, ut Avicena sen prima quarti, capite 46. & 47. dixisse videtur, & verum esset, quod Galenus secundo de Febrium differentiis, capite 8. & commento Aphorismi duodecimi, primi libri retulerat, commista bili pituitæ celiorem fieri statum febris pituitosæ, quam foret, si syncera pituita esset, impossibile videtur, à notha bili tertianam prolixorem oriri, quam à sola pituita, & quamquam non pauci ex junioribus dubium hoc tractantes plurimas, ac mutuo pugnantes sententias de eodem scripserunt, nos paucissimis verbis id absolvemus, confitendo verum esse, quod Galenus, & Avicena de perseverantia nothæ tertianæ in tam longum tempus dixerunt, quoniam occulta experientia id verum esse doceat, id tamen minimè adversari Galeni decretis, quod tertiana illa tam diu durans, non ex commissione pituitæ, & bilis orientur, sed ex commissione melancholiæ cum bili fiat. Galenus autem 8. cap. citato conferebat emitrium febri pituitosæ, & non quartanæ melancholicæ, quæ per annum durare solet, nec hoc Avicenam latuit, cum cap. 35. primæ sen 4. dixerit: [Et hæc quidem non pura quandoque prolongatur tempore longo, & circiter mediocritatem anni, & quandoque perducit ad malum habitum, & magnificationem splenis.] Et capite de rebus, in quibus differunt febres putredinis, scripsit: [Phlegmatica quanto minus pura, est minoris, & brevioris paroxysmi, nisi declinet cum parvitate suæ puritatis ad melancholiæ.] In utroque loco ma-

nifestè exprimendo febres nothas adeò prolixas, ob adjunctionem melancholiæ bili provenire, magnitudo enim splenis, non nisi à succo melancholico sit.

Neque hinc existimetis, quòd ego impossibile esse rear, ex commissione bilis, & pituitæ febrem satis prolixam, & fermè spatiū mensium sex perdurantem posse oriri, multa bili, & pituita redundantibus, quod raro accidere credo, aut pituita à bilis calore adeò assata, & crassæ consistentiæ versa, ut parum à melancholia differat: quod frequentius, & si utrumque rarissimum fieri existimo. Porro adjuncta bili pituitoso succo, ex ambobus redundans paratus dissolvi à natura esse, quām æqua pituitæ quantitas, nulli indubium venire potest, nisi forte assari pituitam illam, ut dixi, contingat, hæc sufficisse existimo, ad absolvendum illam prolixam vigesimam secundam Gentilis quæstionem, in qua, tam multa, tam absurdia, tam à veritate aliena scripsit, fingendo proprietates specificas in humoribus, ut eventuum accessionum febrilium causam reddat, quia febrium essentiam ignoravit, verum quia superest, scribere notas, quibus discerni tertianæ intermittentes à notha bili majoris famæ provenientes, ab aliis, quæ fiunt à bili notha minoris famæ, id unico absolvam verbo, nempè in prioribus numquā splenis obstructiones contingent, sed ventriculi cruditas, & pituitæ per os frequens expuitio, ac tarda cibi cupiditas, & color potius ad albedinem declivis, quām ad nigredinem, accessiones breviores quoque esse, in reliquis tertianis oppositum.

CAPUT XLIII.

De medela tertianæ nothæ intermittentis.

CUM hoc genus febris à duplicitate materia oriri, ut audistis, possit, à notha, scilicet, bili ex commissione bilis cum pituita, atque ab alia, quæ fit adjuncta bili melancholico succo, in primis, quæ utriusque convenient, exprimemus, post vero, quæ singulis conducunt peculiaribus methodis declarabimus, sit ergo methodus prima.

Inter multas febres, quæ à Medico augendæ, ac validiores facienda, ut brevius, ac facilis vi calor, earundem occasio discutiatur, omnes nothæ tertianæ sunt, in universis enim non parum humoris frigidi, crassi, vel lenti, aut simul lenti, & crassi redundant, qui calore aucto, in vaporem discuti magis paratus quām eo remisso est, eodemque patentiores sunt canales per quos manifestè excernendus erit, quām ipso absente, prudenter ergo agit, qui in harum febrium medela refrigerantibus exterius admotis, aut interius sumptis, minime utitur.

Cum crassus, seu latus harum febrium succus, semper esse, soleat, quām maximè, quæ attenuant, & incidunt, his conductent, in quem usum alimenta facilis coctionis, & optimi nutrimenti exhibenda ipsis erunt: crassa, & viscosa, ut vaccina, ac porcina caro, & maxima piscium pars fugienda, ac vitanda, corporis frictiones attenuantes, vel in his, qui validiores habentes vires, ingredi valent, ingressus ipse quām maximè in intermissionis oris, concocco humore, conducunt, alui excretio quotidiana similitè, somnus à prandio, vel cæna, tanto-

2. Methodus

nocencior, quantò vigilia in eodem tempore utilior, vinum album, ac tenuem post pharmaca subducentia post concoctam bilem, exhibita, ut quod attenuat, & obstructiones apperit: ac corpus calfacit: & vires refovet: inter alimenta cæteris præferendum est.

Methodus.

Præcipiebat Galenus capite decimo, libri primi de Arte curativa ad Glauconem, quem etiam Paulus, & Aëtius, atque Avicena, & reliqui Medici omnes sunt sequuti, alternis diebus hos febrijentes alendos esse, quam methodum minimè observare consulo, quòd morbus hic prolixior esse consuevit, quā ut alternis diebus altus febriens sufficiat, usque in finem morbi perdurare, etiam quòd minimè verum semper esse reor, decretum Galeni in exordio capitinis citati, cuius series hæc est: [In his vero, quæ non adeò exquisitæ sunt tertianæ, providendum est pro viribus, ne morbus augeatur, neve ægrotantis vires prosternantur, quæ longiori tempore debent laborare, difficile verò est, servare utrumque: quoniam inedia quantum prossunt ad morbi coctionem: tantum, vel amplius officiunt viribus, cibi vero quantum ægroti robur adaugent, tantum coctiones impediunt.] Nam & si vera sit præfata sententia, quando in statu symptomatum morbus consistit, ut in capite de generica medela febrium diximus, aut cum humores crudi redundant, qui ulterius cocti in sanguinem bonum converti valent, in aliis temporibus, & bile, vel sanguine, aut pituita viciata redundante, vera esse non potest, quòd inedia bilem, & sanguinem putridum exacuat, & frustra in sanguinem vertere vitiatam pituitam satagit, & alimenta facilis coctionis sumpta: postquam, quæ prius devorata fuerint, à ven-

triculo in jecur sint transmissa, & ante accessionis principium per horas tres: potius relatos vitiosos humores corrigant, ac reprimant, & concoqui paratos faciant, viribus robustioribus versis, quam ipsos augeant, ut deceptus Galen. dixit. Etiam si observare conveniret methodum Galeni, quid esset agendum, cum duplex esset notha tertiana, & æqualiter in quavis die utraque infestasset, non præcepit ipse, quia etsi cum simplex foret, in die in qua accessione vexatura erat, nihil comedere jubeat, quia in altera tantum die, in qua à febre liber æger futurus erit, prandendum esse, jubere videatur, paritate in accessionibus duplicitis tertianæ servata, aut in nulla, aut in ambabus diebus sumenda esse alimenta, consulturus erat. Rationi ergo convenientius nostrum sequens præceptum erit, quo consulimus. In die febrilis accessionis, per horas tres ante accessionis invasionem, si per tertianos circuitus, & non quotidie febris infestat, pulli gallinæ carnis dimidium coccum ciceribus, & petroselino, & mentha, ac croco ad prandendum febrienti dare, jure horum prius deglutito, aut si febris matutinis horis corripiat, idem jus tantum imbecillis bibendum priusquam diescat exhibere, ut æger sufficere valeat, donec in totum febris ablata sit, ac tunc carnis pulli cum prædictis rebus coctæ febriente aleare: & condimentum ex petroselino, & sacharo tuisis aqua, ac paucō aceto dissolutis, coram ægro præsentare, ut eo intingat pulli gallinæ carnem coctam, conveniet, neque bis in die carne vesci, nisi cum æger debilis fuerit, licebit, sed in cæna olera vim aperiendi habentia, qualia radiculæ follia sunt, & alia ejusdem facultatis pran-

Tom. II. Qq deat,

deat, ac cum duplex fuerit tertia na eadem methodus servanda erit, cappar aqua fontana prius mace ratum, & post coctum cui aceti, & olei, ac sachari nonnihil asperga tur in primis mensis his febrenti bus exhibendum est, amygdalæ, & caricæ in relatum usum conducunt, mentha, foeniculum, apium, follia raphani, & radicula ipsa, uvæ appen sæ, ficus, melopepones, hæc omnia exhibere ægris his conve niens, aquam coquere semine anesi, aut foeniculi, vel radicibus horum præcipio, hordei decoctum, quia frigidum, vitare jubeo, præsertim si in autumno, aut hyeme febris corripuerit, quo in tempore post pharmacum notham bilem subdu cens exhibitum, cinamomo aquam coquere, & hac febrentem uti, laudo, dum tamen amaritudine in signi ægrotantis os non infestetur, hæc enim inditum est bilis parum ab exquisita distantis nonnihil in ventriculo contineri, quæ cinamo mi decocto augeretur, nempè eli genda sunt præsidia quibus febri huic medeamur, non plus differen tia ab illis, quæ exquisitis conve niunt, quam notha bilis à syncera differre creditur.

4. Methodus.

Vomitiones post cibum sum ptum adeò conferre his ægris existi mavit Galenus primo de Arte cu rativa ad Glauconem, capite citato, ut in fine ejusdem verba sequen tia scribat: [Vomitiones autem post cibum adeò his quibus hæc febris perduraverit, utiles sunt, ut mul totos sciam solis vomitibus statim fuisse curatos.] Quod verum esse fateor, eventus enim rem sic se ha bère probant.

5. Methodus.

Clisteria, quæ in febribus ab ex quisita bili orientibus conducunt, in his prolixioribus factis, minimè proficia sunt, quòd harum mate ria acrioribus egeat pharmacis,

quàm exquisita bilis, confert ergo iis clismus factus ex decocto cnici, blitis, mercurialis, ciceris, hyssopi, foliorum malvarum, ut quæ vim molliendi aluum habeant, & aliis e jusdem facultatis, in quo cassiæ fistu laris unciaæ duæ dissolvantur, olei irini tantumdem, olei violati un cia una, benedictæ, & hieræ pi chræ Galeni singulorum drachmæ duæ, salis gemmæ grana quinque, mellis communis unciaæ duæ: quòd si febris diuturnior mensem unum transgrediat, decoctum ex semi nibus calidis aperientibus, qualia sunt, cuminum, carui, anesi semen, & ex rebus lenientibus, & prædicta moderantibus, puta bliti, mal vis, & prunis, ac ubi succus valde crassus fuerit, ex decocto quoque turbit, agarici, & cnici, in quo be nedictæ Nicolai drachmæ sex, olei de lilio unciaæ duæ, mellis communi nis unciaæ duæ, salis grana septem dissolvenda erunt, verum si non pluries, quàm septies, aut octies, febris accesserit, hoc ultimo cliste ri, nec priori, utaris, sed mitiora medicamenta prædictis adjunge, ut ex utrisque non adeò acris clismus evadat. Præsertim si æstivum tem pus, & juvenis, qui febrit, fuerit, in autumno enim, & hyeme post quartam accessionem priori uti, non voto, innumera alia hujus faculta tis clisteria confici ex rebus præ dictam vim habentibus, valent.

Si æstivum tempus fuerit, quando febris hæc ægrum juvenem infestaverit, transfatis duabus accessionibus, & primo clisteri præcedente, non aberrabis, si pulpæ cas siæ fistularis unciam unam, cum drachma una pulveris aromatici rosati in catapotiorum formam, tec tam pane tenui, quem Hispani iblea vocamus, ut stomachum ad vomendum non proriret, eidem devorandam matutinis horis dede ris,

6. Methodus.

ris, aut quibus sic deglutire eam, non valuerint, in jus gallinæ dis-solveris.

7. Methodus.

In die accessionis tertiae, quæ est quanta à morbi initio, utiliter febrieni porriges syrum capillorum veneris, & duarum radicum in aestivo tempore, aut syrum de ciccorea simplicem, & acetosum etiam simplicem in eodem tempore, juvane bilioso ægrotante, & nothabili, quæ parum ab exquisita distet, redundantem, duosque priores syrups cum foeniculi, & hyssopi aqua commiscebis, ultimos cum intibi aqua adjunges. Cum verò in autumno, aut hyeme febris hæc fenem corripuerit, oximellitem, in quo hyssopus, & apium, ac foeniculum incocta sint, exhibebis, diuque febre perdurante, etiam origani, & nardi spicæ decoctum cum relatis syrups dabis, exhibenda ergo his sunt, tantò plus attenuantia, ac abscentia, quantò bilis minus syncera, & tempus frigidius, & ætas senior sint.

8. Methodus.

Mittendum esse sanguinem ubi notha bilis febrem efficit, præcepit Galenus in citato capite decimo, primi libri de Arte curativa ad Glauconem: quem Paulus, & Aëtius, ac Avicena, cæterique classici Authores sunt sequuti. An verò priùs pharmaco exolente aluum, eger sit vacuandus, vel sanguis priùs sit mittendus, nullus in hoc capite scripsit, quod ergo exequendum est: paucis absolvam: si enim à principio signa attestantia sanguinem redundare, tam ex verno tempore, quam ex juvenil atate, & habitu corporis carnosus, & urina rubra, aut rubra, & spissa, & magnis pulsibus iaduferint: præmisso clismo, & cassiæ, quam dixi, fistularis exhibitione, in quarta die à morbi initio ex basilica vena, aut communi sanguinem mittes; verum

Tom. II.

si horum nihil, aut pauca ex relatis signis adsunt, aluum aliquo ex pharmacis infra dicendis priùs expurgabis, quam sanguinem eduxeris, maximè si urinæ tenues, & parum rubræ, nullumque sedimentum habentes conspiciantur. Quamvis enim Galenus in prædicto capite decimo dixit, ab initio mittendum esse sanguinem in his, non id absolute, sed cum moderatione præcepit, dicens. [Quod si sanguinem nitere oportet, nec hoc quoque omittendum, sed ab initio statim adhibita earum rerum, quas scis, distinctione, tantum mittendum, quantum præsens exigit status.] Ubi distinctionem, & animadversionem ante executionem habendam cavit, etiam & si Avicena, capite de Medela hujus febris scripserat. [Et quando phlegbotomaveris, non indigebis clisteri.] Non id observandum, sed quod nos prædiximus, est: nam litera illa indubie vicio libratorum est errata (quamquam corrigeremus ipsam despexit Belunensis) ut inferiora ejusdem capitinis verba probant, quæ hunc tenorem servant. [Et clisteria in principio sunt magis dilecta, quam solutiva.] Si ergo à principio uti clisteribus in medela hujus febris adeò probat Avicena, cum sanguis mittendus fuerit, jam clismus præcessit, si hujus Authoris iussis obtemperabit Medicus.

Non unica venæ incisione, & usque ad decem uncias sanguinis extractione (hoc enim sanguinis pondus, semel extrahi consuevit) solet morbus hic extirpari, sed duabus, & nonnumquam tribus, ac cum id febris poscit, sequenti ordine sanguis mittendus erit, post primam venæ incisionem, si corruptus sanguis in utraque scutella appareat, in die intermissionis sequente, item alterius brachii vena secunda erit,

9. Methodus.

Qq 2

erit, neque idem ordo in tertia venæ incisione servandus, quamquam viciatus utriusque scutellæ sanguis exeat, sed in intermissionis die altera, quæ secundam sanguinis missionem sequitur, vel nihil præter decentem vietus rationem ægro præscribere, conveniet, vel statim aliquem ex suprà scriptis syrups dare, ut & si æger jam temel ultra cassiam pharmaco fuerit purgatus, iterum ante tertiam venæ sectionem pharmacum ex infra dicendis medicamentis aliquod sumat, sejungoque hanc tertiam venæ incisionem à duabus antecedentibus, & pharmacum venæ incisionibus intermitto, tam quod tres sanguinis eductiones, una post aliam in magnam inducent imbecillitatem ægrotantem, quamquid maximè conduceat, ut quid sanguinis putridum, aut putrere paratum fuerit, omnino extrahatur: prius crassum, & lentum ejusdem, aut aliorum humorum concoctum syrups secantibus, & attenuantibus, pharmaco extraherere, ne sanis succis illud relictum in venis commisceatur, ex quo etiam non exiguum commodum ægrotanti sequitur, promptum relatum reddi, ut simul ejusdem crassum, & lentum cum sanguine in posteriore venæ incisione educatur, quod si in prima sectione venæ nullius corruptis sanguis conspi ciatur, aut tantum scutellæ primæ sanguis corruptus videatur, etiam non statim secundò venam secare consulo, sed ordinem relatum pharmaci intermittendi observare prius, præcipio, dum æger juvenis validarum vitium, & venas latas, ac urinam rubram, & spisam habens, non sit, si enim hæc adsint, mittere iterum sanguinem, ante purgationem cum pharmaco licet.

Methodus. Pharmaca ergo, quæ post sump-

tam cassiam (si aliquid eam sumi non vetet) ac bibitos syrups convenient, confienda erunt ex agarico, turbith, sene, polipodio, cnicco, manna, cassia fistulari, maceratione rhabarbari, & aliis medicamentis, quorum nonnulla expurgandi bilem, & alia educendi pituitam præcipue vim habeant, commiscendaque hujusmodi pharmaca erunt taliter, quod ubi plus impura, & magnæ portioni pituitæ, aut melancholiæ adjuncta bilis fuerit, plus eorum medicamentorum, quæ pituitam, & melancholiæ subducunt, quam illorum, quæ bilem purgant potio exhibenda febrenti, recipiat, at ubi contra acciderit, quod scilicet plus bilis, quam pituitæ sit adjunctum: pharmacum quod bilem educat maximè latrum est, nec hic examinamus, an in febribus his orientibus à notha bili, pituita, & bilis sic commista sint, ut ex ambobus, unum perfectum mixtum redundet, vel non: nam cum de emitriteo loquuti, Deo concedente, fuerimus, ad unguem dubium hoc discutiemus. Relata si bibenda fuerint, dissolvantur oxymelli simplici, vel duarum radicum, cum crassior, vel magis latus humor esse credatur, & coctione seminum communium calidorum, anesi, scilicet, apii, foeniculi, ac aliis ejusdem facultatis, quibus purpureas violas, & pruna damascena, ac borraginis flores, etiam adjunges, ex compositis in officinis pharmacis diacarthamus Guidonis, vel Arnaldi Villanovani utilissimus sæpè est à me expertus pro educendo hoc succo, nempè si tenues, qui viciati sunt succi, fuerint, decoctum ex floribus parum suprà narratis, & prunis cum aliquibus ex seminibus calidis conficito, & ex conditis in officinis diapruno laxante Nicolai utaris. Porro cum incatapotio-

rum

rum forma medicamenta deglutienda erunt, quod à potionibus abhorreat febriens, ex supra scriptis illa conficito: aut pillulis aggregatibus primæ discretionis, ex tribus, quas Joannes Mesues composuit, utaris, quas eligere innumeri prosperi eventus me coegerunt, cumque valde impura bilis fuerit, pillulas de agarico ejusdem Authoris devorare præcipies, vel ex ambarbus massulis commissis catapotia facere, innumera recensere pharmaca, tam simplicia, quam composita, valerem, quæ brevitatis causa omitto.

11. Methodus. Balnea in harum febrium initio adeò vitare Galenus, Paulus, Aëtius, ac Avicena cavent, ut nihil magis, post coctum autem humorum utilia esse, omnes innuunt, quibus meam adscribo sententiam, (quamvis ut vera fatear) nunquam pro febris medela hoc præsidio sum usus, crurum lotione ad sedandum capitum dolorem, aut somnum alliciendum sàpè uti consuevi, & prosperè cefsit, totius corporis fortu ubi supressa lapillo, aut crassa materia, urina, vel menstruum obstructione erat, etiam usus sum, nec ideo, quod oscitanter circa præsens remedium me gesserim, inutile judicandum ab aliis Medicis ipsum erit, crediderim enim ego, in valde diuturnis nothis tertianis satis conferre, præsertim in regionibus, in quibus usus eorum frequens esse solet, & æger assuetus eis uti.

12. Methodus. Post clisteres, & sanguinis missione, ac syrporum, & pharmaci alium expurgantis exhibitionem, & balnea si febris adhuc pertinaciter febrenti hæserit, conductet non parum mitridati drachma una, vel pulveris aromatici rosati tantumdem, dum eorum alterum dissolutum in oximelle duarum radicum,

& aqua absinthii sit, neque inferius diatrion pipereon prædictis est, si bilis notha, ex pituita, & bili sit commista: secùs si melancholia bili sit adjuncta, nam tunc verendum esset: ne nimium assata melancholia, & terrea versa obstructions immedicabiles gigneret, & hæc inter methodos observandas in medela hujus generis nothæ bilis erit, horaque sumendi relata medicamenta matutina erit: & sudare conaturus est æger non vi stragulorum, sed si intra lectum cooperimentiis assuetis tegendo.

13. Methodus. Non adeò Theriaca andromachi à me probatur pro sudore provocando, ut aliquod ex præcedentibus pharmacis, neque immerito, quod ego experiar, theriacam à decem annis adhuc confectionem, ut in hoc nostro Methymnæ duelli Oppido confici à viginti annis hucusque consuevit, resipere naturam opii, & aliorum medicamentorum stuporem inducentium, quod perniciosum esse in his, quibus referare obstructions, & secare lenta, & attenuare crassa convenit, cui vis notum est.

14. Methodus. Solet in his nothis tertianis diuturnioribus factis, cum ortum ipsæ trahunt à bili pituitæ commista, obstrucțio in jocinore fieri, in illis vero, quæ à bili melancholiæ adjuncta oriuntur, opilatio in liene gigni, tuncque quam maximè convenient, jecur in unis, lienem in aliis, unguentis referantibus obstructa perungere, pro referandis ergo jecoris obstructionibus, malagmata ex linodera theophrasti (quam Arabum Interpretes cuscum vocare consueverunt, ut Manardo placet.) Et ex nardi spica, ac Gallico nardo, amomo, junco odorato, amigdalæ amaris, genciana, glycyrrhiza, eringo, absinthio, serpyllo, pentaphyllo, intibo, cycoreo, eupatorio, fe-

semine apii, foeniculi, asparragi, & aliis innumeris medicamentis vim referandi habentibus fiunt: at ut splenis opilationes aperiantur, ex illyrica iride, myrica, quam officinæ tamariscum vocant, lupinis fativis, acoro, canchamo, quod lacam gummi nonnulli esse contendunt, raphano, sinapi, nasturcio, cappari, aristochia, hyslopo, pulegio, dictamo, emplastra, & unguenta oleis ex aliquo, aut aliquibus relatorum, & cera additis fieri consueverunt.

15. Methodus.

Cavendum quidem quām maximè est, ne tantum mollientia in jecinoris obstructionibus eidem sine roborantibus medicamentis admovеantur, cum enim jecoris præcipua pars carnosa sit, valdè mollientibus adeò dissolvi vis ejusdem solet, ut non raro error hic in interitum ægrum ducat, ut Galenus in Exordio octavi libri de Compositione pharmacorum secundum locos scripsit. Cujus sententiam afferre placuit: quòd in ejusdem libri Exordio prudens ejusdem quodam decretum omnes cautos faciat, ne vera nova dogmata nostra legentes respuant, & abominentur, quia falsis opinionibus priùs sint imbuti, verba Galeni sequentia sunt. [Quòd semper dico, etiam nunc proloquar, nimirū persuassum mihi habere, quòd difficilimum sit, ad veritatem revocare eos, qui sectæ alicujus servituti se addixerunt: verum qui prudentes sunt, simulque veritatem sincerè amant, eos spero custodituros esse, ea quæ veluti iudicandi instrumenta nobis à natura data sunt, ad actionum vitæ cognitionem, experientiam dico, & rationem, quæ quidem utraque ex æquo quibusdam conferunt ad artem, quibusdam verò alterum altero amplius, & tamen tanquam semper ad perfectionem, alterum altero opus habet, sic sanè ad residuum sermo-

nis, & doctrinæ hujus absolvendum progrediar, falsæ enim opinione animas hominum præoccupantes, non solum surdos, sed & cæcos faciunt, ita ut videre nequeant, quæ aliis conspicuè appareant, quod ipsum, vel maximè circa affectiones oris ventris videre contingit, præsertim cum fuerit inflamatum, ejus enim itemque jocinoris inflammationes, adstringentium complexu opus habent: si namque per laxatorium medicationis ductum, citra admisionem facultatis robur addentis, currentur: periculum incurront de ipsa vita, atque hoc ipsum cum omnes Empirici Medici per experientiam edocti sint, & omnes dogmatici in artis operibus obseruent, non pauci tamen hujus temporis methodici (neque enim de omnibus dico) innumeros quidem stomachicos ipsi in animi deliquium inducunt. Omnes verò hepaticos occidunt, nullum enim ego vidi servatum ex iis, qui in ejusmodi Medicum inciderunt.]

Neque præcedente methodo interdicimus adipibus cera, & oleis in scyrrosis jecoris obstructionibus uti, dum horum exiguum malagmata, & emplastra recipiant, & aperientium, attenuantiumque, quām plurimum, neque eandem methodum observandam in lienis opilationibus ullus credat, tam quòd lien totius corporis alimenta minimè concoquat, ut jecur, indeque roborantibus facultatem concoctionem non indigeat, quām quòd multò duriores lienis obstrunctiones, quām jecoris contingent, melancholico succo in liene detineri solito, in jecore sanguine, vel pituita in plutimum congesta.

16. Methodus.

CAPUT XLIV.

De medela duarum tertianarum, seu duplicitis tertianæ (vanam namque existimo esse distinctionem inter has voces, duplex tertiana, & duæ tertianæ) intermittentis à notba bili originem trahentis.

NON solum duplēcēm tertianam intermittentem voco eam, quæ quotidie infestat, verum, & illam, quæ in eadem die bis, vel ter affligit, dum quævis accessio cum sudore, vel sine illo in infebri-citationem exactam, aut non exactam desinat, non enim perpetuum est, tertianam vocatam duplēcēm, in duobus diebus infestare, tertia-que diei febrem respondere tertianæ, quæ in tertia antecedente die ægrotantem corripuit, quin fortui-tum, et si ob causas, quas in antecedentibus scripsimus (cum accessionum febrium in certis diebus rationem exaravimus) frequentius hoc quām aliud contingat. Certè sœpiissimè accidit, intra unius diei viginti quatuor horas, duas febres, & quandoque tres, à bili notba o-rientes incipere, & finiri, etiam in eodem temporis spatio, vel paucō majore quandoque duas, nonnum-quam tres, aut quatuor febres ac-cedere, & discedere, quarum nul-la ortum à bili, neque aliquo alio succo ex quatuor in nobis domi-nantibus putrefactis traxit, sed ab ali-qua alia distemperie in dorfi vena, & arteria magnis accidente, cum enim in suppurationem cerebrum ipsum vergit, Chirurgi frequenter expe-riuntur, plures febres sine ordine cum rigoribus in unica die accede-re, & cum sudoribus easdem eo-dem die discedere, quòd mala af-fectio cranii, & cerebri suppurati per occiput in vertebrarum dorfi medullam descendens, rigorem

concitet, eademque communicata magnæ venæ, & arteriæ per dor-sum repentinib, sanguinem cordis citra putrefactionem inficiendo, in magnas, frequentes, & veloces systoles, & diastroles cor atolli, ac deprimi, cogat, tandem cum re-lati eventus, & alii innumeri pas-sim in ægris contingent, vanum est febrium medelam, quæ causæ abla-tionem respicit, distinguere, in quotidie accedentes, & per tertios, aut quartos dies infestentes febres, sed in pituitæ bilis sanguinis, & melancholiæ ablationem, ut nos in antecedentibus fecimus. At si id quod ad rationem victus, & horas in quibus sumere pharmaca con-veniat, perpenditur, negligere mo-dum, quem accessiones servent, perniciosum esse, consuevit, ut quoque ad horam crisis prædicen-dum, cum ergo in præcedente ca-pite præcepta observanda in edu-cenda notba bili, & aliis similibus agendis scripserim, hīc, qua hora, hæc facienda, & alimenta exhiben-da duplici tertiana infestatis sunt, paucis explicabo, reliqua nempè parum ante sufficienter scripta esse, existimamus.

Postquām novit Medicus diem, ^{1. Methodus} in qua minor febris infestat, tene-tur in illa solidiore, ac crassiore uti aliemento, ut in reliqua, in qua fe-bris validior est, tenuiore, ac pau-ciore: & in utrisque victus tribus horis antequam frigus, aut rigor corripiat, exhibendus erit. Et quo-niam hæc febres diu durare solent, carnis pullorum gallinarum, aut perdicum, vel ipsis gallinis febri-en-tes alendi sunt, ne eorundem vires ante morbi finem deficiant, sunt-que decoquendæ gallinæ, & earun-dem pulli ciceribus, & petroselino, vel harum, & perdicum pulli assi comedendi, ovorum etiam lutea in aqua leviter, ut sorberi valeant, cum

cum proprio cortice elixata (ne si ovorum cortex frangeretur, & lutea eorum aquæ calidæ immergantur, tenuë, & purum in aqua linquatur) convenire illis quibus gratius ovorum usus esse solet, existimo, capparri, pastinachia hortensis, raphanus, & omnia attenuantia alimenta his conducunt, quod si pares duplices tertianæ fuerint, pari alimento febientes alendi sunt: hora, quam dixi, observata.

Cum febres haec adeò prolixæ sunt, ut nullum, aut tam exiguum tempus inter finem prioris, & initium posterioris intervacet, quod non liceat, cibum exhibere ante tres relatas in antecedente methodo horas, nisi æger adhuc febriens prandeat, inconvenire nihil, aut parum existimo, inclinante febre alimento exhibere, salubrissque hoc esse reor, quam in initio, vel statu febris venturæ ægrum alere. Verum si adeò breves tertianæ haec essent, & febrentis vires adeò validæ, ut tolerare utrasque jejonus saltem à carnibus, & pane solis bellariis altus valeret, expectare ambarum finem, ut sine febre æger existens prandere, possit, saluberrimum esset, maximè cum post duas tertianas finitas in unica die, vel duabus, quæ subsequutura erat tertiana, majore inter capidine distatura foret à fine antecedentis, quam ultima à priore.

Methodus.

Cum in antecedente capite mitti sanguinem à febrentibus à bili notha per tertios dies infestante precepérint, in præsenti salubrius id fieri, dupli, vel triplici febre tertiana notha afflidente, quam simplici fateor, nam cum toties advenire febres, ubi in cerebro vulnus nullum est, non aliundè oriri in plurimum soleat, quam ex multitudine bilis nothæ, aut intensa putredine ejusdem, facultatem cordis plurimum prorisi-

tante, & utrobique plus sanguinis extrahere conveniat, quam cum præexiguitate, aut pauca malignitate notha bilis per tertios tantum dies febris accedit, meritò in illis pluries sanguinem mittere, salubrius esse fatemur.

In dubium sèpè venit, cum in 4. *Methodus.* quavis die febris tertiana notha intermittens hominem occupat, in qua illarum solvens pharmacum sumendum sit, maximè cum fermè pares utraque febres fuerint, quod per præsentem methodum absolvimus, nempè si intermissio febris tanta est, ut in ea liceat, pharmacum ægro in infebricationem constituto exhibere, & sex, aut septem horæ supersint, in quibus & aliis expurgari, & alimentum tribus horis priusquam febris corripiat, sumi: in ea hora, sive diurna, aut nocturna fuerit, exhibeat, at cum tanta intercapedo infebricationis quanta prædicta est, non fuerit, sed febris prioris finis adeò conjunctus principio sequentis sit, ut non nisi à febre occupato homine, pharmacum, aut alimentum exhibere liceat, pharmacum inclinante febre, dare jubeo, ac alimenti exhibitionem differre, quounque à febre mundus sit æger, mo-neo, perpendenda enim est hora, in qua pharmacum devorandum erit, & adeò distatura est à principio febris venturæ, ut quinque, vel sex horæ supersint, in quibus aliis expurgari possit, & alimentum sumi, & tres horæ restent, quæ intervacare debent, inter alimentum sumptum, & initium febris venturæ. Porro cum impares fuerint febres, exiguumque intersticium inter utrasque adsit, inclinante minore febre, medicamentum expurgans erit exhibendum, neque putres plurimum inconvenire, quod soleat febris illa sudore finiri, & quod

quod purgatio ventris sudorem occupavit, & sudor ventris purgationem, hujusmodi enim sudores cum non verè critici sint, quamquam cohibeantur, ob majus commodum incommodum illud contemendum est.

Methodus. Ego in his febribus non adeò in medendo celer sum, quod si misso sanguine, & alio pharmaco expurgata, febris neque discedit, neque imminui incipit, statim accingar, ad secundam alui expurgationem, immò per aliquot dies nullo utens medicamento immoror, præfertim quando symptomata nulla sœva adsunt, sed febris eundem accedendi, & recedendi modum servat, & æger in fine æstatis, aut autumni principio constitutus est, intermissioneque unius hebdomadæ transacta, iterum syrupsos quales in antecedente capite scripsi, septies, aut nonies bibere jubeo, & postea expurgans medicamentum concedo, quod si neque per hoc febris delitescere, aut mitior fieri, aut auferri incipit, sed priorem formam servare intelligo. Statim vereri incipio atrabiliarium humorum illius occasionem esse, qui ut concoquatur, prolixum requirat tempus, & per tres hebdomadas quandoque ægrum feriari à medicamentis jubeo, in quibus etsi pauca, aut exigua variatio febris contingat, tertio aggredi medelam in antecedentibus dictam soleo, quod si neque hoc facto sanitati æger restituitur, jam tunc omnino usum medicamentorum ægro interdico, naturaque vacuationem humoris dimitto, decentem victus rationem febrienti præscribendo, qua aut morbus sponte sua auferitur, vel in quartanam medendam in initio veris sœpe mutatur, expertus enim non paucos periisse ex his, quos protervi Medici frequentibus

Tom. II.

purgantibus medicamentis auferre febrem conati sunt, hanc methodum exaravi.

In mittendo sanguine non idem ordo, qui in pharmacis exhibendis, observandus erit, nam post primam sanguinis missionem si adhuc alteram convenire, ex signis in antecedente capite scriptis Medicus noverit, non ultra tertium diem differre eandem expediet, ne vitiatus sanguis sibi proximum in venis inficiat, aut adeò ipse putreat, ut tenui parte in halitum discussa, & crassa in melancholiam versa, ineptus per venæ incisionem extrahi, reddatur, verum si bis sanguine extracto, tunc plus haurire, non convenire conjectas, non ob id veto ego, tentatis aliis quas dixi alui expurgationibus, si adhuc vires validæ sint, & ætas permittit, signaque testantia sanguinem putridum iterum redundare adsint, tertio venam incindi, dumque nullum, aut exiguum sit commodum, quod ex venæ secta ægro ascicetur, cessare à sanguine mittendo Medicum, consulo.

Non te decipient sedimenta alba, & tenuia in urinario vase non raro per plures dies visa, ut indè indubie credas, posse sanguinis missionem, aut alui expurgationem, morbum tunc auferri, sisusque hujusmodi signo, audeas iterum pharmacum dare, nam in prolixis morbis sœpiissimè sedimenta laudata conspicuntur, exigua humoris efficientis morbum, aut alterius in corpore superabundantis portione, concocta existente, quæ est illa, quæ cum urina expulsa visitur, reliqua totius morbi occasione, incocta manente, ut quartanarum urinæ in autumnum alba, & tenuia sedimenta habentes, frequentè probant. Nempè in his compertum doctis, ac expertis Medicis est, præcipuam

Rr

mor-

morbi occasionem tunc crudam es-
se, neque nisi propè ver, aut in se-
quenti tempore concoquendam,
quartana enim in plurimum non an-
te id tempus in totum aufertur (ut
in capite de Medela quartanæ, Deo
concedente, fusè dicemus) & ur-
inas oppositum monstrare indocti
credunt. Nonnullas curativas me-
thodos scribere in hoc capite pos-
sem, sed quia relatas sufficere cre-
do, quòd hæ insigne sint, ideo
finem huic imponere visum.

CAPUT XLV.

De nocturnis, ac diurnis febribus.

Placuit cum agerem de febri-
bus à bili notha originem tra-
hentibus, de febribus nocturnis,
ac diurnis caput præsens exarare,
quòd reor ipsas ab eadem cholera
in plurimum ortum ducere. Quam-
vis Avicena prima fen, 4. canonis,
tractatu 2. cap. 54. opinetur à sola
pituita oriri, ut verba inscriptionis
capitis citati probant, quæ hujus-
modi sunt: [Febris diurna, & noc-
turna ex phlegmaticis.] Has ab ho-
ra accedendi nomenclaturam sump-
fisse, Hippocrates ipse primo de
Morbis vulgaribus, commentario
tertio, sub his verbis dixerat: [In-
ter febres, quædam continuæ sunt,
quædam inter diu tenent, nocte in-
termittunt: vel nocte tenent, die
intermittunt.] Et cum dupliciter
voces hæ intermissionis, & conti-
nuitatis dici valeant, ut Galenus
in commento explicuit, ita dupli-
citer nocturnæ, & diurnæ febres
dicentur, quandoque namque fe-
bres, quæ nullum tempus liberum
accessione habent, sive in eo non
numquam crescant, & quandoque
imminuantur, vel semper æquali-
ter affligant, continuæ quædam
generica voce dicuntur, & per op-
positum intermittentes, quæ libe-

rum, & sine febre ægrum linquunt;
alias tantum illæ, quæ numquam
deficiendo æquè à principio ad fi-
nem usque, nulla sensata augmen-
tatione, aut minutione cognita, ac-
cedunt, quibus opponuntur, quæ
etsi non deficiant, aliquando cres-
cunt, nonnumquam iminuantur,
& quamvis ita sit, ut à me est dictum,
credo ego Hippocratem non
vocasse diurnas, aut nocturnas alias
febres quæm eas, quæ in infebri-
cationem desinunt, & die, vel
nocte infestant, si enim de aliis lo-
queretur, nullæ fermè essent, qui-
bus alterum non conveniret, innu-
meras enim ex continuis accessio-
nes habentibus videmus, nocte
semper augeri, alias die, quarum
nullæ in tabem vergunt, ut Hippo-
crates in citato loco, contextu se-
quenti, dixit, unis ex his accidere,
tandem differentia hæc febrium
non provenit à diversitate humo-
ris, ut Medici credunt, quartanarum,
& quotidianarum, & tertianarum,
provenire, sed ab hora
invadendi febris tantum oritur,
nocturna enim, quæ nocte acce-
dit, & diurna, quæ die, dicuntur.
Confert Hippocrat. de Morbis vul-
garibus libro primo, locis citatis,
nocturnam febrem diurnæ dicens:
[Nocturna non admodum lethalis,
longa tamen est, diurna longior,
sunt quibus ad tabem vergat.] Et
hanc sententiam exponens Galenus
inquit: [Hic ad febres accessit,
quæ die invadunt, nocte intermit-
tunt, vel nocte invadunt, inter diu
intermittunt, quarum alteram noc-
turnam, diurnam alteram vocat,
nocturnam illam, quæ nocte invad-
it: diurnam, quæ die, sed quæ
videbantur nocturnæ tribuere lau-
di, hæc ipsa non minus vitio ver-
tent, eo quòd non simplicitè di-
xerit, nocturna non est lethalis, sed
addiderit, non admodum, nam si
non

non valde est lethalis, liquet mediocriter lethalem esse, diurnam autem non modo nocturna longiorum esse dixit, sed esse etiam cum ad tabem vergat, ut vel ea conditione sit deterior, partim enim quo tempore digeri, & rarescere magis solet, si constringatur corpus, & consipetur, invadens febris merito videatur pravior: partim quod tempus habet, quo consuli ei debebat incommodum, quo enim oportebat tempore cubare, hoc cogitur ægrotus Medico consilienti dare operam, quæ causa est, cur temporis diuturnitate marcescant, tabescantque propter alterutrum, si cubent interdiu, somni defectu: si non cubent, quod vespertilionis vitam, & non hominis agant. [Et quod Hippocratis decretum hoc multo aliter à Galeno exponitur, quam ab Hippocrate scriptum fuit, prout mea sententia est, consentaneum videtur, quid Hippocrates senserit, paucis exprimere, & nihil aliud ut reor, quam quod febris, quæ nocte corripit, & die discedit, non sit admodum lethalis, sed tantum longa, & longior, quam diurna, etiam quod aliquos in tabem trahat, id enim rationi, & eventibus consonum esse, illi scient, qui tamdiu in arte Medica versati sunt, ut ego, & mei consimiles, videmus enim passim aliquos morbo Gallico oppressos, die bene valere, noctibusque advenientibus statim febricula quadam levi capi, praecedente prius parum sensato frigore, vel horrore, vigilisque nonnunquam dolore capit, vel cruris, aut alterius partis corporis per majorem noctis partem manere, & intra duorum, vel trium mensium spatium eosdem attenuari, macroisque, ac tabidos fieri, & nonnullos vita privari, alios etiam, qui praefato morbo correpti non sunt, pru-

ritu, & scabie brachiorum, & crurum, ac ventris, vexatos, noctibus accendentibus, febriculis, ut praecedentes corripi, etiam vigiles se se scalpendo manere, & in eodem tempore, quo alii in tabem vergere, ab aliis etiam prolixis morbis cum febribus nocturnis invadentibus carnium consumptionem provenire, in die benevolentibus ægris aliquando quoque contingit: & si frequentissimum in illis duabus morbis, quos dixi sit, rarissimum in aliis.

Conformem rationi esse nostram expositionem, inde dignoscitur, quod febres nocte invadentes, si recte medendæ sunt, vigiles cogunt ægros manere, non tantum tribus horis ante, quam ipse incipient, ut in medela febrium genericæ docuimus, verum eo tempore, quo principium, & augmenti prior pars durant, ut in citato capite est à nobis præceptum, & à Galeno in expositione aphorismi primi, secundi libri jussum, quod si exactè, & ut decet, ne febris prolixior fiat, exequitur æger, vigil permanens per maximam noctis partem, in qua dormire sibi, & cuivis convenit, tabescit, si febris multo tempore durat: at si somno oppressus febriens, quod frequentissimum est, relatas methodos servare nequit, sed in ipsius febri initio, vel cum riget, aut horret, vel friget, dormit, obstructiones, & morbi alii febri adjunguntur, quæ febrentem tabidum fieri cogunt, neque parum ad auget malum noctis frigiditas. Si enim eas, quæ à pituita, vel notha bili, aut melancholia febres proveniunt, cum mittes sunt, augere medicamentis convenit, ut retrò est à nobis dictum. Obstructa corporis cute, noctis frigiditate, prolixorem futuram febrem, cuivis notum erit, viatisque ægri succis, quod mini-

mè possint celeriter vi caloris exigu , in halitum discuti , qui febris occasio sunt humores , quòd æ ambæ causæ in gracilitatem febriuentem trahant , nulli quoque ignotum esse , valet.

Nempè nisi à tanto Authore , quantus Galenus est , expositiō adducta esset exarata , explodenda , exhibilandaque foret , quid enim absurdius , quam ablativum illum , diurna , nominativum exponere , adjectivumque , longior , sibi adjungere , & quòd credat Galenus , Hippocratem diurnam longiorem esse nocturna scripsisse , quod nisi delirus existimare posset : si enim aliundè non resipisceret , quām quòd crassiōes , & tenatiōes humores nocte , quam die moveri soleant , sufficiebat id , eundem ab errore excitare , quantò magis innumerī eventus oppositum probantes , certè causa , quam dedit , ut falsam suam expositionem tueatur , puta corpus per febrem densari : quo tempore rarescere solebat , potiū probat , diurnam minus prava nocturna esse , quām oppositum , solet enim inter diu corpus lucis solaris calore rarius esse , quām noctibus à febre ergo diurna corpore etiam rariore , quām futurum erat , si non adesset febris verso , potiū diurnam magis salubrem illatus erat , quām quòd intulit , alia quoque causa , quòd si die infestat febris , non valebit æger nocte cubare , occupatus exequendo , quæ Medicus præcipit , nullius valoris est , nam doctus Medicus nihil aliud jussurus est , quām quòd ventrem clisteri jam liber à febre exoneret , & post coēnet , & parum post coēnam noctem totam dormiat , quæ omnia sine ullo incommodo in diurnis fieri valent , syrups enim si exhibere convenit , rectè in augmento febris eosdem bibet , solum pharmacum subdu-

cens nocte in his diurnis devoratur , quòd cum non nisi semel bis , aut tèr in tota morbi duratione fiat , inconveniat nihil : noctes illas vigilare febrientes . Porrò si iis convictus fatearis , vera esse , quæ diximus , sed minimè literam græcam Hippocratis , verti rectè posse , nisi dictiones illæ diurna longior sint adjectivum , & substantivum , ut Galenus exponit , & non diurna ablativus , & longior adjectivum vocis nocturna , ut ego explicō , dicam vitiatam græcam literam esse , quia nisi legatur , ut à nobis expōnitur , rationi , & experimentis adversatur .

CAPUT XLVI.

De medela diurnæ , ac nocturnæ febris.

M Edelam harum nihilo fermè dissimilem esse medelæ duplicum tertianarum , manifestum est , quod ut dixi , in plurimum à bili notha istæ , & illæ oriantur , si quid diversum in his scribi valet , tantum ex diversitate horæ sumi debet , in nocturnis nempè , jecoris , & licenis obstrunctiones maximè cavidæ erunt , quòd intempestivus somnus , & aquæ potus , vigente noctibus febre , in has faciliter incidere ægros faciunt , in cuius remedium non solum conducunt unguenta referantia obstructa , de quibus in antecedente capite meminimus , verum & aqua ex radicibus , & semi-nibus satis aperientibus , dum gustui horrida non sint bibita . Exerceri interdiu æger debet , si vires ejusdem tolerant , ad si id non valent , gestandus matutinis horis , clismi ex discutientibus , & notham bilem eduentibus , injiciendi , jura ex ciceribus , & nostro petroselino , & pullis gallinarum , aur ipsis gallinis forbenda . Carnesque relatae , & juve-

num perdicum, vel hædorum assæ, aut elixæ, devorandæ, vinum album, jam cocta materia, aqua supradicta lymphatum conducit, animi hilaritas, quæm maximè his procuranda, quod harum febrium succus crassus, & ad naturam melancholiæ vergens ægrotos tristes incedere cogar, dormire permittendi sunt isti, aliquantò citius, quæm alii febientes, quod noctis hora, in qua febre capiuntur, id poscat, ergo si alios non ante status, aut augmenti ultimam partem, somno vacare non permittimus, istis parum ante dormire concedimus. Certè si macrescere, & in tabem ire, hos senseris, asinino lacte cibabis, dum non à morbo Gallico febres orientur, nam hæ peculiaribus remediis in proprio tractatu dicendis curandæ sunt, neque hoc priusquam corpus sufficierter vacuatum sit, aggrediaris, nec nisi parum ante diluculum lacdabis.

Methodus. In diurnis febribus alui à fecibus clisteribus purgatio procuranda, ablata jam febre, erit parum ante Solis occasum, vel post, quatenus citius, aut serius aufertur ipsa, pharmacum quoque subducens eadem hora deglutiendum, syrapi non item bibendi, sed ea diei hora, qua augeri incipit febris, vel si rigente, aut horrente, vel frigente febiente, infestissima siti ipse vexatur, tunc transglutiendi erunt, iis enim sitis quandoque in totum sedatur, & ægri saluti rectè consulimus, quod ex referantibus syrapi, qui exhibentur, conficiendi sunt, vel vomitus nonnunquam proritatur, quod etiam utile ægro est, medicamenta, quæ succum vitiatum educere debent, biliosos succos plus quam in nocturnis respiciant, quod ea minus pituitæ, & melancholiæ, & plus cholerae pro occasione habeant, quæm nocturnæ, alimenta

solidiora mandenda oriente Sole, si febris accessio tres horas post ortum invasura erit, aut si citius, occidente, devoranda, bellaria, & damascena pruna, ac mala punica, & alia consimilia, vigente jam febre, ac securius inclinante, comedenda, sanguinis missio, si cum Sol oritur, febris accidit, tunc minimè exercenda, nec nisi post Solis occasum (si totam diem perduraverit febris) vena secunda, verum cavendum, quæm maximè, ne statim ut febris aufertur, si febriens valde imbecillus permanet ejusdem venam, priusquam levibus cibis reficiatur, separe permittas, danda ergo, inclinata febre, gallinarum jecora, aut lutea duo ovorum, vel alia consimilis facultatis, & duabus horis transgressis, sanguis mittendus, cum verò Solis malis punicis, & saccharo, & aliis, quæ diximus, altus interdiu æger, adeò validus, transfata febre, videatur, ut sanguinis missionem tollerare, nullo alio prius exhibito alimento, valeat, exonerato ventre, vena secetur, & post duas horas coenet. Nonnullas alias methodos curativas peculiares his febribus exarare valerem, sed cum tam planæ hæ sint, ut quantumvis rudis, qui præcedentium febrium methodos curativas legit, facilè si ne Magistro cas capiet, in casum visum, easdem scribere, ad medendum ergo febribus continuis à bili notha orientibus accedamus, ut quæm celerius possimus, finem huic libro imponamus.

CAPUT XLVII.

De medela febrium continuarum à notha cholera orientium.

QUI præcedentia capite 7. & 8. attentè legit, ignorare non potest, cur ab eodem humore quandoque febris continua

nua nonnunquam intermittens fiat, ideò hujus rei reddere causam, iterum hic molestium erit: at quo differat medela hujus febris continuæ, à medela intermittentis, potioribus, quām possit verbis exprimi, necessum esse visum est.

3. Methodus. Sit ergo methodus prima, in febre hac transata prima die, hoc est, viginti quatuor horarum spatio, aluus expurganda clisteri communi erit, cui, quæ discutiunt, & attenuant addenda, camomellino, aut anetino oleo, & benedicta Nicolai, ac hiera pichra, incoctione dissolutis, dum tamen non immodicè lubrica aluus sit.

4. Methodus. Syrupi expolytrico, capillum venoris juniores vocavere, & duabus radicibus, & cicoreo, & aliis hujusmodi confecti, cum aqua foeniculi, ac intibi postera die ante lucem devorandi sunt, & duabus transatis horis uncia pulpaë cassiæ fistularis, cum scrupulis duobus pulveris aromatici rosati Nicolai, & saccharo in exiguo bolos redacta transglutienda, ac duas post horas juscum pulli gallinacei bibendum, & caro ipsa devoranda, & si ægro dormire placuerit, post horam à prandio somno indulgere permittendum, qui enim cassiam sumpserit, non nisi post meridiem aluum exhonerare solent.

5. Methodus. In sequenti die sanguis mitten-
dus è brachio dextro, & communis
vena erit, si vires, & ætas, & anni
tempus, & urina, ac alia signa san-
guinem redundare, vel vitiatum
esse nuntiaverint, neque unica san-
guinis missione solet hic morbus le-
vari, aut auferri, immò duas, &
tres, & nonnunquam plures pos-
cit, quod exactius ex præcedenti-
bus capitibus agentibus de generica
medela, & ex parum infrà dicendis
intelligi valet.

6. Methodus. In sexta die à morbi initio phar-

macum ex maceratione agarici tro-
chiscati (ita enim, qui in pastillos
cum oximelle, aut sale gemma à
junioribus vocato, aut vino, in quo
zinziber maduerit, ipsum redigunt,
vocavere) & rhabarbaro etiam in
vino cum nardi coma macerato, &
cassia fistulari, ac ex compositioni-
bus diacartamo Guidonis, & elec-
tuario rosato Mesues conficere con-
venit, vel ex prædictorum aliquo,
vel aliquibus simplicibus, aut com-
positis, & ex confectione medica-
minis amech, & diapruno laxante
Nicolai, & polyppodio (filiculam
etiam vocavit Dioscorides) in de-
cocto seminum anesi, fœniculi, &
florum violarum, & borraginis, ac
prunorum dissolutis, potio confi-
cienda erit.

7. Alimenta horum facilis coctio-
nis, & tenuis consistentiae, vimque
attenuandi habentia futura sunt, ne-
que tanta cibi, quantitas iis con-
cedenda, ut illis, qui ab exquisita
bili febriunt: quia etsi ex syncera
bili oriri soleant, breviores morbi,
quām ab expuria, quòd à syncera
febribus parati sunt in animi de-
liquium, vigilias, & deliria incide-
re, quæ minimè in orientibus à no-
tha bili evenire consuevere, ideo
minori quantitate nisi cum proli-
xam hanc febrem notis ullis suspi-
catus fueris ali jubeo. Non enim
adeò longa febris hæc esse in pluri-
mum solet, ut vereri possimus, vi-
res defuturas ante morbi finem,
maximè quòd pituita in his redun-
dare solita deficiente extrinfeco ali-
mento, ulterius cocta, si vitiata non
est, loco cibi alere est nata.

8. Methodus. Aquæ potus his non adeò uber-
rimus, ut aliis à sanguine, vel ex-
quisita bili febribus conceditur,
immò parcè aquam hos bibere,
præsertim si æstate non febriant,
jubeo: at aqua non cruda, sed ane-
so, aut fœniculo, vel alio consimili
cocta

cocta potanda, cavendaque est intempestiva cuiusvis aquæ sorbitio, intempestivam sorbitionem voco eam, quæ in initio accessionis bibitur, expectandus enim est status, aut si sitis infestissima sit, augmenti ultima pars priusquam bibant, & dormiant hi, ut in generica febrium medela scripsimus.

7. Methodus.

Crurum frictiones frequentè in his faciendæ, quod soleant isti, quodam perniciose symptomate, gravi scilicet, sopore, sèpissimè corripi, cui malo non parum conductit, quidquid ad corporis infernas partes succos capitis revellit, ut crurum frictio, & clisteria ex bilem, & pituitam purgantibus quotidie immissa, verum quod de hoc symptomate peculiare caput Paulus, & Aëtius, atque Arabes inter febrium symptomata medelam scripsere, & frequentissimè in nonnullis tempestatibus grassetur: totque homines interire faciat, ut quævis pestilens ægritudo, necessarium visum mihi est: de hoc ipso symptomate caput, & medelam exarare.

CAPUT XLVIII.

De gravi sopore cataphora à Græcis dictus.

AB Hispanis modorra nominatur, ab Avicena, Rasi, Serapione: subet, à nonnullis Latinis letargus, quem Cornelius Celsus lib. 3. cap. 20. marcorem, & inexpugnabilem penè somni necessitatem definit, ab aliis veteribus dicitur, quamvis Cato aberrans hydropicum veterosum nominet, cathocum nonnulli hoc idem vocant: et si Galenus primo prorrheticus, commentario 2. Aphorismo 56. non nisi eos, qui oculis appetitis veluti stupidi jacent, cathoco corruptus dicat: ejusdemque sententiae idem in libro finitionum esse

videtur, coma ab Homero Poeta, & ab Hippocrate, & à Galeno, in quam plurimis locis nominatur, ut Galenus ipse libello de Comate testatur. Sed sive uno, aut alio nomine symptoma illud vocetur, definiendum, ut Cornelius exposuit erit: nuncupo semper symptoma, & non morbum accidens hoc, quod potius sequi alias ægritudines, operationes sensibiliter ländentes soleat, quam ipse sine illis accedere, quamquam verum est, posse à pituitoso succo fine febre morbus hic provenire, qui tunc impropre symptomata nominaretur, nisi dis temperiem pituitæ inductam in cerebro morbum, & soporem symptomata tunc dixeris.

Invadere morbus, seu symptomata hoc, ut referam, consuevit, post quintam, aut sextam diem à prima accessione febris continuæ à bili notha orientis, solet in nonnullis tempestatibus, cum accessionis septimæ, vel alterius posterioris febris redditu simul sopor adeò inexpugnabilis febrentem corripere, ut nisi cum alta voce, aut concusione excitetur, oculos somno gravatos aperire nequeat, quos statim ut vocanti respondet, iterum claudit, siveque nonnumquam duodecim horas, alias quindecim plus, aut minus oprimere, sopor hic solet, toto eo tempore adeò resolutis viribus febrentis versis, ut supinus jaceat, quandoque ut appoplecticus stertat, nonnumquam nondum clamore excitetur, verum relato temporis spatio transfato, hos reviviscere sèpissimè videmus, viresque amissas subito restituere, somnum abigere, & si quod delirium somnum committabatur, resipiscere, similesque sibi sanis, præterquam quod plurimi febriant videri, potest enim cum intermitente febre malum hoc quoque con-

contingere , at non semel graſſari in febrentem , & cum unica accessione corripere eundem , solet : immò unius diei intermissione facta , tertia die ſapè redire conſuevit , quamquam , & in quavis die ſi in quaque accessione contigit , nonnumquam opprimat , neque ii redditus niſi in ægri perniciem finiri ſolent.

Conſueviſſe ſymptoma relatum cum notha tertiana conjungi , eventus docuere , ita enim ut ſcripsi plus quām à triginta & quinque annis quòd ægris medeor accidere obſervavi , neque diſſimile contigifſe Aētio , contextus ejusdem capite tertio , tetrabibli 2. sermonis 3. facile probat. Inquit enim illīc : [Aliquando etiam in diuturnis febribus per circuitum contingit , ægrotos ſomno immergi , velut in quotidianis fit , & ſemitertianis , quandoque etiam quartanis , & alii quidem cum convuſione , & contractione nervorum in ſoporem deferuntur , alii pedetentim facta accessione , alii quidem unam immersionem ſuſtinent : in qua extremitate periclitantur , alii in circuitibus in ſomnum deferuntur , & rursus revocantur. Proindè conſiderare oportet ſpeciem delationis in ſoporem , qui enim per circuitum ſomno immergantur , maniſtiorē pulſum ha- bent , qui vero ſemper affecti ſunt , minutissimum , & ægre mobilem. Hi vero etiam dum excitantur , aliena loquuntur , & obliviousi ſunt , nam dum ſapè admiſſionem urgentur porrecta iſpis matula ſe in manibus iſam tenere obliuſcuntur : qui vero per circuitum afficiuntur : nihil tale patiuntur , & alii quidem cum gravitate , & elata reſpiratione in ſomnum deferuntur : ut ſtertant , & ſingultum , ac ſuſpiria ædant , dolorem indicantia , quin revocati , neque eloqui poſſunt , propter ra-

tionis laſionem , alii vero quietiſſime dormire videntur , ex aliis quidem perfrigerantur artus , & rugoſi , ac pallidi ſunt , & corporis miſcella ferè congellatur , aliis ve- ro diſfunditur : & velut rorem ef- fundit circa exacerbationum declina- tiones .] Verum quòd ſententia recenſita iſcripta eft in capite de Le- thargo , quem Galenus , & Paulus , ac Aētius , oriti a diſtemperie frigi- da , & humida cerebri referunt. Se- rapione , & Raſi , ac Avicena , cæ- terisque Medicis Arabibus atteſtan- tibus , à cerebri apostemate (ſic e- nem frigidas , & calidas inflamma- tiones Arabum Interpretes generi- ca voce nominant) neceſſum vi- detur , priuſquam medelam auſpi- cemur , paucis exponere , quæ no- bis verior ſententia videatur , & ut breviter , & unico verbo id abſolvam. Græcorum veram eſſe atteſ- tor , neque alia ratione indigere de- cretum prædictum , ut verum eſſe pro- probetur , exiſtimo , quām quòd expe- riāmūr nonnumquam invade- re cum febrili accessione ſymptoma hoc , & inclinata febre auferri , ite- rumque redire , redeunte febre , & etiam poſt delitescere , quæ con- tingere non poſſent , ſi apostema pituitosum foret , nam tam cito hu- morem imbibi in cerebri , aut mem- branarum porofitatem , tumorem- que attollere , & ſtatim diſcuti , ac poſt eaſdem porofitatem occupare : alienum à vero valde videtur , ne- que Avicenam aliud ſenſiſſe reor , cum capite de Lethargia , fē prima tertii dixerit : [Lethargia dicitur apostema phlegmaticum factum in- tra cranium , & eſt ſirſen phlegma- ticum , & plurimum quidem ejus ſit in meatibus ſubſtantiae cerebri , abſque velaminibus , & ventriculis , & ſubſtantia cerebri , quoniam phlegma raro congregatur , & pe- netrat in membranas cerebri prop- ter

ter ipsarum duritatem : neque in substantiam cerebri propter ipsius viscositatem.] Nam in illis verbis: [Plurimum quidem ejus fit in meatus substantia cerebri.] Palam intelligisse apparet, quod ex solo delapsu pituitae per vias aliquas cerebri puta venas, aut arterias genita distemperie frigida, & humida in cerebro, proveniat somnus profundus, & oblivio contingens lethargicis, ut Græci dixerunt, nullo humore imbibito in substantia cerebri : aut membranarum ob causam, quam Avicena dixit, quod ut apostema fieret, requiritur : neque in ventriculis cerebri : quia jam non lethargus, sed apoplexia : aut epilepsia nominaretur. Si ergo lethargiam Avicena definit apostema, potius ut Serapionem, ceterosque Arabes, se seniores sequeretur, quam ut verum illud esse putaret, scripsit, ut sententia à me ducta, & quæ infra illam sequitur probant.

Porrò vanum mihi videtur, diu immorari in expositione illarum plurium nomenclaturarum, hujus affectus, quorum in exordio hujus capititis meminimus. Cum ut mea sententia est, tam' sopor inexpugnabilis, qui oculis clausis accidit, quam qui oculis apertis contingit, ab eadem causa ortum trahit, à pituita scilicet, differunt nempè affectus hi: ut diversarum partium oris in paralysi distortarum, quia quod altera sit resoluta alia versus propriam originem convertitur, resolutis nervis cedentibus oppositis, certè pituita redundans in aliquibus cerebri locis, undè nonnulli nervi generum, oculorum oriuntur, adeo laxos efficit nervos muscularum, quibus genæ ipse clauduntur, ut necessario oppositi (quamquam utrique minimè sensibiles, ut Galenus cap. 9. libr. 10. de Usu partium dixit) genas versus

Tom. II.

supernam regionem attollant, eademque pituita aliis cerebri partibus insidens, ex quibus alii oriuntur: nervos illos tendentes in musculos quibus genæ attolluntur resolvens, oppositos cogit, ut genas claudant, nec nisi vi, & conatu non exiguo eas adaperiant. Quippè si quia materia frigida, & sicca esset, oculorum apertio in cathoco proveniret, ut nonnulli ex relatis gravibus Authoribus dixerunt, in melancholia, delirio sine febre, continere, apertio illa cum somno sappiissimè deberet, quod frigiditate, & siccitate sit distemperatum cerebrum, morbum illum patientium, neque posset verè dici, quod ut id faciat melancholia, necessum sit, eandem repere in corpus cerebri, ut Hippocrat. dixisse sexto epidimion in epilepsia videtur, quia à nobis probatum in hoc capite parum supra est, non ab inflammato cerebro lethargum fieri, sed à distemperiem passo, ut qui melancholia ægrotant: at melancholici non cathocum patiuntur, sed vigiles diu permanent, ergo non indè, sed undè nos diximus, oculorum apertio provenit, leves quoque illæ differentiæ commatis, seu lethargi in commatosos cum delirio, & sine illo minimè variant speciem morbi, ut curationem mutare cogant: nam non necessario oportere in omni delirio bilem adesse existimo, cum frequenter experiar, epilepsia à pituita correptos, statim ut relevari à symptomate incipiunt, delirare, maximè si mox altero consimili symptomate infestandi sunt, quorum deliria nequaquam dicere possumus, ab alio quam à pituita ortum trahere: in his, qui ab ejusdem immodica quantitate epileptici pereunt.

Si adamusim in præsenti loco exponerem modum, per quem som-

nus naturalis , & hic morbificus fiunt , adeò immorarer in hujusmodi investigatione ut librum excedentem justam magnitudinem condiderem , quod ut vitem , solum visum est : locum affectum in hoc morbo paucis exponere , reliqua que obiter attigere , exactam de illis disputationem in alium differendo locum.

Somnus ergo naturalis indubie fit: cum adeò resoluti vitales , & animales præsertim spiritus , & naturales quandoque sunt , quod si resolutio corundem ulterius progrederetur , copiosa restauratione non facta , periclitari homo defectu spirituum (sine quibus vivere non datur) posset. Quippè occurrente relata necessitate , anima ipsa , quæ prout hæc , & consimilia munia exercet , natura vocatur , compri mendo villos exteriorum arteriarum , & venarum , ac muscularum , quibus spumas in altum corporis retrahuntur , ipsos in cor cerebrum , & jecur , ac stomachum propellit , ubi ex deglutitis alimentis actione ventriculi , & jecoris sanguinem efficit , & in corde extenuiore , ac puriore sinistri ventriculi ejusdem sanguine , spumas vitales gignit , & in cerebro ex eisdem animales procreat , toto hoc tempore adeò his officiis vacans , ut quæ extra mediocria sensibilia præsentantur , ne quaquam sentiat , vel quia propter spirituum ab his exterioribus partibus in intimas redditum , ipse sine sensu maneant , aut quod aliquæ partes per quas species sensibilium deferendæ sunt , occludantur , & opilentur , morbificus vero somnus non similiter fit , quin frigiditate , & humiditate immodica male affecta partes cerebri , quæ cavæ quando secundum naturam se habebant , erant : & cellulas (quas ventriculos Medici vocare consuevere) ex se-

ipsis constituebant , concidentes , & se mutuo contangentes , cellularumque figuram amittentes , cum nulos , aut paucos spiritus animales deferri ex his partibus in quibus fieri consuevere , ad organa sensuum exteriorum permittant , sapore gravi sic affectos opprimi necessum est.

Ex iis , quæ ut audistis , breviter exposuimus , manifestè patet , anteriorem cerebri partem in hoc morbo male affectam necessario esse , nam si illæsa hæc fuisset , visus , & olfactus nervi ab eadem originem trahentes propria munia obitura erant , cuius oppositum contingit , neque quia etiam memorandi officium nonnumquam in hoc morbo vitietur , inferendum est , posteriorem cerebri partem , in qua rerum phantasmatæ asservantur , læsam necessario esse , quia , & si ipsam quandoque lædi continget , sine ejusdem læsione memorandi munus vitiari potest , si enim ut memoremur , necessarium est , spirituosa illa corpuscula , quæ phantasmatæ nominantur , à cellula occipitis egredi , & parti anteriori cerebri , in quavis noscendi abstractivè absentia sita est , præsentari: ut in priore parte Antonianæ Margaritæ diximus : contingere poterit , sincipite læso , ob immodicam quantitatem pituitæ phantasmatæ imperio voluntatis ab occipite in partem anteriorem cerebri delata , figuram , & modum requisitum ad immutandum illam interiore facultatem sensitricem amittere , indeque memorandi officium sine læsione occipitis vitiari , neque , & si quod diximus , possibile esse credamus , negare volumus , frequenter contingere , memoriam lædi: quia redundans pituita in posteriore cerebri ventriculo viam per quam phantasmatæ in anteriorem par-

partem deferenda sunt, obstruit, aut taliter eadem inficit, ut inepta ad immutandum facultatem interiorem relinquat. Certè eventus probant phantasmata corpuscula spirituosa talis naturæ esse, quod siccitate aptissima redundunt, ut eisdem memorari præteriorum valeamus, & opposita qualitate ineptissima, neque alia de causa in postico cerebri ventre asservata ipsa sunt, nisi quod illa inter alias siccissima sit, idque suspicari facit, extrinseca facultatum sensitricium sensibilia cum phantasmata gignunt, tenuem illam, & spirituosa substantiam ex qua eadem conficiunt, exiccare, atque etiam ob idem melancholicos, qui sicciores sunt: tenacioris memoriae reliquis temperaturis esse, quod hi promptiores aliis sint, ut excentur, aut quod siccitas in his perduret in aliis non, pituita si enim: aut sanguinei difficilius phantasmata in se fieri admittunt, vel in se facta amittunt, & jam quod phantasmata in occipite eorumdem asservata in anteriorem cerebri partem abstractivè noscentem propellant, diu ibi retinere eadem nequeunt, ut humidos nervos in brachiis, aut cruribus habentes, nequamdiu erectum brachium servare valent, neque dissimilis præteritis causa est: cur nonnulli adeò celeriter diversa imaginantur: & alii adeò tardè: illi enim, quia phantasmata sicciora, & agiliora habent: hi quod graviora, & magis pigra, illis quoque contingit: ipsis nolentibus: diversa sensibilia coram propria facultate interiore noscente sibi præsentari, indèque vigiles, & somniantes plurima abstractivè noscentes imaginari, aliis autem contrarium accidere.

^{1. Prædictio.} Physicis ergo negotiis dimissis: & usque in aliud opus examinare relatis: ad medelam soporis gra-

Tom. II.

vis, de quo modo tractamus accidentes, prius quædam prognostica in eodem contingentia exaremus, unumque sit, soporem gravem cum accessionibus febrium invadentem raro in prima accessione interfice, sed saepius remittente febre delitescere, & cum secunda, aut tertia accessione redire consuecere, & ante septimum diem ab initio febris, raro, aut numquam eundem in vitæ discrimen ægrum ducere, soporem autem, qui non solùm cum febris accedit invadit, verum ipsa remittente adhuc perseverat, intra septimam diem à morbi initio interficere posse, certum esse, & si quandoque in quartum decimum, & ulterius differri exitum felicem, aut infelicem ejusdem experiamur.

^{2. Prædictio.} Secunda prædictio sit cum morbi quodam genus (tabardillo Hispani vocant) in quarta, aut quinta die, aut post cum sopore gravi apparet, perniciosum esse, saepè consuevit præsertim in senibus, secus in juvenibus ante trigesimum annum constitutis, ut enim variolæ, raræ, & in signis magnitudinis tantum, validam facultatem expultricem esse, & paucum humorem vitiatum, & exiguae, ac frequentes oppositum indicant, eodem modo morbilus hic, quod non aliud est, quam quidam robur inæqualiter innumeras, & exiguae cutis partes afficiens, parumque dissimilem eandem sibi à pullicibus complurimis morsam redens, unde pullicaris morbus à nonnullis vocatus est, imbecillam facultatem expultricem testatur, nempe si valida fuisse, sanguis ille bili commitus, quam rubore cutim afficit in halitum, vel per narium venas, aut emorroides discussus, aut eductus foret, vel in inflammationem insignem congestus, tumorem in suppurationem laudata;

dabilem vertendam efficeret.

3. Prædictio.

Tertia prædictio sit post nonam diem à morbi initio, & sæpius post undecimam, si urina multa, & alba tenuis, sive mediocris consistentiæ mingitur, & per tres, aut quatuor, seu plures dies excernitur: febre continua cum sopore prædicto, aut delirio, sive absque utroque infestante, in salutem finiri morbus hic in plurimum solet, ut frequentissimi à me visi eventus docent, quod dixisse Hippocratem 69. aphorismo quartæ sectionis existimo, dicens. [Quibus urinæ crassæ, grumosæ, paucæ, non sine febre multitudo veniens ex his tenuis juvat, præcipue verò tales veniunt, quibus ab initio, vel brevi sedimenta insunt.] Nam verbum illud grumosæ non ab omnibus scribitur, sed loco illius cænosas Numidianus, & Dionysius legunt: neutra voce fortassis legenda, quod sufficeret dicere, quibus urinæ crassæ paucæ non sine febre, &c. ut Galenus in eodem commento scripsit, vel fortè loco vocis illius grumosæ, scribendum erat rubræ: etenim semper contingit, in prioribus diebus febrium continuarum urinas rubras videri, ac post quales dixi, puta tenues, & albas, in illis, qui per urinam morbificam causam excreturi sunt, maximè si sedimenta cum prædictis rubris urinis à principio apparent: nam in fine cum illa ingenti urinarum quantitate nulla sedimenta in plurimum apparet experimenta, ac sententia Hippocratis docuere.

Potò quia hoc morbi genus, de quo nunc agebam assiduæ ægrotantes interficit, & in ejusdem initiis nonnumquam urinæ cum laudabilibus sedimentis miætæ apparent, pauca de hujusmodi sedimentis dicere cogor, ne lectione librorum Medicorum, maximè Galeni junio-

res, & parum experti Medici in prædictionibus decipientur. Certè sæpiissimè innumeræ visæ sunt à me urinæ, in hujusmodi præsertim febribus, ac in aliis morbis, sedimenta alba, æqualia, lenia, ac tenuia, habentes, ægro in mortem eunte, quod cum aliis antecedentibus temporibus, & in constitutione præsenti, ac anni præteriti 1556. ego observarem, & minimè me dicipi, in notione sedimentorum experier: nam non pituitæ lentorem in illis conspiciebam, sed meram hypospasim, & laudatas conditiones habentem noscebam, animo plura voluens tandem in dicendam sententiam descendit. Hippocratem, scilicet, hæc eadem, quæ ego retuli, non ignorasse, ideoque 71. quartæ sectionis aphorismo scripsisse. [Quibus septima judicatur iis nubecula habet quarta die urina rubram, & alia ex ratione.] Ultima illa verba. [Et alia ex ratione.] Addens Hippocrates, ut cautos Medicos rederer, non sufficere urinam sedimentum rubrum, aut album in quarta die habentem, felicem judgmentem portendere, nisi alia signa ex respiratione, & somno, & vigilia, à cubitu, cibi appetentia, & aliis indiciis urinæ similia sint, parum enim prodest sedimentum laudabile esse, cætera verò, ægri perniciem attestari, idque est, quod sæpius, ut dixi, experimur, & quo ambiguitatem prædictam solvimus, neque me latet, Galenum in commento relati aphorismi expositionem à me ductam reprobasse, propertissimæque ibidem, quod si in diebus decretoriis urina concocta apparet, indubie in aliis, quos præscribit, morbus finiendus sit: nam id falsum esse, ego sæpiissimè observavi, & qui medendo tandiu ut ego: idem perpendere voluerit, palam me vera dixisse inveniet, nem-

nempè si ullis aliis locis verbum citatum, & à me expositum Hippocrates agens de sedimentis laudatis non addidit, ut in fine adducti aphorismi, non quia aliud, quām quòd relatum est, sentiat, sed quod semel illic dixisse, sufficiat, postea tacuit, deceptus quidem Galenus est, existimans aberrasse Medicos, qui ut nos Hippocratis citatum aphorismum exposuere, ideo quòd nox, quæ judicationem antecedit laboriosè transeat, & sœva symptomata in eadem æger patiatur, & cum hoc in salutem finiatur morbus, dum prædicta hypostasis in quarta apparuit: nam neque hoc verum in plurimum est, nisi tūm cum ut diximus alia signa paria hypostasi sint, etiam quòd Galenus objicit expositioni nostræ adversum non est: quia nos non dicimus in omnibus diebus antecedentibus judicationem, salubria signa simùl cum laudata hypostasi videnta, ut sedimentum certum salutis inditium sit, sed in omnibus excepta die antecedente judicationem conspicienda esse, non quòd ignorem quandoque à prima die usque in quintam, vel septimam sœvissima symptomata conspici, urinis in quarta cum laudatis sedimentis visis, & morbum in quinta, aut septima feliciter judicari, sed quoniam hoc rarum est, de hujusmodi eventibus decretum Hippocratem scripsisse credendum non est, sed de iis, qui frequenter contigunt, illud enim ab ignotis nobis causis, & virtute robusta, etsi nullis inditiis præter urinam robore ejusdem cognito contingit.

Tandem ut medelam hujus generis febris, ac symptomatis cum ea adjuncti scribere ultra relata in initio capit is auspicemur, investigare necessum est, undè provenire possit in accessionibus febrilibus so-

porem inexpugnabilem corripere, & in declinatione febris eumdem delitescere: hanc causam verius, quām ullus ex nostris prædecessoribus exprimere, ut reor, ego potero: quòd intermissionis febrium, & accessionum earundem veram causam invenerim. Accessionis nempè causa est delatio humoris vitiati, aut immodici, seu fuliginis, in venas, & arterias cordi proximas, ex cuius sanguine vitales spiritus conficiendi erant, atque eadem delatio causa est, cur humor tunc delatus per venam, & arteriam magnam dorsi, in caput repens soporem illum inexpugnabilem inferat, & à capite idem propulsus, ac in venas, & arterias distantes à corde, & cerebro sejunctus, (valida facultate expulsive existente) ut in febrium intermissionibus, aut continuarum declinationibus accidit, sopor auferatur, & dispareat. Certè si in omnibus febrilibus accessionibus, hoc idem symptoma non infestat, & si universæ accessiones per modum à me relatum fiant, non aliunde provenit, quām quòd diversarum febrium diversa materia est, hujusque soporem inducentis potius puto ego, humorem venenata qualitate affectum, quām sola frigiditate, & humiditate esse: qui enim his duabus intensis qualitatibus afficiuntur succi, lenti, gravesque, ac difficulter mobiles, ut apoplexiā efficiētes esse solent, quod minimè soporatis contingit. Duodecim enim, vel quindecim horas infestare sopor cum accessionibus febrium invadens, & cum remissionibus abiens solet: quo mobilem esse deprehenditur: & qui per quinque, vel sex dies simùl cum febre durat, non sic ut apoplexia oprimit: nam altis vocibus in plurimum hi excitari solent, apopleticis cruribus funibus ligatis nedum

excitatis: quod testatur leviorem multo, ac pauciorem materiam soporati, quam apoplectici, ut diximus esse, suspicor enim ego: cataphoram de qua agimus, à venenato succo fieri, cum succus in caput delatus: illic animales spiritus obruit, atque extinguit, non aliter, quam aliquorum mineralium fumus flamas lucernarum extinguere consuevit: vel cum vias, per quas defterri spiritus animales in organa sensus solent, ipse occludit: quod rarius evenire conjecto, quia talis fortis humor potius epilepsiam, si paucus, aut apoplexiā, si multus, quam cataphoram, ut dixi, effecturus erat.

Quæ legistis suppositis, medelam symptomatis hujus per educationem causæ in toto corpore redundantis, ac prohibitionem accensus ejus in caput faciendam certum esse reor: dum tamen minimè negligatur, vitium venenatæ qualitatis medicamentis oppositis auferre: de his ergo methodos scribamus.

1. Methodus. Primum per venæ incisionem toties quoties convenire arbitratus fueris, & alui expurgationem rectè fieri, servatis præteritis methodis existimo, ac dum cataphora cum febrili accessione corripit, & inclinante febre delitescit, & si sanguis semel, aut bis, vel ter sit missus, si Medicus suspicatur, cum alia accessione idem symptoma redditurum, & aut ægrum interfeturum, vel in vita discriben injecturum, salubrè consilium esse reor, remittente febre, iterum ex basilica sanguinis priusquam accessio corripiat tantam quantitatem educere, quantum vires tolerare valeant, cavendo ne in sincopem æger incidat, qua cerebrum refrigeratum sopor augmentetur, ac post tres horas nisi sudore perfundatur febriens: iterum sanguis educatur, & post alias tres

horas laxans ventrem pharmacum ex electuarij rosato Mesue, & confectione medicaminis amech singulorum drachmas 3. in jure pulli gallinacei, aut coctione sene, & polipodii, & florum borraginis, ac cnici sine cassia fistula exhibere, vereor enim in gravi sopore cassiæ usum, quod ipsa allucere somnum, & quam plurimum humectare soleat: quæ ambo in morbo hoc, quam maximè obsunt, nempè dum hæc fiunt eductus humor symptomæ in sequenti die facturus, aut id non efficiet, aut leve facere cogetur: neque perpetuò hoc præceptum observare consul, sed periculum ageare in duobus, vel tribus ægris, an relata methodus profit, aut non, ortor, quod si prodesse in illa constitutione noveris, sèpiùs id exequaris: sin autem infeliciter cesserit, non ulterius idem experiaris, tunc enim indubie remur, succum venenatum sanguinis missionibus, & ventris purgationibus non educi, sed exacerbari, deterioremque reddi, viresque imbecillas verti, ideoque non multis, sed exiguis vacuationibus, paucamque commotionem in humoribus efficientibus symptomati huic medearis: in quem usum confectio medicaminis, quæ plurimum mirobalanorum recipit, quam maximè prodest, quod hi educendi humores hos venenatos, ac quiescendi eosdem, & adstringendi corporis meatus, vim habent.

2. Methodus. Prodest quoque in relatum usum parum antequam sopor sit accessurus, repellentia colli vertebris admoveare prudenter ergo linteum oxirodino, quod acetij tantum, ut rosati olei recipiat, perfundimus, eodemque collum, ac gutur involvimus: ut exteriores hæ viæ repellentibus his corrugatae, minimè humorem ab infimis corporis partibus in

in cerebrum repente admittant: certè si repellentium horum vis tanta esset, ut universos colli meatus, tam internos, quam externos occludere posset, indubie eorundem usu subventum ire tam ingenti morbo possemus, sed in aliud morbi genus, vel ut verius loquar in mortem febrentem impelleremus, sanguine enim, & vitalibus spiritibus in totum ascendere cerebrum vetitis, necessum erat ægrum mori, recte ergo solis à nobis scriptis apocrusticis repellere jubemus: si enim expultrix vis alicujus vigoris est, iis adjuncta prohibere ascensum humoris, & vaporis noxii valebit.

3. Methodus.

Acetum rosatum, & aqua rosata admota naribus in vasculo vitro, vel argenteo collum longiusculum, & arctum habente: almaraja, Hispani vocant: odoranda sæpè approximantur: ut horum vapor in cerebri vasa, & ventris ejusdem cavitatem receptus, succos ascendentibus repellat, & quos jam ascenderant, corrigat: quod salubrius esse, quam oxiordinum sincipiti apponere reor: nam hujusmodi admotio sæpè solet plus nocere cutis poros obstruendo: quam prodesse repellendo: præfertim quod in altum capitis minimè vis eorundem nisi exigua penetrare valet.

4. Methodus.

In eundem usum prodesse, quam maximè solent cucurbitulæ scapulis ambabus, & utrisque lumbis sic admotæ: ut spinæ vertebræ inter utrasque cucurbitulas mediae maneat: neque duæ, vel quatuor tantum sufficiunt, sed faltem sex tribus horis priusquam; sopor accessurus est, admovebuntur, nam si in hac ultima admotione ab inferioribus inciperemus, & ad superiores scapularum partes ascendendo procederemus: infimiores nullam vim revellendi humorem caput occupantem haberent: quod plurimum nates ab occipite distent, & cucurbitulæ sine scarificatione exiguam revellendi vim habeant: incipiendo tamen à superioribus, ut jussimus, hæ derivare ad proxima valent: & quod derivatum vi harum est, se-

non permittant, quæ enim, ut revealant, quod sursum jam ascendit, admoventur, contrarium ordinem sunt servaturæ, nam prius supremæ, & post inferiores sunt apponendæ, dum scalpenda cutis non est, secus si scarificari debet, neque scarificandæ hæ de quibus agebam erunt, dum corpus sufficienter expurgatum sit, sed igne tantum applicandæ, diuque persistere relinquendæ: per horas duas, scilicet, aut horam unam tantum, si existimè vexari ægrum noverimus. Superioresque prius se movendæ, & post has reliquæ usque ad ultimas natibus infixas, quæ parum postquam auferuntur, iterum sunt, etiam natibus applicandæ, non tamen eodem loco cui prius defixendæ, sed parum distanti, ibique persistere tamdiu debent, donec initium accessionis, & soporis pertranseat, quod si hoc præsidio, aut soporem non corriperre, aut leviter infestare noveris, eodem in altera accessione utaris, si enim duæ accessiones sine sopore transierint, certum erit, ulterius non redditum, verum si neque hoc profecisse videris, cum sopore gravari ægrum senseris, cucurbitulas eisdem locis quibus prius admovebis: dum tamen ordo applicandi priori contrarius sit: superiores enim prius, ac post quæ sequuntur, admovebuntur, nam si in hac ultima admotione ab inferioribus inciperemus, & ad superiores scapularum partes ascendendo procederemus: infimiores nullam vim revellendi humorem caput occupantem haberent: quod plurimum nates ab occipite distent, & cucurbitulæ sine scarificatione exiguam revellendi vim habeant: incipiendo tamen à superioribus, ut jussimus, hæ derivare ad proxima valent: & quod derivatum vi harum est, sequen-

quentes infimius descendere co-
gent: ut per plurimarum cucurbi-
tularum manus usque ad dorsi ul-
timum humor revellatur, in prio-
re tamen, quam præcepi applica-
tione, ideo ordinem contrarium
servare jussi: quoniam, ut dixi,
cum ante ascensum humoris in ca-
put, admoventur: si à superiori-
bus inciperemus, humor non
nihil cucurbitulæ in occiput tra-
herent, quod minimè cupimus.

5. Methodus. In cataphoris tamen non inter-
mittentibus, sed semper affligen-
tibus cucurbitularum usus si prius
scriptæ fiant vacuationes, prodesse
nonnumquam solent: & si (quia ve-
ra fateri teneor) cum sopor gravior
est, parum hoc remedium conser-
re, experior, brachia, & crura fu-
nibus fortiter ligare, non aliter
quam cucurbitulæ conducere so-
lent: odoramenta tamen ex aceto,
& aqua, ac castorio, in quibus
spongia madefacta sit, & naribus
applicata, incindendo, & atenuan-
do castorei vi, & repellendo aceti
facultate prosunt: capiti apponere,
quæ refrigerant sine repellentibus
sibi commistis, ut Avicena fen pri-
ma 3. cap. 3. de Medela subet, præ-
cepit, dicens: [Et illud quidem
fit cum oleo rosato, & aceto plu-
rimo ne oleum dormire faciat: &
principiè cum ipsum est solum, &
cum expressionibus fructuum con-
fortantium: & post illud adhibeantur
embrocæ infrigidantes deinde
fiat permutatio ad resolutiva.] Ma-
ximè nocet: quòd his embrocis in-
frigidantibus cerebri viæ refrigera-
tæ adeò adstringuntur, ut paucō
humore frigido, posteà ascenden-
te, faciliter obstrucio, & infrigi-
datio ingentiores fiant, quo catha-
phora immedicabilis redetur, quam-
quam enim oleum, & acetum re-
frigerent, quòd hæc ambo vim re-
pellendi habeant, plus prodesse re-

pellendo humorem ascensurum
quam frigiditate nocendo, conjec-
tamus, ideoque eis prius quam in
soporem gravem incidat æger, uti-
mur: videtur enim Avicenæ eadem
methodo quo inflammations, me-
dendum malum hoc esse, ac ut re-
pellentibus, & infrigidantibus in
principio harum utimur, ita in ca-
taphoris faciendum. Sed in hoc de-
ceptus vir hic fuit, & reliqui Ara-
bes, qui sub capite de Lethargo
medelam symptomatis hujus scrip-
sere, nam nec lethargus, nec ca-
taphora ab inflammatione frigida
cerebri proveniunt, ut suprà scrip-
simus, putasse enim nonnumquam
Avicenam, subet ab inflamma-
tione cerebri originem traxisse, clare
probant verba illa citata. [Deinde
permutatio ad resolutiva fiat.]

6. Methodus. Jam cum sufficientè vacuatum
est corpus, uti potione mithridati
dissoluti in aqua stecados, quam
maximè prodesse existimo, quia
medicamentum hoc, quæ attenuant,
calfaciunt, & cerebri frigidum hu-
morem discutiunt, recipit, quibus
pro morbo hoc medendo egemus,
neque theriacam conferre credo,
ut Avicena dixit, quòd hæc opium
soporiferum recipiat, si enim in usu
complurima sunt, quæ attinuare,
& discutere valent, quod agere
cupimus, nescio quis sanè mentis
consulere audet; theriaca uti, re-
frigerantia nempe in febribus à bili-
notha orientibus, obesse quam ma-
ximè, antea docuimus.

7. Methodus. Caput horum coctionibus her-
barum in aqua fontana ablueret,
laudare minimè audeo, et si enim
ex herbis calefacentibus, & siccantibus
coctio fiat, plus nocere frigi-
ditatem, & humiditatem natura-
lem aquæ: in quam se reducat ipsa,
postquam nonnullum tempus tran-
sierit, quam prodesse potestativam
calefactionem herbarum reor, fa-
ciem

ciem quoque aceto lavare, ut Aëtius, & Avicena, & alii præceperunt nequaquam consulo, quod facies ipsa adeò insignis pars corporis sit, ut in ea cordis cerebri, & jecoris vires reuceant, & repræsententur, quod aliter fieri nequit, quam ab his principibus membris in facie spiritibus, & vaporibus succorum missis, quos aceti vi, vel extingues, vel in caput repelles, quorum nullum in morbo hoc confert, nam spiritus extinguere manifeste nocet, & eorundem repulsum somnum auget, non enim aliter dormimus, quam spiritibus in altum corporis retractis.

B. Methodus. Quæ suffici lethargos excitant, qualia sunt lapis gagates, bitumen, castorium, peucedanum, sulphur, galbanum, sagapenum, cornucervinum, hirci sordes, abrotanum, & sylphium, magis opportunè horum naribus offeruntur, ad humorum discutiendum, quam improbatæ capitatis lotiones, sternatutoria quoque eduentia capitatis humorum non minus conducunt, iis ergo uti, corpore sufficienter vacuato, salubre est, ac post horum usum, derasis capillis capitatis, synapsimum ex caricis cum synapi pistratis capiti admovere, non enim vereor ego febrilis caloris augmentum in febribus his, ut saepius dixi, castorei quoque, ac euphorbii oleo caput inungere prodest: idem quoque castoreum cum aceto paucu utile est.

g. Methodus. Quæ iram concitare in his valent conducunt, quod ira à corporis, intimis partibus ad extimas humores educere nata sit, quo promedendo hoc morbo egemus, verum quæ contristant repræsentanda non sunt, nam hæc potius ad intima spiritus, & humores trahunt: quam extra exire efficiant, aberravit ergo Avicenæ Interpres, qui citato capi-

te tertio, sen prim. tertii canonis cum medetur subet, scripsit: [Et videat res, quæ contristant ipsum, tristitia enim in hujusmodi ægritudinibus in quibus debilitatur cogitatio, & extinguitur, est ex iis, quæ commovent animam, & reducunt eam ad rectitudinem.] Nam falsum est, quod quæ contristant, move re mentem ad cogitandum valeant: quin oppositum efficiunt, ideoque tristes somno faciliter capiuntur: legendum ergo est, videant subetici quæ irasci faciunt: quoniam ira in hujusmodi ægritudinibus, &c. Bellunensis literam hanc quadam insulsa, & falsa lectione corrigit, quæ eodem modo quo antecedens improbatur.

CAPUT XLIX.

De phrenitide, & paraphrenitide, in quo etiam non esse inflammationem cerebri, neque ejusdem membranarum phrenitidem probatur.

*I*n præterito capite medelam scripsi illius saevi symptomatis, quod cataphora Græcis dicitur: quoniam frequenter in febribus pestilentibus id contingit, ut febres anno præterito 1556. & præsenti 1557. grassantes ostenderunt: in hoc tamen capite medelam aliorum duorum symptomatum etiam obiter exarare videtur: quod non rarenter febres pestiferas comittentur hæc: alterum est vigilia sopori commista, quod Græci nonnulli typhomaniam, coma vigil alii dicunt: aliud est delirium, quod phrenitidem Græci, Arabes carabitum vocant, horum primum coma vigil, scilicet, ortum dicit, ut Avicenæ loco citato placet, ex inflammatione cerebri facta, ab humore pituitoso, & bilioso simul mistis, ut phrenitis à solo bilioso sanguine inflammationem gignente, ut idem

Avicena opinatur, at cum falsum sit, cerebrum, aut ejusdem membranas in phrenitide inflammari, ut hucusque opinatum omnibus Medicis est, hoc brevissimè explanare, convenit, ac postea quasdam breves genericas methodos horum symptomatum scribere: exactam tractationem hujus negotii in alium locum differendo cumque compositi morbi, & qui à diversis succis ortum trahunt, facilius curantur, cum simplicium medela scitur: ideo dignum videtur de phrenitide prius tractare, quam de vigili comate, nam lethargi medela in antecedentibus exarata, & delirii cum febre in præsenti loco scripta, sine labore medela compositi affectus inventietur.

Excludamus ergo falsam opinionem eorum qui crediderunt inflammationem cerebri phrenitidem efficere, & à sola hac veram phrenitidem oriri, de quorum numero Galenus propè finem libri secundi de Symptomatum causis, capite septimo fuit, dicens: [Quippe phrenitis non tantum ex calidis ortum habet succis: sed supra id, etiam phlegmonem in cerebro, & ejus in volucris excitat.]

Ratio.

Porrò sive phrenitidem phlegmonem cerebri, & membranarum ejusdem voces, seu delirium plegmonem sequens, necessum esset, quomodocumque phlegmone affecto cerebro, phrenitidem adesse, sed hoc vulneratæ cerebri membranæ ense, aut alia re incidente falsum esse docent, ergo assertio Medicorum falsa erit: fatis sufficienter rationem præsentem collegisse, in logica facultate periti facile intelligent, veritatem ergo secundæ partis antecedentis quam minorem logici vocant probare superest: quæ, ut dixi, eventibus ipsis vera esse ostenditur. Quis enim Chirurgus

quamvis parum expertus sèpè non videt in 3. aut 4. die à vulnera cranium, & membranas incidunt illato, in volucra cerebri adeò quandoque inflammari, ut per vulneris scissuram ipsa tumentia phlegmonem se pati facilè nuncient, homine vulnerato, tunc non solum non delirante, sed neque febrem sèpissimè eodem paciente, quod ut dixi, impossibile foret, si phlegmone cerebri, aut ejusdem membranarum phrenitis esset.

Evadi enim ratio hæc non valet, confitendo in relatis eventibus cerebri membranas phlegmonem pati, cerebrum autem ipsum minimè phlegmone affici, quorum utrumque adesse, ut phrenitis fiat, Galenus loco à me ducto dixisse videatur, quoniam Paulus, quem Galen. simiam Medici vocamus, lib. 3. cap. 6. phrenitidem sic definit: [Phrenitis membranarum cerebri quas meningas Græci appellant inflammatio est, nunc quidem ipso quoque cerebro simul eam experiente, nunc autem calore præter naturam in eo consistente.] In relatis verbis expressè docendo, non esse necessario meningarum, & cerebri ipsius consistentiam perpetuo in phrenitide inflammari, sed sufficere in volucra phlegmone pati, quod Aëtius cap. 2. tetrabiblio 2. sermonis 2. expressè scripsit: [Phrenitis inflammatio est membranarum cerebri cum febre acuta, delirium, & mentis percussionem inducens.] Idem Avicena expressius prim. 3. cap. de Carabito dixit. Putare enim ideo delirium in vulneratis deficit, quod tunc febre acuta ipsis non corripiatur, falsum est: cum sèpissimè in 2. aut 3. die à vulnera inficto, febris, acuta vulneratum, & inflammatas membranas habente etiam corripiat: illo tunc minimè delirante, quod necessarium esset,

si

si inflammatio membranarum cum febre phrenitis foret, etiam qui inflammatas membranas phrenitidem esse credunt, ab earumdem inflammatione febrem acutam oriri testantur, ex eorumdem ergo assertione collata eventibus, falsum eorumdem decretum esse, palam noscitur, quod experiamur, & ipsi fateantur, inflammatis membranis cerebri, ob vulnus illatum, febrem quandoque non adesse.

Et quod non desint protervi Medici plusquam phrenitici delirantes, ut falsa vetera dogmata tueantur, causantes defectum delirii in predictis vulneribus inflammatis, hiatum vulneris, per quem exhalarē fumos calidos testantur, hos quoque increpare cogor, nonne si fumi, & non inflammatio meningea delirium efficiunt: ut isti desipientes fatentur, confitendo delirium abesse posse, inflammatis cerebri membranis, & fumis capitis extra exire permisis, fumos calfacentes, & siccantes cerebri consistentiam, causam delirii dicturi erant, & non inflammationem membranarum, aut ipsius cerebri, illud enim causam alicujus effectus esse Physici credunt, quo posito effectus adeat, & quo remoto idem abeat: ergo cum inflammatione involucrum cerebri praesente, delirium quandoque absit, ut probavimus, & ipsa absente, & vaporibus bilis cerebrum replentibus adsit, ut adversi testantur, inflammationem relatam minimè phrenitidis causam esse, asserturi erant.

Allia ratio. Sufficienter existimo improbase evasiones, quibus evadere rationes ostendentes phrenitidem non esse membranarum cerebri inflammationem protervi Medici putabant, ut ergo etiam repellamus evasionem aliorum dicentium necessum esse, in vera phrenitide cerebri

Tom. II.

consistentiam inflammari, eventus frequenter contingentes, quibus quoque horum pertinacia refellatur, coram lectoribus presentare placet, ipsosque Chirurgos testes in favorem causae nostrae afferre, quorum nullus inficias ire poterit, se vidisse quandoque adeò tumidum fieri cerebrum vulneratum, ut per vulneris os non exigua portio inflammatā sursum ascendet, vulnerato minimè delirante: mitto, quod ipse vidi, in vulnerato calce mulæ juvenis capite, qui vixit, & sine delirio sanatus est, cerebri insigni portione, quam linteis appositis vix continere Chirurgus valuit, per vulneris os defluente: nam hujus fortis nonnulli eventus à Galeno, ac Medicis quibusdam relati sunt, reluctantibus plurimis lectoribus, & non esse ex substantia cerebri illud, quod ab hujusmodi capitibus vulneribus exeat protervientibus, de quo non pauca in sequente opere, Deo concedente, dicemus: quod enim, ut nostra roboretur assertio, conducit: ab omnibus receptum, ut dixi, est. Puta sapissime consipi cerebri consistentiam inflamatam vulneris hiatum occupantem, vulnerato minimè delirante, quod contingere minimè posset, si verum esset, quod cerebri consistentia inflammationem patiente phrenitis fiat.

Ut quoque adversariorum decretum clarius falsum esse, ostendamus, membranas cerebri tumentes in Gallico morbo, & ipsum cranium tumidum simul factum, ægro minimè delirante, in nostrum favorem adduco, quoniam si ab inflammatione à biliosis succis facta in cerebri involucribus verum est, phrenitidem provenire, ut Galenus, Paulus, & Aëtius testati sunt, & ab eisdem partibus à succo frigido tumentibus sopores inex-

T. 2. pug.

Allia ratio.

pugnabiles : quos lethargiam non nulli ex Arabibus , subet , alii vocare , proveniunt , in relatis ægrotantibus sopores importuni videndi essent , quod nullus unquam vidit , fallum est ergo antiquorum de hoc decretum.

Alia ratio.

Confirmat præterita neminem vidisse , aut scripsisse , per saniem à naribus defluentem phrenitidem finiri : quod nonnunquam conspi ciendum esset , si ab inflammatis membranis , aut ab anterioris partis ipsius cerebri consistentia , morbus relatus fieret , ut enim acuti aurium dolores , qui ex inflammatio ne involucri crassioris cerebri oriuntur , frequentissimè per saniem excretam per ipsius auris foramen terminantur : minimè qui malum hoc patiuntur delirantibus : & concavæ partis jecoris inflammatio per saniem cum fece expurgatur , sic etiam inflammations cerebri , aut membranarum delirium ginentes , sanie expulsa , finiendi essent.

Alia ratio.

Neque imbecillior præteritis ratio , quæ sequitur , est , in febribus continuis sæpiissimè incipere deliria in quinta , aut sexta , sive septima die à morbi initio , & non antea , quæ usque in penultimam diem interius ægri , in qua ipsi multoties resipiscunt , durant , quod minimè eventurum erat : si à tumidis membranis cerebris phrenitis oriretur , nam tunc eum proximior morti æger fuisset , tumor major futurus erat , indeque delirium ingentius.

Alia ratio.

Etiam quis non videt , quod si ab inflammatione cerebri phrenitis gigneretur , deberet incipiente febre , ipsa simul adesse : ut pleuritis (quæ inflammatio membranæ tegentis costas esse dicitur) simul cum febre corripit : non enim ego video , cur inflammatio costarum , & simul febris ab inflammatione illa proveniens semper jungantur , &

inflammatio membranarum , & febris ab eadem oriens simùl incipere non possint , paucissimi nempè , ac rarissimi visi sunt , qui cum incipiunt febrire delirent , delirio diu perseverante : sed delirio , quod adesse , & abesse sit natum , paraphrenitidem Medici illud vocant , & à vaporibus biliosis oriri eumdem credunt.

Cum ergo his , & aliis complurimis rationibus , & experimentis , quæ adduci possent , constet , qui nos præcesserunt Scriptores aberafe , exprimendo phrenitidis essentiam , consentaneum erit , undè delirium phrenitis nominata ortum trahat , explicare , quod ut detractorum , & eorum , qui nos omnia subvertere reclamant odium vitem efficere decerno , non me primum inventorem veræ causæ phrenitidis esse , ingenuè confitendo , sed ipsum Hippocratem Authorem dicendorum fuisse , facile ostendendo.

*Auctorit. de
phrenitidis
causa decretum.*

Referebat nempè , 3. de locis affectis Galenus ex fine sexti libri Hippocratis de Morbis vulgaribus sententiam sequentem . [Melancholici magna ex parte comitiali morbo afficiuntur , & contra morbo comitiali laborantes efficiuntur melancholici , atque utrumlibet magis accedit , prout vel in hanc , vel in illam partem infirmitas repetit , si enim in corpus , epilectici , si vero in mentem melancholici redundunt .] Et hanc verbis sequentibus idem Galenus explicavit . [Hoc sermone primum quidem declaravit , quod non semper , sed magna ex parte horum affectuum , alter in alterum transit . Quippè non solum atra bilis , verum etiam pituita morbum comitiale commitit , igitur ea , quam atra bilis constituit , in melancholiā transit , quæ vero à pituita parta est , in alteram affectionem , de qua paulò post dicturus sum ,

sum, permutatur, melancholiam verò haud quamquā efficit, altera verò Hippocrati sermonis pars, non parum contemplandi locum desiderat. Quippè cum anima sit, aut temperamentum activarum qualitatum, aut ab ipsarum temp̄eramento permutetur, bilem cum cerebro, veluti parti instrumentalī nocet, ad cerebri corpus convertit, id quod in obstructionibus fieri constat: cum vero temperamento mutando, ei ut similari nocet, ad mentem eam repetere dicit.] Quibus Hippocratis, & Galeni sententiis liquidò patet, quòd bilis atra, aut flava delirium efficiat, & mentem aberrare faciat, non sese meatibus patentioribus, aut occultis cerebri porositatibus insinuando, sed immodicè calfaciendo, & siccando, & infrigidando, & siccando quoque, quod ego, idem attestor. Porrò deliria minime à bili tumorem in cerebro, aut ejus membranis gignente fiunt, ut ostensum à me est, sed à distemperie calida, & sicca, quæ phrenitides, & maniæ nominantur, proveniunt, dicuntur phrenitides, quæ vi bilioſæ febris distempuries proveniunt, maniæ, quæ ab eadem bili, aut à seusta distempories sine febre in plurimum oriuntur: cum enim tanta bilis copia in venis cordi proximis redundat, quòd ipsum cogat, febrem concitare, per modum à me sèpissimè dictum, & etiam sufficiat cerebrum adeò calfacere, & siccari, & sese animalibus spiritus ejusdem commiscendo, taliter distemperare, ut delirium inde proveniat, phrenitis nominatur: verum si non tanta est, aut non adeò proxima cordi, ut febrem facere sufficiat, sed cerebro præsens adsit, & ipsum calfaciat, & exsiccat, simulque se spiritibus animalibus ejusdem commiscendo eosdem dis-

temperet, mania, aut melancholia morbus ille dicetur.

Non immerito dixi, non sufficere ad phrenitidis, aut maniæ generationem distemperi calidam, & sicciam, sed necessariam quoque esse commitionem bilis, aut atræ bilis cum ipsis animalibus spiritibus, quia experior frequentissimè hecticos, qui febre assidua laborant, & cerebrum calidum, & siccius, quam phrenitici habent, non delirare: non alia de causa, quā quòd deficiant bilis, aut atræ bilis, tot vapores, quot sufficient animilibus spiritibus commisti, ipsos taliter distemperare: ut inepti manent, esse debita instrumenta ad opera rationis exercenda.

Ex his tandem sequitur, distinctionem, quam Medici fingunt, inter phrenitidem, & paraphrenitidem dicentes phrenitidem fieri inflammatis cerebri membranis, & paraphrenitidem à vaporibus bilis: nullius momenti esse, quòd neque ab inflammatione membranarum phrenitis proveniat: neque sine vaporibus deliria contingent: ut ostensum est. Nempè si deliria cum febre diutius perseverantia phrenitidem veram nominassent, & eam, quæ citò delitescit, paraphrenitidem dixissent, non eis adversarer, quòd illa plures vapores biliosos, & difficilius dissolubiles haberet: & hæc posterior pauciores, ac facilius difflabilis, fingere tamen veram phrenitidem inflammationem cerebri esse, tollerare quis poterit? Si enim vera sunt ex Hippocrate adducta decreta, ut indubie sunt, quòd eo deliria contingent, quòd in ipsam temperiem cerebri, quæ accidens est, & quam mentem Hippocrates vocabat (non quòd crederet eam rationem animam esse, sed requiri ad rationalis animæ operationem) infirmitas repat, id est,

*Requiri ut
deliria contin
gant spiritibus
vapores mis
ceri.*

*Quo ver
phrenitis, &
paraphrenitis
differant.*

est, lapsus intemperatura prove-
niat, & quia corporis ipsius cere-
bri meatus per quos spiritus anima-
les in membra deferendi erant, oc-
cludantur, cerebrum ipsum qua-
tiatur, ut humorem obstruentem
a se protrudat, undè totum corpus
vibratur, ac pandiculatur, prout
epilepticis accidit, non erat cur
etiam imbibito quovis succo in ce-
rebri, aut in volucrum ejusdem an-
fractibus, prout in inflammationi-
bus imbibitur: Galenus, & ejus-
dem æmuli non dixerint, convul-
siones in illis quoque provenire, o-
rigine nervorum (cum ingens in-
flammatio, & eandem attingens
fuisse) contracta, indeque ipsis ner-
vis versus eandem ire compulsi: de
delirio nullam mentionem agen-
tes, nisi cum temperies alterare-
tur, simulque spiritus animales va-
poribus committi, mentis operatio-
nes impedirent, quod si fecissent,
me ab hoc labore taxandi eosdem
liberassent, & præcedentes Medicos,
qui eis fidem adhibendo ab-
errarunt: in viam veram reduxi-
sent, at cum hoc non fecerint, coac-
tus ego sum, præterita dictare at-
que Galeno minimè in hoc veniam
dare, quòd locus ille quem ex sex-
to epidimion duxi, ipsum resipisci
cere coactus erat, atque etiam
quia secundo caput phrenitici e-
mortui, conspicere poterat: nul-
lum phlegmonem in ejusdem mem-
branis, & cerebri consistentia ap-
parere.

C A P U T . L I

Breve de medela phrenitidis.

NON adeò immemor sum:
quòd oblivioni tradiderim,
quæ in initio medelæ febrium, ex-
cusando me à curatione sympto-
matum aliquorum (quod facere in-
dicatis ad hoc capitibus alii Autho-
res solent) scripsi, puta me non

velle illorum ordinem inscribendo
sequi: quoniam cum de morbis pe-
culiarium membrorum tractaret,
sperabant animi deliquia, deliria,
graves sopores, vigilias, & complura
alia febres commitantia me
ipsum medicaturum, verum quòd
anno præterito, ac præsenti multæ
vagentur febres, secum ferentes
duo quæ discripsi symptomata sim-
plicia, & unum mixtum: ideo sum
coactus mentem mutare, & non so-
lum causas eorundem explicare, ut
feci, verum medelam phrenitidis
breviter, & in compendio quodam
scribere, fuisse tractationem in me-
delam morborum capititis differen-
do: methodos ergo medicationis
exarando, prior quæ sequitur erit.

Indoctè quippè agunt, qui phre-
nitidi mederi volentes: scopum me-
dicationis primum esse putant, pro-
hibere ne phlegmone in volucra
cerebri, aut ejusdem consistentiam
occupet, cum cerebrum inflamma-
ri humida inflammatione, de qua
Galenus secundo de Arte curativa
ad Glauconem lib. meminit, in phre-
nitide non valeat, ut jam supra os-
teum est, at quamquam ita sit, il-
li qui repellentibus oleis, quale
est rosatum, paucō aceto mixtum
(oxirhodinum Medici vocaverunt)
in prædictum usum linteo tenui in
relatis liquoribus madefacto, fron-
ti, & sincipiti admovent, prius va-
cuata à corpore insigni portione
super crescentis humoris aberrant
incoperando minimè, nam etsi non
prosit præsidium illud, vitando
quod putant: prodest adstringendo
vias per quas bilis, & ejusdem va-
pores in caput deferenda sunt, ac
refrigerando membranarum, & ip-
sius cerebri consistentiam (si in lo-
cum adeò altum tam exigua vis pe-
netrare potest) quibus multoties de-
liria cessant.

Innumeros immaturè mortem
ope-

opere existimo, inscritia Medicorum oppinantium prudenter consulere saluti febrentis incipientis delirare, cum præcipiunt sanguinem ex vena media cubiti, aut ex cephalica, quæ caput respicit, extrahi, putantes sanguinem ascendentem, & ascensurum ad inflammationem membranarum cerebri fovendam, hoc præsidio inferius revellendum, & vacuandum, non animadverentes falsum esse, quod phlegmone cerebrum delirantium afficiatur, & quod phrenitidis deliria non nisi in quinta, aut sexta à morbi initio die, & adhuc serius incipient, ut eventus docent, & Aëtius proprio capite dicebat, atque quod tunc in plurimum ab ægris, quod necessarium erat sanguinis extrahere: jam educatum sit, & non raro ulterior sanguinis vacuatio causa augmenti phrenitidis fuerit, bilem quam sanguis ipse moderabatur, & temperabat, ferventiores fieri permittendo, & caput plus siccando, imbecilliusque vertendo, quibus delirium quam maximè crescit, neque ob id perpetuum esse reor: nulli incipienti delirare convenire sanguinis missionem, quin omnibus illis quibus convenient, quæ Aëtius capite secundo citato in sequentem modum scripsit: [Si quidem igitur phrenitis cum febre ab initio in prima die, aut secunda, usque ad quartam irruat, & non ex transmutatione alterius morbi succedat, & urinæ fuerint subcruentæ, & facies rubicundæ, & ætas vigoris, & bona corporis habitudo adsit, & omnia signa simul indicant sanguinis multitudinem.] Competere, venam secare, certissimum esse reor, miror tamen de Aëtio ipso, quod definiendo phrenitidem, dixerit: esse inflammationem membranarum cerebri: & pro sanguine in eadem mittendo poscat tot, quot in nulla

alia inflammatione peti solent, nullus enim ut sanguinem mittat ab inflammatione, quæ in brachio, aut crure, vel alia parte fit, prærequiri dicit, quod non ultra quartam à febris initio irruat, neque ex transmutatione alterius morbi inflammatio succedat. Sive enim in die ab initio cuiusvis morbi tertia, aut quarta, aut vigesima (exempli gratia) phlegmone aliquam particulam occupare incipiat, sive in quavis alia die, nisi vires valde imbecillæ sint: sanguinem extrahi statim jubemus, & si plurimus est, ex opposita parte loco affecto eductus revellitur, atsi paucior, ex eadem educitur, neque suspicari desino, Aëtium intelligisse, quæ scripsimus de phrenitidis essentia, & si aliter phrenitidem definierit, ne Galeno adversaretur.

Lenticulis palustribus, frontem, 3. Methodus.
& anteriorem partem capitis operire, utile præsidium esse reor, quod hæc sui frigore, & humiditate intemperie calidæ, & siccæ cerebri phrenitidem patientium aduersentur, & somnum allicant, neque timenda immoderata earundem frigiditas statim tempore, & in juvene valido erit, secus si hyemalis constitutio esset, & æger senex, aut imbecillus valde: nam in his apponi, quæ adeò infrigident: ut relata, aut papaveris cortices, seu mandragoræ poma obesse, extinguendo spiritus animales, crederem, non ideo quod inflammatae cerebri membranæ sint, neque quia harum inflammatio calida infrigidam lethargiam vocatam permuteatur, ut Medici hucusque crediderunt, quod hæc omnia satis improbata superfluit, sed propter causam expositam. Puta ne animales spiritus extinguantur, illorum enim extinctio, & immoderata refrigeratio causa est, ut animales operationes lentè, pi-

pigreque fiant, soporesque inex-
pugnabiles proveniant: quos Me-
dici decepti crediderunt, ab in-
flammatione calida permutata in-
frigidam provenisse, ut diximus.

4. Methodus.

Lac exhibere post aluum phar-
maco subductam, & venam sec-
tam, si vigiliis præmantur phreni-
tici, utilissimum esse reor: præser-
tim asinum in his, qui adstric-
tam altum habent, vel caprinum
in aliis: nam cum deliria, ut antea
diximus, non nisi in quinta, aut
sexta, & ultra invadere febientes
soleant, quando immodica siccitas,
& caliditas vigere in eisdem con-
suevit, quod status febrium tunc
adsit, lac bibitum humectando, &
infrigidando, ac sanguinem frigi-
dum, & humidum gignendo pro-
desse, quam maxime solet, devo-
randumque matutinis horis: neque
ultra quatuor uncias in primis die-
bus deglutiendum: saccharumque
ei ne acescat admiscendum præci-
pio, cumque dormiendi tempus
adfuerit: tribus horis post cænam
transatis: quid plusquam quatuor
uncias lactis exhibere conducere
solet: & in reliquis diebus semper
non nihil addendum existimo: ne-
que adeò incaute id faciendum,
ut omnibus phreniticis indistinctè
convenire sit arbitrandum, non e-
nim illis, qui valde carnosí sunt,
aut in quibus vapores caput peten-
tes plus sui multitudine, quam ca-
lore, & siccitate nocentes deliri
causa fuerint conveniet, raroque
hyemis tempore, aut cum ex as-
sumptione lactis singula, aut bina,
nocumentum ingens oboriri sense-
rit æger, tunc nempè cessare à lac-
tis succione utile esse disjudico.

5. Methodus.

Quamquam bibere lac, ut audif-
tis, laudaverim, apponi ipsum ca-
piti ad somnum alliciendum, & ca-
pitis calorem temperandum, non
item approbandum reor, quod lac-

suctum eas quas diximus, ferat u-
tilitates: exterius tamen admotum
innumerā nonnumquam damna
trahat, quis enim non videt, quod
lac obstruendo sui lentore cutis po-
ros, obesse plus soleat, quam pro-
desse refrigerando, cum ut diximus,
delirii potior causa sit, vaporum,
aut exhalationum cum spiritibus
commixtio, quam cerebri immoder-
ata caliditas, nempè oxirhodi-
num, & lenticularum palustrium
admotio, & si sui frigiditate cutis
poros obstruunt, quia nulla visco-
fitate lenticulæ, & oxirhodini
participant, non nocent, nam eti-
angustior quam præterat, redditur
cutis transitus lenticulis, & oxirho-
dino, adhuc aliquid manet, quo
transmeare vapores possint, ipsis
lenticulis, & oxirhodino sui lento-
re quod superest foraminis minimè
obstruentibus, ut lae occludit, &
quamquam hoc verum sit, frequens
usus oxirhodini, & lenticularum
potius obesse quam juvare etiam
consuevit, certè si ullis quandoque
lac capiti appositum prodest, soli
illi esse solent, quibus plurimi va-
pores in capite non redundant, sed
potius calore, & siccitate abun-
dant.

Securius, & absque omni noxa
cum insigni ægri profectu naribus
odoranda aqua ex violis, & rosis
sublimata, & pauxillo acetō rosa-
to mista in principio approximatur,
quod vapor ex relata mistura tem-
perare cerebri calorem potest, &
ascendentes humores, & vapores
repellere, quæ ambo in præsentí
negotio valde conducunt: perse-
verare tamen per totum morbi tem-
pus in ejusdem admotione noci-
vum esse reor.

Syrupum papaveris, dyacodium
Græci vocant, convenire hujus-
modi delirantibus, nemo est, qui
inficias eat, omnes tamen verentur,

6. Methodus.

7. Methodus.

ne vires imbecillæ tunc sint, timent enim stupefacentia: at ego etsi mandragoræ, joscymi, & opii usum timeam, parum vereor noctu unciam unam prædicti syrapi exhibere, ut somnus concilietur, etsi hæc non sufficiat: aliam in sequente nocte addere, ut duæ unciae simili bibantur, uncias 3. raro exhibere consulo, nisi cum juvenis æger sit, & validas vires habuerit, & duæ unciae parum, aut nihil proficerint, cum autem metueris vim hujus frigidi pharmaci, mel rosaceum ei commiscæ, & omnino securus eris.

Methodus.

Credentes Medici inflammatas membranas cerebri, aut ejusdem consistentiam, vel utrumque phrenitidem esse, pulmonem arietis recenter maestati capiti apponi jubent, vel in aliquarum herbarum decocto eundem maceratum calidum sincipiti phrenitici admovent, alii cattulum canis vivum ad caudam usque medium secant, & intestinis ejectis, capiti apponunt, nonnulli pullos gallinaceos non dissimiliter sectos eidem capitidis parti approximant, putantes iis præsidii calorem actualem secum ferentibus, inflammationem, quam fingunt, in cerebro phreniticorum esse discutiendam, & in vaporem diffundam, quod quantum à vera methodo curativa alienum sit, non solum illi norunt, qui falsum esse phrenitidem ab inflammatione cerebri oriri, præcedentibus lectis credunt, verum quotquot medendo mediocriter exercitati fuerint, idem scire tenentur, etsi enim verum esset, quod inflammata involucra cerebri delirii causa futura erant, sine methodo procedebant, qui ad discutiendum humores inflammatione inclusos, recensitis remediis utebantur, cum in illis nulla alia vis discussoria reperiri, po-

terat, quam quæ à calore actuali, & humiditate oriatur, modo cum illa exigua, & parum durans sit, & cerebrum in alto capitidis situm, ac tegmine adeò duro, ac crasso (ut est cranium) tectum, nihil, aut parum profectura relata, verò simile erat, cautius quippe, si quem diximus curationis scopum haberent, præcepissent, emplastra fieri ex rebus vim validam discutiendi, & infra cranium penetrandi habentibus, quæ illis, quæ retuli, quorum usus nullus est, & potius ab indotto aliquo primum excogitata, vel assentatore, aut impostore nonnullo inventa, ut in admirationem indoctum hominum vulgus ad se traheret, quod animalibus lectis, vel visceribus eorumdem uteretur, quæ à perito Medico fieri præcepta. Crediderim ego, nullum ex Græcis, illis præsidii in phrenitide, aut alio ullo capitidis affectu usum fuisse, non nego tamen Galenum, 14. libro methodi medendi, capite vigesimo scripsisse, coronarium futuram adeò laxam esse, & cranium partis illius adeò tenue, ut facilius, quæ per aliam corporis partem possit deferri frigiditas, & caliditas in cerebrum ipsum, quod ipse in seipso expertus infuso in sincipite frigido rosaceo refert, fateatur enim statim sensisse clarissimè intro cerebrum penetrationem, sed hoc nobis non adversatur, nam nos non prohibemus nisi usum illorum remediorum, quæ nullius valoris sunt, cum ad manum sint, quæ prodesse possunt, & cranii duritatem vincere valent, præsertim quod si Medici utuntur calore actuali, & formali animalium nuper extinctorum, ut dissolvatur humor causa delirii nocere quandoque hæc possunt, quando animalium ille calor remissior fuisset, quam phreniticorum cerebrum eo nempè remissiore.

potius densabitur, quām dissolvetur morbifica causa.

9. Methodus.

Etiam ut humorem, quem causam conjunctam inflammationis esse rentur Medici, vacuent, ex vena frontis, & à narium venulis educi eundem sectis his venis, procurant, in quo quām maximè aberrant, cum biliosi succi, & ejusdem vapores delirii causa sunt, ideo quod sanguinis minus bili ipsa calido, quo bilis temperabatur, educito, delirio plus augendum, quām imminuendum est, & vigilia prolixior reddenda, humiditate sanguinis extracta, quām somnus alliciens, quoque erit, neque cum sanguis causa phrenitidis reddendo exesse fuligines putridas, fuerit, illarum venarum sectiones multūm prodesse poterunt, quod adeò paucillus sanguis, & cum adeò magna vi, à venis adeò gracilibus, ut sunt illæ, quæ secari præcipiuntur, educitur, ut plus nocere valeat illa sanguinis missio, ob guturis vinculum, quod venarum sectores ad impellendum sanguinem in venas secandas efficiunt, quām prodesse exigui illius sanguinis extractio, certè per relatum guturis vinculum, quod fascia linteal sit, priùs sanguis in cerebrum impellitur, quām in frontis venas, ut qui periti in constructione venarum corporis sciunt, quo sanguinis noxii impulsu, quantum damnum phreniticis inferatur, nemo est, qui non intelligat.

10. Methodus.

Non dissimiliter errant, qui ut causam conjunctam phrenitidis educant, vel in aliud locum diruent, cucurbitulas scapulis, vel posteriori colo partibus affigunt, & à locis illis scarificatis sanguinis libram plus, aut minus extrahunt: quia cum, quām maximè expeditat, post universalem eductionem causæ morbi-
ficae vapores, & fuligines noxiiorum

succorum spiritibus animalibus cerebri commiftas à cavitatibus, quas ventriculos Medici vocant, eliminare: atque expurgare, ut puri spiritus animales maneant, ad opera rationis exercenda, cucurbitulæ partibus scarificatis affixæ sanguinem vulnerum trahentes, minimè vapores illos expurgare valebunt, quod fortassis effecissent, si eisdem locis sanis admoverentur: ne enim, extincto cucurbitularum igne, vacuae ipsæ mansissent: vapores carnis proximæ primum, & post alii cerebro proximiores, ultimoque ipsius cerebri fuligines ab eodem expurgarentur: quo æger resipiscere posset: cum ergo cucurbitulas locis prædictis in relatum usum imponere convenit, loci illi scarificandi non sunt: nam si sanguinem educere cupimus, non à venulis illis adeò distantibus à cerebri vasis extrahere conveniet, sed à magnis brachii vasis consortium cum cerebro habentibus: tunc nempè conveniet, sanguinem cucurbitulis admotis locis excarificatis educere: cum venæ brachiorum adeò occultæ sunt, ut secari non valeant: vel propter aliquam aliam causam, sanguinem à se incisis educi, non permittant.

Non plures methodos curativas deinceps exarare decebat: quod quæ potissimæ sint, scriptæ in præsenti capite maneant: etiam quoniam si quid deest, in capite generico de febrium medela: ac in sequenti opere, Deo concedente, scribetur.

C A P U T L I.
De vigili comate, quod subet Asahari
Avicena vocavit, Paulus autem cathocum nominavit.

E ST tanta horum nominum catthocus, cathoca, coma, coma vigil, catalepsis, carus, con-

fu-

fusio, equivocatioque: ut juvenes, & indoctos Medicos facile aberrandi illa nominum diversitas causa esse posset: quam ut tollamus, & è medio extirpemus, utendum esse nominibus inscriptionum præteriorum, & præsentis capitum ad deliria, & somnos inexpugnabiles, atque ex utrisque commissas affectiones explicandum, suadeo iis, qui nostra dogmata amplexuri sunt, cum ergo causa hujus affectu, de quo nunc agimus, commissa pituita bili sit, ut Avicena proprio capite, & Galen. de Symptomatum causis, & Paulus lib. 3. capite 10. scripsere, nulla signa distinguentia malum hoc à lethargo, vulvæ strangulatu scribere, ut Paulus, & Avicena fecere, sed in aliud opus eadem differe visum mihi est tantum ergo in genere, & sub compendio quodam referam, quòd prout pituita magis quam bilis redundat, sic lethargi quam phrenitidis signa superabunt magis, atque è diverso cum bilis pituitam vicerit, & quamquam hoc pro signo morbi hujus sufficienter exarasse videor, ne tamen autoritate Aëtii quis deceptus putet, nos vocare coma vigil illam cathocam, & catalepsim, de qua ipse capite 4. sermonis secundi, tetrabibli secundæ tractat, quia medium inter phrenitidem, & lethargum cathocam, de qua ibi Aëtius agit dixerit esse, usurpans hoc, ut videtur ex fine capitum decimi citati ex libr. tertio Pauli, ideò lectoribus caveo, nos illud morbi genus putare potius congelationis speciem quandam esse, ut Avicena dicebat capite duodecimo inscripto. [De subet à sahari, quam quidam Medicorum nominant succos, alias cathocam, sed non est ipsa immo cathoca est species congelationis.] Quam commissam illam affectionem ab Aëtio, & Paulo scrip-

tam, nec temerè in hanc feror opinionem, sed quòd videam signa præcipua illius affectus ab Aëtio, & Paulo scripta, simillima esse illis, quibus afficiuntur, qui à causa extrinseca congelati in vitæ discrimine siti sunt, & inter alia illud Pauli simillimum est puta. [Ob quam causam etiam æger, si corripitur subito, in illa permanet figura, qua correptus est, stans, scilicet, vel sedens, clausis oculis, aut respicens.] Constat enim quibusvis, eos qui cacumina montium transeuntes nivibus, & procellis oppressi congelati pereunt, conspici talem situm semimortui servare, qualem fors tulit, illos habere, cum à gelo oppressi perierunt, vel perire proximi erant.

Tandem ut dixi signa vigilis comatis sola commissione signorum phrenitidis, & lethargi distinguiri ab aliorum morborum signis, sic illius medelam nullam aliam esse decerno, quam compositam ex illorum duorum morborum curatione, inclinandamque esse plus ad alterum latus quam ad aliud, prout magis, aut minus signa phrenitidis, quam lethargi vicerint: de his symptomatibus non plura agere videatur, quòd ut sibi promisi in curatione morborum cujusvis membrum particularis de omnibus peculiariis morbis, Deo concedente, tractatur sumus, ad medelam ergo febrium redeundo, exarata jam medela earum, quæ ab exquisita bili, & à notha originem trahunt, consentaneum videtur illarum, quæ à pituita provenire dicuntur, si quæ sunt curationem scribere, aut si nullæ tales homines male affiant, errorem prædecessorum detegere.

CAPUT LII.

In quo inquiritur an febres mere pituitosæ nonnumquam contingant.

ATQUE, ut omnes clarè intelligant, quid sit, quod in hoc capite indagatur, sciendum, nos hic non dubitare, utrum ex solius pituitæ redundantia aliquem morbum gignentis possit febris provenire, puta ex redundantia pituitæ apoplexiæ, aut epilepsiam efficiens, aut ejusdem cedema aliquod in ullo ex membris principibus constituentis, febris suboriat, nam hoc indubitatum est, cum vapores à pituita elevati possint, adeò cordis sanguinem inficere, ut cogant ipsum, in magnas, veloces, & frequentes diastoles, & systoles atolli, & deprimi, quibus cor calfit, & indè ipsum, & totum corpus febrit, cum etiam prohibita pectoris difflatio (ideò quod motrix vis à cerebro ad pectus sufficienter deferrri in apoplexiæ, & epilepsia, ac consimilibus morbis non valeat posse occasio esse, quod fumi à cordis, & spirituum calorè in toto corpore elevati, & minimè expirati, ac discussi, cor proritent, & febrire, ut dixi efficiant, quod ergo hic inquiritur, est: utrum sola pituita in venis, aut extra venas redundans, aut putrescens, & nullum alium morbum efficiens possit febrem continuam, aut intermittētē efficeret: quod si à Galeno, Paulo, Aëtio, cæterisque Græcis, ac Arabibus Medicis queratur, nullus eorum erit, qui suis Codicibus palam non monstrat, firmissimè credidisse, duplex genus febrium simplicium præter compositas à pituita oriri, alterum intermittētē, aliud continuarum, propriis que signis hæc pituitosarum febrium genera à biliosis, sanguineis, atque

atra biliariis distingui, & in destinatis ad hoc capitibus ab eisdem mederi, cum tamen verum sit: quod nullus Medicorum, qui diu in arte medendi doctè, & prudenter versatus hac tempestate fuerit, de quaestione hac consultus, aliter respondet, quam se nunquam vidisse quotidianam febrem à sola pituita provenientem, cum signis illis à Galeno, secundo de Februm differentiis, cap. 4. scriptis, sed omnes quotquot videntur, quotidiè cum frigore invadentes, & postea intermittentes, signa à notha bili orientium habere, vel triplices quartanas vocandas, atque etiam, quod ille, quæ continuè affligunt, cum quotidianis accessionibus: de quibus Galenus libro citato, capite secundo meminit, & nullum præcipue obtinere ipsas nomen dixit, provenire quoque ab ullo alio humore, quam relato puta bili notha affmet. Probant vera esse, quæ de hujusmodi febribus hi cordati Medici confitebuntur, (quorum sententiæ ego assentior) tam accessionum formæ, quæ similes sunt eis, quæ ab Authoribus de tertianis nothis scribuntur, quam totius morbi, & singularium accessionum duratio non dissimilis eisdem nothis tertianis: si enim quis protervire volens dixerit, quotidianas febres à pituita exorientes non tam prolixas esse, ut sex menses durent, quod accidere nothis tertianis Galenus scripsit, in promptu est, quod ei objiciamus: non esse cur plus pituitosas vocemus, quæ breviores sunt, quam relatæ à Galeno, dimidium annum durantes, cum utræque signa attestantia notham billem causam earumdem esse, habeant, quamvis differant, in majore, aut minore copia humoris, aut debiliore, seu fortiore facultate concocatrice, & expultrice ægti: maximè quod

quod si verum esset, ut est, notham tertianam tamdiu durare, ut Galenus dixit. Quotidiana à pituita sola oriens prolixior videnda erat: quod nullus scripsit, nec vidi, superest ergo: quod cum quæ à plus sincera pituita ortum haberet, diutinior necessariò fuisse, & nulla reperiatur prolixioris durationis, quam quæ a notha bili oritur, nullam febrem pituitosam in sensu supra exposito reperiendam: nempe quod longior febris futura esset à pituita sola, quam ab eadem bili mista, cæteris omnibus paribus, facile probat, quod illud cholerae additum pro febris occasione, ablatum de pituita multò breviorem febrem esse facturum, quam pituita ipsa, cum pituita frigida, & lenta sit, quo prolixiores febres proveniunt: & cholera calida, & tenuis à qua celeres, & exiguae durationis morbi oriuntur.

Evadere enim rationem hanc, ut Gentilis Avicenæ Commentator, cæterique Neoterici Medici faciunt, nihil prodesse, paucis ostendam, primò in medium illorum sententiam proponendo: ac post eandem argumentis evidenter confutando: dicebant quippe Gentilis, cæterique ejusdem classicis Authores: ideo contingere notham tertianam plusquam quotidiana à pituita oriens durare, quod bilis pituitæ commista convertendo in vaporem tenues partes ipsius pituitæ, & alias terrestriores, frigidioresque relinquendo, aggregatum ex bili, & pituita magis terrenum, ac frigidius, & crassius, quam sola pituita est, efficiat, quod ut dixi, falsum esse sequentia probant.

Primum, quoniam etsi illud verum esset, quod ex commissione bilis cum pituita eadem crassior vertetur: aggregatum ex ambobus nullo modo crassius esse, quam sola

pituita tenebatur: quia plus vincere bilis tenui substantia commisum ex utrisque attenuando, quam pituita crassior versa incrassando.

Secundò, quia si illud, quod adversi affirmant, verum esset, sequeretur mixtum naturale compostum ex terra, & aqua, igne, & aëre, frigidius, & crassius esse, quam terra, & aqua componentia illud, cuius oppositum verum esse eventus ipsi, atque etiam axioma illud Physicorum propter unum, quodque tale, & illud magis docent, si enim mixtum frigiditatem, & crassitatem à frigidis elementis habet, elementa ipsa crassiora, & frigidiora futura sunt, illatio tamen illa prior puta mixtum ex calidis, & frigidis elementis frigidius esse, quam sola frigida elementa ex hoc bona esse patet, quoniam calida resolvendo tenues partes frigidorum eadem crassiora relinquunt, indeque, ut adversi fatebantur, notham bilem ob præsentiam bilis crassiorem evadere, quam pituita sit: sic & fasuri erant, mixta ex quatuor elementis crassiora futura sola terra, & aqua: quod, ut dixi, mendacium est.

Tertio, quis non videt, quoniam si crassities pituitæ facta ob bilem urentem eandem febrem tertianam notham durantem anni medietatem efficere potest, ut qui nobis adversantur dicunt: quod alia pituita adeò crassa, ut est illa aqua tertia na notha oritur ab aliqua alia causa adeò crassa versa: etiam quotidianam sex menses durantem efficeret, quod Galenus, & Græcorum, atque Arabum nullus scripsit, neque nos vidimus.

Quarto, si extra corpus bilis pituitæ commiscetur, aggregatum ex ambobus semper minus lentum, ac crassum, quam sola pituita sit: ergo in corpore idem his humoribus

committi continget, illatio est manifestè bona, quia si dixisses, calorem actualem, & formalem bilis in corpore existentis posse densare pituitam sibi committam, & extra corpus idem efficere non valere: nihil proficies objiciam enim ego, quod cum hic calor, quem in corpore biliis habet, non aliundè, quam à corde, & spiritibus in eodem genito oriatur: & hic semper in viventibus sit, quod nulla pituita corporis humani posset minus crassificare esse, quam ea, quæ nothas tertianas efficit, illationis hujus bonitas ex hoc claram patet, quod spirituum, & cordis calor multò major, quam biliis est, ut Galenus in de Temperamentis libro, & Avicena prima primi, & reliqui omnes Medici affirmant, sed majore, ac intensiore calore plus densanda, & crassior vertendenda pituita, quam remissiore erit, bene ergo collegimus superiorem rationem.

Dicit forsitan ullus spiritus calidiores bili esse, sed non tantæ vis, quantæ requiritur, ut pituitam vincent, & superent, ideoque in fano corpore adeò crassam pituitam, ut tertianas nothas patientium non reperi, sed hic quoque decipietur: quia in biliosis hominibus non febribus major bilis copia, quam in pituitosis tertianas nothas patientibus redundat, sed in illis pituita à calore bilis crassa minimè vertitur, ergo nec in pituitosis, etiam enim in biliosis pituita sanguini, & bili, ac melancholiæ in venis commista, proxima, & vicina bili est, ut bilis putrescens pituitæ putrefacta in tertianas nothas patientibus.

Porrò aberrant, qui putant, pituitam per actionem caloris bilis densandam, cum Medicorum methodi curativæ non nisi calefacientibus eandem attenuare, & conco-

quere, curent. Nempe in vasis contenta pituita, & aliis humoribus fluidis, ac liquidis commista, nequam vi caloris durescere, & crassior fieri potest, extra vasa tamen, ut quæ in œdematibus aliquarum partium corporis includuntur, rebus valde calidis adurentibus crassescere, possibile est, pituita enim in vasis inclusa à materia, & generante crassior, aut tenuior fit, & non à calore tenues partes consumente, & densante, densa vertitur, ut Neoterici opinabantur.

Relatis ergo rationibus sufficienter probatum supèrest, quod si à pituita syncera in vasis contenta febris emanare potuissest, prolixior, & diuturnior, quam à notha bili illa foret, atque quod cum nunquam quotidiana à pituita oriens tamdiu durans reperiatur ex adversorum assertione, nullam etiam talem repriendam: quod probare aggressi sumus, & quamquam scripta sufficerent, ad manifestè noscendum febres à syncera pituita non oriri, in sensu, quem explicuimus, ut tamen clarius verum hoc esse constet, rationem reddere placet, cur ab aliis humoribus synceris ori febris possit, & à sola pituita nequam?

Certè sanguinem vitiatum insufficientem sanguinem purum cordis à quo spiritus vitales dignandi erant, posse proritare cor, & cogere ipsum in magnas, veloces, ac frequentes diastroles, & systoles atolliri, & deprimi, unde febris dignitur, notum est, multum quoque sanguinem prohibendo perfectam fieri fuligineum corporis, & cordis præcipue expurgationem, consimili modo, ut putridus posse febrem efficer. Nemo etiam dubitare potest, bilis quoque flava, & alia genera bilium multitudine, aut putrefactione nocentia, seipsa, aut suos fa-

*Colligit, ratio
qua probatur
quod à pitui-
ta sola febi-
ri fieri non po-
sit.*

mos sanguini cordis commiscendo, & ipsum vitiando, posse etiam febrem ginere nemo est, qui inficias ire possit: atræ quoque biles omnes species eodem modo, quo præteriti succi, quandoque valeret sanguinem cordis maculare: quis dubitare poterit?

Mirum tamen videtur, cum scripta confiteantur: quotquot Medici præcesserunt, ac qui nunc vivimus, fuisse me a usum dicere, à sincera pituita febrem oriri non posse, cum ut videtur, ipsa non aliter, quām reliqui vitiati succi valeat, infestos vapores, & qui sanguinem cordis vitient, à se se pellere: unde febris, ut ab aliis succis oritura erat. Porro negare non possumus, non esse facilitè dissoluble quæsitum hoc, verum cum sive sufficienter illi satisfaciamus, sive id assequi non possumus, res naturales mutari, ac variari minimè valeant, credere quilibet potius tenetur, eventus tales esse, quales videt, quam alias esse, quam experitur, quod causam reddere contingentium nesciat.

Ad rem ergo, ut inquiunt, veniendo, supposito pituitam synceram in corpore humano vocari succum, quemcumque frigidum, & humidum, ut Galenus, cap. sexto, libri secundi de Februm differentiis, & prope finem libri primi de Temperamentis, & in medio fermè libri secundi de Temperamentis etiam, & commentario quadragesimo, libri primi de Humana natura, & mille aliis in locis refert, qui per ulteriore coctionem in sanguinem verti, est natus, ut idem Galenus plurimis in locis, præsertim capite nono, libri secundi de Facultatibus naturalibus scripsit, dicens: [Sanè quod pituitam expurget, natura nullum instrumentum condidit, propterea quod frigida, humidaque est, ac velut ex dimidio coc-

tum nutrimentum: desiderat igitur talis succus non utique vacuari: sed in corpore manens alterari: excrementum verò, quod à cerebro distillat, fortassè nec pituitam, quis rectè appelle: sed sicut & nominari solet, mucum, & distillationem, Græci corizam: sin alitè, quod saltem huic vacuando natura rectè prospexit, id quoque in libris de Usu partium tradetur: quin etiam quemadmodùm, quæ in ventriculo, & intestinis creatur pituita, commodissimè, ac celerrimè vacuetur, naturæ commentum in iisdem voluminibus monstrabitur: quod igitur in venis pituitæ fertur, cum sit animalibus ex usu, nulla vacuatione eget: sanè advertere hoc loco, ac scire oportet, tanquam ex bilis generibus aliud utile, naturaleque in animalibus est, aliud inutile, ac præter naturam: sic pituitæ, quod dulce est, id salutare esse animanti, & naturale: quod acidum, falsumque est: acidum quidem omnino crudum esse, falsum computruisse. Porro omnimoda cruditas pituitæ intelligenda est, quæ in ea coctione incidit, quæ in venis agitur: non autem in ea, quæ prima est, quæque in ventriculo perficitur: cum si hac deficeretur, ne succus quidem omnino esset.] Consonum rationi videtur ob hujus humoris redundantiam, febrem à natura non concitandam ad ejusdem difflationem, & in halitum resolutionem, vel sensibilem per ventrem, aut os, vel aliam partem excretionem, ut ad aliorum humorum redundantium augmentum immoderatum efficere solet: cum satius naturæ esset, hunc ulterius coquere, & in sanguinem vertere, ad corpus alienum, quam à corpore eundem rejicere, ut mox citatus Galenus dicebat, acida enim pituita, & si crux, quam insipida sit, & majore coc-

coctione, quam insipida, ut in sanguinem vertatur: egeat non ob id de sui excretionē inditum ullum affert, ut Galenus prope finem libri de Artis Medicæ constitutione dicebat: [Sin pituitæ humor redundet, salſam purgare, acidam reditam alterare, opem naturæ ad ejus concoctionem ferentes tentandum est: dulcis autem multò etiam facilius concoquitur.] Salſa quippè, & quæ putruerit pituita, cum ulterius coctæ minime in sanguinem nutrientem verti possint, hæ necessariò excerni cupiunt, atque harum vapor vellicare cor, ut cæterorum, quos retulimus succorum potest, atque cogere ipsum in magnas, veloces, & frequentes diaſtoles, ac ſystoles atollit, & deprimi, unde febris oritur, verum hujusmodi febres non propriè pituitosæ vocandæ, quod salſa pituita fiat ex commiſſione pituitæ, & bilis, aut ex commiſſione partium pituitæ non uſtæ, ſive non putrefactæ cum aliis ejusdem uſtis, vel putrefactis, ut Galenus cap. sexto, libri secundi de Februm differentiis, & commentario duodecimi aphorismi, tertii libri, & aliis in locis dixisse videtur, & Avice-na expressius prima ſen, primi capite de Humoribus ſcripsit, putrefacta vero pituita jam pituitæ no-men amittit, & bilis vocatur, ut idem Galenus quadragesimo tertio Aphorism. sept. lib. referebat, quamquam hoc ultimum in totum non ſatisfacere aliquis opinabitur, cum etiam ſanguis putrefactus, ſanguis ſimpliciter vocari non poſſit, ſed cum addito, & ſecundum quid, ut Logici inquiunt: & tamen verè af-firmamus à ſanguine putrefacto febres oriri, in quo ſenu verè etiam ducendum videtur à pituita putrefacta febres pituitofas originem tra-here: quod conſideri cogeremur, ſi nullum aliud diſcriben inter pitui-

tam, & alios humores putrefacen-tes, quam prædictum eſſet. Verum cum ultra ea, quæ ſuperius retuli-mus, hoc peculiare pituita habeat, quod syncera in nullo vase ſibi deſtinato reperiri valeat, quia natura nullum illi decrevit efficere, ut utri-que bili, ac ſanguini, ſic nihil pi-tuitæ in vasis corporis putrefacere poterit, cui aliquid alterius humo-ris commiſſum non ſit, utraque bili, aut ſanguine synceris nonnum-quam putrefacentibus, nec parum conducit ad commiſſendum pituitam cum aliis humoribus, & no-tham ipsam efficiendum ejusdem lentor, viſcoſitasque, qua adeò re-liquis ſuccis ſibi proximis hæret, atque agglutinatur, ut ejusdem pu-trefactio ſibi, & aliis communis ſiat, ex quibus omnibus apertum reſtat, febres merè pituitofas nul-las deinceps vocandas, ſed omnes quotquot à pituita originem trax-e-rint, cum ipſa alteri humoris ſem-per ſit adjuncta, ſi continuè fuerint cum signis putrefacti ſanguinis à pituitoſo ſanguine initium habere ſint dicendæ; quippè hujusmodi lentè, & inceſanter infenſant, & quæ cum notis alterius ex bilium ſpeciebus appaue-rit, continua no-tha nominabitur, & earum, quæ intermissionem habent, ſi acces-siones quotidie, aut in tertii, ſive in quartis diebus invaſerint, quando signis ullis nōverimus, plus pi-tuitæ putrefacentis quam bilis flavæ, aut atræ redundant, à notha pitui-ta commiſſa alteri ex bilium ſpe-ciebus naſci conſitebimur. Verum ſi plus biles quam pituita redun-daverint, à notha bili febrem talem oriſi fatebimur, quo omnis mede-la februm pituitofarum abſolvitur, nam ſi illis mederi tentaverimus, nullum aliud curationis earumdem caput inquirere ſtudebimus, quam quod inſcribitur de medela fe-brum

brium à notha bili orientium , quæ enim à notha pituita originem trahunt : nihilo in medicatione à præteritis orientibus à notha bili distant : nisi quòd , quæ attenuant , & dissecant , valentiora in pituita notha , quām in bili notha futura sunt.

C A P U T L I V .

De hepiala, & lypiria febribus.

Compellor in præsenti loco de his febribus agere , quoniam Avicena sen prima 4. à pituita has oriri credidit , & Galen. 2. de Februm different. in exordio cap. 6. & propè finem lib. de Inæquali intemperie ejusdem fuisse sententia saltim in hepiala videtur , hepialam enim nominat Galen. febrem illam in qua simul calor , & frigus percipiuntur , in partibus adeò conjunctis , ut sensus discernere rigentes à calentibus nesciat : lypariam illam , in qua intus calor , & frigus extra percipiuntur , ut verba ejusdem Galeni inde inæquali intemperie libro , quæ hanc seriem servant , docent : [In ipsa tamen accessionis invasione , aliqui febricitantium , tūm rident , tūm verò febricitant , tūm ambo sentiunt , frigus immodicum , & calorem una. Verum non eodem loco , quippè cum possint , quæ ex calfactæ sunt partes , manifestè à refrigeratis discernere , nam intus , & in ipsis visceribus calorem sentiunt , in extremis partibus universis frigus , tales perpetuæ febres sunt , & quæ Græcè lipyriæ vocantur , prætereà quoddam ardentium februm perniciosum genus , quod igitur in his majoribus portionibus accidit , hoc in hepialis , contingit , minutis , inæqualis namque est , & harum februm intemperies.] Quippè Avicena aliter , sed perperam harum februm naturam exprimit : quamvis potius Interpreti , quām Avice-

næ error imputandus est , verum quoniam ex Galeni sententia in nonnullis locis , tām libri de inæquali intemperie , quām aliis elli ci videtur , posse simūl in eadem unica particula calor , & frigus percipi , quod impossibile esse in commento libri citati ostendimus , ideo undè error ille oriatur unico verbo explicò , scilicet , ex tanta conjunctione partium contrario modo affectarum , quòd sensus discernere ubi intemperies calida , aut frigida sit nescit , si enim dolente mollari dentे , æger nonnunquām distinguere , an ille , vel vicinus sit , qui dolet , quid mirum , quòd in partibus corporis dentibus multò paucioribus diverso modo affectis , idem contingat , vi certè morbificæ causæ adeò confunditur tangendi facultas , ut distinctè partem calore affectam à parte frigente distinguere nesciat. Porrò quamquām Galenus dicere videatur hujuſmodi febris genus à vitrea pituita originem trahere , ego qui ea tantū , quæ expertus sum , & rationi consona videntur , in nostris libris scribere decrevi , nullique Authori tantū fidere , quòd mihi diffidam , proposui , attestor nonnunquām oblatas mihi has febres fuisse , non tamen à mera pituita vitrea , aut alterius speciei ipsas oriri , ex signis complurimis intelligisse , sed vel in noctis tertianis continuis , vel intermittentibus hoc accidere , quod frequentissimum est , vel quandoque in merè biliosis cum contingit vi febris pituitam à capite in universos dorsi nervos distribui , diffundique , nec suspicor ego frigiditatem , quam febientes hi sentiunt , à pituita oriri , quia in innumeris corporis partes distribuenda erat , & in tot calidas bilis , quod fieri eximia industria non posset , quanto magis casu , & fortuna , sed fri-

giditatem, quæ sentitur, provenire, quoniam ex defluxu, ut dixi, pituitæ, vel nothæ bilis in nervos dorsi, vel in medullam ejusdem (à quibus partibus musculi omnes, qui sub capite sunt, & etiam mandibulae oriuntur) nonnullæ partes illorum, & medullæ inæqualiter malè afficiuntur, quæ retrahi spiritus suarum propaginum in muiculos universos corporis dispersos ad fesse fontes, & origines cogunt, quo particulæ illæ frigidæ linquuntur, deficiente calore spirituum, à quo totius corporis actualis calor emanat, aliis à quibus spiritus retracti non sunt, quia illarum partium origo à pituita, vel bili non sit vellicata, calidis febrili calore manentibus, nam cujusvis nervi nascentis à dorsi medulla partes in adeò plurimas secantur, & in musculos, & alias partes corporis distribuuntur, ut vix dici, possit. Harum ergo innumerarum inæqualium distemperierum causa est unius nervi orientis à dorsi medulla, vel ipsius medullæ etiam inæqualis distemperies. Nec adeò pertinax sum, quod si aliquis opinaretur febres hepalias fieri à pituita bili mixta in venis totius corporis contenta, quando vapores elevati ab utrisque contrariis humoribus, in porositatibus membrorum inclusi, parietes pororum infrigident: bili vaporibus nequeuntibus in frigidationi resistere, quod citissime tenues cum sint in halitum discutiantur, partibus solidis, quæ intercipiuntur inter quantumvis conjunctos poros: calidis febri calore emanante ab arteriis, & à corde frequenter, & velociter motio, manentibus: ego, ut dixi, sic opinanti resistrem, aut adversarer, quia scio illud possibili esse: & nobis non contradicere: nos enim tantum dicebamus, difficile esse credere pituitam lentam, glutino-

samque posse secari, ac dividii tam innumeræ, & minutæ partes corporis, quales sunt, quæ frigiditatem sentiunt, & in tot his proximas bilem calidam diffundi, vaporrem tamen pituitæ in innumeræ corporis porositas includi, easque, ut retuli, in frigidare: quis negare poterit?

Lipyria febris, ut Galenus loco superius adducto scripsit, est illa, in qua interiora ardentes, & exteriora frigident: quod cum frequentissimum est, tam in febribus omnibus pestiferis, quoniam natura spiritus universos extrinsecarum corporis partium ad interiora ubi noxius humor sedet, retrahat: ut illis eundem per sensibiles, vel insensibiles partes à corpore excernat, quæ etiam in aliis febribus homines debiles male afficientibus: quia in his paucos spiritus habentibus, calor ad interiora retractus, exteriora destituens eadem frigescere efficiat, quod in validis hominibus habentibus copiam spiritum, tam pro extrinsecis, quam intrinsecis partibus non accidit, non est, cur medelam peculiarem pro extirpandis his febribus exaremus, ut Avicenna citato loco fecit, cum id lapsus non exiguus foret, quem Avicenna commisit tunc, cum perpetram essentiam, & medelam earumdem expresit: necessarium certè erat in medicatione aberrare, qui naturam morbi non intelliget. Quippe hepala febris à notha pituita oriens, non nisi præfidiis parum calidioribus, quæ febrium exorientium à bili notha medenda erat. Lipyrias vero febres vocatas nequam sub uno capite comprehendendi posse, manifestè docebat Galeni sententia asseverans pestiferas, & alia febrium genera lipyrias vocari, hæ ergo si pestiferae fuissent, in capite pestilentium febrium me-

dicandæ erant, sin verò alterius modi cum cuique speciei febrium particularis medela sit exarata, inibi medicarentur, ubi certis signis novemus eas singulari capite esse comprehensas, tandem, ut dixi, caverre opportet, ne aliquis nitatur Avicenam in medicatione harum febrium sequi, quoniam in vitæ discrimen impellet ægros.

CAPUT LIV.

De febribus à melancholia exorientibus, & signis earumdem.

Prædiximus in superioribus non necessarium esse, febres à melancholia orientes per quaternos dies accedere, sed esse possibile, quotidie, & per tertios dies infestare, & ultrà ea, quæ superiùs diximus, hujus rei inditium non exiguum afferimus, falsum, scilicet, esse febribus sine ordine accessiones habentibus, ideò quaternas subsequi, quod humores diversi usi: quartanam subsequentem procreent: cum tam ab unius speciei febre diu durante, & tanto tempore, quanto diversarum specierum febres durant: febris quartana gignenda esset, prout à diversis febribus, quod pares ambæ fuissent in cineribus relictis (sic enim Medici vocant melancholiæ restantem à putrescentibus humoribus) quod non experimur, cum notha tertiana per sex menses durans in quartanam non transeat: indè ergo frequentissimè contingit hujusmodi febribus sine ordine accessiones facientibus, quartanas subsequi, quod à principio melancholicus succus omnium illarum diversarum accessionum causa fuerit, qui cum crassior cæteris, & magis sua frigiditate, & siccitate, quam alii naturæ inimicus sit ipsa ab eodem prorrita nonnunquam quotidianam fe-

brem gignendo, alias tertianam, quandoque continuam à corpore excernere eundem procurat, quod cum consequi minimè possit, propter humoris, ut dixi crassitiem, eundem quandoque in distantiora corporis vasa protrudit: à quibus postquam febris finita est, idem humor discedere nitens in venas, & arterias corporis totiuspræsertim in maiores ad cor tendentes diffunditur, (paratiōes nempè suscipere ampliores minus amplis, & calidiores minus calidis sunt) cujus in cor diffusionē cor iterū febrem concitare cogitur. Verum non ante quartum diem in plurimum, quod totum illud tempus in redditu à partibus à corde distantibus usque ad cor ipsum melancholicus humor absunit, neque, abs re, hæc in præsenti loco adducuntur, sed ut causam reddam, cur caput præsens de Febribus quartanis non inscribitur, ut Galeni, & cæterorum Medicorum capita inscribuntur, sed de febribus à melancholia orientibus.

Nothas atra biliarii humoris febres efficientis scripsit Galenus, secundo de Febrium differentiis, capite quinto, sub his verbis: [Tertiū febrium intermittentium genus est exquisita quartana, quando ex solo atræ bilis humore generatur, qui frigida, ac sicca constat temperatura, succeditur autem paulatim, veluti lapis aliquis, aut testa, aut os: aut tale aliquid hujusmodi corpus frigidum, & siccum, ubi verò aliqua ex eo flamma fuerit accensa, nihil fumidum, aut semicombustum in accessione relinquit, atque idcirco in hoc humore copiosiores sunt evacuationes, quam in pituita, atque intermissio exquisitæ pura videtur: quoniam & hic quidquid atræ bilis fuerit accensum, exhaustur, atque dispergitur, idcirco, & in eis talis est rigor,

qualis his, qui vehementi gelu frigescunt, hand quaquam ei similis, qui à Sole perustis, aut lasis, aut ex medicaminibus aliquandò calidis, aut cum super ulcera ponitur mordentibus, fieri consuevit, necesse autem est hanc febrem antecedere, quæcumque atram aggregant bilem in vitæ exercitiis, ac totius vitæ ratione, & temporis statu, & parte anni, ac regione, sic & laborantis naturam, & ætatem atra bile abundare: hujus autem febris accessio temporis spatio est similis tertianæ, nonnunquam & longior, cum adhuc exquisita perseverat, ut quæ ex frigidore humore consistit, eundem verò in hisce febribus, atque aliis omnibus est causa, quæ differentiam facit longitudinis accessionum, quemadmodum paulò ante diximus, in exquisitis tertianis, ex multitudine humoris, ac qualitate, vigore insupèr, atque imbecillitate potentiae, ac præterea ex ipsis ægrotantis dispositione diversitatem assumens.] Quæ quidem inditia esse febrium ab humore melancholico orientium certum est: quamvis non verum sit, illud de intermissione longiore in his febribus, quam in pituitosis, ideo scilicet, puriore intermissionem ipsas habere: quia atra biliaris humor, qui in unica accessione acceditur, in totum uratur, & à corpore discutatur, & in pituitosis non: nam falsum esse febres fieri, quia humor à putredine calcatus cor calciat, in superioribus ostendimus: ex quo sequitur, non ideo, quod in totum uratur, qui febrem facit humor, pura intermissione contingat: sed quia omnino à cordis venis ubi sanguinem materiam spirituum inficiebat vitiatus, aut multus humor à natura in partes corporis, à corde diffantiiores sejungatur, & mundiorum cordis sanguinem linquat, ut im-

munda intermissione ab oppositis causis fit, videlicet cum neque longè à corde sejungi humor valet: neque in totum cor expurgari à vitiato succo potest, ut in patientibus pituitosas febres propter humoris tenacitatem contingit, non quod putrefactio absumere omnino pituitam non valeat, ut Galenus referebat.

Scripsit quoque idem Galenus eodem secundo libro de Februm differentiis, prope finem capituli secundi sequentia verba: [Est, & tertium genus febrium continuorum, quæ per raro tamen eveniunt, quorum accessiones quartanarum figuram progredientes ostendunt, neque in infreibunge terminantur sicuti autem febris tertiana aliquando fit duplex, aliquando triplex, ita hæc non modo duplex, sed etiam triplex evadit.] Quorum sententia triplicem sensum habet, alterum, quod quandoque, & si raro contingant febres continuæ sine ullis sensatis frigoribus, aut rigoribus quarta die invalescentes in totum tertianis continuis tertia die invalescentibus similes, quod à me vixum nunquam est, alium contingere aliquando febrem quartanam invadentem cum rigore, vel frigore adeò prolixam in singulis accessionibus, ut accessio prior in infreibungem non ante finiatur, quā secunda quartana die quarto cum rigore, vel frigore superveniat, tertium, quod prout tertiana duplex quotidie cum rigore, vel frigore invadit: sic quartana triplex quovis die cum frigore, aut rigore, vel horrore infestet, vocaturque quartana, & si quotidie, ut duplex tertiana invadit, quoniam in duplice tertiana tertia dies cum prima in invadendi hora, & duratione accessionis, & quarta dies cum secunda certam proportionem servant, &

*An quartana
continua, n
tertiana co
tinua conti
nat?*

in sequentibus diebus eadem norma servatur, in triplici autem quartana: quarta dies cum prima, & quinta cum secunda, & sexta cum tercia, in plurimum in invadendi hora, & duratione omnino similes, aut parum dissimiles sint, reliqui quoque dies omnino eundem ordinem servare visuntur, neque hoc perpetuum est, sed ut dixi, in plurimum sic contingere experimur: nam non raro quartanas triplices, & tertianas duplices nullum mutuo ordinem habere videmus: quas non alio evidentiore signo tertianas, aut quartanas esse decernimus, quam quod tertianae per tertios dies infestare incooperint, & primae quartanae per quartos, & si post, perseverantibus his morbis, duplices, aut triplices factae ordinem amiserint, in his ergo duobus ultimis sensibus accidere saepè quartanas continuas, hoc est, nunquam desinentes, quoniam non ante prior desinat, quam secunda, vel tertia cum rigore, vel frigore superveniat, verissimum, & frequentissimum est, ut in priore, ut retuli, nunquam à me visum sit.

Dixerat quoque Aëtius sermone primo, tetrabibli secundæ, cap. 83, sequentia verba: [Quartana exquisita omnem ætatem invadit, præcipue tamen inclinatam, Hippocrates autem in libro de Septenario vigoris ætatem dixit, idem asserere videtur, eundem hominem non bis quartanam febrem incidere, verba ejus sunt: Primum quidem quartana febre idem homo bis neque capit, neque unquam captus est, neque de cætero corripetur, si semel sanus fiat, & hoc propterea, juxta propriam uniuscujusque hominis naturam, & ætatis vigorem contingit, necesse enim est vigen-tem hominis naturam in hoc tempore quartana febre corripi, præ-

terito autem vigore, exolutam esse, & à quartana, & ab invasione.] Quam sententiam Aëtius, neque prorsus palam taxat, neque approbat. Hoc enim, quod Hippocrates asseruit in vigore ætatis quartanam corripere manifestè vituperat, cum dicat exquisitam quartanam omnem invadere ætatem præcipue inclinatam, de reliquo nullum decreatum promere videtur: nos autem utrumque falsum esse frequentissimis eventibus novimus, neque me petulantem esse, qui hæc legerit, existimet, quod adeò clarè mentiri Hippocratem fatear: nam (meam conscientiam testor) audaciæ, aut temeritati meæ id non adscribendum, sed ne juvenes, & indocti senes decepti tanti viri autoritate fidem verbis Hippocratis (si ejusdem sunt) dent, & decepti ita even- turum, ut ipse dixit, credant.

Quod ego pluriès vidi est, tam pueros, quam puberes, & ulterioris ætatis homines, ac senes, quartana nonnunquam corripi, neque dicere auderem, ullam ex relatis ætatis frequentius alia à quartana capi, sed fermè pariter, & indifferentè per omnes quartanam vagari, & quamquam ratio senuum ætatem, quæ frigida est, & sicca, frequentius aliis à quartana invadendam suadeat, ut Aëtius scripsit, nullam tamen fidem rationi illi adhibeo: quoniam, ut dixi, oppositum observavi, & quia sciam antecedentes senectutem ætates non paucum melancholiæ ustæ aggredire, quo æquare, & superare senectutem valent. Certè si perpetuum fore, quod mihi medenti accidit, crederem, auderem referre juvenes à 14. anno usque in primam senectutem. Puta quinquagesimum annum frequentius quartana corripi, quam aliarum ætatum homines, reliquum autem de febre

quartana non bis hominem eundem infestante, in universum verum non est, & si certum sit, quod ii, qui semel quartanam patiuntur, & sani post per unum, aut duos, seu plures annos durant, ac quartanam patiuntur, non ultra quatuor, aut septem accessiones, vel quod rarissimum est undecim subtineant, dixi, quod si sani per unum, aut duos annos, vel ultra durant, nunquam post quartanam transgredientem undecim accessiones patientur, ut in experti sciant, saepissimè contingere illis, qui primas quartanas patiuntur, in brumali solsticio, aut parum post, vel ante, quartanas sponte sua deficeret, ipsasque in Januario mense sequentis anni iterum redire, & non raro iterum discedere, ac toties iterum infestare, donec ætas accedit, ubi in totum disparere consueverunt, à quibus discedentibus, & redeuntibus, non ego dico sanos evasisse quartanarios, donec sine quartana per unum, aut duos annos, ut retuli, perdurent.

Scripta palam docent, quām exiguī momenti sit illud, quod, se fecisse gloriabundus jactat Galenus in libro de Præcognitione ad posthumum, cum historiam refert Eudemī peripapetici quartana febre in autumno vexati, cui Romæ degentes Medici consuluerunt, quod in hyemis initio theriacam parum ante quam accessio quartanæ adventaret, biberet, ipse autem Galenus vetuit, quod sciebat, ex intempestivo theriacæ potu quartanam simplicem in duplice, ac triplicem vertendam, quod, ut prædixerat, cœsit: & in media hyeme theriaca ab eodem eudemo Galeni jussu bibita à tribus quartanis in totum liber evasit, nam si verum est, ut indubie est, quartanam in brumali solsticio, (ubi hyems incipit)

vel parum post: sponte sine medicamentorum usu auferri, plurimosque quartanarios in Januarii mensis sequentis anni fine, aut parum ante etiam à quartana sine ope Medici liberos evadere, quid mirum fuit, si etiam epota theriaca sanaretur eodem tempore eudemus, parum enim ante finem Januarii media hyems incipit, cum undecima, vel duodecima die Decembris, vel parum ante, aut post hyems incipiat, quæ ut cætera tria anni tempora nonaginta diebus finitur, sed hæc mittamus, ne nostris æmulis ansam demus, suspicandi gratissimum nobis esse, Galenum infectari, quod à nostro instituto alienissimum est, quando enim eundem taxamus, coacti facimus: quod consciī simus in eo negotio aberrasse, & quod nisi à nobis error detegeretur, causa aberrandi aliis foret.

Atque cum ex præcedentibus pateat, causam, quam Hippocrates exposuit, cur quartana non nisi semel in tota vita eundem hominem corripiat, nullam esse, ipse nempè putavit, quartanam solum ætatis vigorem cuiusvis hominis invadere, & non anteriorem neque posteriorem: atque hoc in causa esse, ut cum non nisi unicus ætatis vigor sit, quod non nisi semel eundem hominem aggrediatur, eventibus oppositum docentibus, ideo ad hujus admirandi effectus veram causam inquirendum accingi tenemur.

Quod admirationem in præsenti eventu inducit, id præcipue est, experiri frequentissimè, qui semel tertianam per mensem, exempli gratia, patitur, iterum eadem post multos annos etiam per mensem, vel plus quandoque affligi, & qui continuam febrem passus est, etiam post annos aliquot altera consimili con-

*Cur quartana
semel eundem
hominem in-
ficit, & in
quo sensu ve-
rum sit?*

tinua febre nonnunquam infestari, & qui pleuritidem sœvam patiebatur, alio in tempore tam sœvam pleuritidem pati, & idem aliis morbis ægrotantibus contingere, & dissimilem his esse quartanam, ut enim, qui bilem tantam semel aggregavit, ut non ante mensem tertius diebus febre infestante, absumere eandem possit, post nonnullos annos non minorem copiam reaggregare, iterum valet, & qui tantum sanguinis nonnunquam genuit, ut quartam decimam diem continuè febriendo duret, iterum non minorem copiam procreat, quæ consimilem, & adhuc graviorem nonnunquam febrem continentem efficit: & non dissimilis aliarum febrium successus sit, quid vetat melancholiæ tantam, ac adeò putrefactam gignere illum, qui semel à quartana fuit infestatus, ut possit iterum per tot menses quartana febrire, ut prius. Ego quippè insoluble esse hoc quæsitum Galeni sectatoribus existimo: quod illi opinentur, febrem putridam non aliud esse, quam calorem ex putridis humoribus in cor productum, quem iterum toties, ut prius posse gigni necessariò fateri coguntur, quando æquam melancholiæ quantitatem, ut cum prius quartanam æger passus est, posse iterum fieri, negare non valeant: at nobis, qui veram febrium causam invenimus, non adeò difficilè est, ut non nisi multis verbis originem discriminis inter quartanam, & alios morbos explicare valeamus. Porro cum pudentem, omnibus hæc legentibus jam noctum esse, febrem fieri, prorita facultate expultrice cordis à viatiis succis sanguinem cordis insufficientibus, quo cor ipsum in magnas, veloces, & frequentes diastroles, ac systoles atollitur, ac deprimitur, undè etiam arterias consi-

militer moveri necessarium est, & tam cor, quæ arterias ex illis motibus immodecè calfieri (quod febrire nominamus) contingat, verò similimum est, ex diuturna durata febris quartanæ primum invadentis, quendam gigni habitum in corde, quo promptius idem fit, ut à minori causa proritatum, quam prius, in magnas, veloces, & frequentes diastroles, ac systoles atollatur, ut enim, qui vomere quotidiè consuevit, à quavis levi causa ventriculus ejusdem vellicetur, etiam vomit: eodem modo continet assueto per annum, aut tres, vel quatuor menses à melancholico succo in quartis diebus sic molestari, ut febrire cogatur, quod promptitudo quædam ei acquiratur, à leviuscula causa etiam ejusdem cor sic, ut primitus à fortis, cogi in magnas, veloces, ac frequentes diastroles, ac systoles atollit, & deprimi, quod est febrire, cum ergo, qui nunquam quartanam febrem passus est, non nisi ab immodiaca, ac vitiata melancholia febriat, quoniam exigua cor ipsius proritare, ut pauca ucris bilis non valeat, inde contingit, qui primum quartanam patitur, prolixiorum multo, quam secundo febrientem tollerare: cum hic sanitati in totum restitutus: quia quidquid melancholiæ superfluum erat, à corpore abjecerit, & sanus per unum, aut duos, vel plures annos mansit, habitum acquisiverit talem, ut à minori melancholiæ copia proritatus, statim febrem per modum explicitum producat, undè accedit, ut hic non tantum melancholiæ aggregari permittat, ut ultra septem accessiones, aut rarissimè ultra undecim durare ipsa valeat, hem causam eventus adeò mirabilis à nobis clarè expositam, quia veris hypotesibus innitamur, à nullo nostrorum praedec-

cessorum exprimi potuisse, quod mendacium suæ opinionis vero eventui non quadret, ut veritas nostræ cum eodem consonat, certè tertianæ halitum talem, ut quartanæ non gignunt, quod tantum durare, ut quartanæ non sint natæ.

A decens quoque est, causam reddere, cur à bili flava, & sanguine, ac notha pituita possit febris continua proportionalis oriri, & à melancholia febris continua consimilis istis nunquam, ut suprà diximus visatur, cuius eventus nullam aliam esse occasionem reor, quām quod tanta quantitas melancholiæ, quanta pro febre continua gignenda requiritur: aggregari nullo modo, manente vita, possit: aut si nonnunquam ob facultatis expultricis imbecillitatem tanta, vivente homine, aggregetur: ejusdem à corde sejunctionem talem, qualem febres continua efficeret solent, non ultra tertium diem facere, naturæ hominum differant, non enim adeò benignus est humor melancholicus, quod natura humana tollerare, usque in quartum diem possit, totum, vel tantam ejusdem portionem à corde separare, quod minus febrire, manifeste noscatur, hem quod hic quoque solvendi problema præsens modus, sic nobis, atque illis, qui nostram doctrinam sequuti fuerint, concessus est, ut nullis aliis, ex his, qui cum Galeno consentiunt.

In quo anni tempore quartana incipiatur. Aliud quoque peculiare quartanis scribere, non abs re videtur, sola quippe hæc incerto anni tempore primum incipit, nunquam enim à me visa est quartana in homine, qui eandem prius non fuerat passus, à Decembri mense usque ad Junii finem incipiens: primi enim quartanæ congressus, & frequentissimi in Augusti mensis initio, & parum ante, ac per totum hunc men-

sem usque in finem Septembris in Hispania contingunt, rari in Octobre, (præfertim in ejusdem fine) ac in initio Julii visuntur, hujus rei causam investigare, non facile est, mirum certè videtur, quod omnes morbi omni in tempore infestare hominem valeant, ut Hippocrates decimo nono aphorismo tertii libri refert, & solæ quartanæ interdicitur, in certis anni mensibus homines primum corripere, ut enim frequentissimè experimur, quartanam in fine æstatis, aut in autumno incipientem, in hyeme, & vere, aut æstate anni sequentis adhuc durare, & esse tunc cum durat, melancholiæ copiam sufficientem plurimos quartanos circuitus efficere, sic posse etiam videtur in eadem hyeme, aut vere, vel initio æstatis, æquam melancholiæ copiam in eo, qui nunquam quartanam passus est, aggregari, & febrem producere. Nempe si rationi fides adhibenda est, etiam si eventibus aduersetur credere, quod videmus, non tenebimur. Verum cum hoc delirare est, & qui sanæ mentis sunt, suo ingenio defiunt, ut sensum, & ea, quæ experiuntur, non negent, causam quoque præfati negotii scribere necessarium erit: quæ nulla alia est, quām quod hyeme, & vere temporibus humidissimis tanta, & talis melancholiæ (quæ frigida, & siccæ est) quantitas aggregari non possit, quæ sufficiat febrem quartanam primum gignere, est enim adeò siccus humor melancholicus, quod ut quam maxima ejusdem quantitas, & tanta, quod sufficiat humanum cor proritare, & in febrem pellere procreetur, siccitatem æstatis antecedentis, & autumni præsentis, vel alterum, ex his prærequirit, quæ in nullo ex antecedentibus anni temporibus, puta hyeme, & vere gigni potest, quoniam

niam relata duo tempora potius humectare corpora, quām siccare sunt nata, nulla nempē æstas, ac nullus autumnus adeò humida esse possunt, quòd siccitate non superent hyemem, & ver quantumcumque siccissima, cum enim in Aphorismis, & aliis locis ver, & hyems non naturaliter se habentia sicca vocantur, & æstas, & autumnus humida, non simplicitè, & absolutè talia dicuntur, sed collata sibi ipsis naturam propriam servantibus, tandem ut quæsitum absolvamus, quoniam deest, ut diximus, in hyeme, & vere copia melancholiæ, quæ requiritur, ut ab eadem cor tantum vellicetur, quòd cogatur in magnas, veloces, & frequentes diastoles, ac systoles atolli, unde febris oritur, ideo in eo tempore nunquam visitur in homine, qui alio in tempore eandem non passus, rationique qua oppositum suadetur, experiri in relatis anni temporibus, quartanam infestare eos, qui ab eadem priùs correpti sunt, in quibus adesse melancholiæ quantitatem sufficientem febrem facere, inficiari non possumus, respondemus negando parem requiri melancholiæ quantitatem ad proritandum cor in assuetum à melancholia sic vellicari, quòd febrire cogatur, & aliud jam consuetum à melancholia febrire, cum multò major abundantia melancholiæ requiratur ad primas quartanas concitandum, quām posteriores efficiendum, ut enim ad vomendum ille, qui inconsuetus est, non nisi à forti, & vehementi causa inducitur, & consuetus à quavis levi alimenta devorata, vel humores à ventriculo per os excernit, sic ille, qui nunquam quartanam febrem sensit, cum primum eandem passurus est, quantitatem grandem melancholiæ continere in proprio cor-

pore oportet, (à pauca enim non adeò proritatur, ut febrire cogatur) quæ nunquam hyeme, & vere aggregatur, jam verò cum semel habitum ex multiplici febriendi actu cor acquirit, à leviuscula causa eodem genere febris affici, mirum non est, inde ergo accidit, quòd primi quartanarii non nisi æstate, aut autumno, ubi plurimum melancholiæ usq; ab immodico calore, & siccitate aëris redundat, contingant, ac etiam, quia cum melancholia eo in tempore magis molesta homini esse soleat, quòd non nihil igne facultatis habeat, quam aliis temporibus humidis, tunc plus ab eadem homines proritantur, quām alio in tempore, assueti verò diu quartana febrire, quovis in tempore, & si melancholiæ multò minor portio redundet, aut putreat, febriant, & cum nos sufficienter hoc tertium quæsitum absolverimus, & Galeni sectatores causam hujus problematis investigare non possint, supereft Galeni opinionem in causis febrium falsam esse, ac nostram veram.

Modum nempē nullum excogitare illi poterunt, quo argumento à nobis soluto ipsi respondeant, si enim à melancholia putrefacta, & suo calore calefaciente cor, febris quartana oriretur, ut illi putant, quid prohiberet ab unciis decem, (exempli gratia) melancholiæ putrefactæ in æstate, aut autumno febres quartanas durantes annum provenire, & in alio homine à quinque unciis putrefactis in vere, aut hyeme, quartanas per dimidium annum perseverantes oriri, nihil certè, non enim evadere rationem hanc poterunt Galenistæ, sumentes ex similitudine nostræ solutionis modum, atque protervientes, quòd qui primum quartanam patiuntur, non nisi à decem unciis

Nullius valoris solutio quædam improbaratur.

melandholiæ putræfactæ possint febrire , quod eorum cor validius tunc sit , quam postquam quartanam per aliquot tempus passi sunt , & assueti jam febrem quartanam pati , à leviori occasione afficiantur , idque esse in causa cur non nisi æstate , & autumno , in quo decem unciae melancholiæ aggregari (exempli gratia) queunt , febres quartanæ primum videri possint , & in aliis temporibus , in quibus non tanta aggregari valet , primæ quartanæ non visantur , his enim dictis , eorumdem assertio adversatur , inquiunt enim isti , in quavis accessione febris intermittentis certam portionem humoris putrescentis in totius corporis ambitum protrudi , illumque esse rigorū , & frigorum , & febrium causam , ut in antecedentibus proprio capite diximus , si ergo accessio quartanæ prior ab uncia una , verbi gratia , melancholiæ putræfactæ cor calefaciente fit , tam in eo , qui alias novem uncias in corpore continet , quam in alio cui quatuor tantum restant , (una ex quinque accessionem faciente consumpta) sentienda febris quoque erat , nihil enim conducunt ad calorem unius accessionis producendum novem , aut quatuor restantes unciae , quas antecedentem causam Arabes vocant , cum negent illi , ab alioque ab eo humore putrefacto , qui in tempore accessionis expanditur in corporis extrinsecas partes , cor calefieri , & febrire , residuo humore nedum putrescente .

Quodam et
villum propo-
nitur.

Si etiam ut deleant Medici causam illam , quam nos redimus hujus eventus , cavillentur , quod experiamur pluries , quartanam incipientem in æstate , vel autumno , durare duos , & quandoque tres annos , quod fieri non posset , nisi in hujusmodi hominibus tanta me-

lancholiæ quantitas congregaretur , quæ sufficeret febrem per universum illud tempus prorrogare . Et cum non totam simul aggregari in æstate , vel autumno : in quibus febris incipit , sed in antecedentibus temporibus verisimile est , superest , in vere , & hyeme antecedentibus tantum melancholiæ esse aggregatum , quantum sufficeret , quartanam unius anni ad minus efficere , sed ex confessis à nobis , cum tantum melancholiæ congestum in æstate , vel autumno fuisset , quod durare solum per dimidium annum febris suffecisset , febris quartana fieret , ergo à fortiori , ut Logici inquiunt , si tam plurimum ejusdem aggregatum fuerit , quod dura re per annum posset , febris quartana in hyeme , aut vere inceptra erat .

Porrò cavillum hoc faciliter dupliciter dissolvi valet , primò negando nos dixisse , ideo dumtaxat in æstate , vel autumno quartanas incipere , quod solum in illis temporibus tanta melancholiæ moles aggregari queat , quæ sufficiat , primum cor in assuetum quartanam pati vellicare , & ad procreandum febrem impellere , sed ideo quod etiam in æstate , & autumno simul jungatur melancholiæ major vis prioritandi cor propter calorem , & siccitatem adurentem , quam in aliis anni temporibus , & cum in hyeme , & vere quamquam adesset illa melancholiæ quantitas , quam arguens probare conatur , deficeret adhuc vis illa pungendi , & vellicandi cor ideo respondere possemus in illis temporibus quartanam nunquam incipere , vel aliter etiam quæsito respondebimus , negando quod cum quartana prolixissima incipit , tantum melancholiæ sit aggregatum , quod unius , vel duorum annorum durationi sufficiat : si enim tan-

Solvitur ca-
villum.

tantum esset in præcedente tempore paulatim congestum , rationi consonum esset multò ante eandem incepisse suspicamur , certè , quòd à mala victus ratione patientis quartanam , melancholia post aucta , quartana prolixior , quam esse nata erat , fiat . Omnes enim , qui naturam ejusdem rectè caluerunt , salvam , & non ultra annum perdurantem scripsere , conjectantes quòd non plus aggregari melancholiæ simul possit , quam quantum durare per annum febrem efficiendo valeat , dixit enim Avicena fen prim. 4. cap. sexagesimo : [Et secundum plurimum est ægritudo salva , & quando non accidit in ea error , non addit super annum .] Hippocrat. in fine lib. de Genitura hominis non adeò absolute , & distinctè , ut Avicena hoc idem scripsit , cum dixit : [Quòd autem quartanæ febres atræ bilis participes sint , vel hinc condiscere licet , autumno enim maximè homines à quartanis corripiuntur , & in ætate à quinque , & viginti annis usque ad quadragesimum quintum , hæc enim ætas præ omnibus aliis , maximè à bili atra infestatur , & autumni tempus omnium anni temporum ad eadem aptissimum est qui cumque autem extra hoc tempus , & ætatem à quartana corripiuntur , pro certo scire oportet eam febrem non fore diurnam , nisi quid aliud gravioris mali hominem infestaverit .] Quasi his verbis Hippocrates (si hujus libri pars hæc genuina est) sententiam aliam à nobis adductam , quam Aëtius ex eodem citat , moderetur , & limitet , ne Medici decipientur , credentes eundem opinasse , non nisi in vigoris ætate quartanam contingere .

Post pilorum defluvium quartana non ultra annum du-

Reliquum quod idem Hippocrates sexto de Morbis popularibus , sectione sexta scripsit , puta : [Post

Tom. II.

pilorum defluvium quartana febris non ultrà annum .] Non adeò prolixum morbum hunc esse , ut ultrà annum duret dicere videtur , quamquam ideo , quòd non simpliciter , sed in illis tantum , qui passi sunt alopetiam , non transgredi annum quartanam dixit , non videtur expreßè sensisse , longiorem morbum hunc non esse , quin oppositum , quod etsi ita sit , non nobis illud adversatur , cum etiam nos fateamur , à mala victus ratione multò longiorem posse provenire , quam quæ per annum quartana durat , superest tamen causam reddere , cur alopecus quartanam non transgredientem annum patiatur , quam nullam aliam esse reor , nisi quòd alopecia in plurimum ab atra bilario succo originem trahat , ut qui morbum Gallicum patiuntur , & eadem communiter infestantur , testimonium exhibit , pendere enim à melancholia morbum Gallicum , innumera symptomata ejusdem pallam docent , ut cum de morbo hoc scripserimus , Deo concedente , referemus : cumque potior pars melancholiæ in cutaneo illo morbo absympta sit , credibile est parum ejusdem superesse ad longiorem , quam unius anni quartanam procreandum .

Porrò observavi quartanas pestilentes grassantes per majorem Hispaniæ partem anno 1545. & anno 1546. à me , & aliis Medicis visas , quarum innumeræ juvenes , & senes complures interfecerunt , non cum primum invaserunt , sed nonnullæ post annum aliæ post decem menses , reliquæ in breviore , & longiore tempore , vocavique has pestiferas , quoniam per quendam in consuetum modum febientes interimebant , solent enim quartanæ ob immodicum aquæ potum in splenis , & deinde jecoris obstruc-

*Pestilentes
quartane
quando visae.*

Yy 2 tio-

tiones, & in ascitem transire, ac quoque sic ægros interficere, quod frequentissimum est, solent quoque in pleuritidem ob sanguinem, quæ maximè vitiatum in fine hyemis, aut veris initio terminari, quod non adeò frequens, aliæ etiam scabie: & plures sine ullis aliis morbis sponte, vel Medici adjutorio quandoque finiri, verum hæ, quæ in relata tempestate invadebant, cum ultimo ægros interficiebant: sola quadam febricula continua finiebantur, & intra triduum, vel septimam diem ægros munus vitæ peragere cogebant, mortuus certè est ex hoc genere febris, secundum meam sententiam illustris ille vir, & merito felix dicendus, Franciscus à Cobos à libellis secretis Imperatoris Caroli Quinti unicus.

*An verum sit
æstivas quartanæ esse febres.*

Hippocrat, lib.2. aphorism. 25. dicebat, æstivas quartanas plerumque fore breves, autumnales longas, & maximè hyemi proximas, quod verum non esse innumera experimenta, ac nonnullæ rationes me docuerunt, ego certè per totam vitam, ut suprà dixi, observavi, quartanas prope finem æstatis, & in autumni principio, aut per triginta dies post ejusdem autumni initium incipere, & nullas post incipientes à me visas, etiam experimenta docent, quartanas non ante finem veris omnino desinere, & si quandoque, ut superiùs scripsimus, in media hyeme nonnunquam pausent, sed non taliter, ut non multos post dies non revertantur, cum ergo brevior omnium quartanarum primum hominem invadentium exitus sit ver anni sequentis, ille prolixiores erunt, quæ priùs incepere, sed æstivæ priùs, quæ autumnales, & quæ hyemem attingunt: incipiunt, supereft ergo æstivas omnibus aliis, quæ eodem tempore, quo ipse finiuntur: longiores fore,

quin si ipse conferantur incipientibus prope hyemem, longissimæ æstivæ, necessariò ob rationem ductam futuræ sunt.

Item relatus Hippocrates trigesimo quarto aphorismo secundi libri sic inquit: [In morbis minus perclitantur quorum naturæ, aut ætati, aut habitui, aut tempori magis congruit morbus, quæ quibus secundum nihil istorum congruit.] Et cum æstas calida, & sicca non sic congruat quartana frigidæ, & sicca, ut autumnus, qui eandem temperaturam cum melancholia habet, supereft magis periculofam quartanam æstivam futuram, quæ autumnalis, & etiam cum quartana periculosior, aut salvior non sit, nisi ex majore, aut minore duratione, (qui enim quartanam prolixissimam patiuntur, ii vel lienem, aut jecur, aut utrumque viscus obstructum habent) restat quoque æstivas, quia prolixæ sint, periculofas vocari, neque Galeni in expositione hujus aphorismi ratio ullius valoris est: si enim ideò putat æstivas quartanas febres, quia calore æstatis humores inutiles funduntur, & per totum corpus delati diffilantur, eadem ratione usum theriacæ, aut mitridati in æstate, & cum primum incipit quartana, approbaturus erat, cuius oppositum in libro de Præcognitione ad posthumum dixit, ibi enim, ut suprà retuli, vituperat Medicos theriaca utentes in quartana usque ad medium hyemem, quando jam morbi materiam coctam esse suspicamur, quanto ergo magis vituperavit illos, qui in æstate, in qua quarta na incipit, theriaca uterentur, & quod ratio par sit, manifestum est, cum calore mitridati, & theriacæ humores diffundentur, & diffilabuntur, consimilique ratione Galeni probare licet, etiam balneum calida-

darum aquarum convenire in exordio quartanæ, ut quod diffundat humores in totum corpus, & eosdem per halitum discutere valeat, quod tamen idem Galenus vetuit, nempè non animadvertisit Galenus, quod in æstate per relatam diffusionem humoris melancholici incocti augeatur ipse, & majoris mollis, quam erat fiat. Neque consideravit, quod si sua expositio aliquid valeret, falsus esset aphorismus Hippocratis ab eodem expositus, quoniam quartana, & pituitosi morbi æstate invadentes, ob idque tempori non congruentes minus periculo, si ob rationem redditam à Galeno fuissent, quam si autumno, aut hyeme temporibus similibus morbis invaderent. Porro aphorismus ille, secundum meam sententiam vitiatus à Galeno, aut alio antiquo Medico fuit, litera enim vera hanc seriem erat servatura æstivæ quartanæ magna ex parte longæ autumnales verò breves, & maximè quæ hyemi attingunt, quæ irreprehensibilis fuisset, cum morbus consimilis tempori à minori causa oriretur, quam dissimilis, ideoque citius auferendus credendus est.

Improbatur evasio quædam. His nostris objectionibus contra Galeni expositionem respondebat quidam Medicus satis doctus, atque noster amicus, non solum ob rationem à Galeno scriptam contingere æstivarum quartanarum brevitatem, verum potissimum, quod haec oriantur à melancholia ex bili usta, quæ facillime discuti in halitum, aut excerni per ventrem possit, sed hoc parum prodesse, vel ex hoc liquet: primo quod tam æstate incipientes quartanæ, quam quæ autumno, vel hyeme incipiunt, non ante hyemis finem, & adhuc medium ver omnino desinant, quod eventurum non erat, quin opposi-

tum puta æstivas in æstate ipsa, aut autumno, vel initio hyemis omnino discedere, alias verò diutius durare. Secundo, quod brevitatem quartanæ Hippocrates (si ipsius foret aphorismus ille sic vitiatus) non tribueret tempori, sed humoris, rectiusque dixisset, à bili usta orientes quartanæ magna ex parte sunt breves, & ab aliis melancholia speciebus longæ, quam ut scriptum invenimus, certè cum ut suprà ex eodem citavi omnes morbi omni in tempore contingent, potius expressurus erat causam brevitatis materiam biliosam uastam, quæ univoca esset, ut ille retur, quam æquivocam tempus scilicet. Tertio, quod neque, quia æstas calida, & sicca sit, potius suspicari licet, quartanas à bili usta in eodem oriri, quam ab aliis humoribus crematis, cum verò similius sit, in æstate quartanas à pituita, aut melancholia naturali uitis oriri, quam in alio anni tempore, quia humores adeò frigidos, nullum aliud tempus posse urere videtur, quam æstas.

Referebat Hippocrates sectione sexta, libri sexti de Morbis popularibus: [A quartana correpti à magno morbo non corripiuntur, si verò corripiantur prius, & succedat quartana liberantur.] Quam sententiam exponens Galenus dicit, morbum comitialem, seu epilepsiam ab Hippocrate, & veteribus Herculeum nominari, non quod Hercules eum passus sit, sed ut ejus fortitudinem explicit, eademque ratione magnum morbum eundem vocari, hunc ergo superveniente quartana mederi, & correptos quartana non infestare, certum esse Hippocrates testatur. Avicena autem sen prima quarti non sic intellexisse aphorismum illum Hippocratis videtur, sed magnum dixisse Hippocratem morbum, hoc est, gravem,

*Quædam de quartana Hip
pocr. sentent.*

vem, & diu durantem, atque à melancholia orientem. Verba enim Avicenæ sequentia sunt: [Et quartana, quæ salva est, liberat ab ægritudinibus malis melancholicis, sicut melancholia, & epilepsia, & in ea est securitas ab spasmo.] Nempè quòd ego hucusque verum esse expertus sum tantum, id est, epilepsiam patientem liberari superveniente quartana. Ingenuus enim vir Ludovicus Alvarez Scobarius, maritus sororis meæ Annæ Pereyra: qui per annos viginti & duos epilepsiam passus fuerat, liberatum à tam sævo morbo adveniente quartana, quæ per annum fermè integrum duravit, omnes hujus nostri Oppidi incolæ noscimus, neque statim ut ipsa cessavit, accessiones epilepticæ prorsùs evanuerunt, quin potius per duos, ac tres annos non nunquam quibusdam levibus accessionibus epilepsię corripiebatur, donec omnino disparuit morbus illæsus, & hodie ab utroque malo liber, cum quinquagesimum suæ ætatis annum agat, juvenescit, & floret magis, quam cum quadraginta annorum fuisset, cæterum delirium ex melancholia patientem, & convulsione corruptum, aut elephantia morbo nullum evasisse, superveniente quartana, recordor.

*Quartanas
ab indurato
Splene multò
aliis longiores.*

Aëtius capite 83. sermonis primi, tetrabibli secundæ autoritate ruffi quartanas orientes ab splenis obstructionibus diuturniores aliis esse, referebat, adebatque signa harum quartanarum, ac dicebat: [Fiant autem manifestæ ex colore, & crudibus, & quòd venter non facile egerit, & ex splenis tumore, & quòd ad sinistrum latus magis se reclinent æ gri, est autem periculum ne progresiu temporis etiam in aquam inter cutem hi incident.] Quod manifestè docet, hinc potis-

simus originem trahere quartanarum pariter incipientium diuturnitatem, & brevitatem, quòd sine splenis obstructione contingent, aut cum eadem, quæ enim cum indurato splene conjunguntur longas esse Aëtius asseverat, & nos experimur, ut lienem referatum habentes breves. Certè non recordor patientem quartanam absque splenis, aut jecoris obstructione ante Maij finem non evasisse ab eadem, quo docemur verum esse quartanam cum splenis, aut jecoris, vel amborum viscerum obstructione longiorem, necessariò fore quavis alia in eodem tempore, quo ipsa incipiente, falsamque illam, quam ex vitiato Hippocratis, aphorismo 25. secundi libri Galenus exposuit.

A nonnullis parum doctis Medicis quæri solet, quomodo possibile sit, quartanas incipere, tertianis, aut continuis non præcedentibus, dubitandi, ac interrogandi occasionem hinc fumentes, quòd agentia naturalia, nata sint prius agere impassa minorem vigorem habentia, quam in ea: quæ vigorosiora, ac rebelliora sunt, & cum bilis, à qua tertiana oritur, & sanguis, à quo continua pendet, minus rebella melancholico succo sint, videbatur istis calorem putredinalem prius humores illos tenues oppresurum, quæ adeò crassum, ut melancholia est, non perpendentes calorem putredinalem non esse aliquam substantiam extrinsecam ab humoribus putrefactis, ut ignis, ac Sol, quæ calfaciunt prius, ac magis ea, quæ minus resistunt, quæ plurimum se defendunt, sed ab indecenti humorum temperatura oriri eosdem putrescere, aut non, atque cum sæpiissimè contingat, bile, & sanguine, ac pituita suam temperiem servantibus, melancholiæ distemperari, inconveniet nihil

*Inductorum
Medicorum
quæsum.*

quar-

quartanam à melancholiae intemperie incipere, aliis humoribus in noctis existentibus.

Nec oblivioni tradendum, frequentissimè contingere his, qui nuper uxores duxerunt, & immodico utuntur coitu, in quartanas incidere quoniam immoderatum coeundi exercitium refrigeret, ac siccet, cuius temperiei melancholia est.

CAPUT LV.

De signis quartanae.

Signa exquisitæ quartanæ, quam longiorem spuria esse, nisi cum obstructione conjungatur rectè dixit Galenus octavo capite, primi libri de Arte curativa ad Glauconem, potissimum in arteriarum motu consistere Galenus retuli. At ego contempnenda hæc existimo: primò quòd parum intersit, in prima die cognoscere ex pulsu, an quartana, aut tertiana sit (quòd se fecisse forte insolenter gloriatur Galenus) quoniam & si usque in quartam diem, in qua iterum febris invadet, ejusdem dignotio differatur, periculum nullum ægrotanti imminet, etiam quia ex pulsu tantum, cognoscere genus febris, quanto magis speciem, falsum esse, certè credo, ibi quoque existimat, senilem ætatem potius quam juvenilem à quartana infestari: quasi hoc adversari Hippocrati velit, paucaque, & nullius valoris signa post hæc scripsit. Aëtius tamen proprio de Quartana capite dilucidius hæc sub his verbis retulit: [At verò naturæ corporum magis atra biliaria hanc febrem per ferunt, & ex temporibus autumnus, & præsertim ubi ipse seipso fuerit frigidior, ac siccior, & inæqualis, edulia item, & potiones, & totius vitæ victus siccus, & frigidus tempore existens,

quartanarum febrium signum est, & lienes aucti: hæc autem febris non statim à prima die omnino irruit cum rigore, sed aliquando ex aliis in hanc fit transmutatio, ex his, quæ erroneæ, ac inordinatæ vocantur, verum in progressu rigor accedit, & cum augente, etiam rigor augeatur, sensus autem ægrotis contingit, non velut pungatur, & stimuletur cutis, velut in tertianis contingit, sed & per frigerantur vehementer, & velut franguntur usque ad ossa. Proinde audire est ægros dicentes: quòd ossium lassitudine tenentur, & carnem confringi imaginantur, pulsus porrò sunt parvi, obscuri, ac tardi, ac rari, in principiis accessorum, velut in nulla alia affectione: etenim juxta invasiones quartanarum arteria tibi ligata esse videbitur, & in trorsum trahi, ac prohiberi à regressu, quare etiam, si juvenis fuerit æger, tamen senilis extremæ ætatis motum arteria imitantatur, si enim ægrotantis naturalem pulsum noveris, aut in principio exacerbationis alterius morbi affueris, nihil aliud expectaveris, quo minus pronunties, irruentem à principio febrem quartanam esse, adeò immensa quædam mutatio pulsus ad raritatem, & tarditatem fit, urinæ verò his in principio quidem albæ, ac tenues, & aquosæ, nimirū propter materiæ crassitudinem percollatæ, progrediente vero morbo, pro ratione coloratores fiunt, & subsidentiam habent crassam. Sequitur autem sudorum copia circa exacerbationis declinationem.] Hæ sufficienter quartanam ostendunt, quamquam ipsa satis nota sine his, cum simplex est, sit ad medelam ergo ejusdem transire tempus est.

CAPUT LVI.

De medela febrium à melancholia orientium, quæ sèpissimè per quartos dies accidunt, ideoque de quartanæ medela nuncupatum.

Hippocrates secundo de Morbis, libro medelam quartanæ, ut referam disposuit. [Cum febris quartana ex alio morbo, non purgatum apprehenderit, pharmacum deorsum purgans bibendum dato, deinde caput purgato, postea rursus infra purgato, si verò his factis non cesset, interpositis duabus invasionibus post purgationem infernam, multa calida ipsum lavato, & seminis hyosciami milii magnitudinem, & mandragoræ tantundem, & succi silphii trium fabarum magnitudinem, & trifolii tantundem, in vino meraco bibat: at si firmus, & sanum se esse putans ex lasitudine, aut profectiose febre correptus, ad quartanam deveniat, fomentis ipsi exhibitis, aliuum dato, in melle tinctum. Deinde lenticula decoctum bibat, melle, & aceto ammisis, postquam autem repletus fuerit vomat, postea calida lotus ubi frigidus factus fuerit, cyceonem ex aqua bibat, vesperi cibis mollibus, & non multis utatur, altera verò exacerbatione, ubi multa calida laveris, & stragula ipsi injeceris, donec exudet, statim veratri albi radices trium digitorum longitudine, & trifolii dragmam, & succi silphii duarum fabarum magnitudinem, in vino meraco bibat, & si vomitiones ipsum urserint, vomat, sin minus, post caput purgatum, cibis autem utatur, quam mollissimis, & acerrimis, cum verò exacerbatio ipsum invaserit, jejonus medicamentum ne bibat.] Hanc curationis quartanæ normam cum lego

non parum admiror, si Hippocratis genuinus liber hic, & alii de morbis sunt, cur à Galeno, & aliis Medicis anterioribus, & posterioribus annotati jam, ut qui exoleverint, non sint, & lectores moniti, ne fidem illis sententiis dent, quibus quartanarios innumeros in vita discriben pellicent, at si ejusdem non esse creduntur, cur quoque inter exprios isti, & alii annumerati, seorsum non excuduntur, & venduntur, & non simul cum germanis: ut nunc sit, nescio enim Medicum ullum adeò indocum reperiri nunc posse, qui palam non intelligat, quantum à vera methodo curativa, illa, quæ ab Hippocrate recensita est, distet, quid enim absurdius, quam quod si alias morbus puta tertiana, aut continua febris, vel quivis alias in quartanam permittetur, & æger prius in aliis morbis purgatus non sit, quod statim per ventrem purgetur quartanam patiens, & post quæ caput purgant, dentur, ac mox iterum venter solvatur. Nempè cum humores, qui præcedentes morbos generunt, jam in halitum, vel per aliam sensibilem vacuationem à natura excreti sint, & solum melancholicus succus quartanam gignens supersit, non video ego, cur statim humor adeò coctioni rebellis per ventrem sit subducendus, & non sit ejusdem expectanda concoctio, quæ in autumno, & quandoque usque ad medium hyemem non perficitur, etiam quid conferat capitis purgatio quartanariis: in quibus origo ab splene fermè semper est, ignoro. Lavare aqua calida, quod idem est, cum descendere in balneum aquæ calidæ: quantum noceat quartanam patientibus, nisi cum in totum humor concoccus est, nullus ignorat, neque carere hoc Galenus oblitus est, cum pri-

primo de Arte curativa ad Glauconem, capite citato sequentia scribat verba: [Et si omnino possent à balneis abstinere, solis contenti frictionibus, quam plurimum ex eo juvamen admitterent.] Medicamentum etiam illud recipiens hyosciam semen, & mandragoram, quod bibere postquam alius subducta est, Hippocrates præcipit, jam quod prodesse valeret, non alio in tempore, quam in eo, in quo usus theriacæ approbatur, putarem ego. Porro in antidota io Nicolai, quod cum libro Mesues, venditur scribitur quodam medicamentum vocatum musa enea, non dissimile huic composito ab Hippocrate in medela quartanarum, nam illud Nicolai etiam hyosciamum, & mandragoram, ut Hippocratis recipit, & alia calida simplicia non dissimilia facultate silphio, & trifollio, ac vino, usus hujus frequens erat cumdam Medico impostori, qui veteres, & recentes quartanas, ac tertianas se medicaturum promittebat, ejusdem deglutione, plurimosque à tribus, aut quatuor accessionibus quartanæ, aut diuturnæ tertianæ, tantum bibita musa illa, liberabat, & numis, quos cum ægris, quibus medebatur pro solutione pepigeris receptis, indistans Oppidum discedebat, neque multos post dies sævier febris invadebat, & deterius eosdem vexabat ægros, qui se illusos esse ab impostore non sine animi dolore frustra cruciabantur, nempè opium, hyosciamum, mandragora, & similia sui immensa frigiditate arterias, & venas adeò constringunt, ut humor plurimus vitiatus, & nedum, coctus qui à corde sejunctus erat, & febrem tunc nondum producebat in cor repere ab illis medicamentis prohibeatur ne occasio febris esse valeat, ut ante assumptio-

nem medicamenti poterat, at cum diu per tres, aut quatuor accessiones prohibitus humor, in cordi venas proximas, & in ipsum cor diffundi, alios humores sibi proximos vitiet, ipseque crassior, & rebellior à medicamentis dictis fit conversus, & vires ægrotantis imbecilliores venenosa qualitate sint veræ, cum majore vi prorrumpens ipse, qui cohibitus erat humor, deterius quam prius cordis sanguinem inficit: ac inde validiores febres fiunt: & non raro in mortem æger impellitur: neque minus indoctus, quam præteritus alius quoque ejusdem Hippocrat. in supradicto loco ordo medendi quartanas eorum, qui prius nullum alium morbum passi sunt, est, ut qui rectam curationis normam infra scribendam legerint, clare intelligent, sed Hippocratis sententias de medela hac taxare desino, ut ad Cornelii Celsi Galeno antiquioris decreta de re hac examinandum deviemus. Et quoniam caput de curatione quartanæ in hoc Authore pendet à capite antecedente de medela tertianæ, necessum est, utrumque transcribere, nonnullis interjectis verbis, quæ Cornelii sententias obscuras planas reddant, ac postea nostram, de febre hac, sententiam in medium ponere. Dicebat ergo Cornelius libro tertio, capite 14.

Cornelii de tertianæ curatione sententia.

Si tertiana verò, quæ ex toto intermittit, aut quartana est mediis diebus, id est, in illis, quam mediant inter priorem, & sequentem accessionem, & ambulationibus uti oportet, aliisque exercitationibus, & unctionibus quidam ex antiquioribus Medicis Cleopphantus

in hoc genere morborum multò ante accessionem caput ægri multa calida aqua perfundebat, deinde vinum dabat, quod quamvis plerique ejus viri præcepta secutus est Asclepiades, rectè tamen præteriit, est enim anceps (id est dubium) præsidium illud, ipse Asclepiades, si tertiana febris est, tertio die post accessionem (hoc est, statim ut accessio secunda finitur) dicit aluum duci, oportere, quinto post horrorem vomitum elicere, deinde post febrem sicuti illi mos erat, adhuc calidis febre dare cibum, & vinum, sexto die in lectulo detineri, sic enim fore idem referebat, ne septimo die febris quarta accedit, id sæpè fieri posse verisimile est. Tuitius tamen est, ut hoc ipso ordine utamur, tria remedia vomitus alui ductionis, vini potus, per triduum, id est, die tertio, & quinto, & septimo tentare, neque vinum nisi post accessionem die septimo bibet. Si verò primis diebus discussus morbus non est, inciditque in vetustatem, quo die febris expectabitur, in lectulo se contineat æger, post febrem perficitur, tūm cibo assumpto bibat aquam, postero die, quo cibo vacat (hoc est non comedit) & ab exercitatione, unctioneque aqua tantum contentus conquiescat, & id quidem optimum est, si verò imbecillitas urget, & post febrem vinum, & non aquam, ut ante præcepi, & medio die (id est, in qua febre caret) Paulum cibi debet assumere: neque sola aqua contentus, ut jussoram esse tenebitur.

Verba Cornelii Celsi, capit. XV. de Curatione quartane.

Eadem in quartana facienda sunt, sed cum hæc tardè admodum finiatur, nisi primis diebus discussa est, diligentius ab initio

præcipiehdum est, quid in ea debeat fieri: igitur si cui cum horrore febris accessit, eaque desit, eodem die, & postero, tertio quoque continere se, servando sequentem ordinem debet, aquam tantummodò calidam primo die post febrem sumere, biduo proximo (hoc est in duodus diebus post primam febrem) quantum fieri potest, ne hanc quidem bibere, si quarto die cum horrore febris revertitur, vomere debet sicut ante præceptum est, deinde post hanc secundam febrem modicum cibum sumere, vini quadram (hoc est uncias tres) bibere, postero, tertioque die, id est, in duobus diebus sequentibus secundam febrem, abstinere: aqua tantummodò calida, si sitis est, assumpta, septimo die (in qua tertia quartana accessura est) balneo frigus prævenire, hoc est, antequam frigus invadat, balneari, abstinere, & continere se debet, & aqua tantummodò calida si siccet, uti, ac tūm ita alio sequenti septimo die, quæ decima tertia morbi dies est, balneo frigus prævenire, si febris post relata duo balnea facta (septima, & decima tertia die) iterum reddierit ducere aluum expediet, ubi ex eo alui ductu corpus conquiererit, in unctione vehementer perficari, eodem modo sumere cibum, & vinum, biduo proximo se à vino, & alimentis abstinere, fricatione servata, decimo (post sextam accessionem) die (quæ vigesima quinta morbi dies est) rursùs balneum experiri: si postea (transata nona quartana) decima febris accessit, æquè perficari, vinum copiosius bibere, ac si proximum est (ut febris auferatur) quies tot dierum, & abstinentia cum cæteris, quæ præcipiuntur, febrem tollent. Si verò nihilominus remanet, aliud ex toto sequendum est curationis ge-

genus: idque agendum, ut quod diu sustinendum est, corpus facile sustineat, quominus (hoc est ut non etiam) curatio probari Eraclidis Tarentini debet, qui primis diebus ducendam aluum, deinde abstinentium usque in septimum diem dixit, quod ut sustinere aliquis posset, tamen etiam febre liberatus vix refactioni valebit, adeo si febris saepius accederit, concidet, id est, morietur: igitur si tertio decimo die (post decimam quartanam, puta quadragesimo à febris initio) morbus remanebit, balneum neque ante febrem, neque post eam tentandum erit, nisi interdum (id est quandoque) jam horrore discusso, horror ipse per eadem, quæ suprà capite duodecimo hujus tertii libri præscripta sunt, expugnandus, deinde post febrem debet ungi, & vehementer perficari, cibum, & validum, & fortiter assumere, vino uti quantum libebit, postero die cum satis quieverit, ambulare, exerceri, ungi, perficari fortiter, cibum accipere sine vino, tertio die abstineri, quo die vero febrem expectabit, ante surgere, & exerceri, dareque operam non oportet, ut in ipsam exercitationem tempus febris incurrit (quin si fieri posset, prius exercitatio facienda) sic enim sèpè illa discutitur: at si in opere (quoniam aliter fieri non potuit) febris occupavit, tūm demum se recipere (hoc est in torum se ducere oportebit) in ejusmodi valetudine medicamenta sunt, oleum, frictio, exercitatio, cibus, vinum, si ventre astrictus est, solvendus est, sed hæc facilè validiores faciunt, si imbecillitas occupavit ægrum pro exercitatione gestatio est, si ne hanc quidem sustinet, adhibenda tamen fractio est, si hæc quoque vehemens onerat, intra quietem, & unctiōnem, & cibum sustinendum est,

dandaque opera est, nequa cruditas in quotidianam id malum veritat, nam quartana neminem jugulat, sed si ex ea facta quotidiana est, in malis æger est, quod tamen nisi culpa, vel ægri, vel curantis nonnunquam fit.

Verba Cornelii capituli decimi sexti de medela duarum quartanarum.

AT si duæ quartanæ sunt, neque hæc quas proposui, exercitationes adhiberi possunt, sed ex toto quiescere opus est, aut si id difficile est, leviter ambulare, considerare post ambulationem, diligenter in volutis pedibus, & capite. Quoties febris accessit, & jam desiit, cibum modicum sumere, & vinum: reliquo tempore, nisi imbecillitas urget, abstinere à vino, aut si duæ febres penè junguntur, post utramque (id est transatis ambabus) cibum sumere, deinde vacuo tempore (hoc est cum febris abest) & moveri aliquid, & post unctionem cibo uti, cum verò vetus quartana raro nisi verè solvatur, utique eo tempore attendendum est, ne quid fiat, quod valetudinem impedit, prodestque in vetere quartana mutare subinde victus genus à vino ad aquam, ab aqua ad vinum, à lenibus cibis ad acres, ab acribus ad lenes transfire, esse radicem (id est, comedere raphanum) deinde vomere, jurevè pulli gallinacei ventrem resolvere, oleum ad frictiones adjicere, calefacientia ante accessionem sorbere, vel aceti cyatos duos (hoc est sextarii partem sextam) vel unum synapis cum tribus Græci vini falsi, vel mixta paribus portionibus, & aqua diluta, piper, castoreum laser, myrrham, per hæc enim, similiaque corpus agitandum est, ut moveatur, ex eo statu, quo detinetur, si febris quievit, hoc est

aufertur, dia meminisse ejus diei, quo infestare solebat convenit, eoque die vitare frigus, calorem, cruditatem, lassitudinem facile enim revertitur, nisi à fano quoque aliquandiu timetur.

Verba Cornelii capituli decimi septimi.

AT si ex quartana quotidiana facta est, cum id vitio cruditatum aliquarum inciderit, per biduum (in quo si simplex quartana foret integer, & sine febre futurus erat) abstinere oportet, frictione uti, aquam tantummodo vespere potui dare (tertio die, quæ quarta est, computatione facta, à quartana immediate præcedente, tertia verò si computetur à biduo antecedente) sèpè fit, ne febris accedat, sed sive febris fuerit, sive non fuerit, cibus post accessionis tempus est dandus (id est, expectare oportet, quod tempus transeat, in quo quartana solita erat, invadere) at si febris manet, per biduum abstinentia quanta maximè imperari corpori potest observanda, fricatione quotidiè utendum est.

Decretum Authoris in Cornelii sententias.

Placuit post ductam ex Hippocrate sententiam de quartanæ medela, hos quos legistis ex Cornelio contextus explicare, tūm ut qui ob nimiam hujus Authoris inscribendo brevitatem, & eleganciam, eundem intelligere non valerent, nostris additionibus possent, tūm ut cunctis hæc nostra commentaria lectoris pateret, quām rudis, & inculta Medica facultas parum ante Galeni tempora fuerit, ac plurimum, quod ipsi, ac cæteris posterioribus, qui eandem plus, &

amplius excollunt, debeatur, ut quoque studiosi viri, & auctiupanda gloriæ cupidi, non satisfecisse putent, cum Platonem, Aristotelem, Galenum, cæterosque veteres Scriptores callent, si corundem lapsus, quorum non pauci passim nos offendunt, annotare (ne indocti tyrones in eosdem impingant) non valuerunt, atque nonnulla veteribus ignota non addiderint, quibus scientiæ, quæ primum humiles, & ignotis parentibus ortæ, obscuræ erant, illustres redierentur, & quæ jam splendorem, acquisiverint, novis inventis amplissimè fiant, & tandem per hominum doctorum manus scientiæ quotidiè auctæ perfec-tum decorem assequantur.

Neque minus considerandum se offert, quantum in hac medicinali facultate indoctis aberrare liceat, ægris, & vulgo imperito Medicorum errata ignorantibus, cum enim yerae methodi curativæ quartanæ infra exarandæ non tantum differant ab iis, quas ex Hippocrate, & Celsῳ retrò duximus, verū omnino illis adversentur: necessum est, antiquos illos Medicos passim jugulare quartanam patientes, ægris ipsis accersire suos carnifices jubentibus, numisque, & donis necem propriam ignaris mercantibus, quod quamvis ita, ut retuli sit, non peculiare huic arti est, inconstantissimam esse, ut falsò Plinius eidem tribuit, cum tam naturalis, & de moribus physica, quām legum, & armorum peritia inconstantiores medicina fuisse, veterum Scriptorum monumenta probant, si enim Licurgi Lacedemoniorum Regis instituta horum temporum Jurisperitis monstrarentur, non solum ipsa vituperarent, verū ab stolido quāpiam facta indubie crederent, quæ enim lex stultior nobis offerri posset, quām unius reipublicæ ægros,

&

& reliquas hominum facultates, pariter in divites, & pauperes, ignavos, & solertes: continentes, & voraces, lege distribui: quam tamen Licurgus, ut Plutarchus in vita ejusdem refert, ut sanctissimam fancivit, suisque Civibus observare compullit, neque minora monstra in Platonis Reipubl. & Aristotelis Politica, qui ea legerit inveniet: certe ab Imperatorum temporibus usque ad hæc nostra sœcula easdem leges toties permutatas, interdictas, & permissas, ut scribere nefas sit: inconstatiorem omnibus scientiis hanc esse dillucidè quoque probat, naturalis etiam facultas, quæm quod de invariabili natura tractet, immobilitas futura erat, in quot sectas, per diversorum temporum curricula sit partita, sectarum nomina Stoicorum, Academicorum Peripateticorum, & aliorum, quæ vix referri possunt, palam ostendunt. Quanto quoque dissideant Macedonum priores falanges acuneis posterioribus Romanorum, & horum in militia ordo, ab ea, quæ post ab humis Uvandalis, Gothis, & aliis Barbaris usitata est, omnes audimus, verum quod multò diligentius nunc, quam ante, hæc pugnandi peritia exculta sit, tormentaria ars parum antequam geniti nos sumus inventa probat: quo non minus, quam præteritis docemur, debelandi scientiam non plus constarem præteritis fuisse, sed hæc mittamus, ut quod scripsimus, puta Cornelii methodis potius interimi, quam curari tertianam, & quartanam patientes ostendamus.

*Improbantur Cornelii de-
tra.* Quod ut sine multis verbis clarè doceamus, id prius supponere expediet, genericas methodos curativas morborum hisce temporibus observatas, quibus falsæ antiquorum sunt explosæ, felicibus eventibus, & firmis rationibus, quæ hic

non scribuntur, esse fulcitas, cum ergo vomitionem fieri præcipere, priusquam à totius corporis vasis humorum copia vena secta, sit extracta, aut per aluum subducta, aduersetur illi generali præcepto medicinæ, quamlibet vacuationem tanto prius alia exercendam, quanto universalior illa sit, & indocti pariter, ac docti fateantur, venæ sectionem, & alui purgationem universaliores vacuationes vomitionibus esse, clarum supereft, mutasse ordinem Asclepiadem primum per aluum expurgans tertianam patientem, & post per vomitum, è contrà faciendo, errorem notissimum esse, neque minorem, tam Asclepiadis, quam Celsi judico, quod statim, ut febris desinit, adhuc febrentis viribus non refectis, ventrem subducere rubeant cum possint subductionem in diem sequentem differre, in qua æger integer, & sui juris est, potensque pharmaci nocimenta corriger, & sufferre, etiam quid indoctius, quam de sanguine mittendo mentionem nullam in hoc capite agere, & remedium adeò generosum, quo solo debitè exercito sèpè à Medicis: febris tertiana auferunt, oblivioni traddere, & solo suo præcepto capitil decimi, libri secundi, in sequentem modum jubente: [Ergo vehemens febris ubi rubet corpus, plenæque venæ tument, sanguinis detractionem requiri.] Tacere, experientibus nobis in lentiis febribus, & ubi corpus pallet, & venæ plenæ non sunt, sanguinis missionem sèpissimè tertianas auferre, non quia multis, sed quoniam vitiatus sanguis in illis fit. Aqua calida lavare caput multò ante accessionem Clephantus præcipiebat, quod clarè adversari videtur Hippocratis aphorismo quadragesimo tertio, septimi libri dicensi: [Si febris non ex bili habeat, mul-

multa aqua calida capiti super infusa, solutio febris fit.] Nam tertianas in plurimum à bili pendere, omnes fatemur. Nempe cui fundamento innitatur Hippocratis, & Cleopanti decretum illud, de lavando capite per aquam calidam in febribus à bili, vel ab alia causa pendentibus, ad ea de quibus agimus non expectat, sat est innure, quod non ut cutis totius corporis à frigore obstructa referetur, neque ad lassitudinem ullam mendendum proficiat, ut Galen. in commento dicebat. Quoniam si id Hippocrates vellet, balneari febrirem, ut sèpè solet, & non capit tantum aquam superinfundere jussisset, nisi protervias, ut Galeni expositionem defendas, balneas temporibus Hippocratis non aliter fieri, quam supra caput aquam calidam in totum corpus descendenter infundendo, quod falsum esse clarus est, quam probari indigeat. Tām quod multi morbi sint, in quibus à claviculis usque ad pedes balneari corpus convenit, capite nequamquam madefacto, quam quod ubi crura, & brachia lassitudinem paterentur, parum prodesset, capiti aquam superinfundere, verosimilium ergo esset Hippocrat. & Cleopphantum opinatos fuisse, universas corporis venas oriti à capite, nisi veritas ipsa, & Galeni sententia, commentario secundo de humana natura non cavisset, & clare probasset, commentatorem illam de venis in loco citato scriptam à quopianam indocto fuisse libro illi de humana natura insertam, sed hæc annotasse inter alia multa, quæ etiam possem, in brevi illo capite de tertianæ medela sufficiet.

Transeamus ergo ad monstrandum non pauciores, neque minorres esse lapsus in quartanæ medela, quam in antecedente, inter innu-

meros enim hic exiguus non est, in die in qua tertia quartana accessura est, jubere quartanam passuro, ut in balneum descendat, materia incocata, & nedum evacuata existente, etiam in decima sexta die à morbi initio corpus pharmaco expurgare, satis, ac methodicum est, cum humor atra biliarius quartanæ nequamquam poscat tam celerem evacuationem, ut post in vera medela ejusdem docebimus, sola aqua quoque calida alere in prioribus tribus diebus febrirem quartana, morbo adeò prolixo, & in quatuor sequentibus unica cibatione cogere ægrum contineri, post etiam in sequentibus aliis septem diebus non solidioribus neque pluribus alimentis ægrum ali, quam in prioribus, non tantum à veris medicinæ methodis præcientibus, quod ubi status morbi serius expectatur, ibi à principio uberiori reficiendum corpus sit, est alienum, verum & suspicione inferens ne forte ante morbi finem deficiat æger, illud Eraclidis Tarentini decretum in hujus morbi medela satis à veritate distat, ut Cornelius inquit. Ut quoque præscribendo convenientem horum vietus rationem dementia Eraclidis dementiam Cornelii excusat, quamquam hic non sine æqua labie alium vituperet, plures annotare ex Cornelii capitibus errores superfluum mihi videor, cum nihil eosdem plus patefaciat, quam capititis sequentis cum præcedentibus collatio, ordiamur ergo veram quartanæ medelam, quæ in sequentem modum habet, exarare: quo etiam si quem Galenus commisit lapsus, facile ostendetur.

CAPUT LVII.

*De vera medela quartana simplicis
intermittentis in methodos curati-
vas per victus rationem, ut aliarum
febrium distincta.*

1. Methodus.

NON multis præceptis hujus febris medela absolvenda, ut aliarum erit, quoniam eti prolixior præcedentibus esse soleat, cum salubrior illis sit, non tot ambages ut curetur poscit, ut cum pharmaca, quibus est medenda scripsero, docebo: certè, ut reor, nullus à quartana moreretur, qui septuagesimum non esset transgressus annum, aut duos assecutus fuisset, si decenti victus ratione maximè in aquæ, aut vini potu, uteretur, quapropter hæc una sit prima, & maxima curativa methodus in die, in qua quartana accessura est, nihil bibere sex horis antequam frigus, aut rigor ægrum corripere solet, neque quatuor postquam febris, sublato jam frigore, incepit, quam maximè quartanariis observare convenit, si enim infelices exitus quartanam patientibus contingunt, frequentissimè indè sunt, quia in induratum splenem, & aquam intercutem incident, cumque ambo hæc mala aquæ potu crescant, & foveantur, vitare eandem, salubre erit, & ea indecentè uti, perniciosum.

2. Methodus.

Nec minor custodia in assumptione alimentorum adhibenda, quam in aquæ potu erit, quod adeò alimenta noceant, ut aqua, sed quod ab eisdem crassis, vel lentis, jecoris, & lienis obstrunctiones formidandæ originem trahant, ut ab aqua, etiam quod in die in qua quartana accessura est, parum minus noceat, alimentum, quod imminentे jam frigore, aut rigore pranditur, quam aqua eodem tempore bibita, salubre ergo erit, si febris in hora pri-

ma, aut secunda, sive tertia post meridiem est accessura, febrentem jejunum, & sine alimento, & potu, & somno, abstinentem per totam illam diem detinere, donec rigor, & frigus pertransiant, & febris statum, aut declinationem sit assecuta, tuncque cortices radicum buglosæ cum saccharo conditas, aut cucurbitam eodem modo confectam tempore veris, & aestatis, ac in autumni prioribus mensibus mandandas febrenti dare, in hyeme autem cortices mali Medici, ut præcedentes confectæ, vel alia bellaria parumper calida exhibere, & post si à siti molestetur æger, non multum aquæ decoctæ bibat, vendens enim adeò est aquæ potus, non solum cum rigore, aut febrire incipit quartanarius, sed cum nedum febrit, ut nihil plus, ablata jam febre, carnem pulli gallinacei decoctam cum folliis borraginis, & nostro communi petroselino in calidis temporibus, aut caponis, seu gallinæ infrigidis mandat, vinumque album tunc bibat, quod si febris serius ventura est, puta in quinta, aut sexta post meridiem hora, & æger tollerare famem, quia senex, aut puer, sive imbecillus est, non posset, sanum consilium est, postquam à lecto surrexit, ventrem exonerare, parumque ambulare, statimque jecur gallinæ, aut pulli gallinacei, seu eorundem pauxillum assūm comedere, & vinum lymphatum bibere, aut si validior æger fuerit, solum florem borraginis, aut cortices buglosæ, aut aliud consimile cum saccharo confectum jantare, & parum vini, ut dixi, bibe-re, & per totam diem sine ullo alio alimento, aut potu, aut somno, febrem sperare, in qua eadem, quæ supra præcepta sunt, observare conveniet, in aliis diebus, in quibus æger non febrit, carnes, & alimen-ta

ta in 4. methodo se lecta comedere, ac cœnare præcipio.

Methodus.

Cum non omne vini genus, neque aqua quævis quartanam patienti conveniat, necessarium est, quæ ex vinis utiliora sunt, atque si aqua decocta semper sit bibenda, quæ salubrior sit exprimere, neque non herbas, quibus est aqua coquenda monstrare, de vinis ergo est nostra sententia, quod nigra, & rubra, quia crassioris consistentiæ, quam alba sunt, minimè his convenient, neque omnia alba, illa enim, quæ dulcia sunt, & obstructiones gigant, ac pontica, & nova minimè convenire illis existimo, quapropter ex vinis nostratisbus puta Methy wholeibus, nullum primi anni bibere consulo, quoniam illi, qui asservari ultra annos duos non valent immaturi sunt, & cum in primo anno hi bibuntur quartanariis nocent, reliqui usque in finem duorum annorum, aut anni unius, & dimidii incoeti permanent, neque generosa vina sex, aut septem annorum utilia in initio quartanæ sunt, secus in fine, hujus sententiæ Galenus de medela quartanæ, primo de Arte curativa ad Glauconem fuit, quem Paulus, & Aëtius, cæterique Græci sunt sequuti, aquam crudam neque interdicunt, neque permittunt Græci Medici, fortassisque cum dicunt: [Vino utendum est paucō, albo, & tenui, ac moderatè calido.] Intelligere volunt, tantum vinum album aqua cruda lymphatum esse tamdiu bibendum, quamdiu quartana perduraverit, sive per menses sex, aut per annum duret, & ideo moderatè calidum per aquæ, scilicet, commisionem laudaverint, quod autem observare in aquæ potu convenit, id est, nunquam crudam aquam quartanarios, si possibile fuerit, tam in diebus intermissionis, quam in diebus

in quibus febit, bibat, sed decoctam cum semine, aut herba, aut arboris foliis, aut cortice vim moderatè calefaciendi, & aperiendi habente, neque in hunc usum utilior aqua eligenda erit, si hæc ingratiæ ægro fuerit, sed maximè grata procuranda, cum enim morbus hic adeò prolixus esse soleat, ut annos duos quandoque transgrediat, à principio maximè custodire virium robur conveniet, ne viribus dejectis æger subcumbat, & cum ingratus aquæ potus appetitum ciborum sèpè tollat, hic quam maximè vitandus, præsertim in primis duobus mensibus à quartanæ initio, in quibus fastidium ingens adeò molestare quosdam quartanarios solet, ut à lectis præ imbecillitate surgere non permittat: sunt ergo semina pro decoquenda aqua utilia anesi, fœniculi, apii, & asparagi, urticæ, herbæ asplenium, quam scolopendrion vocant, hyssopum, adiatum, quam capillum venoris juniores dicunt, agrimonie, neque in hunc usum utilem esse myricam, seu tamaricem puto, quod ea immodica adstrictioria vi polleat (ut ex facultatibus ejusdem scriptis à Dioscoride, libro primo, capite quadragesimo nono facile elicitur) quæ in totum contraria est scopo curationis morbi hujus, puta restringi quæcumque obstructa sunt, decipiuntur ergo Medici, cum myrica in quartanæ medela utuntur: quia in citato capite Dioscorides de eadem dixerit: [Lienem absunt.] Non considerantes, quod quæ astrictoriam vim habent, ut aqua calibeata, & tamarix non aliter splenicis prosunt, quam lienem adeò constringendo, postquam à totius corporis vasis crafsi, & lenti humores sunt excreti, ut quidquid in eo contentum est, extrahant, ceu qui aquam à madida spongia, quæ non

non dissimilis spleni est eamdem comprimendo elicit, modo ut relata utilia sunt his, qui tantum in liene melancholicum succum habent, sic noxia erunt illis, qui in totius corporis vasis, ut dixi, illum continent, nam adstringando venarum, & cutis oscula, rebellem eductioni eundem reddunt, toto ergo tempore, quo febris quartana perdurat, usus hujus arboris vitandus est, quoniam in venis melancholi contineri, certi sumus, post verò ejusdem ablationem, si splen inflatum manserit, decocta illius, & aqua, ferrata uti, nisi quid aliud obstat, licebit: cæterum cortices radicis buglosi, quæ expurgandi melancholicum succum vim habent, ut ex 112. capite, libri tertii Dioscoridis ellicitur, tam quòd scribat: [Ajunt eam, quæ tres thyrlos emitit, cum semine, & radice tritam, potamque, contra tertianos horrores prodesse, quæ quartuor ad quartanos.] Tùm quòd in fine capituli prædicti adjungat: [Quod in vinum dejectum animi voluptates auget.] Utiles sunt, ut ex aqua decoquatur, cynamomum etiam utiliter aquæ infunditur, maximè ubi ventriculus quartanarii plurimum laxus est, glycyrrhiza etiam est utilis: ex his ergo omnibus, & aliis ejusdem facultatis eligenda ea sunt, quæ ægro plus grata sint, & aqua his decocta bibenda, aut si nullum ex prædictis tollerare febrentis gustus valet, aquam tantummodo coctam bibat, ejusque quam minus possit.

Mesbodus. Ex alimentis utiliora sunt, quæ calidam, & humidam temperiem habent, dummodo concoqui habita sint, & tenuem gignant sanguinem, quapropter vitanda erunt omnia frigida, & sicca edulia etiam porcinæ carnes, quoniam crassum sanguinem gignunt, ut Galenus in

Tom. II.

medela quartanæ, primo de Arte curativa ad Glauconem præcipiebat. Verum si ciborum appetitus adeò adjectus est, ut parum comedere æger valeat, ut in primis mensibus hujus morbi contingere, ut dixi solet, permettere ægro ut paullum ex carne porcina salita, aut recentè mactata comedat, utile esse judico: hanc enim sæpiissimè concessi his febrentibus, & feliciter cessit, nam illi, qui comedere relatas carnes cupiunt, simul aliorum laudabilium alimentorum aliquid conjunctum cum porcina carne devorant, quo dejectæ vires furentur, tandem carnes gallinarum, & pullorum earundem, ac juvenum perdicum, & fasianorum, & omnium montanarum parvarum avium, utiles sunt, & ovorum earundem lutea, noxia autem avium in paludibus degentium caro, ut arietum anniculorum, & vitulorum proficia, ex piscibus solos Galenus permittebat, concoqui faciles, molles carnes, & nihil tenax habentes, quales sunt parvi in fluminibus degentes, præsertim qui ab Hispanis bermejuelas nominantur, etiam turtures pisces, non genus illud pisces marini, turtur, & pastinaca vocatum, quod in cauda venenum præsentissimum habere, inquietunt, sed quod nos, truchas, fermone vernaculo vocamus, murenæ in fluminibus piscate (lampreas Hispanum vulgus nominat) carnem mollem habent, quæ in aliquorum ventribus non difficulter coquitur, cum ergo comedere has quartanarii, qui ab aliis alimentis abhorrent, appetunt, ego id non veto, dummodo pluries non faciant, neque nisi parum ex eis cum nuce muscata, & pipere in vino, vel cum pane in artocreate decoctas comedant, quo dejectus appetitus resurgat, ex fructibus appensæ uvæ, &

Aaa

etiam

etiam non appensæ utiles sunt, ficus quoque, & cerasa matura, & dulcia, nuces juglandes, & avelanæ, persica, & mala punica dulcia, poma quoque odorifera (camuelas nostri vocant) permittuntur: dummodò non immodica eorum quantitas sumatur: non enim adeo vereor ego Galenum loco citato sequitus usum horum recentium fructuum in quartanam patientibus, ut in aliis febribus, quoniam atrabiliiarius humor siccus, & frigidus cum sit, neque humiditate horum crescit, neque proprio calore fructus fervere, & in succi vitiati naturam verti, facit. Ut in biliosis, & sanguineis febribus contingit. Nempe aberrant Scriptores Medici, qui febrientes fastiditos fructus relatos comedere prohibent, quorum usu ciborum appetentia dejecta sæpiissimè resurgit, certè malum cotonœum, omphacium, sorba, glandes, castaneas, lentes, rizum, & alia succum, crassum, ac flatulentum, & astrictoram vim habentem vitare salubre est, quapropter pira astringentia qualia sunt, quæ hispaniæ verdeñales vocant, inutilia etiam judicantur, tandem quartanariis concedemus ex fructibus eos, quos dulcem saporem nulli ponticitati commistum habere sensetimus, cynamomum quoque, & piper, sinapi, & allium, & alia quæ immodicè calfaciunt, in quartanæ initio ego non concederem, & si Galenus permisit, quoniam vereor, ne incocta materia his adeò calidis alimentis, durior, ac siccior, tenuibus ejus partibus resolutis, reddatur: paululum ex relatis, quod parum calefaciet, sumere non veto, plurimum autem, aut sæpè ob redditam rationem prohibeo.

5. Methodus.

Excernendi quotidiè aluum, cura ingens habenda est, quæ sicubus,

& caricis, ac conditis capparis, & decoctis borraginis follis, est procuranda, damascena pruna in fine autumni, aut hyeme vitanda, tam quod ventriculo nocua sunt, ut Mesues inquit, quam quod bilem flavam purgant, quod incedere in hac febre existimo, quoniam calidabili extracta corpus frigidius manens facilis ab atrabilario succo vincitur, si tamen usu reliquorum venter exonerati nequeat, glandibus, & clisteriis utendum, quamquam in his prolixis morbis usum relatorum quoad possum, vitare soleo, ne venter affluescat, his deficientibus detineti.

6. Methodus.

- Matutinus somnus per quam utilis quartanariis est, & quod somnus humectet, velut vigilia siccet, & quod coctionem adjuvet, qua in alimentis, & vitiatis, ac crudis succis est maximè expetenda, post meridiem autem minimè prodesse solet, nisi in his, qui in illa hora dormire consueverunt, in utrisque tamen nocet somnus tribus horis priusquam frigus, aut rigor invaserat ægrum sunt, ac nisi postquam febris inclinari incepit, dormire permittendus febriens non est, si imbecillus non fuerit, hic enim etiam in statu febris dormire valet.

7. Methodus.

Locus in quo febriens recumbit, fenestras austrum conspicientes habeat, neque super solidam terram ejusdem torus assideat, neque solo testo tegulas sustinente operiatur, sed trielinum, in quo quartanarius recubuerit. Contignationem ex lignis fabricatam à solo per mediocrem distantiam elevatam, cui lectum insideat, & consimilem, qua tegatur, habeat, at super ultraisque rectum tegulas sublinens stet, hoc trielinorum genus Hispani entre-suelos vocamus, fugiendusque boreas, & fenestræ boream aspicientes claudendæ, immundus, & crassus

sus aër vitandus, ut qui obstruc-
tiones gignere est paratus, quæ maxi-
mè in morbo isto verentur.

8. Methodus.

Nullum febris genus adeò pos-
cit febrentem moveri, ut quartan-
a, tūm quòd duos intermissionis
dies habeat, in quibus valet quartanarius amissas in die febris vires
restituere, & consueta munia exer-
cere, tūm etiam quòd melancholi-
cus succus calore motus moderati
concoquitur, & eductioni paratur,
etiam quòd securiores ab hydrope,
quam veremur, qui exercentur sunt,
quàm qui quiescent.

9. Methodus.

Tristitiam, & assiduam medita-
tionem causam esse, ut melancolia in corpore redundant, clarus est,
quàm probari egeat, vulgus enim
Hispanorum rude tristes melancolicos nominat, mœrem ergo, &
plurimum meditari, fugere oportebit, ut redire, lètumque ægrum
esse, quovis modo procurandum,
à venere etiam abstinere, quàm
maximè his conveniet, solo enim
immodico ejusdem usu solent ju-
venes in quartanam, ut suprà dixi,
incidere, hæc de victus ratione di-
xisse sufficit, & ad medica pharma-
ca accedentes curationem in me-
thodos partiamur.

CAPUT LVIII.

*De methodis observandis cum quarta-
næ pharmacis, aut vene sectione
medemur.*

1. Methodus.

HÆC quæ in exordio medela-
nitur adeò mente tenenda ab om-
nibus Medicis, ut nullam in medi-
catione potiorem esse credant, nem-
pè cum morbi hujus materia, quæ
occasio febris est, valdè crassa, fri-
gidaque sit similis naturæ terræ, qui
sapit Medicus, non ante evacuare
pharmaco eandem, tentare debet,
quàm ejusdem potiorem partem

Tom. II.

coctam esse sciat, atque cum nun-
quam in æstatis fine, aut autumno,
sive hyemis principio (quibus tem-
poribus priores incipiunt quartanæ)
melancholicus succus perfectè con-
coqui, valeat, indè sequitur non
ante hyemis finem, aut saltim me-
diā hyemē quartanarium pur-
gandum, priusquām vacuationem
tentare perniciosum valdè esse, ne-
que hujus methodi veritas aliter
roborari, quām innumeris eventi-
bus, quibus infeliciter cessisse illis,
qui oppositum exercuerunt, potest,
certè si rationibus inniti quis pro-
curet, & sufficienter se rationem
colligere putet, cum dixerit, senex
imbecillus quartanam patiens po-
test in fine hyemis, aut veris initio
melancholiā, quæ occasio febris
est, concoquere, ex à me assertis,
ergo juvenis robustus duples vires
habens, poterit in duplo minore
tempore eandem etiam coquere, &
qui triplices in triplo, & sic proce-
dendo in eadem hebdomada, in
qua quartana incipit, extirpare ip-
sam melancholiā pharmaco edu-
cendo, Medicus posset, hic nempè
palam decipietur, quòd credit me-
lancholiæ coctionem à solis robu-
stioribus viribus celeriorem fieri,
tempori nihil tribuendo, cum ta-
men res multò aliter habeat, non
enim quantumvis validæ vires quar-
tanarii juvenis possunt melancoliā
incipientem primam prorita-
re quartanam ante translatum uni-
versum autumnum coquere, sed
siccitas, & frigiditas autumni plus
coctioni resistant, quàm vires val-
idæ prosint: certè si ratio adversi
adulta ullius valoris esset, eadem
probaretur: posse triticum in au-
tumnī initio seminatum in fine Oc-
tobris creuisse, & germinasse, ac
semen perfectum genuisse: collec-
tionis paritas patet, quia etiam di-
cerem ego, si in agro parum pingui,

Aaa 2

pa-

parumque sterco rato, raro irragato, quotannisque fructum redente, triticum autumno seminatum solet in æstate, sequenti perfectè adolescentis, & semen maturum, ac sponte defluens procreasse: ergo in agro pinguissimo, sufficienterque arato, & sterco rato, quod in innumeris retrò annis feriatum, & vacans à germinando permanit: poterit in Octobris fine fructum perfectum reddere, quod tamen non efficit: cum nunquam id accidere experiamur, ergo ut huic secundæ collectioni respondebimus, magis obesse autumni, & hyemis intemperiem ad tritici in autumno, aut hyeme, vel veris principio germinationem, quam quæ relata sunt ad ejusdem celerem adolescentiam: eodem modo dicemus de melancholia incocta durante in autumno, & hyeme.

2. Methodus.

Neque pariter de sanguine mittendo, ut de ventre exolvendo præceptum præscribendum est, licet enim in juvēne, aut parum sene validas vires habente, & rubram urinam, aut rubram, & spisam excernente, sanguinem ante decimam quartanam educere, in quo alii expurgatio per pharmacum noxia satis, ut diximus esset, neque hujus differentiæ causa obscura est, cum enim sanguis natura humidior cæteris nostri corporis succis sit, ut aër cui sanguis similis existit inter elementa est humidissimus: autumnus, & æstatis finis, quibus temporibus quartanæ primum incipiunt, non adeò rebellem nativa siccitate ipsum melancholicum sanguinem efficere valent, ut alias melancholiæ species ab uestis humoribus originem trahentes, indeque contingit: posse à natura fecem sanguinis vinci, & in mediocrem consistentiam duci, ut per venæ sectionem extrahi sit habilis, & quod aliarum specierum melancholiæ eductioni

per ventrem, aut per sectam venam in toto autumno, & hyemis initio resistant, donec media hyems, aut ver accedit: has duas methodos Galenus, primo de Arte curativa ad Glauconem innuit, quamquam non adeò expressè ut nos, sequutique Galenum, Paulus, & Aëtius sunt. Verba Galeni in citato loco sequentia sunt: [Deinceps de quartanis dicemus, quas etiam ab initio mediocriter, ac leviter tractare oportet nullum fortè medicamen, aut evacuationem exhibentes, nisi fortè sanguis vehementer superabundans appareat, & si vena incisa, is qui fluit, niger videatur, ac crassus (præcipue verò in his, qui liene laborant hujusmodi visitur) audatius mittendus est, quod si flavus, aut tenuis apparuerit, statim supprimendus, venam verò seccare oportet, vel interiorem, aut eam, quæ est in sinistro cubito medianam.] In quibus nihil aliud occultè dixit, quam quod nos in antecedentibus methodis expressè, ex qua quoque assertione Galeni alius respondendi modus ellici potest, quo absolvere dubium illud, cur alii expurgationem nocere in quartanæ initio, & venæ sectionem proficere experiamur. Puta quod sanguinem mittamus, non quia occasio febris sit, & febris causa conjuncta vocetur, sed quoniam paratum in melancholiam converti suspicemur, quem antecedentem causam, qui Arabes explicant, vocant, promptitudinemque relatam per inditia crasicei, & ingredini sanguinis ostendi fatemur, & alias melancholias per aluum non extrahamus, quia ut diximus, ille causa conjuncta febris sint, & eductioni ante veris initium, aut parum prius resistant, quoniam nondum maturæ sint, quo etiam sufficienter respondebimus cuidam objectioni, quam adversus opponere no-

nobis valeret, scilicet, frustra præceptum esse sanguinem mitti in initio quartanæ: si ex assertis à me ipso, nunquam quartana in principio mederi valeat, nam nos dicere possemus, non mitti sanguinem quartanarii, ut in totum medeatur ipse, sed ne quartana à sanguine in melancholiā converso gravior facta, diuturnior quam foret, fiat, vel quod nos non diximus, quartanas illas ver attingere, quæ ex sanguine in melancholiā converso gignuntur, sed omnes alias, quamquam si quod expertus sum: vere fatear, nunquam ullum quartanarium ex his à quibus missus est sanguis, in initio quartanæ sanum vidi, potius quam alios, audivi tamen quosdam: qui olim quartanam passi non fuerant; sanguine misso: liberatos à quartana in initio Octobris fuisse, aliosque alio in tempore.

*Respondetur
cuidam dubio.*

Respondere quoque alteri dubio: ut nullus lectori scrupulus maneat, tenemur, illud est, verosimile non esse, si medela, quam de quartana Cornelius Celsus scripsit, ventrem in quartanæ initio vacuando: & vomitum proritando, aliquando felicitè non cessisset, ab eodem fuisse exaratam, si enim semper experiretur Cornelius per illam mendicationem nullum quartanarium ante medium hyemem, aut initium veris sanari, inconsultè egisset: eandem nobis observare: jubendo, sed huic dubio responde rem ego verum esse: indoctè à Cornelio jussum illum curationis ordinem à nobis improbatum: cum nocere sappissime soleat: & prodesse nunquam, si quando enim Cornelio, aut ejusdem dogma æmulanti contigit: quartanarium in initio febri sanari, non ei qui nunquam olim quartanam passus fuerat; accidisse suspicor, sed illi, qui aliquibus retro transatis annis, quartana labo-

raverit: & sanus factus est, ac post duos, vel tres, aut plures annos: iterum eadem febre fuit correptus, in quibus superius prædicti, etiam quartanam sine Medici præsidio ante duodecimam quartanam finiendam. Tribuet nempè indoctus Cornelii sectator: atque idem Cornelius medicationi suæ quartanæ ablationem (quia præsagium illud de brevitate redeuntium quartanarum ignoraret) cum naturæ morbi illud tributurus erat. Porrò ex assertis à Cornelio verum hoc esse elici facile potest, inquit enim in primis verbis capitinis de medela quartanæ: [Eadem in quartana facienda sunt: sed cum hæc tardè admodum finiantur: nisi primis diebus discussa est: diligentius ab initio præcipiendum est: quid in ea debet fieri.] Ubi jam fatetur: hanc febrem tardè admodum, vel in principio: puta ante decimam tertiam quartanam finiri: ac infra cum modum curationis in initio quartanæ exercendum scripsit: non ultra vigesimum octavum diem, in qua decima quartana invadit, transire sic medendo præcipit: ut ex scriptis à nobis retrò in Cornelii curatione quartanæ patet, quasi aliquando expertus esset: quartanas quæ olim molestarunt: in septima, aut decima quartana finiri; ideò id præceperit, desperans deinceps quartanis mederi posse, quoniam nullas relatum terminum transgredientes ante medium hyemem, aut ver ablatas esse viderit, cum de primum incipientibus tales forent, & non de his, quas diximus jam diu accidisse, frequens nempè eventus de quartanis post ablacionem redeuntibus ignotus Cornelio fuit, si enim scivisset expressisset, & mederi quartanis illis despiceret: quod sciret, sine ope Medici auferrandas.

Valetium quoque de Taranta,
qui

qui alio nomine Phylonium nominatur, in eundem errorem incidisse suspicor, cum seipsum curatum fuisse à quartana in initio autumni refert, nam id credo sibi accidisse, quia olim quartanam passus fuerit.

3. Methodus.

Non tantum interdicitur in principio quartanæ usus fortium pharmacorum vim expurgandi melancholiæ habentium, verum & debilium, quæ vacuando bilem, ventrem exolvant, solent enim non nulli Medici pillulas rasis, ex aloë, & myrrha, ac croco confectas in intermissionis diebus quartanariis exhibere, & ipsos in vita discri men per frequentem earundem usum ponere, quoniam in coctam melancholiæ movent, & bonis succis commiscent, etiam quia bilem educant, qua melancholiæ frigiditas reprimebatur, deinceps ergo has vitare ob incommoda, quæ ad harum usum sequi solent consulo.

4. Methodus.

Quamvis Galenus, & Paulus neque non Aëtius curationem quartanæ non distingant in quatuor mendendi formas, prout quatuor melancholiæ species esse dicuntur, quedam quæ fex sanguinis vocatur, reliquæ ab aliis tribus humoribus uestis pendentes, verumtamen est, hanc differentiam in totum contemnendam non esse.

5. Methodus.

Galenus, & Paulus, ac Aëtius, & cæteri Medici curationem hujus febris pharmacis vim purgandi melancholiæ habentibus facere cum atrabiliariū humor concoctus est, præcipiunt, at quoniam indocti Medici credunt, satis per urinarum sedimenta coctionem atrabiliarii humoris cognosci, quod incertum est, ideo fidem urinis quartanarii in relata cognitione per hanc methodum abrogare consulimus, & solum valentibus medicamentis melancholiæ purgare eo tempore,

quo prima methodus jussit, utile censemus. Porrò etsi tyrones Medici, visis urinis, sedimenta albæ tenuia æqualia in morbi initio habentibus, decipi queant, suspicantes ab universa melancholia concocta portionem illam, quæ infundo vasis urinarii sedet, abscissam esse, qui jam diu est, quod rem medicam tractaverit, facile calleb, sedimentum illud haud à propria morbi materia oriri, sed ab alia quapiam communis, aut si à melancholiæ sola oriatur, exiguum melancholiæ esse concoctum, à quo sedimentum visum excerptum est, reliquumque incoctum permanere, neque hujus febris status, atque inclinatio facilis, quam urinarum coctio cognoscitur, cum sæpè declinare has febres, & minoris durationis, atque mitiorum symptomatum fieri experiamur, & post paucos dies sæviores præteritis alias succedere conspiciamus, quia hominis febrentis natura defessa à magnis, & velocibus cordis, & arteriarum systolis, ac diastolis, quæ causa ingentium febrium sunt, quiescat, & mitiores febres efficiat, cor non adeò velociter, & frequenter, ut ante movendo, & iterum, post restitutas vires febres validiores, quam prius faciat, totiesque relatae varietates contingant, ut quantumvis exercitatus Medicus, per pensa tantum febrium harum magnitudine, certum statum morbi totius minimè cognoscere possit, nisi temporis computationem his adjungat.

Priusquam melancholiæ purgatio valentibus pharmacis à Medicis tentetur, utilissimum esse experimur omnibus quartanariis præcipere, ut cum rigor, & frigus invadunt, vomere procurent, quod si difficulter exerceant, aut quoniam ventriculus vacuus ab alimentis, eo die

6. Methodus.

die (nostris præceptis obtemperando) existens, vomere nequeat, sive quod febriens à natura difficultè vomat, in intermissionis diebus, in quibus largius comedere quartanariis permittimus vomitum tentare post varios cibos sumptos utile esse existimamus, idque sàpè agere consulumus, donec os ventriculi vomere sine molestia assuefcat, ut in hora rigoris efficere idem possit, quo frigora, & rigores, quæ febrem antecedunt, & febris ipsa semper imminuuntur, & non raro in totum tolluntur, neque hunc eleboro, & fortibus medicinis bibitis procurare consulo: sed unctosis, ac oleaginosis, & diversis cibis devoratis efficere præcipio.

Methodus.

Quamvis aliquibus bibentibus, cum rigent aliquod ex pharmacis compositis ad frigus, & rigorem quartanæ propellendum feliciter, his bibitis, nonnunquam cedat, securius existimo, has potionem dimittere, quæ jam quod nullum aliud damnum inferant, appetitum comedendi auferendo, in morbo adeò prolixo non paucum nocent, & dorsi spinam oleis actu, & facultate calidis, qualia sunt anetinum, & irinum, ac cyprinum, sive sicyonium, vel mastichinum in ungendo, à quartanæ rigore ægrum liberare, minimèque securum esse existimo, quod Aëtius in hunc modum præcepit, dicens: [At verò morbo in vigore constituto, apparente manifestissima concoctione, nullo visceri læso, assuetis tempore sanitatis, etiam aquam frigidam exhibunduarum heminarum mensura, instantiè jam prope invasione, & reverà à multis rigorem prohibui.] Quoniam quantumvis coctus sit atrabiliarius humor, potu aquæ frigidæ adeò insipisci cum crassus ipse sit, posset: ut obstructio, quæ non non erat, fiat.

In tertia methodo præcepimus non contemnendam esse differrentiam melancholiarum, à quibus febres quartanæ pendent, ut rectius medela febris pendentis ab atrabiliario succo perficiatur. Hic ergo, qui jam coctionem hujus humoris procurare, media hyeme transfata. Puta in fine Januarii mensis jubemus: syrups concoctrices diversos conficere in diversis melancholiæ speciebus consulimus, & ad coquendum melancholiam ex usta pituita (si qua in nostro corpore est: nam hanc jam Manardus Medicus satis doctus, libro 9. epistola secunda fieri posse negavit) convenire existimamus oximelitem, & syrum, 2. vel quinque radicum ex sacharo, vel ex melle, & acetо confeatum, si parum crassior humor sit cum aqua sublimata à foeniculo, aut à radicibus petroselini, & irangi, & apii, ac ex decocto aliarum consimilium aperientium, & inscindentium medicinarum, cum autem melancholia naturalis, quæ sex sanguinis est, in causa fuerit, syrupo borraginis, & fumariæ, & aqua fumariæ humorem concoquemus, bilemque ustam solo borraginis syrupo, & aqua ex boragine sublimata expulsioni paravimus: neque ab usto sanguine melancholiam, alio quam prædicto syrupo coquemus: cumque relatis syrups sufficienter, quod cupimus, assecuti fuerimus. Alios componere, ut aliquid novum fecisse Medicus dicatur, in causam videtur: præsertim quod valentiores syrapi adeò ingrati saporis esse solent, ut nullus sit, qui eosdem bibere possit.

Vacuationem post relatios syrups sumptos molliri pharmacis melancholiam educere valentibus, necessum esse reor, inter quæ elleborum nigrum potiorem multi antiquorum, & juniorum Medicorum esse

Methodus.

esse affirmant: at ego nequaquam hoc solo neque eodem raphano in dicto utor: quoniam violentius multis aliis, quibus uti possum pharmacis elleborum judico, etiam quia vomitionem id facilitè proriter: quo alius expurgari sèpissimè prohibetur: eademque ratione ab usu lapidis lazuli, & armeni ægros coerco, utorque epithimo, & polippadio, & sene, ac agarico, neque oblivioni myrobalanos indos tradō, quos cum scamonio semper adjungo: tam ut his ventriculus roboretur: & exolvendi aluum scammonii immodica vis reprimatur, quam ut myrobalanorum astrictoria facultas scamonio coercedatur, serum ex caprino lacte extractum ad eundem usum utile est, & inter medicamenta composita confectione medicaminis amech, qua ego frequentè utor, valde proficua est, utiliorem tamen ipsam esse reor: quæ myrobalanorum eandem componentium subduplicem portionem, quam ut nunc sit, admitteret, quoniam frequentissimè quartanarii obstructiones splenis patiuntur, quibus ingens myrobalanorum quantitas nocet: ergo Medicus pharmacopœiæ præcipere debet, ut communem disreptionem relatæ confectionis, quæ in Antidotario Mesues reperitur, componat: & etiam pro patientibus obstructiones aliam, à qua dimidium myrobalanorum pondus auferat conficiat, ut cum ipse jusserit, confectionem medicaminis amech dari illam Mesues pharmacopola exhibeat: cum autem scripserit confectionem medicaminis subduplicem ex myrobalanis suscipiens hæc nostra intelligatur.

Postquam iis, quæ diximus, prout sibi videatur, Medicus usus fuerit, si febris adeò valida, ut ante aluum solutam manferit, ventrem iterum

statim purgare, nequaquam decernere debet: sed per mensis spatium feriatus ab usu medicamentorum æger maneat, atque eo in tempore non oscitanter considerare oportet, an sanguis mittendus an necne sit, quod si febriens juvenis, aut in priore senectute constitutus fuerit, & obstructionem in liene, aut jecore, vel utroque viscere patiatur: viresque validas habuerit in fine Martii, in quo mense vernalē Æquinoctium accedit, aut parum post Aprilis initium sanguinis missione Medicus exerceat, maximè si urinam rubram quartanarius habuerit, & hydrops nulla jam febriente occupare inceperit, neque ab hoc veto, sanguinem mittere ab illis, qui malo corporis habitu (cachexiam Medici vocant) laborant, dummodò sanguinem dominari aliis humoribus Medici intelligent, scio ex Arabibus Medicis Principem id facere sen 14. tertii metuisse, quod mihi observanti infeliciter cessit, quapropter lectores moneo: ut cum signa præfacta adfuerint: sanguinem extrahere non timeant.

Post hanc venæ sectionem, utile esse existimo, statim syrups ex rebus aperiendi obstructions, attenuandique humores vim habentibus bibendos ægro dare: ac postea pharmacis in nona methodo scriptis ventrem solvere, ut vitiati succi, qui sanguinis missione commoti sunt, pharmaco educantur, quo solet quartana febris in fine Aprilis, aut Maji initio pausare.

Verum si neque iis febris auferatur, aut tantum imminuitur, ut verisimili conjectura credi possit, ipsam sine ullis aliis medicamentis auferendam, non iterum pharmacis aluum purgantibus curationem exercebis, nam meritò tunc suspicatur Medicus, ob crassitatem, & len-

torem humoris incocti febrem perdurare, quem si pertinaciter vacuare tentaremus, magis crudum, subtili extracto, efficeremus, si quid ergo convenire sine noxa existimamus, lienem, & jecur unguentis referantis obstructa inungere, linneoque lotio ægrotantis madido super lienem ponere erit, & parum ante æstatis initium, si adhuc febrem vigere noverimus tertio pharmaco aluum subducere, quòd si neque proficiat, per totam æstatem quiescere consulo, solisque relatis in unctionibus uti post primi pharmaci assumptionem usque in initium autumni præcipio, solet enim non lacesita medicamentis natura vincere morbos, à quibus sèpius proritata succumbit.

13. Methodus.

Certè quòd sciam, nullus hæc, quæ scripta sunt, observando ante annum sanus non evasit: at quia impossibile non est, ultra febrem durare, quod potius indecenti vicitus rationi ægrotantis, quàm morbi naturæ tribuere conveniet, methodo unica harum prolixarum febrium curationem absolvo, ea est non nisi bis in autumno semel, & vere iterùm, quartanarii hi purgandi erunt, reliquo tempore sola convenienti vicitus ratione degere debent, & consueta munia efficere permittendi sunt.

14. Methodus.

Neque oblivioni traddo theriacæ usum post coctam materiam, sed hanc non tanti valoris esse, ut Galenus credidit, existimo, neque immoritò, quòd sciam medicamenta hæc opium succipientia raro in his febribus prodesse, quod etsi per aliquot dies febribus his sumptis cesset, post majore cum vi reddire soleat, eventus enim, quem refert Galenus in libello de Præfagatione ad posthumum eudemo contigisse, de quo suprà meminimus, non theriacæ tribuo, sed naturæ quartanæ,

Tom. II.

quæ sponte sua sèpè media hyeme, ut dixi, auferri solet. Porro morbus hic, cum à crasso humore pendeat, nequaquam adeò aptus est, per sudorem, quem theriaca concitat, vacuari, ut per ventrem, aut vomitum.

Frequentissimè bajulis, & agricolis, ac aliis hominibus quartanam patientibus, immodicisque laboribus vexatis contingit, in fine hyemis, rut veris initio, pleuritide vexari, à qua si liberantur, non tantum fani à pleuritide evadunt, verùm & à quartana securi fiunt, hos ergo sanguinem mittendo curare auspicor, quem per quam vitiatum semper extrahi video, neque si valdè corruptus sit, ultra quàm tèr, vel quatèr venam secare jubeo, quòd virium imbecillitatem per morbi diuturnitatem timeo, hoc ergo Medicus agere non contemnat: nàm ex hujus methodi contemptu non pauca vitæ pericula contingere solent.

Scio à diversis Authoribus diversa remedia quartanam proprietate pellentia scribi, ut à Dioscoride cimices lecti, hypericon, heliotropion, pentaphilon, araneus, bugloson, & multa alia, à Plinio foeniculi, & anisi semilis, quod tribus digitis capi potest in aceto, & mellis cyatho uno. Tlepolemi auctoritate laudatur: anemona quoque, & glycirrhiza, quin cap. 14. lib. 22. hæc Plinius scribit: [Autumnalis urticæ radicæ alligata in tertianis ita, ut ægri nuncupentur, cum eruitur ea radix, & dicatur, quæ, & cui, & quorum filio existatur, liberari morbo tradiderunt, hoc idem contra quartanas pollere.] Idem quoque lib. 25. cap. 8. de Cynogloso dixit: [Ajuntque, quæ tres thyrifos feminis emittat, ejus radicem potam ex aqua ad tertianas prodesse, quæ quatuor ad quar-

15. Methodus.

Bbb

ta-

tanæ.] Verum etsi hæc, & plura alia hujus fortis præsidia à Medicis herbariis referantur, ego nullam fidem illis adhibeo, suspicor enim, vel ab impostoribus ullis hæc ficta esse, ut ab innocentibus ægris numeros expinquentur, vel aliquibus fortè fortuna ullis ex his medicamentis utentibus contigisse febres tunc auferri, quæ etiam sine ipsis auferendæ forent, indeque existimasse vi herbæ febrem ablattam esse, non animadvertisentes, non nisi ex pluribus consimilibus actibus certa experimenta evadere.

17. *Methodus.*

Neque puto ego vanam esse missionem sanguinis factam à manu sinistra ex vena inter anularem, & magnum digitum sita parum ante horam, in qua speratur accessio quartanæ, cum non defuerit Author Valefcius de Taranta, scilicet, qui plurimos à se curatos hoc præsidio viderit, id enim non occulta proprietate, sed manifesta fieri posse, certum est, quod prodesse existimare ego, dummodò hoc servetur, quod nedum frigus, aut rigor cum vena secatur infestet, aut in alio tempore, quam hyemis fine, aut vere fiat.

C A P U T LIX.

De febribus à sanguine orientibus, quas sinochos, ac sinochas, & continententes Medici vocant.

CUM in antecedentibus negotiis de febribus à bili, & pituita, & atra bili tractaverimus, & medelam harum omnium scripsermus, consentaneum erat jam nunc de febribus à sanguine ortum trahentibus mentionem agere, præsertim quod hoc febrium genus frequentissimè hominibus contingat, & idem non paucas lites Medicis pepererit, cum enim fuerint

Medicinæ professores nonnulli, quam sanguinem nihil aliud esse opinati sunt, quam pituitam, bilem flavam, & atram in venis commissa, quod sensisse Galenus in commento, secundi aphorismi, quarti libri videtur, cum loquens de va- cuationibus vitiatorum humorum de pituita, & utraque bile mentionem egit, de sanguine re ab his distincta nullam, etiam quoniam si alius esset sanguis à reliquis tribus succis rationi consonum erat, na- turam genuisse aliquod medica- mentum eundem expurgans, quod non est hucusque inventum, tertio quod ut in lacte tantum sunt tres substancialiæ butirosa, serosa, & ca- seosa, & præter has nullum aliud lac conspicitur, sic in sanguine, quem sèpè Galenus in de Elemen- tis, ac humana natura libris lacti comparat, præter tres relatos hu- mores nullus alius esset conspicien- dus, hi omnes præfatam sententiam veram esse credentes, necessariò asserturi sunt, à sanguine quarto humore à tribus distincto febrem nullam oriri posse, sed universas ab aliquo ex tribus nasci, & nedum isti, sed ipse Galenus in innumeris locis à putrefacto sanguine febrem non posse procreari frequentissimè affirmat, à multo enim, & super- calfacto ephemeras oriri idem opi- natus est, à putredo verò biliosas, aut atrabiliarias fieri in secundo de Febrium differentiis, cap. 9. dixit scribens: [Ex omnibus verò, quæ supersunt, nulla esset contemplatio præstantior, quam illa, in qua queri potest, numquid quemadmo- dum in utraque bile, & pituita fiunt quædam febrium species, ita & in sanguine putrefacto solent accidere febres, siquidem ephemeras eo tantummodò calefacto, non au- tem putrescente fieri dicebamus, in putrefactionibus autem (nam & san- guin-

guinem quandoque putrefcere est necessarium) quærendum, quæ nam sit harum febrium species, hec autem inveniri posse putandum, si prius cognoverimus, quo pacto sanguis putrefiat, nam rectè sentire videtur Aristoteles ab aliena caliditate oriri putredinem, vocat autem alienam externam, non insitam, atque nativam, in quocumque genere rerum, nam hæc coquere apta est, extranea autem corrumpere, quod est putrefcere, calor autem extrinsecus sanguinem opprimit, & in solis deustionibus, & pestilenti æris statu, atque ut simpliciter dicam in febribus universis quacumque ex causa originem traxerint, sed & quando in aliqua corporis parte sanguis plurimus acervatus, ejusdem corporis opprimit vim, corrupti consuevit, ac tūm præcipue cum in parvis vasis propter crassitudinem obstruitur, aut propter multitudinem impingitur, quemadmodum in inguinum tumoribus, ac collectionibus, atque ut universaliter dicatur, in inflammationibus universis, nam in hujuscemodi affectibus duplē ob causam corruptitur sanguis, & quia scilicet: non diffatur, & quia à natura non convincitur, quod ea vero, quæ non diffantur putrefcere soleant, indicant exteriora omnia, quemadmodum fructus, & semina, vestesque præterea, ejus vero quod dicitur, fidem facere potest id etiam quod in laterum inflammationibus cernitur, nam quidam in ipsis spumeum, quidam pallidum, quidam rubeum expuunt liquorem, quod nihil aliud est, quām ea humoris pars inflammatione exuperantis, quæ retineri non potest, sed prætenuitate sudat exterius, nonnumquam vero, & niger liquor ille conspicitur non statim ab initio, sed postea quando ut plurimum palli-

da sputa antecesserint, quæ bilis exuberantis erant inditia, quemadmodum spuma quidem pituita, rubida vero sanguinem indicant, quare non procul à vero est existimandum, sanguinem ipsum nonnumquam in his, quæ inflammationem patiuntur particulis subire putredinem, ex qua simpliciores quidem quām ex aliis humoribus febres fieri, similem vero accessionum proportionem assumere, qualē tertianæ maximè febres ostendunt, nam ita in his qui laterum inflammationes patiuntur observatum, quo tempore maximè rabidum expuunt, quod si sanguis supra modum assetur pars quidem eius subtilior, ac pinguior omnino in flavam convertitur bilem, quæ autem crassior, in atram.] Quibus innitentes complures Medici proterve asseverare audent, à sanguine putrefacto nequaquam ullam febris speciem oriri: sed aut ephemeras esse, quæ à sanguine inflammatoriantur, aut eas, quæ à putrido fiunt biliosas: aut ab atrabili orientes dicendas, sed hæc omnia meræ nugæ sunt, quæ & multa alia Galenus exactè physicæ ignarus in doctorum mentibus inseruit, certè ex his, quæ in aduentis contextibus, ac in sequentibus usque in finem citati libri secundi leguntur, facile prudens Medicus intelliget, ipsum non scivisse quæsitum sufficienter absolvere, ideoque multa impertinentia, & quæ ad solvendum quæsitum de febribus sanguineis parum conducebant, ut puta de inflammationibus à sanguine provenientibus, & de modo quo sanguis, & alii humores putrescant, etiam de laterum inflammationibus interseruisse, ut etiam parum infra aducta, in undecimo capite iterum retractat modum per quem febres putridas fieri in libri secundi

di initio scripsérat : cum stercorum putredini febrium intermittentium humorē putrentem comparat, sed hæc mittamus, ut ea, quæ ad rem, de qua agimus attinent, paucioribus quàm possimus explicemus.

An sit sanguis quartus humor ab aliis tribus distinctus.

Primumque quod examinare convenit, est scire, an sanguis tantum dicatur flava bilis atque atra, & pituita in venis commista : an etiam sit alijs quartus humor simul cum relatis in venis contentus, quod ne diu immoremur, sequenti assertione absolvimus, sanguis propriè dictus in animalibus omnibus sanguinem habentibus quartus humor distinctus à pituita, & utraque bili est, ut aër elementum distinctum à terra, & aqua, & igne, cum enim animalia mixta ex elementis sint, ut in exacta physica sufficienter probavimus, partesque mixtas terreas, aëreas, igneas, & aqueas habeant, quæ tales vocantur, quoniam plus de illo elemento cuius denominationem fortuntur, quàm de aliis in sui constitutione recipient, consentaneum erat, etiam quatuor succos commiles relatis partibus viventis in venis ejusdem reperiri, ut eisdem partes germanæ nutrimentum.

Etiā eventus ipse docet venam hominis benevolentis sectam fundere ex se sanguinem qui post coagulationem in duas sensibilitè distinctas partes dividitur, altera quartum nigra feci rubri vini similis alia rubea conspicitur, quæ duæ partes omnino per se totas unicolores non sunt, nigra nempè non æqualiter nigra per se totam est, quin pars infima nigrior quàm se superior est illa ergo melancholia nominatur, haec autem pituita, cum enim terra cui similis est melancholia, gravior cæteris elementis sit, & post eam aqua cui pituita comparatur, ita necessum est in sanguine

coagulato hos duos humores graviores infimum locum poscidere, si nempè pituita illa cum sanguine existens, de qua Galenus secundo de Naturalibus facultatibus, parum ante libri finem albi coloris non conspicitur, ut ipsa seorsum sita est, non nisi quia melancholiæ nigredine nigra vertitur, ut aqua pauxillo atramento commista talis videtur, reliqua rubra pars, quæ supremum locum lancis sanguinem coagulatum continentis occupat, nec etiam unicolor est, sed suprema magis retula ignem refert, quæ eidem multo similior consiperetur, nisi à parte inferiore opaca lucere impeditur, vocantque nonnulli humorē illum in superficie sanguinis rutilantem cholera rubram, & si Galenus hanc non concrescere dixerit, subditumque huic parti humorē sanguinem, quartum succum distinctum à reliquis tribus, dicemus, neque petere licet in humoribus in venis contentis, eam puritatem, & homonimiam, quæ in elementis, quia cum elementa naturaliter in contraria loca ferantur, nimirum eorum quodlibet ab alio distinctum inveniri, quod quatuor humoribus simul in venis commistis accidere, nequit.

Neque etiam dubitare prudens Physicus potest cur cum ex musto vinum desecatum, & syncerum sit, in dolii vinariis feces similes melancholiæ, & pituitæ infundo dolii resideant, & flos vini bili non dissimilis superinnatet, & vinum ipsum medium dolii locum occupet, & in venis, aut sanguine nuper coagulato, ille quartus humor, vino germanus, distinctus ab aliis non videatur. Quoniam, qui sapit, faciliter intelligit, musto illud accidere, ideo quod postquam dolium eo repletum est, non semel, & iterum

novum mustum recipiat, sed illud quod contentum in dolio est, fermeat, & depuretur, & sanguini in venis contento oppositum accidat. Puta semper, & semper ab alimentis quotidie devoratis, & in sanguinem conversis, quasi novum mustum sanguini priori addi, ipsique commisceri, quo puritas in sanguine quarto humore fieri, vetatur.

Et quoniam diximus quales sint quatuor partes sanguinis per venæ sectionem extracti, & de aquosa, siue serosa parte, quæ in sanguine coagulato innatare reliquis videtur, non meminimus, ideo nonnulla de eadem referre licet: hanc certè partem in venis cum prædictis quatuor humoribus contineri, eventus docent, quilibet enim sanguis post coagulationem illud serum, si non post paucum temporis spatium, saltim post diem, aut bīdūm habet, prout enim crassior, aut tenuior sanguis est, ita tardius, aut brevius aquositas illa à sanguine sejungitur, vidi enim quandoque ego, sanguinem ex vena secta eductum per viginti & quatuor horas permanere sine aquositatis distinctione: hanc ergo aquositatem non aliundè factam existimo, quā ex vino, & aqua bibitis, vel ex aliquibus eduliis humidis, quales sunt fructus, recentè commisti, siue ex humiditate, quæ in quovis alimento quantumvis sicco commistum sit reperitur, neque inutilis humiditas illa est, quin valdè proficua, defert enim sanguinis partes crassas, quibus melancholica membra nutriuntur in valdè arctas porositates, in quas ingredi sine illa non posset, diluit quoque taliter lentorem pituitæ, ut etiam ad nervosa membra alendum apta sit, bilis etiam fervorem reprimit. Serosaque superfluitas hæc vocatur, quod alere

ut materia membra non sufficiat, quæ quoque quandoque alba in aliquibus venarum iucissionibus, non nunquam pallida, non raro viridis, alias flava sanguini coagulato innatans videtur, quod oriri puto à genere bilis in venis prædominantibus: nam eti verum sit, quod diximus, supremam sanguinis superficiem rubram cholera dicunt, verum quoque est, flavam, vel pallidam billem contineri in sanis hominibus, & viridem in ægris, quibus succis serosa sanguinis superfluitas commista, diversorum esse colorum apparet, prout diversi succi sunt, quibus ipsa commiscetur.

Audeo certè dicere, illos bilium tres modos in venis existere, quia sæpè experior nonnullos homines non tantum per mensem unum, aut duos, sed adhuc diutius quotidiè vomere alterum illorum humorum, alios quoque per aluum eosdem per idem tempus expurgare, quod contingere minimè posset, si in ventriculo, siue in foliculo felleo tantum, & non in venis quævis ex relatis bilium speciebus contineretur, nullum enim ex illis visceribus capere tam ingentem bilis mollem posset. Sed cum haec alibi fusius sint, Deo permittente, examinanda congruum erit, ea dimittere, & ex tam multis locis, in quibus Hippocrates palam afferuit, sanguinem quartum humorem distinctum ab aliis tribus esse, unicum inde Humana natura, libro primo adducere, qui hujusmodi est: [Dico autem sanguinem esse, pituitam, & bilem, tam flavam, quam atram, atque horum nomina, primum quidem lege distincta esse confirmo, & nulli eorum idem nomen esse, deinde natura formas discrepare, minimèque pituitam similem esse sanguinis, aut sanguinem bilis, aut billem pituitæ, qui enim inter se similia

lia sint, cum nec visu, neque tactu esse similia cognoscantur, neque enim æquè calida, frigida, sicca, humida sunt. Ergo quando tantum inter se: & forma, & facultate differunt: necesse est ea non esse unum nisi certè ignis, & aqua unum sunt, quòd ea omnia unum non sint, sed suam habeat unum quodque facultatem, & naturam, vel hac re tibi constare posse: si enim cui homini medicamentum exhibeas, quod pituitam dicit, evomet pituitam tibi, si medicamentum offeras, quod bilem agit, vomet tibi bilem, pari modo bilem purgat atram, si medicamentum des, quod moveat atram bilem, quòd si is in aliqua corporis parte vulneris accipiat, ut fiat ulcus, illa ei sanguinabit, atque hæc tibi faciet omnia semper, tam die, quam nocte, hyeme, & æstate, dum atrahere homo spiritum, & vicissim poterit reddere, poterit autem dum aliquo horum non privetur cognatorum.] Galeni decreta de re hac scribere importunum videtur, quòd tot fermè sint, quot paginæ in eodem leguntur, ea ergo transgre-diamur, & rationes, quibus adversi compulsi sunt credere sanguinem quartum humorem distinctum à tribus non esse solvamus, ut postea liberius investigare possimus, an à sanguine febris oriri valeat, an non.

Solutio prima rationis.

Prima adversorum ratio est, ellici, scilicet, ex Galeni expositione in commento secundi aphorismi, quarti libri, non esse sanguinem quartum humorem ab aliis distinctum, quia loquens de vacuatione vitiorum succorum, de pituita, & utraque bili mentionem egerit Galenus, & de sanguine nullam, quæ tamen nullius valoris esse palam constat, quòd cum de medicamentis purgantibus scribat, etiam de his,

quæ sanguinem educunt recordatur, quia omne medicamentum vim subducendi aliquem humorem habens, primo illud, & postea bilem, ulteriusque pituitam, & ultimo san-guine mellicit, ut Hippocrates in primo citato lib. de Humana natura refert scribens: [Sumpto medica-mento, quod bili movendæ est, pri-mùm bilem, deindè pituitam mox à bili atram etiam bilem, & quidem per vim, tūm demum sanguinem etiam vomunt purum, eadem acci-dunt iis, qui sumunt medicamen-ta, quæ pituitam movent, primùm enim pituitam, deindè bilem fla-vam, postea atram, postremò san-guinem vomunt, post moriuntur.] Ibi expressè docendo, à sumptis per os medicamentis sanguinem educi, alio etiam modo argumen-tatio illa dissolvitur, quia etsi nul-lum medicamentum, quod sanguinem expurget à Galeno ibi refera-tur, non inde sequi videtur, san-guinem quartum humorem distinc-tum à reliquis tribus non esse, quo-niam notum Galeno erat, illum quartum succum per venæ sectio-nem educi posse, ideoque de eo-dem mentionem non egerit, quibüs secunda adversorum ratio sufficien-tē diluitur.

Tertiæ tamen rationi, quæ even-tui, quem experimur, innititur, puta in lacte coagulato non nisi serosam, & butirosam, ac casealem partes inveniri, qua similitudine non nisi tres humores in venis reperiendi erant, respondemus, quartam entitatem sanguini quarto humoris consimilem, nequaquam in lacte separata ab aliis inveniri, ut ne-que sanguis quartus humor ab aliis sejunctus existit, tam ob rationem de sanguine retro scriptam, quam quòd pars illa, quæ sanguini simili-s est, medium inter alias partes obtineat, indeque ei contingat, cui-

vis

vis earumdem commisceri, butiro-sam nempè partem, quæ rubræ cholerae non dissimilis est, tam multum illius partis lactis sanguini conger-minæ habere, apparet, ut dulcis, & pinguis evadat, quæ aliæ amara, & tenuis valdè futura erat, de his non plura, quoniam prædictis videtur objecta adversorum sufficienter soluta esse, illud ergo à tot annis investigari inceptum, an scilicet, putridus sanguis febrem à se denominatam efficere valeat, an non dis-cutiamus.

An febris san-guinis contin-gant.

Quid Galenus in re hac senserit præteritis docuimus cum ejusdem contextum ex fine secundi libri de Febrium differentiis transcripsimus, ubi palam dixit unctuosum sanguinis, qui putret, in bilem converti, & crassum in melancholiam, undè biliosas febres, & quæ per tertios dies affligerent, à sanguine putrefacto fieri testatus est, quod autem Avicenna de re eadem opinatus est, facile est videre sen prima quarti, cap. 43. de febribus sanguineis, ubi in hunc modum dixit: [Opinatus est Galenus, quod non fit febris sanguinis à putredine sanguinis, nàm sanguis quando putrefit, fit cholera, & non est sanguis, fit ergo tunc febris cholérica, non sanguinea, & fit causon prædictus, & tertiana, & curat eam cum illa cu-ra: hic vero sermo ejus est contrarius sermoni Hippocratis, & contrarius ei, quod est conveniens, & plurimum quidem erroris ejus est in sermone ejus, quando putrefit sanguis: fit cholera, iste enim sermo facit opinari duas intentiones, quarum una est, quod quando putrefit pervenit ad hoc, ut fiat post putredinem cholera, sicut dicitur, lignum quando inflammatur, efficitur cinis, & secunda, quod quando putrefit, tunc fit cholera sicut dicitur, quod lignum quando cal-

fit, fit cinis, considerémus itaque in unamquamque duarum propositionum, intellectus verò primus est corruptæ acceptiois tribus modis, quorum primus est, quod san-guis quando putrefit, convertitur subtile ejus ad cholera malam, & spissum ejus ad melancholiam: non ergo cum totalitate sua fit cholera, & secundus est, quod illud fit post putredinem, & nostra consideratio est indispositione putredinis, & tertius est quoniam post illud fit cholera, & non scimus an in ea sit putredo, an non: nàm plurimæ res putrefiunt, & separatur ex eis sub-tile, & spissum, & non est in spisso, neque in subtili putredo, quoniam non est necessarium, ut sit putri-dum, id quod generatur à putrido, fit enim ex putredine, quod non est putridum, et si generatio ejus à putredine faceret putredinem ejus necessariam, oporteret, ut esset spissum cinerulentum iterum putri-dum, esset ergo illic febris melan-cholica iterum. Hoc ergo est illud, quod facit esse necessarium exposi-tio ejus, quod prius intellectum est, quod verò intelligitur secundo est mendacium purum: quoniam pu-tredo est via corruptionis, & putre-do quidem non habet tempus, & conversio sanguinis in cholera non fit, nisi in tempore, & putre-do quidem est corruptio accidens sanguini, & est sanguis, sicut acci-dit phlegmati, & est phlegma: & non fit cholera neque melancholia, nisi convertatur post illud cum complemento putredinis. Verum veritas sana est sermo Hippocratis, quod ex sanguinis putredine gen-eratur febris.] His verbis tam multa inculcans Avicenæ Interpres, quod quid velit, non sit facile intelligere, quin Belunensi videatur litteram illam vitiatam esse, quam cum ca-natur corrigere, difficiliorem, quam

præ-

præfuit, efficit. Clarius ergo quām possim, rationes, quibus Galeni assertio confutatur, proponam. Ut his cum vitiato Avicenæ contextu collatis, clare pateat: quod Avicena scribere debuit, & in quo Galenus deceptus est, utque disputationis Avicenæ consimilem tenorem servemus, à distinctione, ut ipse auspicari conveniet.

Dupliciter nempè intelligi potest, sanguinis putrefacti unctuosum in bilem converti, & crassum in melancholiam, aut enim, quod sanguinis aliqua parte putrefacta, ac putrefactione diutius in eadem perseverante unctuosum ejusdem in cholera vertatur, & crassum in melancholiam: aut quod cum putrefactio in sanguine serpendo procedat, nunc unam partem, & post aliam, & aliam occupando subtile ejusdem convertat in cholera, & crassum in melancholiam: ut ergo decretum Galeni verum an falsum sit, constet, uter horum sensuum verus sit, examinemus. Et primo rationes afferamus, quibus pateat Galeni decretum in priori sensu verum non esse cum ex eo nonnulla impossibilia sequantur. Et post quod nec in alio sensu verum dixerit ostendemus.

Sitque prima ratio hæc, si ideo, quod post perfectam putrefactionem sanguinis, subtile ejusdem in cholera vertitur, & crassum in melancholiam, febris quæ oritur à sanguine putrefacto, non esset fervatura alias accessiones, quām bilis, in quām sanguis valde putrefactus vertendus erat, eadem ratione, febris, quæ inordinate vagatur, non inordinate esset vagatura, sed quartanæ ordinem fervatura: illationis bonitas patet, quia etiam humor à quo hujusmodi febris inordinate manat, perseverante putrefactione est in melancholiam vertendus, ut

sanguis in cholera, ut Galenus credidit. Ergo ut unctuosum sanguinis per tertianas accessiones metur, ut idem Galenus scripsit, sic & febris, quæ sine ordine vagatur, per quartos dies erat afflictura, cuius oppositum eventus docent, certè ex assertis à Galeno in commento 29. libri tertii Prognosticorum clare intelligitur ipsum putasse melancholiam relictam ex humoribus adustis facientibus febres inordinatas, causam esse quartanarum, quæ in autumno contingunt. Dicebat enim Galenus illic in medio commenti: [Quantum enim humorum serbuit æstivo tempore per febres continuas, ac desivit in atram bilem, quodammodo restinctum est, proindeque calore febrifeco æger vindicatur, maximè que quoties sudores eliciuntur, sed si non antea natura quodammodo excernat veluti cinerem vehementer assatorum humorum: hic rursus permanens in corpore, & calcens, putrem quandam recipit affectionem: idque quoties ei accedit, fervendo excitet febrem, à qua rursus veniente sudore, pariter cum eo, quod serbuit atræ bilis evanuit, tūm rursus aliæ reliquæ ferventes, rursus alteram excitant febrem: cui igitur nondum unam habeat omne corpus affectionem, sed atra bilis, in quibusdam partibus insuper moveatur, in quibusdam immota maneat, in aliis putreat, aut fervore incipiat, inordinatas fieri febres necesse est: at verò quoties in cunctis venis eadem fiat affectio, exuperante atra bili, quartana consistit febris.] Ubi atrabilario succo genito ex adustis humoribus, quartanarum eventum expreßè tribuere Galenus, ut nos diximus, videatur. Si ideo, quod humor, qui putrefit, in aliam humoris substantiam per

per putrefactionem transit, non est servaturus accessiones in plurimum consequentes illius humoris non putrefacti naturam, sed ejus in quem post ultimam putrefactionem est convertendus, ut Galenus testatur. Non ergo bilis per tertios, & pituita quotidie, & melancholia per quartos dies essent febres effecturæ: illationis bonitas probatur, quia cum pituita, aut ultraque bilium putrefit, jam amittit propriam formam substantialem, & aliam acquirit, si illis humoribus insitum erat per relatōs dies moveri, ut Galenus, & qui eundem sequuntur sāpē fatentur: putrefactis aliis accedendi modus erat eventurus, putrefactio enim, ut Aristoteles dicebat. Quarto metheororum corruptio quādam à præternaturali calido est, et si corruptio ergo formæ substancialis amissio, putrefactio esse ab Aristotele putatur. Si id enim non sic intelligeret mistorum corruptionem in ustionem, & senilem exiccationem, & putrefactionem non distingueret Aristoteles prout fecit, ut ergo in ustione, & ultima persenectutem consumptionem fit deperditio formæ substancialis misti sic in putrefactione contingere debet, ut diximus.

Ratio. Si innumeræ res putrefactæ post ultimam putrefactionem vertuntur in res naturales non putridas, ut putrefactorum cadaverum corpora sāpissimè in vermes viventes vertuntur, & juvencorum cadavera docuit Virgilius quarto Georgicorum in apes converti, inconveniret nihil ex putrefacto sanguine bilem non putridam gigni, & sic febris tertiana, quæ succederet post sanguinis putrefactionem, non posset vocari putrida, quod aduersatur Galeni documentis.

Ratio. Nempè cum Galenus fateatur sanguinis putrefacti subtile converti

in bilem, & crassum in melancholiā, non tantū tertianas febres à sanguinis putrefactione venturas tenebatur ipse dicere, sed quartanas quoque. Ut enim, quia unctuosum sanguinis putrefacti convertitur in cholera dixit febres tertianas à putrido sanguine oriri, eadem ratione, quia crassum ejusdem putrefacti vertitur in melancholiā asserturus erat, quartanas febres quoque à crasso sanguine simul venturas, atque tām tertianas, quām quartanas in quavis sanguinis putrefactione videri eramus experturi, quod non contingit.

Galenus undecimo capite libri secundi de Febrium differentiis experimentis convictus fatetur, sāpē accidere febres synochas, quas in tres differentias distinguit, scribens: [Earum igitur, quæ synochæ dicuntur, tres sunt omnes numero differentiæ, nām quādam earum à principio usque ad finem æquales perdurant: quādam paulatim augmentur: tertia species paulatim decrescit, undē & nonnulli primas quidem homotonas, atque acmasticas, hoc est in eodem statu, & vigore perseverantes nominarunt: secundas anabaticas, atque epacmasticas, hoc est assurgentēs, atque invalescentes dixerunt, tertias autem paramasticas, hoc est decrescentes appellarunt.] Sed harum nullæ ex assertis ab eodem servant quotidianos, aut tertianos, sive quartanos circuitus. Ergo hujusmodi febres non à bili, neque à pituita, aut atra bili, originem trahere potuerunt, cum ipse opinetur cuilibet humoris propriam redeundi normam esse à natura collatam. Indeque superesse videtur à sanguine putrefacto oriri, quod esse distinctum genus febris ab aliis probare hic curramus, decipitur nempè Galenus cum parum ante contextum citatum

tum scribit: [Continuarum autem, quæ ex flava bili proveniunt, duplex est species, altera earum, quæ à continuo fervore synochæ appellantur, quarum universum tempus in una consumitur accensione, quæ à principio usque ad finem pertingit.] Et cætera, quia asseverat continuas illas, quæ synochæ dicuntur à flava bili semper provenire, cum sæpius à sanguine oriuntur.

Sufficienter esse improbatum primum sensum orationis illius subtile sanguinis cum putrefit, vertitur in cholericam, & crassum in melancholicam videtur. Secundum ergo paucissimis improbemus verbis, nempè cum ex aliquo, quod putrefit, aliquid in fine putrefactionis gignendum est, non verè dicimus, illud quod gignendum est, esse, sed quòd futurum erit, ut cum cadaver, ex quo vermes provenire debent, putret, non dicimus vermes sunt in cadavere: sed ex cadavere faciendi erunt.

Merum ergo mendacium esset, fateri, quòd Galen. in secundo sensu affirmat. Puta cum sanguinis putrefactio serpendo in diversas ejusdem partes procedit, subtile ejusdem verti in cholericam, & crassum in melancholicam, cum illud minime contingat, nisi sanguini valde, & intense putrefacto, & in quo diu perseveraverat putrefactio, non quando in diversas partes repebat, sed in easdem ulterius, & ulterius intendebatur.

Erat quippè Galenus, & quotquot eundem sequuntur: cum opinantur, quòd statim ut putrefit sanguis, & si amittat propriam substantiam vertatur ipse in cholericam, & melancholicam. Nam, ut suprà diximus, non nisi perseverante in aliqua sanguinis parte putrefactione, & per notabile tempus durante illud accidit cum tamen putrefactio

in instanti fiat: certè si quidquid putrefit, propriam amittit substantiam, ut suprà loquentes de humorum coctione diximus: & nulla substantia desinat esse, nisi per primum instans sui non esse, manifestè sequitur sanguinem in instanti putrefieri.

At ut hæc clarius intelligantur: animadvertere oportet, in quavis putrefactione sequentia contingere, primum id, quod putredinem passum est, alterari dispositionibus qualitatibus disconvenientibus formæ misti putrescentis, quibus elementa à mistione sejungi, & in propria loca tendere procurant, qua mala affectione incipiente, mistum suam propriam substantiam adhuc servat, & minimè putrefactus vocatur, sed alteratus disconvenientibus sibi dispositionibus, nitentibus idem putrefacere, dicitur. Ut cum lignum calfit, alteratum calore disponente ad ignis introductionem nominatur, & non ignitum, secundum quod accidit, est, illa mala affectione intensiore facta, & summo, quod requiritur ad putrefactionem adepto, formæ substantialis misti corruptio, nulla nova forma loco illius genita, sed in perfectiore misto, quod cadaver (si vivum est quod putrefit) vocatur, relichto. Atque jam tunc putridum, quod tale passum est, dicitur, neque inconvenit, corrumpi aliquam formam substantialem, & nullam aliam gigni, cum illud Aristotelis primo de Generatione, corruptio unius est generatio alterius tantum in elementis perpetuum sit, ut alibi docebimus.

Et si objiciatur mihi, si ergo quod putret, amittit propriam substantiam, nequaquam putridus sanguis, sanguis vocandus esset, neque cholera putris cholera, & sic de carne, & aliis rebus putrescentibus

idem

idem diceremus, quia illa, quæ putrent, ex à me assertis, jam desierunt esse, quæ erant: at omnes oppositum affirmamus, dicimus enim esse febres à bili, & pituita, & atrabili, ac sanguine putridis. Ergo aut falsum est, putrescentia amittere proprias substantias, ut nos testati sumus, aut si illud verum fuerit: nequaquam febres à bili, aut aliis humoribus putridis, biliosæ, aut atrabiliariæ, aut pituitosæ, sive sanguinæ denominari deberent.

Respondemus quidem huic objectioni nos facilimè, confitendo verum esse, quòd sanguis putridus, sanguis simpliciter non sit, sed cum addito, & secundum quid, & ut verè dicimus demonstrato humano cadavere, hic est homo mortuus: & non dicimus hic est homo simpliciter, ut Logici loquuntur. Sic verè dicimus hic sanguis est putris, cum monstramus sanguinem putrescentem, qui est occasio febris, & non hic est simpliciter sanguis, tandem ut homo piëtus non est homo simplicitè: sic bilis, aut sanguis, aut pituita putrescens non simplicitè talis est, sed cum addito: quod Avicena in aducto contextu referebat scribens: [Et putredo quidem est corruptio accidens sanguini, & est sanguis putridus, scilicet, sicut accidit phlegmati, & est phlegma putridum etiam, & non fit statim cholera, neque melancholia, sed manent sanguis putridus, & pituita putris per satis magnum tempus, ac postea fit cholera, aut melancholia.] Ut statim cum cadaver putret, non fit vermis, sed postea.

Decipiuntur nempè, qui credunt, putrefactionem esse simplicem alterationem, ut calefactionem, aut infrigidationem, & non substancialis formæ misti corruptionem, tām rationibus suprà scriptis, quam quòd

Tom. II.

si illud verum esset, caro putrefacta, & humor putris non poscerent, ut æger à putredine liberaretur, atque benè valeret sui ablationem, cum sola simplici alteratione partes illæ putrefactione vitiatae corrigi possent, quod nullus experitur, quin ut membrum, quod putrefieri incipit, ulterius non putreat, quidquid ejusdem putridum est auferre præcipiamus, neque putare, qui sapit debet, Galenum tertio tegni aliud, quam quòd nos diximus opinasse. Cum scripsit coctionem facere cessare putredinem. Non enim cessatio illa contingit parti putridæ taliter, ut ex putri non putris vertatur: sed aliter, ut putrefactio, quæ in alias, & alias humoris partes serpendo procedebat esset, & pauset nullas ulteriores partes putrefactione exedendo. Certè quantumvis calida, aut frigida, humida, aut sicca sit aliqua humana particula, sive quævis alia res: dummodò nullam sui partem essentialē amisserit, poterit immodicè calidum, frigido: & immodicè humidum, sicco corrigi, & curari, quod putrefactis nequaquam contingit, quin ut dixi, sola ablatione mederi: cum ergo hæc satis probent febres à sanguine putrido eodem modo, quo aliæ à bili, aut alio humore fiunt, provenire, medelam ea ründum exarare oportnum erit, & quamquam non nihil differat medicatio, quæ debetur febribus à sanguine multo orientibus, ab illa, quæ exercenda est, cum febris à sanguine putrefacto oritur, medelam ambarum unico capite propinanam, dum tamen signa, quibus hoc genus febrium cognoscetur prius exponam.

CAPUT LX.
*De signis febrium à sanguine multo,
 aut putrido provenientium : quas
 continentes , seu synochas Græci
 vocant.*

Si Galeni sententia 8. cap. libri primi de Arte curativa ad Glauconem sequi in dignoscendis continuis febribus vellimus, eo cognosci has dicemus, quod nullum adsit in illis signum eorum, quæ in intermittentibus contingunt. Non nullisque aliis signis illic scriptis easdem ab aliis distinguemus : verum cum nos hic non quasvis continuas, sed tantum eas, quæ à sanguine pendent notare velimus, hæc signa ut in sufficientia transgrediemur, unico illius capitinis contextu transcripto, ut errorem quendam literæ ejusdem vitio ut puto, librarii, aut Interpretis ob ortum, notum legentibus faciamus : ac post signa, quibus Paulus has febres ab aliis distinguit proponemus, contextus qui sequitur est : [Si vero in statu permanentes continua febres tertia die majorem accessionem ostenderint, aut excrementa, & urinæ omnino crudæ apparuerint, non possunt hujuscemodi febres ad septimum diem terminari.] Qui non disjunctione, aut sed copula, & scribendus erat : ut sensus esset, si febres continua tertia die validiores fierent, & excrementa, & urinæ omnino cruda apparuerint : non poterunt hujusmodi febres ad salutem in septima die terminari, quod verum est : ut illud ex Codice Galeni transcriptum falsum: nàm causus, qui tertia die fortior fit, & multæ aliæ febres tertianæ continua, sàpè in septima die feliciter finiuntur. Ut idem Galenus in innumeris locis suorum Codicum dixerat. Galeno ergo misso Pauli sen-

tentiam, qui propria synochorum signa, capite 28. libri 2. exaravit referre addecens erit, cuius quod sequetur decretum est : [Continuarum febrium, synochos Græci appellant, origo ex sanguine est, nunc effervescente, nunc putrefacto propter obstructionem, quapropter accessio ipsis ad usque finem una enim, indicia vero sunt, pulsus maximi, vehementes, citati, crebri, æquabiles, non mordaces: urinæ non multum adeò à sanis recedunt.] Quippè & si antecedentia hujus contextus à vero non devient ultima, & postrema sententia puta synocharum urinas non multum à sanorum urinis recedere, falsa est, quod experiamur, in his febribus urinas valde rubras, & spissas plusquam in nullis aliis conspici. Quamvis Galenus, cuius autoritate Paulus aberravit, opositum senserit, capite quarto, noni libri, methodi medendi. Priora autem verba vera sunt, sed adeò æquivoca, & quæ nonnunquam in aliis febrium speciebus contingant, ut oportere existimem, ex Avicena signa afferre, quod dilucidiū febrem hanc ipse, quam alius ostenderit. Neque verba ejusdem, sed tantum sententiam transcribam, quoniam non pauci errores vitio Interpretis, ut reor, in eodem legantur, hos nempe clarè noscet : quicumque : paraphrasim hanc, cum antiquo contextu contulerit, caput ergo 44. tractatus secundi, seu primæ quarti sequentem sententiam continet. Signa febris sanguinis sunt magnam assiduam, & æqualem ipsam esse, nullum horrorem frigus, aut rigorem statim diebus, aut noctibus in eadem conspici, sudore per accessiones eandem non finiri. Nempè sudor raro nisi in decretoriis diebus in his visitur: venæ, atque genæ inflatae iis febrentibus apparent, & narium

pru-

pruritus sæpè hos infestat, quòd sanguis per oscula venarum ejusdem loci exire conatur, dorsi, & colli dolor, vel eorum alter non levis affligit, synciput, & oculi gravidinoſo, ac distendente dolore vexantur. Difficilis est his anhelitus, venis pectoris adeò multò sanguine, distentis, ut vix flecti possint. Somnus profundus non raro hujusmodi febrientes oprimit, maximè cum sanguis pituitosus sit. Molestum quoque est illis, loqui, quod lingua sanguinis gravitate, ac ejusdem multa humiditate torpeat, etiam quia gutur multo sanguine inflatum, quandoque loquendi facultatem adimat, contactu etiam febriens hoc genus febris detegitur, qui enim hac febriunt, vaporem ex se fundere, velut paludes solari calore pensæ, videntur, multumque dissimiles causo laborantibus sunt, cum illi siccum cutem, & mordentem calorem habeant. Hic autem humidam, & minimè mordacem, quòd sanguis, & non bilis dominetur. Horum pulsus magni, hoc est, longi, lati, & profundi tanguntur, veloces quoque, & frequentes, neque non leves, mollesque visuntur, quamvis velocitate, ac inæqualitate à patientibus causum vincantur. Ut quoque magnitudine caloris, ab eisdem, & adhuc à laborantibus exquisita tertia superentur. Præsertim si qui à sanguine febriunt, à multo, & non putri ægrotant, certè qui putridum sanguinem præsertim biliosum pro occasione suarum febrium habuerint: nihilo fermè à causo laborantibus dissimiles erunt: velut qui à multo febriunt parùm dissimiles ab ephemera patientibus sunt. Cùm autem post hujus febris initium, alium superventurum morbum Medicus suspicatus fuerit. Puta anginam, aut phrenitidem, vel vario-

las. Ex signis horum morborum, quæ in illorum propriis capitibus scribemus, quod morbi genu sventrum est, faciliter cognoscetur. Utrum autem brevis, vel tarda febris hæc futura sit, ex concoctionis signis, & aliis, quæ in libris de Crisi scripta sunt, dicernetur.

Puto, quæ scripta sunt signa, sufficienter ostendere febres à sanguine occasionem trahentes, qua propter alia addere non decet, sed his contentum lectorem esse oportet, & ad medendum huic febri accingi tenetur. Dum prius quodam dubium attinens non tantum huic febri, sed omnibus aliis prius absolvam. Quoniam quendam Medicum non exigui nominis, & Scholarum primarum Magistrum eumdem torquere mihi retulit.

Dubium est, si verum esset febres oriri per modum à me excogitatum, quia scilicet cor velicatum ab intemperie sanguinis, qui spirituum materia futurus erat, sese atollit in magnas, veloces, & frequentes diastroles, & systoles, ut his idem calidius versum (cum motus vis sit mixta calefacere) valeat totum corpus calidius vertere, quo discuti insensibilitè, aut sensibilitè, amplioribus factis calore viis corporis, humor noxius valeat, sequi videtur, nequaquam verum esse, quod ab omnibus, ut indubitatum assertur, tunc cor magnas, ac veloces, & frequentes diastroles, & systoles exercere, cum se ab immido calore vindicatur vult, ut eventus probare videntur. Omnes enim ob exercitium immodicum, aut immensum calorem solarem, vel alterius rei cor velocius, & frequentius moveri experimur, quasi siccatur cor sese refrigerare, & immodicum calorem per multum aërem attractum pellere. Cujus oppositum illi continget, si vera es-

sunt,

sent, quæ retulimus: nam potius caleret, & inflammaretur cor, illis velocibus; & frequentibus, ac magnis motibus, quam refrigeraretur, aut si multo attracto aëre illis magnis motibus refrigeretur, & eisdem consistentia ejusdem calere vi motus cogeretur: non calidius, quam ante magnas, & velocias systoles, & diastroles evassurum erat. Cùm tantum plurimus aër attractus refrigeraret ipsum, ut motus calefaceret, atque sic neque febres intensiores calores naturalibus essent, nec natura cordis assequeretur, quod optabat, discutere scilicet, morbificas causas; & amplias facere vias corporis humani, per quas sensibilitè excernerentur noxia.

Quod ut dilucidè, & apertè dubium exponam, necessum est, priùs examinare an verum sit, quòd Doctor ille ut hypotesim indubitatam, & quasi axioma supposuit. Puta scopum naturæ esse cum in magnas, ac velocias, & frequentes diastroles, & systoles se atollit cor, multum aërem inspirare, ut ipso immensus ejusdem calor refrigeretur, & mitior fiat: & ita rem ut ille opinabatur non se habere innumera experimenta probare videntur. Primum quòd in sanis in relatum usum inspiratio, & aëris ad pulmonem, & cor tractio fieret, quod impossibile esse: vel ex hoc patet, quia si cordis calor, quando pectus, & pulmo constructa sunt, & immediate post dilatabuntur, esse convenientis cordi, quoniam immodec intensus, & ob id dilataretur pectus, & pulmo, ac cor, ut per aëris introductionem calor ille mitior fieret: sequi necessariò videtur: quòd in fine diastroles cordis cor assequiturum erit temperiem, quam optabat, remisso ab intromisso aëre jam immodico cordis calore, quo in systole vexabatur: atque quòd

ab illa temperie develli molestum, & grave illi futurum fore: ægrumque, vocandum in systole fuisset. Quòd ad præternaturalem sibi dispositionem ferretur, qua assertione nihil magis dissolum: quod enim naturale agens, se in præternaturalem distemperiem naturaliter motum infert?

Non enim evadet rationem hanc qui fatetur, cordi in dilatatione aliam naturalem temperiem convenire, quam eidem in constrictione. Calidius nempè naturaliter esse, cum constrictum est, quam cum dilatatum. Non pauci docti viri existimant: quo vitare argumenti nostri vim hi putant. Dicunt enim cor constrictum, habere calorem immodicum, verum sibi tunc decentem, & dilatatum remissionem, sibi quoque convenientem, ut cordi hominis cibo repleti, aut exercitati, alia temperies est convenientis, quam eidem famescenti, aut quiescenti, nam etsi hoc verum esse fateamur, intelligere nemo sanæ mentis poterit, à quo calor cordis cum constringi incipit, fit intensior, donec cum constrictum cor est, omnino calor auctus est, poscens jam per dilatationem refrigerari, non enim à seipso, cum hi fateantur cor cupere, cum se dilatat, illum calorem pellere, & insanientis naturæ cordis esset tam multum calorem gignere, ut statim corrumperet, neque ab alio, cum nullum membrum in corpore sit adeò, ut cor calidum, superest ergo falsum esse, quod ut verum illi supponunt: quantò magis, quòd non pariter benè valet famescens, ut satur, neque qui superfluitatibus à membris pellendis exercitio eget ut qui, ut decet, exercitio usus est. Et per eandem normam non adeò benè valebit, qui jam cor constrictum habet, & ob id immodec calidum, egens aëre attracto,

tracto, ut refrigeretur, ut qui dilatum cor habuerit, nulla refrigeratione indigens, atque ut si possibile esset, quod homo semper in eodem statum permanisset, in quo post alimentum assumptum, aut exercitium factum existit id natura procurasset: & neque in famem, neque in lassitudinem hominem incidere permisisset. Sic videtur, quod eadem cum cor dilatum est, & benè se haberet, curatura erat: ne constringeretur, ne constrictione in minus bonam valetudinem, quām prior erat, se traheret, cumque hoc natura efficere non molliatur, neque tentet: superest in alium usum, quām ut cor refrigeretur deservire sibi cordis dilatationem.

Quod si adversus dicat, non tantum ut cordis caliditas temperetur dilatatio ejusdem est à natura commentata fieri, sed etiam ut aér, qui materia vitalium spirituum est commixtus sanguini arteriali in cordis sinistram cavitatem trahatur. Etiam quoniam constrictio cordis vitari non potuerit, ut sanguis, & spiritus in corde geniti ad totius corporis arterias distribuerentur, & fumi qui vi caloris spirituum ex vaporum succis elevabantur, in asperas arterias pulmonis pulsi per os expirarentur, ad quam cordis constrictiōem necessario sequutura erat dilatatio proportionalis, ac similis constrictiōi, ut si valde constringi cor accideret, quia plurimi fumi in corde inclusi essent, valde quoque dilatari eidem esset necessarium: & si parum, etiam parum, atque quod quamquām non ex professo refrigerare per aërem inspiratum cordis caliditatem natura velit, tamen per accidens illud cordi contingat, ut nec in famem trahere hominem natura vellet, sed id illi accidat: quia dissolvi, & in halitum verti plurimas ejus partes

sit necessum.

Quām nostri argumenti evasionem bonam esse fateor, quod ipsa palam affirmet oppositum ejus, quod Doctor relatus nobis objiciebat: scopum scilicet naturae in cordis dilatatione esse cor refrigerare: cum ex prefacta solutione clare pateat: id non fuisse à natura procuratum, sed accidentaliter cordi contigisse, non ipsum refrigerari ob majorem, & frequentiorem, ac velociorem dilatationem: cum calidius tunc evadere, quām ante hos motus magnos, & veloces, atque frequentes exercitos erat, sed ipsum sic motum calidius fieri quām prius erat, non tamen adeò calidum aëre intromisso: ut fuisset, si non intromitteretur: ut si quis dixisset, homo in aëre frigido currens calidior esset, se ipso quiescente in eodem aëre, tamen minus calidus, quām si cucurisset in aëre calido, qui enim in aëre frigido quiescentes plus se refrigerari sentiunt, cum plus aëris devorant, non nobis adversantur: nam frigiditas illa in gutture, & non in corde sentitur, de quo est quæstio, quæ & si in corde sentiretur, per accidens, ut diximus, illi quiescenti contingere, non tamen si velociter moveretur. Porro si hujus Doctoris objectio ullam haberet vim, ex eadem elliceretur, cor illius, qui in aëre frigido constitutus exerceretur infrigidandum, & non calore afficiendum, illatio clare probatur, quod plus aëris atrahit tunc, quām cum quiescebat, quod falsum, & contra experimentum.

Sufficere scripta puto, satisfacere, quantumvis rudi lectori, quanto magis relato Doctori, qui inter omnes Europæ Medicos merito adeò præclarum nomen adeptus est, ut sine controversia paucissimos sibi pares reperiri posse, omnes affirmant, sibique Caroli Princi-

cipis salutem curandam Rex ipse consulto decrevisse laudent: atque prudentiores viri approbent, ad medendum ergo febri sanguinis deveniamus, & caput proprium methodis distinctum, ut nostri moris est, exaremus.

CAPUT LXI.

De medela febrium à sanguine originem ducentium.

Febres has quarum origo à sanguine est, synochos Græci vocant, Paulus à continentibus distinguit, cum continentes tantum dicendas eas existimet, quæ intermittentibus finitimæ sunt, tertiana, scilicet, & quotidiana, & quarta continua, synochos verò, quæ unica accessione finiuntur. Aëtius verò sermone primo, tetrabibl. 2. cap. 70. nihilo has differre scripsit, cum citatum caput de Febris continentibus, sive synochis ipse inscriperit, sequutus in hoc Galeni voces, capit. tertii, noni libri methodi medendi, ubi continent, & synochos febres à plurimo sanguine orientes vocat, & quamquam in hoc relati Authores dissentiant, omnes sequuti sunt normam curationis synochorum à Galeno in relato libro nono conscriptam, auctorantes medelam à venæ sectione, & usque ad animi deliquium de sanguine extrahendo, ut sequentibus verbis capite 4. noni libri Galenus retulit: [Ergo qui palestræ peritus juvenis erat, ubi febricitare hora prima noctis cepisset, postridie eum manè circiter horam diei tertiam vidimus, cum autem inventissim febrem admodum calidam, sed pulsus æquales, & maximos, & celeres, & frequentes, & vehementes, tunc caloris qualitatem, quæ tactum minimè morderet, jam verò & urinas, tūm crassitudine,

tūm calore à naturali habitu non multum alienas, audiens præterea hominem circiter triginta dies exercitationis consuetudinem intermississe, pridie tamen exercitasse vehementius, & cæterum non multum, sumpsisse autem solitos cibos, atque eos concoxisse, quamvis tardè, & ægrè, utpotè cum febris vesperi occupasset, cum iterum rubicundus, plenusque homo appareret, atque etiam plenitudinis sensum se percipere diceret, faciente interim quodam eorum, qui aderant, de vena secunda mentionem, visum nobis est ejus auxillii considerationem in aliud tempus remittere, simul ut cercius sciremus cuius generis febris esset, simul necessario propter eam, quæ præcesserat, concoctionis tarditatem, cum autem vesperi similem vigorem tueri febris est visa, ceu nihil sensibilitè remittens, suspicio jam erat synochon esse, hancque ex obstruktione, & sanguinis abundantia, & præ carnis copia stipatione, ac cum parem magnitudinem per totam noctem febris servaret, postero die visum est Medicis omnibus, qui eum inviserant, sanguinem esse mittendum, discordia vero orta de tempore, & vincentibus, qui id in sequentem diem differendum suadarent, febris per totum eum diem evidenter visa est vigorem suum augere, mox tertia sequenti nocte, alia quidem accessio minimè incidit, quæ primæ ad portionem responderet: erat tamen æstus ipse laboranti intolerabilis: urgebatque tūm tensio totius corporis, utpotè repleti, tūm capititis pulsatio: atque ob hæc gravis vigilia, juvēne in alias se figuram jactante, itaque cum ultra ferre non posset, hora noctis circiter octava mittit ad me ministrum, rogatque ad se ocyus veniam, ipse annuo, atque ab eo;

invenioque febrem calidissimam, pulsumque qualem prædixi, quoniam autem nec in hoc, nec in lotio, neque in ipsa caloris qualitate indicium aliquod humorum putrefactum apparuit: optimum factum visum est venam incidere, antequam putredo inciperet, aufero itaque ab homine eo usque de industria sanguinem, quo ad animo linqueretur, maximum planè ubi valentes vires sunt, continuæ febris remedium, id quod tūm ratione, tūm experientia didici, parum namque in contrarium statum agitur corpus, celerrimè ex animi defectu refrigeratum, hoc vero nemo inventire potest, neque quod ipsis ægris, neque quod naturæ, quæ animantes gubernat, jucundius, utilius vè sit, postmodum in ejusmodi corporibus necessario supervenit alii dejectio, nonnunquam etiam hilis vomitio, quas res statim à toto corpore madores, sudores vè excipiunt, quæ nimirūm omnia cum huic quoque contigissent: protinus febrem extinxerunt, sic ut quidam ex iis, qui aderant jugulasse me febrem per jocum dicerent, undē omnes risimus.] Utrum autem vera methodus an falsa relata sit, nonnulli dubitavere, neque sine ullius Authoris decretum oppositum asseverare ausi sunt, afferunt enim, qui tam largam sanguinis missionem conferre negant. Rasim trigesimo continentis capite secundo, tractatus quarti, qui post transcriptum Galeni contextum à nobis ductum, dicit sequentia verba: [Magnæ sagacitatis est non subtrahere sanguinem subito usque ad sincopim, sed secundare phlegmotomiam extra hendo prima vice medietatem, & in secunda reliquam etsi necessitas te inducit ad subtrahendum febre nondum declinata, sudore, & fluxu non præcedentibus audacter

reitera.] Neque non Averroim septimo coliget capite 8. adducunt, qui quatuor rationibus probare conatur sanguinem usque ad syncopim non esse educendum. Prima huic nititur fundamento, rectam medendi artem semper imitari naturam rectè operantem: cumque humana expultrix vis rectè agens, nunquam tantum sanguinis per natum, aut uteri, seu sedis venulas excernat, ut æger in animi deliquum incidere, permittat, neque arti hoc dandum, videtur, secundam rationem sequentibus verbis coligit, Medicus qui à multo sanguine febriente educere, quod plus juxto sanguinis in eodem redundabat conatur, ultra nihil est extracturus, sed cum sic venam secuerit, non solùm febriens in syncopim non incidet, verum sarcina multi sanguinis à vasiseducta melius habens, sanus sentietur: ergo ultrius sanguinem ellicere, & in syncopim tali eductione ægrum trahere, noxiū, & sine methodo erit. Tertia ratio scopo Galen. in frigidare subito per animi deliquum febriente procuranti adversatur, quod refrigerationem illam per accidens contingere testetur, quam periculosa Averrois censet: & securius aliquid extranet caloris manere in febriente, quam toto per syncopem ejecto frigidum relinquere putat. Quarta timori imbecillitatis virtutis naturalis inititur, inquit enim cum suspicio non levis in hujusmodi ægris sit, promptum putredini aliquid sanguinis illorum esse, oportebit vires asservare, ut sufficere possint prohibere sanguinis incepti vitiari putrefactionem: & vitiati excretionem exercere, sed animi deliquio oppositum fit, ergo vitari à perito Medico totis viribus debet.

Non tam leves relatæ rationes sunt, quod prudentes Medicos adeò non terruerint, ut præceptum Galeni contemnere libenter decreverint: & nedum illud exequi non nulli docti veriti sint, verum & indocti, quoties sperant syncopem venturam, succo mali punici, & aliis medicamentis eandem vitare carent, quis enim tam stultus est, qui audeat adesse ægro à quo sanguis mittitur, & syncope deploratum ab astantibus febrentem alacri vultu conspiciat? nemo certè, nisi stupidus, & amens, maximè cum nonnunquam à plebe narrentur in felices exitus ob hujusmodi animi deliquia provenientes, quod ergo exercere in his febribus soleo, Rasis consilium supra ductum est, non Galeni, nam ultra scriptas Averrois rationes non parum me movet, apertè videre, Galenum deceptum fuisse, credendo syncopem causam vomitionis bilis fuisse, in juvene illo, de quo 9. methodi medendi meminimus, atque in quibuslibet aliis ob immodicum sanguinem missum in febre sanguinis contigerit, cum potius proximè adesse bilis vomitionem, syncopem afferre soleat: & vomitio ipsa à syncope relevet, quām syncopis vomitionem, afferrat, quod humores, & spiritus ad exteriora vomitio moveat: si ergo ad vomitionem bilis concitandam syncopis minimè prodest, & ad alui dejectionem minus: nam raro nisi in his, qui morituri sunt, aut illis, qui in decretoria die sunt constituti, accidit post animi deliquum ventris purgatio: nescio cur illud procuretur, sudores quippè, quos Galenus narrat, potius antecedunt animi deliquum, quām sequantur (nisi per accidens) quoniam à cuti ad interna corporis, & non ad cutim syncope moveantur humores, infrigidari quoque subito totum

corpus syncopis violentia, vituperabile potius in febrentibus, quām laudabile existimo, quia frigore discuti, & in halitum spirare, vitiati succi prohibentur, neque ipse Galenus in eventu à se relato id negare potuit, sudoribus enim, & non frigore syncopis, expulsam à juvente febrem fasus est, quos non frigidos, sed calidos fuisse certum erat, per accidens ergo, & non per se in narrato à Galeno eventu syncope à febre juvenis ille evasit, quæ medendi methodus non approbanda, sed vituperanda à peritis Medicis est, quippè si ideò, quod immodico sanguine missò à juvene, cui medebatur Galenus, vitales, & cæteri spiritus ad præcipua membra retracti exteriora examinata relinquentes postea valuerunt, cum tanto vigore in totum corpus diffundi, quod humores noxios per vomitum, & inferiorem ventrem, ac sudorem excernere vis expultrix potuerit, quoniam juvenis ille validarum virium esset, ac humores excerni prompti: non ob hunc felicem eventum suassurus erat Galenus in omnibus febribus à multo sanguine occasionem trahentibus, idem faciendum, cum contingere sæpiissimè possit, inveniri febrentes minus validas vires habentes, & in quibus vitiati succi non adeò prompti essent, per relatas vias oris, & ventris, & cutis vacuari, quibus syncopis non exigua incommoda pareret. Certè si effectus, qui ob accidens contingunt, imitandi forent, liceret in pleurite à bile, aut sanguine proveniente, meracum vinum febrentibus dare, quod non raro contingat rusticannis hominibus hunc morbum patientibus, vino ingurgitari, & parum post ebrios versos, somno profundo teneri, ingentemque sudorem de se fundentes, sanos, & à morbo liberos.

ros evadere, & alia innumera, quæ aberrando felicitè cedunt, quod nullus qui sapit, unquam fecit, timens ergo ne syncope correptus ab eadem relevari, non valeat, aut postquam ab ipsa resurrexit, adeò imbecillus maneat, ut morbo resistere, velut juvenis ille non possit, Medicos hortor in ipsam febriente incidere sanguinis missione nunquam procurent, cum tanta sanguinis extractio sine tanto vitæ discriminè per duas, aut tres venæ sectiones in una die, si expedierit, fieri posset, neque verendum propter tam exiguum morulam sanguinem vitiandum, & corrumpendum, cum ipse Galenus in eventu à se narrato distulisse dicat se, plusquam per diem venam juvenis illius secare, scio nonnullos objecturos mihi, quòd ego verear, quæ timere, ut impossibile prudens Medicus non debet, vires scilicet eorum, qui à multo sanguine febriunt invalidas posse esse, testemque Galenum in relato nono libro afferent, qui capite quinto sequentia verba scripsit: [Si quidem copia illa sanguinis, quæ plenitudo quoad vasa dicitur, cum bonitatem suam servat, ut pariter augeri cum robore virium est nata, ita si quando has gravat, nec de cætero augebitur, & bonitatem naturæ amittet.] In quibus palam fatetur, toto tempore, quo sanguis innoxius augetur, vires quoque augeri, verum illis, qui nos objurgant, facile satisfaciām, admittendo ut verum, quod ex Galeno adducunt, quia præsens locus non permittit, an verum, vel falsum illud sit, examinare, negandoque nos dixisse, imbecillos eos esse, qui plenitudine quoad vasa laborantes febriunt, sed hoc dumtaxat, posse scilicet accidere sanguinem mitti, ab imbecilliore, quam fuerit juvenis ille, cui medebatur

Galen. & quod ut licuit illi, à syncope relevari, & vomitu, dejectioneque, ac sudore à febre liberum fieri, ita imbecilliori idem non permittit, quod si accidisset in vita periculum incideret ipse, nemo enim nisi qui delirat, negare potest, non omnium qui à sanguine multum febriunt, pares vires esse.

Porrò temerè non agere mihi videor: si ex assertis à Galeno in citato contextu cap. tertii, noni lib. methodi medendi ellici aliqua ratio contra ejusdem opinionem de esse febrium hecticarum, de quibus in sequenti capite, Deo concedente, dicturi sumus, possit, quæ nostra placita roboret, si eam elliciam, maximè cum talis sit, quòd dissolvi minimè valeat, fatetur enim ibi Galenus juvenum illum, à quo plurimum sanguinis extraxit, in syncopem incidisse, frigidumque tunc universum corpus ejusdem mansisse, quod minimè accidere, febrienti hectica febre potuisset, & si ab eodem tantus sanguis, & plusquam à juvēne relato educeretur, neque ullo modo hecticus quantumvis gravi syncope corriperetur, frigidus fieri posset, si verum esset, hecticam febrem à nullo vitiato succo in venis, aut alio corporis loco contento pendere, sed membris humanis infixam esse, ut ipse Galenus primo de Differentiis febrium, & in libello de inæquali intemperie, & multis aliis locis dixit, nam febrilis illi hectici calor, non intensior nativo est (ut Galen. putavit) quoniam humor putridus sua putrida fuligine membra calfecerit, sed quia à sole, vel ira, aut alia quavis causa tantus calor membris inductus est, ut nullo extrinseco humore putrente egeat, ut asservetur in membris, sed ab ipsa intemperie hectici, quam qualitatem secundam Hugo Senensis vo-

cat, ille calor conservetur, modo cum in syncope quantumvis spiritus, & sanguis totius corporis ad arces puta cor, jecur, & cerebrum, retrahantur, temperies, quæ idem est, quòd complexio retrahi non possit, cum accidentia non migrant de subjecto in subjectum, ut Philosophi inquiunt, manente ergo eadem temperie, in nervo, carne, & osse, & aliis simplicibus particulis, ut necessario manet, & eundem febrilem calorem productum ab eadem mansurum quoque necessario fateri Galenus cogetur, sed eventus probat hecticos syncope correptos frigidos fieri, ut juvenis ille cui Galenus medebatur, ergo falsum est Galen. assertum, dici scilicet hecticam febrem eam, quæ febrilem calorem habuerit, independentem à malis succis, quin omnes febres ab aliqua corporea causa oriri, ut nos in principio operis hujus cum librum de inæquali intemperie expossuimus probavimus: indubitatum deinceps esse habendum, certum erit.

Certè non evadet rationem hanc, qui dixerit, noluisse Galenum hecticam febrem in alia particula corporis, quæ in corde infigi, ibique tantum à nullo pendere humore viatiato, & quòd immodicus calor hecticorum à cordis immodico calore calfaciente plus justo sanguinem, & spiritus fiat, qui cum in syncope deficiat: quoniam sanguis, & spiritus in cor retrahuntur totum corpus refrigeretur, nam illud, Galenum noluisse, manifestè probant, innumeri loci in quibus affirmavit, hecicas febres minimè dolorosas esse, & rationem exhibens dixit, quia membris infixus, & habitualis sit illorum calor, quod esse non posset, si earum calor à sanguine immisso à corde penderet, nam à membris ab eodem sanguine

ne calfactis, non aliter, quam ut ignis, vel alterius rei calor induc-tus esset percipiendus, etiam ob aliam rationem evasio relata nullius est valoris, quia impossibile erat Galeni sententiam de hecticis febribus, quam primo de differentiis febrium scripsit, apparenter veram esse, jam quòd re mentiretur nisi explicaretur, ut ab Hugone est explicata, modo qui Hugonem sequatus fuerit, nequaquam salvare eventum illum de hecticis ob syncopem refrigeratis valebit, ut ratio parum ante adducta probat, supereft ergo, tam Galeni, quæ Hugonis Expositoris opinionem de hectica febre præsenti ratione, & aliis in commento, lib. de Inæquali intemperie à nobis scriptis improbatas manere.

Connari enim Hugonis decre-tum aliter tueri, dicendo scilicet hecticos syncopem patientes ab aëre continente refrigerari, quoniam calor immissus à cordibus eorum in totum corpus per venas, & arterias: atque calor ille, quem tem-pe ries qualitas secunda hectici pro-ducit in membra humana, simul valeant resistere aëris nos continen-tis frigiditati, & eorum alter solus non valeat, ideoque syncope re-frigeretur hecticus, quoniam relicto calore genito à temperie qualitate secunda solo, & sine alterius comitatu, quia alter ad cor redie-rit, refrigeretur hecticus: nihil pro-desit, nam objiciam ego, quid si hecticus in tempore æstatis in aëre calido syncopem pateretur? nonne tunc refrigerandus? aut non esset? si fateatur refrigerandus, ratio nos-tri procedet, nam infrigidatio illa non ab aëre infrigidante proveni-ret, quo adversus nostri argumenti-vim fugere creditit, atsi petulan-ter testetur refrigerandum non esse, jam eventus negare cogitur, qui au-

audiendus in re physica non est, hæc sufficere in præsentiarum videtur, cum alias fusius de his egerimus, transcamus ergo ad prosequendam medelam febris à multo sanguine orientis, & mox transfacta præsentis febris medela, ut diximus caput de Hecticis scribemus, & methodus secunda sit.

1. Methodus. Adeò necessariam sanguinis missionem in his febrentibus esse, ut quod Avicenæ visum fuit, scilicet, deficiente vena in brachio, & crucibus à qua mitti sanguis possit, propter aliquod naturale, aut accidentale impedimentum, licere ex frontis venam sanguinem mittere, & scapulis, ac reliquis corporis partibus cucurbitulas admovere approbemus, quid verum horum prius faciendum sit, si fors hujusmodi ægrum curandum obtulerit: indubium venit, mihi autem videtur, venæ frontis incisionem prius excequendam, tam quod ex ordine scripturæ Avicenæ illud colligi valeat, quam quod incissio venæ magis universalis evacuatio, quam incissio cutis, & carnis subditæ est, neque verendum, per venæ frontis incisionem ad caput trahendum reliqui corporis sanguinem, dummodo parum post venam sectam cucurbitulæ tibiis, scapulis, ac brachiis affigantur, hæc enim, quod ad caput reperet, deorsum trahere valent.

3. Methodus. Quamvis non parum prodesse his febrentibus aquæ frigidæ potum sciam, tam quod eventus id doceant, quam quod Galen. quinto capite decimi methodi medendi dixerit: [Maxima verò continuorum febrium remedia hæc duo sunt, detractio sanguinis, & potio frigida.] Posse tamen inertiam Medici indocti, qui sanguinem ab hujusmodi febrentibus non extraxit, aut inobedientiam ægri, qui Medi-

co jubenti venam secari obtemperare eidem noluit, sola frigidæ potione resarciri, vanum esse reor, quin majora incommoda afferre largum, & usque ad saturitatem aquæ nive infrigidatæ potum, illis, quibus in principio vena secta non est, quam commoda certum habeo, nempe cum differtur venæ sectio, sanguis vi febrilis caloris plus juxto assatus, necessario crassior, quam erat vertitur, qui frigido potu assumpto, indubie adhuc crassior fiet, sed adeò crasso sanguine facto obstructiones, & mille alia incommoda sunt oritura, merito ergo nos id vituperamus, & fieri prohibemus nisi per coctionem sanguinis, prius attenuatus, ut Galenus voluit, fuerit de his nihil plus quoniam antea hæc fusè tractavimus.

4. Methodus. Neque contemnendum Aëtii præceptum videtur, qui cum sanguinem mittere in hac febre jubet, cavit si per emorrhoides, aut uterum sanguis fluere paratus sit, tantum ejus in corpore ægri relinqui quantum vacuandum per relatios locos suspicatus Medicus fuerit, ne si vena secta totus qui redundat extrahitur, & natura per consueta loca, quem solita erat excreverit, immoderatior sanguinis excretio fiat.

5. Methodus. Placuit Galeno exprimere capite quinto superiùs citato, qua die ab initio morbi, sanguine nedum jussu Medici educto, posset sine noxa ellici, dicens: [Optimum igitur factus est (id quod nos semper in re quaque facere vidisti) statim non numero dierum, sed uni virium robori, in febribus ejus generis attentum esse: quippè quod si servatum est, non solum sexto septimo, sed etiam sequentibus diebus sanguis est mittendus.] At cum non exprimat Galenus hic quanto die sequen-

quenti jam non liceat, sanguinem mittere, mihi pertinere videtur, illud explicare, ne parum exercitari Medici potent, in quavis die post septimam sanguinis missionem utilem esse, nisi decreto Galeni, qui in præsenti contextu dixit: [Non solùm sexto, septimo, sed etiam sequentibus diebus sanguis est mittendus.] Neque de hoc certam, & quam transgredi non liceat methodum proponam, sed quandam conjecturalem veritati proximam exarabo. Dico ergo in his continentibus febribus à multo sanguine originem trahentibus, licere venam secare usque in vigesimum diem, in ulterioribus verò venam scindere, nocere potius quam prodesse, in plurimum existimo, quia quamvis in intermittentibus non raro contingat, post quadragesimum diem sanguinem missum prodesse, ut Avicena quarta sen primi canonis, cap. de Phlegbotomia scripsit, & non solùm post relatós dies, verum post quinque, vel sex menses in quartanis, & nothis tertianis conferre sanguinis missionem eventus doceant, in synochis minime competere manifestum est, quoniam nulla synochorum tamdiu durare potest, quia multò ante æger peribit, & quia in aliud febris genus ipsa jam tunc transisset sanguine cum tam larga moravitiato, & in aliud succi genus converso, & à febre viginti dierum in melancholiā crassam redacto, quo inhabilis per venæ sectionem educi redet, ut in genericis methodis superius scripsimus.

6. Methodus.

Quamquam Galenus in his febribus, ac aliis morbis à multo sanguine provenientibus, plurimum laudet sanguinis defluxum per narium venulas, ego qui ea tantum scribere decrevi, quæ vera esse rei Medicæ per quadraginta fermè an-

nos incubendo expertus sum, non adeò utilem vacuationem hanc esse, fateor, ut sudor, vel alui purgatio, in narium enim defluxu tenuis, & purus sanguis sèpius defluit, quia in altiore corporis locum non nisi levior sanguinis pars ascendere valet, crassiorque in venis relictus fovere febrem non definīt, at cum tantus, qui defluxit est, ut uturquè exisse existimetur, non rarò in hydropem, aut saltem malum corporis habitum incidere febrientem vidi, Medicis ergo consulo, ne equorum, vel porcorum sectis, aut aliis instrumentis narium venulas secantibus, defluxum illum incipientem prosequi cogant: nec hac methodo præcipio, quod incipientem defluxum hunc Medicis sistere procurent cum non rarò ablata non ulla portione sanguinis multi, aut vitiati, & potentiore facultate expultrice ægri per sanguinis excretionem relicta; crassum per aluum, & tenuem per sudorem vacuare, natura valeat. Decere tamen credo fluxum sanguinis immoderatum fieri incipientem per venæ brachii, aut tali incisionem unam, aut duas, vel plures, & aliis remediosis sistere, potiusque naturæ arbitrio committendo, eo usque defluat permittere, donec suspicio de immoderata jocinoris debilitate adfit salubrius esse.

In balneum descendere febrientem hoc febris genere omnes laudant Galeni autoritate persuasi, qui id fecisse in juvēne illo, quem per sanguinis missionem usque ad syncopem se curasse scripsit: ego autem, qui superius fassus sum, nunquam hoc præsidio usum fuisse, quod balneorum usus apud Hispanos exoleverit, utrum proficit, vel noceat, eventibus innitendo, dicere non possum. Ratione autem ductus, prodesse potius, quam obesse

esse conjecto, cum enim sudoribus assiduis soleat hæc febris sèpè discedere, & ægrum liberum relinquere, verosimile erit, balnea, quæ sudorem concitant, prodesse, etiam quòd sanguis in ambitu totius corporis redundans (multa quippè magna vasa in exterioribus sita sunt) satis proximam habeat cutim, qua expurgari à fœculento facilis, quam per ullam aliam corporis partem valebit, quòd quamque ita uti referto verum sit: tamen in initio, & cum coctione nondum sejunctum vitiatum à puero est, non licet balneis uti, ne plus permixta, quām erat, noxia in noxiis reddantur.

Aluum expurgare in his febribus competere nulli dubitavere, cum Galen. adeò hoc procuraverit, ut sanguinem mitti ab his non concedat, donec cruditates ventris concoctæ, & vacuatæ sint. Quibus autem pharmacis aluus expurganda sit. Avicena notavit, Galenus, Paulus, Aëtius, de his nullam mentionem egisse videntur. Ego jam in antecedentibus methodum genericam quandam dictavi, qua præcepit in secunda die, à cujusvis febris continuæ citra inflammationem invasione cassiam in fistularem bibant febrientes, quam etiam his dare consulo, & Avicenæ pharmacis utens, succum mali punici dulcis, & accidi cum manna post sanguinem bis, vel tèr missum, nec non mannam, ac tamaros indos, & pruna damascena, macerata in florū infusione bibant præcipio, à medicamentis vero, quæ scamoniū, aut agarycum, seu cnicum, & alia hujus farinæ recipiunt, fugere in principio, caveo: secus in fine cum sanguinis fervor jam sedatus fuerit, ut quoque à Rhabarbari consistentia, & myrobalanis in initio etiam febris fugere debemus,

postquam autem aluus sponte sua, vel rebus lubricum ventrem facientibus, lenis facta est, uti myrobalanis, & Rhabarbari consistentia licebit; infusione nempè Rhabarbari leviter expressi, cassiæ fistulari, aut manna, seu damascenis prunis; adjuncta, uti in primis pharmacis non voto, cum relatis medicamentis Rhabarbari infusio conjuncta exigua strictionem habere valeat.

Uti in quavis die post primum clystere feces infimi ventris expurgans clismis lenientibus confectis ex decocto violarum purpurearum, & malvarum, ordei, glyzirhicæ, & aliorum consimilium medicamentorum, in quo cassia fistularis, & oleum rosatum, & violatum, & saccharum rubrum, dissolvantur, necessarium esse, existimo: nisi aluus satis lubrica sine his esse videatur.

Alimentis in prioribus diebus pavet nutrimenti, & levis concocationis, & quæ non multum humiditatis habeant vesci, hos febrientes consulo; nam hi, qui multo sanguine nedum putrefacto abundant, in initio morbi non adeò debiles sunt, ut crassis egeant alimentis; neque adeò sicci, ut humectari desiderent, cum sanguis ipse satis humidus sit, & febris nondum in primis diebus tantum potuerit, exicare, quòd æger humectantibus indigeat, conferunt ergo acetosa; herba exalis, vocata, ac punica mala parùm acida, & lencium jusculla, & cucurbitulæ, rhoe culinario, & omphacio, præsertim conditæ, thus enim obsoniorum, & omphanicum iis febrienteribus conducunt; nisi de eorum strictione timemus, quapropter aliis alimentis, quæ vim leniendi ventrem habuerint adjuncta, utiliter ægris devoranda conceduntur, coriandrum quoque in eundem usum laudatur, &

& inter fructus pira , & acida mala , & intibum , aranclorum,& malii Medici acidus succus omnia alia alimenta bonitate antecedit ; & quod frigidus , & siccus ille sit , & quod vim roborandi cordis vires habeat ; post tres , aut quatuor ab initio morbi dies , prudens Medicus recte consulit . Hujusmodi ægris comedere jus pullorum gallinarum , aut perdicum , cum panis micis , & carnem ipsam cum oxalide , aut intibo , vel coriano (nisi timor lethargi venturi usum corianii vetet) decoctam ; præsertim illis , quibus comedendi appetitus dejectus non est , & illis , de quorum imbecillis viribus timemus : reliqui enim , qui ab alimentis oborrent , & vires robustas habent , nutriendi nisi levioribus , & his , quæ primis diebus concessimus (qualia sunt, jus lencium , & poma assa , & alia consimilia) non sunt ; hos nempè incocatos succos habere , qui inedia concoqui parati sunt , suspicari licet ; priores autem biliosos , aut atrabiliarius hos ventriculi vellicantes , qui se alimentis mediocriter nutrientibus non alerentur , in sæva symptomata cadere , parati essent . Certè cum crassus , vel tenuis sanguis , qui redundat , esse possit ; in febribus pendentibus à sanguine crasso crassæ consistentiæ cibi dandæ non sunt , sed quæ attenuent ; velut in aliis , quæ à tenue sanguine fiunt , quæ incrassare valeant , permittuntur ; distinguensque per crassitudinem , & tenuitatem urinæ , rubori conjunctam , alterum ab alio ; crassus quippè sanguis , urinam rubram , & crassam efficit ; & tenuis rubram , & tenuem .

Potio his febrentibus danda , ex ordei decocto erit , qui in nullo alio febris genere adeò utilis , ut in hoc est ; tunc quod humiditatem ejusdem propria siccitate coercent ,

hanc ergo , vel crudam eis , qui decoctam bibere nolunt , concedo . Maximèque coctam , aut crudam bibant ægri , tunc contemno , cum ver , aut æstatis principium est : at si autumnus instat , aut ipse , vel hyems adest , ægris suadeo , ne bibere coctam negligant . Vereor enim in illis temporibus vasorum obstructiones ; & quoniam in harum febrium medela ulterius progreedi , necessum esse non videtur ; quod quæ in antecedentibus scripta sunt , quæ defunt (si qua sunt) suplere valent ; ideo finem imponere visum .

C A P U T L X I I .

De febribus , quas Galenus , & reliqui Medici hecicas vocarunt , nos autem habituales , aut potius tabidas nominamus .

HECCICAS vocatas febres non fieri , eo modo , quo Galenus , cæterique Medici , qui post eum fuere , putarunt , satis clarè in commentario , libri de Inæquali intemperie scriptum suprà manet , verum quoniam nonnulli , qui præsens caput lecturi sunt , præcedentia non legerunt : in compendium redigam aliqua , ex his , quæ illic sunt dictata .

Primum est impossibile esse , hecicas febris calorem adeò membris humanis infixi , atque hærere : ut quovis humore , vel alia extra-nea re à corpore educta diu permanere , valeat , sed esse necessarium , statim ut causa , quæ illum produxit , abeat , eundem incorruptionem tendere , fierique continuò remissiorem , & remissiorem , donec in totum auferatur : & esse definit , quod evidentibus , & indissolubilibus rationibus verum esse , palam ostendimus .

Secundum fuit ideo opinatos fuisse Medicos , hecicas febres à nulla

nulla materia ortum trahere, quoniam experiebantur non posse, mederi quibusdam febrentibus extracto saepius per venæ incisionem sanguine, & alio pharmacis frequenter expurgata, quin nonnullos post universas has vacuationes factas, febre pertinaciter eisdem haerente, tabidos fieri: non animadvertentes illud contingere, ideo quod aliquis vitiatus humor, vel alia quævis extranea res, ulli loco à quo non possit, divelli: & separari corpori insideat: & causa sit, quod sanguis cordis à quo spiritus vitales gignendi sunt, male afficiatur, quo cor ipsum in magnas, veloces, & frequentes diafoles, ac systoles cogatur, elevari, ac deprimi, & febris habitualis, & ad marasmus ducens fieri, ut enim, quæ putridæ à nostris prædecessoribus vocantur, corpore febrentis adhuc robusto, & carnibus abundante, saepissimè in brevi tempore interimunt, quia multi vitiati succi in magnis vasibus contenti: aut pauci venenati in proximis cordi, causa sint, in tantum cordis sanguinem vitiari, ut nequeat cor ex eo ullos vitales spiritus gignere: sine quibus vivere non valemus, sic hecticæ non nisi prius carnem: & majorem partem succorum hominis absument, interficere ægros non possunt, quod in illis vitium rei, quæ occasio febris est: valde exiguum sit, collatum documento, quod putridæ inferunt, ideoque diu dura-re, cum febre hectici valent, sanguine cordis parum, & si diu in his taliter vitiato, ut fermè simul sanguis, qui materia vitalium spirituum esse, valeat, finiatur, & universa fermè corporis caro absumpta sit, & corpus humanum in ultimam tabem incidem conspiciantur.

Tertia fuit non parum eosdem Medicos decepsisse experiri: quod

tentatis quibusvis vacuationibus, nil saluti febrentium his febribus profecissent, & balneis, ac lactis suetu, & ovorum vitelis, aliquando sanari, hos viderent, putabant nempe hi cæci ad calendum eventuum veras causas, illud contingere, quod balneis corpus refrigeraretur, atque humectaretur, & lacte, atque ovis deperditæ corporis partes restaurarentur, non prospicientes balnearum aqua non frigida, sed parum calida eosdem jubere corpus hecticorum irrigari, quæ potius febrentibus conferebat, actuali illo moderato calore, & plurima humiditate emollendo vasa, in quibus coarctatus, & detentus humor noxius, vel alia quævis res præternaturalis erat, ac taliter disponendo morbificam causam illic inclusam, ut habilis insensibilitè diffleari, vel sensibilitè sudore, aut per ventrem excerni, quam refrigeratione. Nutrirī nempe alimentis levis coctionis, & plurimi nutrimenti hecticos indigere, non illis negamus, ut superius scripsimus, & parum infra in medela harum tabidarum febrium fusiū scribe-mus.

Porrò si postquam negotium Medicum exercere tyrones incipiunt, aliquos febrentes vidissent, in prima hecticæ specie obiisse, excusationem ullam suæ ignorantiae habere valerent, at cum nunquam ullos ab hectica mortuos, tam Medici, quam hominum vulgus asleveret: nisi quos tabidos finiri vident, resipiscere omnes deberent, & conjectare, tenebantur, commentitia esse, quæ Galenus de Hectica febre scripsit, cum si verum illud esset, potuisset, prima ejus species interficere, tam valido calore qualifingit humanum corpus affici, cum putrida febris transiens in hecticam haerere, & fixi in membris, præter-

naturalem calorem febrilem, facit, nempè si putridarum calor sæpè ægros in mortem ducit: cur intensior intensissimo putredinali non interimet? nedum adhuc postquam putrida in primam heclicæ speciem permutaretur, esse enim necessario calorem hecticorum intensiorem calore quarumvis putridarum: si heclicæ per modum excoxitatum à Galeno fierent, suprà in commentario de Inæquali intemperie satis clarè probavimus.

Quippè quandoque heclicas fieri contingit, ab internis exiguis vulneribus ab extrinsecis rebus factis, qualia esse solent: ossa mucronata, vel acus, aut aciculæ, quæ nonnunquam devorari incaute accidit, & nonnullis æreis monetis circumferentiam promptam seccare habentibus, etiam per ignorantiam à pueris sæpius, & ab adultis quandoque deglutitis, quæ quoque ab acribus internis humoribus fieri valent, quibus si mederi pharmacis purgantibus, aut sanguinis missione vellimus, nihil proficiemus, cum pharmacum acres humores supra vulnus ducendo, illud dillatet, indeque contingat, quod plus noceat, quam prospicit. Certè non ob aliud non solidari relata vulnera accidit: quam quod quotidiè super eadem bilis, quæ cum fece per podicem excernitur delata eadem erodat mordeat, & ampliora efficiat, ab hisque heclicam fieri posse, ultra experimentum ratio ipsa comprobat, vapores enim, qui ab ulcere tali elevantur, sanguinem cordis inficere posse, nemini indubitum venire valet, coque infecto, cor taliter quat, ut febris inde proveniat: certum quoque est, & cum nocumentum, quod ex vaporibus illis contingit, atque quod ex viatiata ab eisdem ventriculi coctione, & intestinorum debita fecum

expulsione, non adeò ingens sit, ut celeriter interficere cogat, inde accidit, quòd febricula illa paulatim corpus consumendo, in tabem ducat, neque ob id nego, quod ubi validæ vires sint, ulcera illa, quæ ab extrinseca, aut intrinseca causa fiunt, sæpissimè consolidari possint: certè non aliter spherulæ plumbeæ catapultis vi ignis jaculatae in corpus humanum jactæ, atque intra aliqua viscera diu manentes: heclicas febres inducere solent. Novi enim quendam, qui in civili Hispaniæ bello anno 1520. per dorsum iectus spherula quadam plumbea ex relatis, diu vixit, eadem prope renes per decem annos inclusa manente, & tandem febricula assidua, quæ à principio ipsum corripuit, in tabem ductus, vita functus est, mille aliis modis rupto, vel obstructo aliquo interno vase, fieri heclicas contingit, Medicis investigare non valentibus, causam febrium illarum, & ob id opinantibus febrilem illum calorem membris infixum esse.

Nempè cum aquarum ductus, qui per diversos fictiles canales terra opertos vehuntur, ut hortus, aut prata, seu segetes irrigent, sæpè vitiantur aliquo ex illis fictilibus conalibus fracto, nulla extrinseca re frangente vasa, sed canali à fugo perperam, & ex indecenti luto febricato, & quandoque obstruuntur, quia à fonte manans, à qua adeò crassa dilabatur, ut quovis die sordium non nihil herens canalis alicujus parieti, viamqua aqua defluxura est, in totum obstruat, quo prata, & alia irriganda arescunt, atque arbores insitæ tabascunt, rationi consonum erat, simili modo posse homines arescere, & tabidos fieri, quia aliqua vena, vel arteria vitio naturæ perperam constituentis vas illud, in-

tra consistentiam alicujus visceris insignis, aut prope ipsum rumpatur, taliterque ruptio fiat, ut propter carnem, aut membranam aliquam vas ruptum tegentem, nullus sanguis exire per superiora, aut inferiora loca conspicatur, & solita, atque necessaria sanguinis distributione, ut sanus homo viveret, deficiente, cordis sanguis vitiatus febrire habituali febre per modum saepius dictum cogat, Medico quantumvis docto calere non valente, illius febris originem, jecoris obstructions, septi transversi vitia, ventriculi, aut intestinorum, & aliarum partium morbi, hecicas efficiere, convictus experimento Galen. negare non valuit, ut commentario nostro de Inaequali intemperie monstravimus.

Permutari posse putridam in hecicam, non ut Galen. opinatus est, sed multo aliter, ego non inficiar, potest enim vi febrilis caloris aliquod pectoris, aut ventriculi, vel pulmonis, seu jecoris, vas, adeo corrugari, & succus illic contentus adeo densari, ut quovis humore reliquo vitiato, qui putridae febris occasio erat, adhuc à Medico, vel natura extra corpus ejecto: febricula perseveret, vaporibus noxiis ex detento succo in arctis illis vasis ad cor delatis, aut sanguine arteriarum, vel venarum prohibito transmeare, per scyrrosa illa loca, ut solitus erat, cum bene valebat æger, potest quoque putrida febris debile reddendo aliquod ex praepuis visceribus hecicam inducere, quod debile viscus vitiatum succum gignat, tandem cum morbifica causa sic inficere cordis sanguinem valet, ut febrem efficiat, difficulter propter occultam aliquam causam medicabilem, quæ adeo tardè hominem interficere, sit nata, ut prius universum corpus ta-

bidum, vel proximum tabi fiat: quam homo moriatur, hecica dicitur cum autem adeo noxii sunt febrium humores, ut prius homines interimant, quam in relatum tabis malum trahantur, aut adeo salubres, ut etiam priusquam in tabem incidat febriens, aptus sit curari, putridæ, aut plurimum dierum febres sunt dicendæ.

Et si à me queratur, utrum necessum sit, quamlibet hecicam ex putrida factam fortiorum calorem putredinalem pro causa habuisse, quavis alia putrida, dicam quod: non quia potest in indecenti consistentia venæ, aut arteriæ alicujus hominis tanta promptitudo esse, ut à leviore multo calore corrugari, & exiccare, ipsa valeat, quam consistentia vasis alterius hominis à multo majore, & intensiore, etiam quia accidat nonnunquam aliquem crassum succum in vas aliquod arcum includi, quod facilius in scyrrosam consistentiam vertetur, quam si in ampio, & tenuibus succis mixtus includeretur, & ob aliquos innumeros eventus à levioribus multo febribus posse hecicas in aliquibus, quam in aliis hominibus fieri, claram est.

Etiam si interroges an sequendo mea placita omnis hecica necessario hominem in tabem ducat? respondebo quoque, quod non, sufficit enim, ut hecica nominetur aptam esse in tabem hominem trahere, nisi Medici præsidio, aut valida vi febrentis curetur.

At si interrogare, iterum non defistas, an ego in tres species, ut reliqui Medici hecicam distinguam, & priorem facilis curationis, & difficilis cognitionis esse affirmem, & tertiam huic contrariam, puta difficilis, aut impossibilis curationis, & facilis cognitionis, mediumque medio modo se habentem, dicam

libenter quod sic, certè manifestum est, quod si cum primum in aliquo vase indurari aliquis humor inciperet, ex quo hectica provenire posset, id Medico ignotesceret, quod facilitè balneis dulcis aquæ, & aliis præfidiis, quæ suavi quantumvis abditas corporis partes attingere valent, emollire, & in pristinum salutis statum ducere hominem, hectica primæ speciei ægrotantem valereret, sed quis Medicorum adeò perspicax est, ut pulsu, aut urina, vel aliis signis, intelligere in unico, aut duobus mensibus noxam illam, & mali illius originem potest nullus certè, neque facilius ulceræ interna cum primum fieri incipiunt, & tubercula in membris principibus, aut propè ea genita, & alia plurima à quibus hecticæ siant, cognosci, quam præterita possunt, at cum jam in tabem incidit æger, vi febriculæ diu perseverantis, & mætratum pati febrentem imperitum vulgus adhuc noscit, & nullus quantumvis hebes Medicus non intelligit, hectica febre ægrum illum laborare, etiam impossibile jam tunc esse, febri illi mederi attestor, quod adeò dejectæ vires illius ægri jam tunc sint, ut tantum quantum dissolutum ex membris est, restaurare non valeat, nam si id quod coquere ventriculus, & jecur possunt, propinatur, semper, & semper gracilior, & plus tabidus huic æger fiet, cum parum membris apponetur, quod pauxillum sit, quod coquere ventriculus possit, & multum à febre dissolveretur, verum si plurimo alimento repletur febriens, certum est, quod id cum coquere decenter non possit, in hydropem ascitem, aut in lienteriam, & in diarrheam, incidet æger, atque quod anullo eorum poterit relevari, nam si quis sine illis morbis ta-

bidus est, cito periit, qui fieri potest, quod cum illis citius non intereat, neque paucos ex hecticis alter quam altero relatorum morborum perire, videmus, ob causam scriptam.

Porrò posse febres ephemeras, quas unius diei nominamus in hec- ticas permutati, ego non dubito, quoniam vis caloris solaris, aut iræ, vel alterius rei natæ unius tantum diei febris occasio esse, poterit, in promptis hecticam pati, ipsam efficere, tuberculum aliquod, vel scyrrhum internum, aut vasis aliquius pectoris, aut alterius principalis membra indurationem procreando.

Neque à verò deviat humiditates quas juniores Medici secundas vocant, in membris humanis contineri, de quibus Galenus aliquid dixisse propè finem decimi libr. Method. med. 11. cap. videtur, & fusius, cap. 6. antecedentis lib. 7. utrum autem tales sint, ut Galenus illic dixit, (Avicenæ enim contextus capite de Hectica, & prima pri- mi tractans de eisdem adeò vicia- ta sunt, ob Interpretis ignorantiam ut intelligi minimè valeant) aut aliter se habeant, & quod secundæ cambium, ros, & glutem (his enim nominibus vocari easdem multi af- firmant) in diversis hecticæ specie- bus ordine quodam servato consu- mantur, alibi Deo concedente cum hominis constitutionem physicam tractaverimus, fusè explanabimus, pro præsenti loco sufficit dicere, quod non solum in hectica verum in quavis alia febre quod magis pa- ratum dissolvi fuerit, id necessariò prius consumetur.

Possibile quoque existimo à so- le, vel ira, aut alia extrinseca cau- sa hecticam incipere, nulla alia febre præcedente, nihil enim ve- tat, nonnumquam, & si raro ob iræ,

iræ, aut folis contingere, aliquod internum vas adeò indurari, aut aliquem humorem crassum adeò densari, in loco cordi proximo, saltim ex quo inficere suis fumis cordis sanguinem valent, ut febricula, quæ tarde interimere, & prius membra consumere, sit nata, fiat, sed hanc hecticam dici, ex prædictis patet, de natura ergo hecticæ in summa, ut promisi diximus, ad investigandum ergo ejusdem signa deveniamus.

CAPUT LXIII.

De signis hecticæ febris.

A Deò manifesta signa hecticæ, quæ in tabem febrentem duxit, sunt, ut Medicus nullo alio inditio, quām faciei, & corporis prospectu ad ipsam noscendam egeat, cum enim faciei, & totius corporis caro adeò consumpta prospicitur: ut ossa, nervi, & cartilagine, ac venæ, sola cuti tegi appereant, & ariditas quædam cutis, rugæque innumeræ in universo corpore adsint, facieique vividus color in decolorē marcidum, ac pallentem vergit, flore vitalis caloris extincto, febremque continuam diu passus, saltem priusquām in tabem inciderit æger, fuerit, & tunc quoque patiatur, jam tunc indubie hectica immedicabili illum febrire affirmare quilibet poterit, neque incassum signa illa ariditatis necessariò conjungenda febri, ut hectica nominetur dixi, sed quoniam scio, posse citra febrem in tabem multos ægros incidere, vel quotidiè vomendo, quæ prandent, de quibus nonnulli mihi ut mederentur, oblati sunt, aut alui fluore, vel per alias modos, & paucis ante mortem diebus febrire, qui hectici nominandi non sunt, sed senium ex morbo patientes dicen-

di, ut Gal. 5. cap. lib. de Marasmo scripsit, hecticam senectutis Avicenna prima, 4. hunc affectum vocavit, multa alia signa ad cognoscendas has febres cum tabe conjunctas Galenus 9. cap. lib. 1. de Februm differentiis exaravit, quæ subticere decrevi, quod sciam relata abundè sufficere, ut morbum hunc non tantum Medicis, sed rusticis hominibus notum notiorem faciam, ut ergo de illa agam, in qua facilis est remedio locus, nisi in aliquem de hac Medicorum inciderit turba, ut verbis Galen. in 9. cap. lib. citat. utar, difficilis verò admodum ejusdem cognitio est, quam primam hecticæ speciem nominant, prædicere visum.

Galenum multas notas de ipsa scripsisse, non quas experimento veras esse comprobaverat, sed quales ratione ductus apparituras existimavit, nec aliter hæc singendo signa processit, quām in omnibus de Pulsibus libris cum in tot differentias pulsus distinguit, quales nullus quantumvis acris ingenii, & perspicacis facultatis tactricis unquam percipere, tactu potuit, & si intellectu comprehendere easdem valuerit, & insolens ipse se omnes cognovisse gloriatur, in supradicto ergo 9. cap. Galen. inquit. Febres hecticæ ab ephemeras incipientes ægri relatione inditum aliquod de se dare, si enim interrogatus æger febrire se incepisse dixerit, quod iratus, aut tristitia affectus fuerit, cum ante benè se habere senserat, & ultra primam diem febrem durare nulla quiete, nec inclinatione illa, aut augmento in eadem conspecto, & ariditatem magnam in corpore tangentibus illud, præsentet, talem hecticam esse, suspicandum est, & quamvis hic inter signa hecticæ incipientis ariditas cutis nominetur, mihi com-

men-

mentitum, atque fictum hoc signum esse videtur, nam non tam citò ariditas, quæ in his febrentibus sentiendam in fine morbi erit, apparet, ut in secunda die percipi tactu Medici valeat, maximè cum ira posset sanguinem biliosum ad cor movendo pituitosum aliquem succum in aliquid internum vas contentum adeò indurare, vi immodici caloris biliosi sanguinis, ut indè febris hectica inciperet, in qua ariditas in cute sentienda non esset, sed potius nonnulla humiditas, si etiam pituita in reliquis corporis partibus abundaret, hecticas enim aliter fieri, quām per modos, quos diximus, impossibile esse, supra satis probatum supereft, quòd si Galenus novisset, minimè finge ret, in hecticæ initio ariditatem in cute sentiendam.

Neque minus fictum esse aliud signum, hujus febri quod post relatū scripsit Galenus existimo, illud erat caliditatem febri primo tactui mitem sentiri, perseverante autem tangentis manu, acrem, ac mordacem, putabat certè calorem hectici membris fixū primo tangenti non valde molestum futurum, quoniam cutis, & caro mediarent inter manum, & illa, quæ membra radicalia nonnulli vocant (sic enim nominant nervos, ossa, arterias, venas, & reliquas hujus sortis hominis partes, quæ in utero primo fiunt) & quòd perseverante manu tangentis, caliditateque intiomrum membrorum urente, mordax, & acris perciperetur, non considerans Galenus, quòd non plus in principio, quām in fine interiorum, atque exteriorum membrorum actio sentienda à tangente esset, post quām exteriora membra ab internis totum quem recipere calorem valerent, receperint, ut enim si calentem lapidem corio tegeris, &

tamdiu ibi manere corium sinas, donec universum, quem habet calorem lapis, in corium introducat, & post manum applicueris, non minus urere in principio, quam in fine senties, nisi quantum ob majorem moram plus de actione agenti conceditur, sic hecticis evenire deberet (jam quòd hectica talis es set, qualis Galenus putabat) ipsi enim hectici non plus in fine, quām in principio calidi perciperentur, nisi quantum illi propter moram magis calfacere permetteretur, quod commune omnibus febribus, & quibusvis agentibus, & non peculiare huic tantum est, post enim octo, vel decem horas caliditatem sim plicium, & primorum interiorum membrorum communicatam esse, cuti, & carni proximæ, verosimile est, hæc satis probant, Galenum inde seductum fuisse, quia non intellexit, quòd etsi vera sua placita essent, calor interiorum membrorum futurus erat exterioribus partibus post breve spatium communis: nam tam exigua distantia, ut est, ab ossibus, & nervis thoracis, & plurimarum aliarum partium usque ad cutim earumdem, impedire actionem caloris osseum, & nervorum ne cutim calefacerent, plus quām per relatū breve tempus credibile non erat: si ergo Galenus dixisset, hoc esse signum febri ante decem horas incipientis, salvari sua assertio posset, verum quis non videret, delirare illum, qui putaret Medicos vocandos in tam exiguō temporis spatio ignoto ægro, ut per præfatū signum, incipere tunc febrem hecticam Medicus nosceret, tandem si veritati consona fingere sequendo propria falsa placa non valuit Galenus, mirandum non est, investigando hecticarum febrium naturam aberrasse, Medicosque deinceps decere hoc genus signi

signi relatis erroribus contemplatis contemnere.

Porro quæ indicia febres habituales, cum incipiunt, committentur, difficile est, investigare, difficiusque investigata nolcere, cum enim tam illæ, quæ putridæ nominantur, quam habituales ortum, seu occasionem nonnunquam ab eisdem causis trahant, & tantum differant, quia putridarum occasio talis sit, ut non in prolixo tempore interficere, quæ mortales sunt, valeant, ut salubres cum medela earendem differatur, per aliquos certos dies, aut horas intermittent, aut intermittentur, & in tabem trahere febrentem non sint natæ, & hecticæ per oppositum, hinc difficilimum est, & impossibile existimo, inveniri in harum principio indicium aliquod, quo certi esse possimus, inceptionis hujus morbi, cum enim bilis notha exempli gratia, in laxis, & amplis venarum, & arteriarum vasis putrescens, sanguinem cordis inficiendo, occasio esset, quod cor sine intermissione velociter, & frequentè moveretur, unde febris continua putrida vocata oriretur, pulsus, & urinas tales haberet febriens, quales quoque in aliquibus arctis ob depravatam illorum vasorum à natura structuram consimilis notha bilis putrescens, jam, jamque indurari incipiens, fuligines in cor nihilo à præterita bili dissimiles jaceret, quibus etiam sanguine cordis infecto, cogeretur, in omnino similes velocias, & frequentes diastoles, & systoles tamdiu atolli, & deprimi, donec in tabem ægrum perduceret, quo habitualis febris esset vocanda, at per relatós cordis, & arteriarum motus in initio decernere inter has febrium species nullus Medicorum valeret, ut urinæ quoque harum febrentium necessariò similes

futuræ essent, quia ab humoribus noxiis omnino similibus inficerentur, quo enim differebant: puta structura vasorum, urinæ ostendere non possent, hinc manifestum supereft, hæc duo potissima harum diversarum febrium indicia adeò similia, prout dixi, quandoque esse, ut per hæc, quo altera ab alia differat, cognosci non possit, ut neque tangendo horum febrentium calores aliqua notha distinctionis eorumdem haberi valet, cum vasorum arctorum, & laxorum vapor non dissimilis sit, & jam quod dissimiles hi vapores essent, commixtus arctorum vapor cum reliquis laxarum partium percipi non posset, visu etiam differentiam harum febrium Medicus assequi non valeret, cum facie utriusque ægri considerata, non macilentior febrentis hecticæ, quam putrida judicabitur, in adeò enim exiguo tempore, quale durat in prima vocata hecticæ specie, non plus gracilis unus, quam alter est, hecticæ quidem non adeò attenuantur, nisi propter febris perseverantiam, & non quia vigorosiores febres sunt: nam non raro febres putridæ, quam hecticæ ardentes sint, ut experimenta docent, & Galen. sœpè testatur, feces quæ per imum ventrem excernuntur, non plus quam urinæ distinctionem harum febrium ostendere valent, sputa, & alia excrementa à corpore manantia, non majoris vis, quam prædicta sunt, tandem cum per nullum ex relatís modis, neque per eos, quos scripsit Galen. in quatuor capitib⁹ tertii libri de Præfagatione ex pulsibus, & in aliis locis, nosci valeat hecticæ initium, quia multæ febres putridæ communia indicia cum hecticis incipientibus habeant, supereft examinare an verum sit omnes, qui in initio (nam in fine sic-
cio-

ciores esse, nulli dubitant) habituali febre laborant, sicciores à tangentibus sentiendi, quām qui putrida sint, quōd videam Galen. semper huic potissimum inniti signo, cum pro firmo habeat ipse, hecticam febrem cordis corpori inhærere.

Et quamvis non nihil de re hac supra in præsenti scripserim capite, ut protervi, & qui falsa Galeni dogmata à nobis improbata mordicus tenere non verentur, legentes sequentia resipiscant, dictare quæ sequuntur placuit, non quidem ut falsum ejusdem placitum de modo, quo hecticæ febres fiunt, confutemus, quōd hoc satis improbatum in commentario de Inæquali intemperie à nobis est, sed ut probare connemur, & si verum illud esset, quōd siccitas primam hecticæ speciem, & initium secundæ non committaretur, quod ut verum esse clare noscatis, supponere expedit, cum siccitatem signum perpetuò sequens quamlibet hecticæ speciem Galenus dixit, non aliud sentire potuerit, quam quōd duobus hominibus ejusdem temperaturæ, & ætatis in eodem tempore, & regione febrentibus uno putrida alio hectica, siccior, qui hectica febriret, si tangeretur, judicabitur, quām qui putrida, quōd hectica corpori sicco, cordi scilicet inhæreat, putrida autem humores putredine effervescentes, & ex se multos vapores fundentes in causa habeat: nam si dispares temperaturæ, aut ætate, vel reliquis essent, inconveniret nihil decrepitum melancholicum febrentem quartana febre, multo sicciorum judicari, quām puer sanguineus hectica laborans duorum, vel trium annorum, his lectis censeo, jam prudentem lectorem divinatorum, quæ mox sequentur, cum adeò perspicua sint, ut nullum sapien-

tem latere valeant, nempè si qui tangit febrentem hectica, & eum qui putrida est affectus, cor hecticæ, & vasa, in quibus putrescens humor reconditus est, tetigisset, fatis sufficienter distinguere hecticam à putrida per siccitatem in corde perceptam, & humiditatem in putrescente succo valeret, verum cum neutrum attingat, qui decerne re inter has febres procurat, nescio quomodo tacta cuti siccitatem cordis, & humiditatem putrescentis succi percipere Medicus possit, etiam quis tam insanus est, qui non videat, quōd si duorum lebetum fundos plenos carne, & liquore aliquo, æqualiter calefacias aqua calida, vel aëre calido, & humido, & igne, vel ferro calido, & sicco, & carnem, & liquorem contentum in utroque lebete tangas: æqualiter sicca, aut humida contenta sentienda sint, & quōd pariter caro, & cutis, quæ in utroque febrentium tanguntur, æqualiter calida, authumida judicabuntur, sive à corde calido, & sicco, seu à putrescente succo calido, & humido cutis, & caro caleant, quis quoque non videt, quōd æqua caloris mensura in humores totius corporis, ac carnem, & cutim ejusdem produc ta, æqualiter difflabuntur, qui à sicco, quam qui ab humido caluerint, cum calori majori major diffratio, & minori minor tribuatur: cum ergo sæpè contingat, parem esse calorem succorum hecticæ incipientis, quem cor genuit, & putridæ febrentis, quem humor produxit, ut Galeno placet æqualiter difflatis succis, pariter humili, aut siccii à tangente judicandi erunt, cum pares in temperaturis, & corporum habitibus, & reliquis esse supposuerimus, hoc ergo indicio, ut nullius momenti pro noscenda prima specie relicto ad aliud deve-

niamus, quod maximum esse hecticarum febrium indicium, Galen. putavit, non multum ante finem primi libri de Februm differentiis, illud autem erat arteriis, & circumjacentibus partibus tactis, calidiores arterias reliquis partibus percipi: quod in initio hectice, plusquam in putridis contingere, ego non experior, nec ipse Galen. experiri valuit: si enim arteriae, quae venis conjunctae sunt (quod majori parti arteriarum contingit) adeo communicant sanguinem cum venis proximis, & venae cum arteriis, ut deceptus Erasistratus ausus fuerit affirmare, transfundi sanguinem venarum in vulneratas arterias, nullo sanguine, sed solo spiritu in arteriis naturaliter, ut ipse putabat, contento, qualiter possibile futurum erit, quod & si cordi caliditas hectici inhæreret, ut inest, & arterię majorem consortium cum corde, quam venae haberent, quod spiritus calidus missus à corde per arterias, ut sanguinem, & alios succos in venis, & arteriis contentos calefaciat, non reddit partes proximas arteriis adeo calidas, ut in aliis febrium putridarum modis, cum cor quoque illis necessario cadere debeat, & multo plus, quam in hecticis quandoque, vel ipso Galeno affirmante, sed has in Galenum animadversiones mittamus, ne hi qui nos calumniant, objicere possint, gratissimum nobis esse, levissima quaque ejusdem prolixa oratione taxare, cum hoc vitium genus tantum absit à nobis, ut nihil turpius, quam innocentem calumniare, putemus.

Ut ergo relata duo signa, quibus Galenus incipientem hecticam distingui, ab aliis febrium generibus falso credidit, veris experimentis edocetus ego, quas committentur aperte, & ingenuè fatear,

solas habituales febres in tabem tendentes solita committari, aslevero, in quibus ipsa conspici, non præter rationem, ut incipientibus est, nam per febris prolixitatem potiore parte carnis, & succorum in vasis contentorum consumptis, necessarium erit, cuti arida, & carne subdita exucata tactis, siccitatem, & squalem, quem patiuntur, tangentibus ostendere, ut quoque arterias, in quibus major portio sanguinis, & spirituum, quam in venis contineri in hecticis verisimile est, calidiores circumjacentibus partibus, sanguine venarum, & tenuibus aëris partibus vi asidui febrilis caloris privatis, sentiri: cum enim immodus calor in eum statum febrentem hectica traxerit, ut in tabem, vel prope eandem situs sit, multo jam sanguine consumpto, naturam hominis servatricem in arteriis potius quam in venis recondere, quod ad vitam necessarium est, nulli in dubium venire valet: certè sine spiritibus calorem in totum corpus distribuentibus vivere, hominibus non datur, quod hoc actuali, & formalis calore, tam vitalis vis, quam naturalis egeat, non enim sine eo dilatari cor, & pectus, nec coqui alimenta valerent, at absque tanto venali sanguine, quanto membra, ut resoluta restituant, egent, vita per insigne tempus perdurare potest, quamquam membra omnia tunc magis, ac magis gracilia propter alimenti defectu redentur, merito ergo arteriae quavis madente re iroratae majorem calorem ex se fundent, quam circumjacentes exangues, & aridae partes, & à tangentibus calidiores judicabuntur, reliqua nempè partes in terram prope versae, exiguum calorem, & insig- nem siccitatem patientes, undè vaporosum calorem fundant, non habent, animadvertis ergo prudens

lector, quod non dolus, sed veritas ipsa nos compulerit, Galenum reprehendere, quia signa illa, quæ in febribus tabidis ideo, quod marasmum membra patiantur, videsmus, in eisdem cum incipiunt, & plurimum carnis, & sanguinis habent ægri, inveniri scripserit.

Porrò cum indicia, quibus Galenus hecicas incipientes cognosci posse, dixit, parum Medicis prudesse, in antecedentibus probaverim, æquum videtur notas (si quæ sunt) monstremus, quæ aliquod hujus febris vestigium docere possint, ac cum veritatem apertè fidelis, ac verax Scriptor dicere teneatur, & si à non nullis minus doctus ob id judicetur, quod se ignorare, quæ alii se scire, falso jactant, palam confiteatur, ego omnibus notum facio, me nunquam nisi postquam febris tres menses duravit, habitualem esse cognovisse, neque in primo, aut secundo mense ullum evidens indicium de eadem summissse affirmo, præsertim cum alui fluxus, aut vomitus assiduus eandem non committatur, quoniam potissimum, & præcipuum hecicæ febris signum tabes incipiens cum assidua febre est, quæ ante relatum nonaginta dierum spatium incipere nisi cum dixi, solita non est, non quod multo ante prædictum tempus sèpè mihi suspicari, non contingat, nonnullam cui medeor febrem, hecicam esse, tum quod gracilis, & imbecillus febriens sit, tum quod febris sine rigoribus, aut ullis accessionibus, æqualis perseveret, & hoc præcipue, quia tentatis multis vacuationibus per venæ sectiones, & alui purgationes, & cum aliis variis præsidiis, nec tantillum febrem imminutam esse, intellexerim, neque tam sèvam fieri, ut mortem celerem imminere febrieni indicet, sed cum non raro

multæ ex istis priusquam tabes omnino manifestetur febientes interficiant, & aliæ præter meam opinionem in salutem noxia causa expurgata finiantur, fidem dare, illis suspicionibus, non audeo, quod me ut dixi (& si quandoque ut suspicabar cesserit) non raro fefelerint: ille enim, quæ priusquam in tabem incidat validarum virium æger, eundem interficiunt, & quæ natæ non sunt, ad tabem trahere ægrum, nisi à forti ægri vi, aut validissimis medicamentis curentur, hecicæ, seu habituales ad nostrum morem, ut suprà scripsi, vocandæ non sunt, superest ergo habituales febres, quæ non tantum tabis incipientis occulta indicia, sed manifesta (quamvis non ultima) habent, in secundo gradu hecicarum collocandas: ut quæ cum ultimæ tabe conjunguntur, quas marasmodes Galenus vocabit, in tertio, & ultimo loco ponendas, & utrasque harum non multo cum labore cognosci, affirmo, cum in postremo loco sitæ, indocto vulgo, quantò magis Medicis notæ sint, ut quæ inter primum, & ultimum locum mediant, medio modo notionem de se exhibent: certè non tam occultam ut incipientium, nec tam manifestam ut ultimarum.

In initio habitualium febrium eas partes corporis consumi, quæ febrili calori eliquanti minus resistunt, & in mediis, quæ præteritis magis solidæ sunt, & in ultimis omnium robustissimas, certum est, verum si in nostris membris illæ, quæ à nonnullis secundæ humiditates dicuntur, puta ros, cambium, & glutem, nominata inveniantur, nunc decernere ob rationem superius scriptam non placuit, ut neque de signis hujus febris cum putrida conjunctæ, postea enim cum de febribus compositis egerimus, fusè

de eisdem dicemus, transgredi quoque illud à Galeno, & omnibus aliis posterioribus Medicis celebratum signum, puta hecicos post prandium, aut cœnam calidores, quam ante fieri, quoniam in commento libelli de Inæquali intemperie, quæ illi signum attinebant discussi.

CAPUT LXIV.

De medela febrium habitualium.

Nempè impossibile est, nostras habitualium febrium methodos curativas cum his, quas Galenus septimo, & octavo capite, ac sequentibus, decimi modi mendendi libri scripsit, convenire, qui enim de esse, & natura unius morbi discrepant, necessariò in medela illius, discordes sunt futuri, ac cum Galeno videatur, habituales febres nullum vitiatum succum in causa habere, sed infixas cordi, & toti corpori esse, mihi autem impossibile hoc appareat, & à materia infecta omnes febres originem trahere, existimaverit, ille soli alterationi intentos esse Medicos, est præcepturus, ego autem eductioni pertinacis materiæ sanguinem cordis insufficientis, præcipuum curationis scopum esse dirigendum, præcipere teneor, docebat ergo Galenus in citatis capitibus normam, quam servare Medici in curandis hecicis deberent, his verbis: [Cum igitur (ceu diximus) citra putredinem squalenti corpori febricitare contigerit, caput totius curationis, in iis remediis, quæ refrigerent, & humectent, statuere oportet. Porro duplex genere est harum rerum prima materia, una eorum, quæ foris admoventur, quæ sanè sumenda vocantur, extrinsecus corpori incident: tūm aēr ipse, qui nos ambit, tūm pharmaca quæcumque.

Tom. II.

humectandi refrigerandi, quam vim obtinent, & tertium præter hæc, dulcis aquæ balneum, intro in corpus sumuntur, quæ eduntur, ac bibuntur, & inspiratus aēr, ab his generibus tentandum est, propositis hoc loco febribus, tūm humiditatem, tūm refrigerationem comparare, verum refrigeratio quoniam per efficacissimam qualitatem inducit, & parvi temporis est, & periculosa, contrà siccitas per ea, quæ humectent curatio, ut longi temporis est opus, ita minus est, quām refrigeratio periculo exposita.] Prolixisque multis aliis sermonibus, neque adeò ut expediebat utilibus, decimum librum absolvit, ubi veritate ipsa conjunctus immemor eorum, quæ primo de Febrium differentiis prædixerat, confessus octavo citato capite est, aērem frigidum in pulmonem inspiratum ipsum infrigidando, hecicis conferre, eundem quam aērem cutim densando, prohibere putredinosorum humorum effluxum transpirare, quo si hecicas à nullo putrido, aut noxio humore penderent, obesse aēr frigidus non posset, quin refrigerando prodesse.

Nequaquam medelam hecicas præcipue poscere refrigerationem, ac humectationem, ut Galenus dixit, sed quandam temperatam frigiditatem, aut calorem humiditati ficca, & dura emollienti conjunctum, qui modum per quem omnes fermè hecicas fieri, diximus, novit, facilè intelliget. Certè si habituales febres ab induratis tuberculis interius in visceribus genitis, atque à crassis succis in arctis vasis inclusis, ibique in scyrrhum versis, in plurimum fiunt (quod explico, quoniam nonnullæ ab ulculis pulmonis, & aliorum viscerum contingunt) refrigerationem dura magis indurantem, & arcta vasa plus

Fff 2

conf.

constringentem, quam maximè nocere, nulli in dubium venire valet, siquidè Galenus cum medelam scyrrhosorum tumorum secundo de Arte curativa ad Glauconem scripsit sequentibus verbis dictavit: [Si quis igitur medicamenta vehementer dissolutiva induratis corporibus adhibuerit, quæ manifestam faciant scyrrhi diminutionem, brevi tempore speravit perfectam curationem, non verè, ignorans quod residuum passionis hoc curationis modo incurabile reddatur, tenuiori enim ex eo dissoluto humore residuum exicatum lapidis duritiem assequitur, non igitur curandæ sunt partes induratae, medicamento immodecè siccante, sed cum eo quod calorem habeat tepidum, humiditatem verò nec multam, nec omnino minimam, quoad enim superfluum humorem habet, nihil omnino dissolvit, quod verò minimum plusquam oportet exiccat, oportet autem induratum corpus à medicamento, quod auxilio futurum sit, simile quid pati his, quæ sub sole funduntur, vocantur autem molificantia hujusmodi medicamenta.] Quibus prudens Medicus institutus cum hecticis febribus medetur, non medicamentis valde frigidis, neque eximiè calidis, sed temperatis mollientibus uti debebit.

q. Methodus.

Neque hinc suspicetur aliquis, nos præcipere olea, & cerata valde emollientia ventriculo, & jocinori ad moveri, cum non adeò rudes simus ut nesciamus, relata membra, quæ alimentum pro toto corpore concoquunt, roborantibus, & adstrictroram vim habentibus egere, nos enim hæc duo viscera cum balneum ingressurus fuerit febriens, oleo rosaceo, & nardino, inungere, consulimus, & si prædictorum viscerum alterum obstructio, aut ullum tuberculum oppresserit, af-

sumgiam gallinæ, aut anatis, & fæni, Græci mucilaginem, relatis oleis commiscere consulimus, reliquum vero corpus tepido decocto ex malvis, & prunis, & purpureis violis, & camemello, & aneto, semel ante prandium, & iterum duabus horis ante coenam, lavare, ac postea unguento liquido confecto, ex oleis relatorum medicamentorum, puta violarum, camemelli, atque aneti, & amigdalarum dulcium oleo, succo malvarum amnitis, & lento igne, donec malvarum succus diffletur, fervere permisis, cum tantillo ceræ coagulatis, inungere quovis die præcipimus, alius tamen priusquam balneum ingrediatur febriens, exoneranda sponte sua, vel aliquo clistéri feces emollienti erit, neque obli- vioni relatum balneum in hujus morbi medela tradendum est, cum hoc potissimum remedium ad curandas habituales febres nullis aliis morbis conjunctas sit, valent enim unguenti admotio, & herbarum coctio porositates corporis ingressæ indurata mollia reddendo, & arcta vasa dilatando, impactos, & infryrum versos noxios succos, non nunquam habiles reddere, ut vi caloris febrilis omnino difflari valeant, aut ab expultrice vi per sensibiles meatus excerni, quos affectus pauca, aut nulla medicamenta adeò celeriter, ut balneum efficere valent, quod detegitur Galeni error præcientis infrigidam aquam demergendos febrientes, postquam in aquæ calidæ balneum descendunt, & quod solum ut infrigidarentur hectici, balneari jubeantur, cum non tantum non prossit in aquam frigidam hecticos mergere: verum quam maximè noceat, præfertim post aquam calidam poros aperientem, & frigiditati aquæ liberum additum danti: si enim prodesse

desse aliquando accedit per accidentem, in ægris validas vires habentibus contingit, cum retractis spiritibus ad corporis intima, & validioribus febrentibus factis, excernere noxium humorum facultas expultrix possit, debiles enim extincto calore, & duriore verso noxio succo, & magis angusto vase facto, insigne nocumentum ex aqua frigida recipiunt, quod Galenus non considerans, quæ nocebant, præcepit: si autem sudare post balneum hi inceperint, sudare inunctione superius scripta adhibita prohibentur, dum debiliores, & plus febrentes, post sudores per hebdomadam quotidiè factos eosdem fieri, sis experitus.

4. Methodus. Clisteria quibus uti debet febriens, priusquam balneum ingrediatur, si aluus lubrica non fuerit, conficienda erunt, ex decocto prunorum, ordei, violarum, malvarum, glicyrrhicae, camemeli, in quo olei violacei unciae duæ, olei rosati uncia una, buthiri vacini unciae duæ, sacchari uncia una, dissolvi debent, dormire æger alio, & huic simili post balneum recepto valebit, cumque tabescere febriens incipiat, tabidus etiam factis bis, aut tèr in quavis hebdomada clister ex jure gallinæ, & duobus ovi luteis, ac unciis tribus olei violarum, & sacchari uncia una tribus horis post coenam transatis, sumat.

5. Methodus. Balneum in habitualibus febribus ab ulcere pulmonis, aut empymate, vel stomachi, aut intestinorum, sive alterius corporis partis, ulcere antiquo nocere, quam maximè solet, & quod humectando ulceri poscenti ad sui sanationem exiccantibus oblit, & quod innoxios succos, fluxioni parando irruere eosdem in vulneratas partes,

imbecilliores ipsas reddendo efficiat.

Alimenta hecticorum facilis coccionis, & tenuis consistentiæ futura sunt, nam cum horum febrentium concoctrix facultas imbecilla ex diuturnitate febris versa sit, quæ difficulter coquuntur, incocta in his rejicerentur, & crassæ consistentiæ alimenta obstructiones scyrhosas augerent, lenta, & viscositatem insigne habentia, cum hecticæ ab obstructione manifesta in aliquo viscere provenerint, valde obesse poterunt, quod obstructions augeant, quibus auctis alimenta in universum corpus distribuenda ad ipsa alendum transfire prohiberentur, quo citius in tabem incidenter ægri, verum si in aliquo vase occulto particularis membra obstructio à scyrhoso tumore ullo fiat, alimenta quæ insigne lentorem non habuerint, sed mediocri quadam viscositate participaverint, ut cochlearum caro, prodesse non parum solent, quoniam scyrhosæ parti sanguis ab ipsis genitus hærens, ipsam humectare suo lentore valet, quo habilis expulsioni vertitur: si enim aquæ inter cutem tumorem cochleæ exugunt, ut Dioscorides libro secundo, capite octavo scripsit, non nisi ob siccitatem testæ id assequuntur, ideoque dixit: [Crudæ cum tegumentis impositæ, aquæ inter cutem tumores exugunt, sed non ante solvantur, quam omnis hauriatur humor.] Quasi hoc monere velit, prius humiditatem carnis cochlearum consumendam esse, ut testæ siccitas prospicit, quam auferantur, alio quoque modo prodesse possunt, quoniam ut vim habent exiccandi aquam inter cutem, & podragorum tumores, ita quoque, & duras illas vasorum obstructiones, vescen-

cendæ ergo terrestres , aut marinæ sunt , fluviatiles autem , & quæ fructetis , vepribusvè glutinatæ co-hærent , fugiendæ , quòd hæ stomachum , & ventrem conturbant , ille virus olen , ut Dioscorides retulit , neque illotæ , & crudæ mandendæ , sed furfurum , & foeniculo decocto abluendæ , ut lensor immodicus earumdem auferatur , & modicus maneat , cancri fluviales eandem vim , quam limaces , seu cochleæ habent , cum jure gallinæ coctæ.

Methodus.

Pulli gallinarum , & petdicum , & gallinæ ipsæ , atque arietum caro conveniunt his , hædorum cære-brum utile assūm , & elixū est , ju-ra prædictarum avium , & aliarum parvarum pinguium conducunt , & aves ipsæ præsertim decoctæ ; quòd plurimæ parvarum siccæ sint , qua-propter passeres calidi , & sicci in-utiles judicantur , ut quoque pa-lustres , & in fluminibus degentes aves , fructus complures prosunt , maximi qui mediocriter calidi , aut frigidi , simulque humidi sunt , quoniam humiditate , & temperato ca-lore , aut frigiditate , indurata emolliri , experimur , olera quoque humida , ut lactuca , portulaca , bu-gosum , intibus , & alia hujus ge-noris conducunt , acetum ad inci-tandum appetitum , & refrigeran-dum , & alimenta in membra im-pellendum conduit , dummodo exiguum ex eo sumatur .

Methodus.

Potum aquæ frigidæ cruræ non valde approbo , quòd horum fe-brientium spiritus exigui sint , qui frigida extingui parati sunt , etiam quoniam in hydropem omnes fer-mè tabidi finiantur , quia concoc-trix vis jecoris diurnitate febris imbecilla facta , alimenta in aquo-sum sanguinem vertat , aut quod Medicorum indocta licentia , per-

misi hectici quoties velint , aqua frigida ingurgitari , in hydropem relatam incident , putabant nempè Galenus , & quotquot eum sunt se-cutu Medici , scopum curationis hujus febris tantum refrigeratio-nem , & humectationem esse , cre-dentes febrem hecticam nullam ma-teriam pro occasione habere , sed calidam , & siccā intemperiem di-ci , ut suprà ostensum est , ideoque aquam frigidam nedum prohibe-bant , verum eadem mederi his fe-bribus putabant , nos autem , qui falsitatem hanc explosimus , & cau-sam hecticarum esse , quam audistis detegimus , coqui aquam rebus hu-meçtantibus , & aperiendi medio-crem facultatem habentibus , con-fulimus , ut humectatione indurata emollientur , & apertione excerni noxia , mollia versa , valeant , in quem usum , aqua , ordeo , prunis damascenis , & foeniculi semine coc-ta prodest , vel seminibus melonis , & cucumeris , ac parum anesi , cum enim hi ægri indigeant medicamen-tis ventriculum , & jecur roboran-tibus , ne in alui fluorem , vel hy-dropem incident : in quorum alte-ro fermè semper hi terminantur , ideo anesum , & foeniculum , & alia hujus facultatis , in aqua bibenda ab his , concoqui consulo , neque inconvenire putarem , si ventriculi ro-bur dejectum esset , cynamomum , & damascena pruna , in aqua bi-benda coquere , quamvis enim ver-um sit , quòd Galenus decimo lib. method. medendi , capite undeci-mo scripsit , frigiditatem aquæ ab stomachi calore , & membrorum vinci , non tamen ob hoc permit-tenda est , ab hecticis bibi , cum hi exiguo aquæ frigore insigne nocu-mentum patiantur , ventriculo , & membris in agendo re patientibus , neque aliud fortassis paulus sensit ,

cum

cum hecticis moderato frigidæ potu uti jubebat.

9. Methodus.

Ptisanæ cremorem, & alicæ sortitiones omnes antiqui in hoc morbo laudant, at ego si gratum hujusmodi alimentum his febrentibus esset, uti eo non prohiberem, non quidem ut ultimo, & potissimum cibo, sed pro primis mensis eundem concederem, & carnibus praedictis, aut piscibus boni succi, & aliis magis gratis, ac plus alentibus comedere largius quam multibus ex ordeo, & zea, seu spelta, confectis consulerem, neque non ovorum lutea exhiberem, & alia, quæ facilis coctionis fuissent, comedere permetterent, dummodo temperatum calorem humiditati conjunctum ipsa possiderent.

10. Methodus.

Lac in tantum ab omnibus Medicis laudatur, ut huic alimento nullum aquari putent, quod quoque prodesse, non tantum alendo, sed morbo huic medendo credunt, cui sententiæ ego non adversor, cum enim mihi compertum sit, hec ticas omnes ab ignotis obstructionibus, aut induratis occultis tubercululis, aut ulcululis incognitis (non enim de illis, quæ à jocinoris, vel lienis obstructionibus manifestis proveniunt, loquor, quod in his nocere lac soleat) originem ducere, & nullus cibus reperiri queat, qui adeò emollire sua buthirosa substantia indurata valeat, simulque, quæ mollia versa sunt, abstergere, & sero lavare, ut lac, hinc credo felicibus eventibus usu ejusdem Medici suassi, & si ignorarent habituallum febrium causas, neque modo lac prodesset, tam multum id laudaverint.

11. Methodus.

Primum, & præcipuum lac quod conferre his febrentibus existimat Galenus, asininum fuit, de quo in primis diebus cyathum unum tantum dare jussit, inducta in cu-

biculo ægrotantis asina, quo nulum tempus interponatur, sed æger id protinus bibat, post verò si in febrentis ventriculo non acescat, aut coaguletur, addere cyathum dimidium jussit, & sic plus concedendo, ad convenientem mensuram pro alendo ægro ascendere præcepit, cujus decretum ego quippe laudo, in febrentibus aluum adstrictam habentibus, secus ubi jam yenter esset immodicè solutus, nam cum certum sit tanto lac alio magis lubricum reddere ventrem, quanto plus de sero in se continet, ut Galenus 3. de Facultatibus alientorum, capite de Lacte dicebat: hinc sequitur asininum post camellarum, & æquarum magis ventrem subducere, quod de sero plusquam caprarum, & vaccarum, ac ovium contineat, atque ob idem aluum solutam habentibus inimicum esse, porrò mirari subit quæ maximè de Galeno, qui putavit, nullum in hectico redundare vitiatum succum, sed tantum distemperie calida, & sicca hujusmodi febrientes laborare, & boni consulat his ægris, lac asinarum expurgans dare, cum caprinum mediocre inter crassi nutrimenti lac, & tenue, dare potuerit, quod ad manum sæpè habemus, vitareque posset illud asinarum, quod obesse, ventrem subducendo, valeret, si hectici intemperies absque materia: ut ille existimavit: fuisset, neque minus inconvenit, & suæ opinioni adversatur, quod idem Galenus decimo Methodi medendi præcepit, ptisanam, & alicam, cum porro, & anetho, tum sale, oleo, & aceto condire. Si enim nullus vitiatus succus in hecticis abundat, in quem usum anethum, & porrum vim aperiendi, atque calfaciendi habentia prodesse, possunt, oleum quoque pingue, & inflammari aptum

tum, quo modo prodesse intemperiei calidæ, & siccæ poterit, ego non intelligo? certè inconstantem in suis opinionibus, ac varium Gal. fuisse, ejusdem scripta palam probant.

12. Methodus.

Muliebre lac suetum ab ubere nutricis, præferri aliis alimentis, pro nutriendis hecticis plurimi credunt, ego infantibus, & pueris utilissimum esse, disjudico, adultis non tantum prodesse existimo, & quod fugere lac à mulierum mamis abhorreant juvenes, & majoris ætatis homines, & quod ætas juventutis adeò dissimilis sit infantiae, ut rationabili conjectura suspicari possit, adultos dissimiles multo pueris, multo dissimilem effectum ab eodem suscepturnos, utque infantes juvamen à lacte ab uberibus fœminarum sueto recipiunt, juvenes nocumentum, aut exiguum commodum allatueros.

13. Methodus.

Testudinum caro ablatis pedibus, capite, atque cauda, cocta ita ut citra fastidium mandi possit, à Plinio laudatur, 32. lib. cap. 10. inscripto ad febres omnium generum, & contra diversas infirmitates, ranæ aquatice in vino vetere cum farre decoctæ ibidem etiam eliguntur, quæ ambo quædam maximè prodesse hecticis existimo, quoniam humiditatem natam emollire induratas obstructiones habeant, verum ducere ad electuarii inducendi consistentiam carnes prædictas, ut pharmacopolæ Medicorum jussu solent, multo minus prodesse, quæ cocta, & cumino, vel aneso, aut alio attenuante semine, devoratae existimo, quia humiditas, quæ mollire debebat, coctione immoda pharmacopolarum absumentur, alere gallinas, & earundem pullos, prædicta testudinum, & ranarum carne cocta, & ordeo in lacte quoque cocta, ut

relatis avibus nutriatur hecticus, satis proficuum est, oxigalate, id est, acido lacte ali hecticos, non nulli laudant, mihi autem oxigala inutile judicatur, quod crassi sit alimenti, ut Galen. lib. 3. de Facultatibus alimentorum scripsit, & buthirosum quo mollire lac valet, ac serosum quo aperire solet, amiserit.

14. Methodus.

Lacte tepido balneari universum hecticum corpus, dum prius in aquæ dulcis tepidæ balneum idem tandem descenderit, ut ibi parumper, & doneque cutis pori referentur, immoratus fuerit, prodesse quædam plurimum hecticis existimo, nam lactis humiditate emolliti induratae obstructions poterunt, & serosa ejusdem substantiam attenuari, atque excerni, omnesque hecticum corporis partes humectari, promptæ fient, quod plurimum necessarium hecticis est.

Medicamentis per os sumptis, & exterius admotis, infrigidari hecticos quoquo modo possint, procurant Medici, putantes, his extirpari febrilem calorem, posse, verum diciuntur, & non parum nocumentum sæpè ægris his rebus inferunt, nam quæ solum infrigidant, & alimentum nullum corpori, ut medicamenta pura, exhibent, comes ta, calorem nativum spirituum vitalium extinguunt, & concoctricis facultatis jecoris, & ventriculi vires imbecillas reddunt, atque in hydropem, in quam incidere ob imbecillitatem jecoris hecticum parati sunt, eosdem trahunt, quæ vero exterius admoventur, cutim inspissando, & fuligines scyrrhosarum obstructionum exire prohibendo, etiam, & si non tantum ut præcedentia nocent.

15. Methodus.

Neque præcedente methodo alimentorum frigidorum usum interdico, dummodo ex his sint: quæ faci-

Facilitè concoqui valeant, & optimum sanguinem, & à temperamento per humiditatem declivem gignant, frigida enim, & sicca ædulia noxia esse, palam est, quòd siccitatē hec̄ticorum, atque scyrrhosas obſtructiones eorundem augent, præſenti methodo quoque calida, & humida alimenta minime reprobo, quin si laudati nutrimenti ſint, complurimum prodeſſe, exiſtimo, quia ex his multus ſanguis genitus, humectare induratas obſtructiones, & vires fovere (plurimis spiritibus ex eisdem productis) valebit, ſolda quoque mebra, quæ in maraſmum incidebant, relevari ab eodem iſpis cibis poterunt, tandem uſum papaveris, nimpheæ, opii, hyosciami, in alimentis, aut in pharmacopolarum compositiōnibus devorata, nocere hec̄ticis di-
co, exterius quoque admota obſeſſe, affirmo.

17. Methodus. Unguentum rosatum, quo Medi- ci ſæpè inungere dorſum febri- entium præcipiunt, non adeò noxiū, & ſi refrigeret, eſt, ut per interva- la quandoque eodem totum hec̄ticī corpus iliniri, & leviter fricari, non proſit, ut unguentum liquidum in tertia methodo ſcriptum, tum quia membrorum diſſolutio frigiditate, & humiditate ejusdem coercetur: tum etiam quoniam, quæ indura- ta interius hec̄ticæ cauſa fuerint, mollia redi, eodem valebunt, ac poſt molliciem facilius per halitum, aut ſudorem, ſeu aliam quamvis ſenſibilem vacuationem excerni, po- terunt, cum enim ſæpè Medico in- cognitus eſt locus obſtrutionis, aut tuberculi, vel scyrrhi, qui cauſa hec̄ticæ eſt, totius corporis in uncione relata, præſertim poſt bal- neum, emolliri, & apta expulſio- ni quævis dura pars fuerit, à ratio- ne alienum non eſt, neque in un- gere ventriculum, aut jecur eo-

dem timere debemus, cum ſatis roborantis facultatis unguentum hoc propter rosarum adſtrictoriā vim, ſit, neque præſens locus poſ- cit examinare, an unguentum roſatum frigidum, aut calidum ſit, mihi enim indubitatum eſt, frigi- dum, & non calidum eſſe, quam- vis ex porcina aſungia conficiatur, quia aquæ frigiditas, qua toties aſungia illa lavatur, ipsam vim in- frigidandi habere, efficit, ut even- tū probant, quibus fides in hiſ re- bus, non rationi danda eſt.

Toros quibus insidere, & dor- mire hi febrientes debent, fabrica- re ſuper aquam fontanam prodeſſe his, aliqui ſcriptores dixerunt, ego autem niſi in æſtate, aut in prin- cipio autumni ubi aër immodicè cali- dus, & ſiccus eſt, id facere non conſulerem, nam hyeme, & vere ſatis humidus aër nos continens eſt, autumni autem media, & ultima pars adeò frigida, quòd ſi à frigi- ditate aquæ illius temporis frigiditi- tas augeretur, nocere poſſe, cer- tum erit, tam dejiciendo vires con- coctrices jecoris, & ventriculi, quæ- vaſorum totius corporis, & in hy- dropem trahere valeret, hoc effi- ciendo.

Innumerā compositiones phar- macorum nutrientium, & infridi- dantium, & roborantium (ut putant Authores, qui illa compoſuere) vi- res hec̄ticorum, conficiunt Avi- na, & omnes Arabes, ac Latini juniores, ex ſeminibus lactucarum, intibi, & communibus frigidis, ſma- gradis, jacinthis, & margaritis, at- que aliis pretiosis lapidibus, nimpheæ, papavere, camphora, bom- bicis femine, & ſaccharo, & mille aliis rebus quarum potiorem par- tem nocere non parum, exiſtimo, cum quæ immodicè frigida ſunt, ob rationem in 12. methodo ſcri- tam obſeffe, poſſint. Lapiſes autem

18. Methodus.

obstructionibus, & schyrris, no-
cumentum insigne inferre notissi-
mum quoque sit, non enim credo
ego ex lapidibus relatis, exceptis
margaritis, comeftis, si per imum
ventrem mixta fæcibus non excre-
nuntur, quod verisimile est, alium
sanguinem, quam terrenum gigni,
durities enim lapillorum dictorum
manifestè sic rem habere, nisi lapi-
dea mente præditos, docet, certè
si ex mollitie, & duritie alimenti
conjectare licet, quam facultatem
nutriendi habet, cum rupibus re-
lati lapides multo duriores sint, &
aqua, nec ullo liquore emolliri va-
leant, clarum est, aut minimè ale-
re, aut sanguinem qualem dixi ef-
ficere, si quoque ex odore, aut
sapore decernere eorundem in nu-
triendo vires cures, non potius
quam calibem, aut magnetem, si-
ve alium quemvis lapidem de se o-
dorem, aut saporem reddere ipsos,
senties, unde quoque pares vires
nutriendi præfactis habere censem-
endum est, supereft ergo, ut qui nu-
triant, minimè hec[t]icis concedi, hi
lapides debent, si enim in febri-
bus pestilentibus prodeſſe, posse,
diximus, multo aliter quam per
modum alimenti fieri existimamus,
sed de his, atque de hec[t]ica febre
satis nunc dixisse credimus, ad fe-
bres ergo quas compositas vocant,
devenire tempus est.

CAPUT LXV.

*De febribus compositis hemitritæis no-
minatis, quæ an tales sint, qua-
les à Galeno, & aliis Medicis esse
singuntur, aut non, in præsenti
capite examinabimus.*

Naturam atque modos hemi-
tritæi diversos scripsit Gale-
nus, secundo de Febrium differen-
tiis, cap. 7. ac 8. & in de Typis li-
bro, cuius decreta in prædictis capi-

tibus exarata, in compendium quo-
dam primum redigere vîsum, ne fi-
universam transcripfero literam,
quæ prolixa valde est, lectoribus
molestior, quam esse cupio, fiant,
& post quid nos de illis sentiamus
palam, & ingenuè exponemus: de-
indè quoque si quid ex libro de Ty-
pis adducere conveniat, & taxare,
vel approbare, expediat, præteritis
subjungemus, idque quanto bre-
vius possimus, quoniam finem im-
ponere operi huic, & ad alia tran-
gredi, quam maximè cupimus, he-
mitritæum ergo Galenus nominat
febrem, ex bili, & pituita orien-
tem, quando pituita, & bilis ac-
cedendi proprios modos servant, &
cum proprii accedendi pituitæ mo-
di duo (ut Galenus opinatur) sint,
vel quotidiè invadendo, & in infe-
bricationem desinendo, quod ge-
nus febris quotidiana, seu amphi-
merina nominatur, aut semper af-
fligendo, quæ quotidiana continua
dicitur, & bilis alii duo, aut ter-
tiis diebus infestando, quæ tertiana
vocatur, aut incessanter febrem fa-
ciendo, quæ continua tertiana di-
citur, quatuor hemitritæorum com-
plexiones fieri, poterunt, tertiana
scilicet intermittentis, cum quotidi-
ana intermittem, aut tertianæ in-
termittentis, cum quotidiana con-
tinua, vel quotidianæ intermitten-
tis cum tertiana continua, vel quo-
tid. continua, cum tertiana con-
tinua, neque hos omnes posse pro-
priè, hemitritæos nominari, Gale-
nus dixit, cum quotidiana, & ter-
tiana intermitentes hemitritæum
non constituant: quia febrem con-
tinuam oportere hemitritæum esse,
sequendo Hippocrat. placita, idem
credidit, & illis quas diximus, fe-
bribus, illud non conveniat, tran-
fæctis namque accedendi horis,
quotidianæ, & tertianæ sine fe-
bre existet æger, nempè Hippocra-
tem

tem voluisse, hemitritæos febres continuas esse, ex primo de morbis vulgaribus libro, ellici, opinatus est, quoniam inibi dixerit: [Erant verò eorum plerisque passiones hujusmodi febres horridæ, continuæ, acutæ, omnino quidem non intermittentes, modus verò erat hemitritæus, cum alteram diem leviorem ferret, altera verò invaleficeret, ac sumatim in acutiem augerentur.] Neque etiam tertianam continuam, & quotidianam continuam, simul mixtas, hemitritæum componere, affirmat Galen. quia sine horrore hæ ambæ essent, & hemitritæus febris horrida futurus est, ut in contextu citato Hippocrates dixit, illæ ergo propriè hemitritæi nomen, sequendo Galeni sententiam, sortientur, quæ ex quotidiana intermittente, & tertiana continua componuntur, aut quæ ex tertiana intermittente, & quotidiana continua fiunt: nam harum utraque continua, & horrida erit, atque cum hemitritæum ideo sic nominari: Galenus opinatur, quod sit semiteriana, & semiquotidiana, ut semiasinus, mulus, aut mula nominatur, quoniam ex æqua, & asino procreetur, ille magis propriè hemitritæus vocabitur: qui magis pares tertianam, & quotidianam habuerit: si enim tertiana validè dominaretur: jam tertianæ nomen sibi vindicaret, et si quotidiana multum polleret, pituitosæ febris nomen sortiretur, à quibus denominationibus hemitritæum exactum abhorrete autumat Galenus, sed requirere parem mistionem ambarum febrium. Hæc in Summa in citatis capitibus scripsit Galenus, & exempla quædam aliquorum febriuentium diversis febribus compotitis, ex his possuit, neque plus de harum febrium compositione dubitasse, videtur, quam quod quod qua-

tuor sint elementa, aut quod Cœlum sit circularis figuræ, vel ignis levis, & terra gravis, aut aliud quodvis in Physica notissimum.

Mihi autem cui inditum à natura est, eventuum naturalium causas absque exacto examine nunquam investigare, primum videtur prædicta Galeni decreta hæc habere inconvenientia, ex eisdem sequi tertianas nothas, & hemitritæos ab eisdem causis pendere, & originem trahere, à bili scilicet pituitæ mixta: unde eventurum erat id, quod quam maximè inconvenit, aut utrasque per tertios dies plus quam duodecim horas infestando, nothas tertianas vocari, aut duas accessiones in altero die efficiendo, & unam in alio hemitritæos dici, quod enim hemitritæi à pituita putrescente bili mixta, oriantur, Galenus exprefse dixit in exordio septimi capituli, secundi libri de Februm differentiis, notham autem tertianam à bili notha ex pituita bili commista fieri, in antecedentibus doctum manet, non enim verum est, sequendo Galeni verba in prædicto cap. quod Avicena prima fæn quarti, cap. 35. tractatus secundi, & juniores fingunt, quia vident prædictam rationem indissolubilem esse: in hemitritæis scilicet bilem non in eisdem vasis putrescere, in quibus pituita, sed in multo diversis, & ideo duas distinctas febres, hos distinctos humores efficiere, & notham bilem, quæ ex pituita, & bile fit, in unico, & eodem vase, ambobus humoribus commixtis putrescere, atque ob idem ab ipsis unicam febrem, tertianam scilicet notham oriri. Galenus enim in septimo cap. citato dixerat: [Jam verò tempus est, ut ad propositum institutum revertamur, si pituita putrescens ex qua febrem illam, quæ singulis diebus

accessionem facit, accendi dicamus, misceatur amaræ bilis humor, ex quo tertiana gignitur febris, duplex jam causa, ac dispositio conjungeretur, alter quidem humor affert, quotidie accessionem, alter vero tertio quoque die, itaque alter quidem dies duas habet accessiones, alter vero unam tantummodo, fientque, ut dixi, in altero die duæ accessiones, nisi accessionum tempora in eisdem horis convenient: si enim convenient, fiet una febris confusa: quæ neque puræ tertianæ, neque puræ quotidianæ formam præferet.] Ubi palam scripsit mistam pituitam bili, putrescentem efficere hemitritæum, non ergo in distinctis corporis locis, ut Avicena, & Neotericci dicunt, Galenus credidit, humores facientes hemitritæos, includi, & putrescere.

Neque etiam rationi conforme est, opinari, quod Galenus non putet, bilem notham fieri, posse: ex mistione pituitæ, & bilis, sed per majorem assationem flavæ bilis, nam cum idem Galenus fateatur, palidam gigni ex serosa aquositate bili flavæ mixta, hæc si multum de aquositate illa, quæ pituita dicenda est, admisserit, notha bilis vocabitur: & erit.

Porrò intelligo ego, quid Avicenæ, & his, qui eundem sequuntur, causa deceptionis fuerit, cum enim opinarentur, pituitam, & bilem extra corporis vasa putrescentes, febres intermittentes efficere, & intra eadem continuas, fingebant altero humore intra vasa putrescente, continuam febrem sub oriri, & alio extra putrente intermittente provenire: nos autem, qui in antecedentibus docuimus meras nugas, & inania figura omnia illa esse: sed quod tam continuorum, quam intermittentium, humor, ut

plurimum in venis corporis totius sit inclusus, & quod aliunde, quam ex assertis ab illis Authoribus, continitas, & intermissione, febrium contingat, impossibile existimamus, in venis bilem, & pituitam putrescere, & homine febriente hinc inde sèpè moto, illos humores in venis inclusos, non misceri, ut in quibusvis canalibus quantumvis, arcatis, liquores inclusi, & concusi, ac calore ferventes misceri, videmus, atque etiam ob hanc rationem extra omnem naturæ ordinem existimamus: componi febres, ut Galenus, & omnes alii Medici fingunt, certè si dividi, & separari in diversis vasis humores putrentes nequeunt, neque etiam duas febres efficere, sed unam non puram, sed notham valebunt.

Neque illis, qui his nostris scriptis fidem non dant, prodesse potest, objicere mihi, quod nisi verum esset, in diversis corporis partibus contineri duarum febrium humores, nequaquam experiremur in duplicitibus tertianis, contingere, primam febrem, & quam die Dominica, exempli gratia, corripere videmus, eadem hora accedere, qua quæ die Martis sequentis ventura est, & quod alia, quæ die Lunæ invadit, non alia hora: quam ea in qua diei Mercurii febris invasura est, accedat, ut duæ ille tertianæ duas diversas, inter se tamen per tertios dies similes, accessiones efficiant, quoniam & si multoties ita accidat, ut se experiri adversi fatentur, non illud ideo contingit, quia duarum tertianarum duæ, ut inquiunt, sint mineræ, sed quoniam expultrix vis cordis, & venarum, atque arteriarum, succum insufficientem sanguinem cordis, cum primum febrire æger incipit: ad tantam distantiam se jungere à membris principibus valet, ut redire ad in-

inficiendum iterum cordis sanguinem non in alia hora possit, quam in ea, in qua in sequenti die alia tertiana corripit, quae etiam in ea hora finietur, in qua expultrix vis relatarum partium sejungere noxiun succum, à membris principali bus valet, atque cum natura bis, vel tèr consuecat, ad tantam distantiam in uno die, & non maiorem, neque minorem succum noxiun excernere, & ad aliam in alio, indè contingit in reliquis diebus sequentibus eandem normam ipsam servare, ut si quis assuesceret, prandere in die Lunæ hora decima ante meridiem, & die Martis, hora duodecima, & die Mercurii iterum hora decima comedere, & Jovis die eadem hora, qua die Martis prandere, atque hoc per hebdomadam unam, aut diutius observasset, non prius famesceret, quam horæ illæ in diversis diebus sonarent, sic his febrentibus contingit, & quia hanc, & consimiles argumentationes facilitè, qui in nostris dogmatibus de modo per quem accessiones febres proveniunt, doctus fuerit, solvere valebit, ideò ad prosequendum incepta progredior.

Quippè contingunt non raro vulneratum caput habentibus, quibus vel ob Chirurgi indocilitatem, aut vulneris malignitatem, cerebrum suppuratur, horrores continua febris supervenientes, neque alium ordinem servantes, quam quem Galenus fingit, continuam tertianam: & intermittentem quotidiam habere, ut enim ipse suspicatur: accessiones harum compositarum febrium quandoque retardari, nonnunquam citius accedere, sic etiam suppurationem cerebri patientibus accidit: & cum bilis vomitionibus non raro, qui tamen non hemitritæ febri dicuntur,

neque à duobus contrariis succis in diversis vasis putrescentibus: duabus febribus illos affici suspicamur, sed aliam causam invenire curamus, quod cum ita sàpè contingat, Galenus, & si eos accessionum modos, quos scripsit, nonnunquam in febrentibus viderit, propriam, & quæ eventibus quadraret, causam, investigare, tenebatur, & non quam falsò de compositione febrium fingit.

Hippocrates certè, quem ipse ex primo de Morbis popularibus citat, nullibi quod ego sciam tam febrium compositionem introduxit, neque contextus ex eodem allatus de hemitritæ ficto à Galeno mentionem agere potuit, ut qui verba ejusdem exactè perpendit, & calet, intelliget, ea sunt: [Erant verò plerisque passiones hujusmodi febres horridæ, continuæ, acutæ, omnino quidem non intermitentes, modus verò erat hemitritæus, cum alteram diem leviores ferret, altera verò invalesceret, ac sumatim in acutiem augerentur.] Ultimum enim contextus puta, ac sumatim in acutiem augerentur, nullo modo convenire videtur, febribus diversis nempè pituitosæ, & bilirosæ, simul infestantibus, cum quæ prior ex his de futura erat, non pituitosa, quæ crassiorem succum pro occasione habebat, sed biliosa esse debebat, sed hac deficiente, & pituitosa perseverante, non in acutiem provenientem à biliosis succis, sed in horridam orientem à frigidis finienda erat.

Et priora contextus verba non minus distinctum genus febris, ab eo quem Galenus fingit, quam ultima denotant, potuit enim vocare illic Hippocrates eas febres horridas, quæ in prioribus diebus cum horrore simul febri coniuncto, accederent, quoniam pituita à capite illo-

illorum febrentium tunc distilans in dorsi medulam horroris causa, per modum superius à me expositum (ubi rigorū, & horrorū veras causas exposuimus) fuisset, qua consumpta, & perseverante febre, ac liberam bilem, ut facere acutam febrem posset, linquendo, in acutiem febris fineretur, nequam à duabus febribus compositis, symptomate illo emanante, ut Galenus opinabatur, vel etiam resenctum ab Hippocrate genus illud febrium oriebatur, à pugna, inter naturam, & morbificam causam, quācum in primis diebus natura conaretur, longè à corde sejungere, & ultra dorsi magnam arteriam, & venam in parvas corporis secrestare: renitens humor noxius, & diffundi in proximas cordi arterias, & venas procurans: motus, & concusio talis in dictis arteria, & vena suboriretur, ut necessariò dorsi medula eo modo male afficeretur: quo affici in horroribus solet, indeque horrores provenientes denominationem horridarum: febribus illis darent, sed perseverantibus febribus, & vel natura vincente: & in ambitum venarum corporis humores protrudente: febre ad dissolvendum noxium humorē, intensiore facta, vel humoribus dominantibus, & prope cordis venas diffusis, febris intensior etiam versa, corde à noxio humore vellicato, in acutiem finiretur, & tandem tales, quales scriptæ ab Hippocrate fuere, non per febrium compositionem: sed per innumeræ alias causas ille, & diversæ febrium accessiones, quas habere febres compositæ, Galenus opinatur, provenire posse, qui adhuc parum doctus in nostris dogmatibus fuerit, facile intelliget.

Decipitur indubie Galenus, cum putat: vocari ab Hippocrate, & aliis

antiquis Medicis: hemitritæum febrem, quæ simul tertiana, & quotidiana sit: quasi dictio illa compositionem significet: ut semiasinus, aut semialbus, qui ex dimidia parte alba: & dimidia nigra compositus fuisset, cum nolit Hippocrates significare illud, hemitritæos: sed indè hemitritæum nominari: quod tertianam intermittēt amuletur: quamquam non talis, sed continua febris tertiiis diebus accessiones, ut tertiana intermittens habens sit, ut vulgus vocare solet homunciones semihomines, non quod ex homine, & alio animali sint compositi, sed quod perfectos homines homunculi amulentur: si enim continuas tertianas in aphorismo 43. quarti libri, cuius series hæc est: [Febræ, quæ nunquam non intermittentes tertia die fortiores sunt, magis periculofæ, &c.] Non hemitritæos nominavit: & in citato de Morbis vulgaribus contextu sic: nulla alia de causa fecisse suspicor: nisi quia hic de illis agebat, quæ & si continuæ febres essent, tertiiis diebus cum horroribus accedebant: quas vocare hemitritæos, id est, amulantæ tertianas dignum erat, & in aphor. de continuis tertianis tertiiis diebus accessiones sine horroribus habentibus scriberet, neque Agathinus ductus à Galen. in 2. de Februm differentiis aliundè denominari hemitritæum, quam per similitudinem putasse reor, quia scilicet tertianam exquisitam brevem hemitritæus in accessionibus amuletur, & si multò post, quam ipsa protendatur, quasi nulli aliæ, quam tertianæ exquisitæ nomen tertianæ simplicitè, & per analogiam secundum eundem conveniret: certè hoc expressè Galen. in commentario de typis dixit cum scripsit: [Agathinus hemitritæum semitertianam latinè dic-

dictum inde pronunciat : à relatione ad tertianam , nam utrisque tertio quoque die fiunt accessiones.]

Non me latet : fuisse : Medicos, de quibus Galenus in citato de Typis libro meminit , qui putarunt, dici semitertianam , quasi non integrum , sed dimidiā tertianam, ut semicirculum , non integrum circulum , sed ejusdem medietatem nominamus, atque alios , qui semi-tertianam eadem ratione dici autumant , qua sex , qui alterum numerū, utque sex, qui alter numerus respectu alterius continet illud, & ejusdem medietatem , ceu sex continet quatuor, & duo, quæ medietas quatuor sunt , sic credunt, febrem durantem decem & octo horas vocari semitertianam , quoniam contineat unam integrum exquisitam tertianam : quæ ex duodecim horis tantum in plurimum constat , & dimidium ejusdem putat alias sex horas , multoque majora quoniam præfata deliria veterum Medicorum componentium typos quotidianos , & tertianos , atque quartanos, necnon quintanos, multiplicibus compositionibus , ibi etiam tractari , oblivioni non tradō , neque ejusdem Galeni non minus inutiles , quoniam reliquorum nugacitates ibidem legi , sed omnes illas mitto , ne prolixior sim : & tantum id refero : nulla alia de causa : nisi quod ipse Galenus , & reliqui Medici veras febrem , & accessionum , & intermissionum earundem causas , invenire non valuerunt , aberrasse, mihi autem cui has noscere Dei gratia concessum est , unico verbo illorum nugas explodere , permitti , tandem ergo fictas , & non quæ vere contingent febrium , seu typorum compositiones , à Galeno in de Typis , & de Febrium differentiis libris fuisse , assevero, sed ob causas superius scrip-

tas tales accessionum modos contingere : quales à Galeno recententur , fateor.

Neque quidem negare me Medicis putent : alias febrium commissiones accidere posse , puta simul febrientem à bili redundantem , vel putrente ædemate aliquo affici , & à fumis ejusdem multo aliter cor vellicari , quoniam ab aliis fuliginibus , & ab inflammationibus , seu scyrrhis , vel aliis internis obstructionibus , habituales febres nonnumquam contingere , simulque in eisdem ægris bilis , aut sanguinis , seu pituitæ portionem aliquam etiam putrefactare , posse , & occasionem esse febrium plurimum dierum: quod ego inficias eo , id tantum est , posse in venis putrefactare billem , & pituitam , aut atram bilem , & quemlibet horum humorum seorsum , alium accedendi , & discedendi modum distinctum ab alio habere , neque temere id impossibile esse existimavi , sed rationibus superius scriptis , & eventibus convictus in præfactam sententiam descendī , quam etiam nullus ex prudentibus , & expertis Medicis , inficiari valebit. Ergo ut ad agendum de aliis febrium generibus transeamus , dignum videtur præsenti capite finem imponere , neque ullum de Medela febris hujus caput scribere , cum hemitritæum tam qualem Medici fingere , ne nequaquam esse probaverim , & jam quod esset , medela illius notissima fuisset , iis qui biliosis , & pituitosis , atque atra biliaris febribus mederi , per retro scripta scirent , cum ex pharmacis ad ea simplicia genera scriptis compondere mista potuissent.

CAPUT LXVI.

De febribus pestilentibus.

Contingunt tam innumeri pestilentium febrium congres-sus, nonnumquam in unius anni constitutione, quandoque in diversis ejusdem anni temporibus, aliàs in multo distantibus annis, ut nulla propria, & univoca pestilentium febrium signa, scribi, aut monstra-ri, ab allo quantumvis exercitato Medicō valeant, sed tantum quæ-dam generica, & quæ à nostris prædecessoribus sunt notata, & à nobis observata, in medium proponi, aliis Medicis, & mihi per-misum sit, nempè quis ex Medicinæ professoribus, qui in duobus antecedentibus annis 1556. & 1557. & in præsenti 1558. rem Medicam exercuit, clare non vidit, nos ve-ra dicere, cum in tam brevi tem-pore diversi febrium modi non tan-tum in Hispaniæ verum, & in to-tius fermè Europæ incolas, grasiati sint, nonnumquam cum cataphori-s, modorras, ab Hispano vulgò vocabantur, aliàs cum pulicum morsibus, tavarillo ab eodem vul-gò dicebantur, ultimo cum grave-dine, & raucedine (catarro, & mo-quillo à relatis nominabantur) infestantes, aliis, & ab his diversis febribus communibus febrium symptomatibus molestantibus, cer-te si quoque præcedentia tempora in memoriam revocemus, ingui-num, & alarum inflammationibus pestilentes febres nonnumquam infestare, non tantum legimus, sed etiam vidimus, cum sudoribus etiam alias, undè sudorificæ sunt vocatæ, complures Flandriæ incolas inter-fecisse, & si non vidimus ab hinc fermè quadraginta annis contigisse, audivimus. Atthænis non minus cum memoria jactura pestem tem-

poribus Thucydidis accidisse idem refert. Pauli autem ætate cum colico dolore, qui in nervorum resolu-tionem, ut plurimum permuta-batur, evenisse, capite de resolu-tione ob colicum dolorem idem re-fert.

Quæ omnia cum ut relata jam sunt, contingant, mihi dumtaxat, qui de febribus pestilentibus tracta-re in præsentiarum decerno, unica via supereft, qua quæ à Medicis pestiferæ febres vocentur, mos-trem, atque ea siquidem quæ sequi-tur est. Definitionem ejusdem in me-dium proponere, & ejus singulas partes explicare, difinitio ergo, quæ à Medicis fermè omnibus ex primo de viëtus ratione in morbis acutis usurpatur, sequens est, pestilens fe-bris dicitur, quæ plurimos homi-nes in unica tempestate aggreditur, ac non paucos ex his interficere, non multitudine, aut vitio humo-rum manifesto, sed occulta mala affectione valet, quippè si unus, aut duo, vel plures, verum non pluri-mi febientes, in aliquo tempore ab ignoto vitio humoris moreren-tur, à venenata febre mori, illi di-cerentur, non tamen à pestifera: quòd pestis secundum Medicorum morem præsertim Galeni, in citato loco, non vocetur, nisi quæ pluri-mos infestat, ut diximus homines, etiam, & si plurimi nonnumquam febrirent, sed rari essent, qui vita fungerentur, pestilentibus febribus illos affici, non diceremus, sed epi-demicis, ut idem Galenus, ubi supra docuit, quoniam quæ nomi-ne pestilentium fruuntur febres, magnam febrientium partem in interitum ducere, debent, neque hujus rei alia ratio assignari valet, quæ quòd inditori significati vo-cis illius, febris pestilens, placue-rit: quas diximus, & non alias per eam intelligi, sed quamquam re-la-

lata satis plana, & intellectu facilia sint, non parum difficilè est, investigare, quo modo humores non multitudine: neque manifesta ulla qualitate: scilicet non immodico calore: aut frigiditate, humiditate, aut siccitate, interficere, in pestiferis constitutionibus valeant, quæ brevius quam possim explanabo: exordium à principio quo vivimus sumendo, & id brevitè, & ut præsenti loco convenit, scribendo, exactam enim, & fusam tractationem ad opus physicum differre, convenit, cognita enim fonte, & origine vitæ, facilius opposita illi affectio dignosci, valebit.

Sciendum ergo est, in fœminarum uteris virile semen ejaculatum, vel fœmineo commixtum, seu ipsi ut coagulum lacti assistens, menstruoque sanguine fotum, in exiguum converti fætum, in cuius corde ex tenuissima, & purissima parte seminis, aut menstrui sanguinis, flammula quædam, quæ vitalis spiritus dicitur, gignitur, qui per canales, & rivulos illius corpusculi (venæ enim, & arteriæ sic vocari merentur) sparsus, occulta affectione membra humana ultra manifestum calorem quem in ipsa producit, taliter afficit, ut digna eadem efficiat, ad animam suscipiendum, quæ alias inepta ad talem formam essent, nec hæc temere, & quia sic dicere libuerit dictavi, sed quod ratio, & eventus vera ea esse probent, experimur enim crux, aut brachium, seu quamvis aliam humanam particulam, laqueo compressam, ea parte sensum amittere, in quam transire animales spiritus prohibentur, quæ & si æquo gradu calor, & frigoris, humiditatis, & siccitatis, ab extrinseco aëre, aut aqua, vel igne, afficeretur, prout ante laquei compressionem ab spiritu animali efficiebatur, nequa-

quam sentiendi vis particulæ illi restitueretur, sed sensus expers duraret: donec vinculum auferretur, & spirituum transitus pervius fieret, quod non aliundè oriri, omnibus causis exactè perpensis, potest, quam quod ultra calorem manifestum, quem animales spiritus in membra inducunt, aliam qualitatem in eadem gignant, quæ sensibus percipi minimè valet: sed effectu dumtaxat, ut ultra calorem, & frigus, quo ferrum est affectum, alio accidente à magnete idem afficitur, cum versus eum movetur, nisi enim sic esset, ratio nulla assignari valeret, cur præsente magne te ferrum ad eundem moveretur, & eodem absente quiesceret, præsentia enim rei, quæ nullam qualitatem in aliam inducit, nullo motu ipsam movet, quæ enim minoris activitatis sunt, quam passa resistentiæ, nullo motu passura move re valent, neque ob aliam causam, quam quod ipsa non afficiant, statim enim, ut agentia adeò fortia, aut passa adeò debilia fiunt, ut age re alterum in aliud valeat, actio, & motus in passo factus conspicitur, ut ergo præsentia animalis spiritus, afficiendi humana membra, ut dixi, vim habet, sic quoque spirituum vitalium per corporis arterias diffusio, facultatem membris humanis confert, ut apta recipere animam ab spiritibus, occulta qualitate affecta, fiant, quæ quoquo modo calida, frigida, humida, aut siccata verterentur, si qualitas illa deesset, inepta ad suscipiendum animam mansisset, nisi enim verum illud esset, posset anima in membris conservari nullis spiritibus à corde manantibus, membris ab aliqua extrinseca causa eodem calore alteratis, ut ab spiritu solent (calorem enim spirituum, & aliorum entium ejusdem esse naturæ in

principio operis hujus monstravimus) sed sine spirituum influxu membra vivere, nequaquam experimur, verum ergo est spiritus ultra calorem actualem aliam affectionem in nostra membra producere.

Si locus, & tempus permetterent rem satis dignam speculatione tractarem, utrum scilicet fœtus prius enim animam vegetratricem suscipiat, & postea intellectricem (sensatricem enim animam distinctam ab intellectrice non esse in Antoniana Margarita sufficienter probavimus) aut solum intellectrice primum informetur, quæ ob imperfectionem organorum intelligendi munus usque in adolescentiam non exercet, videtur enim prius vegetativam induci, ac post intellectivam, ambasque simul donec vivimus, in nobis asservari, & priorem alteri disponere, neque exiguum hujus rei argumentum inde sumi posse videtur, experiri, nos conscos esse nostrorum sentiendi, & intelligendi actuum, & nutriendi operaciones ignotas nobis esse, nesciunt enim rustici, & innumeri docti Civives, quomodo nutritantur, crescant, & senescant ipsis, quæ si ab una, & eadem anima, qua scilicet sentimus, & intelligimus provenient, ut indubitatum nobis est, quod videamus, & quid videamus, cum videmus, & quod audiamus, & quid cum audimus, ac quod intelligamus, & quid cum intelligimus, sic ambigere, quod nutriamur, & quo nutrimur: non deberemus, & cum id non experiamur videtur, alteram esse animam nutrientem, & multo diversam ab intelligenti, unique sentienti, scilicet collatam esse vim cognoscendi objecta propria, alteri videlicet nutrienti denegatam illam facultatem esse, neque dissimilem vegetratricem plantarum

animabus nostris esse.

Certè quamquam ratio hæc valida videatur dissolvi, tamen facilis est, dicendo, quod quæ sensitiva, & intellectiva dicitur, à propriis objectis prius affiliatur, quam eadem cognoscat, ac postquam ipsa cognoscit certa fit, se eadem sentire, aut intelligere: & non ante, & anima vegetativa, & si sensitiva quoque sit, à nutrimento nequaquam calore, aut frigiditate, humitate, aut siccitate, immutetur, quia valde exigua, ac insensibilis alteratio, quæ fit ab alimento in partem viventem, cui apponitur, fit, ideoque incerta an nutriatur, vel non, & quo nutriatur, eadem invadit: certè si nunquam in visum colores, aut luces, sensibilem affectionem inducerent, sed adeò exiguam, ut nihil ipsa affectione oculus videret, minimè homo affirmare posset, se videre: pariter ergo cum à nutrimento tactiva vis membra, quod nutritur, sensibili affectione non alteretur, ut dixi, nequaquam anima vegetativa ibi existens, & si intellectiva, & sensitiva eadem sit, cognoscere an nutritur, & quo nutritur, valet: cum primum enim alimenta deglutiuntur, nonnunquam ab stomachi sensitrice facultate an calida, aut frigida, humida, aut sicca, dura, aut mollia sint, percipi possunt, verum postquam in liquidum succum vertuntur, & ad jecur transmittuntur, & à jecore per corporis totius venas distribuuntur, & in nostram substantiam vertuntur, nullo modo calore, aut frigore, aut ulla alia sensibili qualitate nos cum bene valemus, afficiunt, quod adeò sensim nos immutent, ut ejusdem effectum tactus, qui nulla sensibilia, nisi quæ velociter alterant, dicerint, non percipiat. At & si relata, ita ut dixi, contingant, non vide-
tur,

tur, quo modo ossa, quæ nutritur, possent proprium alimentum quantumvis insigniter calidum, aut frigidum percipere, cum ipsa nulla sentiendi facultate sint participia. Atque etiam minimè prædictis, omnis hujus negotiis ambiguitas dissolvetur, cum si verum esse fatemur, in adultis fætibus in utero gestatis unam, & eandem esse sensitricem, sive intellectricem animam, & vegetatricem quoque negare non possemus, in primis sex diebus cum formari foetus incipit, ac in viginti & novem etiam sequentibus, ipsum ab alia anima, quam à sensitrice vegetari, & nutritri, atque augeri, cum ante triginta dies moveri fætum in utero, nunquam contigerit, & sine motu sensus esse non valeat, quo confessio, ut confiteri necessum est, etiam affirmare tenemur, fætum vegetativa anima informatum, per ulteriores, & perfectiores dispositiones auctas, aptum fieri, ad intellectricis animæ inductionem, sed impossibile non videtur, fætum intellectrice anima informatum, posse amittere illam ulteriorem perfectionem dispositorum, quam trigesimo die acquisivit, quando anima intellectiva fuit infusum, manente remissiore, qua prius cum vegetabatur, erat animatum, sed hoc ipsi contingente, confiteri tenebamur, possibile etiam esse viventem anima intellectiva, seu sensitiva, & motiva, eandem amittere, manente in eodem vegetativa, atque posse mori hominem, & ipsum post vegetari, quod absurdum est, & nec in adultis, nec in utero gestatis unquam visum, multaque alia impossibilia ad assertiōnem illam sequerentur, & fermè tot ad opposita sequi videntur, de his tamen plura scribere, non placet: quoniam, ut dixi, præsens locus id non admittat: sat est diffi-

cultates innuisse, ut studioso lectori occasio speculandi veritatem hujus negotii concedatur, institutum ergo prosequamur, ut finem huic capiti de esse febrium pestilentium imponamus.

Probavimus in antecedentibus, priusquam de unitate, aut diversitate animarum tractaremus, ab spiritibus vitalibus occultam quādam qualitatem in membris humanis gigni, qua ipsa apta recipere animam motricem cordis, & arteriarum sunt, quæ an eadem cum intellectiva sit, aut non, exactè non explicuimus, sed probatum superfisse, ab omnibus necessariò vitalem vim ipsam dici, hoc est, quod hac præsente vivamus, & eadem deficiente moriamur, indubie docuimus: ratione ergo consonum, immo necessarium est, omnes Medicos, qui eventus contingentes in mortientibus à pestiferis febribus observant, fateri, esse in venenatis rebus oppositam, & omnino contraria vim illi, ita ut cum præsente spumam vitali, sit quævis nostri corporis pars apta, recipere animam, aliis præ requisitis committantibus, ita præsente venenato humore in corde, ubi vitales spiritus gignuntur, cor, & membra inepta ad conservandum animam fiant, & vis illa, quæ in corde, & aliis membris emanabat, remittatur, aut corrumpatur, prout magis, aut minus venenosus humor, qui cordi adest, aut in ipsum fumos jacit, fuerit, nisi enim, ut dixi, natura venenum contrarium principio illi vitæ produxisset, non erat, cur morerentur innumeri à venenis sumptis, vel à morbis pestiferis, non vi caloris, aut frigoris humiditatis, aut siccitatis, cum alii imbecilliores præfatis qualitatibus multò intensioribus affecti perdurent, & asserventur.

Neque solum inter relatas qualitates, seu affectiones in hominibus contentio, qua mutuò se corruptiunt, versatur, sed etiam in brutis, ut quæ à Galen. refertur in lib. de Cibis boni, & mali succi inter scorponem, & humanam salivam versari, & innumeræ aliæ, quæ in libris naturalis Historiæ Aristotel. & Plinii, & aliorum Authorum scribuntur, neque deest in animata, & naturalium entium effectus pugna, & lis, ut inter animæ participia, experimur, non magnetem in ferrum inducere effectum, quo ipsum moveri ad magnetem compellitur, simulque adamanti fortiori talem vim inditam esse, quòd eo præsente, ferrum quiescat, & à magnete non trahatur, vel quia vim inductam à magnete in ferrum vis adamantis valeat corrumpere, aut quòd magnetem inhibeat, ne ex se fundere vim in ferrum valeat, dixi fortiorum magnetem adamantem futurum, ut possit, motum ferri impedire, quoniam ab exiguo adamante vim grandis magnetis coerceri, non experimur, ex quo liquido patet, intensionem, & remissionem in his occultis qualitatibus, ut in manifestis versari.

Tandem tandem, quia eventus doceant in aliquibus constitutionibus interire multos homines à febribus, quæ nullo modo multitudine humoris vitiati, aut ejusdem calore, aut ulla qualitate manifesta interficere possent, ideò in diffinitione febris pestilentis illud de occulta qualitate addidi, omnes enim febres, quæ multitudine humorum, aut eximio calore, seu alia quavis qualitate manifesta, infestassent, pestilentes dici non possent, quod in locis citatis retulit Galenus, & si non adeò expressè, ut nos fecimus: ipse enim solum in aërem vitiatum, aut vitiatas aquas, vel alimenta,

nihil aliud explicans febrium pestilentium causas reduxit, investigare despiciens affectum, quem spiritus in corde geniti in nobis inducunt, & contrarios, quos venena gignunt, sicuti namque hæc innuisse videtur, in libello de Cibis boni, & mali succi fuit, cum dixit: [Cum nemo eo dementiae devenerit, ut nesciat quā malum sit humores corporis in venenosas qualitates converti, namque illi quorum causa hæc scribimus, difficilè, vel omnino fieri non posse arbitrantur, ut haustum lethalium venenorū percutentes secerni, dignoscique, ab aliis possint, qui ab aliqua corporis affectione periere, neque enim (quod planè percipimus) inficias jerit quispam, ob humorē scilicet, quem venenata animantia in ictam particulam infligunt, vel illam celeriter vita privari, vel in putredinem labi, vel doloribus vehementissimis, aut phlegmone urgeri, neque non scorponem jejunii hominis sputo bis, tervè alpersum protinus interire: nam sicuti naturæ quedam cum aliis quoque naturis conveniunt, sic altera quoque alteri adversatur, eamque corruptit.] Ubi ab alimentis pessimi nutrimenti pestem illam grassantem in potiorem partem Nationum subditarum Romano Imperio ortum traxisse, ipse ut oculatus testis refert, & omnes Scriptores, qui vitam Marci Antonini alio nomine Marcus Aurelius vocatus scripsere, retulerunt, quod quoque hujus temporis Medici referre valemus, anno enim charitate plurimos rusticos usos fuisse arborum germinibus, & extremis ramulis, tum bulbis, & mali succi plantarum radicibus, anno 1556. & 1557. à rusticorum, & Civium per eorumdem Vicos migrantium ore, audivimus, & intra Urbes pauperibus idem contigisse

vidimus, verum, & si ut dixi, confusè, & indistinctè venenatam vim inesse, in pestilentibus constitutio-nibus, succis ex illis vitiosis alimen-tis genitis, Galen. afferuerit, non cui principio vitæ contrariaretur, ut exposuit.

Has quippè pestilentes febres ex pessimis æduliis devoratis originem trahentes commitari diversa, & non unius generis symptomata solent, quòd diversis, & non unis alimen-tis vitiatis febrientes homines usi-sint, etiam quòd non omnium æ-grotantium eadem sit temperatura: at postquam febres hæ diffundun-tur, quia aërem morientes hujus-modi febribus ægri vitiarunt, quod indè cognosci datur, quoniam non solum pauperes vitiosis cibis ves-centes aggrediantur, sed etiam di-vites optimis alimentis nutritos cor-ripiant, jam tunc parum dissimili-bus symptomatis complures, qui vicio alimentorum non ægrotarunt, infestant, si quo enim differre con-tingit, tantum quia dissimilium temperaturarum, aut ætatum fue-rint, ægri accidit, vitiat quippè aér in pulmonem, & cor inspiratus succos arteriarum, & venarum illo-rum viscerum, & universi thora-cis, per arterias etiam idem vitiatus aér cum dilatantur, attractus, non minora incommoda in paratos corruptioni succos in seipsis inclu-sos inducit, ut Galenus in de Ther-iaca ad Pisonem, & primo de Fe-brium differentiis, cap. 4. & aliis in locis scripsit.

Deferrи contagionem aëris per ventorum impulsum ex una regio-ne in aliam, Galenus in parum ante citatis locis retulit, dicens, potuisse accidere Atheniensibus gravi peste temporibus Thucididis afflic-tis, ex Æthiopia contagia febrium illarum fluxisse, & in de Theriaca ad Pisonem non dubitanter affir-

mat, etiam Græcis idem contigisse, dum Hippocrates viveret, emen-datumque ignibus vitium illud aëris pestilentis ab Æthiopia in Græ-ciam transmissum, consilio Hippo-cratis fuisse, ut in medela refere-mus, utrum autem ventorum Aus-tralium flatus causa tunc fuerit con-taminationis aëris Græciæ, an in-fluxus coelestis, qui priùs Æthio-piam, & post Græciam affecerit, incertum mihi est, quod autem non ego tantum in ann. præterito 1557. ob-servavi, sed & omnes Europæ Medici ob-servare valuerunt, id fuit, quòd vigente Aquilone, in omnibus fermè diebus autumni fe-briculae innumeræ cum gravedine, & raucedine, ac catarro, complu-res Hispaniæ Incolas corripuerunt, & ex his non paucos, præsertim pleuritide vexatos, interfecerunt, & postquam in Hispanos grassatae relatæ febres fuere, Flandros, & Germanos multo Septentrioni, quam Hispani propinquiores, infestarunt, quod minime eventurum erat, si à ventis contagium illud emanasset, cum venti Septentrion-ales tunc, ut dixi, flantes, in Afri-cam ex Hispania deferre conta-giem illam deberent, & à regioni-bus Septentrioni, quam Hispania proximioribus auferre. Quod equi-dem verum in negotio hoc esse, ego crederem, est, ab utraque causæ contagionem provenire posse.

Sed hoc diligentè examinare mittamus, ut paucioribus, quam possimus verbis, discutiamus an verum sit, febres pestilentes posse vocari hec-ticas. Galen. nempè non uno in loco: sed plurimis has inveni-ri dixit, in fine enim decimi libri methodi medendi scripsit: [Verum de colliquantibus febribus differre in posterum licebit, æquè ut de iis hec-ticis febribus, quæ in pesti-lentia contingunt, cuiusmodi ea est,

est, quæ nunc publicè grasiatur, dicetur namque, & de hac inter pestilentes febres.] Et libro tertio de Præsagiatione ex pulsibus, capite inscripto: [Frigidæ intemperiei, qui pulsus peculiares sint.] Tèr, ac quatèr de pestilentib. hecticis mentionem agit, easque tales vocari, quantum ex prædicto capite in nonnullis locis vitiato elici valet, dixit, ultra alia, quæ calidam inæqualitatem stabilem, & perseverantem in cordis corpore pro causa habent, quas etiam non grassante pestilentia, accidere posse, idem confessus in citato capite est, dicens: [Sciendum tamen nonnunquam incidere sine peste has ipsas febres, ut de illis prodiderunt omnes insigniores Medici, vocantque pestilentes.] Et ne ullus dicere possit, non quas dixi, vocari hecicas pestilentes à Galeno, sed alias, alium anteriorem contextum ejusdem in eodem capite afferre, necessum videtur, cuius series, quæ sequitur est: [Atque hoc proprium est signum vitiosæ temperaturæ ipsius corporis cordis, nec causa est quin brevitatis gratia, ut pulsum aliquem, vel febrem hecticam, ita inæqualitatem nos hecticam appellemus, si cui minus nomen probetur, stabilem illam vocet, stabilis est si deinceps permaneat par.] Et per duas columnas infrà: [Quod si nec celeritas clara, nec remissio sit, exiguo calore corpus visceris puta auctum, hæ febres compluribus Medicis imponunt nimirùm, quòd febre ipsi se liberos esse ægroti affirment, neque febrem, quia parva est, & quia viscus incaluit, corpusque visceris calor invasit, advertunt, sed de hoc frequentè diximus, breviter non est magna febris illa hectica, maximè si paucum calorem viscus, id est, cor habeat.] Et post contextus, qui adactus pa-

rum ante à nobis priùs est sequitur puta: [At in pestilentia, qualis nostra memoria fuit, & viget etiamnum, nunquam experiri quisque homo posset, sciendum tamen nonnunquam incidere, sine peste has ipsas febres: ut de illis prodiderunt omnes insigniores Medici, vocantque pestilentes, de quarum tota natura disputavi latius in differentiis febrium: nàm hoc quidem loco non quemadmodùm, quis optimè febres diagnoscat, tractamus, sed quemadmodùm ex pulsu optimè, quin etiam dixi fortassè plus æquo de febribus ex ipso cordis corpore excitatis.] In quibus ultimis verbis palam dicit, se in anterioribus contextibus tractasse, de febribus orientibus ab ipso cordis corpore, ac cum de febribus pestilentibus, quæ sua memoria acciderunt, prædixerat, sequitur clarè, illas, & alias, quas hecicas pestilentes vocavit Galenus, originem trahere, ut ipse opinatur, ab inæquali intemperie fixa, & perseverante in ipso corporis corde, ut nos suprà diximus.

Porrò cum relata ex citato Galeni capite, & aliis antecedentibus lego, ac perlego, non parum admiror infelicitatem ingenii hujus viri, qui quoniam quadam adversa, & incommoda fortuna opinari incepit, febres hecicas originem à membris radicalibus dictis calfactis plus juxto trahere, easque à nulla materia, ut causa, aut occasione pendere, coactus est, dicere: ob distemperi calidam cordis fixam, & permanentem in febribus pestilentibus, quæ sua ætate grassabantur, tunc morientes periclitari, cum in præcedentibus sufficienter à nobis ostensum sit, nullam intemperiem calidam independentem à materia in ullo mixto vivente, aut non vivente fieri, posse. Nec in hunc tantum errorem incidit,

dit, quando de pulsu dicroto egit, verum in nescio quendam circulum, & gyrum fingit enim in corde distemperie calida in aliquibus suis partibus, sed potioribus à nulla materia pendente affecto, non tamen tali, quod hectica, hoc est, habitualis vocari temperies illa possit, & intemperie frigida in aliis parvioribus eodem modo alterato, saepius in unica die variari intemperiem calidarum partium in frigidam, & frigidarum in calidam, solo motu dilatativo, & constrictivo cordis necessario, & naturaliter variato, ad refrigerandum intemperiem illam calidam ejusdem, vel frigidam calefaciendum, modumque per quem fieri existimavit, qui sequitur est, dato corde in aliquibus suis partibus distemperie calida, ut dixi in dependente à materia malè affecto majorem, & velociem, ac celeriorem, futuram diastolem ejusdem quam ante notissimum esse, inquit, & ad hujus majorem dilatationem majorem aëris refrigerantis cor portionem etiam in sinus ejusdem ingressurum certissimum quoque esse, credidit, perseverante ergo hujusmodi continua dilatatione, necessarium videtur Galeno, cor semper, & semper à multo aëre velociter, & frequenter atracto, minus, & minus calidum in partibus calidis fieri, & frigidiores, ac frigidiores frigidas reddi, donec jam frigidis partibus, multo frigidioribus, quam calidæ sunt, versis, parvas, & tardas, & raras, dilatationes cor efficiat, quibus quoque sic durantibus, paucisque aëre frigido per easdem atracto, in nonnullo temporis spatio, cordis calidas partes iterum calidiores, ac calidiores fieri, ob immodicam refrigerationem, necessarium esse, autumat Galenus, ac postea coactum cor iterum magnas,

& velocias, ac frequentes respirations inspirare, in contrariam intemperiem incidere: & sic, ut dixi, circulo, & gyro quodam intemperies illas contrarias, cor male afficere, opinatur Galenus.

Verum hæc omnia quædam figura, & inanes fictiones sunt, si enim ab aëre multo, & velociter, ac frequenter in cor atracto, cordis calor posset sic remitti, ut non nullæ ejusdem partes calidæ, frigidæ fierent, & à paquo inspirato aëre valerent frigidæ, calidæ reddi, non video ego, cur illi qui in febribus velocias, & magnas inspirationes respirant, cordis febrilem calorem non remittant, & ad frigidam in temperiem non ducant? etiam si illud quod Galen. dixit, verum esset, nobis liceret, nostras intemperies calidas cordis, velociter, & frequenter inspirando, refrigerare, & frigidas, tarde, ac segnitè, & rarentè respirando, calidas facere, & mille alia impossibilia, quæ dicere omitto, quod ut prædicti præsens locus hæc examinare non poscat, sed tantum de pestilentibus febribus tractare, de quibus non pauca dicere restant.

Sunt adeò innumeri pestilentium febrium modi, ut superius retulimus, quod vix scribi valeant, contingunt enim, quandoque pestilentes febres sine ulla cutis affectione, solo calore corporis cutim vexantes, & deliria in aliquibus, in aliis graves sopores, in nonnullis animi deliquia, alui fluores in aliis affrentes, neque alui fluores in omnibus pariter noxios esse, experiebar, hæ nempè febres, quæ tumorem in unguinibus, aut alis (secas Hispani nominant) afferre solent, cum alui fluore interficere ægros consuevere, ut omnes fermè aliae ab eodem juvari, vidi enim non raro, in peste cum inguinum, &

alarum inflammatione infestante, ægros, quos sine periculo in quinta, aut sexta die esse putabam, in die sequenti fluxu levi correptos, pulsum omnino amisisse, ita ut à me omnino distituerentur, & se certò brevi morituros prædicerem, quod ita, ut prædixeram, contingebat, cum tamen in aliis febribus pestilentibus cum deliriis, aut gravibus soporibus afflgentibus multos quos in gravi vitæ periculo sitos esse rebar, fluxu ventris superveniente, se minimè à tali morbo periclitaturos audacter affirmabam, maximeque illos securiores existimabam, qui surdi propè undecimam diem versi fuerant, & in præsenti anno 1558. etiam plurimi ex illis, qui cutim infectam rubris maculis similibus morbillo, aut publicum morsibus (tavardillo vulgus nominat) habebant, fluxum ventris liberabantur.

Certè vomitus, aut vomendi cupiditas in febribus pestilentibus cum prædictis inguinum, aut alarum, vel retro aures inflammatio-nibus (Avicena altoim vocasse hastertia fen, quarti videtur) pernicio-sum signum esse, millies sum exper-tus, quod in aliis pestilentibus fe-bribus minimè lætale esse, eventus docuit, causamque hujus diversita-tis, & antecedentis inquirere, cu-ravi, & nullam aliam esse inveni, nisi quod pestilentes febres cum bu-bonibus relatis grassantes, à multo venenosiore succo originem trahe-rent, quām reliquæ, ideoque in vi-cinitate illa trium principum visce-rum cordis scilicet, & jecoris, & cerebri, tumores illi apparent vi-expultrice illorum viscerum procu-rante, à sese excernere adeò ve-ne-natum succum, & non in alias dis-tantiores partes, quām in relatis præ-factis membris principibus proximas valente: quæ quoque expultrix fa-

cultas nullo modo nisi valdè laces-i-ta, & jam fermè, vel in totum victa, per internos intestinorum, aut gulæ meatus excernere adeò noxiū hu-morem procuret, quod prudens na-tura sciat venenato fumo sanguinem cordis adeò inficiendum, ut inha-bilis esse materia vitalium spirituum reddatur, & sua venenata qualitate principiis vitæ (de quibus egi) ve-nenum illud opponatur, & eadem corrumpat, si quid enim agere, cum valet ægrorum illorum expultrix vis mollitur, tantum est, in cutim per sudores noxiū illum, & ve-nenatum succum expellere, aut quando imbecillor est in tumores cutis carbones dictos eundem con-vertere, & non rarò relatas inflam-mationes emitoriorum in pus redi-gere, quibus vacuationibus fæpif-simè æger liberatur, ut alui fluori-bus, aut vomitibus, ut dixi, in vi-tæ periculum exponit.

Causas pestilentiae diversas posse esse, Medici credunt, quasdam namque cælestes, alias infernas, cæ-lestes quippè, aëris constitutiones valdè humidas, quibus calor æsta-tis supervenit, & influxus Astrorum noxios, aërem, vel aquam corrum-pentes, infernas multorum cadave-rum non sepulturum corruptum vaporem: qualis in strage bello-rum contingere solet, aut aquas in lacubus putrescentes, inter quas quoque vaporem à lino macerato elevatum, & fætorem etiam corio-rum, qui pro calceis hominum con-ficiendis rhoe, & calce à coriariis præparantur, sanguinis quoque pe-corum, ac boum, & vaccarum, qualis à publicis macellis, in qui-bus relata animalia maestantur, ele-vari solet, nonnulli autemant esse, & recentè sepulturum hominum cadavera detegere, posse, causam pestis etiam esse, multi suspicantur, verum vaporem coriorum rhoe ma-

macerorum, aërem posse vitiare, nequaquam credo, quod rhus culinarius frigiditate, ac siccitate potius contra pestiferos morbos medicamentum esse, quam augere eosdem sciam, ut calcem siccitate, & calore vapores noxios, ut ignis, consumentem prodesse Hippocrates docuit, neque lini vaporem tam sècum morbum efficere, posse credo, cum sciam in Gallia lini uberrimam, & in aliquibus Hispaniæ Provinciis in gentem lini copiam in fluminibus quotannis æstate macerati, & tamen non ob id pestem illic provenire, detegere sepulchra semiesorum hominum posse, inficere hominem aliquem fætore pestifero proximè stantem, crediderim ego, at in regionem unam, aut plurimos homines diffundi pestem ob id, minimè reor, à me quippe nunquam id visum est, pecorum macratorum, & eorundem sterorum vaporem, non etiam posse pestem efficere, ideo conjecto, quod videam homines in vicinis domibus proximis macellis habitantibus à peste non citius aliis valde longè degentibus corripi, & cor ab aqua vitiata oriatur pestis, quamquam omnes Medici affirment, ego non credo, ut fictum quoque esse illud signum vitiatarum aquarum reor, scilicet, pisces complures in aquis, quibus homines utuntur mortuos tunc reperiri, nam neque id vidi, neque ab ullo, cui fidem ego adhibeam suo tempore contigisse legi, aquam quippe vitiatam statim fætore, & vapore vitium suum detegere existimo, ideoque nullum tam imprudentem esse, reor, qui ab hujusmodi aquis non fugiat, quæ enim aquæ sapore, aut odore vitium proprium non detegunt, hæ incolumes sunt: si enim quoniam non paucos milites perire, cum tempore belli coguntur hujusmodi yi-

tias aquas potare, ideo Medici asseverant ab aquis provenire pestem, eadem ratione innumera venenata animalia, quæ tunc obfensi milites prandere solent, inter pestis causas recensenda essent, quod nisi delirus non diceret, tunc enim tantum pereunt, qui ab illa potione non fugiunt, tempore autem pestis provenientis ab aëre vitiato, omnes minimè sentientes vitium aëris ab ipso inficiuntur, tandem veram, & nunquam deficientem causam pestilentium morborum, ultra cælestes influxus, aëris humiditatem immodicam esse affirmo, neque unius anni constitutionem humidam sufficere, tam sècum morbum gignere, assevero, sed duorum, aut plurium requiri existimo, quod certè annorum præteriorum, scilicet, millesimi quingentesimi quinquagesimi quinti, & texti, ac septimi constitutiones omnibus Æuropæ Incolis indubie verum esse, ostenderunt, nam cum ann. 1555. pluviosus, & humidus in suis posterioribus partibus fuisse, saluberrius tandem fuit, at cum anno sequenti 1556. & 1557. pluviae perseverarent, adeò morbi pestiferi in universam Æuropam diffusi sunt, ut pauci, aut nulli populi ejusdem cladem insignem non sint passi.

Neque difficilè est, intelligere, cur immoderata aëris humiditas, cui calor adjunctus sit, pestem efficiat, cum omnibus, qui secundum de generatione, & corruptione Aristotelis lib. legerunt, sit notissimum: humiditatem immodicam præsertim calori adjunctam causam esse, ut corpora diffundantur, & liquefcant, ut siccitati conceditur corpora unire, & adunare, quod aliis verbis dicitur humidum, benè terminabile est termino alieno, & male proprio, & siccum contra modo cum omnia viventia, mista

ex quatuor elementis sint, ut faciliter, Deo permittente, in nostra exacta physica docebimus, à superflua aëris humiditate dissolvendam esse illorum mistionem, quod putrescere, & perire mista dicimus, nullus peritus in vera Philosophia dubitare poterit. Verum hoc esse, etiam docet, non infici à peste eos homines, qui sanguinem, & reliquos succos decenter concoctos habent, nam recta coctio in hoc potissimum consistit, quod humida elementa sint, ut decet, siccis commista.

CAPUT LXVII.

De signis pestilentium febrium.

Natura, & causis pestilentium febrium explicita, de signis earundem scribere oportebat. At cum tam variis symptomatis febres hæ in diversis constitutionibus vagentur, ut in præcedente capite diximus, nullas singulares, & proprias febrium pestiferarum nothas dictare, posse, videbatur, verum ut cum quæ specie differunt, at unum quodam univocum genus reduci à Logicis solent, sic hi multimodi febrium pestilentium congressus, in unum genus signorum coerceri, posse, appareat: atsi in aliquod tantum illud de interitu plurium febrientium, non ullius manifestæ, & notæ causæ, sed occultæ cuiusdam infectionis erat, non enim si plurimi milites ob assiduos belli labores ægrotassent, & eorundem innumeri perirent, aut quoniam aquas putrescentes cum obfisionem paterentur, potarunt, seu quod nocua adulia pransi sint, dicendi hi à peste mori essent, cum relati manifestam suorum morborum causam haberent: ut si innumeri cicutam, aut aliud venenum devorare coacti, vita fungerentur,

non à pestiteris morbis interire dicemus, sed ab illis venenis, quæ comedisse, aut bibisse sciremus, neque ob id me adversari Galen. ullus putet, quod dixerit ille, in fame illa, quæ suis temporibus per omnes Nationes Romano Imperio subditas vagabatur: coactos homines ob annonæ charitatem mali nutrimenti cibis vesci, in pestiferos morbos omnes illas Provincias incidisse, nam id verum est, minimèque nobis contrarium, infectione enim tot hominum pereuntium ab illis pessimis alimentis comeditis aërem universæ Æuropæ vitiatum fuisse, verosimilium erat, eosque qui ab illa aëris infectione moriebantur: à peste mori rectè dici crediderim ego, ut pauperes, qui tantum quoniam radicibus, & fungis, & aliis pessimis alimenti cibis, vescabantur, ægrotarunt, & periclitati sunt, non à peste, sed à venenatis cibis mori dicendi, quod sensisse Galen. in citatis locis existimo, aut si id Galen. noluerit, sed tamen vitiatis nutrientis altos pereuntes, quoniam ab aëre corrupto ab his, morientes à peste more dixerit, aberrasse eundem assevero, cum eadem ratione si mille scelestes grafflatores à cicuta jussu Atheniensium Senatus morentur, à peste illos mori cogerebantur, idem Galen. fateri, quod delirium est, tandem infectionem aëris nobis occultam, & quam nullo sensu manifestè apprehendimus propriæ causam pestiferorum morborum esse, dicimus, & hanc non pauca cælestia signa prædicere Astrologi credunt, sed cum prædictiones hæ millies mentiantur: ego ad unicam indubiam causam eadem, ut in antecedente capite retuli, reducenda esse, existimo, ad aëris, scilicet, immodicam humiditatem, non tantum per unius anni temporā perseverantem, sed per duorum,

aut

aut plurium constitutiones humidas durantem, neque omnino negligendas ex cælestibus corporibus præditiones affirmo, sed non omnimodam fidem illis adhibendam reor: nisi valde insignes, & manifestæ sint, qualis fuit crinita cometa, quæ anno 1556. in initio veris visa à me, & omnibus occidentibus duas Æuropæ regiones habitantibus quinque noctibus est. Articulatum, ut Septentriones circuens, longitudinis, & figuræ unius sagittæ, crinem curtam in meridiem projectantem, cui succedit non plures post dies annonæ charitas, & febris pestilentium frequens congressus, durans usque in initium anni præsentis 1558. in quo finem huic Operi imponimus, cum jam in anno præterito 1556. excudi incepsum sit, & occupationibus, tamen plurium ægrorum mihi occurrentium, quæ domesticorum negotiorum finiri non potuerit, & siendum finitum ab aliquibus, me inficio, ab excusore emptum sit, & in Italiam misum. Neque aliter, quæ indicatum à cometa est, pestis, & annonæ charitas cesserunt, primi enim pestiferi morbi, & major annonæ charitas Hispaniæ justa Atlanticum mare meridianos habitatores, puta Bæticam incolentes invasit, & post minus occidentibus, & Septentrioni proximiores Hispaniæ, & Galliæ partes occupavit, & nunc spartariam Hispaniæ regionem vastat, & depascit, cum prius incoluisse, & salva servata fuisset, videtur enim non aliter vagari peste in diversas Provincias, quam ignem sylvas urentem nunc in dexteram, post in sinistram extenditur, atque diffunditur, donec omnia ligna in cinerem redigit, & convertit, aër enim à superflua humiditate impurus, cum pestis incipit, quasi urit, & cremari appetet, & serpendo

Tom. II.

nunc in Septentrionem, post in meridiem, nonnunquam in occiduas, & aliquando in Orientis partes crematur, & purus linquitur.

Et quamvis nulla univoca signa, quæ omnes modos ægrorum jam à peste correptorum nuncieht, præter scripta reperiri, queant, vomitus tamen in pestilentia cum inguinum, aut alarum inflammationibus corripiente, proprium signum pestiferæ febris esse solet, his enim ægrotantes statim, ut inflammations in relatis locis sentiunt: nausea, & vomendi cupiditate vexantur, appetitum comedendi amittunt, & angoribus cruciantur, neque immodicum calorem in cuti corporis habent, etiam interiora eorum non multum ardere, quandoque videntur, cum parum sitire nonnullos ex his experiamur, eos autem, qui frenitide in hoc, & aliis pestiferis morbis corripi, observavi, à principio vigiliis, & capitidis dolore, & quadam cerebri vacuitate, laborare eosdem sum expertus, ut qui diverso, & contrario huic symptomati sunt ægrotaturi, puta lethargo, invincibili sopore, gravedinem capitidis in morbi initio pati, omnes qui sapient, sciunt, hæc de his signis dixisse, sufficere, puto, quod hoc uno sequenti, notissimum Medicis omnibus futurum, an febris pestifera, an nec ne sit, existimo, scilicet, cum plures obire ab aliquo febris genere in una anni constitutione noverint, alias febrientes eodem morbi genere infectos, etiam paratos periclitari, suspicentur, solet enim cum pestis vagatur, quodcumque genus febris incipiat, sive tertiana exquisita, aut expuria, sive alius quivis morbi modus, non multos post dies in continuam pestilentem permutari, atque adeò transire quodvis morbi genus in hunc, cum in aliquam re-

gionem diffunditur pestis, novimus, ut cuiusdam senis, & prudentis Medici sententiam omnes alii laudent, suspicandum scilicet tempore pestis perniones pestiferos futuros, quasi hoc cavere moneat, ne occitanter medelam cuiusvis morbi tunc occurritis exerceamus, sed omni diligentia adhibita venenosæ qualitate aëris resistere, morbis tunc invadentibus, procuremus, tandem prudenti Medico monuisse præterita sufficiat, ut ipse anni illius, in quo medetur constitutionem contempletur, & signa, quæ in ægris sibi occurribus viderit, salubria esse, & exitum felicem habere novabit, in aliis eodem morbi genere oppresis ejusdem sortis futura opinetur, & cum illa, quæ in plurimis ægris mortifera fuisse cognovit, in aliis viderit, mortem ipsa nunciare, suspicetur, nisi validiores vires, aut juniorem ætatem posse, resistere morbo illi, congetat.

Avicena capite secundo, tractatus quarti, seu primæ, quarti canonis in ejusdem fine referebat sequentem sententiam: [Et quandoque est de his febribus pestilentibus, in qua non percipit æger, nec tangens propinquus multitudinem caloris, & non alteratur pulsus, & à qua magna alteratione, & cum hoc ipsa est interficiens velociter, & hæsitant Medici in esse ejus.] Quam in constitutionibus pestilentibus cum inguinum, aut alarum, seu retro aures inflammationibus grassantibus sæpè accidere vidimus, in nullis aliis idem contigisse recordamur, causam hujus eventus inquirentes Medici diversi, diversam esserentur, quod Avicena quamvis parum elegantè his verbis dicebat: [Et hæsitant Medici in esse ejus.] Et quamquam variæ, & satis diversæ sententiæ Medicorum de re hac, ut dixi, sint, prudentiores tamen

in hac una conveniunt, naturam in hujusmodi pestilentibus morbis non audere, venenatam materiam movere, indèque febrem nullam, aut exiguum percipi, quod adeò verum est, ut in negotio de febrium causis à prædecessoribus nostris scripto, nihil certius legi, in eorundem libris valeat, quod etiam conforme nostris veris placitis de his rebus est, suisque omnino contrarium, si enim febres pestilentes, & putridæ, quæcumque à fuligine putrida cor calcacente, provenirent, ut Medici hucusque opinabantur, non videtur possibile esse, tam ingentem quantitatem putridi humoris in pestilentibus constitutionibus, in aliquibus hominibus posse, aggregari, ut interficere eosdem valeat, & quod fuligo putrida illorum in cor eorundem non petat: præsertim cum propria vis veneni in illud peculiariter repat: si enim febres à solis fuliginibus putridis cor calefacientibus ortum ducent, non esset in naturæ potestate has cohibere, ne in cor fumum projiciant, ipsis in vasibus magnis, in quibus ingens caliditas ferret, contentis, indèque necessariò effumantibus.

Putare enim in his materiebus adeò noxiis, totum facultatis expultricis conatum in secernendo à corde materias illas dirigi, ideoque in repellendo in corporis extremas partes easdem toto tempore quo vis expultrix validior, quam noxious succus est occupari, & ob hanc causam minimè tunc febrem adesse, contingere, ac cum subito illorum ægrorum vis repellens noxia succumbit, venena illa in cor repentina mortem efficere, vanum quippe, & absque ratione esse, notum quibusvis doctis, & qui nostra præcedentia decreta de causis febrium legerunt, est: nam impossibile futu-

rum erat, febrem ingentem non percipi, eo tempore quantumvis exiguo, quo noxius, & venenatus succus jam proximus cordi fuislet, cum tunc fuligines putridæ corde ipso multo calidiores, in ipsum ascendentescalorem inducture erant, indèque totum corpus multo calidius, quam tempore sanitatis sentiendum, cuius oppositum eventus docuere, quin post exiguam illam febrem infrigidari, & in mortem ire, ægros illos videre: certè indocti hominis esset, credere dissolvi hanc rationem, dicendo: ideo cor, & corpus ab illis venenatis fuliginibus non calfieri, quia ab his spiritus vitales extinguantur: nam si verum esset, quod illi opinantur, fuligines illas multo calidiores corde, & spiritibus esse (alias enim si remissiores in calore fuissent, non possent febrem efficere) quamquam spiritus extinguerentur, manentibus tam multis fuliginibus in corporibus illis, à veneno succumbentibus, ardere, & calorem ingentem habere, noscendi esset, cuius contrarium experimur, mori, scilicet illos ægrotantes, qui minimè aut parum febrire, percipiebantur, non post multas horas febre minus, & minus valida percepta, ac universo corpore frigidiore, ac frigidiore verso.

CAPUT LXVIII.

De medela febris pestilentis.

CUM in antecedentibus medelam genericam febrium, & peculiarem continentium scripsérím, & pestilentes febres ex nunquam desinentibus sint, posse harum curationem, præteriorum methodis committere videbatur: at cum nonnihil observare in harum febrium curatione oporteat, quod in aliis non decet, methodis qui-

busdam id quidquid sit, exprimere conveniet.

Quamquam in omnibus continuis putridis, quas vocant, febribus sanguinis missionem proficere, omnes Medici opinentur, dum vires robustæ sint, & in pestilentibus quoque utilem esse ego fatear, non tories tamen ut in aliis, & minorē quantitatē sanguinis extrahendam in pestilentia invadente cum bubonibus alarum, aut inguinum, seu retro aures inflammationibus, quam in reliquis febribus omnibus pestiferis, suadeo tum quod sanguis non manifesta qualitate infectus ab his ægris, ut ab aliis extracti solet, quo docemur, potius occulta malitia, quam multitudine male affectum esse, tum quod spiritus vitales in sanguinis missionibus dissolvi, necesse sit, qui difficilius in hoc pestis genere restituuntur, ob cordis vires imbecillas, quam in aliis, itaque singula, aut bina, seu cum vires robustiores sint, & juvenis carnosus, & latas venas habens, tria sanguinis misione non copiosa, & in quavis uncias octo minimè transgrediente, contentum Medicum esse hortor.

Neque adeò perpetuum futurum hoc esse reor, ut nunquam, pluriusque ter, ut prædixi, sanguinem mitti, concedam, cum accidere non semel possit, bubones, aut carbones in his febribus contingentes adeò ingentes fieri, ut pluriæ venæ sectionem poscant.

Venæ sectionem non ex opposto latere parti inflamatæ exercendam esse, quotquot scripsere Medici rectè præcipiunt, quod scopus curationis illarum febrium cum inflammationibus invadentium præcipitus sit, partes inflamatæ magis tumidas plurimo venenato humore ad easdem transmissio, effice, & hoc per oppositi lateris venæ sec-

1. Methodus.

2. Methodus.

3. Methodus.

sectionem prohiberi, & per ejusdem lateris consequi, qui libellum de revulsione Galeni legerunt, sciunt.

4. Methodus.

Quamquam frequentè decere præcedentis methodi præceptum observare, utile sit, nonnunquam ex opposito latere venam feccare, convenire, non dubito, cum adeò ingens inflammatio inguinum, aut alarum, seu ullus magnus carbo illis partibus proximus ortus fuisset, ut merito vereri Medicus posset, ne si vena illius lateris secaretur, in tam magnum tumorem attolleretur pars inflamma-ta, ut indè in mortis periculum incidere ægrum timeremus.

5. Methodus.

Quippè cum exigua inguinum, aut alarum, seu retro aures inflammatio contingerit, post venæ sectionem inflammatae parti, quod inflammationem augeat, convenire, ratio suadet, in quem usum prodesse theriacæ drachmam in bulbi medulla inclusam, & igni expositam, donec bulbi cortices existimæ urantur, & intimæ theriacam in se imbibunt, sæpius expertus sum, mitridati drachmam quoque, aut compositionis illius, quam unguentarii salviam imperiale nominant, non minus utilem futuram etiam reor, cucurbitulas inflammatis locis admotas prodesse in eundem finem verosimilimum est, sed hoc tantum minus prodesse has prædictis antidotis videtur, quod hæ solum evocandi ad exteriora cutis humores noxios valeant, illa hoc assequi, & etiam occulta qualitate corrigerem venenatorum succorum vires possint.

6. Methodus.

Galli gallinacei, aut palumbi, vel columbae, plumas circa annum natas depillare, & statim avium illarum annos depillatos inflammatis partibus excarificatis, vel non apponere, ut his venenum illarum

inflammationum à relatis avibus sugatur, in præsum usum multi præcipiunt, quod proficere posse, crediderim ego, præsertim cum sint graves Authores, qui testantur, aves illas non diu post appositionem mori, quo palam indicatur aliquid noxiū ab his suctum fuisse, allios, & synapi, & stercora columbarum in emplastri modum confecta, & mille alia utilia esse, exiguis illis inflammationibus quoque reor: nam si valde magnæ fuisserit, potius nocere prædicta, quam prodesse putarem.

7. Methodus.

Excarificare bubones pestiferos, ac etiam carbones, admovereque post partibus excarificatis emplastrum, ex luteo ovi cum tantundem salis commisto, super linteam extensem, ac sæpius hujusmodi linteam illinitum mutare: ut nova vis medicamenti venenatam qualitatem inflammationis corrigere, possit, periti Medici præcipiunt, sequi intra viginti & quatuor horas virus carbonis hoc medicamento represisse, affirmant, idemque aliud emplastrum ex uncis quatuor fermenti, & synapi, & erucæ, singulorum uncia semis levigatis, & misy, & chalcitidis drachmis duabus, & viginti cantharidibus in unum omnibus his cum fermento junctis, conficiunt, & carbonibus, ac bubonibus pestiferis imponunt, radicem ebuli, & lilii, & semen rutæ, simum columbinum, calcem, multa alia medicamenta, quæ exulcerandi vim habent, apponere relatis inflammationibus etiam jubarunt. Ego autem in magnis, aut ulceratis, tam validis medicamentis nisi prius aliis mitioribus reprimi-entur, uti non auderem.

8. Methodus.

Post sanguinem missum in febribus pestilentibus cum bубонibus, de quibus hucusq[ue] in hoc capite egi, & emplastrum aliquod ex re-

latis, vel cucurbitulæ inflammatae parti appositæ, bibere Andromachi theriacæ drachmam unam dissolutam, & in unciis sex aquæ papaveris rubri, quod erraticum Dioscorides vocat, utile esse omnes affirmant, quod autem ego sum expertus, post bhibitam relatam potionem, statim sudores per totum corpus concitari, utrum autem iheriacæ tantum id contingat, an quod papaveris erratici aqua evocandi sudorem vim habeat, incertum mihi est, scio enim Dioscorid. non talem vim huic tribuisse, quin accersendi somnum, quod potius medicamentis frigidis sudorem cohibentibus, quam eundem concitantibus convenire solet. Neque etiam à relato Dioscoride, neque à Galeno prodesse contra venena ullum papaveris genus didicisse recordor, memoror tamen Plinium, libro 20. cap. 19. papaveris ceratitis, hoc est, cornuti, folia ex melle mederi carbunculis venenatis scribere, eundemque in fine relatis capitibus opium, quod ex nigro papavere instillatur, scorpionum icteribus resistere, testari, neque alienum à ratione est, cum humores adeò venenati sint, quales in febribus cum bubonibus contingentes proveniunt, aquam instillatam ex erratico papavere prodesse tanto malo, & si refrigerandi vim habeat, quod ea valeat noxiū, & pestiferum succum aptum ad cor, & reliquas principes partes corporis repere, immobilem efficere, & ejusdem vapores reprimere, per quod febrentibus licet, vires proprias fovere, & robustiores factas noxiū succum sudore expellere.

In præfatum usum ad evocandum, scilicet, sudorem mitridatum, aut salviam imperiale, sic enim nominant pharmacum quodam pharmacopolæ, etiam post

sanguinem missum in aqua buglosæ dissolvunt, & bibendum dant, quod prodesse posse, certum est.

Utrum autem post relata præsidia (quæ quantò citius fiunt, tantò plus prodesse solere exterior) syrups, quibus humor coquatur exhibere, conveniat: humoreque cocco aluum expurgare, liceat nonnulli dubitavere, inter quos, qui graviores Authores inter Expositores Avicenæ esse censentur: medicamentis non tantum lenientibus, sed majorem vim, quam lenientia habentibus, in principio, & nedium cocta materia exinanire ventrem præcipiunt, ideoque potionem solventem aluum conficiunt ex rhabarbaro, & tamaris indis, & mirobalanis citrinis, & manna, ubi multa bilis redundant, at cum pituita supercrescit aliquibus ex prædictis agaricum commiscent, ab scamonio, & colocynthide, ac aliis fortioribus medicamentis fugientes, ne venenatis suis facultatibus imbecillius reddant cor, nec cassam fistularem tantum sufficere existimant, quia leniendi vim dumtaxat habere inquietunt, quam minimè satis esse putant. Avicenamque in medela febris pestiferæ hoc idem voluisse credunt, cum dixit summa curationis eorum est exiccatio: quod exponunt non tantum pharmaco leniente, & humectante vacuare ventrem præcipere Avicenam, sed id quod vires habet exiccandi, id est, ultra quam leniens pharmacum vacuandi. Porro si mihi fidem adhibere lector velit, in febribus cum bubonibus, de quibus nunc agimus invadentibus, nequaquam ulla potionem vacuandi ventrem vim habente, ut febriens debet, quod ut superius dixi, in hisce morbis omnes eos, qui aluum fluidam habebant, obire sapissime sim expertus. Et quoniam fortassis poterit, non-

nunquam contingere pestilentes febres cum bubonibus redire, in quibus alius soluta ægrotantibus conferat, ideo observare relatos eventus Medicis consulo, atque cum prodesse ventris solutionem experti fuerint, audacter pharmacis superius scriptis utantur.

11. Methodus.

Neque quia per antecedentem methodum usum pharmacorum expurgantium ventrem interdixerim, ideo uti syrups veto: quin syrumpum ex malis punicis, & acido mali Medici, & omphacio, bibere præcipio, quod hi omnes vim reprimendi venenatas vires noxiiorum succorum habeant.

12. Methodus.

Utque in omnibus aliis fermè febribus potius uti medicamentis vim referandi habentibus, quam refrigerandi censuerim, in hoc tantum pestifero genere febris cum bubone grassantis, ab his fugere consulo, præsertim si validas vires, quæ referant, habuerint, quoniam vasorum insignis referatio non nisi à calore fervore succos faciente effici, potest, fervoremque noxiiorum succorum obesse fumos in cor pellen- do, nulli in dubium venit.

13. Methodus.

Victus ratio ab his febrientibus observanda in sex rebus, quas non naturales vocant, quæ sequitur est. Hi siquidem in cubiculo fenestras septentrionem respicientes habente, jacere debent, quod ventus ab hac regione flans refrigerandi, atque exicandi, ac quod potissimum est, cohibendi humorum ad cor, & caput vaporationem, vim habeat, in quem usum conferre quoque omnia, quæ aërem cubilis frigidum, & siccum reddere valent, notissimum est. Profund ergo salicis folia, nimphea, myrtus, rosa, malicorium, folia malicotoni, & malum ipsum, camphora, & alia ejusdem facultatis per pavimentum triclinii sparsa, nocentque palus-

tria, & limosa loca.

Persistere ægrum à morbi initio usque in finem in eodem toro, ac triclinio non parum obesse valet, nam aër infectus à febrentis respiratione iterum ad pulmonem, & cor inspiratus venenatam vim succorum fovet, auget, & crescere efficit, quo non parum incommode hos febrientes recipere clarum est, mutare ergo quotidie cubilia quantumvis prædictis odoratis rebus sint ornata, si id facere ægro licuerit, præcipio.

Somnum mediocriter allicere, & non prolixum procurare, in hoc morbo convenit, cum enim in somno spiritus, & sanguis ad interiora corporis retrahantur, veremur: ne sanguinis, & spirituum ad interna regressu, noxiis succis simul cum relatis retractis, cor plusquam cum in ambitu poris hi continebantur, inficere, valeant, nisi ergo hujusmodi febrientes prolixa vigilia vexatos videris, nequaquam soporem inducentia illis admovebis.

Exerceri, qui timent ab hoc morbo vexari, neque qui jam correpti sunt convenient, cum exercitium anhelitum magnum, velocem, ac frequenter efficere constet, atque magno hoc anhelitu multum aërem, qui venenatus in pestiferis morbis est, inspirari, necessarium sit.

Quotidiæ ventrem semel exinaniri sponte, & sine Medici auxilio, salubre esse reor, verum clysteribus lubricum ipsum reddere nisi triduo, vel ultra astricta alius sit, periculosum esse judico, securius ergo ne feces indurentur in tertii diebus ex melle, & paucō sale confecta suppositoria summittere, hæc enim non tantam vim habent, ut noxios suertos ad interna corporis vasa trahere, possint.

18. Methodus.

Vitare venarem in constitutio-
nibus pestiferis prodesse: notius est:
quām probari queat, si enim vene-
natæ viret hoc potissimum nocent,
quod spiritus dissolvant, cum ve-
neris concubitus hos plusquām om-
nes alii motus diffident, & corrum-
pant, huic malo promptus fieri:
qui illo immodicè utuntur, clarum
est, & eos qui jam ægrotant, in
vitæ discrimine poni, per hujus
usum notissimum etiam est. Neque
minus tristitia, & ingentes curæ,
quæ angunt, & solicitant homines
nocent, ut alacres res, & jocunda
ægris nunciata, dum non subito,
& repente, ac præter ægri spem
evenerint, prodesse solent.

19. Methodus.

Alimenta, quæ facilis concoctionis, & magni nutrimenti sint, de-
voranda ab his febrentibus erunt:
quod hi plusquām reliqui dissolu-
tionem insignem spirituum patian-
tut, conveniet ergo hos non tan-
tum oleribus, ac leguminibus, &
fructibus arborum alere, sed juri-
bus pullorum, perdicum, & galli-
narum, & pullis ipsis coctis cum
laetitia, boragine, & croco uti
decebit, aranciorum, & mali Me-
dici acidis succis, ac omphacio, &
aceto, vesci cum carnibus, vel ju-
ribus relatis, quām maximè pro-
desse experimur, lutea ovorum cum
prædictis succis irrorata in eun-
dem usum conferunt, suadendi
ergo, & cogendi saepius parum ex
relatis alimentis comedere, pluri-
mum enim si deglutiunt, conquo-
re, non valent: quod frequentibus
animi deliquiis vexari solent, neque
oblitus est Avicena id in medela
hujus febris hortari, nam dixit plu-
rimi eorum, qui viriliter comedunt,
& si non appetant, evadunt
ab hoc morbo. Post pransas carnes
malacotcea condita, & cruda e-
tiam prosunt: quod hoc malorum
genus venenis aduersetur, & sua

refrigerandi, & exiccandi vi pos-
sit noxios vapores reprimere, in-
terdiu mali punici acidi, & dulcis
grana comedere etiam prodest. Ra-
ses indivisionibus potius asis carni-
bus, quām elixis uti jubebat, mihi
autem, quod ægro gratius est ma-
gis convenire, existimo, cum quām
maximè cavere oporteat, ne co-
medendi appetitus in his dejiciatur.

Potum aquæ frigidæ non inter-
dicendum his, qui ut dixi, febriunt
omnes merito autumant, quoniam
siti anhelitum frequentiorem fieri
experimur, cum per eum major
æris venenati portio, quām per
minus frequentem trahatur, à quo
fugere hos ægros superius consuli-
mus, nec quidquām interest, in
febribus pestiferis cum bubonibus
conjunctis, nullo alio symptomate
infestante, frigidam aquam coctam,
aut crudam bibere: atsi difficultas
anhelandi ob vitium aliquod pec-
toris contingat, concoctam re-
bus lenientibus pectus exhibere
conveniet. Neque non tantum ob
relatum morbum, sed propter quos-
vis alios, in quibus incocta aqua
obesse solet, etiam à frigida eti
pestifer morbus ægrum corripiat,
abstinere decebit, potest enim con-
cocta rebus, quæ vitia illa corri-
gant, & simul venenis adverseren-
tur bibi.

20. Methodus.

Multa medicamenta vim habere
contra venena animalium, & plan-
tarum, atqué aliarum rerum paßim
à Doctoribus traduntur, verum
quæ profint venenatis febribus à
Dioscorid. & Plin. & aliis antiquis
simplicium Scriptoribus, quod me-
moror nunquām legi. Ratione ta-
men, & Galeni, ac Neotericorum
authoritate usus, convenire Arme-
nicam terram, de qua Galenus de
Simplicium medicamentorum fa-
cilitatibus, lib. nono, cap. de Terra

21. Methodus.

samia meminit, indubie fateor, hanc bibi in fine capitinis citati Galenus ex vino albo consistentia tenui modicè diluto, si levi febre tenetur æger, præcipit, & ubi gravis febris est, cum aqueo vino potari. Dioscorides lib. v. cap. xciv. famiam terram commendat contra serpentium morsus, undè prodesse pestilenti febri rationi consonum est, vereor tamen raro ullum ex his terræ generibus ad nos asportari, sed adulterata medicamenta hæc afferri, non paucos quoque lapides in eodem libro, cap. xcijj. & antecedentibus capitibus conduce-re, adversus venenata animalia, idem Dioscorides scribit, ex quorum pulveribus tenuissimè levigatis conficienda antidota erunt cum aqua buglosæ, aut oxalidis dissoluta bibenda, & ne hæc narrando, quæ exigui momenti esse suspicor diutius immorer, finem imponere huic capiti de medela pestiferarum febrium cum bubonibus (de his enim hucusque in præsenti capite egimus) visum est, & quoque de illo sævo symptomate catoco, seu cataphora, aut læthargo, seu comate vocato, in aliis generibus pestiferarum febrium proveniente, non nil quod defuit, cum de eo in superiore cap. egimus scribere liceat, quo finem præsenti libro imponeamus, nec hoc nisi unica methodo absolvemus.

Vigesima secunda methodus, qua docetur, quo modo probibere possimus ascensum vitiati succic ataphoram efficientis, quam modorra Hispani vocant.

22. Methodus.

Si memores eslis cum de medela cataphoræ agebam, dixi necessum esse humorem, à quo cataphora pendet, frigidum, & humidum, aut calidum, & humidum

esse, nisi enim talis foret, sed calidus, & siccus, deliria, vigilias, inquietudines esset effecturus, etiam relatum illum succum, à flatuoso spiritu, vel aliqua exigua bilis portione, quæ cito postquam in caput repit, discutitur, in cerebrum devahi, nisi enim sic res se haberet, impossibile videntur eum, qui cataphora post pauxillum temporis spatium esset corripiendus, munia, quæ sanus obire solebat, exercere, subitus enim, & repentinus humoris ille ad caput ascensus non à frigido, & humido, aut calido, & humido humore, quorum nullus adeò levis est, fieri, contingeret, ut ergo hic in superna loca raptus, qui tantorum malorum causa esse solet prohibeatur, præsente methodo consulo, quod parum ante tempus, in quo rationabili conjectura suspicatur Medicus gravem soporem ventutum, duas ingentes cucurbitulas, alteram jecori, aliam lieni apponi faciat, novemque in dorso affigi jubeat, tres per medium dorsum in supremis inter utrosque humeros vertebris apponendo, reliquaque sex in dextris, ac sinistris scapulis, nullasque ex his excarificatis partibus, sed sanis apponi præcipio, nisi tanta sanguinis copia adhuc adsit, ut aliquid ejusdem his extrahere conveniat: solent enim hæ tam vehementer humores in jecore, & liene, ac dorsi magna illa vena, & arteria contentos detinere, & ne in caput repant prohibere, ut non paucos in præsenti anno 1558. evasisse à symptomate illo, quem certo venturum sperabant, prædicta cucurbitularum admitione noverim, neque in his, qui aluum adstrictam habebant, cucurbitulas admoveri præcipiebam, nisi ventre fortè clysteri prius exonerato, in quem usum clysmum conficiebam, quod reciperet irini, & ru-

rutacei, uncias quatuor, & hieræ, ac benedictæ unciam unam, cum decocto anthemis, aneti, malvæ, stecados relatis oleis, & compositionibus dissolutis, duabus cochlearibus, mellis, & talis granis viginti additis.

Jam medela febrium pestiferum, ut audistis, explicita, supereft etiam exponere, an liceat, ignibus per vicos passim factis, aërem pestiferum expurgare: nàm cum superius per pavimentum triclinii, in quo febrientes hi requiescunt, folia, & surculos rerum frigidarum sterni jussérunt, videtur ignes calidos nocituros, verum hæc controversia facile dissolvitur: dicimus enim aërem ignibus calefactum noxiūm esse, his qui jam pestifera febre sunt correpti, prodesse tamen illis, qui nedum febrierunt, quòd purior vi ignis infectis vaporibus reddatur. Per quem modum Hippocratem vetuisse Græciæ pestem suis temporibus graffari incipientem, multi referunt.

CAPUT LXIX.

De Morbillo, & Variolis.

A Deò notum hoc morbi genus apud universos Orbis habitatores nunc est, ut nullus quantumvis rusticus, & barbarus sit, qui relatorum nominum, aut aliorum idem in eorundem vernacula lingua significantium: notitiam non habeat. Cum ante, & in priore sæculo ab hinc quingentis annis hæc morborum genera non adeò nota ut nunc fuisse, multi nostri temporis Medici asseverent. Certè apud Hippocratem, Galenum, Paulum, Aëtium, Oribasium, cæterosque Græcos Medicos, nunquam inventi, hic morbi modus valet, non enim authoritas Manardi Ferraiensis in Latina, & Græca lingua

Tom.II.

non parum docti: neque ejusdem suasio me movere valent: ut credere possum: exanthemata, quæ à Galeno, lib. 5. de Morbis medendis, cap. undecimo dicuntur, idem quod morbillus, & variolæ sint, cum Paulus Galeni simia, cap. 6. libri primi, sequentia verba de eisdem referat: [Pustulis, quæ quòd pueri per cutem veluti effloescunt, Græci exanthemata nominant. Primum sanè nullum facescere negotium oportet: ubi vero probe ad summa eruperint: tunc jam curare tentavimus, balneis, quibus injiciantur myrtum, aut lentiscum, aut rosa, deinde rosaceo, aut lentisci no utendum, ceratoque cum cerusa.] Et libro 3. capite 3. inscripto ad Psydratia, & exanthemata capitatis scriperit: [Exanthemata verò cutis sunt exulcerationes, subrubicundæ, & asperæ, utrumque vitium præsidiis infra positis exteritur, argentea spumæ cerusæ singulorum drachmæ quatuor: aluminis drachmæ duæ: rutæ foliorum viridium totidem: ex aceto, myrtheoque oleo levigata cuti illinientur.] Quæ minimè quadrare cum variolis, aut morbillo valent: nàm si quando morbillus, & variolæ rectè medenda per sanguinis missionem sunt: priusquād ad summam cutim erupant faciendum, ut post in medela explanabimus, cuius oppositum Paulum, cap. 6. citatum præcepisse constat. Neque postquam ad summam cutim eruperint balneis uti licet: præfertim myrtum, aut lentiscum, aut rosas recipientibus, cum hæc medicamenta adstringendi vim habeant, quam contraria esse huic morbo Manardus, lib. 7. epistola secunda veritate compulsius fatetur, etiam morbillum exulcerationem esse cutis: ut Paulus lib. 3. cap. 3. de Exanthemate superius dixit, non nisi qui deli-

Kkk 2.

rat

rat dicere potest : cum nunquam morbillus ad exulcerationem deve-
niat , sed tantum cutim horum æ-
grorum rubris maculis inficiat . Va-
riolas nec in sui ortus principio ,
nec postquam in augmentum pro-
cedunt : cutim exulcerare docti , &
indocti Medici experiuntur , non
ergo per cutis exulcerationem defi-
niendæ variolæ essent , cum illis o-
rientibus , & in augmentum proce-
dentibus definitio non conveniret .
Porrò quis tam rudus esset , qui hu-
jus morbi naturam exactè calleret ,
& si explicare illam velit , non pa-
lām exprimere , huic morbo , quam
maximè convenire infantes , & pue-
ros , ut plurimum invadere , raro
juvenes , & majoris ætatis homines ,
nec nisi per totam vitam semel
eundem hominem in plurimum
corripuisse , quod fecisse Hippo-
cratem , & Galenum , si relati mor-
bi noti illis fuissent , putarem , &
quoniam hos non noverunt : ideo
notas eorundem subticuisse , cre-
dendum est , quod equidem ex
Hippocrate , 3. lib. Epidemiarum
citat Manardus , in pestilenti , scili-
cet , constitutione advenisse magna
ecthimata , & exprimi à Galeno
dictionem illam Græcam , per tu-
mores sponte in cute florentes , ac
crassis humoribus genitos , quia te-
nues exulcerationem potius faciant
quam tumorem , & quod tumores
variolæ dicantur , exulcerationes
vero morbillus , non solum nullius
momenti esse , notissimum est , ve-
rū in re tam nota fallor , deliri-
antis hominis est , morbillum qui
nunquam cutim extimam , ut supra
retuli , rupit , exulcerationem vo-
cari .

Cumque ergo ex à me nupèr af-
fertis Græcis incognitum hunc mor-
bum esse appareat , in alteram dua-
rum causarum ignotum illis esse ,
reducere , oportet , vel suis tem-

poribus hunc morbum nedum ho-
mines solitum infestare : sicut ne-
que ab hinc septuaginta annis Gal-
licus vocatus Europam , ac Asiam ,
& Africam incolentes corripuerat ,
aut quod si jam tunc in homines
graſſari solitos erat , modum acce-
dendi ejusdem , atque quas ætates ,
& quoties infestare solitus eslet , non
obſervarunt , minimèque miran-
dum nova genera morborum , quæ
nunquam antea vifa fuere , nunc
conspici , cum certum sit multas
formas plantarum antiquis ignotas
paſſim videri , & vel in delicīis , vel
medicinæ uſum frequentè eisdem
Medicos uti , aliasque antiquis no-
tiſſimas in nostro Orbe nequaquam
inveniri posse .

Nonnulli ex Arabibus Zoar , sci-
licet , & Ifac causam horum mor-
borum esse putant , fœtus nutri-
mentum , dum in utero gestatur ,
sanguinem menstruum esse , sed hi
manifestè aberrant , cum pari ra-
tione morbillum , & variolas qua-
drupedia in utero gestata , & con-
ſimili sanguine nutrita , in lucem
edita paſlura erant , quod non ex-
perimur , ali namque quadrupedum
foetus ex menstruo sanguine , Aris-
toteles 2. de Generatione anima-
lium , cap. 4. testatur , quod ratio
ipsa manifestè docet : si enim in mu-
lieribus uterum gestantibus menses
deficere , usque ad pariendi tem-
pus videmus , quo concii sumus ,
ab eo quod fluere solebat , fœtum
nutriri , pari ratione moveri tene-
mur , afferere , etiam fœminas alio-
rum animalium conſimili nutri-
mento nutriri .

Avicenæ videtur ſen prima , li-
bri 4. traſt. 4. cap. 6. causam rela-
torum morborum fervorem sanguini-
nis esse , cum enim quivis succi , ut
perficiantur , prius ſemel fervent ,
ac bulliunt , & post perfectam con-
ſistentiam acquirunt , ut muſlum ,
cer-

cervisia, & pomorum succus, ac omnes alii ex fructibus expressi ostendunt, rationi consonum videbatur Avicenæ, humano sanguini in vasis foetus contento idem eventurum. Cum primum enim in lucem exiit foetus sanguinem musto similem laturum Avicena conjectat, atque huic ut perficiatur convenire, quod semel ebulliat, quo in tempore spumeum in cutem transmissum variolas, aut morbillum efficeret, credidit, crassumque feci vi- ni simile per aluum excerni, indè que non nisi semel in plurimum affici his morbis homines solere: ut musta non bis fervere assuescunt. Neque hoc adeò explicitum, ut à me est, apud citatum Authorem reperies, verum quod id innuisse verba exordii capititis prædicti, & nonnulla finis ejusdem, eundem sentire ostendant, ideo ut legistis sunt à me dictata, etiam quod omnes fermè ejusdem Expositores sic exponi illum, velint.

Verum hinc provenire morbillum, & variolas, alienum à ratione est, quoniam etiam quadrupedium sanguini idem contingere deberet, fervere, scilicet, semel postquam ab utero animal exierit, & morbillo, & variolis affici, quod nulli quadrupedum accidere experimur: nam non inde differentia summi posset, quoniam quadrupedia cutim habeant duram, & asperam ineptam recipere spumeum illud, materiam variolarum, & morbilli ab ipsis mutatam, & homines cuti tenui sint coniecti, cum avium genera omnia, quæ etiam cum primum nascuntur, novum sanguinem in suis vasis continent, cuti satis tenui tegantur, qua parata recipere spumeum sanguinis, ut homines, futura erant, & à morbillo, & variolis omnia corripienda,

quod aliter contingere eventus do- cent.

Calidas, & humidas temperatu- ras expositas esse huic morbo, plus quam omnes alias, Avicena, & cæ- teri Arabes affirmant, & experi- mента rem sic se habere, demons- trant, quod causam esse, cur raro- bis eundem hominem malum hoc corripiat, existimo. Nam cum se- mel febre, & morbillo, aut vario- lis, est affectus homo, adeò siccior vertitur, ut illo morbi genere ite- rùm corripi non valeat, corripi- tur autem homo in plurimum in puerili ætate constitutus, ab inslu- xu cælesti aërem afficiente, quod humidior, & calidior tunc sit, re- lataque ratione lac inter alimenta morbi hujus causam esse, Medici rectè credunt, tantoque promptius corpus humanum lacte vescens à morbo hoc affici valet, quantò humidiore, & magis scrofo lacte usus fuerit. Camellarum ergo, & asinarum lacte homines alti promptiores morbillo, & variolis ægrotare, cæteris paribus omnibus aliis sunt. Neque aliundè plus vere ca- lido, & humido, quam aliis anni temporibus morbum hunc vagari, experimur, qui etiam nedum exte- riores partes corporis maculat, & tumoribus replet, verum & internas. Gula namque, & ventriculus ipse, & aspera arteria, atque intestina, variolis quandoque inflam- mari, indè certi sumus, quod sa- pè raucas voces edere, & difficul- tè deglutire, ac per alui excretio- nem purulentum à variolis ema- nans, excerni in nonnullis ægrotis videamus.

Solent hujusmodi tubercula cum primum nascuntur, adeò exigua esse, & cutim tam parum atollere, ut visu vix decerni queat: utrum rubore aliquo, aut variolarum, seu

morbilli tumore cutis infecta sit, neque minus difficile est, in relatorum morborum primo ortu alterum ab alio distinguere, nisi enim expertus Medicus id assequi non valet: verum cum jam tertia dies accedit, manifestè variolæ se tales esse ostendunt, magnitudinem capitis aciculæ, vel milii habentes, ut in sequentibus plus tumentes cicceris magnitudinem acquirunt, pos-teaque sanie replentur. Tandem expurgata, vel exiccata sanie, arescunt, & decidunt: cutim maculis infectam, & inæqualem relinquentes, neque omnium adeò felix exitus est: multæ certè in ulcera excedentia partes, quas occupant, finiuntur, quæ in perniciem ægrumducere solent, maximè si relata ulcera asperam arteriam, aut gulam depascantur, hæ fuscum, aut viridem colorem habere solent, & purulentum quid ex se fundere, consueverunt, ut salubres rubrum, vel album, vel alios colores his proximos possident.

Numerum, & magnitudinem variolarum considerare, Medicus tenetur: ex his enim indicia felicis, aut infelicis exitus earundem sumi, sæpè solet, quas enim plurimas, & exiguae totam cutim occupantes videris mortis periculum easdem minare suspiceris, maximè si fuscæ, aut virides, vel nigræ fuerint, eas autem, quæ magnæ, & raræ, rubroque, aut albo colore affectæ aperuerint, salubres esse disjudicabis, præsertim si prout crescere ipsas conspexeris, sic febrem mitiorem fieri cognoveris: & universæ, ut plurimum in tertia die à prima febris invasione conspici solent, neque raro ante exitum convulsioribus epilepticis pueros corripere consueverunt, suntque quandoque nonnullæ variolæ tam ingentis mag-

nitudinis, ut una earum alteram intra se contineat, ut etiam ex illis sunt, quæ ingentes cutis partes sic occupant, ut circularem figuram nonnunquam, & angularem quandoque constituant, ex quibus etiam albæ, parvæ, duræ, minimèque fungosæ interitum patientibus minantur.

Observare quoque convenit formam, quam cum exeunt, servant variolæ, quæ enim postquam apparetur incipiunt, nullum tempus intermittunt, quoisque in totum augeantur, & simul ægrum leviorem efficiunt, & mitioribus symptomatis vexant, bonam de se spem exhibent, tūm præsertim cum raræ, & magnæ sunt, ut quando ori-ri incipiunt, ac post nasci desinunt, marcidæque jam ortæ redduntur, & iterum novæ variolæ infestant, perniciosæ esse consueverunt. Certè salubrius indicium sumi solet, cum febris prius aggreditur passum variolas, & post ipse apparent, quām si è diverso contingat, variolas scilicet primum videri, & post febrem corripere. Neque hoc perpetuum est, sæpè namque hoc felicitè cedere, velut illud contingit, ut etiam non raro est, variolas neque ante exitum, nec post febrem committari.

Respiratio, & ægri vox indicium salutis, aut mortis etiam ostendunt, difficultè quippè inspirare, aut aspirare, & raucam vocem variolas patientem reddere, malum est, ut faciliter respirare, & claram vocem proferre, bonum esse solet. Porrò plurimi à morbo hoc obeuntes strangulati moriuntur, quia aspera arteria eorundem à multis variolis occupata, vel ab ingentibus ulceribus exesa, sufficientem aëris quantitatem in pulmonem ingredi non permittit.

Neque minus incommodum hoc malum ipsum laborantibus per immoderatum alui fluxum inferre solet, pereunt enim ex his multi cum dissenteria ab ulceribus variolarum proveniente, & nonnulli quoque ab immodico sanguinis mictu ab eisdem variolis renes excedentibus facto.

CAPUT LXX.

De signis, & medela variolarum, & morbilli.

SUNT jam adeò manifesta quibusvis hominibus morbillus, & variolæ, postquam perfectum incrementum acquisivere, ut nullum fermè latere hominem hoc ævo, ut prædicti, putem, ideoque indicia, quibus hi morbi nosci debent scribere in sejuncto cap. neglexi, si qua non referre oportebat, ea erant, quæ priusquam hi viserentur, ipsos venturos prædicerent, & cum hoc unico verbo assolvi posset, maximum, & præcipuum signum esse, scilicet tum vagari illud morbi genus, & gravedinem ægrotantem simul cum febre pati, oculosque rubentes, & gravedinoso dolore vexatos habere, hoc solo contentus transgredi ad medelam morborum illorum conficiendam visum est, ac primam, quæ sequitur methodum dictare.

Nullum ex Medicis Arabibus curationem hanc auspicandam nisi per ullius magnæ venæ scisionem, vel excarificata crura, aut brachia præcepisse, memoror, cui sententiæ ego non adversor, cæterum quod addunt observare, quam maximè oportere, ne postquam hi morbi maculare cutim inceperint, sanguinem mitti Medici jubeant, alienum à ratione existimo, cum enim id vetant, ideò ut inquiunt,

illud præcipiunt, quoniam timent, quod sanguine missio, variolæ, & morbillus incepta exire ad cutis externas partes, ad internas sucta regrediantur, quod perniciosum esse, ideo credunt, quia à venenato humore relatos morbos fieri dicunt. Porrò si illud inconveniret, in bубonibus pestiferis mittere sanguinem, & si ex latere affecto educeretur, non liceret, verendum non esset post sanguinem missum regressus materiæ bубonis ad internas, & principes partes corporis, quæ si verum esset illud, quod timent, necessariò in illas regressura, suucto sanguine, erat, cuius oppositum experimur, augeri scilicet potius, quam imminuit bубones illos post sanguinem missum.

Licere ergo existimo, dum vires adeò imbecillæ non sint, quod sanguinem mitti, prohibeant, si sanguinem redundare Medicus noverit, illum, vel vena secta, vel cruribus excarificatis, non tantum semel, verum & bis, aut ter extrahere, quamvis morbillus, aut variolæ nedum apparere, sed etiam augeri incipient, vel integrum incrementum acquisiverint, neque plus timere sanguinis missionem, quoniam variolæ, aut morbillus jam adsint, quam si non adessent, consulo, inanis certè timor illorum Medicorum est, qui putant materiam cutis porositates occupantem ad interna vasa retrocessuram, cum id fieri nequeat: si enim quandoque inflammations post sanguinem missum imminui videmus, non quod fugatur humor causam imminutionis earundem esse, afferendum est, sed vel quod tumor illarum partium inflamarum potius originem trahat, à multo sanguine in venis illius particulae congesto, qui per ipsius missionem revelli-

2. Methodus.

1. Methodus.

tur,

tur, quām quia in porositatibus membra inflammati imbibitus ipse sit, vel quoniam sanguine extracto, vires ægrotantis robustiores versæ valeant, in halitum discutere humorem, quem prius difflare, non poterant, caveant ergo deinceps Medici præceptum illud Arabum à nobis per præsentem methodum improbatum sequi, cum sæpè observaverim complures pueros interriisse, aut ab immodico sanguinis narium fluxu, vel ab ulceribus excedentibus, ideo quòd Medici nunc ausi sint venam illorum seccare, quia cum id facere decrevissent, variolas jam ortas conspicerent.

Methodus. Ventrem horum subducere parum Arabes curant, meritoque cum prædixerim, perniciosum alui fluxum in his morbis esse, & quamquām in fine, aut statu nocere putem, in principio tamen negligere, aluum exinanire, non validis pharmacis, sed iis, quæ exonerandi à fecibus ventrem vim habeant, prodesse existimo, in quem usum neque cassia fistulari vocata, neque aliis medicamentis eandem vim habentibus, uti auderem, quamquām Avicena in cap. de Medela horum morborum exhiberi relata medicamenta jubeat: vescatur ergo puer, aut nutrix prunis damascenis, & ficubus, & primo jure lentium, & malis punicis dulcibus, & tamaris indis, & aliis alimentis ejusdem facultatis, neque ulteriorem ventris lenitionem, quam relatam fieri current Medici.

Methodus. Quandoque adeò vehementer sanguis horum ægrorum in morbi initio fervet, (quod per magnitudinem febris, & rubedinem faciei, & carnis copiam, & æstuationem, ac nervorum convulsiones non nunquam tremores aliás, cognos-

citur) ut Medicos cogat, simul cum relatis alimentis feces expurgantibus tunc exhibere, omphacium, jus culinarium, mala punica acida, forbas, malicotoni succum, pyra astringentia, quæ verdiñales Hispani vocant, palmites, & alia hujus generis, ut relatis lenientibus alimentis, & his astringentibus simul feces expurgentur, & sanguinis immodicus fervor compescatur. Verum si alius astricta non sit, sed quotidiè feces reddat, lenientibus cibis prædictis uti non conveniet, velut si valde astricta fuerit, & ingens fervor sanguinis non adsit, constringentibus in præsenti methodo scriptis, non vescatur æger.

Diversus scopus curationis habendus est in curatione morbi hujus cum primum morbillus, vel variolæ in cuti apparent, & cum jam augeri incipiunt, ab eo quem servaturi sumus, quando nedum visuntur, neque cutis maculari incpta est: hoc namque in tempore rebus facultatem rejiciendi variolarum, aut morbilli materiam in cutim uti non debemus, ut in illo, quæ in cutim propellant noxium illum succum admoveare convenit: si enim in prima, aut secunda die à morbi initio æger uteretur cibis, & medicamentis, quæ evocandi morbillum, & variolas in partes extimas corporis facultatem haberent, merito verendum esset, posse sanguinis fervorem adeò augeri, ut universus spumeus redditus ineptus, quod ex eo vitales spiritus fierent, verteretur, & interire æger cogeretur, cum tamen postquam in venas exiguae cutis diffusus sanguis ille est, & cutim maculare rubore, & tumoribus incipit, novam illam inferre non possit, ac tunc liceat, & quam maximè oporteat, ipsum in lucem edere, & manifestum in mag-

magnas variolas conversum facere, tunc enim interni sanguinis in magnis vasis contenti fervor augeri nequit, quod qui maximè fervebat, in corporis tegmen excretus sit.

6. Methodus.

Ut ergo propellatur variolarum humor in cutim Avicena, qui fuisse inter Arabes de re hac scripsit, multas compositiones medicamentorum in citato superius capite, & aliqua simplicia pharmaca, quæ prodesse possent, descripsit. At cum referre relatas compositiones, neque divinando adhuc ullus posset, ob innumera vitia, quæ propter ignorantiam Interpretis accidisse, reor, ideo, & quia inutiles sint, illas subtileam, & si quid quod conferat, ab illo Authore excerpti, possit, id ipsum dicendis adjungam. Omnia ergo, quæ vim restringandi obstructiones habent, prodesse in hunc usum valent: præser-
tim quæ in corporis circuitum humores protrudunt, qualia sunt, quæ attenuant, prosunt ergo fici virides, ac siccæ, virides quippe in prima, aut secunda die antequam morbillus, & variolæ apparere incipient, utiliores quam siccæ sunt, quod vim solvendi aluum habeant, ut Dioscorides lib. 1. cap. 145. retulit, siccæ postquam jam rubore cutis incipit, ideo magis conferunt, quod non tam ingentem vim leniendi ventrem, ut virides habent utrisque peculiaris facultas evocandi morbos hos in cutim, ut sudorem inest, neque imbecillior vis cancamo, quod laccam vocant, in eundem usum indita est. Dioscoride lib. 1. cap. 23. testante, foeniculum, & apium, tam radicibus, quam seminibus prosunt, syrpus qui in officinis de lacca inscribitur, ab Avicena usurpatus bibendum, & lambendum est, sic enim aperæ arteriæ, & nutritionis mem-

bris prodest, tandem quæ bibita vim extrahendi spicula corpori infixa habent, ut aristolochia, dictamus, tragum, & multa alia in hunc finem conferunt.

Triclinium in quo persistit æger, ab Aquilone securum esse debet, quoniam continens aër frigidus, quam maximè his ægris nocet, obstruendo cutis poros, per quos sputum sanguinis in variolas vertendum, ejiciendum est, si quando minus calidus aër esse convenit in primis diebus, & antequam oriri variolæ incipient, erit, nam tunc remisso illo calore fervor sanguinis compescitur, ex quo non parum auxilium ægro aciscitur, quod si rebelles ad exeundum morbillus, & variolæ forent, calfacere aërem triclinii igne, & rebus, & calidis per pavimentum sparsis conductet, ut quoque levi linteo cutim leniter confricare in eundem usum prodest, confert præterea, ut variolæ facilis exeant, infecta rubro colore oculis ægri præsentare, non iis corpus, sic ut videri nequeant teger, cum relato colore rubentia astrictionis vim habeant.

Alimentum puerorum, & infantium lactentium præcipuum lac ipsum est, quod decenti victus ratione nutricis tale fieri procurandum est, quale morbus poscit: convenient ergo in principio, quæ fervorem sanguinis reprimant, mandenda nutricibus dare, ut postquam morbillus, & variolæ apparent, quæ attenuant, & in cutem humores evocant, infantes etiam & pueri si ulla alimentis præter lac vescuntur, eum ordinem in vescendo servent, quem nutricibus perscrupimus, aquam quam in principio biberint, tam nutrix, quam infantes, & pueri non tantum ex lentibus semel coctis conficienda, sed etiam

7. Methodus.

etiam altera aqua ex lentibus bis coctis commiscenda prædictæ est, prior namque subducendi aluum vim habet, ut posterior compescendi fervorem sanguinis: quæ duo in principio, quam maximè conducunt, verum postquam variolæ apparent, semine fœniculi, & apii, vel anisi coquenda, ut citius, atque expeditius spumeus sanguis, qui in partibus cuti proximis inclusus est, ad ejusdem extimas partes excernatur, neque frigida potio bibenda tunc est, sed tepida, ut pectus quod tussire solet, aquæ frigiditate non infestetur. Certè abhorrent complures à potionē aquæ ex lentibus decoctæ, quibus in principio tribui potest aqua ex damascenis prunis, & malocotoneo, vel forba, aut omphacio, vel alio consimili cocta, valebunt enim pruna ad ventrem leniendum, prout prima lentiū coctio, malumcotoneum autem, & reliquorum quodvis ad compescendum sanguinis fervorem.

9. Methodus.

Adeò cupimus pervium transitum per cutis poros variolis, & morbilllo efficere, ut omnes Medicī caveant cutim horum ægrotorum oleo, aut cera, seu quavis alia re eosdem obstruente uti, quod & si rectè cautum esse, cum natura propellere in cutim variolas, & morbillum valet, existimo, dum tamen imbecilla ad excernendum noxiū succum propter ejus lentorem fuerit, quæ eundem attenuent exteriorius admovere, non in emplastri formam, sed in modum liquoris convenire puto. Vereor certè emplastrum cuti horum approximare, ne compresa cutis consistentia illa crassa emplastri, difflationem, & exitum vitiati succi coercent, si namque licet, pestiferos succos bubonum, & carbunculorum ad cu-

tim oleis evocare, nescio cur veteræ liceat, rebelles variolas eodem præsidio in exteriora corporis trahere. Certè non indè, quod permittamus emplastrum bubonibus pestiferis admovere, ideò etiam cuti variolas non expurganti prodesse objiciendum nobis est. Cum non parum differat materia bubonis, quæ crassior multo, quam variolarum est, ab earundem tenui materia, probat quippè tenuitatem succi variolarum, exitum ipsarum ultra cutim, & crassitatem illius, quæ bubonem, & carbunculum gignit, immobilitatem, & quietem ejusdem intra cutim.

Cavere variolarum ortum in 20. *Methodus.*
oculis oblivioni non tradendum est cum sàpè accidat easdem inibi nascentes visu privare, aut cicatricibus maculare ægrotantem. Prodest ergo ad hoc vitandum, aquam rosarum, vel coriandri, aut decoctionem rhois culinarii, quibus crocus, camphora, aut aloes levigata commisceantur, in oculum injicere. Cumque hæc ægro ingrata sint, succum granorum mali punici infillare conveniet: verum si relatis præsidiis adhibitis adhuc oriri variolam in oculi tunicas videris collirio albo Razes nuncupato, uti necessum erit, neque minor cura negula, & sapera arteria, & intestina, ab earundem ortu exulcerentur, habenda est. Vitavimus ergo malum hoc, ab ore, & aspera arteria usu syrupi myrtini, & succi malorum punicorum, dulcium, & acidorum lambitis, ac gargarizatione diamoronis, gulam autem, & ventriculum, & intestina, præfatis medicamentis, & omphacio cum saccharo commisto deglutitis. Nasum fœdari præ multitudine variolarum solutum, non custodire licet: omnino prohibendo variolarum exitum in eo-

eodem, ut licuit relata membra servare. Verum moderari irruentem multitudinem succorum in partem hanc, necessum est, quod exercere oportebit usū moderate astringentium, neque hoc pro tuendo nāso semper efficere permittitur, sed tunc dumtaxat quando, ut prædicti, timor est ne multæ variolæ in particulam illam irruant.

11. Methodus.

Postquam integrum incrementum variolæ adeptæ sunt, ac noxius humor in eisdem contentus concoctus, & in saniem versus fuerit, statim necessum est, variolas fallere, quod decenter fit aqua instillata ex rōsis, cui tantum salis levigati commiscetur, ut degustata mordere falsagine linguam valeat, neque perfecta concoctio in purè variolarum expectanda est, ne virus illud adeò carnem exedad, ut & si in vitæ discrimen ægrum non ducat, foedam cutim redat: noscēs ergo in pus verti succum variolarum, quando prurire easdem æger senserit, solent enim tunc infantes, & pueri faciem, & reliquias corporis partes in tantum scalpere, donec sanguine partes scalptas perfundant. Avicena priusquam variolæ essent fallendæ, perforare ipsas, aurea acu præcipit, quod ego potius nocere, quam prodesse, sum expertus, rupta namque per acum cuti foedior cicatrix linquitur, quam si aqua rosata, ac croco, & sale, corrugata cutis virus ex se per poros excernat, terminum in quo perforari variolas deceat, septimam diem perscripsit Avicena, postquam fallere iussit, quem non adeò præcisum esse reor, ut antea quandoque facere non liceat, & si raro hoc accidat. Putavit quoque Avicena ad velociorem sanievariolarum exiccationem myrica, & sandalis, & myrto, ægrorum triclinia

suffire, ægrotantelque super culcitra ex oriza, & milio, & ordeo, & fabis, & cupresi foliis imbutas dormire, quæ et si parum prodesse existimo, nocere non puto.

Variolæ sponte, vel artis Medicæ auxilio aridæ versæ, quod excidant quam citius fieri posse, procuravimus, hoc namque linimento factō ex medula ossium crurium vaccarum, aut boum commista cum cerusa, vel unguento albo officinarum, rectius assequimur: quam illinzione sanguinis columbarum, ut nonnulli faciunt. Cum autem ulcusculum aliquod reliquerint, ulceri unguento ex mineo medebimur, cicatricesque ab his relictae non eisdem medicamentis curandæ sunt, quibus vulnerum solent: nam semper partes cutis, quas occuparunt variolæ magis depresæ, & exiguis tumoribus cavatae, quam illesæ vi-suntur, & carnosorum membrorum cicatrices in plurimum eminentiores partibus proximis sanis conspiciuntur, ita ut priores, quæ foramina repleant, poscant, posteriores quod supereminet auferri, desiderent, ut priorem ergo scopum assequamur (in hunc enim impræsentiarum tendimus) quæ mediocriter calfaciunt, & humectant, simulque in cutim sanguinem trahunt, admoveare debemus, in quem usum balneæ ex decocto anthemis, chamomilam pharmacopolæ vocant, atque foeni græci, & aliarum plantarum consimilium iis facultatum prodesse valde valent, & maximè prodest, reficere corpus alimentis, quæ sanguinem purum, & ad cutim deferri aptum, gignant: ovorum ergo lutea recentia, & gallinarum, & perdicum, & hædorum caro, & eorundem juscula, cum ciceribus, & croco, foeniculo, & apio, & petroselino, (quæ vim


12. Methodus.


vim habent, ad cutim deferendi sanguinem) mansa, & bibita profundit, unguenta, & olea, quæ cutim attenuare, & abstergere valeant, conficienda sunt, ex medicamentis ad hoc conducentibus, & cuti præsertim faciei admovenda, pro quo narcisum, dracunculum, bulbum esculentum, fecem vini, tartarum, quod resina doliorum ab aliquibus nuncupatur, ab Hispano vulgo rasuras dicitur, centaurium, cum adipे gallinaceo, & argento sublimato, commisceamus, faciemque hoc unguento illudimus, prius tamen, quam abstergamus, vapo-

rationem ex decocto anthemis, transatis tribus diebus, capite, & facie linteis cooperto, ita ut vapor exire nequeat eidem approximamus, oleoque tartari, & dracunculi faciem statim à vaporatione facta abstergimus, complura alia olea, & unguenta confici in eundem usum possem, quæ brevitatis gratia subticeo, etiam quòd relatam compositionem utiliorem esse quibusvis aliis disjudico. Finemque præsenti Operi impono, & Christo Salvatori, quas possum gratias ago, quòd illud mihi in lucem edere, permisit.


LAUS DEO.











105

9.210